

叢書集成續編 第二三四冊目錄

史地類



浙江地理及其地方史

寶前兩溪志略十二卷	清	吳玉樹撰	吳興	一
照膽台志略一卷	清	鄒在寅輯	武林掌故	七九
昌國典詠十卷	清	朱緒曾撰	四明	一〇五
臨海記一卷	清	洪頤煊輯	台州後集	三二七
湖山懷古集一卷	清	陳時撰	武林掌故	三三一
湖山雜詠一卷附錄一卷	清	王緯撰	武林掌故	三五七
鴛鴦湖權歌一卷	清	朱彝尊撰	構李	三八一
續鴛鴦湖權歌一卷	清	譚吉璉撰	構李	四〇七
西溪雜詠一卷	清	朱麟應撰	武林掌故	四二一
西谿聯吟一卷	清	陳文述撰	武林掌故	四三一
湖上青山集一卷	清	吳祖枚撰	武林掌故	四三七
韜光庵紀遊集一卷	清	陳如松撰	武林掌故	四三七
新門散記一卷	清	陳時撰	武林掌故	四三七
武林雜事詩一卷	清	釋山止輯	武林掌故	四三七
	清	羅以智著	武林掌故	五一
	民	丁立誠撰	武林掌故	五四五

安徽地理

杏花村志十二卷首一卷末一卷……………清 郎 遂編輯 貴池先哲 五五九
南陵縣建置沿革表一卷……………民 徐乃昌撰 積學齋 六六一

湖北地理

沔陽州志十八卷……………明 童承毅撰 沔 陽 六六九

wt 93/03

寶鼎
上筋
兩
器
理
漆
十
一
一

吳興劉氏
嘉業堂刊

寶前兩溪志畧序

吾邑自宋錢氏歸順後分烏程東南十五鄉別置歸安縣議築城于寶前兩溪之間曰射村後因事乃寢厥後宋太守葛勝仲僕射何桌尙書倪思防禦使孟宗政高士胡仔皆居之又邑內酒稅局凡七兩溪居其二商賈之湊集人物之繁華概可想見矧如金漾之利三涼之秀寶蚌獅吼之異與夫賣錫之仙蓬頭之僧又往往托焉先世諱頊公居寶溪後尋遷于陸至元季桂屏公復遷于前溪迄今已十有五世其間古蹟名勝自幼而壯數十年間凡遇耆英宿學鄉農村嫗談及往昔之事蹟莫不歸而記之積久剖囊集之得巨冊凡九條族姪晚

寶序

椒見而喜之復加讐校闕則補之疑則辨之得十三卷惜自宋以前無可盡攷而宋以後諸書所載或闕而存疑或畧而不詳或書而舛錯數百年間竟無有出而訂之者夫士君子不得身列史官記名臣碩士之奇功偉績又不能足跡遍天下攬名山大川之勝區區著述誠無足觀然溪之南卽東林山閔光德作志以傳溪之東卽凌波塘龐太元亦曾輯菱湖志余之編輯斯集亦竊比兩公之志耳詩云維桑與梓必恭敬止孔子云十室之邑必有忠信三人同行厥惟我師是故古人平居間一言一事必問其人姓名與其鄉里之所在以至于其始終本末亦善惡之狀以想見其儀型使足動觀感

然則卽一鄉一聚獨可畧哉諸君子若見而恕其樛昧俾兩溪之故實不湮沒無傳倘亦輶軒所不廢云

嘉慶十二年清和第一日靈圃吳玉樹書于十快草堂

寶序

寶前兩溪志畧

凡例

一 凡事蹟通關郡邑不專屬兩溪者不載

一 寺觀津梁歷有興廢其年月不詳者闕之

一 人物止載實居茲土者或有遷徙他方概不附載

一 寓賢隱逸同列人物誌內其人或已詳于著述誌

者不復載

一 壺行節孝自宜表揚以彰婦德第見淺寡聞未能

遍訪伏冀諸君子採錄惠示以俟補入

一 碑銘傳記有關境地人物風化者節錄以備參攷

其他詩文繁不及載

寶凡例

一 著述為一時典章凡先輩遺書及現製鴻文俱列

其目以誌一方人文之盛

一 兩溪志向無成書今搜討歷代諸書及故老遺聞

隨得隨錄不列前後

寶前兩溪志畧目錄

卷一

序

凡例

山川

卷二

園林

卷三

園林

卷四

津梁

寶目錄

卷五

寺觀

卷六

祠祀

卷七

人物

卷八

人物

卷九

藝術

卷十



釋老

卷十一

著述

卷十二

著述

寶目錄

歸安吳玉樹靈圃氏編

山川

伊吳興號水雲鄉向矣歸安寶前兩溪柳灣竹塢舞

碧飛青水與雲清雲因水駐其閒人文蔚起物產

芸生豈非鍾山川之靈秀而然誌山川

涼山一名良山 一名梁山見趙孟頫墨刻

湖州胡志在城南三十里三峯並起形如貫珠

歸安縣志離縣三十里竹溪之西山麓有三泉

案涼山有三皆在竹溪之西前溪之北一曰北涼一

名玉陽一曰中涼一曰南涼徐葆光題沈樹本倡和

寶一

詩云秀結三涼竹有墩風流百世衍龍孫自註云村

之西有三山聳峙每山相去半里許俱名涼山即此

玉陽山

即北涼山樹木蔥鬱泉石幽勝清遠不讓峴山元趙

子昂嘗遊此有圖紀事明襄敏沈煥炳築亭臺其上

騷人名士觴詠不絕下有石池產異魚里人稱玉山

景

明吳龍登涼山詩

步入西郊拾翠微秋深葉落半依稀雲拖黛色籠松

徑月滿晴空映竹扉醉後吟聲驚宿鳥興來文思逐

雲飛陶翁自有悠然趣何用王郎送酒歸

國朝沈樹本寅馭招往涼山眺雪詩

天容釀雪欲重飄近指孤峯但隔橋知是尙書靈爽

在青松白石久相招

勝事愆期已浹旬高情重擬放溪輪先生不墜穿雲

興終作三山頂上人自註山有三峯

沈涵登北梁山詩自註府縣志俱作涼山今從趙文敏墨刻

寺拳突兀倚晴波弭棹從容探薜蘿夾徑松杉空翠

合兩村廬舍晚煙多兩村指前舊時冠劍無消息先

別業遲日親朋且嘯歌回首蒼茫雲樹遠斜陽幾處

曬漁簑

吳啟褒和友人九日登涼山用東坡遊道場韻

寶一

性愛碧溪與丹麓興來輒欲探幽谷高峯西北有涼

山囊萸仙客堪投足縈迴水勢鼎漫漫上有蒼松龍

蹠盤爪牙鱗甲空中動風雨欲來鳴飛湍年年此日

尋山出把酒狂歌專一席我今病瘦懶追攀惟對黃

花籬下植遙望煙巒聳翠鬢蒼蒼近在指顧閒鷺見

琳宮詒佳什展卷恍若同遊山燈影鬢絲讀達旦驪

珠顆顆來天半明年此會那可期茱萸醉看空三歎

附吳玉樹遊涼山恭步前韻

我志嘗在名山麓手挽天河俯幽谷男兒不作四海

遊閉戶著書寧裏足門前溪遠青漫漫屋角有山雲

霧盤生年三十不出戶巖間辜負飛清湍春雷初透

龍胎出野客提壺共瑤席庭前百草呈翠香萬樹芭

蕉手自植酒酣何妨挹翠鬢高折青芙蓉飄渺聞天

雁若我未到清遠恐未追茲山歸來抽毫哦達旦山

靈爲我來夜半從今坐臥山之巔卅年不到空長歎

南涼山

鳳潭前拱昂溪後環為前邱地脈之祖古松奇樹陰

鶴如雲人行其間衣袂盡綠產檀栢香斑文竹

中涼山

形如覆釜高不數丈產燕來笋醉翁李白桃花

鳳凰山此殆一時適聽其謬耳豈真有然耶

在射村周不數畝溪畔一小山也堪輿家言射村地

脈宗於此宋時分置歸安議築城於寶溪之上以此

山為正下有石腳乃東林山至涼山過脈也前數十

步有石根露出里人呼活石頭云

鳳林

寶一

三

在前邱西溪水迴環地形若鳳桑柘遍壟桃李成陰

水際多植綠楊烏桕紅蓼芙蓉望如錦繡產側葉柏

胭脂菌畫眉烏百舌喜雀香狸里人稱鳳林鳥語列

張鷟龍筋鳳髓點以鳳林之醋飲以烏程之茗案今鳳林

南尚有醋店村

龜墩

在鳳林產香菌形大如錢香逾蘭麝味苦不可食婦

女採之浸油潤髻

柏樹墩

在前邱清溪前溪合流于此西俯荷灣上有古柏相

傳是元時物虬幹孳雲古藤滴翠傍有冰壺閣冲陽

于吳世裕嘗觴詠其上順治間有巨鯉數百頭跳躍其下次年太史吳光捷南宮及第里人稱柏影驚魚列入勝景

國朝吳清藻柏影驚魚詩

古柏臨溪一鑑虛森森落影最驚魚涵波歷亂勾何

密映水玲瓏網未疎暗度只宜煙暝後避回常在月

生初濛梁昔日危虞少不信江湖滿地漁

龍潛渚渚本作菑因字形同

在前邱東南水深數丈常有水怪驚人里人築渚鎮

之康熙間為水冲廢溪水東流雍正間復築水仍北

注里人稱龍渚漁歌列入勝景

國朝吳崗龍渚漁歌詩

寶一

四

溪頭新漲鰕魚多溪面風微發棹歌臨水祠邊吹短

笛種桃庄外擊清波頻年嘯傲輕軒冕終古生涯讓

笠簔最是月明龍渚夜餘音嘹唳動星河

費家渚

在寶溪西

國朝陸允諧詩

採薪艇子蓆為篷暮自西來朝自東日向費家菴畔

過此間疑亦有樵風

三閒艸閣迴凌虛斜對西莊水竹居每到午時香不

斷薰風開遍白芙蓉

舊城基

在寶溪射村南俗呼南城頭宋初分置歸安擬築城於此後因需費不貲乃附郭焉上有古木云是宋時物里人稱南城古木列入勝景

明吳世濬詩

復隍遺跡寶溪涯聞道初基自趙家留得昔時喬木

在西風殘照亂啼鴉

國朝凌誼詩

岸草蔽城根遺老已難問何況樹植柯剪伐乃其分

唯餘嗜古人凭眺騁風韻

山接渚

在射村南下有石脈與東林山相接故名

寶一

五

古社壇

在射村三堡周圍數十步宋時擬築城射村立社壇於此至今里人猶不敢樵牧

國朝吳曉詩

桑柘影斜陽此焉曾報賽荒荒一坏土事往名猶在

東風燕子飛細雨社公醉欲問古遺民相對兩茫昧

寶溪一名餘溪一名射溪吳履中詩云射溪風景前溪月老伴怡情付夢中是也

勞志在東南四十五里昔有漁者見溪上有光伺之

見大蚌光從中出故名案寶蚌至今土人常于溪中或遇之輒噴冷水莫之敢近

宋太守葛勝仲卜居溪上

縣志太守卜居即今之射村也

餘英溪諸水蜿蜒數十里徑東溪橋由仙溪西畔北

至射村合西來之水東抽一派徑射村過懷吳橋合

仙溪水北注東通龍溪北由金價漾入波濤港一作港

其北流至下庄涇復分一派東流入鳳潭是為前

溪一由下昂入峴山漾產湖珠里人稱珠明夜水列入勝景

湖錄蚌類甚多其有珠者名曰溪蚌土人于七月中

沿溪淘摸百十中或得一有珠者珠有三種曰饅頭

珠曰東腰珠曰走盤珠大小不等皆瑩白有光彩通

名曰湖珠

附吳玉樹寶溪採珠行

茗溪一道西南來千匯百派從東開英靈鍾聚育萬

龍尾西合菁峯丹井泉東連寶墅蓮花渚粵古傳云

是寶溪縣巨清流十餘里沿溪有蚌大子箱春初胎

生溪水香更媚皎官月窟含微光小珠東腰饅頭

盤滴水更媚皎官月窟含微光小珠東腰饅頭

千年老珠光十丈溪深水冷誰能將傍溪一帶採珠

者鄭頭洪波如乘馬採得明珠巨賣歡歸來醉拜龍

堂下溪頭老翁髮如絲扶杖南前致詞鬚年會記

父老語訴與使君君勿疑前朝神廟增磚稅胥吏豪

雄騎虎勢內侍宣傳索貢珠徹夜驚呼胆應碎鞭笞

那惜無完膚室懸如磬空垂淚靈震怒胎漸枯溪

水雖香苦無味今逢聖世租屨蠲黜首爭同地上

仙太守清廉吏無事蚌胎肥脆珠光圓溪南少年得

巨顆至今小婦皆金細去年溪北月灣下箭得瑩

白形如錢使君何須問合浦仁風所及固皆然

寶一

六

前溪

案前溪本作錢溪自宋而後代有偉人乃假武康前

溪之名以名之前明正嘉後竟未有稱錢溪者或云

在涼山之前故名

寶溪諸水北注下昂東分支入鳳潭由月灣逾前邱
合清溪水北注波濤港經荻埕入湖跌漾

〔明〕朱懷幹自竹溪步至前溪訪太僕九淵子詩

竹溪竹箭美無比邨南便是前溪里兩溪故舊時往
還兩溪文物差相擬中有西園太僕翁高情濟物古
人風叩門欲訴胸中事世上浮雲雙眼空

〔國朝〕沈樹本詩

前溪燈火接比鄰親串招邀往返頻數徧門風孰王
謝圖將嫁娶並朱陳柳邊古岸尋詩路花外輕舸載
酒人共占柴桑行樂事兩家風月四時新自注云前
溪吳氏距
里許世
為姻好

寶一

清溪

寶墅諸水北注金價漾北折而東由龍潛渚北台前

溪達清溪橋入波濤港產白蘋

〔吳氏〕王申家乘吳寬馮孺人墓誌銘清溪之吳秀溪
之馮皆著稱歸安案秀溪
即菱湖

附吳玉樹詩
結廬涼山阿門對清溪水只合清涼人坐臥清涼裏
溪山得佳名一洗俗人耳散人得溪山不為溪山恥
暮春醪初熟盍為結知己雲來溪水青雲疑山色紫
青紫朝暮顏
莫汚散人恥

寶帶河

在射村

案射村一名寶墅河蜿蜒墅中如帶之東故名

泛金溪

在射村宋葛勝仲築亭於上葛立方詩云下瞰金溪
新結亭是也

〔宋〕葛立方泛金溪放生詩并引

余居泛金溪上暇日率同志拏小舟載魚蟹蝦蟹命
五比丘誦寶勝佛名若十二因緣法作梵唄捨之溪
中坐閒有請作詩以紀一時之事者余為書云

漁師竟日漁水族作斤賣小捐使鬼兄滿載獲鱗介
鯤鯨未易羅所得亦殊態青蛙盡公私朱鮪兼小大
霜鱸尚貫鈞土負或粘塊輪因積文螺郭索走蒼蠅
濕沫相响濡自分煮薑芥豈知惻隱人規作江湖貸

寶一

八

因呼小青翰收留舞澎湃跌坐延黑衣號佛措青瀨
經飛流水簫梵起魚山唄傾盆帶寒藻圍圍看于邁
驚疑或衣蒲喜躍或生喝快若鷹解鞴歡如囚破械
定非校人池知是餘不派願汝藉佛力永脫鈎網債
口腹聊爾耳香餌莫渠愛

北洋潭

在前溪北南涼山之南方廣數頃四圍桃柳夾岸菱
荷彷彿西湖之裏湖郡南之夾山漾

鳳潭

在鳳林深不可測靈壁令吳仕讓與金潭屠氏交好
贖二魚以歸懸之五日魚跳躍如故異而放之于潭

是夕夢白衣二童子謁謝曰蒙君解厄當世報之至
今遇風雨土人常見焉或云此魚游不越四涇之外
四涇蓋南爲下庄涇東爲百丈涇北爲涼山涇西北
爲銀壺涇也亦甚奇異產鱖魚青魚鱧魚草魚
青魚一名溪魚草魚一名鮠魚鱧魚有白鱧花鱧土
人多畜之池中俱稱池魚青魚飼之以螺蜆草魚飼
之以草鱧獨受肥閒飼之以糞蓋一池中畜青魚草
魚七分則鱧魚二分鱖魚一分十月後船販南至錢
塘東北達蘇松常鎮而止稱魚賈

鱖魚太湖產者鱗白溪池產者鱗黑更肥美鱧魚產
長江內非吳興產也土人二三月閒往江邊待江水

寶一

九

發漲時鱧魚隨流生子嘗得其子曰魚花貯于缸筐
飼以鴨蛋黃以巨舟載歸畜于池俟其大寸許分畜
之曰分魚秧

案寶前兩溪閒水深溪曲池蕩湊密土人不獨田禾
爲重而以魚蠶爲業故產諸魚倍勝他處特附誌之
亦足增名川之勝

〔國朝〕吳清藻鳳潭漁歌

來往何須西塞山鳳潭百頃卽仙寰笛聲吹出蘆花
晚始信漁簑天地閒

金價漾

在前邱南射村諸水皆會于此白蓮紅芰紫蟹銀魚

利甲諸水故以金價名焉中有三墩形如貫珠里人稱金價雨餘列入勝景

白漾

在射村東南堪輿家謂水停脈止龍秀抄迴中藏吉
地世列三台

蓮花蕩

在射村東南栽蓮特盛故名

箭潭

在射村上多箭竹故名里人稱箭潭泛月列入勝景

〔明〕吳夢陽箭潭沿泛詩

沿泛何須遠悠然潭水平天高漾清淺月出湛空明

寶一

十

畫史筆難到酒徒觴不行回頭語衲子無乃繫深情
皆云時可返緩緩歷村墟湖斂雲根起波縈石髮疎
佳期寧易得勝事已無餘更愛林閒月相隨到敝廬
吳世溱詩

穆穆金波漾碧潭琅玕箇箇影清涵不須萬里乘槎
去一棹延緣興自酣

〔國朝〕任又虞上巳日松崖子招同劉舜俞朱子操陸

彥威潘孟堅姚寵武諸君箭潭脩禊詩

春風何處不沈酣飛絮飛花滿箭潭也在茂林脩竹
裏有誰觀禊到茗南

荷灣

在前邱清溪前溪合流處岸柳參參碧波蕩漾繫舟于中宛同鏡裏東則柏墩聳翠遊魚踴躍每當風波鼓盪撥刺之聲不絕里人稱荷灣繫艇列入勝景

〔閩山詩註〕吾族禁革漁捕已百餘年例以金漾北鳳潭東週數里內不許網罟故鳳潭荷灣兩處水最深魚最聚而好善之士又樂買生釋放于其間非特傳為盛事抑亦繼前人之善果也

〔國朝〕吳嶽荷灣採蓮詞
澄波冉冉映流霞一色仙姿到妾家鄰女趁涼齊打槳阿誰唱出上林花

寶一

早銀蟾已到古籐橋

吳崗荷灣繫艇詩

紅幢翠蓋色如何好使扁舟傍菱荷帝子風流春意

在尚書門第晚涼多自註云留研堂昔為沈襄敏宅與灣相對波分綵纜

來湘女花對水壺自註云灣傍柏墩上舊有水壺閣妬月娥試向東

橋憑一聽吳郎豔曲被誰歌

三台泉

在北涼山形如三台故名中泉一名伴月泉

淘飯河

在射村思吳橋東酒肆釀酒淘飯于此故名案吳興白特勝謂米白麴白水白也先以米浸一月以水漚之使淨而後蒸成飯雜以白麴陳皮花椒釀之非但

飯不淘而米亦未嘗淘馬唯釀白酒必須淘飯其法以陳糯米浸四五日蒸作飯貯于大籬河中淘之雜以酒藥其藥十八味云是沈東老所傳釀之十八日成酒矣味甘色白性純美勝他酒即十八春也一名十八仙一名酒娘一名漿頭酒再入溪水釀一夜漚之是為白酒味辛暴矣

嶽廟灘

在射村四面空闊時當夏夜水天一色爽氣襲衣里人每於灘上納涼亦佳境也

五福潭

在射村中有小洲洲有池方廣數畝名九龍池嘗於秋水瀰漫時蓮菱芰芡紅白翠碧相倚小艇出沒于煙波之中人家隱約於榆柳脩竹之際望之翛然疑世外

寶一

馬家潭

在射村東北懷吳橋南來諸水俱停蓄于此北入金價漾產菱秧

下庄涇

在射村之北前邱西產菱最佳蓋兩溪之菱勝于他處而此則尤勝也有紅白青三種并有四角三角兩角者以四角紅菱為最

〔國朝〕吳曉秋夜與潘天行小飲詩

餘溪溪上月輪升傍水開筵不點燈風味我鄉君識

否西吳醇釀下庄菱

梁夏浜

寶一

在射村東北

案五代蕭梁時巨族梁夏二姓居此故名或云杭郡
梁氏由射村而遷雲閒夏文彥字士良其先公愛閒
處士由吳興射村而遷楊維禎圖繪寶鑑序并西吳
里語俱云士良乃吳興人

倪施沃沃一作埤俗作沃
在季子祠東里是

在寶溪

案寶溪射村倪氏如文節公見于宋史而諸書或嘗
見之聞之故老云施氏當宋時亦最盛與倪氏相埒
同居于沃故名註蘇詩之施元之其族也而郡志載
元之長興人或由射村而遷亦未可知然無可據嘗

寶一

十三

與族姪晚椒語之晚椒曰余童年時施氏子孫尙多
余伯叔輩與相往來會記有一老者顧余伯叔曰我
施氏居此數百年先世曾與蘇東坡友善云云時余
在旁竊識之比後余應童子試遇施龍光先生問余
居處余以射村對先生曰我施氏先世亦居射村後
乃散處不復能聚族矣并云世所傳施註蘇詩即我
遠祖所註也據此所云與東坡友善之說實非無因
特以式微無譜世遠年湮適滋謬誤耳施龍光名謙
三歸安宿儒

前邱

府志在歸安二十七都

縣志屬崇禮鄉崇禮里二十七都

今屬十八區一百八十一庄

產玉蘭煙草絲絲綵綉

案煙草吳興之南唐棲產最盛前邱太平橋唐兜圩

一帶所產尤佳人稱賽唐棲云

戴璐吳興詩話康熙中葉後吾湖詩派極盛於竹墩

前邱

國朝吳景旭讀張羽前邱看梅詩并序

元末張來儀徙家吳興之菁山密邇敝里時相過從
有奉同西軒先生前邱看梅之作余讀之追憶祖先
種名花交名士為可詠也謹依原韻
依稀夢想滿溪梅三百年前着意開先世盛傳耆舊

寶一

十四

事香風定遂詠歌來花資粉蝶欺殘雪客引鳧蹤上
綠苔更是深情尋墓道一燈禪院自縈迴自註云來
院詩院在烏程施家橋今
廢其地為我吳氏墳墓

射村一名西吳一名寶聖一名思吳

府志在歸安二十八都

縣志屬崇禮鄉二十八都

今屬十八區一百八十四庄一百八十五庄東屬崇

禮鄉西屬長壽鄉

宋時設西吳長壽二酒局徵稅縣志西吳係買撲坊
本縣催課長壽係戶

部差官監造案歸安酒局凡七射村居其二
平陽樞鑰射村屬歸安縣龍至此小圩團簇水神路

路交會疑結穴情不下十數處村之最西先結一小
突圍金穴次東長圩結一雙鉗小穴再東小圩結一
缺角窩穴稍北結一單鉗穴右沙作案借缺角穴地
為印案再北一圩形體稍尊結一雙關大突穴其東
南大圩連結三穴南為開口騎龍穴西北東北三角
各結雙鉗穴其北一圩為嶽廟廟西為吳氏墓乃突
中展窩之結也氣雖一節堂砂俱妙再東為和尚墳
吐唇結穴氣納全圩亦橫落局也再東南一圩為吳
氏墳乃單關局穴情圓活又得下砂逆抱有力再東
隔河相望為周氏墓乃藏口窩穴結法甚奇又西北
小圩有穴收倉板田源亦佳統觀全局結穴不下數

寶一

十五

十處各立門限至其勢則全在水神路路逆折
而西與村西諸水交合且下關後托俱大砂大水乃
羣龍會合局也相傳宋時欲築城於此殆取水城逆
流故歟

產三白酒亦八仙酒蠶豆絲縣紬

索射村釀酒最佳冬月釀者曰臘酒春月釀者曰桃
花酒他處春釀者不能久貯惟射村釀者能經年以
溪水清冽故耳

十八仙酒詳見海飯河下

蠶豆處處皆產惟射村產者色綠質細異於他產
縣紬有三種曰勤着曰客紬曰杜機婦女抽絲作線

而成者湖婦吟云蛾口不作絲蛾口作絲還打線左
手擎綿又右手蘆錘旋縷轉如妾心一日幾千遍湖
錄云唐時土貢有縣紬出歸安之菱湖者最佳今前
邱射村所產細光瑩白冠於他處皆驚於菱湖市中
故獨以菱湖名耳

明吳世清西吳酒肆詩

西吳春色映青帘淘飯河頭旭景暹今日朝家無酒
稅當鑪兼頌長官廉

村之屬曰長田曰東邊曰油車曰香田曰雙滄曰斜魚
曰小溪曰西庄曰靈邨曰胡家曰馬家曰東射曰三
支曰寺前曰梁夏曰醋店曰銀河曰良山曰水北

寶一

十六

寶前兩溪志畧卷一

寶前兩溪志畧卷二

歸安吳玉樹靈圃氏編輯

園林一

人不以地傑因地愈彰地不以人靈得人尤著半山半水雅有高人一壑一邱豈無達士或見之書帙或垂之詠歌悉記之以備好古者討搜誌園林宋尙書倪思宅

在寶溪倪施汰

宋防禦使孟宗政宅

在寶溪南孟家沈

宋太師孟珙別業

寶二

在寶溪西國朝雍正閒土人於宅傍掘地得玉章數顆古玩甚夥

東林山志宋魯國忠襄公孟珙築別業于寶溪之西常遊錦峯建通錦橋以便陸行

西庄別業

在寶溪西庄田東塋孟之縉墓傍之縉子孟滄築之縉墓里人稱孟滄母墳

瓢飲亭

在泛金溪上宋太守葛勝仲築

宋葛立方詩并序

昔文康公築室泛金溪上闔門千指朝壘暮鹽未嘗

以貧爲病嘗因溪結亭號曰瓢飲蓋欲稍見慕賢好古安貧樂道之意

我不學許由隱煙霧得瓢不飲唯掛樹又不學德義居虎邱帶瓢入市嘗騎牛分無玉甌囊古錦病渴文園只瓢飲下瞰金溪新結亭未須飲吸如長鯨但願金溪化爲酒歲歲持瓢醉花柳

觀禊堂

在寶溪岳廟離宋太守葛勝仲建案太守孫葛勝仲築隱安別業於青山浙江通志作在射村

宋葛勝仲觀禊堂詩并序

寶二

晚歲居寶溪之上建觀禊堂于水濱紹興癸丑與客泛舟脩禊甚樂距永和癸丑不知幾癸丑矣因與客推算自永和九年歲甲子一週爲晉義熙九年又一週爲宋元徽元年自後梁大通元年隋開皇十三年唐永徽四年開元元年大歷八年太和七年景福二年周顯德二年本朝祥符六年熙寧六年皆歲在癸丑凡七百八十年矣乃作詩以紀其事

快雨霽亭午晴曦作春妍鄰曲饒勝士共開浮棗筵中流愜嘯詠隱浪金盃偏紅菱初出水捧劍疑來前緬懷蘭亭會七百八十年可憐右軍癡生死情纏絲由來彭殤齊願或謂不然吾黨殆天放卜夜就管絃六尺細腰女舞袖輕回旋且畢今日歡不期來日傳

明吳世濬詩

蘭舟簇擁彼都人桃柳春衫一樣新
紀歲何須仍癸丑年年三月有良辰

宋尙書僕射何奩宅

在寶溪安居墩今改佛宇中有銅鶴猶存傳是尙書故物

漁隱居

在寶溪胡家墩宋高士胡仔隱此

漁隱叢話余卜居苕溪日以漁釣自適因自號苕溪漁隱臨流有屋數椽亦以此命名僧子宗善墨戲舉筆瀟灑爲余作苕溪漁隱圖

寶十一

宋胡仔自題漁隱居詩

溪邊短短長長柳波上來來往往船
鷗鳥近人渾不畏一雙飛下鏡中天

秋雲漠漠煙蒼蒼蘆花初白蟹初黃
釣船盡日來往處村南村北稻花香

卷起綸竿撇擻歸短篷斜掩宿漁磯
日高穩睡無人喚撓亂楊花繞夢飛

又滿江紅詞

泛宅浮家何處好苕溪清境占雲山
萬疊煙波千頃茶竈筆床渾不用雪
簑月笛偏相稱爭不教二口賦歸來
甘幽屏紅塵事誰能省青霞志方高
引任家

風舴艋生涯笮簪三尺鱸魚真好膾
一瓢春酒宜開飲問此時懷抱向誰
論惟箕穎

耘老水閣

在寶溪宋賈收別業太守蘇軾嘗過
之作詩畫以贈後收建懷蘇亭于閣左

漁隱叢話耘老水閣景物清曠東坡
作守時屢過之題詩畫竹于壁沈會宗
賦小詞其後水閣屢易至今

已摧毀久矣遺址正與余水閣相近
同在一岸景物悉如會宗之詞故余有
詩云三間水閣賈耘老一曲新詞沈會
宗無限當時好風月如今總屬績溪翁
宋蘇軾乘舟過賈收水閣收不遇見其
子詩

寶二

四

愛酒陶元亮能詩張志和青山來水
檻白雨滿漁簑淚垢添丁面貧低舉
案蛾不知何所樂竟夕獨酣歌嫋嫋
風蒲亂猗猗水荇長小舟浮鴨綠大
杓瀉鴉黃得意詩酒社終身魚稻鄉
樂哉無一事何處不清涼曳杖青苔
岸繫舟枯柳根德公方上冢季路獨
留言已占蒲魚港更開松菊園從茲
來往數兒女自應門沈會宗天仙子
詞

景物因人成勝槩滿目更無塵可礙
等閒簾幕小闌干衣未解心先快明
月清風如有待誰信門前車馬隘別
是人間閒世界坐中無物不清涼山一
帶水一派流水白雲常自在

案耘老水閣漁隱叢話載之甚詳郡志誤并入浮障閣下

孝義堂

在前溪明處士吳宗益與弟宗義建以紀恩

明憲宗實錄宏治六年七月庚戌浙江歸安縣民吳宗益及其弟宗義皆好施頻出私財助有司賑濟得授其父冠帶宗義卒其子璋能承父志周急舉義會歲歉以父所遺白金千餘兩送官以充賑貸更捨私田十餘畝籍之於官為義塚設義學三延師以訓鄉人子弟歲時資給之各鄉民無屋者與之船病者授藥死者給棺望仙諸橋官澤諸路多所脩築者守臣疏上其事上曰旌別淑慝使民之為善而不為惡也故古之士有節行者無不褒表於世吳宗益宗

寶十一

五

義兄弟既有諸善良可嘉尚宜特旌為孝義之門俾民皆知所勸

明劉定之孝義堂記

吳君宗益與其弟宗義事厥考種德翁承顏順志既沒廬其墓尤以好施得譽鄉邑開正統庚申歲饑捐粟為石一千助賑蒙賜璽書旌門蠲其家調役景泰戊戌又饑復捐粟為石二千助賑例當冠帶宗益與宗義相謂曰吾所捐者皆先人所遺欲移以追榮又非有是例也更捐四百石詣闕陳情懇移榮厥考上允其請復賜璽書旌孝義遂製冠帶如生者服祭而焚之且繪其像懸於堂之北壁迺顏其堂曰孝義復

請余記余惟孝與義同是心耳以是心施於父不忍父所無而已有之也謂之孝以是心施於他人不忍他人所無而已有之也謂之義施於父者其親也施於他人者其疎也向使吳氏兄弟於其所親而非有是心焉則於其所疎而豈有是心哉由親及疎是心無不貫其所施者皆無間隔而有差矣斯堂之顏庶足為子孫法是為記

錢鉞重旌孝義記

宏治壬子之秋上患浙西之民墊於大浸而餒於艱食也思有以援而飫之乃簡命戶部左侍郎吳公乘傳來視茲土拊循其人民公至問斯民之利病而罷

寶二

六

行之發庾庫之儲積而賑貸之請內帑之羨餘而補助之猶以為未足乃勸民出粟有差以佐其費是時浙之屬郡凡十有一其民豐於貨者皆有以輸於官而湖為最雖甲於他郡而行之有道施之益勤者前邱吳氏為最宗義之存也嘗與其兄宗益輸粟於公庾以石計者凡三千四百既而榮其父安敕旌孝義賜安冠帶宗義之歿也以白金三千兩遺其子璋而囑之曰必為義舉及是璋等不待勸率輒以白金輸之官實為穀四千石璋又能拓父之義弗怠益虔教鄉人子弟有塾掩遺骸有園免厲揭有梁病濟以藥喪濟以椽聲聞日彰徹公廉得其實謂不稍加旌異

無以彰孝義之美乃疏其事於朝上曰既有諸善良
可嘉尙宜旌爲孝義之門事既下璋捧檄歡忭大其
坊門且以移文刻諸石侈上之恩彰公之惠揚父之
美也嗚呼世之積高官承厚蓄享先世之遺庥遺澤
者何可勝數其務荒感者則琳宮紺宇肖佛老之瓌
怪以資福素鄙吝者則貫朽粟陳而不貸人以二錢
一粟稍謹厚者則廣田園營藪澤以爲子孫利孰知
肯堂肯構以揚親之美乎又孰知恥積樂施以周人
之急乎今吳氏父子眾稔其孝物飽其德使雄於貴
者皆如是何患墊不援而餒不飫耶余嘉吳氏父子
世濟其美故樂爲之道以風厲乎世云

寶二

七

明華璉詩

茗川有佳士風義動簪紳推羸乃郵賈謫我胸中春
厥後克步武盛名亦相因自茲勞剌薦褒章下楓宸
麥舟事已往孰謂今無人

袁孟梯詩

我昔藉招邀我冠坐賓席多君有至行歛手恆歎息
至行信何如子道良脩飭始終誓不渝繼述昭先德
況茲嗜義心孳孳如罔極揮金與捐廩曾誰有難色
購藥起沉疴桐棺溥周急義冢紛纍纍幽明應感激
聖皇重風化大書表厥宅太史次第收休光永無斁
楊子器詩

人生貴自立暴棄良可傷美哉延陵裔德業日已昌
君酬親亦顯爲我扶綱常

呂獻詩

綸音下西浙累世旌門閱睽茲濟物心父子同一軌
始知金玉不可藏能使義士垂休光借問安居華屋
者如何不念民疲尪

陳霖詩

周貧不惜萬金資樹德由來貴務滋三世家曾沾帝
渥一腔春已療民瘼名齊文正當時重緒續堯夫天
下奇相古先民在今日不須重讀義田碑

吳祚訪宗至湖登孝義堂詩

寶二

八

去湖既已久尙感同宗恩相逢話疇昔世澤日以愔
幸哉荷天寵闢此孝義門

承恩堂

在前溪雀竿泐明吳安宅宣德間建桂蔭挹星兩樓
於後時宅前忽生玉蘭占者曰此堦前玉樹後世其
昌乎迄今屢數百年此花尙存本大數抱高可五六
丈蔭覆數畝花時香風遠襲人行其下恍入珠峯瑤
島里人稱瑤花籠崇禎間裔孫吳世裕建介眉堂於
右寧壽堂於左今改爲光祿吳應芬祠

明周天球前邱看玉蘭招同人雅集分韻

前溪春霽雨初乾驚見名花出上闌一葉未抽稍竹

翠千葩齊發照波寒差參承露疑攢玉複郁間風錯
認蘭燕賞可能追謝眺新詩難續藥珠冠

文徵明詩

孤根疑自木蘭堂怪得人呼作女郎繞砌春風憐謝
傳一天明月夢唐昌冷魂未放清香淡深院誰窺縞
秋長漫說辛夷有瓜葛後開應不愧穠粧

彭年詩

海內無雙海外聞此花應向此中分弄春漢女遊春
渚冠玉湘娥倚暮雲風度雕闌香掩冉光搖綵筆思
紛紜昔年騎鶴揚州見清夢時時疑似君

文仲義詩

亭亭玉樹似凝脂香滿枝頭度酒卮況在瑤階明月
下教人錯認白辛夷

文彭詩

色比玉同潔香分蘭更真瑤花有別種不數廣寒神

顧雲龍詩

芳庭春雨足皎皎發奇英比玉情同潤如蘭氣與清
風前撐雪障月裏擁珠屏漫說揚州勝瑤花不負名

黃守曾詩

瓊瑤還讓色蘭蕙更辭芬始信林爲玉方知樹卽雲
藥妃遊洛觀漢女弄江濱自愧兼葭質臨風得倚君
金用和孔加輩七子玉蘭作

寶二

九

名園琪樹傍池栽素藥幽葩似雪開石磴氤氳香霧

合仙山飄渺玉人來瑤簪擬向波心亂珠袖應憐掌

上迴自是林亭金谷勝更多詞賦建安才

沈大謨詩

種得玲瓏水上枝恍疑開鏡洗粧遲英英粉合雲容
瀟灑浥香凝露液滋浪有凡花迎日笑曾無纖葉受
風吹最憐竹翠搖相映玉樹琳琅影陸離

王穀祥詩

皎皎玉蘭花不受緇塵垢莫漫比辛夷白賁誰能偶
陸師道詩

楚畹風清夜藍田日暖時色香元不異臭味本相宜

寶二

十

檻淨雲封樹池空月滿枝騷經倘收錄豈復數辛夷

吳景直玉蘭初放招同人雅集分韻

曉鶯啼罷綠楊時何處香風遶習池園苑自多天上

樹瑤華還擬月中枝暫將曲水供觴詠好倩閒雲發

藻思沈醉尊前期卜夜巖城刁斗不須疑

國朝蔡茂亮桂陰樓詩

何須梯月訪瓊樓已立人間最上頭庾子屐來稱跌
宕趙公笛罷豔風流箱儲青史縹緗富桂碎黃金華
萼秋應是嫦娥攀折處一枝飄下異香留

吳履中梅蔭軒詩

爲負梅花癖移根植小軒最宜殘雪綴亦愛綠蔭繁

書案香微逗疎枝鳥不喧隔墻分雅韻奚啻傍名園
吳昭融承恩堂玉蘭詩

滿天晴雪眩銀海高撐百尺摩雲壘月出欲奪蟾蜍
光清氣逼香妬真宰磊落臃腫幾百年此龍老幹壓
堂前爛漫渾如不夜天瑤妃玉女墮釵鈿榻來容賞
花枝下芳草如茵泛杯罽樂極不知感慨生轉憶當
年顯達者玳瑁筵開歌舞陳遊絲不動花無塵奕世
簪纓三壽客一堂文獻七朝人可憐滄桑閱朝代珠
璣零落長蒿萊身世茫茫如電光尙留古樹巍然在
君不見海湧峯頭玉樹高下視吳苑花如毛宣和艮
嶽久灰燼行客過此酌香醪由來喬木能壽世況是

寶二

十二

文章舊門第年年玉色照欄干歲歲蘭芬繞塔砌玉
色蘭芬無盡時回首童年歲月馳人生不得作樑棟
日暮攀條空愴而

吳森蘭雪中歸探玉蘭花信詩

森蘭字初山號小壺
子嘗與茗上諸君賜

詠花下有集益齋
倡和詩若干卷

敝廬寡春色柔竹但植枒幸留百年樹轟轟萬卉花
與蘭應同臭似玉絕無瑕高疑承雲表低且迎風斜
照雪看尤豔映月色益嘉不辨花雪月一片來貧家
茲歲正遇雪花猶未茁葩復惜花放時已難待月華
往問司花者豈非薄我耶衡門雖席爲曾枉長者車
無雪亦無月爲花灑怨嗟好俟春雨足旭日烘丹霞

相籍花下地對花笑啜茶

又謝諸君賜和再疊前韻

禿管乏媚姿偶拈若枯枒誰能滌雪椀里言玷此花
榻來得雙璧連篇攻我瑕何止瓊瑤枝清香壓帽斜
花神應有知定云如君嘉我占花十世傍花以爲家
廿年隨蓬梗孤負斯奇葩陽春落君手與花添芳華
帶水漾扁舟前溪非若耶君等幸顧我或可托後車
村釀一以貰勿使花咄嗟所懼花前吟綸紛如綺霞
甚愧此俗腸盍浣之莼茶

王孚亭辭看花之約再疊前韻

今年春較晚芳柯猶杖枒天公作巧局欲留冰雪花

寶二

十三

塔前一夜雪玉砌皓無瑕擬放前溪棹樹底看橫斜
初無酒既旨亦無肴既嘉譬如訪戴意豈必定到家
君云將貰酒邀我探奇葩酌酌尋一醉攜手遊春華
多此一公案此語來毘耶謂君且繫棹謂君且停車
鄭重違君意亦莫便長嗟溪荷六七月爛爛如紅霞
俟作逃暑會嘗君瓜與茶

至西齋有約看花值雨不果再疊前韻

造物一何酷雨絲紛枒枒裁爲漫天幃護住前溪花
花前竟無我毋乃花之瑕遙憐溪館傍煙重玉枝斜
如此惡作劇風味頗欠嘉要須命力往柵載攜回家
粉飴熬作餅和露餐香葩猶勝泥沙路踐踏此春華

問爾罪罪者尙奈我何耶但恐貪饕口疾如流水車
一舉盡百十飯罄復生嗟終當鼓短柵新晴趁晚霞
樹根盤礴坐消受一杯茶

附吳玉樹題集益齋王蘭偈和詩卷并序
家太僕西園公與海內英賢交遊倡和饒富得四十
卷名曰士林珠玉恭靖蔣公瑤贈詩有云玉蘭花下
重攜手砥是勿復未倒壺之句文衡山嘗爲此花寫
真一時騷客題詠幾滿真本今藏郡城趙聲望家余
每索觀想見前人風雅不勝神往方伯止庵公亦有
玉蘭偈和詩至國朝學士易齋公同先大父表雪
府君嘗與名士觴詠花下結雙溪詩社辛酉余訪求
先輩玉蘭吟詠惜多散佚得讀茲卷不無愴然有感
卽用原韻并繫之序
僻墟幾百載留斯古榭漪漣前溪流掩映瓊瑤花
鬼神日呵護毋使汚穢瑕迎風香郁郁籠月枝橫斜
陽春二月三月眾卉靡不嘉春風滿寰宇何獨歸君家
漫天撐珠障簇簇堆奇葩縱橫吳越間誰與爭繁華
凌波飛雀舫殘燭朝名高蓋來若耶排空闕險韻奇
文盈五車霜露易朝代散佚增嗟往復花下人忽

寶二

三

忽如流霞主人自
珍重莫惜花前茶

聚景園

在清溪北明吳玳築壘石疏池亭榭軒檻爲一時名
勝鉛山費榮作傳以贈

西園

在前溪明太僕吳龍別業有棲雲洞適閒窩承霖沼
款鶴橋喚魚亭聽泉亭龔香亭靜觀亭萃勝樓擷芳
徑諸勝名人題詠饒富太僕敘爲四十卷名士林珠

玉里人稱雲洞聽
泉列入勝景

明顧應祥西園十景詩

棲雲洞口適閒窩小沼承霖半畝多款鶴夜涼吹鐵

笛喚魚春暖動晴波泉聲入耳鳴環珮花氣生香襲
綺羅萬物靜觀真萃勝擷芳歸去興如何

王慎中詩

吳興最是佳山水況復名園選勝開曲引茗溪通絕
壑平分峴石作層臺琴書到處無塵事花鳥三春有
酒杯他日南遊天目頂從君清暇一徘徊

顧聞詩

先生昔年辭帝鄉高臥湖州舊草堂聞說西園多妙
賞長留花鳥醉斜陽

文徵明詩

死生一大夢卽景可高歌峭石生梅薜名花掛薜蘿

寶二

十四

承歡居第近避跡此園多寄隱非邀譽著書聊自摩

韓千秋詩

小築成高隱茗南太僕家蓮因經露冷竹爲受風斜
逕僻分陶菊墻陰種邵瓜無邊好光景長此老年華

文彭詩

聞說西園麗景清西園真個可怡情鶴歸松頂茶煙
裊魚戲蓮閒竹影橫有客頻來非襍穢問誰酣詠足
生平勞勞塵世知無謂何日隨君自在行

蔡汝楠詩

政蹟才華舊有聲西園結構見餘情亭臺窈窕隨心
置洞壑新奇觸手成處處鳥歌人意靜朝朝花笑酒

杯盈乾坤難得身長健放棹何嫌百里程

吳時雨詩

西園尋逸趣到處覺幽閒虛閣生清翠孤雲獨往還

花多不礙路石臥自成山名利經年逐柴門今始關

無名氏西園勝景詩乾隆閒掘地得碑書法絕類衡山乃詠西園勝景詩也缺其首

尾止得詩六首首四句今藏吳蘭庭家

靜觀亭

萬籟紛相競空亭坐獨看春風隨處動生意滿闌干

喚魚亭

文魚散金鱗疎藻縈池鏡開亭俯清流日動濠梁興

款鶴橋

寶二

十五

清流映皓羽長風吹高音橫空忽延伫正愛月窺林

適閒窩

長日坐無事虛室自生白紛紛人世閒真堪擬安適

襲香亭

春山幽意足萬卉繞亭閒芳香疑不去風日若爲關

聽泉亭

縈泉通亂石隔林落寒聲坐聽酒初醒無風秋自生

北園 一名北墅

在前溪有喬松二枝明光祿吳應芬手植後有雙鶴

來巢建來鶴軒以紀事傍有觀生堂讀書臺觀山閣

塔前石罅多生南燭子即南天竹高可丈餘幾數十本子

密盈斗四圍高懸或有徒種他處皆不生子復移園

中仍茂如故里人稱松風和鶴列入勝景

國朝吳啟褒來鶴軒詩

芳園前輩讀書臺花底婆娑掃綠苔松色軒名俱不

改只憐鶴去幾時來

沈樹槐北墅雪集詠南燭子詩

北墅招尋犯曉過纍纍朱實壓庭柯英華豈爲凌寒

改光燄翻因帶雪多未要青精傳隱訣誤拈紅豆按

新歌燒殘絳臘催佳句手冷誰將玉管呵

吳曙觀生堂小集懷二弟易齋詩

蕭蕭荒徑長青苔傍水柴門特地開共約雙溪文字

寶二

十六

飲同登小弟讀書臺客當聽雨皆停屐我正看雲懶

舉杯不信近時無好句西堂枉自夢頻來

吳椿齡葺治北墅既成詩

葺就前溪舊草堂數椽恰稱野人莊山中未辦千頭

橘宅畔先栽百本桑入世嬾如蠶斷葉謀生悔比鼠

搬薑而今也有消磨處淡飯粗茶可得忙

蝸殼蜂窠一徑深戶窗大半碧苔侵往來并謝山僧

約剝啄還防社友尋疊石層層舍草色縛柴窄窄破

松陰桃筍偃臥頻欹枕信口婆和作醉吟

曲徑蒙茸遠市寰天教面面襯青山數竿竹學主人

瘦一片雲隨童子閒欲使形骸同草木若無針石砭

癡頑未妨且作十年住牢鎖蓬門不啟關

附吳玉樹竹枝詞
雙松斜覆讀書臺夜夜銀屏次第開儂似松心郎似
鶴月明千里或飛來

下莊別業

在寶溪下莊涇明光祿吳鳳築

得閒堂

在前溪南明太僕吳龍宅 俗呼南宅

明張楠得閒堂記

夫人容於兩閒何其逸者恆少而勞者恆多也夫好
逸惡勞人之恆情然而孔席不暇暖墨突不得黜周
公握髮吐哺大禹胼手胝足則又有貴於勞者何哉

寶二

十七

夫固各有時也士之幼而學壯而行盡忠所事以樹
勳庸於國家流聲華於海內則其勞也固有取也至
於勇退急流而置身於山之巔水之涯與春鳥同其
娛秋花同其潔清泉白石同其居升沈榮辱一棄而
不之問是不亦天地閒一大快活人也耶夫裴晉公
有綠野之堂陶淵明有五柳之宅司馬公有獨樂之
園亦尚有之至於履危機而不知止耽厚寵而不知
足卒至辱身敗名以貽天下後世笑者是又豈少也
哉此得閒之堂九淵吳子之所以足取而亦人之所
以取吳子也吳子以經術用世發軔江藩立身潔而
以才能著既而擢南太僕簿遷零陵令清介勤敏猶

夫初志賢勞歷記試見功名乃歎曰事可已矣年且
近衰吾何以老於是耶遂捐簪紱恣諸所謂西園南
畝鳳潭寶溪者隨時眠食即地憩賞而春風引鶴霽
雨呼魚拂露看花吹雲飡蕨謂非得閒者而能若是
乎吳子之勳名才節雖自謂未擬裴陶司馬然而知
止之心得閒之堂名堂之勝則固不以今古而有閒
也夫樂於身而無憂於心譽於前而無毀於後知其
所以得而復思其所以失今之人蓋亦鮮矣吳子其
亦見道君子也夫

寶二

十九

寶前兩溪志畧卷二

歸安吳玉樹靈圃氏編輯

園林

涼山別墅

在北涼山明襄敏沈燉燦築

縣志涼山離縣三十里大司空沈襄敏築亭其上

明崇正八年沈允培重修改為永慶禪院立襄敏公像于院

山之北麓有泉曰伴月石壁峭立古樹陰深築臺於泉之北公嘗玩月於此時將軍劉挺謁公於別墅酒酣舞刀於臺上松號竹嘯泉水為之震沸觀者如堵

寶三

遂號將軍臺遺址尚存

國朝厲鶚詩

中田一拳石落景淒百卉亭館野僧居侈剝今餘幾廢池浴獨鶴亂勝嘯山鬼堂堂太傅公平蠻功最偉雲霄史臣筆風雨羣小誹至今行樂地草木眾猶躓相攜到來孫清論翩有斐晚風吹漁歌秋入西塞尾射堂

在寶溪射村明高士吳夢暘宅內有知山閣池雲館勾字諸勝

寶溪一名射溪公宅居溪之上故名射堂堂畔建知山閣四面皆虛而西南尤曠菁埭諸山羅列几席閒

公意蓋謂一切世事槩所不知所知惟山耳故名

明茅維招隱曲

射堂春水噴平隄隄上垂楊百尺齊銅甌竹爐安小艇白衣同透出前溪

門外清溪溪上田溪頭斜繫放生船抽經寫罷無餘事古寺松風到枕邊

自註允兆宅近古獅子吼寺

吳夢暘射堂雅集詩

猶是平生習流連舊酒徒春晴競花柳水漫止鷗鳧勝會不時得好懷何日無荒庭還種樹勿遣白雲孤知山閣落成詩

溪外諸山溪上樓一時朋好看山留江湖盛世堪肥

寶三

遁詞賦浮名易倦遊蛙遶荒田聊鼓吹筭抽新雨亦盤羞當知達曙悲歌意不獨殘樽惜別舟

茅維寄懷知山閣詩

閩觀老無事

自註允兆晚號閩觀居士慵復親筆札突兀知山閣

鈎簾日捲頰鏘鏘有諸孫差不愧門閥人比麗居士

一家脩白業鄰曲苦勦之豈足絆高轍吾鄉山水隩

百未一掛睫何時驅黃犢行歌互相答想像渡遼翁

藜牀膝穿榻

章敏學過知山閣詩

攜壺來問字相見倍加餐曲几夕陽滿虛窗竹影寒溪頭無客至樹杪有山看爾自閣中老婆婆嬾着冠

閉戶非因病讀書不爲名今宵除別夢連日論交情
白雁驚風斷斑鳩喚雨晴相攜呼老伴燒燭一樽傾
又池雲館有感詩

儵然水竹掩清芬客有吳郎不如輩但挾風騷堪避

暑況持名理賤論文孤亭萬象籠青靄峭壁飛花墮

白雲試問平津開閣處何人攜劍掛秋墳

甫謝世允光將
之燕經紀其喪

國朝姜虬綠訪知山閣詩

溪上羣山依舊斜溪頭貌閣跡何賒談詩直自嘉隆

際掃榻曾經趙李家遍野黃雲惟是麥隔牆紅影尙

餘花偶來一訪高人宅秋草佳名倍足誇

寶三

明吳夢暘勾字記

閩觀居士偶葺老屋一間于射堂之側面西而牖下

撫喬柯荔薜几席間延野色三娛也願一啟扉而達

牖下過客患其竟界以曲欄是名勾字循欄而東踞

室之腹竹規其頂若覆瓦然聖飾之間閒生虛白長

洲朱珍縱筆圖老梅於右壁左壁設木榻隱几而坐

可忘永日又東入爲竹垣嚴步障繞其後寢室在焉

由東壁達而牖高下三級凡若干步水石花草縹緗

文具遠近雜置輒遇蕭散之致有客過而適之居士

則廣之曰昔先聖居勾吳此吳之自始而勾則無所

取義特荆蠻之發聲耳竊聞聲之成文者謂之音勾

殆無文之聲斯爲不鑿直之至也迺余束髮嗜古老
無所窺私有慨于靡靡者之不返而恍然於無文焉
致思勾乎勾乎吾返吾直焉已爾客盱衡而起曰有
是哉子之爲直也我方適子之適又無奈其誕何居
士笑曰客休矣山童報茶熟姑與客婆娑乎曲欄之
下

寶溪漁舍

在寶溪明高士吳夢暘別業

明范炳寶溪漁舍記

漁舍者漁父所居室也漁父生於寶溪之上本儒家

子少嗜讀書後復嗜遊遊多在山水間不必名勝往

寶三

輒忘返其友見而數之曰子年方口艾不思有所自

樹而顧遨遊放逸荒其歲月已乎漁父慨然歎曰子

烏知予之志哉夫士貴知己今舉世不我知我者

惟此青山綠水耳而子願欲我謝莫逆務馳聘人生

百年能得幾旦暮而乃舍所適意求所難遂哉其友

以爲誕而去之越數載漁父情益衰志益放性益癡

生計日益拙漁父自度終無以過人謝絕時事閉戶

不出自命曰漁因名其所居曰漁舍眾漁人狎而父

之志其衰也然漁父非能漁也知書愛古凡諸子百

家及詩賦文辭頗能通曉往往從鄰舟買水鮮攜斗

酒放歌溪山之曲曾作歌曰幾折溪流幾折山窮

別泛一溪灣何由減得溪山好今日悠悠又不還其
自道如此醉卽枕於舟中夜深月上灘空無人憂然
長嘯宿鳥驚飛飄飄乎若不知此身之尙在天地間
也是有類於漁云久之眾漁人不樂漁父所爲將散
去中一人解之曰漁父故業儒垂老不得遇其人迂
而少成事卽漁亦不得魚也吾儕與漁父從事有年
而漁父無稍忤色殆所稱獨行之士非耶於是觴漁
父於寶溪之濱而爲之歌曰溪之水維魴及鯉旣多
且旨吾子其以漁父扣舷而和之曰溪之陽維鯉及
魴子而我將樂其不忘眾漁人乃撫掌大笑曰我固
知漁父可與言者遂相引而去眾漁人囑敘其事如

寶三

五

此因筆之以爲記

明米雲卿詩

寶溪漁父住溪西綠樹平橋煙水迷茅屋數間非避
俗野花一徑自成蹊晚開山色沾新釀秋染楓林補
舊題最愛年年芳草長東郊散步聽黃鸝
寶溪漁父不知貧自謂義皇以上人夜夜虛庭明月
滿朝朝小圃好花新放舟獨往雲千疊把酒高歌水
一津乘醉未妨隨處宿沙頭魚鳥日爲鄰
寶溪漁父澹無爲綠水青山常自隨兩岸芙蓉偏若
若一灣楊柳好垂垂歸田彭澤黃花老築室廬峯白
社遺我亦乘槎從此去滄波飄渺有餘思

寶溪漁父掉頭情且向空灘酒獨傾醉眼婆娑天地
小閒身強健利名輕日斜遠浦餘霞散雨過平橋芳
草橫一片煙波人不見綠篔簹青窈有誰爭

茅孝若詩

任俠君不諱中年頗自豪山東訪屠狗馬上講龍韜
控產猶疇曩揮金非我曹幡然投白社花下理漁舸

吳夢陽漁舍落成諸友枉過詩

棋局茶璫客供貧窗前魚鳥日相親諸公自有滄洲
興非是漁郎不避人

一曲晴波放釣船夕陽初下月娟娟若尋好景忘歸
處更在斜風細雨邊

寶三

六

樂餘園

在寶溪射村松崖居士吳晟別業內有樂餘軒滌硯
池參魚港飲酒臺踏花徑坐暑亭醉石處積香居諸

勝

國朝吳晟樂餘園記

松崖子闢地於草堂之前構屋三楹四面窗櫺映徹
檻外圍以朱欄屈曲繞廊其狀如舟泛泛然樹影搖
青苔痕點碧若置恬波靜浪中與山色水光相接也
爲壇於軒之前隔五六步長可三四丈雜種牡丹水
仙芍藥蜀葵海棠鶯粟繽紛厯亂開落相續以薔薇
架畫界爲內外屏其外爲石徑以通往來植玉蘭紫

薇梧桐臘梅以覆其上逕下則方池臨焉長踰於壇而廣不過丈餘週遶石欄曲梅數株橫斜水面倒入波底與天光雲影相宕漾游魚疑爲荇藻而啖之池上橫一短橋過橋而南則達於戶外池之西爲積香居坐暑諸亭池之東疊石爲臺坐客六七人可飲可奕可琴可枕南瞰平湖清瑩一鏡西插羣巒峻嶒千疊人煙散亂風雲卷舒雪天月夜儵然有遠致焉旁峙一二危石嵌空靈奇雨後色逾秀潤拂石以坐靑靄奪目臺下空洞如屋石門僅容一人仰視覆石慄然若墜者自池口面東而入轉折深奧苔紋陰黑綠壁而出則斗室在焉卽醉石居也嘗觴客於斯而樂

寶三

七

之客曰是園信可樂矣然子之臺隘而池逼花木禽魚類凡庸而鮮奇趣得毋樂有所不足乎松崖子曰神龍舒卷雲霄而尺蠖安於土窟鴻鵠翔翥嵩嶽而鷓雀不越蓬蒿其志之大小懸殊而各得其樂則同今余於居室之外得隙地焉則地爲餘地友朋贈我以名花昆弟貽我以靈石則物有餘物朝而別置一石暮而別樹一花唯意所適不拘平時則力有餘力而況年逾花甲中壽已足則年爲餘年嗣是以後有一日之餘卽有一日之樂有一日之樂卽有一日之餘則所樂皆餘所餘皆樂非餘無以得我樂非樂無以盡我餘而安有所不足乎

積香居記

松崖子無以自歡葺屋於艸堂之側几席閒遍延野色一娛也是歲課耕南疇秋收得穀數十斛以其半釀酒餉客而半易錢購古書及晉唐宋名人詩集實其中每清晝日永啟而讀之津津焉香味溢出讀罷循欄而步庭外水石花草幽芳襲人松崖子曰嗟乎余戶以內之香得諸心戶以外之香寓諸鼻寓諸鼻者入我形得諸心者怡我神則余之形與神與香爲積而忘乎其爲形與神矣因以是名我居

又樂餘園雜詠

滌硯池

寶三

八

洗硯愛清池竹影搖水面中有化龍魚墨花藏不見
參魚港
脩竹共佳樹蔚然與水卽游魚常啖影啖喋樂何極
飲酒臺
荒臺但鳥聲獨坐無人語不飲意悠悠飲時興何許
踏花徑
空庭先愛月曲徑自生風春光不待客歷亂落殘紅
坐暑亭
清晝長無事坐看雲去來林深不見日但聽晚鐘催
醉石處
樹陰竹更密終日相與止彷彿麴生來風味有如此

春艸堂

在寶溪明吳仕諒宅

明吳夢暘春草堂感懷詩

萋萋千里色還復帶春暉公子昔相贈王孫今不歸
逕深行跡斷野曠燒痕微極目渾如夢池塘舊已非
祥桂軒

在前溪方伯吳時亮讀書處嘗折桂插瓶次年復藥
故額

國朝吳景鄴詩并序

家方伯翁借許約疎閱飛臺諸先達讀書此地瓶中
插桂甫萎復芳後先俱登第遂指為瑞子與似公和

寶三

九

仲于蕃東尹諸弟假館於此時予苦病和仲興尙豪
今沒後已四年矣痛哉

一枝巖桂忽崢嶸會看春風次第榮今日弟兄同握
手他年霄漢共蜚聲祇憐多病惟高枕且喜聯床話
苦情十載流光駒隙度脊令回首不堪鳴

南園

在前溪南畔高士吳景鄴宅負溪結墅四匝桑柘泉
石幽勝有南村書屋清照軒懷新閣片雪居葯廬諸
勝

國朝沈樹本吳子山補招飲南村書屋步家大人韻
南園春色正相宜更喜疎林曙色隨把酒頓令雙眼

豁論詩不愧寸心知舒長化日開東作次第香風逗
北枝扶杖將車一何幸輕肥豈羨五陵兒

吳景鄴南園雜詠

卜宅南園日時當癸巳秋亂離餘噩夢花鳥殫春愁
一水村中隔雙扉野外幽棲遲將廿載獨坐思悠悠
牆缺何須補籬疎每不關只餘枯柳在常見暮鴉還
餬口長為客歸家未得閒萋萋庭草遍漫課小童刪
閣去山仍在亭空水自波有書還笑讀無酒亦狂歌
天豈私貧我人將如命何一輪明月上樹影正婆娑
吳啟宗詩

寶三

十

飲清閒不讓晉人談新晴纔見花開一舊雨同來逕
掃三巖似稽康狂似阮勞勞百里我何堪自註時
余謫選

吳士麟詩

名園是處碧苔侵往日高懷不可尋掃徑曾延天下
士披圖宛見古人心亭臺寂寞花盈戶風景依稀月
在林小阮今來誰復主一行疎柳照清潯

吳啟褒南園記

客有過余齋出北園記質之客曰子有北園記而南
園獨無何與南園昔為子先人賜詠之所與北園較
親況茗之前輩如嚴逸山朱念時溫履庵韓蘧廬諸
君子或旬日或竟日常樂隱於此與湛存先生考業

問德又如徐蘋村沈維庵慎魯瞻溫繼庵韓希一名
流與南村先生讀書談道朝夕過從一時之賢豪無
不畢集於茲亭臺之麗花木之茂人物之盛嘗讀諸
君子詠歌每令人色飛神往以此觀之子烏可以無
記嗚呼吾祖湛存公沒已七十年嘗讀吾仲父南村
公南園十詠不勝有今昔之感復讀吾伯兄山補園
居之作至籬下羈棲禾黍侵名園雖在無佳樹之句
益增我慨聞客之言益不忍下筆矣然舍是則無以
寫吾意也仲父詩云攜酒懷新閣論文清照軒昔之
所謂軒與閣今已化爲榛莽昔之所謂花木今已變
爲桑麻至曩時之賢豪皆不可復作矣能不過是園

寶三

與諸子同慨歎耶然猶幸片雪居葑廬尙存竹石離
奇坐詠其閒亦足以想見前人之風槩也客曰天運
循環無往不復焉知來者之不如昔者之盛耶子何
用慨歎爲余因書以記之

吳昭融詩

朝看北郭雲暮看南村雪最愛隱君詩荆扉人跡絕

五畝園

在清溪北明恭靖沈子木別業內有宏遠堂佩玉堂
倒影齋荷房小桃源觀音峯千丈堂諸勝

國朝朱心五畝園記

自湖郡城南水行三十里有村曰竹墩又西南一二

里曰前邱由宋末迄今世居四姓稱朱吳嚴沈云而
沈氏後益大房屋輪奐環竹墩矣夾於二村之交地
方數十畝在水中央形如蟬翼其中有清池古木疊
石爲山繞以周垣是爲五畝園則沈氏先都御史恭
靖公別業也於今百年樹皆合抱翁若林麓而公孫
雲石先生又增而廓之其面東門曰通隱入門爲宏
遠堂面南又進爲佩玉堂又進爲竹裏樓而宏遠堂
左介爲倒影齋北面臨池先生以其幼子叔旦課誦
其中夏日清風芙蕖交映倚窗而吟人影在水其尤
勝者沿池東行垂楊數樹披拂長廊極北而西長竿
千箇蒼翠蒙籠有亭翼然面南上臨烈皇帝賜書三

寶三

字日月來處方徜徉池沼之間登斯亭也無不正冠
肅容再拜而後敢仰視此可以知先生矣復沿池西
行有梅數十樹花開如雪極南爲清照閣登閣西望
眾山橫環近延綠野遠混天碧塘浦縱橫田塍如畫
出閣東上則攢巒堆阜奇峯拔立所謂疊石爲山者
也山下石梁引流東注錦鱗游儻從芙蕖閒出泳日
光下澈怡然不動俶爾遠逝則入於長松窪石之下
而不知何往所謂清池古木者也因而面以小堂曰千
丈堂堂之左介爲戴月艇取歐陽修畫舫製而寓扁
舟載月之意由是東出是爲五畝園門其前卽通隱
門夫五畝承先業也通隱隱而通也蓋先生少有文

譽馳聲江左與四方名彥傳厄廣坐選色徵聲清歌
麗舞頗極豪華晚乃筮仕崎嶇於閩陬嶺徹荒城墟
井兵戈煨燼之餘一旦渙然若釋歸而念其先大父
故廬掩關于此讀書課子不復知人世榮名蓋處靜
以觀動居逸以思勞而後知今之通也因命余記之
余素托先生契末頃又居竹墩朝夕過從頗悉其勝
故不辭而爲之記時維十月寒風發木葉黃落披
辭興詠載歌絲蠻之詩而歎世之漂漂者何所止也
先生足尙矣

吳景溥千丈堂詩

謝公高隱處蒼翠夕陽邊徑曲惟聞鳥峯迴別有天

寶三

三

新莎隔岸出古木護苔眠此地逢山簡狂歌聽杜鵑
姜虬綠詩并序

暑時過竹溪有故運使雲石沈公五畝園頗荒落
然荷房竹堂規制尙存瘦石嶙峋三峯並矗而小桃
源尤宛轉洞達上有董文敏石刻摩挲不能去比束
髮重過其地則故址盡禾黍詢桃源三片則已爲學
士心齋葺致華省矣余嘗謁學士於賜書齋則諸石
疊疊如遇故人獨三峯猶偃臥東廳小院中云將闢
閒圃置之而未遑也未幾事故蒼黃學士卽世并華
省亦羅雀矣轉眼十年滄桑兩度長歌志慨不自知
其調之淪也

白蘋洲畔鳴珂里八詠樓頭轟姓氏甲第連甍鎖斷
虹高門接軫通流水別有山林開草莽玉湖瑤阜疑
無兩映水荷房近十閒環山竹屋名千丈千丈堂西
三片石呼作觀音高百尺峻嶒海外翻三峯插向晴
空暎寒碧荷房窈窕聯花嶼白石玲瓏丹竈貯尙書
題作小桃源處士云傳避秦所風流延賞春長在烽
火漁陽驚絕塞兩京宮觀盡成灰豈有國殘家不碎
黃梁得喪何草草百年身世誰能保轉眼乾坤歌哭
殊西家憔悴東家好翰林開府堦三品闢第東南起
華省珠簾繡柱接采恩畫棟雕梁飾文杏故物桃源
疊石屋萬錢購致從新築米公袍笏肅迴廊先皇宸

寶三

古

翰光崖谷尙有東堂石三片入門未拜春風面年年
偃蹇臥斜陽綠草寒蕪迷小院去歲凋零學士死華
省門前羅雀矣西州舊路哭羊生鄰笛山陽悲向子
觸目誰能不淒哽昔何聲燄今何冷況我曾經五畝
遊兩情交感愁懷并屈指春風十五六眼看得失如
轉轂不知世上百年人閱過人間幾翻覆

吳昭融詩

長待春風至柳色盈阡陌欲尋五畝園芳草迷行跡
讀易草堂

在前溪學士吳隆元讀書處庭前奇石峻嶒百花畢
備後軒卽六勿齋

學士讀書處有妖來擾時擲瓦石學士不爲怪金鳳
花上忽生九畹蘭庭樹冬月含藥學士亦不爲異讀
書如故一日聞空中語曰此君無可戲矣妖遂去後
復至或有驅之者空中復語曰我愛花石來耳勿擾
君家也久之太守吳曙夫人懷娠復聞空中語曰腹
中乃巨物我盍去乎妖不復至遂生太守吳毅政績
稱賞一時

〔國朝〕吳隆元齋中讀書次謝康樂韻

老屋陰白茅清籟生遠壑嗒然隱几坐至音叩寂寞
瑣碎編魚虫穿穴類鼠雀沈吟愜心句絕倒昔賢作
屈宋祖風騷莊列雜諧諱志願忘力疲高春日沈閣

寶三

十五

杜僻聊自娛劉滌詎非樂及茲壯盛年古歡庶可托
又詩

年已知非後精亡心轉童功名蕉鹿夢身世馬牛風

門掩三三徑書成六六宮

公學邃于易取邵子三十二
六宮皆是春意著易宮四

寄傲處

在前溪太平橋畔明武昌郡丞吳仕昂別業

〔明〕吳仕昂詩

何必廬山隔世塵考槃雲護一間身裁成脩竹瀟湘
色分得名花洛浦春詩力尙餘垂老興酒懷唯許故
交親漫言深坐多蕭瑟常有漁樵伴主人

文杏室

在前溪州司馬吳啟寰宅庭前有文杏樹高十數丈
爲一區之冠常有雲氣盤旋其上里人以占晴雨人
稱翠杏停雲
列入勝景

先大父峩雪公築室於文杏之下以樹名室也乾隆
癸巳先君杏園公起翠映樓於後東卽半舫齋藏諸
法書石刻再東卽翠玉交輝樓以樓前有文杏翠色
參天樓後有古玉蘭如玉山瑤障兩相輝映故額樓
之東南有小閣曰卍雲藏供鐵觀自在像於其上乾
隆壬子產芝二本又額靈芝處

〔國朝〕吳聯奎半舫齋詩

寶三

十六

半舫名齋別有天軒窗四面泊淪漣卻容問字人三
兩好佐盈樽酒十千叢菊親栽陶令宅寄書滿載米
家船一枝漫說長蘆穩輪與逍遙作地仙

吳芳綺文杏室詩

文杏室前文杏樹高撐幾見歲華徂不同丹橋誇千
戶長比靈椿老一株竹畔分陰流枕簟花前交翠滴
盤盂角弓寧忍忘封殖況復年來如畫圖

又半舫齋詩

偶來載酒尋芳徑卻似攜琴上野航萬斛曾聞藏大
壑一杯敢比泛均堂幾經花擁疎籬畔頓見山迴傑
閣旁不改窗前文杏樹濃陰面面錦帆張

又翠映樓詩

茗碗琴牀絕點埃真成小阮讀書臺樹舍遠翠窺簾

入鳥帶殘紅拂慢來卻訝完經留孔壁未妨遺帙付

秦灰自註云謂余丁丑之厄一編手澤情何限文豕纍纍長碧

苔自註云吳氏詩存方議付梓其未入選者尚待搜輯故云

吳漢槎半舫齋詩

數椽莫道臣無屋不是浮家卻似舟榻傍羣峯先得

月窗依密蔭共分秋閒攜琴鶴招佳客好載圖書作

臥遊一任前灘流水急曉風疎柳思悠悠

吳紳半舫齋詩

纔開一面作篷窗曦岸時依午蔭涼好似春來天上

寶三

七

坐宛然人在水中央兩餘翠澗峯巒近風過花分翰

墨香不向煙波禡釣叟高眠聊復詠滄浪

又翠映樓詩

水繞山環四望同森森文杏倚樓東水添鴨綠靴紋

疊山點螺青鏡影通一榻清風延好客半窗疎雨潤

書筒更看羣季情方永無限圖書跌宕中

吳升恆翠映樓跋

庭前文杏爲余先君子手植時當孟夏黛色蒼然樓

成適與相映此翠映所由名也且墻以外彌望皆桑

麻而一帶遠山復隱見於柳影溪光之際何往而不

與茲樓相映也乎用是誌其時抑以誌吾樂且以誌

吾思焉

叢芸館

在前溪封公吳鄂宅旁有鴻雪居詩人騷客常觴詠

其間

國朝柯煜叢芸館小集詩

側聞水晶宮羣仙盛游衍遂令戴笠人赤腳踏蒼藤

契闊雲霞交宿昔心期展邀我虹月舟詰曲蘭橈轉

貽我藻笈書天人洞微顯飲我碧筒酒至樂非沈湎

高談挾清風四座冷然善紛紛區中緣遯絕不待遣

沈樹本前題詩

新秋掩篷門殘暑廢書課獨勤良友招屢向溪堂過

寶三

七

幽齋吾善處重到不敢唾諦觀乃吾廬脫巾竟高臥

枕簟竹影涼盆池荷葉大峯缺月初生檐罅風微簸

炎威隔重霄靜氣凝四座主人註易成自註云時易齋隆元作易

脫稿初把讀恐手浣更喜丹邱生談詩俗解破鯁生

但啣杯追陪愧郊賀

沈楷世前題詩

秋氣何自來林端露湛湛高軒環碧荷秀色照欄檻

仙侶快同舟對酒興不減咄哉襍穢兒觸熱紅塵犯

荷如航清吟快若虓虎闕安用撫皇墳鴻文本無範

預愁明日別空使魂消黯

沈楨國前題詩

入門見所夥秋色盈庭除石砌鋪綠錢銅瓶插紅葉
位置儼圖畫爽氣生琴書彷彿大蘭若宛若水竹居
喜無俗慮迫陡覺愁腸攄欣逢素心人追隨樂有餘
俄焉具壺觴飲滿傾浮蛆盤殮樂綺食肴核登嘉蔬
涼飈卻珠汗秋思落輕裾相羊擬達晨安用賦歸與
而況此良會後日恐不如出門重分手臨別還趁起
山頂月漸吐枝頭露漸漙陶然返柴門一枕遊華胥
吳芳綺鴻雪居再集詩

共愛鵝兒酒仍傾螺子杯三春能幾日一月好重來
人憶王恭柳詩慚何遜梅挑燈宜夜話無奈漏頻催
又鴻雪居小集余不期而至詩

寶三

九

壽豈堂

在前溪儀部吳景直宅

吳景直壽豈堂記

余世居我里之東自高曾及祖父垂二百年今以其
故宅授之子矣康熙壬子冬余始營西宅而居焉因
自號西溪蓋將老也此地風氣東西亦小異予習焉
安焉亦頗相宜堂名壽豈者以吾親享遐齡志不忘
也堂前嘉樹數株菁蔥蔚盤根糾結如龍蟠離奇

若鷹爪其頂若翠蓋其交影若連枝月下碎影分映
尤韻絕每值良辰坐聽松濤領畧鳥語儼似深林洞
壑堂之右疊石類顛作煙巒小景傍有羅漢松不知
植自何代奇古尤可愛屋後有木奴數百頭兼腴田
十數畝足資耕鑿又其旁一小樓歲時觀刈穫數陰
晴西山之勝舉目可掬家君壽九十餘恒策杖逍遙
此堂又或肩輿至呼兩穉雛撫其頭角課以句讀笑
語依依或與余流覽文史稽往代之志林或檢視家
藏思前人之手澤余乃得奉嚴命蒐采家乘付劄氏
以惠宗人兒啟思年五十餘亦樂從事焉亦暮年一
快事也昔人云苦不知足如吾父子偕隱邱園逸老
堂中並得綴耆英之數人生何可多得書此識之不
特紀茲堂之勝且以志天倫之真樂雖鼎鐘吾不與
易也

寶三

三

寶前兩溪志畧卷三

寶前兩溪志卷四

歸安吳玉樹靈圃氏編輯

津梁

山川之有橋梁猶人身之有筋脈氣血藉之以通古今重焉矧兩溪柳岸花堤清香十里鳳潭龍渚波泛千篙其橋梁之映帶更足增勝名區誌津梁

懷吳橋

在射村宋監倉吳黨居橋之傍有隱德後徙滄安里人懷之因名焉 國朝乾隆丙子閒重修易名寶蓄

望仙橋

一名野橋 一作市橋 在射村談家墩西府李志作談家港昔有人寓居橋下賣錫

寶四

為業一日輒語鄰曰我賣錫已三年矣其與兒女食何多與父母食何其罕與悉投錫于溪攜妻子乘舟而去里人倚橋望之須臾舟忽躍入雲中舉手笑別童稚連臂而歌云賣錫仙來居橋下經三年笑煞世人都不識拋錫歸去划音華龍船划龍船飛上天拍手大笑揮雲煙今朝一去何時還橋南有溪名仙溪相傳為躍舟之所

府志馬湘字自然杭人有仙術遊湖州一日謂主人

曰我得仙矣出囊中藥投鐵器並為紫金即乘雲去

其橋因名望仙案故老相傳與府志所載各異想仙跡奇幻不獨賣錫點金耳故老以買錫一節足可警化故特傳其事焉

西吳里語指馬仙事與府志同

明憲宗實錄歸安縣民吳宗益及其弟宗義皆好施

宗義子璋能承父志望仙諸橋官澤諸路多所脩築

采毛滂望仙橋夜月舟中留客浣溪紗詞

晚色清涼入畫船雲峯飛盡玉為天疎飄自為月蹇

簾細酌流霞君且住更深風月更清妍為誰淒絕

小橋邊

明吳世道詩

聞說仙翁馬自然仙溪溪上住經年石橋南望溪如

舊一片白雲何處邊

清溪橋舊名種德橋 一名前邱大橋 一名東橋 一名古藤橋

在前溪東明吳宗義創建成化閒吳鳳重脩傍有古

寶四

藤虬枝密葉迴繞橋柱數百年物也里人稱之謂藤橋曉日列入勝景

府

張志作清溪種德橋

李志作前坵大橋

縣志作清溪橋

國朝吳啟襄種德橋記

吾里前邱東有橋俗謂之大橋跨清溪以通東西往

來長十餘丈橋西面東築殿供關聖像里之有是橋

非獨晦明風雨無病涉之苦即春和景明秋清皓月

散步于上者見夫山明水秀崢嶸浩蕩頓有凌虛之

想此亦里中之大觀也因稽其創建知自吾祖西疇

公吾祖之兄松菊公居橋之東祖居橋之西篤于孝友朝夕往返以問于溪吾祖因捐金而建歸美于父名曰種德嚶祖之意豈僅于利涉之惠而已哉吾祖爲明永樂閒人歲飢出粟數千石以賑尙書孫公原貞爲請于朝上嘉其孝義特旌表於閭門此天順改元事橋亦成于是時也祖之所爲皆類是余因推斯橋之所以建而爲之記

倭返橋

在前溪東舍頭嘉靖閒徐海勾引倭奴深入菱湖雙林烏鎮無不焚掠太僕吳龍出資募鄉勇築橋以禦又揀壯銳者各乘小舟俟倭至輒撒赤荳并潑溪底

寶四

青泥于倭船倭爲豆泥所滑不能暫立倉卒而返故名乾隆甲午重脩易名金帶

利涉橋

舊名文會

在前溪灣頭明嘉靖閒建

蓮塘橋

在前溪月灣明嘉靖閒建一國朝康熙辛丑重建南通金漾北望鳳潭碧浪千層荷香十里清秋月夜騷人每攜酒登之飄然有凌雲之想

里人稱蓮塘秋月列入勝景

明費采文會蓮塘二橋記

二橋者前邱吳太僕西園家嗣之所創也一在里之西曰文會一在宅南之月灣曰蓮塘皆公子之字號

也曷爲而取諸橋也工成鄉人利之故指其橋而名之志不忘也亦猶詩之甘棠爲召伯所芟者矣自鳳林以西驚波怒濤瀾漫極目雖有智者欲濟斯艱吾徒太學生蓮塘子乃興浩歎爲聚良材天奪其年而工未竣閱歲厥子仕讓傷父工之弗就乃謀之大父西園翁鳩匠石夷險阻肇自嘉靖乙巳春凡三閱月而工成焉橋之制南橋則上容並軌橫亘百步下植石柱以捍衝激旁厚其基以殺水勢旋爲五洞以便舟楫西橋則更築石道數十丈其材則堅厚而悠由是虹飛霞舉屹然可觀不獨舟師之免傾覆也亦且行李之便往來議者謂二橋之設其利普矣公子余

寶四

四

徒也西園翁昔嘗宦遊江省命學于余教以仁民濟物之本今能是可謂不負吾學也已爰樂而爲之記

吳鳳吳龍蓮塘步月聯句

鳳月華尙欠一

徐步長虹夜正涼
涼飈暗度芰荷香
分滿水氣平拖幾里長
野鳥驚風頻振羽
莎雞吸露亂鳴商
更闌攜手同歸去
矯首高歌類楚狂

國朝吳啟褒重脩蓮塘橋記

吾湖澤國也而前邱在水中央其西南則通射村諸要路巨溪蕩漾參錯環迴問津者有望洋之歎明嘉靖乙巳閒從祖西園公家子蓮塘公以建是橋未竟而卒西園公督成之屹然道左鄉人利焉卽名其橋

曰蓮塘以志思也今歲久傾圮途人患之吾宗人見而感然曰人病涉矣其如祖德何因聚而謀葺之康熙辛丑歲捐廟祭銀若干募僧人梅公董其事鳩工度材二載而成其便于商旅者為利普矣而前人利濟之意亦可即是以想見其餘也夫橋遵舊制下立石柱上覆巨石皆堅且厚余因以始末為之記

法華橋

在前溪東塢法華庵傍

太平橋

在清溪北

思吳橋

一呼西吳

寶四

意在射村元大德間建 國朝乾隆戊午重脩改名長壽俗呼八字橋以傍又有一橋形如八字也

流金橋

在倪施汰俗呼獨石橋里人稱獨石清流列入勝景

明吳世消詩

餘溪一曲遶西流獨石橋邊分外幽兩岸綠陰濃似

染鞞紋徹底見魚游

通輿橋

余始祖桂屏公遷前邱墓在通輿橋之東麓元末張士誠弟士義守湖與明太祖相拒久不下太祖以湖民之附張者皆籍之射村昔為歸安聚商之地不無遭兵燹之痛墓遂不知其處族兄胥石稿存有橋無通輿墓在思溪等語想一時失檢未及備詳今橋在鳳凰山麓屹然溪上鄉人豎牧無不指為通輿且有古石向在橋畔上刻通輿字樣後脩懷吳橋用之其字向未磨滅可據也至思溪之說係嘉慶

二年前余纂校家譜時有徽州吳氏據譜來訪余閱其譜以吳公子友為祖非延陵後至元末時有名傑一字俊卿號亦曰桂屏者徙居絲溪卒葬其處思溪之說始緣是以誤與

在射村梁夏浜總管堂前俗呼總管橋

府志在城南三十五里射村

分鄉橋

在射村東屬崇禮鄉西屬長壽鄉以此橋為界故名

冲陽橋

在射村岳廟灘

寺前橋

在鹿苑寺前不知建自何代其兩旁橋柱篙痕密如

寶四

蜂巢想見昔時來往之盛明成化癸卯吳安重脩崇

正四年吳時亮重脩

泛金橋

在聖壽院東明景泰三年吳宗義建

集慶橋 一名集仙

在開化院東俗呼塘橋

大勝橋

在鹿苑寺西南

集福橋

在射村 國朝乾隆甲午重脩

油車橋

在鳳林南

鳳林橋

在陽夏侯祠後俗呼前小橋明正德閒僧明璫里人

張石泉建

中隆橋

在鳳林俗呼後小橋

雙鳳橋 碑作丹鳳

在鳳林南丁家浜

寶帶橋

在射村寶帶河

寶四

七

茶亭古渡

在射村南岸上有亭為夏畦憩息之所里中長厚者

施茶于中故名 里人稱茶亭待渡列入勝景

續吳興詩話弱冠時會記里中前輩陸文翁誦昔人

茶亭待渡詩有云煙波咫尺紛紛渡愁煞紅裘餉黍

人之句心以為雖在咫尺之間而男子紛紛競渡少

婦未敢爭前故云愁煞情景逼真不知為何人作也

山接渚渡

在射村南俗呼西渡

前溪古渡

在前邱有二曰東渡曰西渡明張羽詩云愛煞前溪

寶四

八

古渡東門前楊柳醉春風是也 里人稱古渡垂綸列入勝景

國朝吳岡古渡垂綸詩

西渡秋生四角菱一竿香餌水初澄玉屏故宅抽帆

便好著漁簑拜子陵 自註云先世居嚴州玉屏山下今愛敬堂尚存族尊率子弟往

謁路出桐江故及

寶前兩溪志畧卷四

寶前兩溪志畧卷五

歸安吳玉樹靈圃氏編輯

寺觀

兩溪梵宮道院可攷者始于三國盛于宋元明之際屢有變遷二氏之教雖治道弗尙然清英游集刊石留題足可增輝名勝未敢遽廢焉誌寺觀

獅子吼寺

在射村南一名南寺三國吳常泰中有居人劉鍼觀空中奇獸金毛五色哮吼之聲三振遂捨宅爲寺因以爲名唐會昌中廢太和三年重建大殿上樑時有喜鵲數千各啣木集樑中刻營成一巢而散今巢尙

寶五

嘉業堂校刊

存雖零落尙如車輪後殿有檀香木大士像高可丈餘鏤極精工云是吳越錢氏物 國朝順治庚子吳時亮重脩乾隆庚辰後殿被火僧法輪募緣重建人

稱獅吼鵲巢列入勝景

府胡志舊聞葉石林問于朱愔濟曰自坡翁名思無邪齋德有鄰堂而世爭以三字名堂宇公知前此固

常有是是否答曰非獅子吼寺乎葉公笑曰是也蓋吳

興城南射村有寺號獅子吼本錢氏賜名宋因之案子吼寺名起于三國諸志載之甚明舊聞所云錢氏賜名恐誤或云賜名乃賜額之誤

國朝凌誼鵲巢詩

梁棟非樹林胡然而巢此我欲問菩薩開口笑不止

聞說鵲最靈將無有微意惹得來往人仰首歎奇異吳晟遊獅子吼寺旁有廢圃相傳梁丞相故宅已不可攷慨焉賦此

聞說昔年觴詠地而今寂寞但荒墟殘階碑斷颺毳亂敗瓦苔深鐘磬虛幾樹古松丞相植一園廢圃老僧鋤南朝壯麗俱銷歇不獨飄零是故居

開化道院

在射村晉永嘉元年孫德宗捨宅建唐會昌中廢周廣順三年錢氏重建號菩提寺宋治平二年改開化明萬厯間道士少瀛建酒隱亭於東偏 國朝乾隆初道士朱奇巖建張仙閣于後丁未間道士沈一炳

寶五

二

重脩嘉慶間道士費陽得募脩澹泊境諸殿

國朝劉舜俞上巳日開化院觀賽神詩

散步尋遊歷小溪石橋閒坐聽鳴鴈晴空雨過千紅亂小閣簾開萬綠齊觀禊羽觴來野殿賽神仙樂徹芳堤風光處處堪憑眺況復邊陲靜鼓聲自註楚中用兵力罷

鹿苑寺

在射村梁大同元年處士夏玠捨宅建相傳夏玠係蕭梁時相國

子今唐大厯間僧明誓重建賜名永興寺顏真卿篆額宋治平二年改今名隆興元年僧元僊重修元至

大開費世屋等重建明成化癸卯吳安重建崇正四年吳時亮重脩 國朝乾隆間僧秋崖重脩大殿

唐永興寺碑記元和五年進士吳行周撰

唐永興寺僧伽和尚碑裴口撰

唐永興寺宴道碑沙門簡章述

以上三碑載在府縣志今無

〔元〕宇文公諒重脩鹿苑寺碑記

能仁氏以根器緣業肇開羣昏放則彌滿六合卷則不離方寸苟得其人道固在是吳興歸安縣東南四十里餘曰寶溪梁永興寺在焉大同初處士夏玠捨宅所建中更廢壞唐大厯中承詔重立宋治平改賜今額淳熙間僧如肅一新之往記概可徵也燬于至大庚戌之歲里長費世屋首建圓通秘殿繼割腴田

寶五

三

以豐廩給贈湖州路判官陳炎妻恭人姚吳謙妻馬爰立大殿仍割腴田以給眾也厥後堂室庖廂相次完具今聚而藏脩者幾四百指主僧處賢述本末求文刻石以貽永久信乎道在其人鹿苑流風宜勿替而後振也凡檀越所施田畝則詳碑陰茲不書辭曰天目盤盤清茗發源瀉為奔湍舒為長川折行東迤林壑妍靡虬光夜起珠藏澤媚言言崇崇法王之宮鉦鏡鼓鐘梵音颯颯雨暘若時物不癘疵優曇敷蕤永祝皇釐

〔明〕張濂重建鹿苑寺碑記

射村鹿苑寺去歸安縣治東南四十里許按郡誌其

地為寶溪寺之始處士夏玠者捨宅建于梁之大同

時初名永興唐代宗大厯間奉詔重建又七百餘年

宋英宗更賜今名逮孝宗時僧如肅一新之隨又火

于元武宗之世時里有善士費世屋吳謙碑作湖州

路判官陳炎相繼興復各割腴田以給眾僧至國朝

成化癸卯殆一百餘年梁木傾圯前邱里義士吳仲

禱暨冢嗣宗益首蓋天王殿于前繼蓋觀音殿于後

惟中闕大佛殿西疇耕隱吳君宗義亦仲祥子也于

善事尤素所樂為遂出白金二百兩為倡寺僧恩智

率諸同人令各出所蓄不數月間繕脩告備高深宏

敞視昔有加兼以贅鏤孔堅雕飾畢致旛幢鐘鼓百

寶五

四

爾中規落成之後宗義公之仲子散官吳璋字汝敬者懼世久無傳爰徵文刻石以垂不朽於是乎記

〔國朝〕陸彥威鹿苑文杏詩

梵宇森森清畫長一株文杏伴空王綠陰漲院客來

滿黃葉堆簷僧掃忙宿霧半開朝爽襲午煙初散夕

霏涼不知種樹人何在況是當年歌舞場

吳景鄮詩并序

偕友人讀書鹿苑寺寺在射村東南相傳地有五相

國第案五第為尚書右僕射何奩尚書寶謨閣學士

相傳倪思太師魯國公孟珙少保左丞相葛邲其一

宅後世捨為寺余先世亦居射村訪其故址邈不可

得慨焉賦此

聞說南朝諸相國捨將地作梵王宮地蟠古木千年
久門對平橋一水通空憶繁華如夢幻喜逢樽酒論
文同欲尋桑梓知何處滿眼斜陽煙草叢

吳晟佛生上人招飲鹿苑寺之竹林堂座恰七人歸
而賦此

禪院能招客相攜泛寶溪地遺麋鹿跡人恰竹林齊
霜樹秋霞斷晴空晚岫低箭潭歸路近舟緩不驚鷺

附鹿苑古井

在寺旁不知鑿自何代上窄下寬數丈味甘美犬旱
水不涸故老相傳為歸安闔邑第一大井

寶五

五

東嶽行宮

在射村宋宣和中建元燬明景泰閒吳宗益建按湖州府
李志作正統八年重建國朝康熙閒吳時亮重建殿前有古松
也虬枝盤空蒼翠一團里人稱東嶽喬松列入勝景

明范吉東嶽行宮碑記

東嶽行祠在吳興郡南四十里之寶溪以山明水秀
地勝人殷故祠焉廢弛既久遺像賴淨心丁頭陀苦
蔽尙存正統閒郡判謀移礫石惟時詔旌義民清溪
蓮隱吳君宗益以萬石長在官懇陳得免景泰改元
蓮隱罷役歸與淨心日相圖度鳩工聚材鼎建正殿
以崇嶽靈寢殿以奉太乙其東則五嶽地藏其西則

十王左右司門廡臺榭經始於景泰辛未備成于天
順壬午神不威而氣肅眾不勞而事舉于是里人僉
曰神宇重新宜立言以詒不朽介蘇郡陳某請余文
余惟岱嶽之神之德其盛矣乎體備元仁鈞持洪造
陰翊王度協佑民生漢唐迄宋累行封禪其宏濟神
化茂昭祀典今蓮隱捐巨萬之資力成悠久河岳以
奠海宇以甯其昌大耋艾之休有不萃于蓮隱乎于
是乎記

顧應祥東嶽行宮重建檀越吳公祠記

惟岱山之神自昔為重至宋褒以天齊崇以帝號凡
東土要會之處必嚴廟貌以肅神威歸安寶溪舊有

寶五

六

行祠瓦落僅存其像里有吳氏種德翁疏財仗義正
統閒助有司賑朝廷旌之嘗脩鹿苑寺獅子吼寺猶
不忍鄉之火葬者捨地為義豕既又相度嶽祠未就
而卒其子蓮隱宗益洎西疇宗義之子安素璋共成
翁志從而新之琳宮峻起紺宇森列百爾葺構罔弗
壯麗自景泰辛未至天順壬午越十年始成厥後安
素之子南太僕西園龍復甃石護塘以防水鬻自是
嶽降維甯民生攸賴皆吳氏之世德也初蓮隱物故
首僧誠謀諸徒云凡有盛德者自獲天庥檀那吳氏
傾不貲之費功及幽明德莫厚焉在若等獲居茲土
烏可忘其所自耶爰奉種德以下諸神位于便室而

故僧之主亦側其閒西園自滌歸謁嫌其混雜神或不妥而住持釋永華乃別建祠于嶽殿之左爲楹凡四顏曰檀越吳公祠華慮久而或湮來乞子文將紀諸石余與西園爲姻家且重其世情孝義故不辭書以歸之

吳世瀉東嶽喬松詩

橫枝天矯似游龍颯颯濤聲雜梵鐘分得泰山雲一片可知此樹薄秦封

聖壽院

在射村東南俗呼東聖堂明景泰閒吳宗義勦建初公奉眞武甚虔一夕夢有金光百道集于泛金橋之

寶五

七

西明旦掘其地得半截碑乃眞武像上勒神咒傍有政和年號遂卽其地祠焉碑尙存

明魏驥聖壽院記

明興祀典獨隆眞武而眞武于國朝亦最奇應上皇之北狩也耕隱吳公以世受國恩泣奮曰漢卜大夫以布衣輸財出力佐縣官急而吾家蒙璽書旌閭者再忍居卜大夫後乎遂輸粟若干石于邊大司馬于公謙聞之朝欲爵公公曰吾誼不後君吾甯乞榮者耶于公欲迫之公弗聽于是賜公承事郎罷歸時里有眞武像公朝夕號曰文皇帝起北平神甲冑晝見上皇非文皇帝裔耶狩以北又神所轄地幸獲駕南

轅願益置地廣眞武宮迨明年秋虜果奉上皇還京公稽首曰眞武其我應哉出橐金若干置地八畝于泛金橋西地最勝鳩工聚材不旬月堂寢翼然筮良日奉眞武像里有祈禳輒應鄉老樂之誦吳公誼謁子碑焉嗚呼吳公猶草莽臣于君臣閒抑何勤也以先世累旌而好義益勤其精爽通于眞武禱輒應功在社稷名在里閭辭位而尊不爵而榮千秋萬紀與國俱存者八畝之宮乎彼肉食而身謀不再傳而堂構蔑如視八畝宮何如也或曰固也第我國家奉眞武侈矣元都白嶽之勝甲于宇內碧霄紺宇金宮玉堦殆秦漢所未覩而吳公願八畝宮乞靈眞武不亦隘乎子曰不然有盡者形不朽者神崑崙之島王母之墟終一盡耳疇顯疇幽疇鉅疇微迺眞武往矣而充周寥廓飽滿萬有者非其神耶吳公誠于報國精積而神固足符聖諦又何論乎有盡之形鄉老曰善是足安眞武慰吳公矣勒諸七尺之石

寶五

八

三官殿

在射村東南未詳擬自何代 國朝初廢乾隆閒觀

祭曹繩柱重建

內有古銅三官聖像縣令某燬之觀察蒞湖夢三神來謁遂建前後兩殿復奉神像如初

蓮隱庵 俗呼隱居庵

在前邱南明吳宗益建 國朝嘉慶二年嗣孫吳名
新督工重脩

明翁經烏程縣知縣天順詩

物外閒遊自笑癡幾年職任愧操持吳君高節連庵

隱縣令無才飯鶴遲玉版摘來留客後黃金散盡賑

民時夕陽一片虬松影正是飛鴉欲上枝

積善庵

在前邱東塢

淨戒庵

在前邱明里人丁某叔建 國朝康熙閒重脩

蟠龍庵

寶五

在寶溪下庄涇

保寧庵

在前邱明里人施某捨宅建萬厯間吳世濟重脩

法華庵

在前邱東塢明萬厯庚戌僧道正建崇正壬申吳時

亮重建

國朝吳繼祖詩

禪關盡日絕塵氛流水斜橋此地分虛室一燈窺佛

性法華半畝現慈雲南涼樹色煙中隱北墅梅香鐘

後聞偶向蒲團參色相不嫌方外說空文

永慶禪院

在北涼山 詳涼山別墅

寂照庵

在射村宋紹興閒僧性海叔建元至正閒重建 案府志

作西寂照庵

明唐應徵世守田土記

郡南四十五里曰寶溪溪流清澈地勢盤曲有庵曰

寂照宋禪師性海建後經兵燹遂成瓦礫迨元至正

閒僧善繼祖庭重新洪武初有姓王氏號西翠祖庭

之徒也克守舊規聿增厥土西翠而下有鍾氏竹隱

王氏環翠繼之今若田若地若蕩若山總其畝四千

有奇西翠嘗言曰僧凡自置常住田法不許售蓋遵

寶五

太祖高皇帝舊制故惓惓焉今主席任氏名行洪遠

其字號聽竹以義補官復構大士殿因思昔日叔造

之艱來乞余記余惟興廢無常一係乎人寂照自宋

迄今距三百餘年有性海創之于始祖庭興之于後

西翠環翠聽竹繼之于焉不廢今為聽竹之徒曰道

理曰道定曰費謙曰沈城曰楊琦者能無以前人之

心為心世守勿替也哉若夫西翠之遺言田土之數

計則刻之碑陰

國朝吳晟讀書寂照庵詩

水落風霜冷林臯接遠嵐酒能供客醉詩每向僧談

野曠無人至溪清有鳥探莫言孤寂甚明月在庭南

梵音庵

在前溪倭返橋北明嘉靖間建爲拒倭之舍後捨爲
佛院

長生田碑記

前邱之東有倭返橋橋之北有前後三楹明季爲拒
倭之舍至今猶呼爲舍頭村吾族祖西園公諱龍特
建焉後捨爲佛院名梵音越明至 國朝歷有興廢
凡持住茲院者皆不匝歲謂其無恆產也余患院無
持住將日頽無復振遂割院之東北虧五圩東南三
號田若干畝以給守院之繕庶荒廢舊址不致日就
銷亡院後接竹墩以溪閒之里人置船引繩以渡常

實五

十二

患繩之時斷而鮮續也余並命守院者以稟結繩斷
者續絕者繼鄉老咸謂一舉而兩得喜相告也余惟
恐他日有變遷棄就之虞因書其事以勒之石田畝
數計則刻之碑陰嘉慶二年丁巳六月十日吳玉樹
撰

寶前兩溪志畧卷五

歸安吳玉樹靈圃氏編輯



祠祀

神之能禦災捍患祀之以報功也前賢往哲祀之以崇德也先王之所以合幽明而展誠敬其斯謂乎誌祠祀

后羿祠

在射村不知起自何代明萬厯庚戌王西陵重建改名圓通庵

吳季子祠

在射村五代時裔孫吳剪由山陰縣奉父母避兵徙

寶六

嘉業堂校刊

居射村官後周宣教即立祠以祀宋淳祐間裔孫吳文杲重修并置產以贍守祠明裔孫吳宗義重修後吳龍復修葺之春秋二仲月郡守檄縣致祭學政行文給守祠生衣巾奉祀嘉慶六年詳請防護現在裔充當守祠主理祭器

宋淳祐九年章斯猶建祠碑記

吳文杲捨地碑記案明萬厯間祠為里民任氏侵佔將宋淳祐二碑燬棄吳氏控官得復其地

明胡鐸重脩季子祠記

延陵季子古賢人也流風所及百世下莫不仰止湖治距東南一舍許吳氏世居其間厥地號曰西吳南

吳而西吳土地祠故老相傳為季子第一一作宋淳祐

閒吳文杲者以苗裔故嘗發私帑購士民徐氏地蕩

一十六畝有奇以贍守祠歷元至國朝祠就圯廢成

化閒安素翁璋過而歎曰祠以依神今若此神將安

依由是糜廩聚材諏日肇役腐者新之卑者崇之隘

者闢之堂宇門廡竦然改觀祠有配像或以為東魯

徐君蓋仍其舊而莫敢廢也既而安素之子九淵君

復加葺治題其額曰西吳季子之廟余濫官于滁適

九淵君為之簿索余為文將紀諸石余惟事焉合義

俗所宜從祠而非淫法所不廢狄梁公毀淫祠而獨

存之良有以也且聞諸其鄉水旱疾疫必禱禱必應

寶六

二

而祠之前松楊大可十圍余以是知神之靈千載不泯也吳氏世崇其廟豈直私親乎哉

吳時亮復西吳季子廟祭記

余遊延陵謁先賢季子祠祠之額為嘉賢廟乃高皇

帝御賜後十年余治兵常鎮駐澄江其地有申浦者

季子墓在焉至聖所題十字碑屹然聳峙為千百年

來遺跡每為留連不忍去者久之乃吳興之射村西

吳祠亦相傳為季子墓此何說歟惟是高風至德千

秋仰止先儒謂其才近伯夷讓如泰伯如春秋左傳

家語史記諸書所載百世下如見其人況三吳故地

神所往來陟降者哉然則季子之神雖家尸戶祝可

也而屬在苗裔能不竭誠致敬以奉之遠弗可考考其近者後周有剪祖立建宋有文杲捨地我明有安素祖之脩復西園祖之葺治嗣後爲無賴者所侵蝕幾不可詰而一人倡義具族同心遂使廟貌聿新蒸嘗載肅非神有靈孰啟之衷而贊之決耶憶吾先世代有顯者明興以來獨以孝義甲諸大姓是猶延陵之風焉邇來生齒日繁生計日誦吾慮孝義之不保其終也又何敢遠稱讓國高風貽羞往哲哉願奉祀者世世相與勗諸崇正四年辛未仲秋裔孫時亮吳福詩

至德相傳直到今隱微偏是人人深君臣父子兼兄

寶六

弟不負天倫不負心

國朝學政李際期守祠祭器行府檄

恭惟延陵夫子審樂辨風參夔伶之妙契知人達政蘊康阜之宏猷倡讓位以化異日之爭傳不識其宗臣憂國解佩劍以明當年之志史誤以爲俠士踐然蓋遠紹太伯之至德下軼子臧之高風宜至聖之表其碑也吳時信准以衣巾奉禮祀一應祭田祭器該府行縣簿錄飭守以昭恭敬繳

太守吳綺謁西吳季子祠詩

西吳亦是勾吳地魂氣何嫌之此都萬古交情留短劍百年祀典寓生芻庭遺檜柏滋蔥鬱門有溪山擁

畫圖我在廣陵分一派溯洄雖遠不模糊

陽夏侯祠

在前溪鳳林祀漢陳稀明正統乙丑里人沈氏重建天啟間僧覺堂募修

祠有銅鐘明嘉靖閒再鑄不鳴有里人捨金環合鑄乃成其聲宏遠勒碑紀其事崇正閒爲盜所劫去至鳳潭鐘忽躍入水中盜懼而逸

明金梅社田碑記

鳳林土地廟迺漢將軍陳稀鍾靈之地禦災捍害誠一方之保障也然非有田里以裕其基抑何以延廟貌于不毀哉本廟旁有地田一邱世守不廢後因里

寶六

四

有木橋歲久而頽僧明珉見而患之奮然充拓石橋之志隱君張石泉慨施以爲眾人倡後不免虧一簣之功于明珉不私所有逕鬻田以終其事田雖廢而橋則成僧之心亦無憾矣時嘉靖辛丑里有善士吳潮念吾鄉之所賴者存乎神神之所依者存乎廟而廟之所資者在乎田由是矢心竭力勸募于鄉以求復其田鄉人間之莫不感焉不日復獲其田以歸于廟名之曰社田使僧無不給之憂廟垂不朽之業而吾鄉亦獲祐于無疆也里人謁余爲記爰書其概于石

吳時亮鳳林土地廟碑記

鳳林禪院在予里之西南隅相傳為漢陽夏侯陳將軍孫封此為土穀神故稱土地廟云廟不知創自何代但其後殿梁上題額尙存正統乙丑重整至于今蓋二百三十餘年矣神威顯赫為一方保障予成童時即隨先大夫百歲翁瞻禮此閒得聞同里先達嚴景菴公事神最虔恪夢神賜以錦帳是年果登第即釋褐為進士其名次適與夢相符神之靈驗類如此已未予通籍後宦遊京師住僧覺堂廓然大志請于先大夫廣而新之闢後殿之前址築三楹為正殿移神棲于其中而後殿則供釋迦大士諸像立山門增置旁舍一切長生燈油田以及什物器皿次第脩

寶木

五

舉犁然完善而又出其餘力剏夏字圩之禪慧寺菁山之經堂庵皆覺堂一人締造之力而其徒養愚贊襄以有成者也故鳳林開山之功實以覺堂為稱首自後子致政家居廟中事無大小靡不力為護持又捨田以為香燭之需而養愚之徒若孫悄然德鑑蓮芳輩亦皆勤敏恪慎梵唄鐘磬晨昏弗綴至于撐持禪林迄今猶無改舊觀者則蓮芳之功尤多焉數十年來覺堂年老而逝養愚悄然相繼淪沒德鑑亦病不能起蓮芳最後年逾六十子年九十有三則衰且耄可知矣一日者蓮芳進而請曰鳳林禪院之賴公庇廕也垂六十年公今壽躋期頤而蓮亦日以衰邁

恐後之嗣者不能恪守清規俾先祖覺堂拮据剏造之艱一旦廢墮用是惕焉茲懼願公賜一言以勒之石以垂不朽并將田畝器具誌之碑左昭世守焉予深嘉其志遂濡墨而記之

國朝吳靜詩

將軍百戰勳名盛代北長埋萬古冤借問空庭誰屬耳漢家廷尉少平反

吳穀北行憶鳳林舊遊詩

鳳林春賽夕陽邊禪室頻來借榻眠惆悵昔遊難再問靈祠簫鼓自年年

吳芳綺鳳林禪院訪王東廬詩

寶六

六

桑柘連村暗聞鐘到寺門斷橋人跡少籬落鳥聲喧把酒無多酌題詩好細論只緣歸路近小住話黃昏

徐公祠

在寶溪西庄田祀東魯徐君

文昌閣

舊名魁光閣

在前溪明萬厓閒吳世治捨地剏建上供梓潼帝君下供漢壽亭侯像 國朝乾隆閒重脩前後兩殿增

素總管祠

清溪南注前溪西環二水會合閣當其中菁埭諸峯俯仰揖拜于几席閒兩溪閒一勝景也里人稱溪閒晚眺列入勝景

國朝吳允詩

小閣憑欄思浩然窗開遠入暮秋天遙山飛翠晴猶
濕野野眠雲雨亦妍禾黍青黃迷古渡橋帆隱見轉
前川何來金鼓聞喧笑可是農家賽社還

關帝祠

在通輿橋北岸明洪武間建 國朝乾隆間陸暢敘
同里人重建

總管堂

在通輿橋北關帝祠旁祀護國隨糧王金總管

明李祐睦州建昌祠碑記元季搆兵李文忠平之有
人馬旌旄擁從前後空中語曰金元七總管也李公

寶六

上聞敕封利濟侯立祠祀之

案神蘇郡人金姓名元七見庚巳編聞之巫祝家云
神元季人金姓名萬一封護國隨糧王子元六元七
封順濟侯利濟侯

計大明王祠

在前邱神姓計為前溪土穀祠晉時敕封清溪里域
咸平侯妻息氏封眞靜夫人每歲八月十三日為神
誕里人以麥粉作犧牲狀以祀

太均殿

祀宋兵馬都監陸圭神歸安人熙寧間以祖廕補官
尋調都監宣和時嘗發私帑賑饑適方臘弄兵廩戰

而卒遂為潮神紹興間海濤衝激江岸見神役陰兵
潮遂平嘉定間飛蝗蔽天神見雲端驅之消祐閒錢
塘大決神與三女揚旗空中浮石江面堤遂築帥臣
徐桌以其事聞于朝賜廟協順爵曰廣靈侯妻姚氏
封花錦夫人三女封顯濟永濟通濟夫人宋文及翁
作廟記今里俗為宜男之神祠中有如姑射神者提
攜孩稚幾十數士女祈子者輻湊而來或竊神鞋應
則倍謝產婦彌月咸祭之謂神能保產多乳或以大
碗覆于神前為乞乳里俗或有生子女繼為神
裔改呼陸某者足為一笑正月
十一日為神誕祭賽如市又清明後一日俗呼為黃
明日其祭賽尤紛紛焉

寶六

案俗稱三濟夫人為三殿太均未詳其義或謂均當

作君或謂神靈顯應正直均平故稱
一在寶溪東嶽行宮西明景泰閒建 國朝乾隆閒
住僧募眾重建

一在前溪法華庵西 國朝乾隆閒吳氏重建

費公祠

在射村祀宋學士文端公費若今廢

戴公祠

在射村鹿苑寺祀宋歸安縣令戴融公于天聖四年
以太常博士知歸安縣事蒞任未期大治先是邑民
困于茶賦公乃籍數之多少第戶之豐乏審地而均

其課民困以蘇崇禮長壽二鄉今射村以西屬長壽俱屬崇禮案府縣各志名宦傳俱作崇禮萬歲二鄉萬歲想即長壽之原名民多澤居不務稼穡公以禮法諭之遂革舊染未幾內召二鄉德之立祠以祀案府李志名宦傳作戴融職官表并縣州顏魯公抒山詩云旁瞻戴融路是也

府勞志戴公生祠碑宋都官郎中張先撰

縣志立祠射村永福寺

案永福寺當作永興寺

胡公祠

在射村祀宋胡咸并廣西帥胡舜陟今廢

宋胡舜陟丐祠射村感皇恩詞

寶六

九

乞得夢中身歸樓雲水始覺精神自家底峭帆輕棹時與白鷗游戲畏途都不管風波起光景如梭人生浮靡百歲何妨盡沈醉臥龍多事謾說三分奇計算來爭似我長昏睡此詞漁隱叢話吳興藝文補選為舜陟子胡仔作問元之皆直書舜陟作花庵黃氏辨案胡咸本績溪人字誠甫游太學十餘年謝病歸其子舜陟舜舉相躡高第從典大州累贈朝散郎建炎四年八月辛亥以疾卒于家年八十一子四舜陟舜俞舜申舜舉紹興元年五月丁未葬于安吉縣之原見汪藻胡君墓誌銘舜陟詳人物

吳氏家廟

在前邱東塢明初吳璋規建于前溪北岸嘉靖間吳龍遷建今所中為如在堂永思堂東為綏祿堂西為衍慶堂共二十九楹崇正間吳世裕吳時亮相繼增聖諭軒東西廂房左右碑亭國朝雍正間增建愛敬堂五楹傳經樓五楹蔣瑤朱國楨俱有記

明孫存詩

道場山前發雙棹法華庵東見新廟廟貌有嚴清風揚司空寫出吳君孝吳君甚孝翁甚慈大書堂額永其思永思堂下種青柏安素墳前生紫芝紫芝眉宇投閒早前邱即是蓬萊島麟兒頭角兩崢嶸蘭孫手掌多文藻君撫兒孫更慕親每推親意及宗人有田

寶六

十

供祀亦周急延陵以下皆欣欣已有雄文勒金石君之雲初保無斃春雨秋霜歲月深種來柏樹應千尺吳龍永思堂落成詩

一生拙宦苦奔馳俯仰徒懷鳥鳥私合族有心成好會明裡無地展哀思親栽松柏森新廟遠紀勳庸續舊碑瞻拜豈能忘對越容聲恍惚足追惟

寶前兩溪志畧卷六

歸安吳玉樹靈圃氏編輯

人物一

寶前兩溪間故老相傳宋時有梁夏倪高葛五大族又施氏與倪氏相埒同居射村之西吳明時及國朝初列博士弟子員者尙多前邱馮氏亦稱巨富元末助餉守郡城洪武間有馮璋者以饒貴籍家今射村猶有梁夏浜高家汰地名惜其事蹟竟莫之攷與廢無常古今同慨故述所見聞俾後人知先輩儀型足動觀感誌人物

五代

寶七

嘉業堂校刊

高士吳諱瑣山陰人因避兵徙湖州射村性恬澹好書史與吳珙吳崧皮光業林昇羅隱何肅韓必隱于長興八座山時號八友西吳里語高士韓必吳崧鍊丹于長興洛塢吳越王錢鏐遣羅隱招之二人遂隱一石壁今二仙石壁尙存子諱翦孫諱黨字昌遠孝友醕謹賑卹鄉里累有隱德後徙嚴州之淳安里人感之築橋以祝東橋曰懷吳西橋曰思吳端拱元年仕建德監倉卒于官子諱漣登宋乾德三年進士六世同居人稱義門

宋

僕射何奩字文纘兄棠弟桀竝有文名時號三鳳公登政和五年狀元擢祕書省校書郎遷中書舍人兼侍

講徽宗時或論公與蘇軾黨出知遂寧府已而留爲御史中丞論王黼姦邪專橫十五罪繼上七章及其黨胡松年胡益等俱罷公亦出知秦州欽宗立復以中丞召爲翰林學士進尙書右丞中書侍郎時議割三鎮和金公論辨不已帝頗悟又請建四道總管使統兵入援以胡直孺王襄趙野張叔夜領之兵既應而唐恪耿南仲聶昌堅主和亟檄止之公解政歸俄以資政殿大學士領開封府尹金兵長驅薄城下帝罷恪相拜公尙書右僕射始復三省舊制時康王在河北公建議請以爲元帥密草詔臺上之乃以康王充天下兵馬大元帥陳邁充兵馬元帥宗澤汪伯彥

寶七

二

充副元帥京城失守從幸金營遂留不返既而議立異姓金人曰惟何奩李若水毋得預議公以既陷朝廷仰天大慟不食死年三十九遺詩云人生會有死遺恨滿乾坤建元初計聞尋得死狀乃贈大學士官其家七人案湖錄作井研人徙居寶溪宋史并東林山志作仙井人

尙書倪思字正甫乾道二年進士中博學宏詞科累遷祕書郎尋兼侍講孝宗時諫請諫官同宰執宣引庶得從容論奏上稱善光宗久不過重華宮公疏十上會上召嘉王公言壽皇欲見陛下亦猶陛下之于嘉王也上爲動容時李后預政公進講姜氏會齊侯于濼因奏人主治國必自齊家始家之不能齊者不能

防其漸也始于褻狎終于恣橫漢之呂氏唐之武韋不但魯莊公也上悚然韓侂胄與史彌遠擅權公攻之尤力累官禮部尙書寶謨閣學士生平剛介不苟合自言與爲有瑕執事甯爲無瑕從官卒諡文節生六子祖仁祖義祖禮祖信祖智祖常祖常有最良譽防禦使孟宗政字德夫有膽力開禧二年金將完顏董犯襄郢率義士據險邀擊奪其輜重吳獵奇之金人圍襄陽公午發峴首遲明抵城馳突如神金人駭遁金帥賽不擁步騎復圍公與再興合兵角敵敗之歷三月大小七十餘戰身先士卒隨方力拒再至再北又合許國兵敗金于白水次年金訛可復擁擊子手

寶七

三

圍城隨計設備禦之胄戰凡五十陳殲金兵孥子手十七八奪印十六紐訛可棄帳走獲輜重牛馬萬計軍聲大振遺民來歸籍其壯者號忠順軍出沒唐鄧間威名震境爲一時名將子璟珙璋

縣志載公隨州人徙居歸安

魯國公孟珙字璞玉勇而有謀歷事寧理兩朝任京湖大使父知襄陽時命公代統忠武軍取閒道劫金營破砦十八斬首千餘級大獲軍器以歸紹定六年元將那顏儕蓋追金主完顏守緒武天錫乘亂聚眾二十萬爲邊患公逼其壘一鼓拔之壯士張子良斬首以獻金人攻呂堰追擊敗之進逼大河金人棄輜重

走獲斬甲士牛馬無算鄧守移刺瑗降盡獻鄧地順陽令季英亦以縣降由州安撫張林以州降連破石穴等砦金將武仙與五六騎奔降其眾七萬獲兵器無算端平元年破蔡金丞相烏古論栲栳降殺金元帥兀林得金鑑寶王金銀璽印牌還上曰卿名將之子忠勤體國破蔡滅金功績昭著詔授都統制賜資甚厚嘗剋平堰溉田十萬頃使軍民分屯邊儲豐勿公忠貫金石軍民愜服指授方畧發兵深入所至以捷聞端平六年初所招鎮北軍駐襄陽李虎王旻亂鎮北亦潰公歎曰三十年收拾中原人今志不克伸矣病遂革九月朔大星隕于境聲如雷越日遂薨特

寶七

四

贈少保三贈太師封魯國公諡忠襄廟曰威愛其學邃于易六十四卦各繫以辭名警心錄號無庵居士

案宋史作魯國公經義考作吉國公誤

高士胡仔字元任家本績溪父舜陟爲廣西帥忤秦檜死公以父廕授迪功郎轉奉議郎知晉陵縣乞歸自號茗溪漁隱閉戶讀書留心吟詠取古人詩考之傳記作叢話百卷詞林稱其博雅今其遺址俗呼胡家墩云

太守葛勝仲字魯卿丹陽人登進士第歷太常卿續修太常因革禮春宮建以公兼諭德獻仁孝學三論復採春秋戰國以來歷代太子善惡成敗之迹日進數

事詔嘉之徙太常少卿歷顯謨閣待制宣和四年出知湖州六年移鄧州朱勳先求白雀之屬公不與至是媒孽其短罷歸建炎中范宗尹為相凡前日以朋附罪貶者咸赦還公復知湖州時金人蹂江浙聲搖諸郡劇賊邵青欲道江入湖公修城郭閱士卒作戰艦賊知有備皆引去歲饑斗米踰千錢餓殍相枕公大發倉廩又輸已粟數百斛賑之民賴全活紹興元年丐祠卜居歸安之寶溪紹興十四年卒贈太師諡文康

案公父書思祖密俱進士子立方孫鄉

寶七

五

諭除正言首陳征權歲增之害願明詔有司茶鹽酒稅比原額已增至一倍者毋更立新額上特召復令條陳公以六事對皆切中時病光宗受禪除參知政事勸上專法孝宗上嘉納紹熙四年拜左丞相專守祖宗法度薦進人物博采公論惟恐不聞除少保致仕卒諡文定配饗光宗廟廷

高士賈收字耘老烏程人慷慨好義嗜詩酒喜交遊愛寶溪清遠築別業于溪之陽時人以陶元亮目之東坡守郡時每念之過其居作古木怪石以贈遠近名彥無不蹤其門者從孫安宅字仁居大觀三年狀元年僅二十二歲授校書郎累遷戶部侍郎建炎間為

給事中封駁無所避歷事三朝累司文柄貢舉得人徽宗嘗手詔獎諭之子選詳明典故通曉法理官刑部侍郎

司諫施元之字德初以文學著聲試館職除起居舍人遷左司諫註東坡詩四十卷子宿

案郡邑志俱作長興人而施氏子孫相傳世居寶溪以長興籍應試故入長興邑志

提舉施宿字武子克承家學尤留心金石慶元初知餘姚縣市田置書以教學者邑北瀕海歲役民修堤民苦之公築石堤建莊田二千畝以供修堤之役民德之歷任會稽通判朝散大夫提舉淮東常平倉寓賢富直柔不詳何許人寓居寶溪呈葛魯卿陳叔易

寶七

六

詩云青衫短簿汝陽天鵝牘當時誤薦賢承乏西樞了無補還依丈席聽章編洛陳花骨巧裁詩曾把梅篇薦玉墀來說他年調鼎事只今身已鳳凰池陳君談論席生風段子文調氣吐虹參木腴腴皆入篋知人誰過葛仙翁

元

自註陳名恬投名拂

高士夏文彥字士良號蘭渚博古好學家藏名蹟鮮有比者鑒賞品藻萬不失一取名畫記圖畫見聞誌畫繼錄續畫記參以宣和畫譜南渡七朝畫史五代唐宋以來諸家畫錄及傳記雜說百氏之書搜潛剔祕網羅無遺自軒轅至元共得一千五百餘人命曰圖

繪寶鑑錄楊維禎序之又創前人所未發立神妙能
三品論畫苑奉爲規範云

提領吳諱康號水村元至正間舉賢良方正任南宮提
領內誥宗族外睦閭黨創修族譜慷慨好義素抱經
濟之學與金華宋濂稱忘形交後宋公應明太祖召
致書薦公而公已歿

吳興郡公孟涓字君復號能靜宋節度使珙孫父之緡
官至尙書公以父廕官至太守贈吳興郡公諡康靖
幼強記號爲奇童喜作詩有衡湖集

明

平涼侯費聚字子英曾祖熙父得興商賈于臨濠至元

賈七

七

末爲盜所劫公扶柩于濠遇明太祖起兵遂從焉與
耿炳文由廣德取長興授永興翼副元帥張士誠遣
潘原明來寇公獨追至鎖荅橋大敗之召回領黃旗
軍李伯昇大舉入寇太祖以長興兵少復命公率廣
德安吉兵應援擊敗之進永興衛指揮同知丙午克
湖州平蘇州改指揮使及平關陝陞都督僉事鎮守
平涼洪武三年封平涼侯歲祿一千五百石予世券
子超戰死璿以人材舉官孫宏累有武功俱徙居五
河茲不詳載案明史作五河人府志名宦傳作世居
歸安射村祖大琦父得興俱以公貴

平涼侯

府判孟道夫君復子也博學多才性謙異能寫竹時人

珍之以舉薦任應天府通判有政聲

處士吳謙字宗益號松菊端方嚴重不苟言笑推惠鄉
里或忌其能譖諸官舉爲糧解公弗辭正統景泰間
屢輸賑饑例授官辭之朝廷嘉其義赦免差役旌表
義民弟宗義明史孝義傳誤作歸善吳宗益宗
義康熙歸安縣志宗益誤作宗孟

承事郎吳諱立字宗義號西疇疎財仗義事親以孝謹
稱正統景泰間屢輸粟賑饑授承事郎又出粟二千
石白粲六百賑饑例加官辭之同兄宗益乞移築故
父朝廷允之特旌孝義年八十五卒子諱璋克承父
志益敦孝義成化間出粟六百石救荒授七品散官
又嘗封股以愈母疾施棺施藥設義冢創義塾修橋

賈七

八

梁道路凡義舉皆力爲之宏治癸丑歲歉復輸金千
兩有司以聞特賜璽書旌表父子孝義又散粟四千
石于鄉懇陳當道蠲租賦約萬計里人立德惠碑于
鹿苑寺張濂記之
太僕吳龍字九淵號西園性剛毅敦名節直諫慷慨官
太僕寺主簿遷零陵縣知縣乞養歸增築家廟修輯
家譜設義學廣義冢嘉靖三十四年海倭徐海率黨
由松犯嘉湖公散金募鄉勇溪港要處多方設備倭
倭至輒灑淤泥赤豆於倭舡并岸灘之際倭皆不能
上岸暫立又揀壯銳者乘小舟各持强弩奔射出入
溪港若飛倭稱爲鐵胡蜂不利而遁德清烏程歸安

皆賴以安後塑像泗水庵

廣文吳應芳字文譽父任光祿丞諱鳳字九韶代有隱德公其冢子也分鐸江陰獎篤行斥浮薄賑貧購葬卒于官士民哭之失聲奉祀名宦

布政陸綸字理之號南洋嘉靖丙午舉人庚戌進士授刑部郎任四川布政事父至孝于昆仲間尤友愛焉持政寬平去苛法折冤獄署兵事以大義激三軍軍民稱頌不衰謝病歸旦夕課子一介不取每徜徉山水有會心處輒忘返焉卒壽八十有四

濮州守吳應穆字文衡嘉靖舉人授濮州守濮故瀕河賦繁民訐會高唐以浮糧嫁額于濮至驚上聽幾聚

寶七

九

揭竿公力陳之當事遂仍故額民賴以甦民有谷姓者妾夜為人刃他讞者坐其罪谷之備傳某獄已成公得真盜脫傳于幽室泣任其月威惠畢殫兄應和字文節號道南強直不屈篤學善文

靈壁令吳仕讓字允恭性倜儻善詩文書法虞褚自號三吳墨卿嘉靖戊午舉人授靈壁令先是邑大水醫城下民徙鄰壤者十室而九公至即白上司蠲賦親自弔慰民遂返壬午復患水如初公周視地宜疏渠原野邑賴以安

郡丞吳仕昂號馨葵有蛇百餘見于室而誕公萬厯辛卯舉人選邵陽令尋陞寶慶郡丞署郡篆一年訟者

無留獄時有隆回洞蠻出市殺人遠近騷動公單騎往諭蠻泣感納款旋以忤璫乞歸壽七十四舉鄉賢大賓

莆田令嚴廷儀字景若父汝麟嘉靖戊午進士任榮府長史公萬厯壬辰進士任莆田令孝友克敦經濟夙著妻陸氏布政南洋公女也性貞靜不苟言笑善詩文翁姑妯娌嘗誣其短氏仍孝敬如故人咸敬之後為妯娌所害公適省親歸里亦死于家難

高士吳夢暘字允兆號北海強直不避權貴工詩古文雄長詞壇兄弟五人公居最幼有誣叔兄殺人者辭連諸仲郡丞下令捕急將收其孥公挺身見丞辨誣

寶七

十

狀得釋遊長安與宋忠甫張聖標李如松交時如松督兵朝鮮聘公為參謀復所侵地倭遁去于是海內賢豪爭交于公時人以公孝友類姜肱義類魯連詩類高岑言論風旨類林宗云明史文苑茅坤傳誤作夢陽

鄉賢吳世裕字伯順號冲陽父贈中大夫諱仕謨號豐原救濟戚里不責報者幾千計公一承父志敦本尚義萬厯戊申己酉閒出粟首倡賑饑築城墉建水柵繕祖塋掩骼埋骨恆殫力圖之壽百歲子時亮

六安守吳世濟字楫侯萬厯壬子舉人任太和縣令時流寇猖獗公築城浚池鄉城聲援親冒矢石殺賊首紫金梁眾宵遁城賴以全 國朝乾隆庚辰崇祀太

和名宦

少司馬吳時亮字元亮號訥如晚號止庵萬厓進士天啟間督學山西時中外頌璫功德建祠太原守及諸縣令效之公曰媚璫以保富貴如物議何守正得禍未始非福璫祠遂已崇正間敕整飭江海一帶兵民勦捕倭寇海盜節制巡撫操江等官督運軍餉歷任廣東布政司使陞南京兵部侍郎以親老致政拓宗祠修宗譜族人仰之壽九十七

高士吳磐字大雍號桐江才抱經濟學貫百家與張天如楊維斗韓求仲倪鴻寶黃石齋凌若柯諸名士交好庚辰歲饑公策救荒十三議上之軍民全活無算

寶七

十一

流寇分掠山邑郡守聘公爲籌畫崇正間以經濟召再徵不赴著作數十種兼工行草書得之珍如拱璧秀才吳子方父世濟公兄弟五人兄子向棄儒就墨弟子易早卒各遺孤寡無所依公與同居篤愛無異已生宗黨稱之

寶前兩溪志略卷八

歸安吳玉樹靈圃氏編輯

人物二

國朝

鄉賢吳諱世祺字濬吾號樂羣年十五父大參公卒于官扶襯數千里歸葬孝友著於鄉里生平慷慨好施崇正閒歲饑出粟賑濟全活無算凡濟困拯危等事不可枚舉時值鼎革屢為盜所執不屈盜伏公仁義以金杯勸公酒公即取擊盜喪二齒餘皆股栗公獨肅然以大義申責羣盜無敢仰視者兩舉賓筵壽八十臨終時語曰徹爾我之藩不絜而自平晰是非之

寶八

嘉業堂校刊

極不同而原合我子孫當日誌之孺人顧氏多才斷盜既劫公復將劫孺人一日盜突至孺人衣敝服執箒大呼曰我太孺人不見矣直入盜伍中作尋覓狀盜不得而去後盜覺復至孺人登門樓侍婢環列孺人語盜曰我有婢善弩發三弩汝能避當以金銀獻盜魁皆畏而不前孺人整衣端坐言語從容盜懼而退

處士吳諱時宣字元爽號湛存敦厚有至性順治丙戌夏羣盜蜂起公弟被執公傾家贖之後又執公父至是已三被劫家貲無一存矣公挺身赴盜窟號泣請代盜為動容遂釋父歸與凌忠介溫寶忠友善人稱

吳中三君子寶忠殉節新安公走千里扶襯歸里往返六月任勞任費鄉黨推篤行焉韓純玉作吳中三君子歌以紀

鄉賢吳時憲號念因少負雋才不慕進取精心於濂洛之學著有性理闡幽八卷學者宗之雍正六年崇祀鄉賢

員外郎吳景直字嶧山公幼警敏舉崇正庚辰進士任新昌令值流寇猖獗躬擐甲胄修築城垣鼓勵義勇擒獲嚮導四境保全撫按交薦擢禮部主事去任之日捐千金輸地方運糧陞員外以親老致政士論惜之

寶八

進士施鉉博通經史嗜學不倦順治辛卯舉人癸亥進士由射村徙居桐鄉即入籍焉

太史吳光字迪前號長庚曾祖世治任建平令有強項名公舉順治辛丑進士殿試第三授編修甲辰分校禮闈康熙三年命公冊封安南相見正天朝禮卻餽遺風節凜然使旋命纂修孝經衍義卒于官

泰安牧吳曙字峙青號芸齋父鄂字韡堂有隱德公舉康熙己丑進士授商河令濬治七十二窪苦積潦者皆可耕治邑之荒蕪莊有盜拒捕公單騎馳往擒其渠魁赦其脅從探丸絕跡擢泰安州牧懲豪強嚴科派州徵漕萬石往例皆民運公募車官運減耗米以

給車價民深德之

太常卿吳隆元字炳儀號易齋弱冠魁于鄉康熙甲戌
進士選庶常改授大名令調濟河令皆以廉能著高
安朱文端公特薦之補會政府主事歷郎中擢侍讀
學士教習庶吉士屢典文衡轉僉都御史大理少卿
調太常少卿公天性耿介不避權貴人皆以海忠介
目之文章鏘鏘鑄史卓然老成篤志經學尤邃於易
著作甚富

州司馬吳諱啟褒字我錫號我雪十二失怙事母至孝
稱弟甫七歲友愛彌篤天性醇良好善樂施營同堂
伯叔昆季十餘楸竝置祭田乙亥歲荒公屢請當事

寶八

得邀賑濟并蠲免錢漕萬計鄉黨稱之兩舉鄉飲固
辭不赴日誦經史百家至老不倦手自繕寫不下數
百冊三教方書無所不通柯南陔以手眼大士呼
之壽八十四著作饒富詳著述

激浦令吳大煒字青然號兢齋康熙丙子舉人重宴鹿
鳴壽八十五初授激浦令時適鄰黔陽有傅氏婦因
姦毒死其夫之父及兄子事三年未決公攝黔陽廉
得其狀審出之爲抵誣告者罪人稱爲神後以不稱
上官改東陽教諭

廣文吳履中字爾立號全夫穎敏篤學雅貫百家古文
制藝世所推重登康熙戊子鄉薦授仙居縣教諭日

與諸生講濂洛之學自號醒世道人卒于官士人哭
走千里執紼送至家著作饒富詳著述孫坊字封三
號壽谷孝友剛直淵博經史人叩疑義必覈確而告
四方宗仰或不遠數百里來就學者晚年洞覈程
朱著有家訓二卷

孝廉吳曉字曉人號問庵篤行善文人咸謂公文有賈
董之醇茂韓蘇之海潮一時奉爲楷模尤善奕入能
品康熙丙午舉人授教諭

孝廉吳晟字卓人康熙丙子舉人性瀟灑無俗嘗慕松
之孤潔取崖之于世無所用自號松崖居士日以琴
書自娛閉戶吟詠著作饒富

寶八

高士劉舜俞長興人尙書公麟之後高志逸才弱冠卽
博通墳籍諸子百家罔不窺見補弟子員後歸隱于
西吳之餘溪閉戶著書講學不輟與松崖子輩相唱
和後復翩然有遺世之想焚香趺坐唯與高僧相往
還遂入山不知所終

御史吳鳴虞字集三號蓼村康熙甲午舉人甲辰進士
授工部主事尋陞監察御史奉 命賜四品服往四
川總理丈量公不避權貴不避寒暑躬親履勘私佔
者悉以還之蜀民咸大歡悅立碑銘其功烈年八十
八

明經吳逢泰字霖蒼號樗全厚重少言以績學名于時

而于見義尤勇念族屬有貧不能從學者公慨捐腴產約千金爲義塾計又倡立祧廟撫孤濟貧里人頌其功德不倦

處士吳文奇字頌音性簡質慷慨公父啟正字克存沒後有遺貲貸于人者約八百金公悉取券火之曰豈當留此爲子孫斂怨乎人咸重焉

封公吳智字錫其父光以編修家居時嘗以數百金置里中令貧民夏質絺衣冬以帳易不取其息及父卒家貧召鄉人悉還其衣帳論者賢之子大受

太守吳穀字朔占號混懷康熙辛丑進士由吏部郎中出知思南府歷岳州武昌廣平宣化所至政績推重

寶人

一時樂施好善修輯族譜鄉黨皆感其惠

郎中吳聯珠字珍茲舉乾隆丙辰進士歷任刑部郎中典雲南鄉試後以母老絕意宦遊家貧至孝營同堂伯叔兄季十二櫬宗黨義之

太學吳諱升恆字得天號杏園孝友敦謹慷慨好義嘗改造房屋有請讓地者公慨然自縮界與之曰我天井陘隘何害倘以尺地起爭非睦鄰之道恥勿爲也

有張姓者時貸公米其子竊米數石鄰人偵得之以告公公置不問張聞之感愧後家廟所藏古鐔被盜張適爲捕役水手二日卽得盜曰吾所以報公也鄉里借公財粟而貧乏者旣還其券且燬其簿曰無爲

我子孫責報遇凶歎倒廩以貸不能婚葬者傾囊助之後以家計益艱寧自刻苦不稍易行遠近百里婦人孺子皆呼慈佛年六十四卒哭弔者盈戶有哀慟動于形色者

太史吳大受字子愔號牧園雍正癸卯進士以檢討典試江南四川督學湖南丁母憂後不作宦遊計時張相國以科道薦薄通政以經術薦俱以疾辭

鄉賢陸汝詠字暢敘一字靜齋耕心其晚號也爲人朴直端方慷慨好義賑貧乏施藥棺恤寡孤獨見道路橋梁僧剎道院之傾壞者輒解囊營之無吝色其族屬朋黨沾其惠者尤多

寶人

六

進士吳芳綺字璣號馨白登乾隆乙卯進士家貧篤學夜讀不輟夏夜坐峽廚中執香火觀書習以爲常羣書無不觀覽更邃于經竇東臯諸名家皆以十三經異同字句揣摩同族坊字封三變字丙之皆家學經史遊其門者以百計與公人稱三如來云公兄芳鎮字虛益乾隆甲午舉人博學善文族兄蘭庭字虛若與鎮同榜亦博古稱時人號大虛小虛

廣文吳元會字東垣號抗初乾隆辛酉舉人乙丑進士屢任溫州衢州金華府教授仁慈謙和敦謹不苟雖狂暴少年見公靡不傾服歷官二十餘年所至士民咸稱其德翕然無異詞

寓賢陳庚先本楚人流寓前邱性豪俠善劍術力舉千
筋喜吟詠不求聞達或云爲知己殺仇人遂隱于吳
不復出吳景凱贈詩云客路王孫草正芳征衫溼處
水雲涼影孤有雁迷若渚音斷無魚到武昌一劍知
心成密友九疑入夢隔他鄉卜居近在柴桑逕我欲
行歌學楚狂

太學吳長齡字卜年敦謹不苟言語沖和人見之如坐
春風中壽八十四授八品散官

寶前兩溪志略卷九

歸安吳玉樹靈圃氏編輯

藝術

術技之道未矣六藝與六德並稱醫卜圖繪不與焉而聖人不廢龜筮古皇著有方書六書首于象形其圖繪之源歟技雖小精之亦可以通神明參造化烏敢略諸誌藝術

明

指揮吳鶴字九皋號松軒工詩詞善書有二王法帖百韻歌赤壁賦石刻菱湖南聖堂碑記均公手筆也

郎中吳仕詮字公擇號湧瀾萬厓甲戌進士授溧水令

寶九

一嘉業堂校刊

新學宮修邑志輯族譜尋陞南京兵部郎中喜奕性豪放與臧懋循友善賦詩酌酒以敲杯為樂後罷官居家奕名益著為南都國手築室于故讀書處顏曰攝庵人稱攝庵先生

高士吳筠字在茲號青士晚號魯庵少工詩文稟甚富

怡情圖畫青綠宗李將軍潑墨出入二米晚年自立

門戶花草人物色色俱工壽八十

處士吳喬號松濤善花鳥宗黃筌尤精草蟲嘗以淡墨

點峽蝶輕盈可愛

文學吳時寰字季方號補齋孝廉羣玉公季子也詩書

兼美尤善摹印畫宗荆關時開小米詩選入同岑集

詩觀

秀才吳子向號更生弱冠補諸生中年棄儒就墨精于醫學著有傷寒五法集註李保泰序之

國朝

處士吳景周字補周號硯叟工花鳥人物每以淡墨渲染傳神宛肖

太學吳景鵬字公端號飛濤博雅善文工山水蝴蝶名振京都孫侃字樂亭性灑落亦以蝴蝶稱計蝶一翅人以白金一笏換之不輕與時有金蝴蝶銀山水之目

秀才吳景振號耐溪善書銀鈎鐵畫柳骨顏筋有學字

寶九

訣四卷

明經吳標字南英號枝巢中雍正乙卯副車前後十六試于鄉無一遇嘗就家塾進子弟之務學者誨之孤寡尤甚喜寫松石筆力扛鼎墨透絹素非宋元間之輕薄筆所能同語也

高士沈珠霖字綠田工詩詞精於篆刻初用切刀法晚年變走刀蒼古邁勁足徵名家採經史子集壽字者一百二十句篆之為上壽印譜識者珍之又精六壬奇門之術晚號九魔子著有六壬辨說巴辭草奇門心法

明經吳最良字季常因白眉自號眉公未冠補諸生舉

明經精醫學好藏書尤善六壬時有鄰婦難產者求
卜于公公曰產婦牀上有物中空外圓晝隱夜出乃
燈籠也棄之即產卜者歸取出婦即分娩公造一舟
卜之曰十年後此舟當毀于眾人手後十年舟人夜
泛無火鄉人疑盜毀之一日有友謁公時沈綠田善
六壬亦在席公謂綠田曰我心動爲我卜之綠田謂
友曰君囊中有物官符乘于朱雀當爲印券必遭大
殃公又卜之曰是火也友驚懼不已公曰數定矣無
可逃也越三日果如公言著有醫學纂奇四十卷六
壬彙纂十巨冊

處士吳鶴鳴字聲聞少年力學精醫術十三科無不手

寶九

纂參以議論繕寫成帙

處士吳啟績字念曾得鶴鳴之傳兼通內外諸科仲弟
早逝撫孤寡與叔弟同居至老不分爨人稱篤行

處士吳蓉字暎然號隱髯善篆刻尤長于書與鍾禮友
善初學孟頫晚年變其法尤爲奇峭

秀才吳焜字鵬初善摹印工詩文著作饒富

秀才吳名晉字康侯號改軒家貧至孝性廉介不苟取
與善書楷法鍾王出塵絕俗行草出入黃米更入化
工又喜畫葡萄筆墨精雅

處士吳二同字少德號少室山人精于醫回生起死遠
近德之尤能審音律自訂宮商曲譜甚精細

處士吳名惠貧無担石事父至孝以賣水給養人咸以
挑水官呼之每于山林僻處輒大笑聲震林端精六
壬風角天之晴雨歲之豐歉往往奇驗一日沐浴不
食而逝

處士沈佩蓮字虛舟號希周善畫人物學呂海山筆法
瘦勁鬚髮鬚呼之欲出尤善傳容嘗以淡墨渲染
形神逼真家貧孝友年四十而卒

處士吳履易字素行博通經史更邃于春秋好臨池得
歐柳法中年習醫遠近欽仰著有傷寒辨論等書

寶九

四

寶前兩溪志畧卷九

歸安吳玉樹靈圃氏編輯

釋老

二氏之道吾不知也然其間逃名隱跡固多偉人
凡近於幻術頑空概不採錄其有裨於風教者存
之勿責余掛漏也誌釋老

明

蓬頭僧不知何許人住法華庵耕田自給不事佛經營
于水面取黃菜葉作餐或笑之僧曰黃菜葉只要飽
若要好討煩惱一日遍辭里人示期坐化顏色如生
異香遍里啟其榻有貝葉一張上書梵字

寶十

嘉業堂校刊

國朝

淨慈獅子吼寺僧有戒行後住金粟以煩雜退歸居禪
慧寺寺甚荒僻師居不數月蒔花薙草修整一新儼
然一古叢林也壽七十圓寂時遠近如聞異香
沿齡鹿苑寺僧族姓徐自幼不茹葷喜禪理十歲入寺
受戒終日禮誦無他事設放瑜伽餒口極有奇驗乾
隆閒菁山毛蟲食松葉為害邑中仕宦塋墓多半在
菁蔭木幾食盡而無計除之有宦者謁師請除師固
辭請益虔師遂往焉設放餒口一壇比明蟲皆墮地
大小成毬而死三日墜盡又有費某家患怪飛沙拋
石放火跌人無所不至乃請真人府法官驅之不克

尋遁去遂敦請師設放餒口竟貼然不復擾矣壽七
十餘而逝與羽士沈一炳友善

以上釋氏

寶十

唐

馬湘字自然杭人常遊湖州以醉墮霄溪經日方出坐
水上衣履不溼每賒酒白塔巷酒肆一日謂主人曰
我得仙矣酬爾酒價出囊中藥投鐵器竝為紫金又
居寶溪上賣錫為業一日輒語鄰曰我賣錫已三年
矣其與兒女食何多與父母食何其罕與悉投錫於
溪攜妻子乘舟而去里人疑即馬仙覘之舟忽躍入
雲中舉手笑別居傍有橋因名望仙居南有溪名仙
溪乃躍舟之所也明吳世濬詩云聞說仙翁馬自然
仙溪溪上住經年石橋南望溪如舊一片白雲何處
邊

寶十

國朝

沈一炳字谷音世居前邱幼年好道得龍門法錄于文
昌閣莫之解遂遍遊天台終南諸大名山遇異人授
三一經啟之乃道德經中庸多心經也遂得悟惟以
誠敬為功呼叱鬼神驅答魔怪雍正癸丑亢旱時師
年止二十餘罔有知其術者師不忍膜視乃奮然起
曰請嘗試之爰于清溪橋上設桌二三重跪赤日中
默禱咬舌書符歷一時許有黑雲自東北來須臾甘
霖大霑而當事者竟莫知之南陔柯煜立亭潘汝誠
皆有詩贈家裝雪公有詩云奇哉一羽士濟物道心
堅瞻此農氓苦血書願上天赤脚曝日中喝死奚恤

焉一誠信足感竟得屏翳憐甘樹霎時足歡聲騰陌
阡贈詩有丹邱贊歎非徒然潘生念桑梓亦投鴉青
賤我田有負郭對之喜不眠濡筆遂誌之簷角猶潺
浚乾隆乙巳亢旱當事敦請祈雨甘霖隨至後坐化
于開化院面色如生
以上老氏

寶十

寶前兩溪志畧卷十

寶前兩溪志畧卷十一

著述一

歸安吳玉樹靈圃氏編輯

古人謂物之傳世有幸不幸書之傳不傳亦有幸
有不幸焉兩溪閒漢唐以上無可攷自宋迄今其
著作幾當充棟而所存者什不獲一此古人所深
慨者也今姑備志其名目其可攷者略附梗概或
亦供涉獵之一助云爾後之人倘得博採而兼收
焉則更幸甚誌著述

宋

綺川集十五卷 倪備

寶十一

綺川詞一卷

公字文學紹興進士子倪思

易訓二十卷 倪思

易說二卷

大學辨一卷

大學僻解一卷

中庸集義一卷

論語義證二十卷

孟子問答十二卷

湖錄公於四書各有著述今皆不傳經鉅堂雜誌載
有詮解論孟數条稍見一斑

壽皇聖政四卷

特轉一官

吳興志思為吏部侍郎時訪修至尊壽皇聖帝聖政

昆命元龜說一卷

臺諫論二卷

合宮嚴父書五卷

掖垣詞章二十卷

繳論四卷

齊齋奏議二十六卷

歷官表奏十卷

翰林奏草一卷

寶十一

銀臺章奏五卷

更化奏對錄一卷

遺奏一卷

湖錄公子祖常取其遺奏與魏了翁所撰碑銘及論
議彙為一卷

兼山論著三十卷

兼山論著附錄五卷

兼山小集三十卷

齊齋甲集二十卷

齊齋乙集十五卷

翰林前稟二十卷

後稟二十卷

刀筆集十五卷

四六集十卷

承明集四十卷

南宮集一卷

些章二卷

詞科舊稟五卷

南正南轅詩二卷

近體樂府二卷

經鉏堂雜志八卷

萬麻庚子郡人潘大復序

寶十一

顏子一卷

子思子一卷

續曾子一卷

上三種郡胡志作倪思撰絳雲樓書目入偽書類

班馬異同考三十五卷

公以漢書多因史記之舊而篇章字句時有竄改因

參合兩書證其異同以求史家筆削之意

四庫全書劉辰翁評點

遷史刪改古書異辭十二卷

書錄解題思以遷史多易經語更簡嚴為平易體當

然也然易辭而失其義書事而與經異者多不可以

無攷故為是編經之外與他書異者亦并載焉

倪思史漢異同補評三十二卷 凌濛初

安陸唱和集六卷 倪恕

公字行甫涪州進士倪備子

易說二十卷 倪淵

圖說一卷

易說序例一卷

吳興分類詩集三十卷 倪祖義

家傳六卷 倪祖常

言行錄三卷

家藏三朝宸翰一卷

寶十一

倪文節公年譜一卷

書錄解題戶部郎中倪祖常字子武輯其父尚書遺

事凡四種

丹陽集二十四卷 葛勝仲

丹陽詞集一卷

四庫全書目考論諸史喜閱釋氏藏經故其文博雅

多禪理

太常因革禮三百卷

方輿別志二十卷 葛立方

西疇筆耕五十卷

歸愚集二十卷

歸愚詞一卷

韻語陽秋二十卷

葛邲文集二百卷 葛邲

詞業五十卷

信齋詞一卷 葛剡

警心易錄六十四卷 孟珙

易贊

忠襄公拒敵平金履建奇功退居軍中恬然若無所
事集古今易說折衷之每卦各繫以辭辭四句名易
贊有謂公兵法得之於易

孔子編年五卷 胡仔

寶十一

漁隱叢話一百卷

自序云投閒二十載心無所事因網羅元祐羣賢詩
話纂為六十卷自謂已略盡矣比官閩中歸苕溪又
獲數書其間多評詩句逐再采摭因而擴收羣書舊
有遺者及余聞見有繼得各附益之釐為四十卷前
後共一百卷云云

此書乃繼阮閱詩話總龜而作故閱所載者皆所不
錄

建炎避亂錄 胡舜申

懷蘇集一卷 賈收

府勞志收與東坡最契東坡去後收念之不置築一

亭匾曰懷蘇常作詩寄懷彙為懷蘇集

東坡詩註四十卷 施元之

公字德初宋時人以文學著聲試館職除起居舍人
遷左司諫察郡邑志俱作長興人而施氏子孫相傳
世居寶溪以長興籍應試故入長興邑志云

會稽志二十卷 施宿

元

衡胡集 孟洵

圖繪寶鑑 夏文彥

古今畫論一卷

明

寶十一

歷朝史譜十卷 吳璋

擇日易覽四卷

居家節要一卷

高臺安素公墓誌銘 公字汝敬號安素生岐嶷聰警
不凡樂善好施慷慨自許嘗刻歷代史譜擇日易覽
居家節要等書以廣其傳

竹軒集 吳鳳

吳氏詩在公字九韶號竹軒邑庠生入太學往來雷
都與大司馬甘泉湛公學士惟東姚公咸稱忘形交
選光祿署丞後拂衣歸與劉南垣蔡白石茅鹿門孫
屏石結契多所吟詠

郡縣方輿沿革十五卷 案府志作郡縣地理沿革 吳龍

士林珠玉四十卷

士林珠玉續集十卷

怡情漫詠十卷

顧應祥序云公在滁時考覽古今圖誌著方輿沿革

又集士大夫過從倡和投贈諸作為士林珠玉五十

餘卷所自著有怡情漫詠殊有天趣

園林後記九淵家前邱工詩日與騷人韻士為詩酒

之歡著怡情漫詠

白門詩草六卷 吳仕詮

謝陞序云今稱詩者多在南都而其沈潛溫厚庶幾

寶十一

賢於昔者則公擇為冠

烏程縣兩朝實錄備纂四冊

湖錄天啟初纂修萬厯泰昌兩朝實錄行下郡縣開

造各項事宜題申館局以備纂輯此四冊得諸傳是

樓借觀每葉皆有印縫卷首有呈詞云湖州府烏程

縣副貢副總纂吳仕旦 前漢人 縣學生員閔元化沈清

遠備將該縣各項應纂事宜遵照來文逐一載述其

四本呈送伏乞上裁

射堂詩鈔十四卷 吳夢暘

北海集

閩觀詩略

陳繼儒跋云先生獨行類鴻漸奇策類鴻客隱類鴻
乙餘事乃作詩人耳

柯煜序云公詩入於陶謝李杜之間獨有俊爽拔俗

之概讀之渾浩流轉若瞬息千里而不知其攻苦斟

酌夜不交睫也

憩棠造士錄 吳仕昂

寄傲吟

國事譚林 吳世熙

清溪論草

府志世熙字緝侯號羣玉生穎異十歲能文下筆灑

灑千餘言立就無他嗜好於古人書無所不讀往往

寶十一

與之批駁必根極其人而止生平饒奇韻而無俗情

一時藉藉藝苑咸稱為談詩匡鼎萬厯癸卯始從成

均上公車凡三別竟叱僚不獲信而逝

夢蓮草四卷 吳世美

越遊小草

吳氏詩存公字叔華其詩端莊流麗而秀傑可愛晚

年留心釋典故與高僧唱和居多

禦寇始末二卷 吳世濟

公字楫侯任太和令邑為河南之衝時流寇縱橫公

多方禦守斃紫金櫟於城下書中所載甚詳

細陽雜詠

易解

易白

春秋解

性理闡幽八卷 吳時憲

畫餘草四卷 吳筠

泌可堂文集十卷 吳時亮

蒿城集□□卷 嚴廷儀

菁山集□□卷 施侃

國朝

在庵文集十卷 吳易

日用身儀十四卷 吳最

寶十一

九

公字人伯號六有甫脫襦祿就塾讀大學即問正心誠意大旨師奇之後博貫經史著作饒富是編取六經并諸賢語列爲立坐行跪拜視聽容貌聲音言語飲食衣服寢息雜儀通論計十四條後附諸家註解閱圻申校定張履詳序

宋儒五子文讀

朱子纂要析疑

陽明語辨

傳習紀疑

性理纂要錄二卷

朱心跋云此書亡友吳人伯所纂前後分二集其一

曰微言多採先儒精微之語通于性命之原者引人於思也其次曰明言則採先儒死生鬼神之論釋氏之辨所以釋疑而解惑也予因錄之統其名曰性理纂要

俠編十卷

是編採歷代史書并古今野史百家起自伯夷叔齊至明建德樵夫及王維禎之馬金華丐之猴計一百五十餘篇自著俠說其略曰大凡任俠易認俠難認俠易養俠難無故而號于人曰誰敢侮我知其遇敵而卻走矣荆卿之于句踐也嘿而逃去子房之于老尤也跪而納履淮陰之于少年也出其跨下誠認之

寶十一

十

確而養之深也是故無事而思俠則狂矣既事而思俠則挫矣不審其初終則謬矣必審其初終則餒矣出乎至性發乎自然主乎禮義識若止水心若鑑空夫如是謂俠夫如是謂真俠又立取俠意八條自註曰不言凡例而言意者俠無定局若以例概之非俠也其夷齊傳後論曰伯夷叔齊古今第一對大俠也讓國而逃毫無濡忍毫無芥蒂何等慷慨何等決絕非俠而何至其扣馬一諫西山一餓尤極剛烈那時九州四海從風而靡獨此二子子然以君父二字聲大義於軍前想見武王此時直是羞慚無言左右欲兵之沒法打發他也太公止之手提不起刀切不下

也真奇男子真烈丈夫云云其餘概可見

藏山文集六卷 吳磐

藏山遺詩四卷

張溥序

南山堂自訂詩十卷 吳景旭

南山堂續訂詩五卷

歷代詩話八十卷

〔四庫全書目〕統論歷代之詩起三百篇下迄明季分爲十集每條先列舊說于前而雜引諸書以互相參考其舊說所無者列本詩于前附己意于後取材宏富嗜奇愛博上可比肩漁隱叢話近人詩話無出其

寶十一

右也

詩樸 吳晟

鶴芝堂文集

南村詩集 吳景鄮

公字赤一號南村司空孫吧瞻雅慕公延之京邸凡奏疏皆公屬草生平肆力于古文深厚醇茂得南豐風格詩簡淡有遠致尤喜集杜其於孝弟忠信如飢不忘食渴不忘飲讀其詩文可知其人也
徐倬序云鏗華存實得力在柴桑浣花之間

有是山詩彙 吳溥

朝爽堂集 吳景尙

結緣軒詩集

徐倬序云鹿門輞川閒當置一座

靜遠堂集 吳景郇

行路吟 吳兆英

公字孟王號蒿廬穿穴子史名振京都遊燕齊秦隴偏歷名山大川自題其彙曰行路吟南安太守盧豫爲之序有行路難六章慷慨悲憤古今絕唱

橋莊詩彙 吳景懷

費民遵序云公詩不循常格不襲前人自寫性靈者也

望嵩樓藏書目 吳啟思

寶十一

公字睿公號念庵幼慧好學家藏萬卷無不畢覽下筆千言立就所著書目惜未付梓其考訂精核直追古人嘗遊京師名公皆願與交外舅海昌陳相公素庵欲爲公援例速仕公曰貨郎不可爲固辭之

望嵩樓詩彙

望嵩樓詩餘二卷

馮雲驤序

旅遊草

申涵光序

贛州詩集

〔吳氏詩在〕公爲詩揣摩三唐而與少陵冰解乳合後

尤愛劍南之澹蕩不肯拾近代七子唾餘步趨時好
故華處能老樸處能厚感慨處能留餘豔羨處能爾

雅

使交集 吳光

嚴沆 嚴我斯序

康熙三年有安南之命 特簡公奉使有使交集蓋
從發都門以至使旋之作其閒敘歷山川或留連謠
俗或憑眺往蹟或陳切時懷悉符風雅奧而彌揚洵
輶車之采烈宏城郭之方閩者已

澹巖詩草 吳啟佑

嚴禹航評云發唱清挺屬詞遐曠其氣宏以舒其情

寶十一

和以厚其音節慷慨而嘹唳

百屏詩集 吳啟宗

公字汝翰幼以英敏聞尊人直愚公輩積學厲行家
奇貧日課公五千餘言薄暮背誦少誤輒加呵責中
康熙壬戌進士有制義文彙行世其詩集仇少宰兆
鰲序

吳陞四卷 吳啟衰

漱芳詞

沈涵序

公字匡期號山補與西泠邵戒山清溪徐蕢村竹溪
沈懷庭心齋諸君子結社茗上號華萼十三子而公

獨以明經老壽八十二易筮前數日始授武義學訓
導

永亭漫稿 吳允

祥桂軒吟 吳靜

書窗閒草 吳重光

公餘草 卷二 吳曙

陸師詩云聽說商河令新成雀髮翁勸耕愁土瘠祈
穀慶年豐興落公餘筆詩陳大國風言言勸撫字痛
定憶江東

日下吟

叢芸館詩存

寶十一

柯煜跋云有似子美者有似子瞻者至於俯仰揖讓
風神意度宛然香山後身也

北遊小草 吳履中

楚遊吟

易宮四十卷 吳隆元

公取邵子詩三十六宮都是春之義上下經各十八宮
為三十六卷繫辭說卦序卦諸傳共四卷

讀易管窺五卷

以河圖洛書可正可側立 四正四隅圖實為前人
所未發言太極參以中庸性理之理以明象數末卷
專論占例

中庸管窺

孝經註疏

參同契註解三卷

金剛經註

易齋詩藁

公直介剛毅經濟宏才作詩乃其餘事也詩極組織而仍不傷雅不入纖一歸溫厚和平之旨惜藁皆散佚所存十不二三耳有太史時文集易齋時文集行世

吳氏詩存 吳啟慶

自序云我吳氏自後周左宣教郎諱翦公居歸安射

寶十一

十五

村旋遷洎安雲村傳十五世桂屏公復自陸遷湖之前邱迄今四百餘年以孝義開基以詩書樹業雖有廊廟山林之異其發為悲愉憂喜之音要皆根乎性抒乎情止乎理義者也歷年既久散佚甚多或巨製鴻篇已經刊布者不無昆明劫火之嗟或單詞隻句見諸掌錄者亦屬魯國靈光之跡不重加搜輯坐使流風遺韻當吾世而湮沒其何以佑啟後昆某久有志自慚學識淺陋逡巡未逮今年踰古稀斯事恐不可緩數年來殫心採掇訂其蟬食理諸蠹餘每見先人片言不惜老眼昏花敬加繕寫各為小傳以著其崖略非敢自謂無憾也其有遺漏更望吾宗同志相

與存補以完一家之文獻於四百餘年之遺澤實重有賴云其凡例有云或因詩以存其人或因人以存其詩故名詩存云云

吳興田賦考四卷

茲編乃我大父數十年心力而成者也專論烏程歸安德清三邑田賦浮糧稽考歷代定制并稅銀稅物之由至宋賈似道之公田元之皇莊開浮賦之端又籍朱清張暄田歲依租輸稅明太祖憤張士誠一人酷加重賦於三邑藉諸豪族田案租入稅加徵之多寡自明迄我 國朝耗截之額款 列聖之恩減源委詳明考訂精確又備錄疏奏呈詞利弊民隱臚陳

寶十一

十五

各款瞭如指掌實有重賴於三邑云

附章有大書

養病懶出久不侍警效於左右疑松一晤忽又兼旬承示吳興田賦考一編備悉源流臚陳利弊考據之精籌畫之細仁人君子之用心為無窮也藏之名山以俟有力者採錄入告億萬生靈百世賴之矣恐遂遺失謹歸鄴架帙繁未能手鈔容俟異日再請可耳

章有大頓首

半舫齋文集四卷

泊宅詩話半舫齋詩如散聖安禪自然閒逸又如明漪絕底天葩初胎不假鉛華而真態自足杭堇浦太

史目之爲臨川支裔彭澤別子蓋不虛美云
問遊草

南遊雜記二卷

自序云吾浙山水之雄麗唯錢塘以南爲最余常思
遊而未遂今年春放棹於武林之源渡胥江歷富春
巖瀨登桃花洞之巔探下河石門之奇尋龍湫雁宕
之勝泛舟於甌江至閩首之長溪而止凡可喜可愕
之事目之所寓耳之所聞風土物產莫不率意以爲
之記

後附諸名士題贈二卷

大學心編一卷

寶十一

檢身要編三卷

沈棠臣序云此公年高德邵閱歷所得有會于心纂
集格言貽爲切訓者

釋氏源流提要四卷

起自佛入中國迄我 國朝分宗各派禪師小傳及
問答禪機註解諸經要語採錄諸家語錄一歸正覺
不入頑空眞釋氏之梯航也

寶前兩溪志畧卷十一

寶前兩溪志畧卷十二

歸安吳玉樹靈圃氏編輯

著述二

大學筆講 吳湘

中庸筆講

莊子正義八卷

屈子正義六卷

黔陽三案錄 吳大燾

重宴鹿鳴題贈詩文集十卷

菟齋公諱大燾字青然康熙丙子舉人乾隆丙子重

宴鹿鳴諸公賦詩以贈甚富沈榮仁撰記孫人龍跋

寶十二

萬里謠 吳鳴虞

中林集

田歸吟

續吳興詩話公詩清雄雋拔著有萬里謠大約取法

少陵而能自見神力不減漁洋蜀道集也罷官後著

有歸田吟則又宛然一放翁面目矣

敬業堂詩 吳啟敬

汗漫集 吳來佐

唐宮詞百首

詠史詩一卷

雪齋詩草十卷 吳會

公字因其太史吳光子沈酣典籍溢為詩歌裁對精工不傷氣骨其懷古詠物諸作皆卓然可傳

夢庵遺藁二卷 吳元槐

沈操堂題其後曰清醇流麗上可追劉文房錢仲文

次則平揖石湖射的斐然成一家言茲編雖其一轍

亦可見其學之有根底矣

落萍草 吳聯奎

蚶窟集 吳椿齡

續吳興詩話公字古年又字果園邑廩生詩才雋拔

有擬江文通雜體詩三十首神采面目直逼古人又

有和蘇歸去來詞集字十首幾與坡公相埒年未三

寶十二

十而歿人咸惜之

節孝詩文前集八卷 閩秀吳閩貞

後集八卷 鍾伯敬序評

節孝為駕部吳仕詮女適溫子孟字伯生早孀

湘煙詩集 閩秀陳芬

閩秀為海寧相國陳素庵孫女字湘煙有才藻善屬

文適吳元晉字受臣

萬卷樓詩藁 閩秀吳受竹

先姑受竹老人少穎敏好學為大父峩雪公鍾愛長

適東泊潘公汝誠字榕堂乾隆丙辰進士歷任知府

子本信任瀏陽知縣鷺丁未進士三封宜人兩封恭

人詩文甚富唯萬卷樓一集行世

葭濱草 吳官

公字葭濱後改名萃詩為姜虬綠點評

心經註 吳穀

以大學明德止善之說參合成一家言

臥滄吟七卷 吳聯珠

世守錄三卷 吳發祥

採錄吳氏歷代世系及雲村杜塘前邱分支源委并

涪安各祖墓圖

梅莊詩文集 吳士俊

晚香圖記十二齣

寶十二

名醫類辨

公字邁常性嗜酒喜讀書每當酣飲時下筆千言立

就其晚香圖曲一部上可追賈甫東嘉平揖南柯紫

玉又精通醫卜者有名醫類辨十數卷惜散佚不傳

季常詩彙 吳最良

六壬彙十卷

醫林纂奇

醫方正誤

佩韻示斯 吳清藻

嘯眉集

溪壺吟

秋窗吟

觀光集二卷

公字映乾號嘯眉弱冠以詩學著聲吳下乾隆 聖

駕南幸獻詩賦有觀光集二卷性靜默廉介日惟閉

戶吟詠著作饒富年八十三

星平彙纂十卷 吳文奇

說文分韻四卷 吳升恆

撫古遺文一卷

古篆彙集一卷

杏園小草

了不閒棋譜

寶十二

昌國往來集 吳灝

菱溪草

黔遊吟

吳氏詩徵 吳昭融

題襟集 吳陳爻

山房文集十二卷 吳大受

詩笈一卷

五音六律圖考一卷

五代史纂誤補四卷 吳蘭庭

南雪詩草四卷

族譜彙存二卷

胥石傳公字虛若號胥石所爲詩文大都寄名他氏
所自著書則有五代史纂誤南雪詩草族譜彙存餘
多燬於火無復存者

家世提要補四卷 吳綸

壽谷家訓三卷 吳坊

十三經異同音釋考 吳芳綺

白蘋草廬彙

鐵崖詩餘

是山居做古印譜 吳鯤

是山居詩彙

師意編 吳寶樹

寶十二

五

北梅書屋自訂詩彙 吳敬庭

闔山詩 吳岡

叱靈集 吳玉樹

自序云吾族祖人伯公輯俠編有取俠意八條自註
曰不言凡例而言意者俠無定局若以例概之仍非
俠也又曰俠有三識力膽是也缺一不可余有取以
讀詩夫詩道性情耳未發之前不能下一字已發之
後不能易一字若必思而後發則詐矣發而求工則
窒矣目遇成色耳得成聲其發也如飄風急雨如輕
車駿馬又如毒龍攫海千態萬狀莫可端倪故讀是
詩者醉可醒怒可喜鬱可舒雖有可叫可罵處無可

出口有可痛改痛刪處無可下手其非出乎至性發
乎至情者能之乎茲編起自漢魏迄於國朝里語
童謠不拘常格其柔婉精巧清盈豔麗者概不入選
三李齋效顰草

嘯涓老人評云筆致蒼勁語意奇橫詢屬詞壇猛將
小壺居士評云耀明珠蔭桂旗麗矣或拘袂隨風如
欲仙去或遺世獨立橫絕一時此數語可以移贈人
曰專宗昌谷我不以爲然

晚椒評云讀之一過飄飄有凌雲之氣蓋非人力所
能爲者豈可以尋常繩尺限之求之古人中唯太白
有此意境長吉非其倫矣

寶十二

六

聖經翼二卷

醒世真言

採掇神仙語妙明養性修身之至理辟佛家頑空斥

道流丹術以示三教正宗

前邱志一卷

輯譜彙餘二卷

蕉散人題畫

續吳興詩話 吳又祿

以戴太常吳興詩話所載寶前兩溪閒人僅有官爵
名號而詩則未備且有沿誤處因倣其體補正之先
錄原編於前附所補詩於後兼引雜書考訂蓋亦襄

太常所未逮也

吳氏詩存續編

王元文撰前序孫士毅撰後序

吳氏文存 吳鸞坡

文存一集乃吾族姪鸞坡字志鴻所訂也志鴻少孤而貧性廉介不苟取好學寒暑無閒採吾吳氏自明迄於國朝四百餘年之制藝編輯成帙歲入館資悉付梓氏而炊煙時絕衣不掩形怡然不改其志第卷帙浩繁未竟而卒年四十一

吳玉樹文存續序云族姪鸞坡集吾吳氏制藝一千有餘首初名延州文萃改名吳氏文稿後又易名文

續十二

七

存甫壽棗梨鸞坡病故而後未聞有繼是舉者族姪名晉嘗與余語余因家譜未修何暇於文固未遑也迄今甲子名晉死已八載鸞坡死已十有餘載矣余深憫悼鸞坡之貧且益堅未遂其苦志名晉好學而不承其年余有負其生前之囑因搜訪遺稿悉皆散失無復問矣止存付剞劂者二十三首而已悲夫昔吾先大父義雪府君集吾吳氏五百年之詩得四十卷或因人以存其詩或因詩以存其人命名曰詩存今文存之命名亦是義歟而人之足可存者固不必以詩文詩文之足可存者固不必問其人彼自足可存而存者也然不知皆由人之成其存也不然文

存一千有奇首鸞坡死未二十載止存二十三首其九百有餘首誰其亡之余嘗為續學博雅而沒世不稱者所大痛也余又痛二十載後并此二十首亦將亡之矣特為採拾文之存者或會取重于當時或焚餘于篋底者敘而存之并勗吾後人奕世相存亦斯文之一助吁余五歲入學九歲讀孟子未竟而患癖疾不復入學堂矣二十已後病稍愈每見諸叔兄誦讀心竊慕焉時於戶外聽之不倦或遇能解處不覺手舞足蹈人皆笑之亦不知其譏我也故字不多識至於制藝尤所不通茲集唯取昔之存者而存之其推敲甲乙有待伊人固非余不識字人所能參贊者也

續十二

八

姑存草二卷 吳小同

老子註四卷 吳珠樹

採中庸性理之義程朱邵子之說旁及內典諸書參合成言

按摩法 八卷

自序云按摩始於黃帝漢書藝文志有黃帝岐伯按摩十卷後漢張仲景金匱曰四肢才覺重滯即針灸按摩勿令九竅閉塞是漢時其法猶存自晉以來名醫輩專精于湯液按摩書亡而法廢今時閒行之小兒竊概古法云亡推原內經臨驗病症詳明經絡輯

若干卷亦未必非醫道之小補云

周易變卦圖說 四卷

說宗朱子學本漢儒補本義之闕遺闡爻象之義明往來之數陰生陽長之理陰自陽自之別

驗舌論機二卷

驗法十六則極為精細足稱醫學指南

周易卦氣圖說 四卷

說以文王後天六十四卦圖配以春夏秋冬星辰躔度元運推轉治亂盈虛之應又演干支納甲極卦氣之變明陰陽往來五行生剋之機

周易消息圖說 二卷

寶十二

九

宗鄭康成伏羲十字易乾坤震巽坎離艮兌消息之說辟卦候氣京房八宮原本消息端意推求漢學一卦消息三十六反對七十二極每卦消息計有一百四十四云

延州倡和詩集

北海吳夢暘原唱新春試筆寫懷詩四首前後和韻者赤一吳景鄴在升吳階子望吳景尙斯潤吳疊右李吳鄒睿公吳啟思匡期吳啟袞象先吳啟永峙青吳曙峩雪吳啟襄揚存吳啟震星來吳鰲惠疇吳亮良年吳位思約宜吳聯奎揚烈吳發榮山簣吳廷玉開殷吳發祥邁常吳仕俊原名遇春季常吳最良魯傳吳

超羣玉衡吳振宗錦章吳元綱介眉吳芳年共二十

四人得詩一百二十首

流香閣倡和詞

孫在豐序云蘋村先生客春過吳陵余時往來周旋匝月今年秋復挈吳子匡期拏舟而來過吳陵者再余僦居公廨人事雜沓先生適抱清恙憩足於俞錦泉內翰流香閣中不數日霍然去體興會所至偶賦百字令一首俞子陳芳為錦泉哲嗣夙負雋才遂與匡期更唱迭和先生亦喜為之盡態極妍出奇闕險各盡其致一時名彥如孝威鄧漢仙裳黃赤一吳景季守王墨書甲諸子皆起而和之共為一帙遂成

寶十二

勝觀云

雙溪倡和詩六卷

竹墩前邱相望不二里許心齋沈涵芸齋吳曙同諸名彥結雙溪詩社詩為徐蘋村倬選得古今體四百六十四首其倡和者為心齋沈涵芸齋吳曙厚餘沈樹本青然吳大燁繹旃沈炳巽幼牧沈炳謙素庵沈允相磨仲沈楷世寅御沈炳震植庭沈樹槐楨國沈同叔南陔柯煜琳巖吳斯洛眉宗吳溶靜山丁凝孟誠姚至德山補吳啟袞端文沈揆曾易齋吳隆元殿擊沈柱臣貞裳柯壽坤古千嚴光夔逸羣茅應旦渠眉茅應奎裘雪吳啟袞立夫孫灼翰飛董浩樵雲朱

廷傑周池董胡駿得二十九人何義門序之蘋村復序之又柯南陔序最佳載入吳興詩話

巴辭草 沈珠霖

九魔子百壽印譜

豐樹堂家傳詩文集

是編先君杏園公所集也始于韓純玉吳興三君子

傳畧三君子者為茗柯凌義渠寶忠溫璜高祖湛存

公諱時也并曾祖以下行述傳誄祭文得十二篇曾

祖母溫孺人八表壽詩為張玉書諸名彥得七十人

古今體詩八十三首赤一公諱景滄浪圖題贈為嚴

我斯諸公得百口十口人古今體詩百口十口

寶十二

首先大父峩雪公諱啟灌菊圖題贈及南遊雜記題

詞為徐倬柯煜諸公得一百三十三人古今體詩二

百七首又壽輓諸贈詩得二十六首後附翠映樓諸

作錄成二帙題曰家傳詩文集云

十快題贈詩文初編十快為畫癖詩魔酒豪書顛睡

玉圻蕉散人十快傳云散人姓吳氏名玉樹字靈圃

年十歲病療五年不愈讀朱子大學集註有會於養

身之要閉戶經年而痊好吟詠喜談神仙之術畫學

松年衡山竹石離奇酷似與可書摹懷仁聖教清逸

逼真賦性豪宕慕義行仁植蕉數十本於園中藥爐

茶鼎濡墨揮毫優游於蕉影之間人咸呼為蕉散人

散人因之以為號也遂有散人十快之目其族兄坊

字封三績學士也作十快制義吳下諸士爭相吟詠

以贈余聞之深快散人之能自快其快以快人也時

過小齋余每款飲飲輒醉醉必豪下筆縱橫灑灑倚

馬待嘗論孫子兵乃詭道之說曰夫用兵仁義禮智

信勇缺一不可若以詭待下則下何能為用以詭示

天下則天下何能服非詭焉藏也衣錦綉衣裳錦綉

裳良賈若虛大智若愚此之謂與吁余但知散人畫

之癖詩之魔書之顛為三絕又知梅竹怡情茗棋自

樂北窗高臥仙乎禪乎其曰俠吾意其誣也今聞論

孫子語散人其奇男子矣其質弱善病未能見用

寶十二

於世嗟乎豈天之將藏散人耶抑散人將自藏以永

其快耶

訪宗錄二卷 吳玉樹敬庭

吳玉樹序云我吳氏自唐季居湖之射村旋遷淳安

之雲村至元桂屏公復遷湖之前邱遂分歸安淳安

兩支淳安自為譜而歸安之譜以祖桂屏公為第一

世所載事蹟亦自遷後始自明初水村公至 國朝

雍正間菁陽公凡七經纂輯嘉慶丙辰冬奉嚴君命

創增修之議始於明年丁巳之春凡遷徙各處必加

謹訪求不敢稍有怠志東至海濱南至江干北越具

區西歷餘杭故鄣登山涉水宿露餐風無間寒暑者

兩師歲其閒族人遷徙之源委窮通得失之變易績
學幽芳之侵失卒葬事蹟之異同村姬野老之傳聞
山僻村落之遠近凡有可悲可喜者莫不記之歸而
告諸宗長錄成二卷命曰訪宗錄非欲自昭敬宗收
族之心冀後之復是舉者得有所稽考

寶前兩溪志畧十二卷歸安吳玉樹撰玉樹字臨夫太學生所居樹蕉數十本又號蕉散人寶前兩溪間有射村宋太平興國七年析烏程東南十五鄉爲歸安縣議卽其地築城爲縣治因費鉅中止至今與烏程同爲郡治附郭寶前兩溪旣隸歸安是志卽斷限於析治之始故於宋以前事多略分山川園林津梁寺觀祠祀人物藝術釋老著述九門纂言紀事約而能該詳而不濫地志之善者自來志鄉鎮者稱宋人常棠所撰澈水志爲最善四庫目錄謂其體例謹嚴藻不妄抒明韓邦靖朝邑志爲世所重卽取法於常作今觀此志猶存前哲槩獲後有作者可酌取焉吳氏世居前溪與竹墩沈氏

寶跋

代爲姻亞兩姓多文雅之彥軒冕相襲里人沈樹本詩前溪燈火接比鄰親串招邀往返頻數遍門風孰王謝圖將嫁娶並朱陳可以想見其地風物之美嘉慶時曾有刻本今原版無存漁川觀察謹守世澤以家藏舊本見示亟刻之以存鄉邦文獻壬戌天貺節吳興劉承幹跋

光緒丙申夏四月

照膽臺志略

錢唐楊振鏞書



八千卷樓付雕

光緒辛卯重修西湖照膽臺關廟成而鄒君典三爲之志志成問敘於余余謂關廟之名照膽臺不知始於何人亦不知何所取義殆謂神之威靈足以照人肝膽歟則姑從俗名之可以勿論惟廟藏帝印乾隆間上塵

御覽

賜題三十四字恭鐫其上今此印雖移藏

文瀾閣而推原其始實廟中物

高廟賜題有云俾永藏焉則藏於閣亦即藏於廟也豈他廟所能及哉信乎爲西湖一名蹟矣余戊辰歲

照膽臺志略序

初來湖上值蔣果敏公重建之後廟貌煥然未及十載又將撓傾余偶啜茗水閣住持導至大殿則柱與礎離以扇入之納者踰寸余因言於方伯今陝督楊公而葺治之乃至今而又修焉三十年中余三見其新然則土木之工雖極堅固必不能久非有紀述奚以垂示將來鄒君之爲此志洵善矣哉杭州神廟如伍如岳固皆有志鄒君此志吾知其必與俱傳矣德清俞樾

天下祠廟之廣且多者莫甚於關帝至以武廟之稱媿於文廟其實文廟各郡縣一而已若武廟以杭城計已數十處顧他廟不之及而獨志照膽臺者何居豈以帝之印歷千百年失而復得者再爲神所憑依歟抑以西湖關廟廣志版燬於兵火不可復得而拾遺訂墜歟之二者意近是而非寅之所敢知也寅從事濬湖有年局初設於照膽臺朝夕瞻仰而不能無今昔之感者昔之日有司致祭仁和在干步廊錢塘則春秋承祀于斯俎豆致嚴肅如也而今合祭于吳山湖之濱寂然矣昔之日蘇常嘉湖之進香天竺者

照膽臺志略序


必虔請帝之印以歸謂利蠶事今亦無過問矣以致廟日頽廢住持幾不能自存雖局中歲加修葺然上兩旁風積至辛卯冬棟折椽崩將有壓焉之懼丁君丙許君郊請于方伯劉公撥款興修方伯避之命寅董其役寅病其地勢窪下爲培之使高廟貌乃巍然煥然頓改舊觀因念明時金公結吟社于此池蓮渚柳風景已非斷碣殘碑不可無考爰就所見聞者彙爲一編以自附不賢識小之義至帝之靈昭千古非寅所能贊一辭并不繫志之有無也是爲序光緒二十一年仲冬錢塘鄒在寅

康熙御賜

懷冰雪

照膽臺志略卷首

西湖聖因寺東漢壽亭侯廟歲玉印一乾隆年亦南巡見其古色點於用識歲月俾永歲焉御題



照膽臺志略

錢塘鄒在寅典三輯

建置

御覽西湖志纂

關帝廟在聖因寺東俗名照膽臺舊貯玉印一顆相傳為神所佩

康熙錢塘縣志

孤山關帝廟俗名照膽臺前有三義閣後有清嘯閣向貯玉印一文曰漢壽亭侯印瓦紐相傳為神故印有石刻竹相傳為神舊筆以竹葉畫成詩字又有碑

照膽臺志略

刻白蘇詩及唐宋人孤山詩董其昌書

湖壩雜記

照膽臺卽竹閣有漢壽亭侯碧玉方印乃漁人得之楚澤杭人宦楚者得之漁人而進於廟者順怡時一人以計賺去見帝示靈旋歸於廟夫帝加號帝矣何有於侯不舍其印然印神物也赫赫帝君其印尙可攫之而走人將無復知有神矣神特顯靈所以爲設教之助也

雍正西湖志

關帝廟在孤山之陽俗名照膽臺前有三義閣後有

清嘯亭舊貯玉印一白質黑章中有一穴似便於佩帶而設穴中紋極細作紅色斑駁如錦一面刻漢壽亭侯印一面刻帝諱至今崇奉廟中

乾隆杭州府志

關帝廟一在孤山名照瞻臺有三義閣

湖山便覽

照瞻臺在聖因寺東隄祀關帝明萬曆時郡紳金學曾建其子季真嘗集友共結慈社於此前有三義閣後有清嘯亭亭後山坡即宋志所謂瑪瑙坡也向貯玉印一兩面有文一曰漢壽亭侯一為神諱相傳神

照瞻臺志略

二

所故佩

關帝事蹟徵信編

照瞻臺本延祥舊址前明萬曆四十五年錢塘金中丞學會因感神佑同仁錢二縣鄉宦凌登名姚文蔚等具呈軍門劉公請以孤山之陽書院之側官地創建帝祠准佃給帖下府行查隨據仁和錢塘二縣申覆杭州府遵照於書院東隙地五畝聽其捐金起建完日給帖入冊輸糧奉撫院劉公批准於時助成者方伯志寰陳公斗垣周公皆金中丞舊知而三義閣則巖臺胡公所構也總計廟址二十二畝一分香火

田六畝載西湖關廟廣紀甚詳則知靈貺之臻實由誠感像成懸臆時事適符乃今去萬曆僅百數十年而創置始末已莫能知無怪說印者之紛紛矣

光緒杭州府志

照瞻臺在孤山之陽唐永福寺宋延祥觀址明萬曆四十五年錢塘金學會請官地創建以祀關帝前有三義閣為鹽臺胡公所建舊址二十二畝一分香火田六畝載西湖關廟廣紀歲久廟失修基亦侵軼國朝康熙年浙江巡撫陳秉直重修春秋秩祀於此仁廟御賜懷冰雪匾額舊藏玉印一乾隆辛未

照瞻臺志略

三

純廟南巡

御筆題其端嘉慶間郡人何銑金重建粵匪之變印失廟廢同治五年布政使蔣益澧重建并摹帝辭曹操與張益德書勒石廟壁杭州府知府薛時雨購印滬上恭藏詒經精舍嗣又移度

文瀾閣同治八年巡撫楊昌濬重修光緒十七年布政使劉樹棠葺而新之

石刻

明關帝君殿募緣疏

特建關帝君殿募緣疏

文見藝文

萬曆四十五年九月華亭舊史董其昌書

書成輒有客以漢壽亭侯印至書與時會可異也像設成著置胸中志帝君心在漢室之意可耳其昌又題

明關帝殿碑

西湖建關帝廟碑記 文見藝文

天啟二年歲在壬戌孟冬廿有三日賜進士出身中憲大夫太常寺少卿兼翰林院侍讀學士前管理起居誥勅纂修正史經筵日講官董其昌撰 賜進士出身中議大夫浙江布政司右參政分守金衢嚴道

照膽臺志略

四

前欽差提督甄厥兼理闡座工部營繕清吏司郎中米萬鍾書 賜進士出身通奉大夫浙江布政司左布政使前山東按察司按察使欽差提督浙江等處學校按察司副使戶部河南清吏司郎中周延光立

杭州府儒學增廣生金嘉會篆 住持僧眞禮

雲閒顧紹勳鑄

省吾金中丞將建關廟於西湖報閩中旗鼓之靈卜址未定戊午歲中丞公病亟令嗣季眞虔禱於神病良已遂倡緣孤山成焉光祿岳石帆公記所謂忠孝併者也相國沈銘縝公太守凌梓崖公廉憲諸曾縣

公大參施二華公大尹趙縝菴公諸士紳共相贊成

季眞復因永福故址爲十方鼓林樂天竹閣爲掩骼放生慈社刻有條議精覈可傳祠成宮詹董思白公爲撰碑記時奉命纂修不及書丹越兩歲方伯斗垵

周公嘉歎前事乃從與同寅參知友石米公詣廟書焉兩公爲一時名世此舉洵甚盛事也季眞以廟址畝額不可無載求跋數語以表千秋遂述其始末如

此癸亥六月山陰張汝霖識集董宮詹書金維琮臨廟址畝數伍則 賓字一千四百八十一號田一畝八分七釐五毫 一千四百八十二號地五畝三分

照膽臺志略

五

五釐 一千四百八十三號地八分五毫蕩四畝四分 一千四百八十三號山九畝六分八釐

明人重書永福寺法華經記

永福寺石壁法華經記

按沙門釋惠皎自狀其事云永福寺一名孤山寺在

杭州錢塘湖心孤山石壁法華經在寺之某所始以

元和十二年嚴休復爲刺史時惠皎萌厥心卒以長

慶四年白居易爲刺史時成厥事上下其石六尺有

五寸短長其石五十七尺有六寸座周於下蓋周於

上堂周於石砌周於堂凡買工鑿經六萬九千二百

有五十錢經之數經既訖又成二石爲二碑其一碑
凡輸錢於經者由十而上皆得名於碑其輸錢以先
後爲次第不以貴賤老幼多少爲序其一碑僧之徒
思得聲名人文其事以自廣予以長慶二年守會稽
路出於杭杭民競相觀睹刺史白怪問皆曰非欲觀
宰相蓋欲觀曩所聞之元白耳由是僧之徒誤以余
爲聲名人相與日夜祈刺吏得余文余觀僧之徒所
以經於石文於碑蓋欲爲不朽計耳今碑既文經既
石而又九諸侯相率貢錢於所事由近而言亦可謂
來異宗而成不朽耳由遠而言則不知幾萬千歲之

照膽臺志略

六

外地與天相軋陰與陽相蕩火與風相射名與形相
滅則四海九州皆大空中一微塵耳又安知其朽與
不朽哉然而羊叔子識枯樹中舊環張僧繇世世爲
畫師歷陽之川至今爲城郭狗一叱而異世卒不可
化鍛之子學數息則易成此又性與物一相遊而終
不能兩相忘者又安知六萬九千之文刻石永永眾
姓所合獨不能爲千萬劫含藏之不朽耶由此思之
則僧之徒非漫矣至於佛書之奧僧當爲子言子不
當爲僧言况斯文止於紀石刻故不及講貫其義云
長慶四年四月十一日浙江道團練觀察使處置等

使通議大夫使持節都督越州諸軍事越州刺史兼
御史大夫上柱國賜紫金魚袋元稹記 天啓二年
二月三日太常寺少卿前史官董其昌書 新安黃
一梧摹勒

神皇帝御極內甯外威文武孝忠燕喜受祉懷柔百
神莫不順應於時大中丞省吾金公誓師閩海與平
秀吉角迺夢關侯錫之鼓旗三獲奇捷用閒頑酋尙
功盟府實應兆祥已而公子嘉會字季真以公屬疾
禱於侯且爲祠孤山以祀甫鳩工而公疾良已季真
嘉神之庥因得唐孤山寺址爲掩骼放生慈社又得

照膽臺志略

七

白傅竹閣址集四方名流爲詩社甚盛并以其夏蒼
葭侯事爲廣紀以傳焉吳子曰以余觀於季真經術
醇深下筆語妙天下雅遊名山大川幾徧生平孺子
慕不少衰仗氣誼在締交閒號能終始一試爲台竟
去無可恨者茲復以禪悅著洵乎有道之士不可一
端也維侯以義聞充塞今古亦嘗用禪悟隆於世季
真之維則不置蓋亦神之聽之式穀與女矣先事祠
事起宗伯立宰董公樂觀厥成因以侯故所佩玉印
并書微之記香山詩以貽季真存山中故事蓋過者
皆咨嗟三歎有盛世之思云 崇禎甲申孟秋日烏

程吳之器賜如敬題於後 住持僧性融 監事海璘 虎林明綱書

明人書孤山寺唐宋人詩刻

孤山寺白蘇詩 西湖晚歸回望孤山寺贈客 樂

天錄 孤山寺遇雨 樂天錄 詩不 竹閣 在孤山寺

樂天錄 詩不 栢堂 子瞻錄 詩不 九日尋臻閣黎遂泛小

舟至孤山寺 子瞻錄 詩不

金季真因營建關帝君殿得孤山寺故址屬余題額

又得孤山寺唐宋諸賢之詩將刻石龕置禪關余為

出白蘇二公諸什謂此西湖地主又皆深於禪悅與

照膽臺志略

八

招提興廢有相應者故為拈出耳

孤山寺詩 張祐錄 詩不 孤山寺 林君復錄 詩不 孤山

寫望 林君復錄 詩不

白蘇詩書罷客有謂林君復是開山人不當遺者因

重綴之并入張祐五言如披沙揀金足為名藍生色

己未暮春其昌題

寶誌公摩石麒麟頂止與慧業文人授記無大饒益

乃武林金季真從雲栖禪師游以掩骼放生而作佛

事有芝生於室因屬余顏其堂而以昌歌之好石刻

余書度其中余讀元微之集北峯蘭若有刻法華經

七卷余亦書成此經儻刻石孤山可續唐事且於翰墨場結趣向大乘之緣亦有當于雲栖師者季真謂何歲在己未夏六月之朔董其昌題 雲閒顧紹勳鑄

重建關帝廟記

重建孤山關帝廟記 文見 藝文

順治九年歲次壬辰夏六月望日 賜進士出身文

林郎內翰林弘文院編修前奉 命典試江南黃機

撰文 布衣俞時篤書丹并篆額

欽命掛平南將軍印固山額真金礪 欽命平南將

照膽臺志略

九

軍固山額真劉之源 欽命梅勒額真徐大貴 欽

命梅勒額真吳汝玠 欽差督撫浙江蕭起元 欽

差提督浙江等處地方軍務總兵官太子太保都督

田雍 欽命鹽漕察院潘朝選 欽差督理織造太

監盧九德 阿思哈哈番鄧長春胡弘先 布政司

右布政使司徐為卿 按察使司熊維傑 督糧道

趙宗秩 提學道翟文賁 驛傳道孟繼昌 鹽法

道司崔源 督餉戶部裴有學 八旗甲喇章京蘭

繼友佟浩年楊廷詔陳典謨孫成功朱炳高拱極夏

景梅馮有功朱萬化張端 八旗阿達哈哈番劉臣

政金廷寶劉武羔李應奎李世貴周文啟何龍高尚
義裴登寬鍾尙智王國明 八旗牛采章京蔣筌田
五李盛高德秦繼武高景茂周勳高可養李成德周
天成梁成功 杭州府知府祖龍 浙江都司柳同
春 屯局司金國鼎 操捕司薛澡 撫標大廳甘
應春 撫標右營游擊劉道揚 提標左營副將李
榮 水師遊擊李豔陽 八旗分得撥什庫張一選
阿什免顧顯榮張民遠卜九皋張一奎李捷孫景芳
鄧顯明張洪恩曾應啟劉應魁鄭有名劉邦俊王四
劉孔明李有名張繼祿仇得功傅登雲繆尙禮關印

照膽臺志略

十

寶張雲鳳 督工弟子沈景燧 住持僧海彬 新

安黃一梧劉啟先同鑄

照膽臺記

孤山關帝廟照膽臺記 文見藝文

巡撫浙江等處地方提督軍務都察院右副都御史
加三級陳秉直撰 浙江等處承宣布政使司布政
使加六級李士楨篆額 兵部武選清吏司員外郎
祁豸佳書丹 旌德劉鈇鍾甫氏摹鑄

靈應小引石刻

靈應小引 文見藝文

康熙戊午孟秋襄平陳秉直記 旌德劉鈇敬書并鑄

關聖帝君象石刻

丙戌秋偕層巖戴公出都南行抵武林以小春月朝
普陀回錢唐詣西湖謁照膽臺仰瞻大帝真像並觀
所藏玉璽因繪帝相以便晨夕頂禮戴公爲勒石使
永垂不朽十二月初八日京師嵩祝寺大國師章嘉
佛弟子雲丹恭摹并識

乾隆三十二年歲在丁亥仲春月望日 誥授奉直

大夫湖南靖州直隸州知州戴保豫勒石 錢塘湯

照膽臺志略

十一

日新刻石

又重摹象石刻

釋雲丹跋 見前不錄

直隸大興弟子張廣榮敬刻 住持覺如叩募

覺世篇石刻

關聖帝君覺世篇 經文不錄

山陰弟子何金沐手敬書

先君子平素奉帝最誠家中懸象敬禮不少懈乾隆

甲寅夏元錫痛遭大故將自京邸奉柩歸里先期過

淀津卒遇暴風因立願刊送覺世篇舟始獲濟嗣後

奔走靡定因循至今適族兄銑金脩建西湖聖廟落成爰屬兄金手書勒石安之廟壁以酬昔願云嘉慶丁卯冬十一月五日何元錫敬識

覺世經石刻

關聖帝君覺世真經經文不錄

德清楊道生敬書 香山鄭廷楓刊送

關帝遺文石刻

辭曹操 三上張翼德書 官渡復曹操書 慰先

主帖時有汝南之敗 拜漢壽亭侯復曹操書 與張遼書

歸漢帖 與陸遜書文均不錄

照瞻臺志略

三

同治五年三月既望廣東巡撫前浙江布政使湘鄉蔣益澧敬書

藝文

特建關帝君殿募疏

董其昌

關神進封帝君自甲寅詔書始也是時皇上夢感聖母中夜傳旨表忠勸孝合之雙美華夏蠻貊罔不稱快觀於景德宣和祈年受籙之陋度越遠矣神始為前將軍歷代褒崇曰侯曰王風烈益著後千三百餘年易兜鍪而袞冕易大纛而九旒五帝同尊萬靈受職視莽操懿溫偶奸大物生稱賊臣死墮下鬼何啻

天淵寶號所云蕩魔正謂陰誅亂賊耳故祠在岳廟之旁局殊阨隘都人士議因其舊貫稍加開拓會金中丞暨諸縉紳皆有夙願將事鼎新而金文學季真銳意承志卜得孤山之陽書院之左乞諸當道用為殿址度材累工壯麗有緒於以仰副詔書播告之意甚盛典也先是岳祠逼仄有中使廓之盪胸洞闢奕然鉅麗此邦之事帝君豈後於中使之事鄂王哉其共圖之

西湖建關帝廟碑記

董其昌

西湖列利相望梵宮之外其合於祭法者岳鄂王于

照瞻臺志略

三

忠肅廟與關神而三爾甲寅秋神宗皇帝夢感聖母中夜傳詔封神為伏魔帝君易兜鍪而袞冕易大纛而九旒五帝同尊萬靈受職視操懿莽溫偶奸大物生稱賊臣死墮下鬼何啻天淵顧舊祠卑隘不稱詔書播告之意金中丞父子爰議鼎新時惟導首得孤山寺故趾度材纍土勤垣墉莊像設先後三載而落成中丞子文學嘉會謂予實倡議且曾為文以誌施故屬余記之予考孤山寺始名永福寺唐長慶四年有僧刻法華經於石壁會元微之以守越州道出杭而杭守白樂天為作記有九諸侯率錢助工其盛如

此成毀有數金石可磨越數百年而祠帝君以釋典言之則舊祠非所謂現天大將軍身而今祠非所謂現帝釋身者耶至人後其身而身先毀其身而身存孔曰成仁孟曰取義與法華一大事之旨何異也彼謂忠臣義士猶待坐蒲團修觀行而沒了生死者妄矣然則石壁巋然而石經初未泐也頃者西川殲叛神爲助力事達宸聰非同語怪惟遼西黠虜尙緩天誅帝君能報曹而有不報神宗者乎左挾鄂王右挾太保驅雷部擲火鈴昭陵之鐵馬嘶風蔣山之泥上濡露諒蕩魔皆如蜀矣先是金中丞撫閩藉神之告

照瞻臺志略

十四

屢殲倭夷上功盟府故建祠之費視眾差鉅蓋有夙願云時天啟二年孟冬

重建孤山關帝廟碑記

黃機

孤山踞武林西偏介湖中央蜿蜒不過里許向故有林和靖祠墓踵而祀者爲李鄴侯陸宣公白少傅蘇文忠而漢壽亭侯祠最後云夫侯祠幾遍方寓卽在湖傍亦不下十餘區至若孤山吾郡金大中丞實創爲之始於萬曆季年且濱湖而居遊客過其下必入拈香禱祀故最後亦最盛云或曰侯在漢時不過古圻內子男尙未得與平陽戶牖等今俾以帝號典歟

曰帝之稱惟君與天耳世無二君亦無二天然君匪一其人則天亦匪一其神也稽古者之祀天神周之掌次惟五明堂惟六漢郊之在長安者惟九在雒陽者凡千有五百一十四晉魏而降或增或損要未愈此蓋帝者三才之通稱主天者爲天帝主地者爲地帝主人者爲人帝惟有天而地配之有天與地而人參之則侯以帝稱其神足參兩大而主萬靈奚疑祀之勿典乎或又曰侯方佐涿鹿以興復漢室曹故漢賊乃故縱之以爲報効於曹則得其如漢何曰此固春秋大義而世多未之知也仲尼作春秋詎不欲進

照瞻臺志略

十五

齊魯而退秦楚吳越以佐輔宗周也哉乃桓文而後伯叔甥舅之邦皆凌遲衰微矣莊僖之世惟楚最强聖人則欲用楚以扶周故於莊十年書荆二十三年則人之僖元年書楚孟之會椒之來聘則子之文之世秦最强苟欲用以扶周者又莫如秦故伐晉之役則人之繼此而稱強者莫如吳越鍾離之會書其號向之會則人之門於巢札來則子之常壽過聘卽師來會亦稱越人此皆仲尼陰欲用强大以扶宗周而不可以告人特徵示其權於天下萬世者也當初平建安之時本初羸復景升闇弱卽有仲謀自據江東

胥不足以語中原之事所可仗以其獎王室者惟曹公耳而先主又出死力以與之角假令我寬其生路使之翻然悔悟而自新一旦與吾同心勦力務期其濟艱阨焉斯已矣當是時惟曹最強故侯亦欲用之以扶漢而此心又難以告吾君吾相其曰報効亦藉是以動姦雄之心耳不然豈以飲食金帛周旋之小惠遂忘國家之急而脫人於厄忠武諸公烏得默然而處此乎卒之狡猾陰賊而終不爲我用且陷吾君於寯氏而赤帝白水之裔不絕如綫亦猶仲尼欲用秦楚滅國不休欲用吳越而吳越互相殘賊余故曰

照膽臺志略

六

侯之報効曹公是誠春秋之大義而世或未之知也且侯扶漢之志猶天然天無私故能用百物之才以濟天下於無窮則用曹以扶漢者侯一時之志而因世用才以利百物者侯萬世之志也則謂侯如天也可則謂事侯如事天也可鼎新以來廟貌漸圯雙懷蘭公過而憫之因爲創首募緣於當道諸公醵金庀工其前後殿視昔加飾矣吾郡士紳及四方賓客咸樂道之余故爲之記且列樂施姓氏於後以共彰不朽云順治九年六月

孤山關帝廟照膽臺記

陳秉直

帝祠徧天下亦猶國學郡學之祀孔子也其大義彪炳神威奕奕貫天地亘古今者自漢至今賡歌贊頌亦既無德弗彰無微不至矣又何所進其揚扈哉雖然其義同而廟貌異則可紀其神同而地異則可紀其貫天地亘古今而時移事異則又可紀曷言乎廟貌異也春秋懲亂討賊皆誅意之文也凡意之所發其初多惕於綱常名教而不敢肆一佐之以膽則兇暴縱恣潰決而不可收拾此獨建臺而照膽鑒臨赫濯如見肺腑瞻拜其下屏息惴惴不敢萌不肖之心帝之照膽正夫子之誅意歟曷言乎地異也昔帝提

照膽臺志略

七

偏師鎮荊州東拒吳西扼魏前無與援後無與應昭烈君臣遠征在蜀勢亦孤矣龍飛鳳舞自天日至南北兩峯皆聯屬迴環若互爲聲援者而孤山巍然獨處湖中與當年提孤軍吞吳魏氣概大小不同而景象略同地與神會非僅莊嚴窅旒金碧輝煌而已至於其時其事又何以稱焉廟固唐之永福寺也越數百年而祀帝至明季甲寅夢感宮掖天下咸易像新廟有金中丞學曾者先是撫閩得神助屢殲倭寇於海上奏功盟府歸而新之昭神貺也今天子當陽適閩氛蠢動親王貝子統禁旅至浙謁廟

瞻禮亦甲寅也從此摧枯拉朽馘斬羣醜浙閩復見
 清甯於卦得復謂非時歟夫自王而帝歷代已極其
 尊而壽亭侯章獨存於斯廟則知帝之乃心漢室千
 百年如一日也夫失之者不知幾何年得之者不知
 幾易手而故物復還其事甚奇非帝之神帝之心歟
 此豈徒事尊奉者可同日而語哉惟是歲从棟折榱
 崩圯齧垣圯并基址亦有侵軼者不得不亟為清釐
 脩建而軍事旁午弗獲舉行即都人士謀所以新之
 亦時紕舉盈未能也會子奉

俞旨提督軍務撫標復設左右兩營簡練勁旅徵調

照瞻臺志略

六

出師諸甲士羅拜帝前禱祀得吉當鼠賊逆我顏行
 兵始交若神威顯赫助順誅逆以致我武維揚蕩平
 逆孽帝之力也凱旋願新廟以報捐貲恐後而紳衿
 士庶亦樂襄盛舉為屋若干楹為基若干丈鳩工庀
 材斲者削者築者畚者丹而黝者邪而許者鼙鼓弗
 勝不數月而落成夫翬飛鳥革稱壯麗者不知凡幾
 丹雘蒼崖銘帝德者不知凡幾而斯廟也之神之地
 之時之事有不同於他廟者故足紀也記曰孤山關
 帝廟云

漢前將軍壯繆侯贊 有序

宋應昌

蓋聞精忠可以貫日烈士可以干霓故婦哭哀
 而城隍壞君言善而星退舍何則誠之所感理
 無幽而勿達神之所格言無微而勿鑒漢前將
 軍壯繆侯天挺威靈世篤忠義生為人傑歿為
 天神明德鴻猷歷代昭著至於皇朝尤為顯灼
 自赤縣神州遐陬絕域貴而王公賤而廝養上
 及賢喆下及婦豎瞻拜侯之祠宇誦說侯之姓
 字莫不屏營蒲伏儼然式臨夫侯之靈在宇宙
 豈徒以驍雄神武稱萬人敵哉其最光明較著
 者辨順逆于助勦識真主于草澤周旋險阻九

照瞻臺志略

七

死不回徼皎日以盟心指泰山而赴義翊漢安
 劉摧邪輔正超文武雄烈而絕倫驅雷霆獄瀆
 於掌握丕揚護國庇民之休克稱捍患禦災之
 典千秋而下禋祀永隆報享勿替宜其宜也不
 佞溯侯精忠攬侯烈士景仰靡極爰申讚辭讚
 曰

火德式微漢祚云季羣龍鬪野皇綱解繫吳兒異謀
 江表睥睨老瞞奸欺窺竊神器猗歟昭烈實維帝系
 汎掃妖氛雄圖匡濟天挺我侯桓桓神武勇奮萬夫
 氣凌千古慷慨同盟忠義是輔既蕩角梁亦平袁呂

指揮中原叱咤江濤魄褭吳趨風靡魏土赤符未運
九鼎一絲中興偉烈維侯翊之鼎足爰定智力奚施
天胡不慙侯志云齋雲衝方騁六轡遠曠矢事輸誠
芳徽耿耿鐘鼎新銘侯目宜瞑魏苑草荒吳宮灰冷
我侯闕庭金碧藻苻聳壑干霄聯輝接景家肖戶祝
海宇彪炳今上壬辰醜夷跳梁侵我屬國犯我邊疆
至尊宵旰庭臣激昂昌也碌碌授鉞廟堂忝司九伐
攬轡鷹揚鯨氛既靖虎旅用光我侯冥嘉旃蠶臨鑒
援枹鼓勇將士樂戰伐序前驅功收後殿司命六軍
維侯是眷在天之靈彷彿如面昔余糜員方隅是寄

照膽臺志略

三

隨時循革民瘼加意祀侯如存對揚揚厲雨暘愆期
禱無不遂昌生後時未遂執鞭仰止下塵翼翼乾乾
朝夕服膺誦習侯言心在身內如日麗天千秋大節
維侯顯焉

西湖關廟廣紀序

陳仁錫

廟峙岳鄂王于忠肅閒盡收湖山眉目之奇金中丞
入閩禦倭感神旗鼓之夢而其子季真所構拓也近
感錫山一事兄弟方睦二十餘年辛巳母歿中菁讒
之兄病夢帝拔髯爲劍誅一首如飛蓬者而愈謁南
廟左廡忽墮黃函入爐烟曳石青字三紙皆古人符

篆有內外訓兩篇內訓有無怠於爲汝其勉無易於
言汝其默句外訓有人情趨附友生天命還歸公藝
識者觀字篆印章皆曰非人別書而其家翁睦如初
己未余將赴公車親黨十餘人盛氣蓬勃各訟其昆
季余不發一語徐命理香案讀帝內外訓一過諸人
慙而退不克訟壬戌丁內艱歸途遇毘陵瞿比部出
其弟孝廉所寄關帝忠義經如與天語孫宗伯聞翁
先生書法嚴勁亟誦至涿州盟義而是夜余正宿涿
州此二者季真廣紀中可采而入往同季真遊湖上
中丞公病季真有孝子之色其兄與姪並然西湖烟
波空闊須以道義爲之骨嗟嗟自古聖賢有未竟之
局山川皆不死之英如以三分事業偉帝之功累朝
著異壯帝之烈此與耳食何異余故不論論其大者
爾

照膽臺志略

三

靈應小引碑

陳秉直

帝之顯應昭著若胡琦倪瑄王世貞陳繼儒諸賢所
纂記赫赫在人耳目閒靡不神而奉之矣余先大夫
敬事者惟帝雖至冗劇禮拜不輟中年無子嘗朝夕
默禱辛未五月十三夢扣門聲童子報客至亟起視
見帝勒馬停驂綠袍美髯英風赫奕旁有周威甯將

軍手抱一嬰孩謂先大夫曰念汝好善敬誠特為汝送一佳兒非凡品也善育之先大夫感激拜受懷以入及覺曰夢也非真也是夜即生余乃曰真也非夢也始恍然益信帝之神應如此儒者言理不言報然昔人記之甚詳者非神其事實以著其理使天下之人齋肅奉帝無念不誠誠者理也有其理則不言報而報自至可操券而得夫人亦盡其誠而已若左右兩營之得助此又近而可徵者也豈徒神道設教哉康熙戊午孟秋

漢壽亭侯玉印記

李 漁

照膽臺志略

三

杭之孤山有關帝君殿又名照膽臺始于故明萬厯年間告成之日有客攜漢壽亭侯印至事與時會人皆異之因佩於帝像之臆間明其心乎漢也殿久頽鞠為茂草地亦稍為編戶所侵守土者命道士護持此印匣而藏之至

大清康熙之十七年大中丞陳公過而歎息謂蓋臣廟貌聽其淪毀非所以教天下之忠也欲起而新之迨索所藏印則啟匣茫然莫知所往謂其失於盜乎則玉不盈握所值無幾且有漢壽亭侯及帝姓名非可售可藏之物盜雖愚應不至此神明其事者舉而

屬諸天謂此神物也廟興則來廢則去猶仕宦之銅符墨綬與進退之日相終始廟既傾圮帝君之靈爽必舍此而去宜乎其不存也予聞是說頗迂誕之迨廟成而此印復至若有神物齋來者即欲終迂前說不可得矣其至也不於廟不於民間而於大中丞指使之人之門外黎明啟戶有物當前舉而視之即此印也乃獻於公而知為天授然公則目為偶然不欲深言其故恐神道設教之惑民耳但令送入廟中還其固有而已印方四面皆寬二寸許惟二面有文一曰漢壽亭侯印一曰關某之印洞其中以受組蓋當

照膽臺志略

三

日所佩之私印非頒自朝廷者也玉則逼真漢物篆文鑄法皆近古非摹秦仿漢者所能為斯印失而復得固奇不得於他人而得於大中丞陳公之手更奇陳公生於五月十三日舉世皆於是日祀帝君謂是日為帝君生辰又有言其非是者然吾儒所信者正史正史不載生辰即他書或有亦未敢從舉世云然則吾亦從眾矣先聖後賢生于一日無怪乎道同志合勳業炳然且焉知非楚人之弓仍為楚人得手是為記

照膽臺玉印辨

周廣業

帝廟玉印其始得也董太史其昌爲金中丞作募建關廟疏自書其尾云書成輒有客攜至而不詳所自至陸雲士始有楚澤漁人之說其再得也陳大中丞秉直自爲重建孤山關廟碑記云漢壽亭侯章獨存斯廟知帝之乃心漢室千百年如一日又云失之者不知幾何年得之者不知幾易手而故物復還其事甚奇非帝之神帝之心歟至其由來亦不之及此正笠翁所云不欲深言者也而陸氏尤氏皆云帝示靈追獲已與黎明啟戶之說異至常公道言撈自湖中則更奇矣尤異者今照膽臺廟刻有玉章考正一紙

照膽臺志略

西

云案蜀史東漢建安己亥川人獻玉一顆中有井環漢中王命上下鑄文篆曰漢壽亭侯關某之印遺益州司馬費詩齎至荊州賜前將軍爲佩章假節鉞董督九郡聖歸神吳將徐盛得之吳志云黃龍己酉盛過鄱陽舟覆失之迄明萬曆乙己鄱陽晝夜放光漁人獲得是寶有司觀篆文乃聖生前名爵姓諱進於朝廷越二歲己未夫子顯照膽臺三字之兆神宗差太史董公其昌齎送照膽臺崇奉一時靈應昭著恐後之無考厯考史志而備爲之正此說無稽特甚今略指其謬者數端蜀志建安二十四年八月先主遣

費詩拜帝爲前將軍假節鉞無錫玉印之文卽通鑑書費詩卽授關某印綬其文又何不作前將軍也謬一荊州八郡吳得其三魏得其二帝所轄止三郡今日董督九郡謬二臨沮之難吳將在行間者自呂陸外有孫桓朱然潘璋馬忠等而無徐盛印何緣爲盛所獲謬三董太史募疏係其親筆現勒石帝廟使果願自朝廷董公親齎赴廟何無一言揚天子之休侈神明之德而反云客獻耶謬四此乃縉流杜撰藉爲愚俗逐食之計而關帝譜編年集杜詩傳竟從而信之李碩夫遊西湖關祠記亦采其說且與玉泉銅印混而爲一試問其所引蜀史爲何史吳志爲何志乎夫印之真偽誠不敢知而妄稱正史欺誑後人則不可以無辨也

照膽臺志略

圭

漢壽亭侯玉印記

胡珵

懿夫芝泥璀璨官儀留蜀漢之章橋紐爛熳規制仿荆和之璞亘虹光而上澈氣凜炎精偕牛宿以齊明分臨吳野雲中旌旆想見飛揚殿上冕旒同瞻秀發斯固汾睢祀鼎宜翊運於昌朝瑞檢緘書常祚靈於佛國也漢壽亭侯玉印一方在昔明神宗之朝得諸古豫章之郡九疊之篆文

如舊千秋之瑰質難磨相傳獲自鄱陽獻由漁父比
蔥河之撈玉蟾采宵澄匪漳水之沈鐘鯨春夜吼元
珠淪谷久典藏於馮宮湘珮牽芳感懷清於屈賦蓋
其地西臨楚尾東盡吳頭江通巫峽之源壤界樊城
之境當日麥城師潰炎并火熸星隕魁杓神箕騎尾
逐帆檣而傾側隨弓劍以漂零武庫燔而穿壁能飛
餘溪封而鑿華宛在寶甕啟登堂之日書繼尼山玉
杯呈照世之祥符探漢籙印之出也神若憑焉於焉
近自洪都移諸聖水玉壘之風雲若接金沙之祠宇
新開香櫃重裝紉綈什襲洵照瞻媿秦宮之鏡聽潮

照瞻臺志略

三

連伍相之車已或謂彭蠡瀦湖非白馬解圍之地神
鴉棲戟是赤烏選將之場且昔孫討虜以得璽於井
中遂啟丹陽郡而剖符於江表臨平湖塞幸有興王
天發碑奇應其神識九錫甘臣於北略一言責諾於
西鄰是溢城爲侯讎敵之邦而漸水豈印所珍藏之
地解池遐矚風旣判其馬牛赤壁南來枝莫安其烏
鵠山中巨杵恥偕大帝齊名吳下荒城又與阿蒙相
逼恐靈山鎮而鷺終飛去延津躍而龍總難馴與其
涌金牛而依華信之塘何若祠碧雞而逐王褒之節
乎然而日在天上浩氣之充塞兩閒也水行地中神

馭之周流入極也華夏當振威之日東南亦賜履之
區况廟近蠓磯兩國原稱昏媾石平魚復三分旋壹
車書豈獅兒難與爭鋒看鼠輩已歸同燼彼吳宮花
草魏國山河久經鄉冷烏程臺傾雀瓦豈得爭光於
圭璧媿壽於尊彝哉謂武功之級亭侯視關內爲卑
符節之頒玉印非眞王不授則銀章綠綬原有明文
瑤鞞球刀未容輕假然而中山依備官渡征袁功莫
與京典宜從懋况衛將軍有都尉之號曲成侯傳蠡
達之名胥若若以垂腰咸纍纍而綰綬後之人得其
片殼珍若璠璣狗監上林而相如豔傳姓氏矣燕成

照瞻臺志略

三

禍水而捷仔美勒若華矣何獨於不朽之留芳轉述
其傳聞之異說此魯展不疑其贗鼎而宋人難飾其
砥砭也夫剛卯以厭勝天祿以辟邪錢積銖量甄題
日號無關忠義曷寓勸懲而此印則永茂湖山恆垂
天壤與錢家鐵券輝映後先比岳鄂銅章合符漢宋
緬憶神物効靈之歲恭逢天聰

受命之元佑

國縣長歷億萬斯年而珣戈永勒在天陟降仰
九重題藻而

奎畫常新謹記

題照膽臺壁

張瑩然

多少浮屠老子宮問誰香火表精忠繡旗雲影空中
赤瓊印霞光分外紅應候磨刀知有雨納涼倚檻正
當風芰荷香裏重吟眺廟貌錢王岳鄂同

照膽臺

許承祖

照人肝膽同秦鏡廟貌魏我氣象殊玉印不隨流水
逝永留遺恨在東吳

照膽臺謁漢壽亭侯

柴世疆

高臺憑水畔畫戟鎮湖東赤日將軍氣青雲國士風
一湖秋水碧千嶂落霞紅漠漠瞻遺範猶如翼漢功

照膽臺志略

无

照膽名臺集古

柴杰

照膽常懸鏡青熒天色同臨人能不蔽垂範播無窮
高閣千尋起平湖四望通登臺橫紫極佳氣滿晴空

遊照膽臺憶社集同人之作

張琨

人心終可見明鏡不須臺閩海金戈指鄱陽玉印來
妖氛銷赤日龍德破春雷選勝孤山社風流首重回

照膽臺

袁學謨

秉燭通宵萬古熒况懸玉鑑閃雷霆豁開忠義衝腸
亮照破奸雄透體靈待且先教光射腹誅心不覺影
窺形當空赤日天爲膽留作人倫座右銘

謁照膽臺關帝廟

崔學泗

古殿依山轉重門向水開我行尋勝蹟此處有神臺
妙諦猶留竹丹心甯作灰徘徊撫遺印恍睹烈魂來

三義閣

董懋昭

昭烈奔馳日關張力共宣生原長北面歿豈遂齊肩
魚水情雖洽君臣分自懸彝倫誰復正三義至今傳

漢壽亭侯墨竹

畢自嚴

凌霜心事許誰知書付蕭蕭竹兩枝祕意當年渾未
解丹青千載繪新詩

關廟觀漢壽亭侯古印

汪森

照膽臺志略

无

漢壽英名玉不磨何年神物出滄波丹青遺廟摩挲
久想象常懸肘後多

照膽臺玉印歌

倪一擎

亭侯本漢秩官制沿革和當年解瀆繼大統尹勳以
外皆青緇昭烈宜城阿瞞費公也漢壽無差訛荆山
古治毋乃是城邊春草劉郎歌建安五載始剖玉肘
後一日三摩挲牽衣涕泣漢鼎徒珠襦玉匣俱消磨
楊子橋洞庭波流傳千古何其多大都鑄金不切玉
壓紐連環土花綠文遺漢字制失古難入明誠金石
錄瀟瀟卅里金牛湖中有祠屋孤山隅熊熊光彩輝

稜觚黑質白章文則朱其中一穴更斑駁書名書爵
無模糊東吳割據今已矣可憐空竊井中璽周郎陸
弟安在哉高臺長嘯悲風起

觀漢壽亭侯印歌

孫仁開

維公忠勇冠蜀疆胸如日星森角芒手扶漢鼎抗吳
魏欲以大義恢乾綱酬功錫爵封漢壽印文刻玉如
截肪荊州作督勞捍禦螭頭繫肘親戎裝遺書丞相
資論議紅鈐牘尾芝泥香江東鱗艦中敵計麥城遁
走殊倉皇一朝赴義失此印遂教播棄淪遐荒何時
漁者舉網獲鄱陽湖水波汪洋後來旋失復旋得神

照膽臺志略

三

物那肯韜精光孤山之麓建祠宇僧寮什襲留芬芳

恭逢

聖世頌時邁

行幄展玩彌周詳被之歌詠著盛烈三十五字垂

天章其內應規外應矩如公神智兼圓方玉色黝澤
斑點點或者碧血凝其旁武肅之券武穆爵未可與
此爭低昂傳之奕禩愈寶貴浩然氣與湖天長

照膽臺觀漢壽亭侯印

嚴 埔

崑山玉荆山璞興廢存亡隨轉燭封侯肘後懸黃金
旋銷旋鑄如相尋嗚呼亭侯一玉印乃與西湖作寶

鎮公名豈必藉此傳卽此已足爲公信竊聞初失歸
東吳後乃淪落鄱陽湖湖神下令爭傳呼此印綬是
公所紆爾曹魚龍好呵護毋使文篆汙泥塗一朝寶
物爲世有千古鴻名垂不朽竭來再拜請瞻視閃鑠
神光驚戶牖不署荊州督不勒前將軍區區亭侯鐫
漢壽公心萬古留在此印文吁嗟曹瞞首發難君臣
一心未忘漢

同作

嚴 達

荊州城破玉印失白衣搖櫓無日色春秋閣起玉印
來虹光燭天天爲開鄱陽老漁網中獲不敢私自三

照膽臺志略

三

獻璞曾沐

高皇御賜銘大書深刻藏韞匱陽鐫官爵陰鐫名中
穿如井方圓平建安五年公拜爵紀恩受官非敢輕
隨身繫用朱絲絡君子由來必佩玉笑他蘇子術縱
橫六國徒誇佩印六憶昔公解白馬圍如玉無玷匹
馬歸作書留別印鈐尾芝泥燦爛騰光輝憶昔降羌
封將軍武侯妙語能解紛作書致問印鈐尾赫蹏押
角成紅雲珍藏已歷千百載傳國玉璽今安在拜觀
薰沐敢摩挲照膽臺高發奇彩

照膽臺觀漢壽亭侯玉印

黃金臺

高臺白晝繞雷電榮光萬丈神靈見印方二寸鈴紅
泥蛟龍擁護風雲迷惟侯英武萬人敵自斬顏良眾
辟易酒酣以血洗寶刀大江東去掀波濤此印出自
天子賜翼戴漢家本素志荆襄出鎮威名揚使者旁
午軍書忙上名下爵篆文古想見精神勝熊虎或云
將軍固英雄未免剛躁矜其功豈知一心助昭烈丈
夫報國滿腔血當其軍逼樊城時黃河以南旌旗麾
少緩須臾阿瞞走獻皇何至解璽授魏方避銳吳陰
謀碧眼小兒忘同仇白衣潛至赤兔逝印章埋沒隨
荒澁洞庭漁翁網得來一方古玉驚瓊瑰有明之世

照膽臺志略

三

獻闕下上命供奉照膽臺至今盤鬱龍蛇字浩然之
氣在天地老僧啓匣一敬觀丹文百壽更奇異僧以
侯百
印印成一大壽廟貌依然髯絕倫綠袍一領三千春
字名百壽圖西湖湖水門前碧下拜猶堪手薦神入夜騰精氣吞
吐狐鬼紛紛鼠無路棱角肉好不消磨壯繆侯印應
同固商彝夏鼎今絕無留茲永鎮東南隅桓侯刁斗
亦珍重赫赫闕張相伯仲堪笑阿蒙多奇籌未及受
印封公侯

照膽臺敬瞻漢壽亭侯玉印

楊井

荆城碎將星墜賸有亭侯印完備金銷石泐幾千秋

故物流傳益精粹豫州失守溯當時張遼游說公堅
辭三約森森照史策阿瞞畏服英雄姿建安庚辰始
剖玉封以漢壽統僚屬佩印一日三摩挲拊膺太息
曹劉局何年淪落鄱陽湖土花纏碧痕模糊割腐神
物復如故白章黑質朱文麤至今移置孤山麓拜瞻
手澤心神肅一穴中空兩面鑄書爵書名歷在目寶
氣出匣騰蛟龍諸邪辟易光熊熊城狐破膽敢仰視
山魃咋舌皆潛蹤吁嗟乎井中故璽今誰得獨此粹
然無剝蝕可憐吳越草荒涼高臺落日悲秋色

照膽臺觀漢壽亭侯印

周晉鏐

照膽臺志略

三

銅爵一片瓦黑暗剝蝕珍者寡建業一抔土紛紜擾
攘任人取况復漢宮蜀殿旋蒿萊武侯廟柏風雨摧
孰如此印留光采赫赫一千六百載身為漢臣受漢
封此印長存漢長在嗟嗟漢璽淪江濱力挽漢鼎侯
軼倫亭侯是階漢壽地地繫漢名協侯意前將軍授
自漢中此時佩印應斗同荊州一去不復返遂與舊
印潛無蹤鄱陽湖神默呵護氣懾蛟龍那敢顧漁人
網得時代更滄海桑田等閒度陳思玉篆無復存典
午銅駝不知處問誰什襲獻朝廷夜夜神光放五洽
井環篆古玉無恙照膽臺高侯有靈侯佑我

朝古罕匹玉印乘運先期出不然安得留鎮明聖湖
曠古長瞻漢家物

照膽臺觀玉印

沈雲駿

方寸千秋著大名相傳得自沈烏程佩身不去如歸
趙勳力難安爲借荆一組中穿空似并萬金徒說重
連城芝泥紅印丹心貫寶氣騰霄燭太清

漢壽亭侯玉印歌

孫瑛

山君夜嘯老蛟舞神靈呵護紛無數劫灰易燼玉難
磨天留奇寶光千古在昔關侯輔漢室分茅漢壽承
恩秩恩秩由帝非由曹與左將軍同一律帝詔玉人

照膽臺志略

三

鑄璆琳印文雖小君恩深腰懸肘繫固不解片玉如
傳介石心臣心何在在討賊惜哉天意不可測甄井
光沈炎井寒麥城遺恨空淒惻江水無情日夜流濁
流難浣古今愁已拌玉石甘俱碎斷送蛟龍百尺湫
豈知神物終難祕陽侯驚顧支祁避悠悠塵世二千
年重向鄱陽呈璋異鄱陽漁者刺船來不網銀鱗網
寶瑰玉龍出水榮光溢文具無輝珠不胎獻之天子
天子喜珍藏什襲同符璽泗濱周鼎未爲奇延津寶
劍何足擬使車齎送詣錢塘照膽臺邊萬丈光篆文
屈曲芝泥燦上與日月同輝煌嗣後旋失復旋得中

宵難揜寒芒逼魑魅睽睽不敢前况乃狗偷并鼠竊
我

朝命祀禮尤崇會紀

南巡盛典逢

宸翰煌煌親灑墨銘詞終古鎮琳宮偶因氣運逢陽
九赤眉青犢挺而走一朝銀漢洗戈矛金甌無恙仍
依舊如斯至寶誠難伴豈惟繆篆工雕鏤客來再拜
始敢視爛然五色射雙眸吁嗟乎我思玉印誰主宰
兵燹風霜終不改

天藻神威兩喬皇英靈並合垂千載

照膽臺志略

三

同作

王毓岱

炎精餘氣凝琅玕亭侯印信規井欄荆襄罷鎮印遂
失浪花蓄盡陰文丹寶光射斗掩不得鄱陽夜拂珊
瑚竿漁人收網詫奇質繆篆完好堅不刊神物顯晦
似有數精誠感格蛟螭蟠勝朝尊禮致盼蠻西湖奉
印開神壇華亭舊史董宗伯孤山詩社開名山蘇隄
永真護風雨姓名尚足驚愚頑數百載中迭隱現摩
挲不受劫火癡卽今廟貌既整葺通靈印復來雲間
不知神武振漢祚文曰漢壽無曹瞞硃砂拓出懾魑
魅吳民思德忘尤難吁嗟乎吳民思德忘尤難讀史

况復欽衣冠君不見鄴臺銅雀委泥土江東傳璽不足撫賸有建安玉一規威名永作湖山主

同作

許笙詩

黃龍應運赤龍走漢室山河曹氏有紛紛割據定三分恢復炎綱賴羣后當其將分未分際翼翼關公列螭首敕封亭侯漢壽地君之所賜臣敬受忠臣有志莫回天鴻基四百嗟陽九中原戎馬正焮馳淚灑君恩餘印綬漂流典午及後季曠野熊羆競哮吼此時玉印失所依料應拮擲遭凡手不知何人懷趙璧千里閒關來浙右白虹耀采壯河山天意矜憐鬼神守

照瞻臺志略

秉

不須龜鈕鑄金章古文鬱律垂蚪蚪俯仰世事感今昔想見當日懸諸肘東南浩劫驚童叟粵氛上薄搖天狗至寶由來挫折多昔曾播越今其又風流雲散逐兵燹棄置應須隨敝帚人閒萬事必反始好事搜羅來海藪司隸衣冠慶再瞻完全神物關天佑坐念朝廷輯瑞年驚看合浦還珠後青史功勳著令名壽諸金石彌悠久武侯羽扇擅風流萬古雲霄同不朽

滿江紅 孤山照

李炳

王室傾頽正傷心主憂臣辱歎弱獻太阿倒持炎劉誰續一統惟知常翼漢三分那肯偏安蜀震威名不

獨徧寰區魔也伏 世屢更璽留玉袍未湮波映綠問三國英豪幾同芳躅忠勇當年湘水南香煙此日西湖北歷朝來紫誥疊加封今古獨

雜綴

西湖關廟廣紀

金中丞學會紀夢云余撫閩值倭奴跳梁蹂躪高句驪如焚奉旨沿海加備歲丁酉謀報平秀吉遣將原田喜右尉門欽文遁造船百隻用貫海倭萬人名佔雞籠突將犯閩余念海防單薄添設標下遊兵一枝至次年五月倭從粵沿海結陣而來余懼不支至三

照瞻臺志略

毛

鼓忽夢空中大呼云關聖送旗望見一大旗從空轟插於地高數百丈旗下有大鼓一座旗中多雲龍五彩照耀奪目鼓聲大震不覺已乘巨艦出海外覺而異之謂諸將必獲全勝矣少頃各寨報捷接踵轅門康熙杭州府志余學會字省吾仁和人萬曆戊辰進士初授工曹旋擢楚學憲時江陵欲汰學官著新令且罪言者學會致書中行江陵怒逮革勅者江陵奪情言甚切至楚守以江陵子試宜第一學會置之後會江陵還藩臬皆以屬禮見學會長揖即出憲臣迎會殺布衣何心隱隱門人胡生者哭之市并遣之法學會視臬象展讀憲日殺三人胡生者哭之市并遣之法學會志江陵疏劾學會鑄三級拂衣歸結孤山吟社有終焉之志江陵捷直指以濫餉効事尋白連疏乞休年七十九卒案金中丞以平倭之功悉由帝助故建廟

西湖以答神呪是靈異雖著
閩中實爲此廟之緣起云

西湖關廟紀異

武林士民既謀創廟於孤山歲戊午仲春之三日結
廠其上城中佑聖觀巷程姓者新安人向供琉璃於
觀內關帝廟擬次日往供是夕夢帝云汝琉璃可送
至孤山觀中已有他姓來供矣詰朝至觀果已有先
供者然孤山廠彼不知也亟使人至孤山正值迎神
搭廠舉家驚異遂送琉璃於廠中又聖像將開光之
夕居士守僧皆齋宿於廟三鼓聞馳道聲從外入疑
當道夜至驚起迎觀則杳然無人始知帝君降臨相

照瞻臺志略

秉

視駭異

棗林雜俎

萬厯末烏程沈相國淮得漢壽亭侯玉印印中空可
貫紐下刻關某之印玉質蒼古捨西湖孤山廟中嘗
見之

在亭叢稿

西湖孤山竹閣今爲關壯繆祠中有照瞻臺瞻關公
碧玉印印方寸四五分高二寸洞其中如井欄綠文
斑剝其文上曰漢壽亭侯下曰關某之印皆白文按
弱侯焦氏云亭侯爵名漢壽地名老僧出印章考云

公死後佩印爲吳將徐盛得又引吳志黃龍已酉盛
過鄱陽舟覆失於水明萬厯丁巳湖中有奇氣漁人
網得獻於朝越二載己未令太史董其昌齎送孤山
照瞻臺又遺印考胡琦曰玉泉顯烈廟有司馬印二
枚相傳公所佩其一方寸五分兩環相連系於印紐
文已訛闕唯左有司馬字可辨或曰關某司馬或曰
荆部司馬又曰今公廟漢壽亭侯印卽公初封印紐
方二寸有奇其上大環徑四寸下連四環皆系印今
實不見上下環矣備錄之以俟考

良齋雜說

照瞻臺志略

堯

古印文無兩面者疑其僞然嘗爲盜所竊有人追送
入官今僧印賣以治瘡輒愈屢著神異殊不可解

西湖漁唱詩註

照瞻臺在孤山前爲三義閣後爲清嘯亭有司歲獻
春秋祀內貯玉印一白質黑章斑駁如錦中有穴可
佩一面刻漢壽亭侯一面刻神諱相傳爲神故印寺
僧玉章考謂東漢建安己亥川人獻玉漢中王命上
下鐫文遣益司州馬費詩齋賜前將軍爲佩章後爲
吳將徐盛所得過鄱陽湖舟覆失湖中迄明萬厯鄱
陽湖晝夜放光漁人獲之進于朝神宗命太史董其

昌崇奉廟中毘陵楊寬西湖款乃歌謂天啓間郡人
金中丞學曾得是印獻爲山門鎮二說西湖志皆不
載因並存之乾隆十六年恭進

御覽鐫題歲月以俾永藏遂爲千秋傳寶

宦遊隨紀

當陽之玉泉有關帝祠相傳紹興中洞庭漁人獲公
印以爭金納於官庫時有光燄燭外吏還公廟廟得
此印香火益盛然容齋四筆曾辨侯銜之非與所鑄
年月之訛則此印之偽託無疑矣又浙江西湖照膽
臺亦公祠也舊貯玉印一方亦傳得之漁者後被竊

照膽臺志略

罕

莫知所之夜見湖光復撈取得之而中玉儼如刻成
規玦至今寶重存廟中一玉一金其中必有真者豈
皆好事者製之以助侯之神靈歟納蘭常安記

關帝事蹟徵信編

西湖關帝廟廣紀明錢塘金嘉會撰天啟間刊陳太
史仁錫爲之序內載錫山墮內外訓毘陵寄忠孝經
云云考錫山事當卽顧太函五臆所記浦氏兄弟忠
孝經意卽近時忠義經而無涿州盟義句則又疑另
一書也廣紀輯非一手詳載廟圖基址建置始末凡
宦遊於孤山者如白蘇諸公亦並記焉分元亨利貞

四冊其第二卷載帝各紀傳而弁首蜀志悉仍陳庶
子原文最爲得之惜卷帙殘闕其書名并不見列於
李中丞西湖志中可歎也

又

孤山竹閣關帝廟有石刻竹傳爲神筆以竹葉畫成
詩字是碑爲孤山僧眞禮所摹勒前載趙司徒欽湯
跋曰世傳公寫竹二幀虬枝鐵幹自非渭渚洋川閒
尋常觀也其竹葉錯綜成文爲五言一絕詩曰不謝
東君意丹青獨立名莫嫌孤葉淡終久不凋零或曰
此降鸞筆也今刻於肥城孟中丞邦政所修廟中又

照膽臺志略

罕

有董大晟書茲儀若鳳茲筆若龍矯矣壯節謖然雄
風十六字後有錢塘金嘉會記云帝廟甫成余方廣
輯帝紀藏於孤山適得四明李公啟所蓄石刻畫竹
筆墨之外寓意詩字洵爲神物敬識簡末願共寶焉
帝畫竹趙司徒雖云二幀而竹止二竿詩止一絕
諸誌所載並同惟方瑩關侯集始有風雨二竹之說
盧湛謂不謝東君意一首爲風竹其雨竹詩曰炎精
噓不然鼎足勢如許英雄淚難禁點點枝頭雨詩作
楷字後題關某書小印二以佟世南篆字彙畢宏述
六書通考之其一疑是帝字其一終莫能識且無年

月欵識不能詳其所刊時地也

案廟中石刻竹今佚

武林聯話

孤山照膽臺創建於明萬厯間逮

國朝康熙中巡撫陳公秉直重加修葺春秋秩祀於此規模大備舊藏玉印

純廟南巡曾蒙

御題庚辛之劫廟毀於火同治丙寅方伯湘鄉蔣果敏公重建正殿懸一額曰復見天心光緒二年中丞湘鄉楊公撰聯曰與帝胄作股肱蜀統常尊一片忠忱留漢印爲人臣誅僭亂曹瞞雖詐千秋奸膽照秦

照膽臺志略

望

臺前有三義閣爲鹽臺胡公所建光緒癸巳重新仁和朱孝廉錫榮撰聯曰具知仁勇輝日月星博大典麗各擅所長

照膽臺志略終

昌國典詠

四明張氏約園開雕

序

道光中上元朱氏述之撰昌國典詠十卷凡山峯巖洞
石塘地城壘洋礁港潭浦門灣池洲閘莊場芹田井堂
院倉課橋坊與夫短蓬鼎漏白鹿烏蜎鬢醬章舉纜魚
虎罇架步饅華臍璣結地青闌胡水母帶魚蠓山沙喫
魚腳撥棹紫菜瓦瓏玉珧柱海扇之屬以及亭堂樓宅
山房齋軒舍處祠廟觀寺墓處無所不詠都爲七言詩
二百二十有一首嗚乎可謂詳贍典實也已世或鄙歌
詠小道余覽此編爲喟然久之古者學無不切於世用

昌國典詠序

一四明叢書

約園刊本

故無無本之學無無用之書山川地理尙書以之風俗
習尙三百篇以之物產土宜周官以之人物臧否春秋
以之運其思以效於用變化無方唯適之宜者尤大易
之妙用也此編雖小道可以見大用焉首詠定海山川
定邑爲寧郡咽喉舟山爲定邑門戶舟山固則定邑固
定邑固則寧郡以達紹郡俱固蓋其東控日本北接登
萊南互甌越西通吳會實海中之巨障片石峙天帆檣
不動則其係海防之重也道光中英吉利營攻其地大
寶山有眾萬人副將朱貴以九百人抗禦自卯至酉力

戰死之英人大衄葬其骸觀山上所謂寶峯酣戰者
也卽此二事觀之讀此編者願可以歌詠小道而忽之
乎卽其初心又豈僅誇博麗哉覽者苟由吾言而取觀
此書庶不負斯人之作爲此書述之諱緒曾以舉人累
官浙江秀水孝豐知縣有循聲遷台州同知候補知府
所居秦淮水榭藏書十數萬卷丹青畫皆精審著有
續宋文鑑中論注論語義證金陵舊聞金陵詩匯筆譜
曹子建集考異續棠陰比事北山集開有益齋集讀書
志金石文字跋尾及昌國典詠定海胡止三齋嘗讎校
斯編未及刊見於定海藝文志云民國二十七年一月
後學張壽鏞

昌國典詠序

二四明叢書

約園刊本

昌國典詠目錄

徐士芬序

黃樂之序

呂賢基跋

甘炳跋

卷一

定海山

鎮鼇山

翁山

州衙山

觀山

大椎山

昌國典詠目錄

四明叢書
一
約圖刊本

雙髻山

雲嶼山

盤嶼山

岩峇山

金塘山

冊子山

鐵杵山

大箬山

桃花山

順母山

馬秦山

黃公山

塔嶺山

烏沙懸山

補陀洛伽山

東麓山

梁鴻山

馬墓山

卷二

蘭山

秀山

佛嶼山

岱山

錐砧山

高熬山

胸山

三姑山

石門山

石弄山

大洋山

鼓吹峯

葛仙峯

達摩峯

玉峯

白華頂

昌國典詠目錄

四明叢書
二
約圖刊本

十二峯

書字巖

安期先生洞

法華洞

潮音洞

梵音洞

善財洞

紫霞洞

盤陘石

無畏石

紫竹石

烏石塘

三摩地

卷三

徐城

甬東壘

鹽倉壘

吳榭壘

洞壘

蘆花壘

舵壘

大展壘

北潭壘

白泉壘

皋洩壘

千礮壘

馬壘

小沙壘

大沙壘

岑港壘

紫薇壘

頰河壘

卷四

昌國典詠目錄

三四明叢書
約園刊本

橫水洋

大茅洋

碇頭洋

蓮花洋

丁家礁

戰洋

香火礁

銅礁

黃牛礁

瀝港

雙嶼港

洩潭

岱山龍潭

菖蒲潭

桃花龍潭

九節鰻潭

鄭山龍潭

天童浦

查浦

卷五

螺頭門

竹山門

十六門

濯門

響礁門

沈家門

黑棋子灣

白棋子灣

聖母池

芙蓉洲

平水閘

筆硯池

貢士莊

曉峯鹽場

昌國典詠目錄

四四明叢書
約園刊本

岱山鹽場

嘉芹

塗田

舟山井

惠泉井

宮井

卷六

昌國儒學

育德堂

翁洲書院

岱山書院

紫陽書院

蓉浦書院

社倉

永豐倉

漁鹽

酒茶課

狀元橋

龍首橋

陳太翁橋

虹橋

聯桂坊

神童坊

短篷

翁洲銅鼎

譙樓銅漏

白鹿

頻伽鳥

長生蝸

鬣鬚

章舉

纜魚

虎罽

桀步

鯨

昌國典詠 目錄

五四四明叢書
約園刊本

華臍

瓊站

地青

關胡

水母

帶魚

蠟山

沙暎

龜腳

撥棹

紫菜

玉瓏

玉珧柱

海扇

卷七

問潮亭

冰壺亭

洗心亭

受降亭

樂凱亭

雪交亭

治定堂

望海樓

黃給事宅

眞隱舊游

張孝子宅

陶平石山房

范主簿著作林

陳公臺

丁高士海巢

黃氏拙修齋

徐氏三益軒

王氏復翁堂

李氏遠清堂

李茂才野軒

昌國典詠 目錄

六四四明叢書
約園刊本

嚴員外旅舍

王少參永思樓

陶氏光霽堂

施印泉山房

吳忠烈寓室

孫忠襄旅舍

沈瞻陽尋母處

卷八

徐偃王祠

黃公祠

梅仙庵

陳大王廟

茹侯廟

蔣學士廟

葛參政祠

劉邑侯祠

余少傅祠堂 干大聖廟

烏哲勒圖公祠 帖侯祠

火斌祠 徐公祠

張莊節公祠 安洋將軍祠

成仁祠 三皇廟

道隆觀 謝龍王廟

卷九

普慈寺 祖印寺

吉祥寺 萬壽寺

昌國典詠 目錄 七 四明叢書 約園刊本

延福寺 興善寺

隆教寺 翠羅金鐘寺

金塘普濟寺 回峯寺

梵慧寺 補陀普濟寺

法雨寺 普明寺

超果寺 華雲寺

卷十

征南劉將軍墓 韓學士墓

郭先生墓 王祕書墓

孫迪功墓 應參政墓

余太師墓 開夫人墓

韓句容墓 傅烈女墓

張忠穆公墓 張定西墓

同歸域 繆公衣冠墓

定海令姚公殉節處

昌國典詠清朱緒曾撰緒曾字述之江蘇上元人

道光二年舉人由知縣遷至台州同知候補知府

好讀書非公事不掩卷青鞵布襪時出坊肆中道

昌國典詠 目錄 八 四明叢書 約園刊本

光二十六年定海收復檄襄理善後事道出鄞鎮

因搜集昌國州志舟山志及乾道四明圖經寶慶

延祐至正諸志鉤稽考證博綜古今引一書必合

諸書以詳始末持一說必兼眾說以決異同事蹟

既明又系以詩成昌國百詠既而所得益多遂更

今名咸豐閒洪楊入金陵緒曾寄居鄞之東鄉復

與徐時棟辨晰疑義反復討論蓋至是而稿經三

四易矣時棟稱其囊括弘備自來數定海掌故無

出其右者厥後黃以周修定海志多采用其說謀

刊而未果是本向藏鄞城江氏予於癸丑七月得之民國二年十月馮貞羣

賈耽好地理學凡山川土地之終始九州之夷險區分指畫備究源流其上表云伏波之聚米開示眾軍鄧侯之圖書方知阨塞偉哉經世之要典也舟山海外一隅耳憶庚子歲鯨波不靖爲蜃霧所蝕吳越告警軍書旁午卞竹辰方伯總理糧臺朱述之大令參預謀畫竹辰癸未會試出余門下朱爲余壬午典試江南所得士也竹辰嘗以書言朱君誠信質直足以倚任勞不避險才

昌國吳詠 目錄

九四明叢書
約園刊本

瞻以博羽檄飛馳不廢吟嘯越丙午歲收復舟山朱君從事海外蓋鞅掌況瘁者七年矣余以書勸以兵燹之餘收拾圖籍綜核今古勒爲一編知其必有以副余言也余丁未乞假歸里今年戊申朱君攝牧海昌余往觀潮朱君持所著昌國典詠十卷就質是余志也當海氛未息議者或疑舟山本非中國地詢所自始余曾舉翁洲見韋昭國語註徐城見史記正義唐置翁山宋設昌國元陞爲州明立爲衛以證之今覽是編凡山川洋壘之險墩臺關隘之設興廢戰守之迹忠臣義士之祠墓

名賢學士之第宅引一書必合諸書以詳始末持一說必兼眾說以決異同俗語之訛謬也以古志辨之古志之疏略也以正史糾之激發性情之原博綜古今之要俾覽者不敢以海外荒僻之地而鄙夷之舟山何幸而得此哉宋人多以一地爲一集如阮閱之彬江張堯同之嘉禾曾極之金陵許尙之華亭方信孺之南海不過掎摭畸零以補志乘之缺猶爲後人所寶貴若茲編之淵懿浩博以之稽風土皆足徵之事以之資治術皆有用之言是能讀左史之九邱擅司空之六體矣余於桑梓之鄉綢繆牖戶惓惓不忘懸車以來海上往事輒向人詢問金塘橫水蘭搖秀舞如在目前獲睹斯編披吟弗輟余既喜朱君之不負所學又悲竹辰之朝露而不及見也道光二十八年戊申三月通家生當湖徐士芬 辛庵序

昌國典詠 目錄

十四明叢書
約園刊本

昔君以名孝廉出爲茂宰時海氛不靖東望舟山烽火極天大府以君才檄贊幕府借箸磨盾厥績偉如惜其才之未盡展也賴天子聖仁島夷效順收復版籍君歸治天目弦歌餘暇稽古無輟時同列者爭要津馳捷徑

或顧君而擲揄之君不顧也余分巡浙右心景君賢比以公事接見未盡叩其所藏今年巡視海塘適君權牧海昌得以上下其議論索觀茲編益知君賢甚夫世之邑大夫泣其土者催科而外了無所問矯其弊者或又網被放衙棋局消晝間以山川風俗有茫然莫知其要者以視斯編君不誠賢乎哉至其筆力之雄健抱負之奇偉非胸有武庫者不能嗚呼士元豈百里才哉士元豈百里才哉爰識數語於篇首道光二十八年戊申七月年愚弟龍澤黃樂之愛廬序

昌國典詠 目錄

十一

四明叢書
約園刊本

昔馮福京郭薦撰大德昌國州圖志七卷首列三圖今圖佚而志尙存論者稱其簡而能括足開武功朝邑等志之先朱君述之司馬著昌國典詠根據是書而正其訛謬補其缺遺並博采乾道四明圖經寶慶開慶延祐至正諸志以證異同凡山川塘壩及書院社倉鹽場泉井祠墓之屬釐然畢載較之馮郭所分八門更爲詳洽徐辛庵侍郎許爲有用之言誠不虛也基於辛亥秋奉命典試浙中朱君爲內簾監試闈中出此編見示讀數因跋數語以志欽佩咸豐元年八月初九日愚弟旌陽

呂賢基拜跋

定海孤懸海外城如彈丸島壘遼闊城民儉樸粵民强悍自海市開後盜賊出沒無常道光二十一年升爲直隸廳以同知治焉咸豐庚申正月余奉權斯篆知述之先生著有昌國典詠十卷凡山川島壘學校祠墓甚爲詳洽因往借讀先生曰書尙未刊王石鯨太守曾攜去未歸其草稿尙有存者盍取閱余欣而受之及之任復覓康熙閒繆公燧所修縣志久之始得擬就先生所著闕者補之訛者正之未及開雕而英法兩國兵船駛入

昌國典詠 目錄

十二

四明叢書
約園刊本

洋盜土匪乘隙蠶起馭外攘內何暇及此事甫定適奉大府檄以他役調省謀刊之舉遂不果行又值羽書交馳余與述之石鯨如參商不相見然猶冀見諸異日也不意兩先生相繼歸道山竟不相見矣迺兵燹而書又不知散失何所矣所幸余假之藁尙存篋中特爲檢出以付先生哲嗣崇嶧明經爰識數語以歸之同治丙寅十二月同里愚弟甘炳拜跋

清金陵朱緒曾述之撰

昌國典詠

道光景午五月余至舟山縱覽山川形勝關隘烽
埃與摺紳耆老往復討論繆蓉浦定海縣志莊對
樵定海續志記載雖詳罕徵古籍爰取寶慶四明
志大德昌國州志正其舛漏復采乾道四明圖經
開慶延祐至正諸志及舟山志以古證今列其同
異更為旁稽博考附益近聞詩以紀事積而成帙

昌國典詠 卷一

一四明叢書
約園刊本

昔張逸問鄭君山川能說鄭君答曰兩讀或言說
說者說其形勢也或曰述述者述其故事也余是
編竊取二義因名曰昌國典詠有所不知蓋闕如
也覽者擇焉

定海山

寶慶四明志舟山去縣五里趨城由此塗出令

趙大忠新創隄岸臨江校官應繇記緒曾案記
文不傳

昌國縣東西五百里南北三百里西南至州驛
三百五里舊志云然然海面際天本不可以里

計也東五潮至西莊石馬山與高麗國分界南

五潮至隆嶼與象山縣分界西一潮至交川山

與定海縣分界北五潮至大磧山與平江府分

界東南三潮至韭山與象山縣分界西南二潮

至三山與定海縣分界東北五潮至神前壁下

與海州分界西北三潮至灘山與秀州分界大

德昌國州志舟山在州之南有山翼如枕海之

湄以舟之所聚故名舟山州城周廣五里城門

六所重門擊柝以待暴客則封域之有扁鍵尙

昌國典詠 卷一

一四明叢書
約園刊本

矣舊無之升州後所創也東江門東隅西川門

西隅南門南隅上榮門北隅舟山門西南隅良

川門東北隅成化寧波府志舟山狀如覆舟船

棹往來於此維泊何汝賓舟山志舟山古邑治

四面環海東接普陀桃花南連崎頭橫水洋西

接長白馬墓北連長塗劍山自所城至東塘頭

烽埃程一百里至南舟山烽埃程三里至西碇

礪烽埃程六十里至北干礪烽埃程三十里自

蛟門至橫水崎頭等洋海面四達均宜設兵船

防守夫定邑為寧郡咽喉而舟山為定邑門戶

攘外正所以安內舟山固則定邑固定邑固則

寧郡以達紹郡俱固有地方之責者不可不深

長慮也按定邑今鎮海定海縣志康熙二十六年五月

改舟山為定海山以山名舟則動而不靜因易

名焉二十七年建縣治即名定海改舊定海為

鎮海焉定海知縣繆燧御書亭頌云國家道洽

四訖版圖之廣曠古未聞聖天子神明天縱之

委權輿方夏裁成通變皆合機宜康熙二十五年

年從文武大臣之議展復舟山御書定海山三字

字即以名縣舟為動物莫之以靜大哉王言侍

臣齋榜到山羣工有司竹舞交慶迺建御書亭

一座鄰於學宮繆以丹垣鑰重門施黃幄而額

焉小臣燧每當朔望率屬借師儒從鎮臣之後

叩頭瞻仰講上諭十六條對揚之下不違咫尺

定之臣民何幸而際斯榮盛也荷歎休哉敬拜

頌曰屹茲翁山扶桑之隅南溟之舊矣民居

建州立邑時有緩急舉而棄之歷年三百恢恢

皇圖坤輿乾符罔弗亟載爰建大謨可耕可牧

連岡懸谷以舞以歌復我邦族宸翰用頒哀鴻

始還真茲荒域以定名山萬峯矗列重樓高揭

赫赫王言天威咫尺別有朝音其義甚深龍騰

鳳翥揮灑祇林神山浩蕩匪帝所好宣威德孚

惟民是保禾稼屢登桂符不興玉燭四照泰階

三平爰詔海若懷茲書閣凡我民人片帆勿虐

浴鐵三千將軍在焉風柔浪穩銀鑾金船按圖

稽史斯成黑子孔道諸番悅而成市雲擁風翔

絡繹梯航驤首彤庭愈日天章東西定海知縣

昌國典詠卷一

三四明叢書

約園刊本

莊綸渭字對樵武進人乾隆壬戌進士由武康

仍發浙江復由上虞調定重建御書樓記云舊邑

海著定海續志問義軒集重建御書樓記云舊邑

稱舟山自康熙二十六年海氛綏靖督撫疏請

展復疆界聖祖仁皇帝謂舟為動物親灑宸翰

錫名定海山二十七年設縣立治即以定海名

縣此昔日御書樓所由建也樓在學宮之東翼

然三楹門分左右各三楹向懸寶額供龍牌於

樓上凡萬壽朝賀暨朔望宣講俱於此虔肅行

禮蓋儼然咫尺不違之意自乾隆十四年颶風

為害樓傾圮前令嘗請帑重建因方鼎新學校

未及允行歲癸酉余由吳興調任茲邑下車謁

聖日見樓之舊址鞠為茂草朝賀宣講諸大事

率在祖印寺心耿耿者兩年爰勸紳士輩捐貲

重建明經王某既捐金五十其他應者雲集計

前此奉檄估計木植磚石之費約需四百九十

餘金而紳士所捐適符其數余即詳大府訊吉

庀材委巡司耿君督視工匠選紳士之廉幹者

經理出納興工於十九年之八月落成於二十

年之四月雖規模由舊而木石加堅丹雘加麗

鳥革翬飛復得與巖宮相輝映嗚呼此雖倡導

由余然非諸紳士踴躍各輸其尊君敬上之忱

昌國典詠卷一

三四明叢書

約園刊本

勸不日成之如此此今日御書樓所由記也昔

歐陽修作仁宗御書飛白記謂榮光起而燭天

夫翰墨之賜類非偶然况我聖祖仁皇帝御筆

鴻題邑以是得名所係尤鉅樓成適觀察羅公

按臨瞻仰畢拾級而登舉然高望見煙火萬家

帆檣遠至謂一幅海外昇平圖也恭頌一聯鐫

懸樓下綸渭頌聯二懸簷前及二門外左右大

門各額額左曰誕敷文德右曰丕冒海隅凡以

使人仰宸翰之昭回即慄天威之震疊將於是

乎在至於紳士之踴躍樂輸差其捐數之多寡

分別旌獎其姓名仍並

勒諸石以示鼓勵云

道光二十一年三月陞

道

光

二十一年三月陞

道

光

二十一年三月陞

道

光

二十一年三月陞

縣爲定海直隸廳

一鏡磨青島嶼環魏我片石峙天關帆檣不動蛟龍護

日月高懸定海山

鎮鼇山

寶慶四明志縣廳鎮鼇山下山自北來爲龍峯

蜿蜒南走屹爲一小峯縣治據其麓熙寧六年

八月十九日創有宣詔鼇峙淨香廟雲廉泉五

亭大德昌國州志鎮鼇山在海中屹然有六鼇

背負之勢州治據其趾而坐鎮焉因以名其堂

昌國典詠

卷一 五四明叢書 約園刊本

有敬簡齋蓬萊道院愛蓮堂前有蓮池又拂雲

亭在州治後山海光亭在拂雲亭之上至正四

明續志昌國州治在郡東海中洲鎮鼇山下至

元十五年謂海道險要陞縣爲州因縣廢而爲

治廳事後有堂曰鎮鼇副廳之東偏爲蓬萊道

院又有兩廡挾以吏舍吏目廳後西偏有齋曰

敬簡外爲臺門中門斗亭在翁山後紀至元六

年知州徐敬建舟山志敬簡聞韶記云令於民爲最親

撫字惠養職也而或有以病民者其故何哉是殆未知臨民之道也道烏乎在傳曰君子敬而

無失繫辭曰簡則易從易簡而天下之理得矣

蓋敬則不欺不欺則意誠簡則不擾不擾則民

安斯二者於從政乎何有可使南面吾夫子嘗

以許仲弓果何修而得此哉居敬而行簡庸非

其臨民之要旨耶有慨於心曰今之從政者不

然顧以挾智術爲己能發姦摘伏爲可以使人

懼烏在其爲民師也廳事後之西偏有小室

二東蔽西圮將就覆壓古人一日必葺宜不如

此乃因舊材而新焉新之削之損之益之演而

爲三中廣丈有四尺西增二楹廣如之翼乎旁

者半其廣不費於官不勞於民成之不日左爲

奉先之所右扁曰敬簡嗚呼敬簡之義大矣哉

此心之存天地鬼神昭布森列少有不齊焉紛紜

膠輿是非易位矣其政退食自公端在此堂治

己治人念茲在茲庶又清白堂泰定元年知州

韓搏建孫恕記云州治舊縣治也創於前宋葺

於元至元歲久頽圯知州事韓

侯奉政既至顧瞻其地且異之意若經營以務

未遑也視篆以來行之以寬裕本之以廉明同

昌國典詠

卷一 六四明叢書 約園刊本

寅協和吉德參會農隙既閒乃闢乃墾作新堂

於池亭之上周河浚嚴環楹聯輔移亭於山屹

然突兀閒以芳樹濬以濠沼其下有堂曰鎮鼇

齋曰敬簡曰公明命彼工人一朝畢葺低昂相

依翬飛鱗集賓館森布左右其宜若夫星月雨

露風情雲物之奇山原島嶼草木泉石之美魚

浪連天而渺渺龍波積雪以盈盈陟彼山亭瞭

然在目開襟襟靈非但極雄偉之觀亦足以增

氣象於中州隆形勢於海國豈如蓬弱之隔可

望而不可即耶既成俾怨書之辭弗獲怨聞之

地無嫩惡因人則興官無小大得人則治人爲

萬物之靈地蘊千年之秀遇不遇時也今是役

也豈造物者有所待以遺其人乎能於撫字之

餘使民以時由是輝前映後官府以尊事簡民

安境內稱治榜斯堂曰清白清言其德白言其

容也一時同僚皆廉正有守者也蓋將穆如清

風傲如白日俯仰云乎哉詩曰維其有之是以似之邦之人士乃刻於茲石俟君子以觀覽焉

舟山志鎮鼇山舊縣治據其麓洪武二年改州

為縣十二年立昌國守禦千戶所時明州衛守

禦千戶募成立地五百丈未竟次年指揮許友

展跨鼇山成之洪武十七年以東南控海之地

乏兵以守恐致寇害命設衛所及岑寶螺岱四

巡司隸於縣二十年湯信國革衛縣學校遷其

民於內地夷縣為二所帶屬定海縣今鎮海定海

縣志今為總鎮府一名鎖山宋淳熙開賜名鎮

昌國典詠 卷一 七 四明叢書 約園刊本

鼇緒曾按趙與沐岱山書院記云淳熙閒宸寵

以鎮鼇名山川改觀是也

名湖淳熙錫寵褒海光亭拂海雲高寄聲龍伯休拋餌

萬古靈峯穩戴鼇

翁山

唐會要明州開元二十六年七月十三日析越

州鄞縣置仍置奉化慈谿翁山等縣慈谿以房

瑄為縣令翁山以王叔通為縣令廣德元年三

月四日以袁晁賊廢太平寰宇記廢翁山縣唐

開元時與明州同置大曆六年因袁晁反於此

縣遂廢之元豐九域志明州熙寧六年析鄞縣

地置昌國縣又云下昌國句州東北一百七十

五里四鄉一鹽監有雲雩山西湖乾道四明圖

經下昌國縣本鄞縣地周環皆海窮東一涯而

地不相屬與明州同置即翁山縣是也大曆八

年海寇袁晁作亂此邑遂廢皇朝端拱二年置

為鹽場宋朝會要熙寧六年王安石割鄞縣三

鄉創置文獻通考慶元府昌國居海心大德昌

昌國典詠 卷一 八 四明叢書 約園刊本

國州志創縣名為昌國意其東控日本北接登

萊南互甌閩西通吳會實海中之巨障足以昌

壯國勢焉八年又益以定海縣之金塘鄉紹興

十三年戶部員外郎沈麟編類民籍戶計萬餘

丁口再倍德祐元年中書左丞行浙東道宣慰

使哈巴岱提師壓境遂歸附焉是為至元十三

年縣仍舊至元十五年三月朝廷謂海道險要

陞縣為州以重其任時劉思義受宣武將軍達

嚕噶齊以州印來領州事人心帖泰實嘉賴之

至元十七年復置縣隸於州二十七年縣仍廢
止單州焉舟山志翁浦山又名翁洲山去城東
四十里唐置翁山縣以此命名緒曾按唐會要
以王叔通為翁山縣令寶慶四明志引作鄧令
與今本會要不合余見唐了緣和尚靈塔銘題
授鄧邑令王叔通撰并書云開元二十六年歲
戊寅七月既望了緣禪師圓寂又云來鄧甫三
月簿書卒卒欲造未果而遽得其耗據此則叔
通已先為鄧令鄧本舊縣翁山新設難治或徒

昌國典詠 卷一

九四明叢書
約園刊本

叔通為令否則會要及寶慶志所引必有一誤
也寶慶志又云開元二十六年七月十三日從
采訪使齊澣之請以鄧縣置明州州初置時領
縣四曰鄧曰翁山曰奉化曰慈谿廣德二年益
以象山縣大曆六年省翁山縣所言廢翁山縣
之年與寰宇記合與會要異考舊唐書寶應元
年八月台州賊袁晁陷台州連陷浙東州縣二
年四月李光弼奏生擒袁晁新唐書寶應元年
八月辛未台州人袁鼂反九月癸卯陷信州十

月乙卯陷溫明二州廣德二年十一月癸丑袁
鼂伏誅肅宗寶應二年即代宗廣德元年兩唐
書本紀相去一年新唐書李光弼傳亦云廣德
元年擒晁資治通鑑亦云廣德元年四月庚辰
擒晁則舊唐書本紀不誤也至大曆六年平晁
已久廣德元年癸卯大曆六年翁山因晁而廢當
以唐會要廣德元年三月為確自開元戊寅置
翁山至廣德元年廢凡二十六年

昌國典詠 卷一

十四明叢書
約園刊本

縹緲三山更十洲神仙踪迹香難求五丁力士輸齊澣
車路公開萬井稠舊唐書齊澣定州義豐人開元二十
五年遷潤州刺史充江南東道採訪
處置使新唐書地理志明州餘姚郡上開元二十六年
採訪使齊澣奏以越州之鄧縣置以境有四明山為名
州衙山

寶慶四明志初置縣以簿兼尉隆興元年守臣
韓仲通請置武衛乃詔衛開中專主簿事廳事
在縣東乃尉廳為之尉熙寧六年先令而置凡
三鄉鬪訟盜賊之事得專為惟情狀隱伏始以
屬邑已而置令詔正兼簿隆興元年五月易以
西班牙與之並置而廳舍主租皆與尉分之開

禧重修右選格慶元府昌國縣尉右注年未伍

拾有材武人宋樓鑰昌國縣主簿廳壁記明昌國

屬邑實海中一大島也以山經地志數家考之

唐開元二十六年七月十三日析越州鄞縣置

州仍置奉化慈谿翁山等縣大率多析於鄞明

今為慶元府鄞復為鄞翁山即昌國也大曆六

年三月四日廢於袁晁之亂故唐書地理志元

郡縣圖志止列四縣曰鄞奉化慈谿象山而圖

志於鄞縣云翁洲入海二百里即春秋所謂甬

東越滅吳請吳王居之者也其州周環五百里

有良田湖水多麋鹿圖經翁山一名翁洲十道

四番志云徐偃王居處城基猶存皆今之縣境

也皇朝端拱二年始為鹽場熙寧六年部使者

以蓬萊安期富者三鄉與鄞縣隔海請置一尉

以司關訟盜賊事王文公嘗為鄞令創縣賜以

今名元豐元年又割定海之一鄉隸焉初以邑

尉國典詠卷一 十四明叢書

小憚費以尉兼簿領之職隆興初海寇猖獗郡

守尚書韓公仲通奏更置武尉而職始分邑之

未立一尉獨尊承平民有餘力官舍壯麗他邑

無能及者而簿廳始因草創久覺敝陋居者懼

願窮日而後至昌國故雖寶陀安期蓬萊之勝

口發軔而不果惟邑人往來誦揚君之政至不容

呂士請記其實且曰揚君將去不可無傳故

欣然書之緒曾按寶慶開慶二志不詳丞

簿舟山志宋時丞簿無楊正臣可補其闕又明

鄭真榮陽外史集贈昌國縣典史馬君德明序

昌國在海中洲地號險阻而異時道德文章之

士項背相望有登廟堂而參大政者百餘年以

來故家餘風猶未漸盡操翰墨而事簡編者往

往有之若夫習險之徒張網罟舉舟楫乘時逐

利妄動蓋有陷溺於流俗而不自知者豈可

概觀之哉嗚呼天之生人秉彝好德之心固人

人之所有也長民者撫而安之未有不使為

善者況昌國為明之屬邑文獻之遺有足以興

國家開創之初虎旅奮揚誅暴禁亂島嶼之間

瘡痍呻吟者未盡起也飢渴困踣者未盡甦也

流離轉徙者未盡復也然而甲兵繕修之急錢

糧征斂之重簿書期會之煩綱領提挈咸視君

取則焉其何以善於其職歟而君也潔廉無私

剛介有守藹然愷悌之意形於言惻然隱恤之

念見於政凡郡府公務之需有不能應者挺挺

於民而民德之必使著之言辭以表見於世其
文獻之遺俗有足觀者歟興化致理顧所行何
如爾君其尚又贈昌國縣典史馬君德明序
慎終始者哉又贈昌國縣典史馬君德明序
子建國之初大兵徇地浙東明之父老具簞食
壺漿百拜請降天子憐之命守臣分治其地且
有以撫綏之意檄命新具圖籍明郡長貳承奉恐
臣欽承旨意檄命新具圖籍明郡長貳承奉恐
後且相謂曰賦役之法其根本係於田業不先
定其田業雖有良法美意何從施之遂命六縣
之民凡山田疆里之宜某稅某斂之數悉登載
之且擇邑從事之賢者借昌國縣典史馬君程
督之君守之以正持之以公不亟不矜咻與致
誨無有倦意執筆操觚之士咸同心一志不敢
少肆隱欺之弊其征科舊額閒有輕重失宜為
民病者悉釐正之於是大編巨帙臚分類別披
而覽之若躬歷焉昌國之民相聚言曰民之望
君也久矣其歸撫我乎由是郡府俾還理縣事

昌國典詠 卷一

十三四明叢書

約園刊本

同里之士凡十餘人觴酒奉別江水上有所憫惻
之色因命余序其意余惟版籍之傳也向矣周
禮職方氏掌天下之圖與其財用以周知其利
害而司民之官且正其都鄙郊野三年大比以
其民數詔小司寇獻之王王拜受之藏之天府
是則土地人民固有天下者之所甚重也國家
誕膺天命幅員之廣至於濶沿視粟固已囊括
無餘矣况吾邦在畿甸之下千里而近其有不
致其謹者乎君承郡府之命恪勤若此其能以
在上之心為心者哉余蟄居里巷貧而且病無
名聲之聞而昌國之人往來言君之善者余既
為文樂道之矣而里之先達老成尤德君不忘
則君之及人者蓋可想矣安敢以言之重詞之
復而不以著君之美乎君字德明武林人早以
儒試吏所在有聲蓋 緒曾案昌國元至元十五
其學問之所至云 年陞縣為州至元十七年復置縣隸於州二十

七年縣仍廢止稱單州鄭真贈馬君德明序兩

首俱云昌國典史蓋洪武二年改州為縣與衛

並處明太祖即位金陵於玄武湖置黃冊庫貯

天下戶口圖籍馬德明以昌國典史奉郡府命

編六縣之戶籍迨蘭秀二山姦民構亂二十年

信國公湯和徙民入內地雖有王國祚之請然

廢縣存衛非復舊時之戶籍矣舟山志鎮鼇山

左曰州衙山巉巖多怪石巔平可構屋又云觀

山定海縣志州衙山城東南隅平阜突起城抱

昌國典詠 卷一

十四四明叢書

約園刊本

其麓唐宋閒簿尉分治於此因名或云元時欲

設州治術者謂其土輕不果或作霞山非緒曾

案唐簿尉治無考據寶慶志尉先令而置則此

乃宋時尉簿治也元吏目司在州公字至正四

明續志捕盜司本州判在州治西一十步大德

二年五月創建山上有文筆塔舟山志嘉靖癸

亥春都督盧鏗知縣何愈都指揮李興建舊在

觀山今移置於此又有文昌閣舊圯復建

州南山色尚排衙一塔凌空筆有花繪出海天真景象

問誰五色浣雲霞

觀山觀工喚切
冠去聲

寶慶四明志道隆觀縣南本東嶽廟宣和二年

賜觀額守臣樓昇所請也舟山志翁山一名觀

山去城東南半里乃受降黠賊王直處又云道

隆觀去縣一里南東嶽行祠定海縣志觀山城

東南半里宋建道隆觀於其下詳道隆觀緒曾案觀

山以道隆觀得名舟山志判為二地又混翁山

之名俱非也今名東山上有東嶽宮道光二十

昌國典詠卷一

十五四明叢書
約園刊本

一年總兵葛壯節公雲飛新建振威城北開向

日門南對港為五奎山即烏龜巖大德昌國州

志烏龜巖在州之西山有一石狀如龜是也東

山有墳壘英吉利葬其國骸骸於此又立一

塔乃慈谿大寶山之戰為朱副將貴所擊斃者

彼國自焚其屍聚骨其中朱字君山江南上元

人移籍甘肅二十二年二月初四日夷攻慈谿

大寶山領部下九百人敵夷萬眾自卯至酉力

戰死之夷亦大斃舟載夷屍累日不盡痛哭驚

悸相謂曰入犯以來未有如大寶山之力挫其

鋒也夷自是膽落不敢深入余聞大寶山殺夷

甚夥今見此塔乃知朱將軍之非敗也勝也緒

曾嘗為大寶山廟記敘戰事甚詳

振威城堞入雲齊向日門開建鼓鞶若問寶峯酣戰勇

請看京觀築鯨鯢

大椎山

大德昌國州志大椎山即州治照山儼若屏障

在前四望其形如一州民卜居者面此山為風

昌國典詠卷一

十六四明叢書
約園刊本

水舟山志關山圓峯聳轟為城之內案上有洋

山廟關山烽埃隆慶元年把總李誠立坊題東

南第一關讀史方輿紀要舟山中中千戶所治

昌國故縣城中城周七里洪武十二年重築明

年城成設守禦昌國千戶所十七年改置昌國

衛二十年縣廢移衛於象山縣境改建今所承

樂十六年增葺所城所南二里曰舟山關舟中

山左千戶所亦治昌國縣故城定海縣志關山

城南二里翁洲三面阻山俱自北而東而西東

西之山各至海而盡其南海外皆有山而內無別山故樹坊表之曰東南第一關緒曾案大椎山卽關山東接東江浦西接衙頭道光二十一年裕靖節公謙築土城開久安長治二門起自竹山門至青雷頭

四面屏風九疊環當門顏色愛煙鬟衙頭幾日占風腳此是東南第一關

雙髻山

大德昌國州志雙髻山州之最高者距州治僅

昌國典詠卷一

十七四明叢書約園刊本

十里層巒聳結宛如雙髻舟山志突兀而起曰

雙髻山二峯如髻矗立天表特出羣嶂眾山羅

列城之四出諸山環繞起伏咸所出也相傳葛

稚川鍊丹處定海縣志在縣北十里有棋枰石

磴

天邊高聳髻了雙咫尺仙都建寶幢山似舟形檣對矗

北門鎖鑰截驚瀧

雲嶼山

大德昌國州志雲嶼山與竹嶼山對峙竹嶼山見竹山

門山勢稍崇雲氣常滃鬱附潮而下者由此謂之雲嶼門

九天垂翼化鵬鷗郁郁輪囷散復屯多少神仙排隊仗龍璈大樂奏雲門

盤嶼山

大德昌國州志盤嶼山與竹嶼山相左右中有一小聚落田可耕海可煮編亭置竈於內以其

山勢環擁故曰盤

圖就熬波又插苗居然盤谷可逍遙若教李愿移居此

昌國典詠卷一

十八四明叢書約園刊本

更有韓文湧似潮

岩客山

寶慶四明志岩客山之艾葉肥大如本草所述

大德昌國州志岩客山在海之東山之巔產白

艾重午人采之元吳萊甬東山水記東從舟山

過赤嶼轉入外洋望岩客山山出白艾地多蛇

定海縣志摘箬山卽火燒門離縣西南約十里

相傳地產白艾多蛇緒曾案文選張平子南都

賦岩客峩嵬注埤蒼曰岩客山不齊也名取諸

此今名摘箬山以音近而訛水道提綱火燒門
港與穿山霽靄二所相對火燒門今名吉祥門
岩峇山南爲竹葉山出碇頭洋

組綸紫絳賦吳都更炙冰臺到海隅山勢蜿蜒門列炬
操蛇神握夜光珠寶慶四明志紫榮吳都賦曰綸組紫絳注云紫榮張華博物志削冰令圓舉以向日以艾承其影得火故號冰臺

金塘山

輿地紀勝昌國縣熙寧六年王安石割鄞縣三

鄉創置乾道四明圖經昌國縣熙寧六年鄞邑

昌國典詠卷一

十九四明叢書約圖刊本

令王安石請於朝復割鄞縣富都安期蓬萊三

鄉初立元豐元年又割定海縣今鎮金塘一鄉

隸焉其四鄉爲下縣大德昌國州志金塘鄉占

西南總四都里一湖上里村二大畧村在西烈

港村在南畧四十三按今烈港大畧蛤蚶東垵

西垵岑江仍舊名小里今作小李又有金塘渡

定海縣志金塘山離縣西約八十里巨浸海中

周圍百餘里山田塗蕩數萬畝宋元時稱極盛

明信國公湯和徙民內地遂棄之萬曆十五年

巡鹽御史李疏請開復康熙二十七年知縣李
侗詳請開墾遂成熟壤譬之家翁洲爲門金塘
爲庭鎮海爲室相爲唇齒者也楔頭烈港有兵
戍守康熙時知縣繆燧議小李畧添營汛東垵
西垵二門各置墩臺

翁門鎮室此堂皇唇齒相依策應良小李東西連二垵
金塘屹立作金湯

冊子山

乾道四明圖經冊子山在縣西北二百五十里

昌國典詠卷一

二十四明叢書約圖刊本

寶慶四明志冊子山在西北大德昌國州志金

塘鄉有二冊子一在岑江背一在海西又冊子

渡海防書海上諸山分別三界黃牛山馬墓長

塗冊子金塘大榭蘭秀劍山雙畧隻塘六橫韭

山壇頭等山爲上界灘山許山羊馬蹟兩頭洞

漁山三姑霍山徐公黃澤大小衢大伏頭等山

爲中界花腦求芝絡華彈丸東庫陳錢壁等山

爲下界率皆潮汐所經倭寇必由之道也定海

縣志冊子山圖有大畧浦白雲寺亂石浦又云

烏肩山離縣西約五十里半洋礁一名碗蓋礁
在橫水洋之半冊子山離縣西約八十里定海
金塘相爲對峙中隔水大洋冊子居中以塞北
洋之水其東岑港近內地其西爲西堠門當大
洋其東南桃花門有桃花文山爲橋烏棲泊之
所

颿飛鳥扁半洋腰冊子山形壓巨潮亂石浦開禾稻熟
釣船蠶簇泊桃夭

鐵杵山

昌國典詠 卷一

王四明叢書
約園刊本

開慶四明續志招寶山帶東北取烈港山一潮
可到傍近有七里嶼鐵杵山每有風潮海浪皆
衝激而上明嘉靖浙江通志鐵杵山西南童山
首尾大而腰細橫臥海中如杵然定海縣志搗
杵山離縣西約一百二十里按鐵杵山卽搗杵
山今舟人訛爲老鼠山又指其南茆山爲貓山
乾道四明圖經小茆山在縣西南海中二十里
茆山在縣南二百二十里

玉杵拋來月姊宮長生藥搗海洋東莫嗔五技偷名號

早聘銜蟬巨浪中

大箬山

乾道四明圖經大箬山在縣南二百五十里寶
慶四明志大箬山在南又郡志至昌國縣乘西
南風不待潮徑至舟山頭登岸風不順泊大小
謝港口或大小茅山候潮回方行大德昌國州
志大箬山在南一作大謝元盛熙明補陀傳過
穿山渡至大謝再經嵩子渡至昌國州大德昌
國州志有松子巖籌海圖編大謝山離後所城

昌國典詠 卷一

王四明叢書
約園刊本

二里南臨黃埼港北由大貓海洋至金塘鹿山
最居險要乃先年起遣地方也內設黃埼西山
等七墩撥軍瞭報又該中軍哨兵船往來巡邏
一作大榭舟山志穿鼻港潮入松子渡舟過橫
水風色不堪率泊此定海縣志大榭舊志皆作
大箬以音近而訛榭耳過橫水洋六十里卽抵
其地廣互八十餘里茲山與鎮邑穿山所爲鄰
一葦可渡明洪武二十年信國公湯和徙大小
榭島民於穿山大榭山圖有橫峙嶺出洋爲水

交門外神馬山內神馬山壽門按昌國大樹山
宋元志或作簪然寶慶志又有大樹山小樹山
定海今鎮縣東南一百二十里大樹在海晏鄉
小樹在大邱鄉其地與昌國相接兩縣並載互
異其名則大樹亦由來久矣山圖有宋家府基相
傳宋亡後趙氏宗族多避居於此
穿山一葦渡黃埭大簪人煙簇海涯橫峙嶺連松子渡
兔葵春滿宋家基

桃花山

昌國典詠 卷一

三四四明叢書
約園刊本

乾道四明圖經桃花山在縣東南一百二十里
耆老相傳安期先生學道鍊丹於此嘗以醉墨
灑於山石上遂成桃花紋奇形異狀宛若天然
人多取之以爲珍玩故山號桃花而鄉名安期
實出於此寶慶四明志桃花山在東南世傳安
期生鍊丹之所嘗以醉墨灑石成桃花紋山因
以名昌國境圖有崑斗坊乾道四明圖經崑斗
山在縣東南三百五十里登部山在縣東南一
百五十里元吳萊甬東山水記南望桃花馬秦

諸山嵌空刻露屹立巨浸如世疊太湖靈壁不
著寸土尺樹天然可愛緒曾嘗疑大德昌國州
志謂桃花山在海之東北鄞縣徐孝廉時棟云
大德志鄉村條稱安期鄉占東南有村三桃花
村在東南又寺院條稱封崇寺在安期鄉之桃
花山舊名資福又名資國周廣順元年
建往宋大中祥符三年賜今額自相矛
盾寶慶志昌國圖桃花馬秦兩山皆屬縣境東
南延祐四明志亦云在東南則大德志之誤不
待辨矣全祖望賦安期生安期鄉始皇東遊鄞
縣三十有六

昌國典詠 卷一

三四四明叢書
約園刊本

日驅山塞海真忽忽豈知此中大有避秦人醉
灑桃花滿石室祖龍勞攘吾弗聞到頭亦與朱
弓赤矢同滅沒何如道人墨痕長明瑟入千子
弟起江東翻然一出說重瞳匹夫之勇不足用
吾其歸逐冥飛鴻黃石赤松紛紛詭怪斯人殆
亦留侯輩一出處踪迹分誰識此中耿耿同
節慨笑殺燕齊方士愚如瓜之棗思津逮定海縣志桃花山縣東南
一百二十里周圍八十里多產茶田頗肥美半
屬普陀僧開墾出吐鐵名桃花吐鐵俗名泥螺
墨痕乘醉灑桃花石上斑紋爛若霞浪說武林春色好
不曾來此泛仙楂

順母山

大德昌國州志順母山在海之東山側有石形如牛方外人謂石牛之口按寶慶四明志石牛山在東即此定海縣志作順母塗田亦普陀僧產有大佛頭南出爲孝順洋旁有馬蟻山

塗蕩成園物產饒麤人生計自乘潮不知蟻鬪何人聽萬古洪波臥郭椒

馬秦山

乾道四明圖經馬秦山在縣東南四百里大德

昌國州志安期鄉馬秦在東馬秦山在海之東

昌國典詠卷一

三五四明叢書約園刊本

以下碧雲庵云云蓮花峯與馬秦山碧雲庵對詳黃給事隱居

峙三石層出如蓮花上有佛腳迹拄杖印馬迹

痕山之四隅各有小浮圖地產草一種名長生

不死箭巖在馬秦後砂上有箭孔故名響巖在

馬秦巖石玲瓏每當陰晦則空洞有聲保慶寺

在馬秦山舊名保安晉天福元年建宋治平二

年賜今額魯有大馬秦小馬秦按定海縣志馬

秦山離縣東南約四十里海面難以里計乾道圖經里數皆多與今

志不寶慶四明志有馬秦酒坊昌國縣境圖東

至石馬山與高麗大洋分界凡五潮

空巖陰洞響淙淙射石何年飲箭鋒十丈藕船移太華儼然天外削三峯

黃公山

杜氏通典餘姚郡本會稽之鄞縣東至海中黃

公山水行二百八十里乾道四明圖經黃公山

在縣東南四百里大德昌國州志黃公山在海

之南峯極峭峻絕頂有碣字漫滅不可句讀或

云晉時隱者黃公善神術制白虎斃於此山按

昌國典詠卷一

三五四明叢書約園刊本

虎黃公漢人非晉隱者詳黃公祠下又云安期鄉扶桑村在南潭

石廣福寺在州南安期鄉舊名崇壽宋端拱二

年建熙寧元年易名壽聖紹興三十二年賜今

額定海縣志六橫山離縣南約六十里地廣田

腴屬安期鄉緒曾按古志無六橫今志無黃公

黃公之訛爲六橫猶岩峇之訛爲摘箬也乾道

四明圖經淳塗山舊名浮塗山在縣南四百里

礮石山在縣南四百里滕輿山在縣南四百里

寶慶志在安期鄉之南有礮石山滕輿山渤塗

山大德志渤塗鎮守至正四明續志有渤塗鎮守

司昌國縣圖有大桑山簷嶼寶華山雙嶼山定

海縣志皆不載其名今六橫山周圍百里生聚

數千家分上下兩莊中隔一港有海關門多閭

販有礁潭即潭石有葛藤壘即滕壘山有石柱

頭即磯石山又有平皎田壘杜章壘雙塘壘清

綱壘翁家嘴大浦小沙浦大壘中央壘大教場

鹽廠等名宋時有黃公酒坊見昌國縣境圖地通貿易

今六橫繁庶與岱山金塘相埒安期三村此為

昌國典詠 卷一

二毛四明叢書 約園刊本

最盛後之修志乘者當補繪山圖以今證古則

宋元諸山名不難考而知也上有營汛亦扼要

地

海關門開海販多礁潭石柱望嵯峨黃公酒熟扶桑曉

誰補圖經細索摩

塔嶺山

大德昌國州志塔嶺山在黃公山之南土人登

山嘗見老僧趺坐石上因疊石為塔以拜之去

嶺數十步有石如婦人狀春月多杜鵑花定海

縣志塔山縣東五十里相傳土人登山見老僧

坐石上因疊石塔禮拜在蘆花壘緒曾按定海

縣志無黃公山考大德志黃公山在安期鄉東

南塔嶺又在黃公之南若蘆花壘則近東北矣

禪心泥絮問如何一路春風空堵坡紅到滿山開躑躅

散花天女試維摩

烏沙懸山

昌國縣境圖梅岑山之東有北沙山籌海圖編

嘉靖戊午春二月王一作汪直既擒餘黨據岑港

昌國典詠 卷一

二毛四明叢書 約園刊本

夷僧德揚稱貢而來賊脅為聲援春汛已及計

有新倭無何有倭船泊普陀小道頭參將張四

維且戰且逐至烏沙門外洋走登烏沙懸山即

朱家尖山也由碗齒響嚙門與岑港合踪四月

官兵擊賊於馬壘沙坡大破之陰令夷僧持信

票攜其黨遂互相猜疑持刀自擊奔柯梅嶺復

遁出浦口追至俞山伏兵大起夾擊之犁沈四

舟擒其魁汪印山陳禮而王直之黨盡定海縣

志朱家尖山離縣東一百里山尖最為聳拔可

以瞭遠地頗豐腴今爲普陀僧人開墾白沙山
離縣東約八十里港門卽白沙港又烏沙門縣
東南白沙港之南緒曾按烏沙懸以音近改爲
朱家尖其山周圍六十里白沙港卽北沙山亦
相附近其下卽烏沙門

烏沙門外竄倭奴矢水蛟成虎負嶠戰骨灰飛塵劫換
儘供香饌飽伊蒲

補陀洛伽山

乾道四明圖經梅岑山在縣東二百七十里四

昌國典詠 卷一

三九四明叢書

約園刊本

面環海高麗日本新羅渤海諸國皆由此取道
守候風信謂之放洋山後有一小寺曰觀音按
釋典所載觀音住寶陀山在海岸孤絕處卽其
所也皇朝元豐三年改賜寶陀觀音寺山下有
善才巖獅子巖潮音洞皆觀音化現之所紹興
初給事黃龜年嘗詣瞻禮俄睹觀音全身出現
有贊具述其異寶慶四明志補陀洛伽山在東
海中佛書所謂海岸孤絕處也一名梅岑山或
謂梅福鍊丹於此山因以名

詳梅仙庵有善財巖潮

音洞洞乃觀音大士化現之地又引黃山谷云

海岸孤陀洛伽山譯者所謂小白華山予疑此

卽山礬不然何以觀音老人堅坐而不去也今

洛伽山無山礬乃有一種花如瑞香而色白香

之清冽似之皆其異者也史越王壁記紹興戊

辰三月望鄱陽程休甫四月史浩恭謁潮音洞

寂無所睹炷香供茶椀面浮花晡時再至洞下

有比丘指曰巖頂有寶可以下瞰攀緣而上瞻

顧之際瑞相忽現金色照耀眉目瞭然二人所

昌國典詠 卷一

三九四明叢書

約園刊本

見不異浩更睹雙齒潔白如玉寶慶志又云天

暮有長身僧來訪云公是一好結果底文潞公

余天錫史越王祠記後二十年當與公相會於

云有結果寇萊公越乾道戊子以故相鎮越有道人稱養素先生

延之入索紙大書云黑頭潞相重添萬里之風

光碧眼胡僧曾共一宵之清話擲筆不見始悟

皆大士現身也籌海圖編嘉靖三十二年八月

都指揮劉恩至等迎擊直隸遁賊於普陀山洋

敗之先是賊首蕭顯屯直隸之崇明南沙修船

爲遁歸計都御史王公抒計其勢必流入浙境
預令都指揮劉恩至指揮張四維百戶鄧城等
分爲二哨一自觀海臨山趨乍浦遏賊來路一
自長塗沈家門設伏邀擊賊果南遁官兵與遇
於普陀洛伽山臨江海洋與戰皆勝之零賊敗
登普陀依險爲巢掘塹自衛參將俞大猷督官
兵進攻之二十二日夜自石牛港進張疑整眾
而不與交戰潛遣奇兵出西北巡檢畧直入百
戶鄧城武舉火熾黎俊民陷陣先登賊遂敗走

昌國典詠

卷一

三

四明叢書
約園刊本

茶山絕頂翼日鄧城由東北淺步沙進火熾由
鸚哥巖進黎俊民由中路進劉恩至等統大兵
居其後四面齊進俘馘無遺三十二年三月賊
據普陀山分踪流劫內地參將盧鏜邀擊於石
墩洋大破之先是賊入寇歸棲普陀爲息肩之
地官兵守之旣狹旬將搗其巢先一日遣謀覘
之傍無一舟至是四合鼓譟而前值他島賊自
彼來精悍異常遂合攻官兵官兵背腹受敵輒
敗卹亡者什六因罷歸賊以先所得貨滿新舟

令其半先歸而留其梟悍者入掠由是海鹽龍
王塘乍浦長沙灣嘉興嘉善皆被其害而石墩
洋之捷僅斬馘二百餘級元黃鎮秋聲集補陀
島詩一片雲帆駕渺茫東臨絕島拂扶桑九天
波浪隨星客萬壑魚龍覲水王日觀遠開溟解
動雲臺倒浸白花香候神海上應相見爲覓安
期卻老方定海縣志普陀山離縣東百二十里
周圍四十里緒曾按古梅岑補陀洛伽實一山
今以南峯爲梅岑又分旁近爲大小洛伽山余

昌國典詠

卷一

三

四明叢書
約園刊本

於丙午六月遊此山於藏經中錄元人龜茲盛
熙明補陀洛迦傳凡七篇按唐釋元奘大唐西
域記南印度瀕海有秣刺耶山山東有布吐落
伽山頂有池池側有石天宮觀自在菩薩往來
遊舍據此則南印度之落伽山乃佛書所指至
普陀在舟山者因近似得名也
跌坐南天小白華蕩絲衣珮織雲霞寇萊文潞知誰是
幻出金身玉雪牙

東麓山

乾道四明圖經東麓山在縣東北海中四面大洋上有虎豹龍蛇人跡罕至耆舊相傳古有仙者隱於此山有石棋盤四圍皆脩竹風至則竹枝掃盤絕無纖塵若人使之然寶慶四明志世傳徐福至此山又相傳以爲仙去元吳萊詩遙望杳無極宛與東麓鄰悲夫童男女去作魚鼈民紵嶼尙餘聚蓬山寧爾神古桌苔駐迹仙杵竹去塵短棹徒爲拂飛沙邈難親好攜支機石去躍織女津緒曾按乾道四明圖經大德昌國

昌國典詠

卷一

三四四明叢書

約圖刊本

州志俱作東麓後漢書有夷洲亶洲傳言秦始皇遣方士徐福將童男女數千人入海求蓬萊神仙不得徐福畏誅不敢還遂止此洲世世相承有數萬人民時至會稽市申叔舟海東諸國紀日本孝靈天皇七十二年壬午秦始皇遣徐福入海求仙福至紀伊州居焉崇神中死而爲神此山蓋徐福經過之地非卽亶夷洲也余登盤陀石望之在東洋中紅日湧其下光映林木僧云半潮可到此山外則東大洋無山矣直至

日本元混一方輿勝覽蓬萊山在昌國州徐福求仙之所舟山志徐市求長生藥託趾於昌國之東麓山因列徐市於流寓未免附會史記秦皇帝使徐市入海集仙傳市字君房市古弗字音與福同市市字畫有別金樓子云始皇聞鬼谷先生言因遣徐福入海求金菜玉蔬並一寸椹是徐市卽徐福也張澍姓氏辨證云定海縣志東北諸山無東麓以海上其見之名山而遺之何也太平廣記徐福字君房不知何許人也

昌國典詠

卷一

三四四明叢書

約圖刊本

秦始皇時大宛中多枉死者橫道數有鳥銜草覆死人面皆登時活有司奏聞始皇始皇使者齎此草以問北郭鬼谷先生云是東海中祖洲上不死之草生瓊田中一名養神芝其葉似菰生不叢一株可活千人始皇於是謂可索得因遣福及童男童女各三千乘樓船入海尋祖洲不反後不知所之逮沈義得道黃老遺福爲使者乘白虎車迎義而去由是後人知福得道矣吳志黃龍二年遣將軍衛溫諸葛直將甲士萬

人浮海求夷洲及亶洲亶洲在海中長老傳言
秦始皇遣方士徐福將童男童女數千人入海
求蓬萊神仙及仙藥止此洲不還世相承有數
萬家其土人民時有至會稽貨布會稽東縣人
海行亦有遭風流移至亶洲者所在絕遠卒不
可得至但得夷洲數千人還史記秦本紀齊人
徐市等上書言海中有三神山名曰蓬萊方丈
瀛洲仙人居之請得齋戒與童男女求之於是
遣徐市發童女數千人入海求神仙

昌國典詠卷一

三五四明叢書
約園刊本

鄮縣東巡望直夷玉蔬金菜返無期風搖翠竹低如拂
劉項而還幾劫棋

梁鴻山

舟山志梁鴻字伯鸞避亂於東霍內之第三山
與馬墓山並峙舊說伯鸞嘗攜妻子於此定海
縣志梁鴻山離縣東約六十里山頗雋秀觸處
皆可賞玩舊志云晉魏以來多名賢墨蹟年久
率不可讀相傳梁鴻曾攜妻子避地於此墓碣
尙委於東壘之側石坪丹竈尙揜於山窪壁溜

閒俗作梁橫非緒曾案宋元古志無此山後漢
書梁鴻傳至吳依大家臯伯通求葬地於吳要
離冢傍葬畢妻子歸扶風庾子山文梁鴻埋於
會稽李太白詩梁鴻入會稽攷班書地理志會
稽郡秦置高帝十二年更名吳郡領縣二十六
吳居首司馬彪郡國志會稽郡本治吳順帝分
會稽置吳郡乃移會稽於山陰庾文李詩所云
會稽仍指吳也鴻適吳將行作詩雖有求魯陽
兮海隅之語然實無入海事至葬要離冢側古
無異說東壘墓碣殆出附會全祖望句餘土音
賦梁鴻山云梁生賦罷五噫作遠遊來朝爰及
孟姬來翁州此閒山水殊不惡胡爲別向姑蘇
卜一邱要離乃是吳妾人擬之烈士非其流幽
宮有知應不憩魂魄定當過此地相句留更聞
巖閒多墨蹟晉魏題名輝貞石天風海濤千年
餘漸與桑田同剝蝕癡人不解懷古心妄參大
士聽潮音頂禮膜拜不可禁高賢遺址委荒林
笑我鈍根別有契梁山山上獨長吟亦工於措

昌國典詠卷一

三五四明叢書
約園刊本

辭矣

吳會曾依皋伯通何年爪雪海波東五噫歌杳摩厓滅
誰向寥天問斷鴻

馬墓山

大德昌國州志金塘鄉畧有馬墓籌海圖編嘉
靖三十五年八月官兵敗賊於夏蓋山三江海
洋旣而又戰於金塘馬墓之間復大敗之俘斬
二百三十餘人副使許東望擊賊於馬墓福山
洋敗之賊酋二囉表及從賊七十餘皆就擒定

昌國典詠卷一

三毛四明叢書
約園刊本

海縣志馬目山離縣西北約六十里周圍二十
餘里泉甘土肥一名馬墓山巨公多隱居於此
止有天妃宮北爲馬目港

馬目山高水土肥白雲逋客幾時歸棹鞞桐帽無名姓
王謝堂前海燕飛

昌國典詠卷一

昌國典詠卷二

清金陵朱緒曾述之撰

蘭山

乾道四明圖經蘭山在縣東北三百里寶慶四
明志蘭山之蘭綠葉紫莖昌國縣境圖蘭山有
厲壘坊保安院漢乾祐二年建明王禕忠文公
集趙君觀光字觀國慶元之鄞人其先仕宋曾
大父逢龍宗正卿兼侍講大父建知徽州婺源
縣父侶翁始晦德不仕君幼多智識稍長好讀

昌國典詠 卷一

一四明叢書
約園刊本

書通達時務以郡博士弟子員得推擇試吏奉
化州尋遷昌國至正十年冬黃巖海寇荐起而
昌國為州在大海中距黃巖一息可至也其州
侯帖木而不花問計於君君謂今州兵寡弱且
不諳水戰惟蘭秀二山居民悍勇善鬪擊習海
事若募以厚賞示以重賞其人必樂為我用用
以擒賊無難矣侯然君言即以其事委君君招
諭有方不擾而事集明年正月從侯引兵出海
閩帥總軍民兵同會海門洋俄而賊船百餘艘

卒至眾皆惴縮莫敢進獨君所部民兵與奮戰
至晚無大勝負明日君方分給軍饋巡隄上賊
船又大至即說侯速進敵而賊眾數倍我軍莫
支君持短兵接戰矢石交下軍與賊不可辨且
後無援兵遂執節以死侯亦遇害是月二十五
日也方君募民兵時或見其不憚勞勩私謂君
曰侯受天子命守茲土盡忠報國固宜君不過
一小吏設有功功且不顯儻有不測甯不重貽
父母憂君曰人臣食祿死其難所也吾雖小吏

昌國典詠 卷一

二四明叢書
約園刊本

亦既食其祿矣臨難以避可乎於是卒戮力捐
軀以及於難得年三十有五舟山志同緒曾案此是
元時州判趙觀光事黃巖賊乃方國珍也定海
縣志山川條訛為元縣令趙大忠考趙大忠三
衢人清獻公抃之裔孫嘉定十五年任昌國令
立濟民倉修葺學校平谿嶺治海埠覈戶籍凡
有裨於民社罔弗殫圖獨無用蘭秀民以禦寇
事且太忠乃宋縣令非元縣令也定海縣志山
川條既以用蘭秀民禦寇為趙大忠名宦條又

以為觀光自相矛盾考袁變重修昌國縣學記
今承議郎趙侯清獻公之裔孫也侯名大忠三
衢人擢進士科居官所至可紀無忝厥祖定海

縣志又訛袁變為楊簡今慈湖遺書無此文也
是又誤中之誤耳全祖望弔趙參軍詩話趙觀

光侍郎逢龍之孫鄞人而死節於定
宗卿好孫
枝喪職恥

下吏元政既不綱助防申正義下吏一何
微正義一何厲應憐填海鳥哀吟薤露意又案

蘭山有三寶慶四明志西蘭山在南蘭山在東
南蘭山在東北大德昌國州志西蘭山在南蘭

山在東東蘭山在東北定海縣志蘭山有二一
離縣西約九十里近金塘山一離縣東北約五

十里近馬壘定海縣志合蘭秀山為一圖秀山
包其外蘭山綴其中旁有東劍山西劍山險削

如劍此在東北之蘭山也又保安院寶慶四明
志縣東北海中大德昌國州志亦云去州東北

復云金塘鄉之蘭山金塘鄉占西南非東北以
昌國縣境圖證之則大德志之言保安在金塘

誤矣

昌國典詠 卷二 三四明叢書 約園刊本

海光搖動劍摩天峭壁叢蘭葉倒懸指點凌波軍募處
雲旗風颺尙翩翩

秀山

蘇文忠公送馮判官之昌國詩蘭山搖動秀山

舞小白桃花半吞吐
東坡詩斬蛟將軍飛上天
十年海水生紅煙驚濤怒

浪盡壁立樓檣萬艘屯戰船蘭山搖動秀山舞
小白桃花半吞吐賜夷不裏壯士口白日獵豺

雄帥府長鯨東來驅海鱗天吳九首龜六眸鋸
牙鑿齒爛如雪屠殺小民如有仇春雷一震海

帖伏龍變海魚安海族魚鹽生計稍得蘇職貢
重修遠島服判官家世忠孝門獨松節士之奇

孫經綸手段飽周孔豈與弓馬同等倫畫窮經
史夜兵律麟角鳳毛多異質直將仁義化笞榜

昌國典詠 卷二 三四明叢書 約園刊本

恥與姦賊競刀筆吾聞判官昔佐元戎幕三軍
進退出等度便移翰略事刑名坐使剽遊歸禮

樂鳳凰池麒麟閣酬德報功殊不薄
九霄雨露聖恩深萬里扶搖雲路廓寶慶四明

志秀山砂岸租錢二百貫文官會舟山志薛戎

端平二年為浙東制置使履明州議昌國之蓬

萊安期富都三鄉之在左右者置尉以鬪訟盜

賊稅課之事任民庶帖然先是蓬萊鄉之蘭秀

山人甚驚悍由是咸領其政教境賴以安案舟

山志之言殊誤唐書薛戎字元夫河中寶鼎

人閭濟美為福建觀察使奏充副使又隨濟美

移鎮浙東改侍御史累改湖衢常三州刺史遷

浙東觀察使所蒞皆以政績聞居數歲以疾辭

官長慶元年十月卒新唐書亦有傳當唐憲宗

時非宋理宗端平時人唐職官有觀察處置等

使宋紹興三年明州始置沿海制置使寶慶四

明志亦云長慶元年刺史韓察白觀察使薛戎

是戎非端平二年制置使也寶慶志又云六曆

六年省翁山海墻舊置望海鎮元和十四年從

薛戎言不隸明州望海鎮在今鎮海無置翁山尉事實

昌國典詠 卷一

五 四明叢書 約園刊本

慶志又云端拱二年翁山置為鹽場有巡檢司

同監熙寧六年用部使者言蓬萊安期富都三

鄉與縣隔海縣指鄞乃詔置尉以主鬪盜賊之

事是置尉亦非端平二年定海縣志薛戎穆宗

長慶時為浙東制置使議置尉以薛戎為唐時

人不誤而云浙東制置使議置尉仍誤也籌海

圖編國初秀岱蘭劍金塘五山爭利內相仇殺

外連倭寇歲為邊患信國公經略海上起遣其

民盡入內地王士性廣志釋云信國徙民約午

前遷者為民午後遷者為軍唐順

之云江南控扼在崇明浙東控扼在舟山天設

此險以障蔽江浙門戶諸哨船皆自此分而南

北總會於洋山信國廢昌國陶恭別錄洪武中

而內徙之誠千慮之一失也

蘭秀二山姦民葉希戴王子賢互相讎殺既而

合力以拒官軍糾船二百艘入大浹江直抵郡

城鎮守明州衛王恭率兵擒賊魁餘俱潰信國

公湯和因二山之亂定議徙昌國民改置衛所

後又徙昌國衛於象山明方孝孺象山王府君

昌國典詠 卷二

六 四明叢書 約園刊本

行狀府君諱某字剛甫至正中攝東巡檢洪武

初昌國民作亂襲象山虜令丞王茫入於海府

君與其友蔣公謀曰狂豎虜上官據縣境其誅

死固宜然事聞於上大兵必來邑民將盡齎粉

吾曹可坐視而不救耶今能先格殺為亂者以

獻則邑人可無害矣府君遂募民為兵掩擊之

殺其魁二十餘人釋其眾喻之若曹良民第脅

於賊爾能投兵復為民則可保首領否則自取

誅滅無悔眾皆叩頭散去曰君生我時大兵聞

有亂者將盡殲邑人及府君以事聞邑人爭泣

曰微君此邑數萬人皆為鬼矣狀上京師賜白

金明一統志昌國故城設中中千戶所中左千
戶所定海縣志秀山離縣東約九十里蘭秀山
圖有北浦南浦大小蚶三招嶺柳灣石井歡喜
壘龜其地宋元屬蓬萊鄉今屬富都鄉附馬壘
曾揮快劍斫蛟鼉雁戶今成比戶多北浦水流南浦去
柳灣深處聽秧歌

佛嶼山

大德昌國州志佛嶼山在秀山上有一峯表表
特立望之儼如丈六金身相旁睨如背負一小

昌國典詠 卷一

七四明叢書
約園刊本

佛狀甚怪案定海縣志山川條無佛嶼山蘭秀
山圖有之

金仙海外許招攜頂立雲霄丈六齊側聽潮聲旁睨影
鳩摩羅什背兒唬

岱山

乾道四明圖經西岱山在縣西北二百四十里
東岱山在縣北二百五十里寶慶四明志蓬萊
鄉在縣東北海中有岱岸里岱山村岱山鎮岱
山酒坊岱山鹽場高亭南亭鹽場岱山寨土軍

岱山巡檢兼鹽監籌海圖編岱山巡司與千磧

寨相連居民自築垣防守賊嘗登犯該司居隆

教寺內亦爲虛應須併力捍禦則可又籌海圖

編嘉靖四十年四月十九日倭船一艘望小展

至馬壘沙坡胡公所督兵及守備盧相等兵擊

殺舟賊遂奔岸時帶管海道副使王春澤調守

舟山把總章延虞率陸兵卽伏爲應水兵從下

急追伏者起來擊之賊大敗溺死者無算斬首

三十五我兵死者三人越二日泖港中大草撇

昌國典詠 卷一

八四明叢書
約園刊本

船一艘來公所督部把總周栗統林仕貴及盧

相等船與賊三十餘戰用發熾佛郎機諸火且

斃之溺死者無算斬首五十而兩頭洞賊一艘

把總童華斃之斬首若干陳思盼屯長塗爲汪

直所滅大德昌國州志岱山在海之北傳所謂

岱輿蓬萊或者名始於此又有泗洲堂度

詳普明寺

下定海縣志離縣北約一百二十里周圍四百

餘里案岱山圖說離縣約一百五六十里東西

十五里南北三十五里與周圍四百里之說相

懸舟人云山圍約百里高亭鹽筴所聚潮退曬
之成雪謂之曬鹽無勞煎竈也雍正八年設巡
檢司駐其地其內為龜髓洋又長塗山其麓即
東岳嘴附近岱山採捕多集於此長塗港在山
之西南迴環周廣與南道頭為泊舟第一地雙
頭洞山亦附近岱山捕魚之所
封禪嬴秦未得來岱輿雲氣接蓬萊高亭堆雪陽烏曬
不費夷吾煮海才

錐砧山

昌國典詠 卷一 九四明叢書 約園刊本

大德昌國州志錐砧山屬岱山北海至險處以
山之形名之中有磁石案元吳萊甬東山水記
蛟門峽東又前則為三山大洋 句山多磁石舟
板釘鐵或近山則膠制不動昌國境也據此則
昌國有磁石者非止一山矣定海縣志無錐砧
山舟人云鐵板沙即其地西北有燕窩山漁罟
所聚又有磨心嶺土人種蜈蚣以為田供藥肆
之采用又有拷網山搖星浦多鱧 郭璞江賦鱧
順時而往還 注魚頭中有石 箭魚 即鱧腹下
即石首魚也 細骨如箭

錐砧勢接燕窩叢水族加恩簿不窮鐵板沙中撈璣蚌
磨心嶺下種蜈蚣

高嵒山

大德昌國州志高嵒山在州之岱山東南藏經
云東海有山名曰高嵒乃娑竭龍王所居之地
上有亭宇遇旱鄉人禱之 寶慶四明志 一作高

整元吳萊詩幽芳岩客搜修螿高螿赴 詩云起

洲重險忽已渡由來產神奇政為孤絕故幽芳
岩客搜修螿高螿赴荒煙淒暗潮旭日照晴樹
似聞蓬萊山去此特跬步蟠根屹中立發郭森
外護紫氛蒸作霞玄浪激為霧古穴通若與靈

昌國典詠 卷一 十四明叢書 約園刊本

文讀不句赤玉鳥者誰黃金闕何處常疑方士
說未省仙子遇芝草空漢庭鯨魚厭秦路彼猶
莫能得今我獨何據馮夷開水宮禦 一作拷螿
寇控風馭從渠指虛無此計空遲暮

定海縣志拷螿山離縣東北一百六十里又拷

門在岱山案北為五虎礁五爪湖東接黃大洋

目窮修螿赴高螿旭日蒸紅策大鼈娑竭老龍鱗爪舞

怒尋五虎鬪雄豪

胸山

乾道四明圖經西胸山在縣北四百里耆舊相
傳為仙人所居東胸山在縣東北七百里耆舊

相傳爲仙人所居寶慶四明志蓬萊鄉三村岱山村胸山村北界村大德昌國州志岱山村在東北胸山村在西北北界村在北定海縣志衢山北洋外離縣三百里寬廣百餘里宋元時稱爲沃壤自明初遷遣之後永行廢棄康熙二十八年請復三鄉蓬萊止復岱山其衢山以地處險遠未經議復康熙五十一年內務府員外郎戴保議召民開墾事亦寢其山由北至南五六十里由東至西十餘里最北爲前竹爲倒斗壘

昌國典詠 卷二

十二四明叢書

約園刊本

西北爲沙塘壘西南爲礁潭壘又南龍潭壘爲鼠狼湖爲衢頭稍南爲大沙又南爲小沙又旁分爲小衢山東衢山下爲衢港洋一名半洋一名漢洋閩人春汛呼溫黃爲南洋衢東爲漢洋四五月閒江南浙江福建漁船鱗次挨集不下萬隻眾十餘萬搭簃蓋廠就山曬齋有瞭臺置倒斗壘汎案寶慶大德二志俱云東胸山在東北西胸山在北卽東衢小衢大德志有礁壘卽礁潭又有疆門箐嶼菱湖苔泮等名今不能盡

得其處此山當補繪一圖詳籌開復之計俾成熟壤據昌國縣境圖胸山有防海酒坊其北界圖在胸東深水黃砂莆壘之北乾道四明圖經深水山在縣東北九百五十里莆壘山在縣東九百五十里

三姑山

乾道四明圖經三姑山在縣西北八百里寶慶

昌國典詠 卷一

十二四明叢書

約園刊本

四明志三姑山在西北大德昌國州志同又云三姑都巡檢治下指使兩員一治洌港一治岑江三姑山係北洋衝要之地凡海舟自山東放洋而南欲趨浙之東西必自此分道紹興閒置都巡檢寨又於岑江洌港置兩指揮使寨以爲犄角其後三姑寨移駐洌港殊失初意嘉定七年提刑程覃攝守請於朝以三寨土軍聽定海水軍統制節制每歲撥二百五十人同水軍五十人合三百人出守三姑防守北洋要衝自是控扼始

嚴開慶四明續志沿海九寨巡檢岱山三姑岑

江螺頭四寨屬昌國又云五嶼山至宜山一鋪

一潮可到宜山至三姑山一鋪兩潮可到大德

昌國州志蓬萊鄉壘有三姑海防類考海山諸

山分三界灘滸洋山三姑霍山徐公黃澤大小

衢爲中界賊若犯中界則沈家門馬墓兵船北

截長塗三姑與浙西兵船相爲犄角謝泰交沿

海圖說賊過漁山兩頭洞三姑山入鯉浦可犯

紹興案宜山籌海圖編作俞山今名魚山西有

昌國典詠 卷一

十三四明叢書 約園刊本

七姊妹山

宜山北去望模糊鯉浦波連蟹浦俱東海夫人多眷屬

招邀七姊問三姑 寶慶四明志淡菜形似珠母有東海夫人之號

石門山

大德昌國州志石門山在州東通陸迴絕處名

極樂嶼下瞰滄海渺無涯際旁有兩山對峙如

門出此入彼則有兩都之隔情農老人陳明可

過此有詩題其石云兩山對立石爲門疑隔桃

源舊日村擡手欲敲終不啓煙封霧鎖過黃昏

定海縣志外洋懸海北有石子又名石子門兩

山相對如門故名案海北與州東之說不合

雙扉對峙豁雙峯我欲題詩傲情農自有桃源尋極樂

何愁霧鎖更煙封

石弄山

乾道四明圖經石弄山在東北九百五十里山

石玲瓏東西相懸人可出入寶慶四明志石弄

山在東北山石玲瓏故名又云昌國縣石弄山

砂岸皇子魏憲王奏請撥賜開慶續志吳潛陳

昌國典詠 卷一

十四四明叢書 約園刊本

海道事宜自定海水軍招寶山至洌港山自洌

港山至五嶼山自五嶼山至宜山自宜山至三

姑山自三姑山至下干山自下干山至徐公山

自徐公山至雞鳴山自雞鳴山至北沙山自北

沙山至絡華山自絡華山至石衙山自石衙山

至壁下山此大海洋中之十二鋪也又絡華山

至石衙山一鋪絡華山東北取壁下山直西取

石衙山皆有人煙風水順便半潮可到風水稍

逆便用一潮傍近別無以次山嶼若天氣清明

煙旗火號僅可相應或遇海氣溟濛霧露遮蔽
風雨晦暝皆難應號石衙山至壁下山一鋪自
石衙山東北以至西北別無山嶼皆是深洋大
海浩浩無垠又云若欲送死四明則外洋之外
自舊海放舟由新海界分東陬山之表望東行
使轉而南直達昌國之石衙關壘然後經岱山
岑江三姑以至定海此大洋也石衙山至壁下
山一鋪又寶祐六年十一月水軍申石衙山有
麗船一隻麗人六名飄流海岸大德昌國州志

昌國典詠 卷一

十五

四明叢書

約園刊本

石衙山在海之東北有石玲瓏故名蓬萊鄉有
石衙壘案寶慶大德二志俱列於馬迹後是亦
外洋之山定海縣志石弄山一名十六門詳十六門
山名相同非宋元志之東北海中石弄一名石
衙者也

木公金母鍊乾坤開闢猶留斧鑿痕笑殺米顛誇海嶽
一生袍笏拜兒孫

大洋山

乾道四明圖經大洋山在縣北九百里寶慶四

明志大洋山在北洋山在東北大德志同又云石首

魚三四月業海人每以潮汛競往採之曰洋山
魚舟人連七郡出洋取之者多至百萬艘鹽之
可經年謂之郎君煮又春魚似石首而小每春
三月業海人競往取之名曰投春不減洋山之
勝又洋山廟唐大中四年黃洽記云海賈有見
羽衛森列空中者自稱隋煬帝神遊此山碑立
祠宇建炎四年車駕幸海道以煬帝不可加封
特封二妃爲惠順夫人明德夫人見知衢州袁

昌國典詠 卷一

十六

四明叢書

約園刊本

甫記紹熙元年令王阮修縣志謂神遊之說不
經然寇之欲掠也必卜焉弗吉即散並海之民
賴之故久而不廢或又云煬帝迹不至此陳棧
伐流求國廟於胸山岱山或因其臣祀其君如
長沙祀定王而并祀高文二帝也影元鈔黃潛
文獻公初藁洋山夜發肅肅洋山暮倉忙拜水
神吹噓端有力漂泊竟無津黑夜魚龍界皇天
蟣蝨臣生還如偶遂敢憚歷微辛大德昌國州
志洋山在蓬萊鄉之大海中因祀隋煬帝於此

凡草不生白石磷磷殿前有池產綠毛龜如錢
大若有神司之好事者不可得全祖望云羊山
上多羊見人馴狎殺之必致禍鄭成功入寇殺
羊食之舟多覆羊山以羊得名或祀羊府君俱
唐未明州刺史
吳越備史作揚非也縣志環海圖說大羊山上
羊府君廟忌金鼓聲鄭成功泊山下金鼓喧闐
是夜颶風大作舟覆溺其愛妾幼子不云殺羊
事宋元志皆作洋山無作羊者舟人云山上無
羊全氏以羊得名之說未知何本也定海縣志

昌國典詠卷一

十七四明叢書

約園刊本

山川條無洋山軍制條云羊山有二兩山相倚
中隔一港三四里許一名大羊山稍東南閩人
呼爲猴山卽江浙交界地一名小羊山稍近西
北武備志載之甚詳曾經兩省會勘立石以大
羊山北屬江南以大羊山南屬浙江兩省會哨
遊巡分限於此形勝條云哨道以羊山爲重抽
叭喇唬船分布哨探聖姑礁江南界爲居中之
地劄爲老營而以大船數隻泊之羊山則張家
嶼之北鍋灣嶼之東之警可備也案此則以羊

猴爲名立唐羊府君廟亦宋元所無環海圖說
又云將大風雨前一二日城郭樓臺變幻不測
古人所稱蛟宮蜃市者也此外馬蹟黃隆今名黃龍
花腦馬公雞鳴絡華神前今名北壁一名盡山
入海州界

江浙巡防此要衝海山累代著靈蹤綠毛龜換紅羊劫
城郭樓臺蜃氣重

鼓吹峯

寶慶四明志鼓吹峯在翁浦中其山之陰曰戰

昌國典詠卷一

十六四明叢書

約園刊本

洋曰馬壘其對卽偃王祠也富都鄉有鼓吹里
大德昌國州志鼓吹山在州東三十里其嶺平
如掌可容數百人風雨晦冥之時隱隱有鼓吹
聲舟山志鼓吹山世傳徐偃王戰場元吳萊詩
蒼茫魚鹽場寂歷鼓吹里詳偃王祠定海縣志在縣
東四十里洞壘

雄爭海若控提封鼓吹喧闐震一峯雨雨風風排隊仗
波臣趨拜領魚龍

葛仙峯

大德昌國州志葛仙峯在州之金塘鄉一潮可至葛仙翁陳禪師金信郎同憩於此山之巔產桃一株花而不實舊有三仙堂遺地猶存仙翁鍊丹井亢旱亦不枯舟山志在金塘山視諸峯爲最高

花開峯頂贖仙堂抱樸禪師金信郎莫訝蟠桃無實結三千年後有人嘗

達摩峯

明周應賓普陀山志達摩峯在西天門上一名

昌國典詠 卷二

九四明叢書 約園刊本

羅漢石元趙孟頫題曰瀛洲界石朱謹普陀山

志在靈鷲峯之右大石矗峙十餘丈銳首豐背

膚離中合遠望之如人荷物而立西將行也

其北刻瀛洲界石元翰林承旨趙孟頫所書題

也西面刻曰羅漢石姓名漫滅不可識

務面分身讓誌公嵩山面壁十年功寄言蔥嶺西來使

隻履還拋向海東

玉峯

大德昌國州志玉峯在岱山鶴子嶺下岡巒秀

拔林樾蒼潤時有白霧蒙其巔人以爲福地宋

乾德四年徙超果寺於其麓見之樓參政記

誰能行霧似劉雄

魏略劉雄每出雲霧中識道不迷惑時人因謂能爲雲霧

直上瓊

樓叩碧穹多少洞天稱福地輸他羣玉比玲瓏

白華頂

明周應賓普陀山志菩薩頂在茶山上諸峯之

最高者朱謹普陀山志白華頂一名菩薩頂高

五里餘巔圓而平約廣二十餘畝地迴多風杳

無林木上有石亭供石佛明張忠烈公煌言登

昌國典詠 卷二

九四明叢書 約園刊本

菩薩頂詩絕磴凌虛嵌佛龕捫天拄笏恣豪探

蒼茫遠水橫空碧歷亂羣峯倒蔚藍隻履俄從

銀漢落一卷幾爲石梁參如來肉髻應非幻最

上何須駕鶴驂余遊此山昇竹兜者憩十數次

方陟其巔將至頂有石大如屋明總兵侯繼國

題海天佛國四大字庵中有樓僧誇龕像曰此

像與龕乃一藤結成來自荷蘭國陳倫海國聞

見錄崑崙島七州洋之南昔崑崙蘭失臺灣邊

海境界未復因金廈二島平荷蘭登普陀毀銅

鐘萬曆閒官塑脫沙佛像刀刃不能傷駕火礮
壞之取裏所飾金銀財寶見像必剖以取藏寶
悉收而去至崑崙意欲居之龍與爲患藉火礮
與龍鬪相持有日後荷蘭狀若顛狂自相戲以
曲腕擊背心日益弊揚帆而去雍正丁未歲夏
噶喇巴海面立一中國人羣相掉舟往視惟浮
一銅鐘上鑿普陀白華庵知爲昔荷蘭掠沈者
回浙洋艘互相爭載公議求筊有黃彥者得筊
載回通港惟此舟小而舊做順帆不及月抵南

昌國典詠 卷二

三四明叢書
約圖刊本

澳後轉運至普陀

海天佛國縱奇觀頂上圓光肉髻盤石佛無言天遠大
僧誇藤像自荷蘭

十二峯

大德昌國州志十二峯在胸山去州三潮有十
二尖若巫山然舟山志在東胸山峯列十二森

秀可觀

水經滄海難爲派雲起巫山不斷紋誰把巫山移海上
雲都化水水爲雲

書字巖

大德昌國州志書字巖在寺鐘山下桂竹嶼危
巖懸覆若墜若浮羅隱嘗留題故名書字巖字
迹彷彿可見又云寺鐘山在秀山山之頂有古
佛殿基凡遇陰晦隱聞鐘聲故名舟山志寺鐘
山在秀山之巔有古石佛殿址又書字巖一名
桂竹嶼定海縣志訛爲梵慧寺之鐘山考梵慧
寺在金塘並無所謂鐘山也

昌國典詠 卷二

三四明叢書
約圖刊本

吐出光芒萬丈虹

安期先生洞

緒曾嘗以安期洞古志各異問於鄞縣徐孝廉
時棟徐答書云安期洞寶慶四明志大德昌國
州志皆云在馬迹山定海縣志謂在馬秦案馬
秦是也乾道四明圖經云安期先生洞在馬秦
山去縣東南四百里耆老相傳安期生得道隱
於此洞因以名鄉焉又曰馬秦山在縣東南四
百里又曰桃花山在昌國縣東南耆老相傳安

期先生學道鍊丹於此鄉名安期實出於此而

其於馬迹山則曰在縣東北九百里而已自寶

慶志誤馬秦為馬迹延祐成化諸志悉仍其謬

大德志既誤安期洞之在東南者為東北遂併

改東南之桃花山亦隸東北尤為歧中之歧云

餘詳桃花山 余榮徐君據乾道圖經安期洞在馬秦

可息眾喙矣元吳萊集有望馬秦桃花諸山問

安期生隱處詩亦無馬迹之說吳詩云此去何

悲亂山插滄海千層肚且奇信哉神仙宅而養

昌國典詠 卷一

三四明叢書

雲霞姿雕鏤鬼斧缺割濯龍湫移坎窞森立劍

槎牙削雲旂微涵赤岸水暗產瓊田脂老生今

何在方士不我欺經過燕齊亂出沒楚漢危挾

山作畫鎮分海為觀池殘花錦若爛淡墨珠巖

披東溪地涵蓄北極天翰維玉鳥投已遠桑田

變難期誓追凌波步行折拂日枝羽邱杏如夢

玄圃深更疑豈無抱樸子去我迺遺空餘鍊

藥鼎尙有 樵人知 劉向列仙傳安期先生者瑯琊阜鄉

人也賣藥於東海邊時人皆言千歲翁秦始皇

東遊請見與語三日三夜賜金璧度數千萬出

於阜鄉亭皆置去留書以赤玉鳥一雙為報曰

後數年求我於蓬萊山始皇即遣使者徐市盧

立祠阜鄉亭海邊十數處云漢書郊祀志李少

君曰臣嘗遊海上見安期生安期生食臣棗大

如瓜安期仙者適蓬萊中合則見人不合則隱

皇甫謐高士傳安期生河上公弟子秦敗安期

生與其友蒯通交往項羽欲封之卒不肯受蘇

文忠公云安期世知其為仙者然太史公曰蒯

通善齊人安期生生嘗以策干項羽羽不能用

羽欲封此兩人兩人終不肯受亡去子每讀此

未嘗不廢書而歎嗟乎仙者非斯人而誰為之

昌國典詠 卷一

三四明叢書

阜鄉赤玉鳥空投衣錦彭城笑沐猴出世乘龍人不識

但誇棗大賺封侯東坡安期生詩乃知

法華洞

明周應賓普陀山志法華洞在寺東上有高峯

總兵李應詔題東南天柱朱謹普陀山志法華

洞在几寶嶺東天門下一路多奇石洞在重崖

廣壁中孔穴宛轉彼此可達狀如靈隱之飛來

但飛來石自玲瓏窳成石中而此則方圓鉅石

自相累架如人工結構者此其所以異也洞凡

生等數百人入海未至蓬萊山輒逢風波而還

數十處轉折登陟意欲造彼身倏歷此每兩石對峙下寬上偃藤蘿蔽覆陰森恐人或從高敞崩下石宛轉承接欲墮不墮仰之悸慄此外洞壑頗多無此層複幽奇矣鄞萬言詩云東西二里上下百千嶂巨石削不成細石出磨錫穿處等戶牖坐來即牀帳稍有空闊地架樓供佛像余遊斯洞歎其形容猶未盡也

雕鏤萬象結星胎兜率天宮戶牖開靈隱寺峯纔一角西湖驚詫說飛來

昌國典詠卷一

三五四明叢書

約園刊本

潮音洞

寶慶四明志善財巖潮音洞洞前律岑嵌巉措足無地僧鑿石登橋嘉定七年親灑宸翰爲扁曰大士橋元盛熙明補陀傳潮音洞觀音示見之所去寺三里至洞皆黃沙石洞巉巖瞰海回顧無畔岸人迹不及洞上有穴如天窗下屬洞前舊有石橋橫亙可以瞻禮今崩廢宋張邦基墨莊漫錄云予在四明時船局日同官司戶王瑛粹昭郡檄往昌國縣寶陀山觀音洞禱雨歸

爲予言寶陀山去昌國兩潮山不甚高峻山下居民百許家以魚鹽爲業亦有耕稼有一寺僧五六十人佛殿上有頻伽鳥二枚營巢梁棟間大如鴨頰毛羽紺翠其聲清越如擊玉每歲生子必引去不知所之山有洞其深罔測莫得而入洞中水聲如考數百面鼓聲語不相聞其上復有洞穴日光所射可見數十步外菩薩每見像於其中粹昭旣致州郡之命因密禱願有所覩須臾見欄楯數尺皆碧玉也有刻鏤之紋爲

昌國典詠卷一

三五四明叢書

約園刊本

口路如世間宮殿所造者已而復見紋如珊瑚者亦數尺去人不遠極昭然也久之於深遠處見菩薩像但見下身如腰而上即晦矣白衣瓔珞了了可數但不見其首寺僧云頃有見其面者乃作紅赤色今於山上作塑像正作此色乃當時所現者三韓外國諸山在杳冥閒海舶至此必有祈禱寺有鐘磬銅物皆雜林商賈所施者多刻彼國之年號亦有外國人留題頗有文彩者僧云禱於洞者所視之相多不同有見淨

瓶者瓔珞者善財者橋梁者亦有無所覩者洞
前大石下有白玉晶瑩謂之菩薩石粹昭平生
倔强至此頗信向云戴表元剡源集寶陀山所
見記明州昌國之東絕海有島曰寶陀山相傳
觀音佛之居邂逅大人長者以誠至其居地則
必爲見光明富美瑰怪不一之相於巖洞間值
其不肯見求之百端卒無有也至大元年正月
十六日今肅政廉訪司僉事阿里答公以渡海
賑饑至寶陀觀音凡再見初見彌勒終見本像

昌國典詠卷二

三十四明叢書
約園刊本

金輝玉質洵綉耀珠纓繡幌纏繞燦爛從行
者書史南陽李玉君璋括蒼李惠迪吉及僧官
李主騶倅岷庶縑素蒼儒同曷異盼駭眩驚但
稱意滿欲歡喜而退惟佛氏之道非儒者所敢
知然其大歸主於慈悲救苦又時時出奇示幻
要皆使人除去妄想而不趨惡爲合於神道設
教之說而僉事公天性清穆於朝廷爲至親尊
屬其來明州先聲所臨山海震動詢災恤荒靡
憚艱險不貸魁傑按行之處抱馬足投牒訴冤

者日以百數人人得吐氣去非誠心救苦除惡

何能至是是以幽明感通神人欣諧如昌黎望

衡嶽而陰雲開東坡禱文登而海市出中庸曰

至誠之道見乎蓍龜動乎四體云云故至誠如

神寧非然耶寧非然耶元江浙分省郎中天台

劉仁本詩云金碧玲瓏塔影雙綺霞香霧溼疏

窗蛟人織貝爲華蓋龍女持珠獻寶幢震海雲

雷音縹緲彌山潮汐響春撞願求示見將軍相

一鼓羣魔盡攝降一輪寶月海波澄海上觀音

昌國典詠卷二

三十四明叢書
約園刊本

見大乘劍珮鬼神來剡剡煙霞樓觀起層層燒

香使者天台客說法高人日本僧安得此身生

羽翼還從彼岸快先登此二詩羽庭集未載見補陀傳邱茲盛

熙明時圖八秩葉芝同遊詩云縹緲從來未足

誇海峯孤絕更無加入門已到三摩地攜手同

游千步沙碧玉鏡開金齒菡萏珊瑚樹宿白頻迦

殷勤童子能招隱其采芝英和紫霞驚起東華

塵土夢滄洲到處卽爲家山人自種三春樹天

使長乘八月槎梅福留丹赤似橘安期送棗大

如瓜金仙對面無言說春漏幽巖小白華元吳

萊詩茫茫瀛海閒海岸此孤絕飛泉亂垂纓險

峒森削鐵天香固遙聞梵相俄一瞥魚龍互圍

繞仙鬼驚變滅舟航來旅遊鐘磬聚禪悅笑擦

小白華秋潮落如雪明僧來復寶陀大士應現

詩序天人感通之道誠而已矣至誠所格隨禱

以耳觀眼聞為其修證度脫眾生不違本誓故

其安住化境示現羣機無有方所夫豈專居於

神島之孤絕大洋之險曠哉特假物以彰其冥

權爾故海者喻其慈悲之深廣山者表其智行

之高聳潮者顯其法音之普聞是蓋以非相之

相無說之說冥示於人而闡靈垂化也奚滯境

昌國典詠卷二 三十四明叢書 約園刊本

為哉洪武二年春漕使曲阜孔公信夫權鹽於

浙東之昌國豫章王君國英秦郵薛君國奇實

佐其行政修德治亭民化之夏四月道經寶陀

羅山作禮大士於潮音洞慈相涌光金色炳然

珠纓寶珞之莊嚴天香霞氣之芬郁一眾仰觀

莫不歎異咸以為誠心所格然也既而薛君國

奇會子四明親道其事屬余序之昔孔子稱西

方之人有聖者焉不言自信不化自行不治不

亂蕩蕩乎民無能名焉此載諸傳記不可誣者

物之心為心則茂績懿政吾恐魏公不得專美

於前也信夫勉乎哉王君薛君俱以才幹佐公是

行抑豈無助贊之益歟余因薛君之請故得序

其梗槩以慶夫諸君希有之遇且以補寶陀故

實云朱謹普陀山志舊或投厓捨身立碑禁止

天窗下瞰極茫茫霞袂雲羅縹緲光何必捨身登彼岸

須知方寸有津梁

梵音洞

朱謹普陀山志梵音洞在正東境面大洋東去

土窮山盡亦不知彼岸何處矣此石名青鼓磊

至洞口峭壁危峻石色青黝高三四十丈陡劈

昌國典詠卷二 三十四明叢書 約園刊本

兩厓如門洞深廣百餘丈海潮入洞激石有聲

如龍虎嘯吼雷霆怒與凡謁洞者先至石須紆

迴隨磴而下二三百級然僅至臺而止去石根

齧潮處猶遠也西有洛伽洞腳插海底人不可

到結茅石上者架古木皮蒲團如鳥巢懸綴案

朱元求示現多指潮音迨後梵音方盛

梵音朝夕答潮音二諦參來止一心若把鳥巢平等看

天淵原不判高深

善財洞

大德昌國州志善財洞在潮音洞右亦神通顯見之地巖有罅峭峻而蹙狹其中窈不可測外有石壁土泉溜如滴珠久而不竭人謂之菩薩泉瞻禮之人必以瓶罍盛而去目疾者可洗宋史浩鄮峯真隱漫錄代補陀山瀾長老緣化起殿榜謹案當山係華嚴經所載善財童子來參觀世音菩薩問法之地童子始因抵羅菩薩指路次第方到海岸孤絕處得遇菩薩於當山山有潮音洞懸歷千古瑞相示見變態不可勝記

昌國典詠 卷二

三四明叢書
約圖刊本

而寶殿墮損欲議鼎新約費錢三千餘貫若以有力檀那可以取辦一家住持僧某所以親出緣化者正欲爲四眾道俗同結善緣不問多寡一文以上皆悉具足莊嚴功德又況世人同知頂禮菩薩瑞像同知稱念菩薩聖號同知勤事菩薩香火至於菩薩顯化之地殊特微妙如此則往往不知是猶終日食稻而不知田之所自出也今來舉此勝事伏望遠近道俗推原本始同發善心庶幾世世生生真游菩薩境界與善

財童子所得功德等無有異者右伏聞山海金鼈可謂寂然不動浪環銀屋何妨到處隨流茲爲大士香刹林不離眾生塵劫海語化身則無乎不見究發迹則此乃其源儻令玉碣雲栴一新輪奐嘗使珠纓內結愈顯光明凡於此地有緣人卽是今辰樂施者願假慈悲之大筏同登方便之普門元張光弼詩集至普陀洛伽山寺作佛事七晝夜祈見海岸觀世音及善財巖七日之間隨心應見大眾瞻仰無不慶讚丞相函

昌國典詠 卷二

三四明叢書
約圖刊本

香致此誠願深海水救羣生慈悲謂可消諸惡征伐容將息大兵金色圓光開寶善玉毫妙相絡珠纓手中示見楊枝露願洗干戈作太平當山指引路微茫石罅珍珠幾斛量天眼暗將人眼換些須功德五明囊

紫霞洞

乾道四明圖經蓬萊山在縣東北四百五十里四面大洋蒼舊相傳秦始皇遣方士徐福入海求神仙靈藥嘗至此案孫綽天台賦云登陸則

四明天台入海則方丈蓬萊豈其所乎元吳萊
 甬東山水記土人云自東霍轉而北行盡昌國
 北界有蓬萊山眾山四圍峙立旋繞小嶼屹如
 千丈樓臺而中處又有紫霞洞與山為鄰中畔
 通明方如大車之輿潮水一退人可入或云人
 不可到隱隱有神仙題墨漫不可辨又有山沙
 細沙所積海日照之有芒手攬則霏屑下漸成
 窪穴潮過又補終不少損旁有石龍蒼白角爪
 鱗鱗具蜿蜒跨空亘三十里舟經其下西轉別

昌國典詠 卷一
 三四明叢書
 約園刊本

為洋山中多大魚又北則為胸山岱山石蘭山
 漁鹽所聚又有聽客話蓬萊山紫霞洞詩小徑
 連沮洳元肩闕蓬蒿全詩詳道隆觀又云似聞蓬萊山
 去此特跬步蟠根屹中立發乳森外護紫氛蒸
 作霞碧浪激為霧古穴通若與靈文讀不句全詩
已詳高案詩意則淵頽未能到也據所言當在
 蓬萊岱山之北靈境恍惚若遠若近之間矣
 題墨蓬壺定不消紫霞有路肯相拋石龍跨爾飛昇去
 玉錄金符手欲鈔

盤陀石

元盛熙明補陀傳盤陀石平廣上坐百餘人下
 瞰大海五更遠見扶桑五色光發頃有一輪極
 大從海湧出真奇觀也元吳萊甬東山水記盤
 陀石山粗怪益高疊石如堙東望杳宵想像高
 麗日本如在雲霧蒼莽中日初出大如米筵海
 盡赤躍跳出天末六合翳然鮮明及日光照海
 薄雲掩蔽空水弄影恍若鋪金僧伽黎衣或見
 或滅吳有詩云長嘯山石上我今在東溟遊目

昌國典詠 卷一
 三四明叢書
 約園刊本

出重微褰衣窮絕陘微氛抱珥赤遠影摩空青
 想像暘谷水徘徊嚙龍形晨昏相經絡稚毫不
 能寧豈若柯斧爛看棋了干齡此詩朱謹普吳
 更有盤陀石觀日賦粵東遊於海微兮得偉觀
 路畏疊而巍峩天雞號而夜半兮噉欲出於重
 波恍玄幕之垂黑兮惴惴火輪之盪摩細義和之
 有御兮扶木煜其將華渺暘谷之不可以里兮
 屈高春其幾何歎世寰之安在兮向味冥而未
 旦觀帝車之斜迤兮耿星宿於霄漢漸島嶼之
 翳鮮兮益森茫而瀾漫恐闐闐之猶爾夢寐兮
 類蟄蟲之借亂明乾極之牽掣兮儼機軸之翁
 張固陰泉之歎炯兮煥燿燿之奮揚燁燁烏之
 燿焜燦爛兮渴咏解羽藐以送揚或有燭龍之
 燬炳焮焮兮熾額爛目頰其方懸懸燿燿之燄

灼炭燔兮鮫人泉客翻覆有光振積鼓之焱燼
炫輝兮北若壁壘嶽嶺前行指彩虹之抱戴珥
瑤兮瓊錯燦爛縹緲通皇想朱鳥之次舍軌度
兮豁達蘭縹何開耀徒乘寒澗潮水之傾倒推
盪兮散曉振霞氣之縹緲彩章乃飛騰於寥廓
兮竟瞑眩於混茫繁高抗乎氛曠兮僅啓明之
獨燦欻遠麾之廣煇兮遽羣動之盡騰川后潛
精而屈藏兮海童觀燿以犇烤鮫龍揚鬚撥鬣
以悠漾兮鴻鶴刷毛挾翅而陵薄莽瑯琊之躋
臺兮瀟瀟山而晝其燿也閒羅浮之嘲井兮混
蜃穴而夜其燿也迅夸娥之杖策兮懼追逐而
莫之跳連也怒魯陽之揮戈兮怪盤礴之弗吾
規讓也惟圭臬之可測兮奈際駒之焉託恆鞫
明而究腫兮遂壯凋而老鍊昔聖賢之有法兮
實蓋渾之同天矧鍊石而凝質兮復斷鼇而鎮
淵將勃解之鑿窻兮淪谷底而迭燃抑崑崙之
嶺峙兮繞巖腹而互旋豈文身黑齒之俯邇所
出兮貫裸壤以相連或淹滋濛汜之遠壓所沒

昌國典詠 卷二 三五四明叢書 約園刊本

兮馨汎國之窮壤歎嚴冰與朔雪兮曠古莽之
鮮覺常眠惕重蒸與疊熱兮焮炎邱之毒瘴霾
煙諒取人之憤愜兮持蜂蟻之撲緣偉小兒之
辯知兮雖睿哲而弗宜彼凡俗之多故兮遇曙
朝而即竟誠且晝之枯亡兮嚮晦昏而暫定紛
士學之攘爭兮集農商而斷進淫末作以相資
兮侈利心之百穿儻桑榆之不復滅沒兮盡奪
時而力政願鬱儀之恆若溟滓兮庶保躬而固
命器曉籌而催開兮警宵柝而告靜信舉筴而
豫知兮幸聞鐘而深省何觀瞻之不足兮重徙
倚以盤桓光已通於一躍兮影奚候於三竿逮
層溟之畢露兮屹東霍之巖巖念列仙之獨往
兮扼羨門於波瀾劃孤嘯而陟降兮撒蒙葑以
欣歡顧秦越之邀不相及兮又焉論夫遠近乎
長緒曾案此賦載淵穎集中極爲瑰麗張綸林
泉隨筆吳立夫觀日賦雄深卓絕明周應賓亦

載之獨朱謹普陀山志事略條云淵穎之賦伏
類疥馳不忍概芟聊爲節錄僅十之二三可謂

妄矣故特錄之元沈夢麟盤陀石觀日盤陀石上接陸

峒俯瞰朝陽升太空萬頃紅濤浮上下半天金
景貫西東古今人物重明裏南北山河一照中

如此登臨良不惡又元黃鎮成秋聲集送澗泉
更憑高閣灑天風

上人遊補陀詩潮音海洞石盤陀送子東遊奈

木地無多水王獻寶開丹穴星使通槎泛
白波見說蓬萊清淺處便從鵬翼起秋河緒曾

又案古觀旭皆登盤陀石迨後萬曆五年內臣

明鳳結庵以鳳號朝陽因名朝陽見周應賓普

昌國典詠 卷二 三五四明叢書 約園刊本

陽庵無於是朝陽擅觀旭之名改盤陀爲夕照

然普陀海岸高峯無處不可觀旭必以盤陀爲

最奇余見此石高身圓頂銳下如蓮房其跗以

石承之中空有罅如聯如墜藉梯始升石上有

明參將何汝賓題靈石二大字汝賓著有舟山

志邵輔忠爲之鑒定鎮海姚孝廉變鄞盧氏抱

經樓俱藏有明刊本定海縣志云草稿未梓非

也

金衣萬縷燭龍翔紅浴咸池照八荒日觀峯頭瞻泰岱

何如身自到扶桑

無畏石

大德昌國州志梅岑山無畏石真歇庵之前突

如一石其形方而廣峻不可陟亦一奇也獅子

巖無畏石之側其形蟠踞如獅子然

道高百尺惹千魔幻境紛紛恐怖多但得此心鎮如石

世間何處有修羅

紫竹石

元成巖明補陀傳釋所言東洋大海西紫竹旃

昌國典詠卷二

三毛四明叢書
約園刊本

檀林者是也朱謹普陀山志山中石剖之俱白

質黑章作花竹草木狀濃淡工細如畫僧云經

稱紫竹旃檀林故石亦俱是相也或言惟潮音

洞南天明為然又觀小山洞塔前沙俱如此則

他石可知但近寺不敢采斷故不識耳斷崖碎

壁滿眼皆小李倪迂妙繪豈非異事余至潮音

洞紫竹林絕少篔簹僧攜小斧至毛跳山鑿石

曰此紫竹石也其紋粗者如畫家雨中樹細者

如松如杉不盡竹形乃知灑墨如桃花者不獨

安期生也

丹淵千畝飽通神來證三生石上因紫竹旃檀空色相

此君解脫畫中身

烏石塘

寶慶四明志烏石塘有二一在馬秦壘一在下

塘頭千步砂一在桃花壘昔皆大洋也百年之

閒或卷砂以為隄或堆石以為塘中成膏腴不

以人力然則滄海變桑田非虛語也大德昌國

州志烏石塘在馬秦延亙百餘丈高可二丈許

昌國典詠卷二

三毛四明叢書
約園刊本

枕海之濱表裏皆青圓石子如龍之鱗甲然下

注民田皆成沃壤天色暝冥則光怪閃錯父老

相傳謂舊無此塘一夕暴風雨挾而至又下塘

在州東蘆花村父老相傳天氣暝冥凡三日劃

然開霽自青山頭至橫山突起一塘一百餘丈

其中皆小白石子

塔飛僧化豈荒唐風雨俄驚湧石塘天敕烏龍飛不去

免教此地變滄桑會稽記阿育捧塔飛行虛空入海諸
弟子攀引不及一時俱墮化為烏石

鄭在

三摩地

大德昌國州志三摩地寺之兩偏登山者由此
有亭曰極清淨嘉木森香清泉紺洌亂山錯出
有聳而立者有居而伏者詭形怪狀不可摹寫
遊憩於此者往往不減靈鷲焉明翰林學士宋
濂清淨境亭銘補怛洛迦山者在東大洋海梵
語補怛洛迦華言小白華卽華嚴大經所說善
財南詢之處也山絕起海中周圍僅百里滿望
冥茫無際滄洲遠山隱隱天外如青螺髻寶陀

昌國典詠 卷二

三五四明叢書
約園刊本

禪寺在山南去寺三里至潮音洞洞腳插海張
頤欲飲怒風驅濤進退擊衝洞巔通穴曰天窗
白光注底如月唐大中閒梵僧拜洞前燔十指
禱之指且盡大士爲見身說法授以七色寶石
自後人以誠感輒應或見紫金自在相縞衣被
體縹帶珠瓔紛然懸貫或見千首千臂護法大
神翼衛後先可怖可駭稍轉而右爲善財洞嵌
巖中圻窈黑不可測從洞折而北有石類香爐
類佛牙奇甚惟盤陀石上最寬平可坐百人雞

初號遙見扶桑五色光發照東方盡白久之湧
出日輪赤如火流光燭海波閃爍不定誠奇觀
也自石折而西有獅子峯有象巖有佛手峯皆
以其形名有三摩地嘉木蕭森怪石駢列臥者
離立者蹲欲起者迎躍似舞者其他勝概難可
數計大抵山在海岸孤絕處重巒複嶂蒼翠如
洗紫蓀白葩濯濯滿地山丹樹高數丈絳花繞
枝鮮澤如珊瑚林金沙四布璀璨眩目海水震
盪無雲自雷登高四顧若眞身琉璃瓶中一髮
塵土不得相侵誠霄壤間勝特之境也洪武庚
戌春正月部使者贛州劉君承直與寶陀大師
行丕抱杖西東遊使者曰此清淨境也盍爲亭
大師乃建於寺之南嶺上從三十尺衡如之左
倚山右入潮音洞云大師字大基行丕其名鄞
人也宗說兼通行解相應初由佛隴昇主是山
銘曰大海東匯厥名維瀛并包川絡混合坤經
鯨波四繞龍島中停濯濯綠淨皦皦素紫片滓
弗留纖塵不驚如蓮出水類鑿含明流雲斂翳

昌國典詠 卷一

四十四明叢書
約園刊本

新旭爭熒金沙布地寶樹森屏巨石佛足嵌洞
潮聲大士顯瑞梵童揚靈仙帶翻縹玄珠垂瓊
月相穆穆颯馭泠泠龍君持戟水伯捧旌衛茲
勝特控此高冥倬彼開士爰謀建亭莫平匪砥
有覺惟楹直遡寂廓將齊櫻寧塵因道寂境逐
心清徜徉淨國周流覺城敢告來裔庸勒新銘
案此亭已廢

鯨波四繞島中停境絕纖塵列玉屏驚嶺龍宮真咫尺
請君休詠冷泉亭

昌國典詠 卷二

四明叢書
約園刊本

清金陵朱緒曾述之撰

徐城

史記秦本紀造父以善御幸於周穆王得驥溫
驪驂駟騶耳之駟西巡狩樂而忘歸徐偃王作
亂造父為繆王御長驅歸周以救亂正義曰括
地志徐城在越州鄞縣東南入海二百里夏侯
志云翁洲上有徐偃王城相傳云周穆王巡狩
諸侯共尊偃王穆王聞之令造父御乘騶裏之

昌國典詠 卷三

一四明叢書
約園刊本

馬日行千里自還討之或云命楚文王帥師伐

之偃王乃於此處立城以終譙周古史考云徐偃王與楚文王同

時去周穆王遠矣王者行有周衛豈得救亂而獨長驅日行千里乎並言此事非實乾道

四明圖經昌國縣即翁山縣是也山在縣東乃

徐偃王所居之地舊址猶存又云翁山一名翁

洲在縣東二十五里十道四蕃志徐偃王居處

城基猶存寶慶四明志地名翁浦俗呼城隍頭

王十朋會稽風俗賦翁洲訪偃王之廬周世則

注曰翁洲屬會稽郡國志云徐偃王昔居於翁

洲史鑄增注曰十道志翁洲在海中偃王所居

吳萊甬東山水古蹟記洋山自北而南則為徐

偃王戰洋嘉泰會稽志翁洲在府學之東會稽

境郡國志云徐偃王居翁洲即此緒曾案翁洲

在昌國海中會稽志云府學東非也輿地紀勝

徐偃王古城在黃巖縣南三十里大唐嶺東外

城周十里高僅存二尺厚四尺內城周五里有

洗馬池九曲池故宮基崇十四級城上有喬木

可數十圍別是一說韓非子五蠹曰徐偃王處

昌國典詠 卷三

一四明叢書
約園刊本

漢東地方五百里行仁義割地而朝者三十有

六國荆文王恐其害己也舉兵伐徐遂滅之淮

南子人閒訓王孫厲謂楚莊王曰王不伐徐必

反朝徐王曰偃王有道之君也好行仁義不可

伐王孫厲曰臣聞之大之與小強之與弱也猶

石之投卵虎之啗豚又何疑焉且夫為文而不

能達其德為武而不能任其力亂莫大焉楚王

曰善乃舉兵而伐徐遂滅之說苑指武曰王孫

厲謂楚文王曰徐偃王好行仁義之道漢東諸

侯三十二國盡服矣王若不伐楚必事徐王曰
若信有道不可伐也對曰大之伐小強之伐弱
猶大魚之吞小魚也猶虎之食豚也惡有其不
得理文王遂與師伐徐殘之據諸說則伐徐者
楚非周也竹書紀年穆王六年春徐子誕來朝
錫命爲伯穆王三十五年荆人入徐毛伯遷帥
師敗荆人於沛三十七年伐楚荆人來貢馬驢
釋史云史稱造父御王巡狩見西王母徐偃王
反日馳千里馬攻破之豈王之貳車遂足以制

昌國典詠 卷三

二四明叢書
約園刊本

勝耶抑六師之眾咸有此捷足哉史不錄於周

本紀亦不過雜采異說以傳疑陳逢衡竹書集

王師昭王喪六師於漢因以疾殂穆王與楚乃

不共戴天之仇何得令其伐徐蓋楚假王命以

伐之也三十五年荆人入徐毛伯遷帥師敗荆

人於沛據此則可知此事之非實矣緒曾案淮

南子說苑諸書則楚自忌而伐之不必假王命

楚之無王久矣鄞徐孝廉時棟著徐偃王志辨

伐徐非周甚晰延祐四明志隱學山在鄞東錢湖徐偃
王隱學於此漢書古今人表徐隱王舟山志陣
壘山徐偃王列陣處磨刀橋城東二十里相傳
徐偃王駐兵之處定海縣志城隍頭山縣東三

十里一名城灣相傳徐偃王建城於此又金旗
山縣東二十七里相傳偃王建金旗於此故名
皆在吳榭壘

周王驟駟返瑤池赤矢朱弓不揀危何事磨刀來海上
魚麗布陣展金旗

甬東壘壘字本作澳說文隈崖也通作澳爾雅澳

隈厓內爲隈注今江東呼爲浦澳廣韻作

壘大德昌國州志作壘史記吳世家集解賈逵曰甬東越東鄙甬江東

也左傳杜預註甬東越地會稽句章縣東海中

昌國典詠 卷三

二四明叢書
約園刊本

洲也元和郡縣圖志翁洲入海二百里卽春秋

所謂甬東地也越滅吳請吳王居甬東吳王曰

孤老矣不能事君乃縊其洲周環五百里有良

田湖水多麋鹿寶慶四明志國語以爲句甬東

註云句章海口外洲今鄞縣有甬東廂遂概呼

明州曰甬東非古所謂甬東也昌國縣有甬東

村乃古名大德昌國州志富都鄉甬東村在東

又德行里卽建治城郭之地富都鄉壘八十三

定海縣志併爲十七圖內泔港壘舊屬大德志

楊壘東江軍亭今有君亭廟今皆在甬東海防書倭

奴入寇過岱山長塗爾秀山劍山登干礮大小

展則東北一面可入於舟山過烏沙門順母塗

登沈家門謝浦則東南一面可入於舟山過大

小侖山十六門壘山盤嶼登關山螺頭則西南

一面可入於舟山過東西墾長白礁馬墓港冊

子山登岑江碇齒則西北一面可入於舟山

一劍夫差恥甬東左傳云縊吳越春秋云伏劍那知天險峙蛟宮三

韓百粵舟鱗集好相檣烏四面風

昌國典詠 卷三

五四明叢書 約圖刊本

鹽倉壘

乾道四明圖經曉峯山在縣西二十里寶慶四

明志正監鹽場縣東南一百八十步唐曰富都

十監之一又有子場曰甬東又云東江鹽場縣

東八里又有子場曰曉峯在縣西十一里宋時西監

監鹽二員一文一武東江監鹽武一員岱山監

鹽押袋武二員高南亭監鹽武一員蘆花監鹽

文一員初謂蘆花為東監正監為西監凡五場

皆西監統之其後四場相繼為正場各置監

案此鹽倉則曉峯場也大德昌國州志宋熙寧

六年析監為三曰正監曰東江曰蘆花又有三

子場曉峯則隸正監甬東則隸東江桃花則隸

蘆花此與州連陸場分也距州南潮有岱山場

距岱山十五里有高亭場以曉峯隸正監甬東

隸東江與寶慶志互異大德志又云曉峯橋宋

淳熙十五年西監鹽人鮑渭建又云曉峯門鹿

頭今鹿螺頭大茅小茅中莊今忠皆在鹽倉壘舟

山志曉峯山城西五里屹起峯巒高一里許長

岡山王家山金家山引而為茅嶺山案其北為

竹山門實往來津渡之所自曉峯嶺定海縣志縣西南六

昌國典詠 卷三

六四明叢書 約圖刊本

里至茅嶺有徑路可抵城下外有鹿頭臺南有

螺頭臺北有曉峯臺以控制要害

三臺鼎峙鎮雄關鹿頭螺頭接竹山茅嶺曉峯嚴把隘

更防龍擲學狻攀

吳樹壘

寶慶四明志有翁浦酒坊翁浦詳翁山翁州大銅鼎徐城偃王祠

德昌國州志謝浦翁浦大青今皆在吳樹壘籌

海圖編王一作汪直自稱徽王嘉靖二十四年九

月引倭賊據謝浦為巢十二月指揮閔溶戰死

259487-1824

於舟山三十五年三月官兵進擊舟山謝浦之賊勝之參將盧鏜知縣宋繼祖生員李良民武生婁楠等會兵進攻大破之賊移屯邵壘九月退巢於謝浦之吳家山十二月把總張四維率麻陽兵除夕破之平倭錄胡宗憲授計雪夜渡舟山出賊不意破之舟山志地之險者南則曹山謝浦梅家塾螺頭天童密邇所城關係匪輕而梅家塾直對曹山大洋倭奴曾經入據定海縣志謝浦山縣東二十五里吳家山縣東二十里

昌國典詠 卷三 七 四明叢書 約園刊本

七里煙墩山縣東二十五里有榭浦臺案吳榭合吳家山謝浦為名

徽王何物妄居尊煽引倭酋據島門爆竹聲中平謝浦功高元夜奪崑崙

洞壘

大德昌國州志洞壘澤浦今澤浦廟今在此壘大德志又云黃楊山在州東通陸之處極巉巖險峻一峯傑出人目曰黃楊尖舟山志黃楊尖去城東北五十里定海縣志有仙人几山下溪壑繁

帶如洞天幽邃水合流於翁浦有張家墩石牆墩臺案洞壘與翁浦相接其陰為戰洋洞天幽邃水源長那識人閒有戰洋遊徧道家三十六來憑仙几到黃楊

蘆花壘

寶慶四明志有蘆花鹽監大德昌國州志大箭施家蘆花小蘆下塘頭皆在此壘籌海圖編嘉靖三十二年賊犯定海官兵擊敗之賊皆雞鳴山人沿海為患十二月都司劉恩至破賊於蘆

昌國典詠 卷三 八 四明叢書 約園刊本

花港口定海縣志最高為頂涼尖又有鳳尖山縣東五十里有三峯中鳳尖東翼西翼怪石崎嶇莫可名狀有塘曰鶴峙鶴峙有邵壘臺又岱浦山縣東西十里即大箭也

雙翼東西擁鳳尖蘆花風起水天黏秋成鸛鶴塘邊好壓擔黃雲月掛鎌

舵壘

昌國縣境圖沈家門大千山大德昌國州志鄭壘沈家門壘王大簷今作王明張時徹防海書

沈家門水寨路口隘皆在此舉定海縣志沈家門在縣東九十里嘉靖中指揮劉恩伏兵於此以敗普陀之倭緒曾案籌海圖編乃劉恩至非劉恩也相傳舟山以岑山為齒舵舉為尾故有碇齒舵尾之名有大干山臺沈家臺詳沈家門天風吹送大干臺水寨旌旗映日開振轉東洋舟有力雪山亂壓舵樓來

大展舉

大德昌國州志大剪螺門田公東茅今在大展

昌國典詠 卷三

九四明叢書 約園刊本

舉大展即大剪也一名大前舟山志地之險者東則塘頭螺門一帶地勢遼闊而塘頭極險逐利者常於此處鉤引盜艘定海縣志舉境南接蘆花結根於頂涼尖之地脈又橫互於黃楊尖之沙岡至摩鼻嶺與北埤分界東出為王大洋直接螺門一帶雖有田土苦於地瘠人稀惟海塗採捕魚蛤之利居民賴以謀生鄭家山田公山在縣東北六十五里又赤石山在縣東北五十里有赤石臺與小展接境案舉有大展小展

今小展併附北埤舉內而茅洋則附入大展

沙岡脈結頂涼尖西接茅洋繡壤添最好螺門勤採捕

桃鯉梅鱘助蟬鱓舟人云桃花採鯉梅花採蟬鱓一名龍頭魚身如膏髓骨軟無鱗頭似龍

頭廣韻 鱓比目

北埤舉

大德昌國州志小剪北埤姚家今皆在此舉籌

海圖編弔嶼與小展居民協守小展即小剪也

定海縣志北刊本 誤南埤山縣東三十里小剪山白

巖山縣東四十里又云雪桃出北埤似桃而小

昌國典詠 卷三

十一四明叢書 約園刊本

大雪方熟其捍海有塘四千餘丈當王大洋之

衝南有赤石煙墩北有程家臺

風帆赤石望程家一樹冰桃罩雪花虹截春潮鹹不入

白巖小剪試犁耙

白泉舉

乾道四明圖經富都湖在縣東北八十里舊名

萬金湖周迴三十里漑田二百頃寶慶四明志

富都湖周廣三十里今皆為田澹水之所狹甚

而泉湧其間旱車輻輳未嘗少減大德昌國州

志作白泉湖有白泉柯梅小枝劉緒曾案元豐

九域志昌國有雲雱山即雲嶼山西湖即富都

湖籌海圖編嘉靖二十七年六月觀海衛百戶

與賊戰於柯梅死之舟山志舟山地之險者北

則柯梅白泉大壘釣嶼等地而柯梅亦曩時倭

夷蟠踞為巢穴所當在在嚴防者也讀史方輿

紀要柯梅嶺在海中舟山所東出浦則為漁山

外洋定海縣志又云白泉湖縣東北周三十里

有大小柯梅苦竹嶺石筍尖

昌國典詠 卷三 十二四明叢書 約園刊本

汗萊曾闢萬金湖鳩杖斜陽說富都大小柯梅連苦竹

桔槔聲歇喚提壺

皋洩壘

寶慶四明志洩潭在東北三十六里潭據山腰

深淺不可測以下劉必禱雨詩詳洩潭大德昌國州志洩潭

詳洩潭東湖定海縣志縣東北三十里河祝家定

縣志竺家山縣東北十五里奇峯又云高大山

陸立數十丈名竺家尖一作祝家潭龍潭父老相傳有白龍乘雲而下雙睛注地

遂成龍淵卷石勺水旱暵不竭有青蜥蜴常現

潭上遇旱則禱焉定海縣志洩潭縣東北三十

今皆在此壘又有河硯頭管家洋董家橋唐梓

廟分壁萬壁長岡龍堂諸山萬壽寺

東湖田接管家洋唐梓灣泥好插秧雷雨竺家尖上過

爭吹龍笛拜龍堂

干礮壘

寶慶四明志作竿纜渡有大蘆酒坊大德昌國

州志干礮大蘆古屬富都灌門古屬金塘今皆在此壘舟

山志干礮城北三十五里山水頗奇土地殊沃

昌國典詠 卷三 十二四明叢書 約園刊本

梁璋干礮山人遇賣卜老人出書付之遂得其

術嘉靖初早取犁鐵紅鍛投水缸中雲合雨如

注又能使人撒米成小蜂擲土為大鳥定海縣

志灌門縣東北下有龍窟土人名為干礮潭詳

門木杓山縣北三十里有大蘆廟又有鳳皇山

有繫船灣為內地之咽喉東北距灌門遇炎夏

驕陽海口聲轟數十里三日內必雨由唐家山

而北設煙燉西硯寨案竿纜以繫舟得名或作

干礮今又作礮礮漸失其義

大蘆廟對鳳皇山竿纜人從渡口還雷吼驕陽三日雨
風波好避繫船灣

馬壘

寶慶四明志鼓吹峯其山之陰曰馬壘大德昌

國州志馬壘小舟大舟定海志圖作大週嶺李家三松江

今皆在此壘舟山志馬壘山平衍環帶原隰之

膏腴唐開元時議置立城於其間緣北面土磽

不果籌海圖編袁家碛即沙壘地原有馬壘干

戶所軍兵併逃民約計二千又云三江烽堠與

昌國典詠卷三

十三四明叢書
約園刊本

沙壘相連有隘軍防守賊常登犯已取回須遷

居民入袁家碛等處則可又云嘉靖四十年四

月賊新至官兵遇之於海洋中追逐至馬壘沙

堠大敗之賊奔陸冠帶把總章延廩引兵設伏

又約水兵合擊之賊遂大破舟山志單奇洞在

馬壘中峯之椒相傳元季有單奇者修道於此

一二知者訪之操炬入洞不知所止定海志圖作善岐洞

定海縣志金柑出沙堠張家又云小舟山縣西

北四十里有小舟廟大舟山縣西北三十五里

馬壘山縣西北四十里沙堠山縣西北四十五

里案定海縣志誤以章延廩為華延廩東北界

大洋與秀山近又為岱山之渡口有煙燉山臺

縣西北四十三里乾道四明圖經長塗山在東北二百

八十里昌國縣境圖有敲爻皆與蘭秀山近

大舟小舟山吐嵐單奇洞裏摩金柑當年設伏章延廩

指點煙墩父老談

小沙壘

寶慶四明志小砂酒坊大德昌國州志五百小

昌國典詠卷三

十四四明叢書
約園刊本

砂郎家今皆在此壘又云吉祥寺去州三十里

富都鄉之錦沙九峯環列一名九峯山詳吉寺籌

海圖編郎家碛與西碛寨相連小砂居民殷富

有隘軍共守但地勢散闊難以設備賊嘗登劫

以礮頭海塘築堡協守則可讀史方輿紀要沙

壘在岑港之東今為袁家碛其相近者為馬壘

嘉靖中嘗設千戶所戍守三十七年討岑港賊

分兵由馬壘碇礮而西是也其相連者有山江

等烽堠嘉靖四十年官軍敗賊於馬壘沙堠之

上卽袁家碛矣又有郎家碛亦在所西北東距奇壘西距沙壘有西碛寨相連中爲小沙舟山志九溪去城北十里許發源於頰河壘底烏楓巖際析東西二流一由剡殼橋金川橋會東皋疊石二山之流停於王家碛外之新碛而注於海一由虹橋歷壩橋抵鹽場而注於海定海縣志九峯山縣西北三十里五伯壘山縣西北四十里案九峯山下九溪旋折結成此壘北大塘碛口直接長白山長白港碛頭設墩臺乾道四

昌國典詠 卷三 十五 四明叢書 約園刊本

明圖經長白山在縣西北一百五十里

九峯山繞九溪旋五伯郎家碛寨連長白山臨長白港魚龍出沒浪稽天
大沙壘

大德昌國州志黃馬溪在州西北五十里南埠

水從茶嶺浙江通志誤作茶嶺發源流注於海民田賴以

灌溉案南埠溪口入紫薇壘籌海圖編奇壘烽堠卽大沙

地方賊常於此登舶原有隘已廢二壘二壘當此壘

民居大戶約有千數合力出守方可恃也舟山

志黃馬溪城西北三十里南埠水從茶山嶺發

源讀史方輿紀要奇壘在舟山所西北本名大

沙嘉靖中禦倭要地也定海縣志茶嶺山嶺誤刻頭

縣西北四十八里又有文壘山連珠山宋蔣猷

廟詳蔣學士廟有洪將軍賈尙書貝行省墓皆不知

其名有觀山墩西北六十里大坑山墩西北五十里鹿腳

跳臺西北四十五里歧壘門外出龜鼈洋

春雷茶嶺展槍旗奇隘猶談下瀨師黃馬溪流南埠去

古墳荒草認離離

昌國典詠 卷三 十六 四明叢書 約園刊本

岑港壘

寶慶四明志指使兩員一治岑江又云岑江潭

在西小岑江上遇禱而應蜥蜴出焉大德昌國

州志岑江巡檢司在州之金三都又岑江港去

州西北三十里舊謂之六國港口南北舟舶輻

輳於此亦海州之一鎮云又毛家橋在岑江市

心籌海圖編嘉靖三十七年汪直就擒毛烈等

欲爲之報讎不肯還島而據岑港分鯨出掠官

兵屢攻之弗克舟山之捷云嘉靖戊午春二月

總督侍郎胡公宗憲既擒汪直其餘黨船舟山之岑港倚險列柵勢甚猖獗公命把總任飾指揮甘述宗等進泊江口之南都指揮李涇指揮張天杰等泊港口之北總兵俞大猷等以福船并叭喇鳥八槳串網船往來策應指揮周官士官彭志顯領大刺土兵由中路小河嶺入指揮楊伯喬唐榮士官張口領鎮溪麻寮兵由右路碇齒入參將戚繼光率部兵由左路小嶺入而指揮楊永昌盧錡鮑尙瑾方昇通判吳成器等

昌國典詠 卷三

十七 四明叢書

約園刊本

分道策應參政王詢劉燾副使陳元珂則監督之約期水陸並進直抵賊巢時都指揮戴冲霄先用火攻殺傷頗多公許全捷俱準首功禁取級以防前進我兵蹂尸而戰賊大敗奔舟忽港側礮聲大震賊復擁眾登陸鈔後死戰我兵後哨稍卻前鋒四擊橫衝賊乃斂營固守公以夷僧德陽稱貢而來賊脅爲聲援可計而離也乃潛縱之令成器遺謀持信票數百入巢散其脅從由是賊勢日孤爲守益堅公又檄諸將曰賊

所以負固死鬪者蓋春汛已及計有新倭可爲應援若哨擊稍疏必流突與合矣此非小利害也其督舟師預爲哨探之計無何果有倭船泊普陀小道頭參將張四維推官查光述等督兵且戰且逐至烏沙門外洋賊遂潰敗俘斬四十餘級賊走登烏沙懸山卽朱家尖山也公策此賊與岑港之賊相距不遠陸路必由碇齒水路必由嚮響礁門乃檄諸將設伏以待已而賊果由二處奔沈家門與岑港合蹤公不得已親莅

昌國典詠 卷三

十八 四明叢書

約園刊本

定海分遣將領各與信地福船由岑港南口廣船由北口宣撫田世爵都指揮何本源等兵由馬壘至張礪一由寺嶺至三官堂進一由小嶺至聚水塘進而以元珂四維往事監督又遣奇兵由天童逕搗賊船仍近巢半里許列一老營以燾居中調度參政胡堯臣防守所城督發糧餉剋期大舉時賊依山阻水列柵自衛火器頗多我兵陷陣先登者聞多被害公復檄諸將從逼壘而陣且示以哨伏應援之規更番迭戰以

耗其火藥折其銳氣又令夷僧輩招之私語賊
逐互相猜疑至持刀自擊我兵乘隙進攻賊眾
大亂夜分縱火焚其舟死者無數餘各奔巢我
兵躡之斬柵而入斬馘百餘級復奔柯梅嶺我
兵追之火其巢廠賊勢窘甚遁出浦口四維與
指揮朱尙禮等舟師追之俞山外洋見賊連艘
而行遽以兵船潛伏山下而以小艇嘗之賊果
逐利來追伏兵大起夾擊之犁沈四舟擒其渠
魁汪印山陳禮等斬首九十餘級溺死者不計

昌國典詠 卷三

十九四明叢書

約園刊本

王直之黨至是盡矣是捷也五哨之布公有成
算而大猷等參錯不進沈家門合蹤公料敵如
神而諸將不先事追擊至塵定海之役非公淵
度圓機小挫不折能因敗爲勝且柰何哉嗚呼
公之心獨苦矣俞獻可撰又云岑港巡司乃衝
要海口也賊累登劫見今居民雖籌牆自衛亦
被賊壞近又自葺理終難備禦須爲慎固之計
可遏賊衝又碇齒隘與外港相對居民勢孤累
被登劫其原守軍餘又已取回必遷居入內地

則可舟山志地之險者西則岑江碇齒大沙小
沙干礮馬壘一帶地形廣遠雖有馬墓兵船然
相去遙遠嘉靖時汪直輩曾自岑江登岸竊據
蘆花港壘結巢又云岑江去城西北四十五里
潮自桃搖西後二門會竹嶼溪頭之派而漫漲
於西南之大洋謂之橫水定海縣志岑港山縣
西三十里雙鴉山縣西二十五里有木城舊址
又白龍洞在山巔上下兩潭大旱不竭相傳有
白龍居焉土人察聽風聲以知龍之出入有禱

昌國典詠 卷三

二十四明叢書

約園刊本

輒應案岑港古名岑江屬金塘鄉今爲富都十
一圖明設碇齒隘於響礁門置木城以紀破倭
功在天妃宮側大德志青壘漲史大壘小沙岑
江今皆在此壘漲史今作漲齒定海爲東浙門
戶岑港又爲定海要衝有烏邱嶺臺碇齒臺明
徐渭與客登招寶山觀海遂有擊楫岑港一窺
賊壘之興謹和開府胡公之韻奉呈滄海遙連
雉堞明登臨喜其客談清千山見日天猶夜萬
國浮空水自平不許番夷縈別島願圖方略至

金城歸來正值傳飛捷露布催書倚馬纓

岑江碇齒鑿巉巖六國舟航尾並銜欲指木城談往事
白龍拖雨帶腥鹹

紫薇壘

大德昌國州志溪石蘇仲南墀虞家今皆在此
壘宋中興聖政記建炎三年十有二月己丑上
幸定海縣御樓船晚朝二府登舟奏事參知政
事范宗尹曰敵騎雖百萬必不能追襲可以免
禍矣上曰惟斷乃成此事是也詔行在諸軍支

昌國典詠 卷三

三四明叢書
約園刊本

雪寒錢自是遂為故事金人陷臨安府癸巳上
至昌國縣是日范宗尹聞臨安陷復還見上於
舟中丁酉上謂輔臣曰昨者從官同詣都堂鄭
望之獨謂自古興王未有乘舟楫者所論未為
通方王綱曰自崇寧以來大臣專權不容立異
比者會議都堂更相詰難各盡所見而無所顧
避臣不意數十年後復見此氣象皆陛下優容
忠讜所致望之自守所見乃朝廷之福也於是
望之奉祠而去庚子上發昌國縣宋李正民乘

桴錄建炎三年十二月十九日至昌國紫皮壘

籌海圖編天同壘居民百餘家氣勢頗壯但力
不支內有紫皮壘居民千數若協力出守彼此
可以無事內有鹿夫善射曾勝倭寇宜令悉力
防禦定海縣志紫薇尖山縣西北十五里一名
宋家山古名紫皮因宋高宗避金人航海至此
遂更名紫薇又紫薇圖說有紫薇街金線龍潭
圓峯寺千大聖廟徐司農墓應參政墓又有趙
王墳夏參軍祈墓案宋昌國進士大德志有趙

昌國典詠 卷三

三四明叢書
約園刊本

時慥嘉定四年趙時恪嘉定七年趙崇佖實慶二年趙
時悟紹定五年趙若誠景定二年趙時吉趙若
諫趙必曠趙必蹤咸淳元年趙時懜三人在實祐
四年定海縣志多趙與棉一人云淳祐四年文
天祥榜乃實祐四年之訛又以必曠為必曠必
蹤為必蹤當以是趙宋宗室多居昌國究不詳
趙王何名也夏姓子孫極繁康熙中夏時棟字
隆繪圖助展復邑令周聖化榜其間曰翁洲遺
獻此壘有天童臺西山墩

康王曾駐紫皮雲浦水今猶兩派分玉牒趙墳無麥飯

紙錢羅拜夏參軍

項河壘

寶慶四明志項河古城去縣十八里世傳始於

此築城建邑以土輕移就鎮鼇今城基尙存大

德昌國州志大項河小項河卽此壘舟山志下

項河壘民藉漁獵爲生三窩峯在城北上項河

定海縣志項河圖說在馬壘鹹倉之間一帶溪

河橫貫於壘內故以項河名有芝窩嶺長青嶺

白鶴廟案字書無項字土人讀如汊音集韻汊

昌國典詠卷三

二三四明叢書
約園刊本

楚嫁切音汊水歧流也焦竑俗書刊誤山歧曰

岔水歧曰汊二音同金陵地名有岔口韓公曹

成王碑行跳汊川是也據此項字卽汊之別體

長青嶺勢繞芝窩引得西流貫項河欲覓殘瓢談趙宋

古城荒草夕陽多盧文弨龍城札記字書無畧字子以

靈運山居賦自註云二非四明五巽皆相連接則今之

所謂畧非卽昔人之所謂與乎宋陸務觀家訓言其先

人墓在九里袁家嶼作嶼字明上虞謝肅爲餘姚黃菊

或上或下或旁雖不同要卽一字緒曾案宋鄭興裔忠

肅公集請置灣長禦海寇疏云瀕海州縣各有嶼灣灣

置一長擇地方之習知武藝者而任之仍令結爲保伍

旦夕訓練以追則迅以戰則克如其無事則盡力於農

不仰食於縣官一旦寇至灣長徑率其眾禦之不使登劫彼皆有父母妻子室家之繫驅之必力更責其兩鄰互相策應如有能殺賊者州縣第其勞以賞之容隱坐視者罰無赦則國家無調遣之擾無供億之煩而海寇可以漸息紓陛下東顧之憂計無便於此據此字又作灣

嘉靖三十五年五月陳可願自松浦回以王直

義子毛烈通事童華夏正朱尙禮邵岳等款定

海關稱報效胡公喜曰吾事濟矣乃留毛烈於

舟山而亟召童華等來見因厚撫之三十六年

十一月賊首王直款定海關要互市總督胡公

誘擒之王直擁倭稱降志在互市總督胡公檄

昌國典詠卷三

二三四明叢書
約園刊本

總兵盧鏗駐中中所把總劉朝恩陳光祖指揮

夏正通判吳成器等偕行鏗以城外倭刃森列

慮變不肯啓鑰朝恩曰若是益疑賊也不若以

禮喻之以誠招之保無他慮鏗從之朝恩等馳

至賊所直見皆單騎伏迎道左大忠反覆開諭

直曰公等皆督府親信輕舟臨辱直小人也敢

不惟命遂聽大忠計見鏗於城中誘至定海關

而執之夏正以此不得還三十七年八月官兵

進勦舟山賊巢平之

國初定海之外秀岱蘭劍金塘五山爭利內相
仇殺外連倭寇歲爲邊患信國公經略海上起
遣其民盡入內地不容得業乃清野之策也趙
工侍近奏令民開種以給募租若興此利金塘
一山卽可墾田數萬畝歲入米幾萬石玉環諸
山計之每歲可得米幾十萬石大爲海防之助
但其患二故當道屢議屢止其一是倭人藉以
爲糧結巢於此兵費反多其一是大家爭田秋
糧難徵無益於民以愚計之須仗量爲屯田召

昌國典詠 卷三

三五四明叢書
約園刊本

民耕種輸賦軍門耕者搭棚廠而居不挈妻孥
不得賣買逐歲更始如大家放租之法則官民
兩利而爭奪之患免矣官差石工伐山造堡海
洋有警小民避入賊知堡中無子女玉帛自無
結巢之念矣

宋趙彥衛靈麓漫鈔補陀落伽山自明州定海
縣招寶山泛海東南行兩潮至昌國縣自昌國
縣泛海到沈家門過鹿獅山亦兩潮至山下正
南一山曰翫月巖循山而東曰善財洞又東曰

菩薩泉又東曰潮音洞卽觀音示現之處又東
曰仙人跡又東曰甘露潭東卽大海南逾海曰
善財礁南亦大河自翫月峯之上過一山有平
地四山包之卽補陀寺後正北曰獅子巖左曰
眞歇庵右曰佛跡石石獅子巖上曰妙應峯乃
最高處東曰盤陀石又東曰白衣峯又東曰圓
通嶺又東曰古寺基又東曰裏黨外黨又東曰
桑木灣下曰木拉東卽大海白衣峯下曰無畏
石又下曰象巖自妙應峯西曰石觀音下卽佛
跡又西曰善財峯又西曰西方巖又西曰彌陀
峯西卽大海自西登舟有路曰高麗道頭循東
涇普門嶺上有塔子峯旁曰梅岑自此又東復
南入寺由普門嶺自南有路循翫月巖北至善
財洞及觀音巖寺前路循東到古寺基過圓通
嶺卽山之北亦大海此山在海中初高麗使王
舜封船至山下見一龜浮海面大如山風大作
船不能行忽夢觀音龜沒浪靜申奏朝廷得旨
建寺乃元豐三年也華嚴經云補陀洛伽山亦

昌國典詠 卷三

三五四明叢書
約園刊本

云小白華山今此山皆白丁香花東南天水混
合無邊際自東卽入遼東渤海日本毛人高麗
扶桑諸國自南卽入漳泉福建路云觀音多現
於洞中或於巖上及峯變化不一甚著靈驗

壽鏞案以上三條原本眉批不言錄
在何處而騰寫者附之於此姑仍之

昌國典詠卷三

昌國典詠 卷三

三七四明叢書
約園刊本

昌國典詠卷四

清金陵朱緒曾述之撰

橫水洋

宋祝穆方輿勝覽圖經云明之為州乃海道輻
輳之地故南則閩廣東界倭人國北控高麗商
船往來物候豐衍東出定海有虎蹲蛟門天設

之險此亦東南之要會也

乾道四明圖經宋陳瓘贈蘇文饒往昌國

云已歌舟楫具那得苦留君事過風霜急帆飛
雪浪分長途常策足暇日正論文功業他年事
風波豈足云文饒自昌國以詩見奇次韻二首
百川滾滾到來休此是人間第一流鯨鬣為君

昌國典詠卷四

一四明叢書
約園刊本

翻駭浪蘭若空自滿汀洲海邦渺渺知何處風
入高帆頃刻過何似一樽湖上酒月明安穩照
寒波蘇文饒往昌國因風不可渡云欲衝高浪
卻沈吟酒近瀛洲懶得斟莫道顛風無好意為
君吹過元吳萊甬東山水記蛟門峽東浪激或
遠歸心

大如五石斗甕躍入空中卻墮下碎為零雨或

遠如雪山冰岸挾風力作勢聲崩摧擁舟蕩蕩

與之上下一僧云此特其小小者耳秋風一作

海水又壯排空觸岸杳不辨舟楫獨帆檣上指

潮東上風西來水相鬪舟不能咫尺一撞礁石

且糜解不能支持吳萊詩山月出天末水風生
晚寒扁舟劃然往萬頃相渺

漫星河白搖撼島嶼青屈盤遠應壺嶠接深已
雲夢吞蟠木繫余纜扶桑纓我冠寸心役兩目
少試鯨魚竿又笑揮百川流東赴無底壑青天
分極邊白浪屹為郭卉裳或時來稚髻亦不惡
役珠蓋不呼巨鵬因風泝寒廓又我行半天下
貝錯盍不呼巨鵬因風泝寒廓又我行半天下
始到東南隅水落礁石出中飛雨鷓鴣情知壞
奇產勢與險阻居在夷豈必陋雖聖猶乘桴元
隨任公子不愧七尺軀貢師泰海歌出得蛟

門纔是海虎蹲山下待平潮敲帆轉戢齊著力

不見前船正遇焦緒曾案焦今作礁音義同定

海縣志橫水洋縣西約半潮可到潮長則北自

海州蘇州諸大洋而趨於南出旗頭退則南自

昌國典詠卷四

二四明叢書
約園刊本

溫州台州諸大洋而趨於北出西堠桃天海水

奔赴衝激震蕩極為險害舟欲東西而水則橫

於其中故曰橫水案由蛟門至舟山必過虎蹲

茅洋金塘渡此洋歷黃由礁半洋礁經蟹嶼盤

嶼丁家礁入螺頭門

長南退北兩邊潮礁石東西互海腰大蟹擁螯螺旋甲

龍梭來往織鮫綃

大茅洋

乾道四明圖經小荊山在縣西南海中二十里

茆山在縣南二百二十里大德昌國州志丁家
礁左大茆港籌海圖編大謝山南臨黃琦港北
由大貓海洋至金塘鹿山最居險要元黃鎮成
秋聲集舟過大茅洋詩漲海渾茫寄一桴候神
東去接方壺帆隨雪浪高還下島浸冰天有若
無雁影斜翻西日遠潮聲直上晚雲孤投緇擬
學任公子掣取封鱸飫萬夫
樵川詩客過茅洋東去方壺入混茫浪裏封鱸休跋扈
有人能挽釣竿長

昌國典詠 卷四

三四明叢書
約園刊本

碇頭洋

寶慶四明志建炎四年金人以舟師絕洋犯昌
國縣欲襲御舟至碇頭風雨大作和州防禦使
樞密院提領海舟張公裕引大舶擊散之虜乃
去上引舟而南與金人纔隔一日岳珂程史兀
木自度不習舟楫舞舳側窘懼欲脫遙望大
洋隱隱一山問此何所曰陽山即今元木慨然
曰昔唐斥境至於陰山吾得至此足矣遂下令
返棹葉紹翁四朝聞見錄憲聖吳后侍高宗舫

海金騎猝至欲擊御舟后發一矢應弦而倒徐
夢莘三朝北盟會編建炎四年正月朔車駕發
昌國縣金人陷昌國縣金人知鑾輿已入海道
乃自明州乘小鐵船泛海潮無風至昌國縣縱
火劫掠至沈家門而回謂金人至沈家門與至碇頭不同乘輿
纔隔一日寶慶志亦云與金人隔一日俱無擊
御舟之說李心傳繫年要錄建炎三年十二月
癸巳上至昌國縣庚子上發昌國縣四年丙寅
御舟移次溫州之館頭先是金人自明州引兵
昌國典詠 卷四 三四明叢書
約園刊本
攻定海縣破之遂以舟師絕洋侵昌國縣欲襲
御舟至碇頭風雨大作和州防禦使樞密院提
領海船張公裕引大舶擊散之敵乃去上聞明
州失守遂引舟而南與金人纔隔一日趙姓之
遺史云金人聚小鐵頭船泛海隨潮過昌國縣
至沈家門而回不知沈家門即碇頭否也以上李心
傳王明清揮塵後錄虜以舟師絕洋劫昌國縣
復欲攻象山縣至碇頭風電大作俗謂轉碇海
道最險處也遂回大率自正月十六日陷明州

至二月三日方去宋濂朝京景祐廟碑景祐廟者宋殿前司統制祖公廟也公諱域字貞夫其先閩人後徙明奉化之松溪公有文武才建隆中以剛毅稱邑人感德之既沒皇祐二年遂作廟於忠義鄉之福慶里建炎四年高宗南奔御舟次碇頭金人將舟師追其後將及見赤旗數萬蔽海上金人沮懼而退是夕提領海舟張公裕夢神人虎鬚魚服奏對上前自稱官位姓名公裕以聞高宗多公之績制封文惠侯賜廟

昌國典詠 卷四

五四四明叢書
約園刊本

額爲景祐緒曾案李心傳未深考海道沈家門在昌國縣之東北碇頭在昌國之南判然兩地王明清謂欲攻象山至碇頭是也由衢頭南出火燒門過竹葉山卽碇頭一作旗頭旁接六橫山近鎮海梅山

海舟奮擊張公裕更助碇頭風雨威他日岳家軍不召陰山定奏凱歌歸

戰洋

寶慶四明志鼓吹峯在翁浦中其山之陰曰戰

洋曰馬壘其對卽偃王祠也世傳孫恩之竄亦在此案恩自其叔泰以罪誅卽竄海島史雖不指島名以地考之隆安四年夏四月寇浹口入餘姚五年二月丙子又自浹口攻句章及滬瀆海鹽之敗自浹口復竄於海浹口蓋今定海昌國之間虎蹲蛟門之側也跡其出沒皆由於是則其巢穴容有在此者矣今之遺址爲偃王爲恩未可知也定海縣志在縣東三十五里吳謝壘案寶慶志一說並存蓋以偃王不以戰名故說孫恩加詳

昌國典詠 卷四

六四四明叢書
約園刊本

五斗王郎不控弦句章浹口漲烽煙若非鏡裏龍盤客鯤室誰能殪水仙

蓮花洋

盛熙明補陀傳元至元十三年伯顏部將哈喇歹來謁洞下杳無所見乃張弓引矢射洞而回登海舟蓮花滿洋遂驚異悔謝明周應賓普陀山志倭人入貢見觀音靈異欲載還國滿海生

鐵蓮花舟不能行倭懼而還之

案大德昌國州志日本國僧慧

諤自五臺山得瑞相欲返故國舟抵新螺礁不爲動諤禱之曰使我國眾生無緣見佛當從所

火種金蓮海鐵蓮須知非佛亦非仙此心不作風波窟
安穩乘槎到日邊

丁家礁

大德昌國州志丁家礁繇舟山解纜一餉可到
左大茆港右螺頭洋亂石嶄然起乎中間潮溢
則礁石汨沒皇祐二年遂作廟於忠義鄉之福
慶里建炎四年高宗南奔御舟次碇頭金人將
舟師追其後將及見赤旗數萬蔽海上金人沮
懼而退是夕提領海舟張公裕夢神人虎鬚魚

昌國典詠 卷四

七 四明叢書
約園刊本

服奏對上前自稱官位姓名公裕以聞高宗多
公之績制封文惠侯賜廟額爲景祐緒曾案李
心傳未深考海道沈家門在昌國縣之東北碇
頭在昌國之南判然兩地王明清謂欲攻象山
至碇頭是也由衢頭南出火燒門過竹葉山卽
碇頭一作旗頭旁接六橫山近鎮海梅山
海舟奮擊張公裕更助碇頭風雨威他日岳家軍不召
陰山定奏凱歌歸

戰洋

火種金蓮海鐵蓮須知非佛亦非仙此心不作風波窟
安穩乘槎到日邊

丁家礁

大德昌國州志丁家礁繇舟山解纜一餉可到
左大茆港右螺頭洋亂石嶄然起乎中間潮溢
則礁石汨沒而不露舟人弗戒或與石遇則
維楫俱亡令王與善爲之攻堅植表以示來者
屹然中流之砥柱定海縣志丁寔婦礁昌國令
王與善豎石表爲標記後圯里人朱文仁捐貲

昌國典詠 卷四

八 四明叢書
約園刊本

復之棄遣後又廢左營遊擊葉紀善斥俸修豎
湖來風逆猛相爭萬弩齊排萬馬聲左轉右旋帆力飽
中流一柱看分明

香火礁

大德昌國州志香火礁在馬秦大海中每歲三
月閒大魚揚鬣鼓鬣從大洋來會於礁之下定
海縣志一名分水礁與馬秦山相近

萬鱷千鯨擁急湍掀天倒海勢漫漫風流誰是任公子
笑引惇牛下釣竿

銅礁

大德昌國州志在胸山今衢山礁之石如銅水紺

碧色今名銅錢山案今石浦別有銅錢礁

黃頭郎笑蜀山傾海口誰汗阿堵名莫訝決波流不盡

望洋爭羨孔方兄

黃牛礁

明海鹽彭長宜瞿瞿齋詩稿普陀歸舟過橫水

洋風順波恬頃刻見黃牛礁喜而紀之詩云首

春泛海舟夜渡迷所向志心禮名山兼天任波

昌國典詠 卷四

九回明叢書 約園刊本

浪俄參彼岸回破除一切障舟師促歸帆橫水

仍瀆漾雲霧掃碧空螺鬟洗妙相蛟龍戢鱗鬣

龜鼉斂溟漲霽日何融融乘風潮始上推蓬正

穩流水天渺一望瞥見黃牛礁波紋蹙萬狀回

思去時路目眩神猶蕩人生苦海中業風高千

丈安得大智慧慈航發遐暢潮音天際落剎那

離海藏揮手謝陽侯殷勤感靈貺緒曾案彭長

宜字申伯崇禎十六年進士除上海知縣明亡

棄官隱山中遇兵豐山下傷脰垂絕復蘇悲憤

扼吭而死上海海鹽皆為之立祠黃牛礁定海

縣志形勝作黃由礁鎮定兩邑水程往來之半

青牛吞鐵白牛浮禮拜名山穩放流破浪乘風成底事

不如歸去跨黃牛

瀝港

寶慶四明志金塘鄉瀝港村又指使兩員一治

洌港一治岑江大德昌國州志烈港村在南開

慶四明續志吳潛海道事宜招寶山至烈港一

鋪一名獵港東北一潮可到傍近有七里嶼鐵

昌國典詠 卷四

十四回明叢書 約園刊本

杵山俱是小山每有風潮衝激而上不可置立

烽燧若天氣清明煙旗火號僅可相應或遇海

氣溟濛霧露遮蔽風雨晦明皆難應號烈港山

至五嶼山一鋪舟山志烈港去城北百十五里

逼近金塘山嘉靖三十五年都督盧鏜擒斬倭

酋辛五郎等三百八十餘人於此勒石更名平

倭港籌海圖編嘉靖二十二年閏三月官兵追

擣烈港賊巢王直敗走烈港地形曲折賊負固

盤據卒難進勦都御史王公孖躬至溫州閱圖

審形謂兵船雖多難以直騁乃令參將俞大猷
湯克寬分爲二哨部署既定大猷由烈表門以
當其前克寬由西候門進以防其逸謂賊一出
則一哨可以追勦不動亦可以全制也至是大
猷募熟諳山脈徑路之人侯得等潛入賊營期
以十一日舉火爲號而自移營木與賊巢止
隔一山分遣把總張四維屯龍山黎秀屯鄞甯
遙爲聲援夜四鼓侯得等縱火賊營煙燄蔽天
官兵乘之賊驚奔爭舟死者無算乃大敗走直

昌國典詠 卷四

十二四明叢書

約圖刊本

率精銳潰圍而出泊馬蹟潭軍門以大猷并兵
獨進雖破賊巢而違我節制使賊得逸深責之
又云官兵與賊戰於烈港軍人葉七死之七定
海衛軍賊王直負金塘烈港穴爲寇大將俞大
猷提舟師直入其港討擊火礮大發勝負未決
而我舟忽掛賊纜檣楫不施賊眾方逞七徑取
斧投水斫其纜未及斷賊以鎗中其項七呼曰
死矣吾必斷其纜竟連揮數斧纜斷而死俞舟
遂免後四日俞大破賊空其穴俞之舟入也有

二卒後期當刑因請閒燒賊碾以贖死俞許之
二卒從外海緣山越險幾有百里晝伏夜行潛
抵賊砦時夜近四鼓而賊方碾藥少頃困劇而
臥二卒卽其處焚火火藥橫發羣砦俱燄灼賊
方酣睡駭而突走墜水死者踵繼俞乘燄進舟
師崩之遂成奪巢之功又嘉靖三十五年金塘
之捷云辛五郎者宿寇徐海之偏裨也與陳東
葉宗滿麻葉輩同巢柘林攻乍浦圍桐鄉毒螫
吳越諸州郡其志欲吞全浙窺留都勢甚猛也

昌國典詠 卷四

十三四明叢書

約圖刊本

總督胡公憲欲滅之忌海與其黨旣而海受餌
爲我用擒其所惡陳東麻葉輩而遣其所歡以
歸倭島辛五郎在焉公密令總兵俞大猷等分
布海洋要衝而五郎則責之盧鏜鏜接密諭時
方對諸客食忽命治艦之金塘山客相顧莫知
所謂鏜自乘福船令子相督率哨船爲前驅次
日至金塘瞭見北洋有大舟揚帆而南令哨船
四散潛泊少選大船纓金塘之麓賊皆登憩鏜
知其爲五郎也令哨船叢射之繼以鐵礮賊以

手且搖且招搖者示勿攻擊招者示有所言也
相乃颺言曰欲打話須去爾兵器賊拍掌示無
而呼一董一董者一家之義乃倭語也有華人
從寇者曰吾乃胡總督爺招安放回者也相問
曰有牌驗乎曰有鏜招眾賊至舟旁慰藉之謂
五郎曰汝既爲軍門所遣豈可慢乎請至縣款
洽而津送之遂延五郎同舟餘派哨船分載每
載不過三四人多則不能容也五郎辭鏜厚加
禮貌五郎不疑宴至深夜鏜坐福船上層將臺

昌國典詠

卷四

十三

四明叢書
約園刊本

侍者引雙鏜上桅俄而哨船蠟聚鏜問之曰如
何相對曰是了五郎大驚請下哨船與眾夷同
宿鏜曰諾令左右送之穴梯而下至蓬戶外望
惟大海而已五郎悟欲赴水死左右不許曰臥
榻在地平下五郎度不能免浩歎就臥相縛之
翌日入定海關乃知賊徒俱已芟盡卽前夜起
雙鏜時也是了者乃復命也羣賊死時皆不知
軍門之謀愈訝哨兵敢行誤殺五郎亦自以偶
遇盧鏜被執不知其出軍門也嗚呼神哉後獻

倂告廟天子賜璽書獎公天下無不稱快云崑
山進士王宇撰讀史方輿紀要烈港縣西北五
十里東出海近金塘山俞大猷巡營木輿與賊
僅隔一山出奇攻之木輿蓋在烈港之東定海
縣志瀝港縣北八十里瀝表門東北海中金塘
瀝表之閘
雙鏜紅引智機深一董聲呼自就擒瀝表門高看勒石
莫將功業讓梅林

雙嶼港

昌國典詠

卷四

十四

四明叢書
約園刊本

寶慶四明志雙嶼山石珠山在東南舟山志去
城東南百里南洋之表爲倭夷貢寇必由之路
嘉靖間總制軍務朱公紘命備倭都指揮盧鏜
率兵堵塞之時朱公贈鏜詩曰梅港雙龍伏桃
洋一斧開彩旌麾日月金鼓駕風雷揮臺煙氣
落醜酒浪頭迴送子圖南去雲中起將臺唐順
之自乍浦下海至舟山入舟風惡四鼓發舟風
恬日霽波面如鏡舟人以爲海上罕遇是日行
六百五十餘里詩島夷頻不靜玉節遠何之誓

清萬里寇敢憚一身危閭卒精風侯吳兒噴水
嬉黃頭紛百隊白羽颺千旗擊鼓靈鼉應揮戈
海若隨龍驚冬不蟄鮫畏晝停絲昨夜波濤怒
中霄雲霧披天澄鏡光發風熒熒紋滋鄒衍瀛
洲數莊生秋水詞乾坤元莽閻人世自牽羈已
傍漁山泊還尋馬跡期日昇看晷轉途變試鍼
移雙嶼厓門險半洋礁石奇從來惟賊路今日
有王師待獻經營迹三山勒一碑

昌國典詠 卷四

十五

四明叢書

約園刊本

梅港桃洋一路開指揮上將馭風雷南天全仗雙龍鎖

不遣長鯨拔浪來

洩潭

乾道四明圖經洩潭在縣東北三十六里萬壽
院內境其潭在山腰石上深淺莫測凡遇旱涸
祈請輒應寶慶四明志宣和中旱簿尉劉似投
以詩曰未躍天衢臥寂寥碧潭流溢海山腰埋
藏頭角雖多日鼓動風雷在一朝既若有心成
變化豈能無意澤枯焦神蹤許爲蒼生起願擊
香車上九霄詩成而雨時人異焉宋陳郁藏一

話腴亦載此事史浩鄧峯真隱漫錄昌國洩潭

祈雨疏民亦勞止莫蘇就稿之苗天必從之願

需爲霖之雨蒸投鷲嶺祇禱龍淵灑道清塵肅

花幔而匝地升雲上氣溪水澤以盈疇凡我有

生敢忘大賜大德昌國州志辭主簿寶詩秋高

水壯雪飛濤巖木招風怒竅號不是玉虹低飲

澗白龍拖雨下山腰

辭寶字持志號耘齋少以文鳴及長以聖人執權賦

預鄉薦登慶元五年第調衡陽簿時史公彌堅帥湖南黑風湖寇相挺而起公被檄往撫諭將至洞有及其姓名者其酋忽言曰非四案潭在明作聖人執權賦辭寶真耶乃投戈而退

昌國典詠 卷四

十六

四明叢書

約園刊本

泉洩壘

潭底龍眠穩抱珠一詩驚起潤焦枯但存霖雨蒼生願

自有風雷腕下驅

岱山龍潭

大德昌國州志岱山龍潭依山之麓其潭有三

相去數步闊不尋丈深不盈尺禱旱投以尺書

則有物若蟹捧而入問有狀如鰻者躍而出或

誠不能感則既沈之書復浮於水

尺書大蟹捧雙螯雨躍靈鰻草木膏一紙浮沈誰拆看

欲尋龜殼問盧敖

菖蒲潭

大德昌國州志菖蒲潭在州西岑港之別嶼其潭深不可涯溪有菖蒲生其中歲旱則禱之又小壘潭在州西三十里遇旱則禱之有蜥蜴出焉郡國利病書岑港有龍洞其神甚靈異其出入地方可得而知竹葉向內則龍在內竹葉向外則龍在外海向有一人失足入洞中云洞直通響礁門洞內俱乾復得出萬曆二十六年有

昌國典詠 卷四

十七 四明叢書 約園刊本

施姓者因天旱祈禱無雨施願捨身為一方請雨隨至龍洞口投下繼而屍即浮起頃刻大雨如注

竹葉披風內外敷從龍雲氣不模糊為霖即是長生訣願採仙人九節蒲

桃花龍潭

定海縣志桃花龍潭在桃花山之腰洞口瀑布冬夏不竭欲雨先布雲霧布罩山頂相傳明時四明旱大嵩民人延巫航海巫先行過一洞信

步直入見老嫗與一小女理髮繫紅繩以為飾嫗曰汝從何來巫指洞以對嫗叱之速回遲則禍將至巫懼急出而洞已沒矣惟見偕來者望潭拜禱有一紅頸小蚶浮水面再拜而請之舟回將及岸風雨驟至歲大有民感之請於官建宮立碑以祀

年年柔翰慚春蚓欲學龍跳總未能輸與桃花潭上女赤繩一繫即飛騰

九節鰻潭

昌國典詠 卷四

十八 四明叢書 約園刊本

大德昌國州志九節鰻潭在州東五里畦塍間一古井耳有人於其中得一鰻歸而鬻之析為九將投諸釜怪風倏起視其鰻無有也他日復汲於井則鰻洋洋而出九節顯然鄉人神之以為龍遇旱必禱焉

淵靈一例博封侯笑爾屠龍技未優仙杖擲來成九節依然化去葛陂游

鄭山龍潭

大德昌國州志鄭山龍潭在州東大前村有山

危峭不可躋攀山之巔舊有石罅一村因采
樵浣垢衣其間視之則紺碧狀及其歸若有所
憑依譖言觸龍之怒故然遇旱禱之有金絲蜥
蜴者出緒曾案今在大展巖

脫將塵垢浣清漪怒觸驪龍未睡時此識欲徵天水碧
幻成蜥蜴漾金絲

天童浦

寶慶四明志建炎三年十一月呂頤浩奏車駕
乘海舟以避虜騎壬午定議航海己丑廢諸班

昌國輿詠 卷四

十九四明叢書
約園刊本

直獨神武中軍辛企宗有眾數千而御營使呂
頤浩之親兵姚端眾最盛於是扈從泛海者宰
執外惟御史中丞趙鼎右諫議大夫富直柔權
戶部侍郎葉份中書舍人李正民綦崇禮太常
少卿陳戩六人而所夕密衛於舟中者御營都
統辛企宗兄弟而已癸巳十二月御舟次昌國
縣戊戌四日金人陷越州己亥五日乃議移舟
溫台以避之庚子六日御舟發昌國縣徐夢莘
三朝北盟會編建炎四年正月朔車駕駐昌國

縣案所載日月稍異陳與義傷春詩廟堂無策
可平戎坐使甘泉照夕烽初怪上都聞戰馬豈
知窮海看飛龍卽指駐昌國胡仲孺箋註簡齋
詩集未能詳也熊克中與小紀敵眾以船攻昌

國縣欲追襲御舟時提領海舟張公裕引大船
擊敗之敵遂退籌海圖編天童巖居民百餘家
氣勢頗壯但力不支內有紫皮巖居民千數若
協力共守彼此可以無事內有鹿夫善射曾勝
倭寇宜令悉力防守讀史方輿紀要天同巖在

昌國輿詠 卷四

二十四四明叢書
約園刊本

舟山之岑江司東南其相近有紫皮巖嘉靖三
十七年胡宗憲遣奇兵出此搗岑港賊巢定海
縣志天童浦縣西四十里有天童浦縣西四十
里有天童山臺案天童一名蒲沙明嘉靖間胡
宗憲遣奇兵由天童逕搗賊船

臧舟策定呂忠穆履蹕功歸辛企宗安穩六飛巡海上
尖山合拜紫薇封

查浦

寶慶四明志查浦在東夏侯曾先地志云吳伐

越次查浦深入至此宜句踐不能忘也定海縣志北外洋乍浦石子岱山圖高亭壘外有浹港浦門案此查浦今謂之乍浦門在岱山之東故寶慶志云在東若平湖之乍浦則在西矣宋時此查浦屬昌國彼乍浦屬海鹽名相近而地不同也

蘇臺酒未醉夷光曾遣戈船下北洋若使會稽成席捲甬東早已屬吳王

昌國典詠 卷四

三十四明叢書
約園刊本

螺頭門

清金陵朱緒曾述之撰

大德昌國州志螺頭山去州半潮有島突起其狀拳然如螺又云螺頭巡檢司在州之西隅七里舟山志螺頭山城西南有島突起海心其狀如螺故名籌海圖編舟山螺峯巡司雖有官署之設而巡檢弓兵俱散處民居螺頭壘與螺峯烽埃離城十五里賊易登犯須遷民入城則可

昌國典詠 卷五

一四明叢書 約園刊本

又鹿頸烽埃近海民少勢孤常被賊登犯須遷入而後可讀史方輿紀要螺峯寨在舟山所城西南十五里有巡司定海縣志螺頭門縣西南二十里出此即橫水洋案舟人云螺頭有內外二山

外螺頭接裏螺頭小島圍青海面浮水陸關鍵嚴結寨西郊牖戶亟綢繆

竹山門

大德昌國州志竹嶼山與舟山對境兩山夾峙

上有叢竹附潮而上者由此謂之竹嶼門舟山

志竹嶼山西南海中隔岸止十餘丈叢竹生焉

定海縣志竹山門縣西南五里自縣治出此始

至螺頭門緒曾案衛頭至竹山門五里道光辛

丑三月建築土城設久安長治二門八月十七

日舟山復陷定海鎮總兵提督銜葛公雲飛壽

春鎮總兵王公錫朋處州鎮總兵鄭公國鴻死

之自十二日暎夷駕船欲駛進竹山門被礮轟

擊桅斷竄去復據五奎山支搭帳房亦被礮燬

昌國典詠 卷五

一四明叢書 約園刊本

復欲駛入吉祥門攻東江浦俱被擊退會天連

雨轉戰泥淖口土氣益振夷船知不能攏岸至

十七日遂由陸路打曉峯嶺蠶擁直突三鎮激

厲將士自辰至未殺傷相當夷復迭進夾攻我

軍寡不敵眾兼以鎗礮紅透不能裝打三鎮相

繼同歿於陣蓋拒戰已六晝夜可謂使士用命

誓死報國者矣緒曾至舟山父老指其地曰此

廿里墩乃葛鎮殉難處也此竹山門乃鄭鎮與

副將託安泰殉難處也此曉峯嶺乃王鎮殉難

處也議立祠肖像合祀之

記曾海水漲紅煙慘淡陰雲雨血天六晝夜軍酣戰關
旌旗猶繞土城邊

十六門

舟山志龜山之外曰淡水坑山東江山青雷頭
山石衙門山東南海中數峯突起潮汐經流其
中考為十六門亦名為十六門山讀史方輿紀
要昌國城東七里有青雷頭山高二里與城西
五里曉峯山對峙青雷頭東南海中又有石衙

昌國典詠 卷五

三四明叢書
約園刊本

門山數峯崛起潮汐環流亦名十六門山定海

縣志石弄山離縣東南約二十里山石玲瓏雲

影穿漏潮汐經流其中動盪不已旁為十六門

又呼為石衙山緒曾案此石弄山與寶慶四明

志所云石弄山在東北開慶續志所云石衙山

至壁下山一鋪大德昌國州志所云石衙山在

海之東北不容牽混為一山以此在東南彼在

東北也船自南洋來者自蝦歧山大德志蝦崎
定海縣志作

入十六門對青雷頭山一名畢家灣

羣峯攢簇浪花堆八卦排聯八陣開船向蝦崎山下轉
揚帆一瞬到青雷

灌門

大德昌國州志灌門去州兩潮屹乎中流有一
砥柱望之如人拱手而立水滙於此旋涌若沸
舟行必浮以物殺其勢而後過焉風雨將作有
聲如雷震驚百里歲旱有所禱則持鐵篆以投
之水輒騰起雨隨應或者為蛟龍之窟宅云定
海縣志灌門縣東北又灌門龍潭縣北四十五

昌國典詠 卷五

四四明叢書
約園刊本

里案灌門大德志屬金塘鄉今屬富都八圖干

礮壘

雨隨鐵篆沸驚潮颯捲雷轟撼斗杓驤首天吳愁地裂
手扶鼉柱倚岩堯

響礁門

籌海圖編胡宗憲策普陀之賊與岑港之賊相
距不遠陸路必由碇齒水路必由響礁門乃檄
諸將設伏以待已而賊果二處奔沈家門又云
碇齒隘與外港相對詳岑港定海縣志響礁門縣

東北礁石玲瓏海潮相觸其聲洪洪然故名案
響礁門在縣西北云東北誤也

鼉擊鯨鏗雪浪衝廣張金奏宴蛟龍髯蘇文筆雄如海
但校桑經辨石鐘

沈家門

大德昌國州志沈家壘即其地籌海圖編嘉靖
三十六年四月賊舟漂至沈家門副使王詢總
兵俞大猷令把總誘降五十三人悉斬之又云
陳錢馬蹟羊山大衢乃沈家門之外藩也沈家

昌國典詠 卷五

五四明叢書
約園刊本

門水寨乃信國公所設以四山太遠難於聲援
不若沈家門與定海哨報易及策應沈家門寨
原係水操之地有軍防守近皆取回番船去來
皆泊於此內有趙壘南壘蘆花壘大展壘去寨
三五里向者居民築牆大嶺阻截總路賊徑由
水路或閒道而入累被劫掠更須慎守庶克有
濟明曹時中臨沈家門水寨詩才微身老一書
生水寨春深坐閱兵山到極邊看有色潮回大
海聽無聲分屯里堡三軍肅關檻雲旗五色輕

擊楫中流思共濟敢於生死負皇明舟山志舟
山周圍皆海賊舟無處不可登岸而東之沈家
門切近烏沙門去普陀不遠一望海洋浩淼無
際島夷相連嘉靖乙卯夏倭船百餘隻突犯普
陀而入據之遂至東浙鼎沸及征兵七省費金
錢四千萬幸而撲滅皆由平日無備致此禍患
實南北兩洋扼要之區為舟山最衝要之地宜
設重兵以守之今參將標下官兵分派三信一
時有警策應不前深為可虞案地之極衝者沈

昌國典詠 卷五

六四明叢書
約園刊本

家門誠重矣而漸出塘頭亦正不輕皆昔倭
奴流突之處今屬盜賊窺伺之區次衝者岑江
碇齒二處塗淺易登入犯為易讀史方輿紀要
沈家門寨在舟山所東八十里原係水操番船
去來皆泊於此內有趙壘南壘蘆花壘大展壘
去寨不過三五里以大嶺口為阻截要路嘉靖
中倭賊多由水路或閒道而入官軍擊卻之興
程紀由沈家門經蓮花洋石牛港鉢孟山共七
十里至補陀山海防書分哨於沈家門初哨以

三月三日二哨以四月中旬三哨以五月五日
由東南而哨歷分水礁石牛港崎頭洋孝順洋
烏沙門橫山洋雙塘六橫雙嶼青龍洋亂礁洋
抵錢倉而止凡韭山積固大伏頭花腦等處為
賊舟之所經行者可一望而盡由西北而哨歷
長白馬墓龜鼈洋小春洋兩頭洞東西霍抵洋
山而止凡大小衢灘澥山丁興馬跡東庫陳錢
壁下等處為賊舟之所經行者可一望而盡定
海縣志沈家門縣東過此即蓮花洋明季備倭

昌國典詠 卷五

七四明叢書
約圖刊本

此處為第一險要又聖母宮在沈家門舊祀戚
公繼光李公應詔張公可大劉公草堂於後廊
今改天妃宮舟人云沈家門對日本長崎對馬
島西風七晝夜即至其國元蘇天爵滋溪文稿
長葛縣君張氏墓誌銘朝廷以日本梗化不庭
出師征之由慶元汎舟入海凡七晝夜抵達可
島去其國七十里潮汐盈涸不常舟弗能進乃
縛艦為寨碇鐵靈山下考元史大德三年三月
癸巳命江浙釋教總統補陀僧一山齋詔使日

本詔曰向者世祖皇帝嘗遣補陀僧禪僧如智
及王積翁等兩奉璽書通好日本咸以中途有
阻而還自朕臨御以來綏懷諸國薄海內外靡
有遐遺日本之好宜復通問今如智已老補陀
僧一山道行素高可令往諭附商舶以行庶可
必達蓋欲成先帝遺意至於惇好息民之事王
其審圖之先是浙江平章伊蘇特爾勸帝用兵
日本帝曰今非其時因其俗奉佛遂遣一山齋
詔往使而日本竟不至明彭長宜泊沈家門詩

昌國典詠 卷五

八四明叢書
約圖刊本

嶼門深峭海波平戍艦頻傳夜柝聲欲訴離愁
眠未穩起看殘月趁潮生案塘頭嘴有半升筍
臺

信國威名靖海疆弓刀諸將肅祠堂西條金澤多文庫
應有奇書達貢航西條掌書記山井鼎七經孟子考文
凡例稱其國足利學有未板五經尾
張國校細井德明刊羣書治要凡例稱寫以藏其金澤
文庫歐陽文忠公云徐福行時書未焚恐仍有古帙為
佚存叢書
所不載者

黑棋子灣

大德昌國州志黑棋子灣在烏石塘之左其形

圓巧紺滑欲得之者必禱於神撒黑豆易之元
黎山則安南志口陀伎山有地園遠在海濱出
墨石棋子色可愛余嘗遊之逢老者云此山百
餘里又有出白棋子俗傳仙人常弈於此

黑棋灣對白棋灣點漆圓成石子斑小吏銜花來白事

墨雲暎過爛柯山爾雅翼古今注墨魚為海若白事小吏郵全祖望云聞人呼墨魚為花枝

白棋子灣

大德昌國州志白棋子灣與黑棋子相對望螺
蚌之甲隨潮上下淘洗成質瑩潔光潤欲得之

昌國典詠 卷五

九四明叢書
約園刊本

者撒白米易之案寶慶四明志棋子灣在候濤
半山之間有小沙灘其下通海出石棋子人欲
取之先以白米或黑豆撒其中翌日得棋子各
隨其色又大德昌國州志下塘在州東蘆花村
突起一塘一百丈其中皆小黑白石子則知黑
白石子非一處也宋章鑾賦石棋子詩靈巖山
下石採拾比珠璣圓璞生雖小文楸數可圍紛
紜星並貫黑白玉爭輝值賦神工妙磨礪俗巧
非透關經手耐爭道轉心稀落落無情甚誰為

勝負機沈括夢溪筆談案文蛤即吳人所食花
蛤也魁蛤即車螯也海蛤今不識其生時但海
岸泥沙中得之大者如棋子細者如油麻粒黃
白或赤相雜蓋非一物乃諸蛤之房為海水礮
礪光瑩都非舊質蛤之屬其類至多房之堅久
瑩潔者皆可用不適指一物故通謂之海蛤耳
螺甲隨潮白暈生不須圓璞色晶瑩麻姑玉粒輕拋擲
要賭珠宮角一枰

聖母池

昌國典詠 卷五

十四明叢書
約園刊本

大德昌國州志聖母池在道隆觀聖母殿之前
方廣僅尋丈舊創嶽祠邑有急足洪姓者詣究
州東嶽山取杯水歸鑿斯池以豬之人有禱者
攜紙錢一束投其中神或顧歆則倏然而墜若
有掣之者不然則泛泛於上或者視此以為禍
福之驗又云漩潭在州北五里僅一堂坳水汲
之不竭遇旱則祭之又云聖池在黃公壘之南
舊傳此地聚落未成時有二尼築庵於古木下
修浮屠業不知何許人後徙居者眾二尼遁迹

去遺跡尙存中有池瀦水清冽可食至今以聖

池名云

碧霞宮裏儼垂旖引得靈源勝卜爻大海細流都不擇

莫輕杯水泛堂坳

芙蓉洲

寶慶四明志學校淳熙十六年令王阮徙於縣

南之芙蓉洲王應麟大成殿碑記淳熙間王令

遷於芙蓉洲西挹秀涵清氣勢閎偉俊父偉士

含章挺生緒曾案王阮字南卿九江人學於朱

昌國典詠 卷五

十一四明叢書 約園刊本

子著義豐集有昌國偶成詩諸邑皆山可夜馳

風潮阻渡連天地期會申嚴限日時願以此身

從幸免忍將人命逼諸危蛟門山下須與死食

肉諸公留別昌國五首妄意絃歌學子游迄今

知不知添起潮頭去未休全家雖脫海波危舊

東風雨味十奇孤奉明恩顏似甲卻嘆兒女笑

治無三山月淡白銀闕九老春閒紫石宮此去

能爭幾多地恨無仙骨到其中當時底事之身

歸萬物何曾與我違最是臨歧更腸斷海鷗獨

自掠船飛扶桑曾見日騰空老去歸田不復東

一覺短簷他日夢昌國秩滿次陳糾祖行韻昔

起來惆悵曉窗紅昌國秩滿次陳糾祖行韻

陶淵明亦愧明貝瓊遠清堂記距昌國縣東三

今年督郵者百武有洲曰芙蓉其水縈紆南流以入於海洲

之上皆蓮芙蓉其異名也當三伏時紅披翠掩

雖鏡湖三百里亦無以過定海縣志芙蓉洲宋

學宮地明時猶植芙蓉隱脫翔有詩今建營署

案宋明植荷而脫翔詩乃詠木芙蓉所謂拒霜

花者詩云海上年年發舊叢數枝蕭灑傲西風

暗拋秋雨裏香腮冷起夕陽中品舟山志脫翔

題非是無人愛自恨開時景不同舟山志脫翔

昌國典詠 卷五

十一四明叢書 約園刊本

乞翔詩翔和其芙蓉詩通郡目為脫芙蓉則非

詠昌國芙蓉洲明甚定海縣志蓋不知爾雅荷

芙蓉之訓致有此誤也又陸宇燁芙蓉洲感舊

詩云不見霜花發故叢又云碧鳥新來失樹紅

皆與蓮不合

鳴琴善教憶南卿頰沼紅芙蓉蓋擊何事攀芳吟木末

秋風秋雨不勝情

平水聞

舟山志洪常平水聞記昌國古滄洲也其地在

三韓日本唐開元二十六年始置翁山縣後廢
於大曆六年因部使者以蓬萊安期富都三鄉
寧六年尉以主竊寇事越三年創縣名昌國至
五年置尉以州洪武初改昌國縣守禦千戶所
三年湯和起遺懸海居民內境四里仍屬於鄞
國湯和起遺懸海居民內境四里仍屬於鄞
十重加繕理正統八年戶部侍郎焦宏整飭
邊務以其城廣兵少不足於守備遂裁其東北
隅而小之即今之疏也城內舊有河浦通海潮
城不為之患時必與工濬導庶其少弭事屢
能訖無成功化五年欽差總督備倭都指揮
使張公勇案部至此視之歎曰斯城河及溝浦
皆隨潮枯溢苟不有以處之則軍士庶民非
利有弗獲而久則恐反蒙其害非小也於是相
度厥宜鳩工庀役壘石固基伐木壘岸創開一

昌國興詠 卷五

十三四明叢書 約園刊本

座名之曰平水內以疏河流之泛溢外以禦海
潮之怒奔不踰月而告成謹枯溢啓閉之節獲
灌漑之至可以益豈惟息其勞沾其利雖淫雨
潮之香至可以益豈惟息其勞沾其利雖淫雨
揮千戶等官謂公是役其費也微而其利也
廣蓋紀其績以示將來莫大於此矣文用勒於石
余惟天下之勞咸樂從事如文王之經營靈臺而
人則雖有勞咸樂從事如文王之經營靈臺而
庶民之來白公之穿渠引涇而民享其利甚約
而惠之美所及者甚博乎公總督沿海兵政凡
之所在必使人得博乎公總督沿海兵政凡
必深思遠計盡其心而不忽自非識見超異處
事周詳倦倦以體國愛民為念曷克致此可書
也余故述其建置城守沿革而陶積重建平水
備書以爲記俾後人有所攷焉陶積重建平水
開新硤記南穴城爲水門以疏導之濠隄缺開

雨連日則潦水浸淫其內潮汐至則波流衝激
其外且時當水涸濠隨潮枯溢成化間總督張
公勇患之乃爲石隄而闌於濠之南口啓閉以
時內外無患曰平水歲久利漸匪昔總督劉公
翺把總顧公邦重以茲闌值離方不宜見剋於
坎議別築其右咸弗果行近大尹宋公繼祖胥
厥風水地宜亦欲塞舊闌引東北山水上流注
諸濠而西爲新闌允符前議且於地方形勝民
田灌漑兩利仍慮事弗易集則僉軍民善事者
六人治之量括占田家以助工食仍許田隄外
隙塗償眾勞費經畫將行去任弗就嘉靖壬戌
都督盧公鏗究心邊務謂茲舉切要茲地移文
有司請遂行之命前六人共備銀若干給在官
羨餘銀若干量收占田人銀若干令量移舊
開石爲新闌之需引東北水注之濠而以時蓄
洩橋其舊址填其外浦之南口由是壅水常盈
獲嚴形勢利一也浚治內溝俾無盈縮之患利三也蓄
勝利二也浚治內溝俾無盈縮之患利三也蓄

昌國興詠 卷五

十四四明叢書 約園刊本

淡滋禾並濟占田者利四也修治海塘可田二
百餘畝公私獲益五也具此五美成前諸志
民不勞而事卒舉公之惠利四方於茲爲大矣
且公究心邊務不特此耳內外樹柵嚴城守也
增置敵臺便武用也受降有亭紀殊功也文筆
有峯萃明秀也書院鼎建崇儒教也是雖休未
盡峻引身南旋向冀嗣茲此地者武美繩休未
武功文治漸被無涯吾鄉亦何幸哉余聞先賢
張津知州而開湖濬水亦何幸哉余聞先賢
田蕭振奏委士豪以修陂塘迄今民享其利而
功光史策今三公碑心邊務若此前人豈得以
專美之哉盧公諱鏗字子明別號北山浙之
括蒼人分董其事遂鑄諸貞珉以示將來張可大
張下僉請其事遂鑄諸貞珉以示將來張可大
平水開碑銘文見張莊下

南濠舊壘疏桃漲西硤新開引稻腔潮信淺深量玉尺

地形高下測金繩

筆硯池

大德昌國州志蜃池在州治前周數十丈方廣如一亢陽不枯舊傳蜃潛其中一名筆硯池定海縣志今皆為圃緒曾案今池乃新鑿在衙山下

拈得龍鬚詠十洲暫供遊戲海雲秋風雷豈是池中物下視人間即墨侯

貢士莊

昌國典詠 卷五

十五四明叢書 約園刊本

大德昌國州志舊於往宋咸淳年間令姚濂任內以邑民張氏爭訴立嗣縣以其家產業五分之一申於府於臺於部照應隸學置莊專為貢選士人計借之費歸附後至元十七年升州存縣以本莊田糧歸學後縣革而學亦廢有司收係入官逮至元甲午欽奉聖旨節賅贍學地土產業及貢士莊諸人毋得侵奪欽奉如此雖屢告於有司迄今未歸諸學

年年挾策踏槐黃席帽隨身孰辨裝多少寒儒頻頻首

莫教零落歎荒莊

曉峯鹽場

乾道四明圖經曉峯鹽場在縣西十二里柳永字耆卿以字行本朝仁廟時為屯田郎官嘗監曉峯鹽場有長短句名留客住刻於石在廨舍中後厄兵火毀棄不存今詞集中備載之寶慶四明志東江鹽場縣東八里有子場曰曉峯在縣西十一里屯田郎官柳永耆卿嘗為監場有長短句題壁因兵火失之

昌國典詠 卷五

十六四明叢書 約園刊本

乍晴天氣是處閒花芳草遙山萬里雲散漲海千里潮平波浩渺煙村院落是誰家綠樹數聲啼鳥旅情稍遠信沈沈離魂杳杳對景傷懷度日無言誰表惆悵舊歡何處後約難憑看看春又老盈盈淚眼望仙鄉隱隱斷霞殘照 大德昌國州志柳永字耆卿嘗為曉峯鹽場官其鬻海歌云鬻海之民何所營婦無蠶織夫無耕衣食之源太寥落牢盆鬻就汝輸征年年春夏潮盈浦潮退刮泥成島嶼風乾日暴鹽味加始灌潮波埒成滷滷濃鹽淡未得閒采樵深入無窮山豹蹤虎跡不敢避朝陽出去夕陽還船載肩擎未遑歇投入巨甕

炎炎熱風燒燄堆積高才得波濤變成雪白
 從瀦瀦至飛霜無非假貨充餽糧秤入官中得
 微值一緡往往十緡償周而復始無休息官租
 未了私租逼驅妻逐子課工程雖作人形俱菜
 色驚海子民何苦辛安得母富子不貧本朝一
 物不失所願廣皇仁到海濱甲兵淨洗征輸輟
 君民餘財罷鹽鐵太平相業爾惟鹽化作夏商
 周時節緒曾樂者卿詞為大家其詩不多見然
 如此篇洞悉民瘼實仁人之言定海縣志失載

昌國典詠 卷五

十七四明叢書
約園刊本

此詩當補入也大德昌國州志本監舊皆鐵盤取土於六月雨汛之間八月始起煎亭戶雖有上半年之逸若雨汛時分陰雨稍作則歲計遂誤大德元年管句黃天祐始以上命巧出方略改鐵盤之制用篾盤隨時起土一如此他處所春即起煎亭民遂得時用其力預期補辦無歲終積欠敲扑之峻實多便之人皆稱黃天祐之有才亦典史劉子敬顏園潘厚處置規畫之力云

積雪飛霜韻事添曉風殘月畫圖兼耆卿才調關民隱
 莫認紅腔昔昔鹽

岱山鹽場

葉適水心集邵叔豹墓誌銘自名司顯吏之外

碎曹猥局無不因人廢與其職任雖卑近而倖
 門弊穴更為深遠而難治傲胥豪客之所噬攫
 官人徒縮氣肯首反得善譽奮而自為未嘗無
 禍也君之子持正為余言君監岱山鹽場時事
 曰場監至賤也走書乞索日至州縣將有土木
 之書或備借夫力上司拋買提刑司所謂五分
 頭子皆於此乎取提鹽及州縣吏每年帳例緡
 錢千餘他所須求尚不預舊常使甲頭持狀名
 借於官謂之請本煎實剋亭戶錢以應諸費君

昌國典詠 卷五

十六四明叢書
約園刊本

初到受前官牒亭戶借欠錢至六千百餘萬曰
 已豁其半矣昔吾受牒蓋不至此君大驚曰鹽
 買可足耶陰白於州為從上遏絕者盡罷蠲之
 痛抑諸費甚不可免則買鹽有餘錢足以當矣
 久之亭戶爭煮鹽中官君為益買零鹽隨稱輕
 重得錢增十八九右曹上其最進官者再焉君
 又禱提鹽除紹興年借欠亦且千萬自是亭民
 不復笞訊始著新衣置家具君亦治版庾飾公
 廨內外堅好矣岱山在明州昌國縣大海際居

者數千君直其爭訟焉聚歎服不干守令曰自有岱山場未有也吏與甲頭故爲借狀者方大怨君竟訟君妄用鹽本錢有司考君一任無借狀用四百餘萬雖買鹽之餘蓋本錢也君無以解笑曰法當是奈何惟處置耳太守極諒君無私得免然瀕於罪矣世常曰仕不舉職爲可媿然而有人之過有法之患夫法不爲人計也所以待有罪而已世不獨貪賄不材而後得罪於法也廉善有能亦未免焉人之情無以勸而法

昌國典詠 卷五

十九四明叢書
約園刊本

有所待則雖名司顯吏將畏悔而不勇爲者多矣況如君者亦幸而免爾而猶勇爲之夫台碎曹猥局之事無一不治而後得稱治其治之難如此然則余於君之事所以載之詳者非以君能監一鹽場爲可傳也嗟夫君諱叔豹字隱甫姓邵氏溫州平陽人

五分頭子因斯民猥局誰知大有人能使水心傳一事
亭民歡喜著衣新

嘉芹

大德昌國州志去洲兩潮在黃公壘之北其水多芹取古人食芹之義因以名

依詹舊種公孫竹緣砌新鋪道士裙慈苾興渠辛味滌采芝人去采香芹

大德昌國州志物產有公孫竹道士裙苾網經大蒜苾苾慈苾蘭苾興渠

爲五辛

塗田

大德昌國州志塗田乃海濱塗汎之地有力之家累土石爲隄以捍潮水日月滋久塗泥遂乾始得爲田或遇風潮暴作土石有一罅之決鹹

昌國典詠 卷五

二十四明叢書
約園刊本

水衝入則田復塗矣往宋元筭二百七十六頃八十三畝二角六十九步歸附後至元十八年方計畝起租每畝科徵米二升爲儉於產米以鈔折焉每升準中統鈔六分半則是每畝止科一錢三分此朝廷寬大之恩至元貞二年例行括勘應干隱瞞田土郡委州判提調自是出首叢然是歲秋省委官到府增塗田租稅州縣率皆承意郡機州判赴府講究州判謂吾州周遭皆海每歲秋潮捍海之隄必有決者不惟無米

可收抑且無田可種實非其他州縣一方一隅
濱海之比若照例增租在官之入至微斯民之
害無窮甚非朝廷愛養基本之意具狀請於省
委官請於郡時路達嚙嚙齊月列亦有志於民
力主是議遂得不增象山亦援此例額亦仍舊
自餘州縣增多矣今有叢考至大德元年遂笮
田四百六十一頃九十九畝三分視往宋已倍
其數續奉上司指揮科徵正米而田又略增大
德二年至笮田四百九十八頃四十六畝八分

昌國典詠 卷五

三四明叢書
約圖刊本

實徵米九百九十六石九斗三升三合四勺四

抄由是無寸田尺土之遺矣

州判講究塗田租米狀昌國州判官馮福京照驗八月十一日承奉總府指揮為塗田租額句請當職赴府以定擬事奉此於今月十七日到府與各州縣官講究得海塗田畝各州縣地勢高低不等元科租額不同切照昌國在環海中概管四鄉一十九都除富都一鄉與本州連陸外其餘三鄉都分俱各散在海洋不比其州縣止是一邊靠海所有塗田周圍皆鹹鹵浸灌民自備本築埭隄岸使塗田田畝失時不修隄岸崩漏田復為塗其近隄岸田畝與鹹水為鄰止可種稗其去隄岸稍遠與山脚相接方可種稻若遇久旱則鹹氣蒸鬱禾盡枯槁或久雨則山雨泛溢禾盡於沒惟雨水調勻方可得熱然後及其他州縣下等所收之數又本州別無淡水河港其山水注下去處皆

與潮通鹹水易以衝入以此並無肥田近據民戶畢信等告亡宋時每畝納鹽會十八界五百文歸附後起徵省米八合七抄有零折中統鈔一錢二分以中熟年分秋成價數言之亦可買折省米二升今擬塗田每畝科徵折省米二升似為相應矣觀此申述則州民之貧困亦可想見豈忍重明鄭真榮陽外史集遂初老人王厚賦之哉

孫傳署郡直學塗田在昌國為豪民侵奪力陳

其事皆得復

又云袁文清所撰四明志或有讒於僉憲沙木斯鼎將毀其板老人白之王太守元恭曰袁公中朝名臣書法高古不可毀也太守持書以進僉憲驚悔命與舊志並行屬老人成續志若干卷

氣蒸鹹水敗田禾無定風潮斥鹵多獨狀民艱陳月列

昌國典詠 卷五

三四明叢書
約圖刊本

忍書上考博催科

舟山井

至正四明續志舟山井去海不數武沙泉甘美

可愛山海相接而鹹淡之味漫異

廩君何事播神通鹽井羞他慣攘功君子淡交甘割席

幼安不與子魚同

惠泉井

大德昌國州志惠泉井在州地一里深可二丈

許往宋端拱二年所鑿也大旱不枯間有白蛇

出現井之靈歎

銜珠往往出靈淵莫問隋侯報德年桑苧翁無觀海目
浪誇第一惠山泉

宮井

勝朝殉節諸臣錄錦衣衛指揮王朝相舟山破

護魯王妃嬪入井用巨石覆之自刎其旁諡烈

愍董戶部守諭續九歌宮井篇序云舟山既破

陳氏宮嬪張氏義陽王妃杜氏投井真足有光
史冊矣內監劉朝錦衣衛王相昇巨石填井以
滅其迹乃自刎於井旁其辭曰吾欲挽天孫百
尺之白練兮為苴拭此胭脂痕裋衣襟濯入地

昌國典詠 卷五

三三四明叢書
約圖刊本

兮飲痛於九原今已矣兮蒼蠅無聲安得日御
兮朝至尊君朝賦壺餐兮落夕而賦烏鶯歲大
稔兮其荼苦兮采葛采葛含奇冤今已矣兮梧
花雨滴落且繁銀牀夜半依離魂君為國恤兮
遵海而遁菴獨何心兮戀此故宮羞景陽之辱
井兮二八飛香繞齒寒痛昇石以滅迹兮死者
不朽生何以自存乃齒劍以覆井兮陰燐負壑
痛孤猿耿正氣於掖庭兮忠智締結捐頭願
盧者四星爭光兮亦何愧勃貂之與管蘇粹湛
盧之颯颯兮飲飛失色動地呼願從地下以祓
此不祥兮海雲 全祖望鮎埼亭集宮井碑文舟
幽咽冥蒼鳥

山何以有宮蓋明亡以後監國魯王一旅居焉

故自稱曰宮也宮之井何以傳志監國元妃陳

氏死節地也井以宮冽宮亦以井尊也予考甲

申北都之難熹廟烈廟二后死之其時文武殉

難諸家新樂侯劉公眷屬最多而劉文正公馬

文忠公汪文烈公陳忠愍公成金兩忠毅公其

母若妻若妾皆有死者其家居聞訃自裁則王

節愍公妻說者皆以為中宮陰教之隆致之也

然是猶澗槃遠葛之所聚舟山彈丸一區耳辛

卯之役元妃死之其文武殉難諸家亦有若定

西侯張公眷屬最多而閣部張公尚書李公朱

公兵曹李公都閩吳公之家死者不一其家居

昌國典詠 卷五

三三四明叢書
約圖刊本

聞訃自裁則給事董公妻夫孰非笄珈大節所

感召歎抑何其先後相合若符節也元妃為吾

寧之鄞縣人世居鄭丞相府大池之北其女兒

歸於吾家僉事府君監國次於會稽張妃主宮

政而妃以丙戌春入宮會西陵失守監國自江

入海保定伯毛有倫扈宮眷自蛟關出期會於

舟山道逢張國柱亂兵殺掠擁張妃去妃在副

舟中急令舟人鼓棹突前追兵不及伏荒島數

日飄泊至舟山監國已入閩旁皇無所歸吏部

尙書張肯堂遣人護之得達長垣監國見之流涕始進冊爲元妃在海上者三年風帆浪楫莫副山河之容己丑黃斌卿伏誅始復入舟山先是張妃在會稽其父張國俊頗豫事元妃歎曰是何國家是何勛戚而尙欲爾爾乎至是親族有至者悉遣之辛卯大兵三道入海監國以蛟關未能猝渡親帥師搗松江以牽其勢蕩湖伯阮進居守敗死大兵直抵城下安洋將軍劉世勳議分兵先送宮眷然後背城一戰元妃傳諭

昌國典詠

卷五

五

四明叢書

約園刊本

辭曰將軍意良厚然蠲鯨背之間懼爲奸人所賣則張妃之續也願得死此淨土乃止城陷元妃整簪服北向拜謝投井而死義陽王妃杜氏宮娥張氏從焉錦衣指揮王相內臣劉朝其掌宮事歎曰真國母也豈可使其遺骸爲亂兵所窺相與昇巨石填井平之卽共刎其旁而死董戶部守諭爲作宮井篇哭之乙未英義伯阮駿再下舟山訪得妃死狀卽其井封之立碑致祭而表言於監國加謚貞妃丙申舟山又陷其

碑被仆嗚呼天下之善惡一也景陽之辱高頴正法於青谿不可以爲暴則舟山之烈雖經易代而表章不可以爲嫌當妃未死嘗遣閒使至中土寄書訊其女兒歷敘蛟關之掠長垣之困琅琦之潰健跳之圍操尺組而待命者不知凡幾鬼火以當庭燎黃檗以充葛藟猿鳴龍嘯以擬晨雞苟延餘息荼苦六稔然到頭終擬一死以完皎然之軀其節素定如此向使當時史局諸臣達之與王之前豈有不動色矜歎附之二

昌國典詠

卷五

五

四明叢書

約園刊本

后傳中者柰何并此不食之泥湮沒恐後是皆不知聖朝旌厲幽冥之盛者也嗚呼惟翁洲卽前宋之厓山也況元妃爲鄞產是尤吾鄉所最有光者宮可亡井不可沒矣乃議爲勒石而附董戶部之詩以當些辭董詩見前厲志白華山人稿宮井篇注并在鎖山下總戎府後上有榴樹父老相傳卽所謂宮井詩云將軍壽國母事在倉猝間蛟門惡浪高千尺井中之水清且寒簪服北向拜從容沈入淵井上紅榴今不死滴滴淚落井中水殘碑側臥無人讀字畫依稀沒荆杞西營老卒飲馬來飲罷移纜行復回空山夜半作風雨望帝魂歸心

骨推

白龍魚服欲何之簪珥禕衣向北辭誰道艱難惟一死
不留辱并拭胭脂

昌國典詠卷五

昌國典詠 卷五

毛四明叢書
約園刊本

昌國典詠卷六

清金陵朱緒曾述之撰

昌國儒學

寶慶四明志學校熙寧八年令張懿文初建學於縣東一百步中為大成殿元豐八年令張節記於石元祐七年簿尉顧復經又徙而東四步崇寧中廢士附於鄰邑政和六年令張如晦重建主簿詹之綱記淳熙十六年令王阮徙於縣南之芙蓉洲嘉泰開禧間令葛洪建講堂曰申

昌國典詠 卷六

一四明叢書 約園刊本

義攻媿樓公鑰書其扁而記之置田養士自紹興五年令韓晦始嘉定令鄭伯謙聞韶趙大忠相繼增益之學校始具體矣宋錢棣遷學記下佳山水為不少而人才亦何所不有然其生也成之何如耳蜀之先人才固未之聞也及文翁常衰一臨其地興學校風化布宣講作新激勸之術始隆寧為之輩出迄此遂甲天下昌國之邑於明始隆寧為之輩出迄此遂甲天下昌國之來幸觀學宮燕穢隘不足為焉慨然有意遷之簿廳之南隙地數畝襟山帶水秀氣盤結若天造地設然陰陽家以為宜居於是辨方正位營新經始命工度材不愆於素殿宇講堂次第以成東序甫畢君以通理去官且捐緡錢三十萬

以助其役其秋棣實繼之念前志不可不成乃命師長王三錫直閣周端朝專董其事明年功成師邑人應俸榮膺鶚薦而一舉登第遠近歎豔咸勃勃有仕進之意焉吁昌國之為邑自若也何向之乏才而今乃闢出也耶棣非敢貪天之功亦適其時爾棣秩滿將歸諸生請書於石棣非老於筆墨者雖然其敢有辭嗟乎天下佳山水為不少人才亦何所不有在人作成之何如昔之閩蜀今於昌國見之自是而往安知昌國人才之盛不伯仲閩蜀耶諸袁變重修昌生其魁之紹興癸丑十月朔旦記

昌國典詠 卷六

二四明叢書 約園刊本

非無賢令尹也而教養一事多闕而未修蓋不知當務之為急哉或者其興若廢與兵刑財用不同非有朝廷之威令大吏之督責姑徐焉未見其獲戾故雖有所興為一二焉而止其勢越也人顧不遠哉誠心無所畏慕而自為之裔孫也典刑猶在喟然興歎曰事豈有不可為者哉其力或不足痛節冗費可也檢核奸吏無俾滲漏如是而後其用足矣左之右之莫不如志而或創於今而增於後其用足矣左之右之莫不如志或序翼於今而增於後其用足矣左之右之莫不如志祭器祭服由是列門庭由是壯焉象設由是崇焉承學之士皆得優游涵泳乎其間而又有終焉焉焉以警厲之焉飛魚躍咸受其賜無有終焉焉不盡其職乎且南安小郡耳而東坡蘇公記學之成稱其甲於江西禮殿講堂觀大邦君之居典領得人能使其居廣大理固也今侯之所

為其亦若是也夫雖然侯之設心非獨茲事嚴
所報之典則家土是崇邱家乏之民則委積是
豐戶籍之覈所以便往來也凡是益於民者是究
是圖如恐不及矧惟禮義教化之宮其汲汲也
宜如之何侯名大忠三衢人擢進士科居官所
至可紀無忝厥祖王應麟重建大成殿記淳熙
矣余是以深美之
之六年聖上導善崇化以風四方綠字穗書敷
黃雍泮聲序音不冒出日昌國大夫沈君壑
始至時禮殿之建適六十禩矣朽蠹弗葺諸生
進而言學肇基於縣治之東淳熙間令王阮遷
於芙蓉洲西挹秀涵清氣勢閎偉俊父魁士舍
章挺出道源文振賢茲毀鼎新之對揚雲
漢作鳩工之休德君曰承流宣化職也敢不肅若
齋用鳩工士歡趨之參預應公嘉其意論帥守
顏公佐以郡少府錢公經始於明年莫春越季
夏殿成般爾獻巧校校尖尖貌像惟肖如臨沂

昌國典詠 卷六

三四明叢書

泗侑坐厥食端重嚴赫降庭止式禮莫愆冠
追戎縫瞻儀與敬規模麗習文風藹如明季君
入監相與祀於學既十年諸王恩之請著石章
應麟無窮夫澤也辭弗獲嘗讀臨之象曰君子以
則教彌敦故周官族讀法視州黨尤密今之
學郡修而邑弛為吏者政急而化緩期會訟獄
日鯁鯁畏慮不越几案而夫子宮牆漫不省視
昧者無知怠者視蔭弁髦武城蒲密之言而諉
曰難治教化不明淳樸浮朴散治不愈難與然
非獨今日也漢東儒雅最盛令長垂意學校
者惟均陽仁著於傳何其寂寥哉沈君能急所
緩唱然興於學可謂知本者也夫子慨道不行
託興於桴海是邦近天子之光家詩書人孝悌
吾道其行矣縣大夫雖不得備其業以俟道化
之成後之君子弗替引之時髦士規聖矩賢毋
以小成自畫學必正大志必高明言必忠信行
必篤敬進而經綸天下之大經退而居賢德之

約圖刊本

昌國典詠 卷六

三四明叢書

善俗俾者彥縉紳顧瞻楹桷肅然改容曰此賢
令教思之澤也將見立於朝者為臯夔入其里
者比鄒魯尚富墨筆以 宋陳著本堂集送兒沆
頌化民成俗之功云
赴昌國學錄 來汝沆吾語汝蓬萊鄉仙者寓汝
今豈為禮佛去吾聞翁洲好學舍兵後絃歌尚
存魯巨麓柱牢蒼壁島長鯨截斷紅塵路黃公
高節凜猶在茹侯英標儼如觀芷翁器業國有
傳逸少詞章家有譜扶桑日出長精神滄溟際
天豁襟宇潮水生落見乘除風濤澎湃嘗險阻
耳目所接皆為學身心所會當約取且氣清明
方見性人生涉歷終知趣規模要放面前闊議
論要到心平處雪霜之際有陽春波浪之中有
砥柱異文當如父師敬平交當以兄弟處我雖
自餒毫何及汝方年壯力須努力欲長教在我
傍深恐獨學為汝誤不然何以資一出幸猶近
只寸半渡駕言曰仕實從游自昔成人出幸苦

看汝意氣勉自強味哉言語謹毋負東雲在望
道路開西風吹送衣裳舞消受宮牆飯幾孟勝
舉家庭祿三釜歲月箭過歸 大德昌國州志淳
熙十六年令王阮徙於丞廳之南役未竟去官
其後令錢棟始竟有成嘉定甲申令趙大忠葺
治增益然始創之規逼仄環學皆水終不能有
所展拓歸附後陞縣為州學亦隨之至元十七
年各道設提學司實五品官遂借擬教授董學
事至元二十九年省府例以下州不設教授止
存正錄至元三十一年七月朔日大成殿三開

自遷學後殿宇頽圯往宋淳熙丁未令沈壑重

建郡人尙書王應麟記歸附後元貞乙未州判

馮福京始至首勉學之士協力修理由內及外

爲之一新時學正馮庚苟世英也州判記天下

一者何道是已故三代之得天下以仁維

此道也恭惟皇帝嗣登大寶嘉與天下洗濯維

新他未違及首發明詔惠顧學校使秀於民而

爲士者有爲飛魚躍之樂無風震雨霖之恐所

以尊崇斯道者恩至渥也下士一介臣福京授

不稱聖朝新美之造日與諸生是究是圖承肩

德之心遂集羣力殿堂齋廡修理既完訓蒙有育

逼仄環學水雖欲充拓無下手處矣諸生來言

昌國典詠 卷六 五十四明叢書

曰吾黨於此既幸而獲全性命於國家混一之

餘聖恩隆厚又幸而絃誦之安其業游息之有

其所其可自同於蚩蚩之氓而不知帝力之有

哉迺者護持廟學之詔旨未克寫諸琅玉以寓

諸生觀省迪厲之忱茲不爲大闕典乎於是鳩

工確石刊諸禮殿之前晨薰夕鑪不照對越雖

邈在滄海洲不啻天威之咫尺也因謂諸生曰學

既修矣諸生亦知所以自修者乎修德之教所

以率性保命也修辭立誠所以居業進德也修

其天爵所以置人爵於無足言也苟准夏屋渠

如修學何古不能入大學已習爲治國平天下

之道故胸中所有皆尊主庇民之事業用之則

其道行不用則其學全決不虛生虛老於一世

以任重道遠之事施諸身以一日必聖天子向

用斯道之意先聖先師羹牆如見洋洋乎是所

望於諸子也乃撫儒籍之預有力於修學者刊

其姓名於下方以爲來者之勸云元貞丙申仲

秋日潼川 齋舊有四造道進德存心成性至元

馮福京 壬午本學申請提舉添置兩齋曰明善曰立禮

其實析四齋之屋而爲之至正四明續志學在

州治東一百四十步泰定閒重修者知州韓搏

也清容袁先生桷記清容居士集昌國州重修

學記 青社韓侯莅是州踰年願瞻學宮頽圯日

攸居鉤稽負通治其島租墾其閒田究整是先

泰定元年十月甲子役與用工二千有八百計

緡錢二千有五百匠石日食之費則諸生欣輸

以佐於是殿堂門廡庖滷池徑咸得備具謂桷

昌國典詠 卷六 六十四明叢書

由翰苑歸俾記其事桷嘗聞之先儒以明理爲

綱領識誦漢唐不少假濂洛之說盛行誠敬忠

恕毫分縷析一以體用知行概而伸之由是齟齬

之童悉能誦習高視闊步轉相傳授禮樂政刑

之具獄訟兵甲之實悉有所不講侈口避席謝

非所急言詞之工則曰吾何以華藻爲哉考

覈之不精則曰吾何以援據爲哉吾惟理是先

惟一是貫科舉承踵駸駸乎魏晉之清談疆宇

南北之不相接乎視聽馴至社亡求其授命死事

循其故習者哉昌國惟是明海中州士之興起

自紹興始著樓宣獻公袁正獻公楊文元公尚

書深寧王公嘗記其建學論堂之本始揚雄有

言曰百川學海而至於海善喻者也首之以訓

詰之精次及乎名物度數之密由小成至於大

成非積年不能至於周官鄉三物之數詎止執

一而爲傳道之要殆不可也委流安行由蹇

而達訖歸於海學之功也侯名搏字仲舉既興

其學乃復儒役以為大比之勸學之士子能不
自厲敢執筆以俛是役也州之長某州同知黃
棟孫判官張信吏目陳益學正孫恕皆協
贊其事泰定二年二月癸卯具官袁杓記

集袁州知事孔君墓誌孔昭孫男孔正瀛昌國

州儒學舟山志學於洪武二十年與縣俱革先

聖殿惟存銀杏一株巨至百圍微風則虎吼龍

吟人不敢褻故老禮敬之指為杏壇乃唐宋時

所植之物近年毀於颶風過者莫不與歎定海

縣志康熙二十六年題請設縣建學宋時學基

在芙蓉洲因先建營署難於移易知縣周聖化

昌國典詠 卷六

七四明叢書 約園刊本

卜地於縣治之東地土窪下治址甚艱始事於

三十年四月至八月告竣動支正項錢糧建造

雖規模粗具而凡百草創大成殿則時葺時圮

殆無虛歲啓聖祠兩廡湫隘拜跪無展足處而

櫺星門泮池等缺略甚多知縣繆燧急欲改建

奈工鉅費重不敢輕舉經營籌度藉認墾之資

積數年之久至四十二年始克鳩工庀材修整

大成殿擴蓋啓聖宮兩廡鑿泮池駕石梁易櫺

星門以石築週圍墻垣照壁建兩齋公署規制

較宏遠焉知縣周聖化新建邑學記 夫子之道

循簡要而易守行其道則其地治廢其道則其

地亂人見其亂也以爲夫子之道無益於有事

之時而不知所以有事者由於細吾夫子之道

向使有土者而皆植網明紀去逆效順一由吾

夫子之道則固可歷萬年而無事定海自唐開

元二十六年設翁山縣至今九百年間廢興不

一其地可謂多事矣唐爲縣僅二十年建學不

久惟宋熙寧六年迨元至正之末皆立邑校而

明時廢學亦且如之則夫千年之久斯土之得

陶淑於吾夫子之教僅三百餘年而不被吾夫

子之教者反六百三十四年何其不幸也今上

御極二十有六年海寓承平聲教四荒凡遐方

絕域向所委棄而無有者悉疆理而甸邑之於

是鼓鐘之音鏗鏘於鼉鼉之窟玉帛之端焜燿

於猿狖之鄉而夫子之學建矣是時聖化承乏

茲土幸董其役自材木治埴黜聖之粗以及磬

管豆籩之細靡不躬親輦革輪奐雖不能頡頏

上庠之都麗而規模氣象亦略具矣落成之日

教諭陳君昌言訓導徐君悅率多士而進曰公

昌國典詠 卷六

八四明叢書 約園刊本

能循循然湖之泳之不舍晝夜而進則放乎海
無難及其原委既合萬壑同流而尚曰學海不
至於海也哉此吾所以宣教知縣繆燧重修儒
布化爲定之多士勉者也

學記 學制之廢久矣釋奠釋菜四時之禮不行
出師獻馘之典概不可問今之學視古何如哉
然置官師其中有弟子員姓名之籍高下其文
章行誼而勸懲之則敦教化美風俗未始不由
乎此定自開元置縣建學霞山之麓宋改昌國
遷學於芙蓉洲紹熙後文教大昌人材輩出元
陞邑爲州學如初至明廢爲衛所三百餘年鼓
鐘之音寂焉無聞我皇上崇儒重道壽考作人
邊塞荒微之地皆設學校師儒木鐸以振興士
習園橋觀聽視昔尤盛焉而定邑展復僅三十
年學圯毀已久前令周君經始於此規制未備
第遷秩去其遜於他邑無怪也燧承乏茲土次
第構理學乃得成雖禮文不追夫古昔章采不

昌國典詠 卷六

九四明叢書
約園刊本

遠乎大邦然規略釐然具舉不敢或墜且懈以
從事竊思先王教人亦多術矣春秋禮樂冬夏
詩書皆所以養其性情消其邪慝而明人倫其
大者也故子輿氏云謹庠序之教申之以孝悌
之義後世善言教者莫加焉定邑地僻而風淳
民愿而士樸桀黠儂巧誣罔之徒游蹤罕至故
無異端邪說以惑眾無奇技淫巧以炫俗無紛
華靡麗以蕩心平居里巷往往多孝悌節義之
風垂諸誌乘班班可攷夫以淳龐之民習易良
之俗施之以涵育加以以薰陶優游漸漬其樹
立豈復可限量若徒以兩祭之期奉行故事則
古之學制雖存猶廢也其將何以敦教化美風
俗也哉余既自愧其未逮而不能無厚望
於後之宰斯土者故記其大略於碑陰

定海
續志莊綸涓重修學宮記 考定海邑志學校肇
於宋之熙寧至崇寧
而廢復建於政和淳熙閒至洪武而又廢夫宋
之末造不足言明太祖開基英主而瀕海之地

不能昌明文治令挾策讀書者僅附於鄰邑之
後塵豈時會限之耶抑由人事之缺略也我大
清底定海邦康熙二十六年展復定邑即題請
建學以地勢窪下築址甚艱至三十年前令祥
符周公始落成之厥後颶風暴雨侵蝕不時數
十年來不無損壞加以乾隆十四年風潮殿宇
兩廡尊經閣或傾一角或圯數楹聖祠明倫
堂盡爲廢址署令蘇公即詳請修葺估報工料
銀一千零八兩余莅任始領諸帑詣學核估傾
圮者乃浮於原冊因集邑之紳士語之曰學官
新有日矣第曩者估報閱今六年矣六年中能
無颶風暴雨乎能不朽一木不塌一瓦乎仆地
舊料前估計可改用者能一一收貯無失乎紳
士皆曰不能余曰如諸君言則領數必不敷矣
堪復經胥吏之手今與諸君約推殷實廉幹數
人爲董事帑數悉付之購木登鳩工匠宜速爲
計海外之風潮諸君所知也勿以經費不敷草
率從事俟用罄再商於余紳士皆曰諾於是諸

昌國典詠 卷六

十四明叢書
約園刊本

董事咸以修葺爲己任余公餘輒詣學督視核
其出納工逾半用告罄矣余乃捐俸以倡幸士
民勸勉踴躍爭輸鉅工已竣猶餘數百金遂令
樞門外皆砌以石坊顏近聖內外綠紅牆牆俱
用磚俾弗壞并遠接御書樓周遭計五十二丈
又牆內舊河濬深改方四圍石岸與泮池相表
裏泮池地低穢水易入稍築高明倫堂另鋪磚
地開射圃建文筆峯皆前估冊內所未有嗚呼
備矣夫定雖海外僻邑然志乘所載科第林立
若重桂坊之爲孫氏父子建鳴鳳坊之爲趙氏
叔姪兄弟建其尤彰明較著者也卽袁正肅之
產於岱山未有確徵而誠甫張公之定海人則
斷斷無疑者夫先生亦海外一諸生耳始之發
解繼以大魁人才之生豈必擇地哉況今茲邑
人士經累朝培植時會既值其隆而賢序聿新
人事亦差勝於昔從茲茲科第人文繩繩未艾也
余日望之矣至董事諸君勤幹廉正不辭
勞勩其有功於學校不少例得附書

山川佳處毓人才大海波瀾更壯哉悟到百川都是學
就中何患取桴材

育德堂

大德昌國州志小學在學東廡之南舊名親仁
齋歲久不治至元貞乙未州判官馮福京重行

修蓋扁曰育德堂專以為訓蒙之所請鄉之耆

宿郭薦應季挺任教導焉且為之記天生烝民

民之秉彝好是懿德則孩提之童其德固已渾

然及其長也是宜天下無不善之民矣然而世

有汗隆之異人有君子小人之分豈天之降才

爾殊無乃教導之不興而習俗之汚染也康節

邵子曰上品之人不教而善中品之人教而後

善斯言豈欺我哉自非生知安行之上智其有

不待品節裁成之教而能德勝其氣哉是故古

之君子欲明明德於天下者自上自王宮國都下

至比閭族黨修造之教廢敢一日而廢然而教

之心有其序未可躐等而施故蒙童之養聖人

慎焉白胃子之教助興於帝朝而家有塾黨有

庠小學之教遂盛於周里今散見於傳記者悉

能食教右能言教唯以至於視聽坐立洒掃應對

莫不有教迨十歲而出就外傳則其朝夕之薰

小子之學焉可廢也遂掃地一而新之厥工既
訖乃取蒙養之義書育德堂三字扁焉專以為
發蒙之所而記夫教之不可遺者 緒曾案馮福
如此庶不負菁莪樂育之造云 京即與郭薦等修大德昌國州志者或訛為復
京非是其郭薦亦昌國州人州志小學云州判
官馮福京請鄉之耆儒任教導焉福京志中自
述其事皆作福京元祐四明志州判馮福京登
仕郎大德二年三月到任舟山志并定海縣志
皆作福京乃知今鈔本大德志題州判潼川馮
復京撰復當作福乃傳寫之訛

昌國典詠 卷六 十二四明叢書 約園刊本

負劍從容習少儀海鄉蒙養勵初基潼川政績分明在

更有耆儒坐講帷

翁洲書院

大德昌國州志翁洲書院在州治之北宋師機

應公僚讀書之所登進士第姪應公僚接踵魁

多士官至參政於淳祐年間理宗書賜翁洲二字

因以為名宗族姻黨之子弟肄業於中聖朝混

一各道建立提學司首以應翹孫任山長而江

浙行省例以為闕本院素無田產翹孫於元貞

乙未帥其子姪撥已分產隸書院公其出納以

為教養之資州判官馮福京記翁洲書院往宋

立取要官薦登政府此奮勇退歸榮故鄉翁洲

為昌國別名理宗書以寵光其居第先生遂翁

扁書院延師其間率其子弟及族之人與夫鄉

之俊秀皆造焉講肄程式一遵晦庵之公白鹿

洞規矜佩贊禮樂晉秩宗乃為一行省例取以充

先生遺世越三十年大元混一皆行省例取以充

山長之選既受檄謂無以養皆望洋而不至

則以其族之儒而耆者董行親辭去白之州

已歲在乙未日天定者以省親辭去白之州

俾學正攝聞諸府遂次第以達行省之聽繼準

命下詰問資糧之有無存沒之當否州謂院既

無寸產士又隸於州庠教養咸闕不可徒冒其

名具以實告行省幾去其闕先生之猶子全軒

昌國典詠 卷六 約園刊本

翔孫義形於色曰不可使家世詩書之業自我

而墜乃輟已分田隸書院公其出納以贈師生

告諸提舉司轉聞省人議建之遂得不廢首選

延陵何君燁之來任山長事實大德改元之蜡

月也乃瀝龜朋之吉載刊鹿洞之規爰采新田

重恢舊觀於是君來言曰書院幾廢而復興

子實與聞其事願為之記以示後人嗚呼士無

志古道之行久矣三代盛時五家為比家有塾

焉五百家為黨有庠焉為庠者三十而後合

於鄉即遂也遂有庠焉為庠者三十而後合

之國若庠若序何可深計則無尺地而不興

振無一民而不受教雖免置則無尺地而不興

道藝人之三載大比王拜賢書實井田中德行

見豈若後世之郡邑或百里或千里而後有一

學又必俟有司之建立縣官之經費哉往宋初

造有四書院亦自是邈乎無聞今書院再創於翁

迫其意甚古自是邈乎無聞今書院再創於翁

洲不惟繼志述事以有得於窮神知化之妙且

將推一家禮義之澤以漸沐其鄉里又使黨序

甚偉非志於古道而篤於力行者能之乎因發

余之緒言告夫二三子者以為切磨之益參政

公書院之創為宗晦庵之學像而祠之所以使

來游於經術講論殆偏平生精力萃在論孟學

庸之四書蓋謂學者必學於此而能得夫窮理

正心之方以為修己治人之本故為之章句為

輯略又設為或問惟恐勤之不明發之不盡

所以嘉惠後學之盛心可謂勤且忠矣今其書

具存上自公卿大夫下至齊民之小子莫不家傳

而人誦固宜君子得聞大道之要小人得蒙至

治之澤若大學序言之矣數十年來庠序日

廣而道學愈不明士籍日增而心術愈不正其

實認而無乃學者誤於耳目之見聞不能真體

昌國典詠 卷六 約園刊本

覆訓釋詳明析事理之精微無毫釐之滲漏故

讀之者一開卷間口未絕吟而其理已粲然畢

陳於前不待思索皆自以為有得迨夫卷方釋

手一回顧之頃則向者粲然畢陳之理已若空

中之華罔然復無所見然則暫曉了於手披口

吟之閒不浹洽於躬行心不得之妙信奚益哉此

道幾為聖經之贅疣蓋不善讀書者之罪也謝

顯道嘗以記問之贅疣蓋不善讀書者之罪也謝

語之是知誦言而忘味者則言乃道之障礙伊

川程正公以易傳授尹彥明曰只說得七分學

者須自體究是知由辭而得意者則辭乃道之

筌蹄此伊洛諸老之成而後學悉皆引而不發

優而柔之使自得實有以見夫道體之大全非徒從

其深造自得實有以見夫道體之大全非徒從

事言辭而已也昔王文公註易或曰加詳焉使

學者易知不思則知也非自得之知旨哉斯言此

將不慮不思則知也非自得之知旨哉斯言此

其為後學慮者此豈訓詁諸儒之所及哉孔子曰學而不思則罔思而不學則殆孟子曰心之官則思思則得之不思則不得也二子其思之乎猶待警發鞭策乎所學所得果何物乎道是也六經皆載道之文然道非心外之物願思與不思耳思之思之而又思之若有神物以通之超然而覺頓然而悟洞洞屬屬之輝全心皆道膠膠擾擾酬酢大道即心出處語默之間造次顛沛之頃以至起居飲食之微將無須臾而非道心之形著矣思至於復何思哉達則道行於世非己之達窮則道藏諸身非己之窮行藏係道己奚與焉矧今聖明御極詔天下郡國養士且議行貢舉制猗歟盛哉二三子何患乎道之不行也余他日於山澤漁樵之間聞有自海濱而應聘者必將以爲翁洲之士也二三子其誠思之則無負全軒作新書院之意亦何君遠來開堂之所樂也堂舍若干椽田土若干畝此有司之事故不書大德戊戌正月望日記

昌國典詠 卷六 十五 四明叢書 約園刊本

至元四明續志翁洲書院在州治北宋穆陵舊扁之名以賜參政應係入國朝其孫翔孫元貞間撥田創基建禮殿奉宣聖燕居像別建祠祀先賢朱文公十一年爲颶風所仆延祐七年同知干文傳鼎建禮殿臺門至正二年山東朱延鸞起蓋東齋舍三間四年知州徐敬建講堂三閒西廊齋舍三閒爲祠堂以奉葺址先生蘭坡先生全軒先生六年山長曹性之重建天台應奎翁記 明東南斗絕地自是以來皆濱渤矣去郡治不遠三十里而外土突出海中曰

翁洲在昔或爲甬或爲翁山皆以地稱縣於宋州於今遂爲昌國海面際天環州境微舟楫罔通吏非迫士非隱農工商賈非甚昌昧利不獲已肯至然山川號名勝者若蓬萊安期祠陀塗迦之屬類怪奇神異眩耳目竺宮梵宇參錯其間棋布星列不可勝數以故鄰封接壤殊方絕俗梯航而至者惟知尊禮仙佛求所謂清淨寂滅一言片語囂囂然去焉至於堯舜禹湯文武周公孔子之道六籍之學概未有聞也故宋參政臨海侯葺址先生應公餘先徙自台常有激於斯即讀書故地爲書院以來應者理宗嘉之爲書翁洲二字爲之扁未就而卒皇朝旣一函夏首崇學校元貞大德間先生之孫全軒公翔孫克紹先志率羣從子弟割己產爲田若干畝以贍士作先燕居堂祠文公朱子像一規白鹿洞成式卒成書院事上其狀行省相君偉之尋授公山長員以主教事後遂爲常選至大末改元之前年歲在丁未秋颶風大作院毀不支一

昌國典詠 卷六 十六 四明叢書 約園刊本

木昉延祐庚申至重紀至元戊寅垂二十年稍復故殿宇儀門成於知州燕公赤不花同知州干文傳鼎東西廡爲屋以間計者六東成於山長朱君廷鸞西成於知州事徐公敬益以講堂三閒規模視昔有加會公考最解綬去山長天台曹性之直學鄞人林大昌相與僇力蠲俸於己貸鏹於人增覆瓦之未櫛者完齋廬之未構者飾棠桷之未墜者崇垣墉之未築者退講堂以闢其庭之未裕者居宮牆外下車創意庶務弊拓者未幾郡守王元恭敬父下車創意庶務弊易廢舉飭庠序政教志愈篤一日山長白事府署上侯曰先生分教地遯矣哉莅事得無懈乎對曰明公之志遠近聞之疇敢不力因陳其故如前所云侯稱善旣退案地乘謙獻賢究本末謀勒石以昭前烈以勸方來庶補侯意矣奎翁參預公族孫客節久宜得其詳徵文爲記奎翁竊惟夫子嘗欲居九夷矣嘗欲乘桴而浮海矣見聖人之心不以絕遠而忘天下也翁洲當大

海之口海外諸番於是乎觀聽使為後之徒推其尊禮仙佛之誠而知尊孔子之道齊求其聞清淨寂滅之念而求夫六籍之學則書院之設於是不無助於聖教而聖朝之德之化亦可宏也已可無紀哉孟子有言能言距楊墨者緒曾聖人之徒也愚於有功於書院者亦云

案大德志以翔孫為僚猶子延祐四明志宋理

宗出扁以賜參知政事應僚以其孫翔為山長

至正續志亦以翔孫為僚之孫余考之而知大

德是而延祐至正皆非也馮福京是而應奎翁

非也考進士題名應僚紹熙四年進士應僚嘉

定十六年進士注云伯僚又應翼孫景定文京

昌國典詠 卷六

七十四明叢書 約園刊本

山榜三年進士注云祖侯世系分明翔孫與翼

孫兄弟行馮福京與翔孫同時謂為僚之猶子

必無誤理迨至正續志乃敘葺址於蘭坡之前

僚字葺址僚字蘭坡已不知僚叔而僚姪矣皆

延祐志孫翔之文誤之也定海縣志人物條以

翔孫為僚猶子古蹟條又以翔孫為僚之孫自

相矛盾寶慶四明志敘人嘉熙元年童子科應

翔孫注云僚孫僚姪可無歧說矣劉仁本羽庭

集送童士珍由翁洲書院山長調浙東憲按志

滿詩昔從鄞海得奇逢奕奕衣冠禮樂雍春滿

翁洲生杜若霜飛憲幕采芙蓉盡官東瀾觀風

好卻夢西湖歸興濃別酒一杯歌一曲片帆江

上挂雲峯案仁本元末依方國珍幕中據此翁

洲書院信國遷徙始廢

聖度申天繪燕居人談白鹿洞中書端平御墨珍元代

博士門牆劫火餘

岱山書院

大德昌國州志宋咸淳癸酉里人魏渠等請於

昌國典詠 卷六

七十四明叢書 約園刊本

郡以岱山廢酒坊空官地建立至元三十年本

處鹽場官徐應舉朱許芳遷於市宋咸淳癸酉

昌國縣令趙與沅舟山志藝文元趙與沅當作宋岱山書院

記岱山居昌國縣蓬萊鄉之西斷海中環以鯨

魏方真等聯詞請於縣為轉聞於府制使蒙

翁劉先生如所請給舊酒坊基撥直債舉助

以繕數千縣亦有所捐以相之邑寓王一桂趙

若表請許君定職教導癸酉冬閣學本翁陳先

生閻閣之初落成馬先生朝家之柱石吾道之

津梁正學之儀準宜是學之克始克究許君遣

二子請記歲月與沅以謾聞辭弗獲書院有記

嘗聞之矣朱文公於石鼓則曰養其全於未發

之前察其機於將發之際善則擴而充之惡則

克而去之呂成公於白鹿洞則曰拒先儒淳固

於嶽麓之餘風服大學離經辨志之始教張宣公
嘗試察乎事親從師應物處事是端也苟能充而
達之則仁之大體不可得乎及其至也苟與天地
合德與鬼神同用至於武夷精舍出其鄉善其徒
之筆亦曰元晦儒者也方以學行其鄉善其徒
非若畸人隱士遁藏山谷服氣茹芝以慕夫道
家之流也是數者天下之名書院也記之者皆
天下之名君子也今岱山書院不範諸此將奚
範歟想夫潛心游志於此則尊吾德行格諸詩
書茂藝夫潛心游志於此則尊吾德行格諸詩
崇效天尚高節而抗浮雲斯無愧於斯矧斯地
也昔有名卿徐大農恭先有舉首朱進士介有
布衣許止齋乎以文行孝義為鄉閭倡有開斯
學許君請曰茲下無已定輪與方新士友相聚
言曰熙寧立邑以來吾地特海嶼耳淳熙間宸
寵以鎮龍名山川改觀諸鄉老負笈於慈湖黎
齋二老之門師友漸摩儒風日盛今又祠先聖

昌國典詠 卷六

約園刊本 十九四明叢書

以儀後進居賢德以善俗是有功於名教也請
以名岱山書院不亦有光於斯道有迪於後人
哉愚載思之士有志於詩書道義映雪囊螢冬
不爐夏不扇雖蓬編繩樞環堵蕭然一性之充
麗澤云乎哉道尊大宇明窗淨几良朋益友切
吾德行海岱也師友淵源汪洋洋大肆吾學問
岱也事業日以彰聲名日以起吾聲譽海岱也
有舍生而取義雖膏岱不吾壓吾節義海岱也
若希孔孟之徒苟能效石鼓白鹿岳麓武夷之
成規縱未孟孔孟荀周寧不朱張呂韓乎縱未
能朱張呂韓寧不徐魏朱許平善則善矣猶自
恕之論也若夫充石鼓擴充之善固自白鹿淳
固懿實之風率岳麓天地合德之神宏我夷學
行其鄉善其徒之學則充其徐魏朱許者可以
朱張呂韓矣充其朱張呂韓者可以孔孟伊周
矣有志竟成斯不負蒙翁之所以教庶幾乎淳
熙之中人以上者此今日祠先聖建書院之意

也 又淳祐元年八月黃震岱山書院記 四海明枕

郡居天下極東而中於海為昌國縣又其東而
中於海為岱山山尤環在鯨波浩渺間去三韓
幾一航而士生其間往往多俊拔置鄉書登
庫而擢高第躋膺仕者踵相接非山海碩大之
氣之所鍾而能爾耶余固聞風而為之興起久
矣一日土有於岱者忽航海過余而言曰朱
文公歎佛老之區徧天下至於學海而為一
縣而僅一置蓋謂講學之地不可不以不廣也況
岱山阻大海士雖欲攜簞負笈一至於郡邑而
可得士果何以麗澤之也古者五百家為黨不
有庠今岱可三千家而反古者一黨之不若咸
熙七年魏渠等因請於郡太守劉公澈即酒坊
基創岱山書院以兩先聖而講其說劉公既捐
公帑又歲減酒息錢乃得請鄉先生定席泉比
與鄉之人士日藏修游息其中距今五年而書
院大槩成矣願為記以發其意余聞之益敬而

昌國典詠 卷六

約園刊本 二十四明叢書

歎曰岱山多土地之偏而學之正也我宋三百
年崇尚正學所以涵養成就配天其澤者於是
不可尚矣請因以學之正者而言之夫所謂學
之正者何也理有自然而然歷萬世不可變者
正也天高地下萬物散殊莫不具此自然之理
人生其間秀於萬物莫不具此自然之理
為三綱五常細於萬物莫不具此自然之理
有不不容不然而堯舜禹湯文武以是而見之
事吾先聖孔子以是而見之垂訓皆未嘗加毫
末於是墨子所謂正而已風氣日開世變日下
子清淨佛氏寂寞非正也韓子闢之復於正老
子者過高功利者過卑非正也濂溪周子河
程子又闢而復於正每異論必得一正論以
救其後天右斯文若信乎此理之正出於自
然者終不可得而磨而世乃又有借周孔之說
售佛老之心謂心即道直欲用大舜除心道
入井之心謂心即道直欲用大舜除心道

立之論以為證謂六經為註脚謂孝悌為支離
謂講學為邪說幾於前聖所未有之論時則有
若文公出乎其間又辭而闕之天地為之重開
日月為之重明有人心者宜知所向方矣柰何
好高之士習憤其說猶或卑正學為不足道而
必其說之勝不知此非文公之言也吾先聖孔
子以來相傳之言也非吾孔子自為之言也天
地間自然而然自堯舜禹湯文武以來斷斷乎
不可易之正理也夫豈加毫末於其間而必欲
外立一說以求勝耶岱山之講文公之學正矣
然世之攻其學者多也其幸精思而實得篤信
而力行使正論日興異論日消海隅蒼生日出
之地聖朝崇正之化洋洋流動 至正四明續志
端於此占之矣敢敬書以勉

至元二年 元世祖及順帝皆有至元 州判官許

廣大興建設顏子像以配享仍給富九都沙漲

昌國典詠 卷六 三四明叢書 約園刊本

塗田以供祀事許廣大為記 舟山志州判許廣

到任記 明鄭真榮陽外史集送岱山書院陸山

長盛時文治似唐堯庠序煌煌碧海遙藩省故

人多薦剡瀛洲仙子失招邀沙田如草秋無雨

鹹地浮花夜上潮講道從容雲榻靜閒將風物

寄清謠緒曾案慈湖楊簡絜齋袁甫蒙齋劉敞

許孚字正齋魏渠字方真而主講席者許定也

定海縣志列許孚於元人之末而朱介許定潛

德弗耀余案俞勉 大德志俞勉字勉道宋政和

在東京夏昞為博士鄉之游上庠者郭維詳郭

昞於此案舟山志定海縣志俱未載郭維先生

墓任正之 薦隱德弗耀公忍貧力學預鄉薦一

舉擢進士第初調德安民曹試令 王文貫王安

建陽分刺台城遷匠簿知廣德軍 鳴弱冠薦於

道 大德志王文貫字貫道以詩學 丙戌進士第

調儀真校官秩滿司鑰左帑尋除架閣掌教麟

甲午再薦擢寶祐癸丑 至正續志文貫精毛氏

進士第終於婺水學官 詩說以輔氏為宗從遊常數十人奉化汪元春

慈溪黃震俱以議論政事稱於時文貫由是名

益著錢大昕云至正成化二志俱以宗道為文

貫之弟惟奉化志以為時敘子非也朱介 進士

無其人所謂舉首進士 許定許孚魏渠郭薦應

蓋特奏進士宋有此科 季挺 大德志小學在學東廡之南舊名親仁齋

且為之記案郭薦即同修 大德昌國州志者志

末有郭薦等 應翔孫明章 通經史術數中丞

申繳文牒 薦之不從歸授 朱樞 字守真廣讓有恩義焚券

山下邑令表其堂曰 熙世高賢年 施邦彥 見張

正模 字國範孝謹好 李能白 字虛中定庠生友

讓兄緝橋構 周介 字士廉事母至孝戚人韓璉

亭置義冢 欲贈田三十畝助救水不受

昌國典詠 卷六 三四明叢書 約園刊本

一日母往女家躬為負輿喜曰母覺微徐潭字
重養猶未已也家窶供母匕箸常饒徐潭字
靜號東洲正德戊辰進士授上海令先是吏遣
卒逮捕細民即倚勢索於是斲木人於庭有
陳訴者即令持置所訴之家其人抱木人自詣
無敢後斥常例輸官會督儲素資不與中傷之
改令湘潭遷知匡州擢徐浴字維新潭弟乃安
山西僉憲事卒於官
黨韓克濟字用之嘉靖壬午舉人六安知州鎮
重集行繆廉兄弟七人至老同居聚族李澤序
於世股療母督學將表其門澤辭之曰澤欲
生母而非中道豈所以教也終身諱其事李陞
字世登湖口教諭自號張垣字邦翰處州教
章翁性剛正嫺謹節授孝友好施郭
鎬歲儉賤饑重金子深鎬以聲振林木賊委
鎬修狀元橋

昌國典詠 卷六

三十四明叢書
約園刊本

去或曰賊果迫計安出曰愚時皆經明行修之
所為者母也而賊之去來不恤士所當祀於鄉賢者也不得以名位不顯而遺
之

楊袁教澤尙如新道岸茫茫孰問津不乏名儒如許定
豈無好義魏方真

紫陽書院

舟山志梅魁號霞山東甌人舊參將府在臨山
穆廟從兩臺請移鎮舟山公創府署立團練興
二市以周民用以直道去軍民立石頌德陳壇

作去思碑記

倭夷為中土患自嘉靖己酉至於
今餘二十年矣國家所以經略之

者甚至於是設總兵參將開府建牙而臨之以
總督之文臣然後氣勢雄而機宜素足以壯東
南之保障參將之設初治臨山近始移治舟山
舟山之保障參將自霞山梅公始蓋隆慶己巳也
兵亂之餘民物凋瘵又懸居海中眾洵無固
志公開府其間筭路藍縷以故庶事草創百允
旁午公居之以鎮定運之以籌畫經之以討論
決之以措置於是物色備人心安奠耕桑之樂
戶回文物之功偉矣哉公起家盤石為把總為守備
為都指揮為游擊將軍而後為參將其建立處
於松門於南龍於磐石於桐山於英湖於東
大壘壘山南策於卻山於五爪湖於英湖於東
山青壘每先登擒斬有雋功軍門按院所以禮
獎刺薦者無慮數十舉咸以大將才歸之本兵
以東南之奇委重焉蓋妙簡也一疏勒閒而乃

昌國典詠 卷六

三十四明叢書
約園刊本

解任去民庶軍伍若赤子去其母傍徨無所呼
籲乃謀志去思於石以吾兒鉅亦有事於防海
之役謂子之知公也稔故索余文以章之乃列
狀俾余訂所聞余閱之信乃都之日曰廉號令曰
士曰識機宜曰壯形勢曰信乃都之日曰廉號令曰
謹斥堠曰固哨探要其本曰好學曰厲廉是故
公之居舟山也先之以不擾重之以綏戢天道
亢陽即蔬食素服齋戒竭誠而禱得雨有秋
歲或不登公捐貲賑濟募商給船使穀輻輳至
而平糶之用免於餓殍地溼而蘊熱民患癘疢
者多公命醫探為膏以散施之幸有濟非恤民
乎舟山昔多文士至有大魁為浙士先者近則
鮮聞公則相山川培形勝以回風氣加意學校
於諸生賓禮獎掖無不用其情焉諸生亦咸厲
而思奮非禮士乎凡措置必執之要有可行而
未行及行之而未盡者必謹行之籌算周詳綜
理精密及戰必謀定而後發故鮮有敗紐非識
機宜乎定海為明越之門戶舟山為定海之耳

目諸哨又為舟山之環衛自公居舟山分布遠
近如常山之蛇戰艦外巡陸兵內應舟山遂為
海上巨鎮夷船不敢窺近於龍亭武廟演武之
臺樓櫓雉堞之備皆飾而新之非壯形勝乎自
公督哨遠歷窮洋或舍樓船就小艇絕險隘探
壘阻颶風驚濤不憚以身犯之是以各哨用命
無或詭託以自安者非冒難險乎至於嚴號令
則訓練之有方約束之惟謹言出而不反計成
而可探則二汛有列艦餘日有輪哨凡此略舉其
概至於運用之妙為張之善必收萬全不事一
擲古之所謂伏波將軍公其足當之歟公學通
經史詩文皆入格律初為庠弟子員以承襲罷
試事於諸子百家陰陽醫卜靡不通貫故以博
洽之學發明敏之才全智信仁勇嚴之道悟
鈴之淵奧極騎射之精能所以成文武才也好
學之效如此公守寧紹謹廉靜之節絕苞苴之
私食粟器用咸取自其家茶監薪芻盡易之以

昌國典詠 卷六

二五 四明叢書
約園刊本

粟故治必先之以身令不反其所好廉則生威
生明其賞人也非市恩以要報其罰人也非假
酷以濟貪臨人無愧色何令不行何功不成厲
廉之效如此然則公之名將能係人永思豈無
本末而直以意氣勇力為之者耶是役也把總
陳君典為之董事鄉宦陶公積為之徵文庠生
陸錦為之披實而吾兒鉅則從事其後以終其
勒石者也附書之又係之銘曰天吳一夜翻東
瀛排空駭浪驅奔鯨樓槍楫慧太白精惡氛滿
地墮妖星九重赫怒揮天兵授鉞開府臨滄溟
文武敵懷憑皇靈坐空夷服甦蒼生桓桓霞山
世胄英氣宇清秋懸玉衡文章瑞露滋金莖身
經百戰雉伐成戰袍淋淋妖血腥將材屢屬臺
臣廷參戎簡注標奇能煌煌聖書下彤廷許公
創治翁洲城扶桑萬里飛天聲虹腰截斷天為
清鷗母揮卻波為平東南赤子安不驚依然樂
土狎農耕忽釋重務歸擔輕板鯨莫慰軍民情
穹碑勒文覆石亭愧無椽筆美前稱峴山碑存

墮淚名此碑勿泐猶丹青公歸時復看青萍用
之戎狄皆爾鷹高懷莫晤泉石盟崇勳終施彝
鼎舟山志紫陽書院在城中隆慶丙寅參將梅
魁率守禦官創今廢

五爪湖中賊艦沈欲馴戰氣入儒林一時俞戚輕裘度
譜出鏡歌雅頌音

蓉浦書院

定海續志莊綸渭題書院產簿余籍毘陵距澄
江百里早聞蓉浦繆先生之名今歲莅定閱乘
志二十年經濟井井心竊儀之一日紳士左顧

詢書院何以別於義學僉曰繆公功德祠也公
讓弗敢居易祀文昌之神後公辭世構東廡三
間置公像曰蓉浦書院嗚呼公莅任當展復之
初政教及人乃淪肌浹髓至此記曰有功德於
民則祀之公殆與朱邑文翁鼎峙不朽矣祀產
向屬僧理名有實無茲專畀葉生司其出納劉
生為之副又聽眾議以衙頭屋租兌撥義學以
義學之盤嶼山產併歸書院將一年所入修葺
庶輪奐重新蒸嘗不替至於樽節留餘徧植花

昌國典詠 卷六

二六 四明叢書
約園刊本

木棠陰歲茂芙蓉錦帳與海霞島霧掩映一如
曩昔是在葉生矣余跂望之又題義學產簿癸
酉秋余甫莅定過城北見大署於門曰義學詢
厥所由則繆塾也蓉浦繆先生爲余同郡先達
莅定最久善政彰彰邑乘尤雅意作人爰建此
塾中講堂左右學舍翼以庖廩凡二十閒歷今
數十餘年規模如昨嗚呼夫亦可見公之治矣
比因司訓乏署往往僑寓於此紳士謂非建塾
初心請專爲生徒敬業樂羣地余避之塾產半

昌國典詠 卷六

二五 四明叢書
約園刊本

出繆公厥後曹公黃公後先續置一一開列於
左郭生敦品人也令司出納自能搏節俾繕口
無缺修葺有資至於奏雅歌風鼓琴秉籥海隅
樸樸日進文明非俗吏所能爲也是在施絳帳
者

廿年撫宇竭深衷能使弦歌徧海東說到澄江何以報
諸生石室祀文翁

社倉

大德昌國州志社倉舊有田六十七畝淳祐十

二年縣令費詡建屋二十楹楹於龍峯山門之
左且率鄉人士祖朱文公遺意醵金於浙右米
艘之至賴糴以蓄其中青黃不接艱食之時則
平價以糴歲以爲常亦救荒之善術也歸附後
倉燬於火遂廢云緒曾案龍峯山門卽普慈寺
米來浙右備年荒社穀遺風法紫陽誰補海濱循吏傳
龍峯山下費公倉

永豐倉

寶慶四明志濟民倉嘉定末年令趙大忠建慈
昌國典詠 卷六

二五 四明叢書
約園刊本

湖楊簡記 案慈湖遺書 失載此記 大德昌國州志永豐倉

舊係往宋縣丞廳至元十七年升州遂爲縣治
縣既廢改爲倉專以儲本州官民田所納之租
海上諸鎮守司附州稍近者軍士於此支給月
糧大德二年春令中書左丞行浙東道宣慰使
鎮遏海道到州謂倉之四顧人戶頗疏乃理中
廳五閒爲倉屋兩廊析爲軍營後堂以處鎮守
官於是倉營雜處益以備不虞

屯田充國法相兼橫海樓船守禦嚴能使足兵還足食

不徒網罟擅魚鹽

漁鹽

大德昌國州志漁鹽歲辦不等舊實無之蓋附海之民歲造魚鯨多買有引客鹽為用官未嘗置局也自至元三十年昉於燕參政南康人之奏於海邊捕魚時分令船戶各驗船料大小赴局買鹽淹濕魚鯨然船戶亦有不為漁者非官司驅迫鮮有樂於請買自是歲嚴一歲買數愈增大德元年至買及八百餘引姚寬西溪叢話云

昌國典詠

卷六 三九四明叢書

約園刊本

並海而東為越州餘姚縣石堰場明州慈溪縣鳴鶴場皆九分至岱山昌國又東南為溫州雙櫨南天富十分著為定數蓋自岱山及二天富皆取海水煉鹽所謂熬波也自鳴鶴西南及湯村則刮鹹以淋鹵以分計之十得六七

驗船增引力艱難驅迫年年苦上官參政但求魚鯨利不思文學議桓寬

酒茶課

大德昌國州志酒課周歲散辦一百一定四十

九兩八錢八分以民苗之多寡為起課之贏縮其無田而沽買者亦在其數又茶課周歲起催三定丹五兩六錢四分舊實無之始於至元三十年茶提舉司到州取勘為無茶園及磨茶戶姑令各都認辦此數

郵筒顧渚美相誇何事誅求到海涯辛苦島民供歲課黃公坊酒普陀茶

狀元橋

寶慶四明志狀元橋在市心紹興三年令王阮

昌國典詠

卷六 三九四明叢書

約園刊本

創立於兩邊石欄刻二句云人從石上行狀元此時生後遂以狀元名之寶慶元年令沈剛孫建亭五間於上二年圯於風舟山志狀元坊舊在張信狀元宅前成化初巡海副使朱紳總督指揮使張曾立於狀元橋西張信字誠甫登洪武癸酉應天解元甲戌進士第一人授翰林院編修遷侍講直聲振於朝丁丑二月會試命閱覆試卷忤上意謂為胡藍黨被誅明黃瑜雙槐歲鈔鄞人單仲友以能詩名洪武中徵至京師

獻詩稱旨得備顧問因言本府名明州與國號
同請上易之徐思曰汝言是也復詢仲友山川
識緯之詳仲友對曰昌國縣舟山之下舊有狀
元橋蓋讖言故云而童謠謂狀元出定海此最
為異以臣觀之二邑素無穎異才豈將有待耶
上聞定海之名喜曰海定則波寧是宜改名寧
波時洪武十四年也迄二十年省昌國併入定
海二十七年縣人張信果應其讖蓋信即昌國
在城人也信既狀元及第自修撰進侍讀時韓

昌國典詠 卷六

三四明續書
約園刊本

王安王靖江王以幼小俱在文淵講學偶與右
贊善王俊華司憲及韓安二府太史黃章同坐
觀杜詩絕句云舍下筍穿壁庭中藤刺簷地晴
絲冉冉江白草纖纖章舉以為問俊華曰此蓋
傷唐室衰微有所為而作觀其無題可見矣信
曰是時與貞觀之風大異宜有此詩也而諸王
至言奉旨各寫古詩一首呈覽信即以此詩與
韓王寫去御覽大怒韓王曰張信教兒寫耳上
由是惡之二十九年二月同編修戴彝騰敷諭

女百戶稟進呈奉旨增二語信還文淵閣寫成
仍舊不增彝勸信改易不從謂曰事涉欺罔禍
可旣乎三十年二月坐覆閱會試落卷以不堪
文字奏進與章等同誅而彝獲免云張狀元宅
在城南會源橋東緒曾案昌國狀元張信前無
人舟山志袁狀元墓有二一在岱山梁家橋之
西一在城東二十五里陳家壘之南定海縣志
謂宋狀元廣微公葬岱山狀元公父變葬陳家
壘考至正四明續志正獻袁變墓在鄞縣穆公

昌國典詠 卷六

三四明續書
約園刊本

嶺聞性道鄞縣志正肅袁甫墓在鄞縣東綠野
壘是皆不葬昌國又變字絜齋甫字蒙齋
袁變
齋集先公墓表公諱文字質甫四明鄞人也葬
於縣之陽臺鄉穆嶺之原次子變煥章閣學士
孫甫朝奉郎
權知徽州 而舟山志云甫岱山人少失怙恃
漫跡於鄞嘗受業於絜齋先生之門竟不知絜
齋即甫之父尤可怪也大德昌國州志宋進士
題名自紹熙癸丑應儋登第破天荒
大德志應
號蘭坡幼穎悟才四歲賦誦語孟六歲賦江路
野梅香有橫斜淡月黃昏漏洩早春消息之句
鄉老咸異之登紹興癸丑進士第調烏程尉議毀
淫祠獨存徐孺子廟德清有沈氏兄弟訟財俾

公按實公委曲開曉沈有子適魁鄉薦賦詩
警之曰嘉木灌叢春意好可憐不種紫荊花兒
弟感動其爭遂息官至文林郎湖南撫機子俊
字宏道從安晚鄭先生見義必為鄉論推許壯
游江淮信庵趙公一見奇之俾與籌帷幕裨贊
維多制府上功將命以文學不果就右階官至
修武郎孫名翼孫字子燕以詞賦入太學登景
定三年進士第仕至修職郎曾孫實元貞元年
詣闕上書授海南安撫副共二十八人不列狀
使奉使蘇龍國鄉人豔之

元袁甫寶慶四明郡志狀元坊在鑿橋為袁甫
立知非居昌國矣

紹熙登第破天荒星宿珠聯峙寶坊畢竟龍頭生此地
人行橋上有輝光

昌國典詠

三四四明叢書
約園刊本

龍首橋

莊綸涓定海續志重建龍首狀元二橋記狀元

橋曷以名非以前明張狀元名信洪武省殿試皆第一名也

志載宋淳熙十六年令王阮立事詳遺事查遺

事缺如志又載昌國士子未有登第出仕者自

阮建學文教丕振魁輔輩出焉意者王公建橋

時預錫嘉名以鼓多士歟姑勿論第是橋在城

東南市中每日行人肩摩踵接余莅定之明年

見橋將圯石如齒豁中有大榆樹突起高三四

丈根盤鬱而暢達故橋日鬆而石日裂過者視

為畏途余躍然有重建意居民謂樹有神不可

伐伐則崇元戎陳公詢於余余曰樹橋之靈也

樹不伐橋不可新陳公領之乃召耆老曰新橋

必先伐樹休在民咎在邑宰耆老唯唯者告諸

民民亦唯唯是秋適洋艘至商人咸趨普陀禮

懺又演劇天后宮酬神余勸之曰爾等邀香冥

不可知之福何如作當前利濟之實德乎商應

如響三日集二百金即交耆老孫殿賓翁啓瑞

昌國典詠

三四四明叢書
約園刊本

合之前令勸捐如干不數月而橋一新名由舊

乙亥丙子兩歲皆大稔民無疾疢令亦無恙由

此觀之神崇之說信耶否耶縣治數武又有馬

尾橋不知昉於何年亦將圯夜行有溺於水者

集捐七十餘金購石鳩工方廣正直往來者稱

便題橋曰馬尾牛馬走勞象也嗟乎民亦勞止

乞可少休乎古人云寧為雞口毋為牛後橋以

尾又豈多士彙征之象乎余以龍代馬以首易

尾鑄石曰龍首橋蓋以橋近城東取青龍之義

且登龍居首與狀元橋相輝映也吁二橋新矣
橋之下周道皆河濬河通合邑氣脈尤利人文
紳士聚議未果余今往矣未興之事又不獨河
也統俟後之君子

太史公呼牛馬走名場何日息勞勞昔年驥尾今龍首
始信題橋志願高

陳太翁橋

大德昌國州志州市第二橋第三橋皆在州市
之南往宋明道初陳氏居士文諒自開封徙居

昌國典詠 卷六

三五四明叢書
約園刊本

於此捐資建此二橋人不病涉目爲陳太翁橋

又東江橋去城五里舊亦陳太翁所建圯於風

潮厥後太翁諸孫覺城居士重爲建造

舟山志
東江橋

陳文翁諒建後圯於風潮孫翁奎重新元陳進
士宅在城中監橋東施家灣在城南東江浦之
內戰船收泊之處弘治以前
西皆斤鹵今悉成熟而腴定海縣志明道初

文亮自開封徙居創建緒曾案舟山志訛太翁

爲文翁縣志失去陳姓亦不載覺城居士重建

宜補之咸淳五年進士陳虞乃太翁之後其第

一橋卽狀元橋也

東江五里款行人市上雙虹跨海濱好與太邱留姓氏
不須鞭石詫贏秦

虹橋

大德昌國州志虹橋去州北十里枕大溪形如
臥虹舟山志虹橋書院在城西七里宋太師余
天錫建以延師教里閨之來學者今址尙遺山

麓

曾聞少海擇村童學舍離離蔓草中飲澗長虹宛如昨
連蜷誰復辨雌雄

昌國典詠 卷六

三五四明叢書
約園刊本

聯桂坊

寶慶四明志聯桂坊上榮爲趙氏兄弟聯名登

第立大德昌國州志聯桂坊州治北往宋嘉定

間爲趙時恪時愷兄弟登第立趙時恪字恭仲

自號苴坡嘉定辛未擢右科越甲戌再登進士

第調池州青陽丞三仕於京薦甫及恪竟以疾

終伯兄時慄弱冠魁漕薦以覃恩授官隱德不

仕其子若誠於景定元年宗學推恩季氏懽登

嘉定四年進士第調廣德建平簿次推法掾既

而司鍵左帑令高郵興化改倅撫州鄉人以聯

桂榮之舟山志趙青陽宅城中青雲橋北趙德

勝宅城西鼓樓右聯桂坊府治北嘉定九年令

趙崇質為趙時吉若諫必睨必曠叔姪兄弟同

登進士立緒曾案宋宗室魏王廷美九世孫

天水仙源肇帝家巍巍甲第擅清華月中丹桂聯枝折

交映珊瑚照海涯

神童坊

寶慶四明志嘉熙元年童子科應翔孫大德昌

昌國典詠卷六

三玉四明叢書

約園刊本

國州志神童坊在上榮往宋嘉熙間為應翔孫

試中童子科立又云上榮門在北隅舟山志神

童坊令余桂為應翔孫立緒曾案翔孫為儂之

孫繼之姪戴表元刻源集昌國應君類書蒙求

者心慕之蓋其法以通念九經而復試中能文

為出身夫以江南東西閩浙准湘廣蜀之大試

可謂難矣景定咸淳間試員稍眾有一二人則亦

為徒擊人之涼心而長浮慧廢其科不用因念

取士之法故進士科最貴最敝三舍弘辭以眩舉

幸而得之則莫不次之擢非若童子真能淹誦

羣經而試所能而後授一下士之秩而已自餘

論有司不敢廢豈皆愛其能哉重變古耳而獨

既廢三十年人諱之不習而風俗愈不加厚余

以窮授徒江海上鄉大昌國應君翔孫過之

相與慨歎江南經術荒蕪紛紛朋儕中疑難滿

胸而卒無所問是謂當執其咎者出其類書蒙

求示余凡經之指篇標韻舉然其在目汎濫而

及於禮儀爾雅諸子揚雄之太玄馬融之忠經

莫不皆有蒙求自初本以來助而為之是不一

氏其能散而完博而精固未有如此書者應君

蓋景定咸淳前未廢科時童子也嗚呼難哉余

既序其書昌國官學士大夫應氏實為祖至參

預公遂大其閱閣而應君學問氣行白首不衰

方就家塾請合祠先賢天之欲昌其文以淑其

徒者意未已也方同桐江續集應子翔經傳蒙

求序王伯厚尚書學極天下之博長予四歲予

嘗敬事之戴帥初博士文極天下之粹少予十

七歲今予畏友也四明二先生俱以其里中應

君子翔孫所著經傳蒙求為然子無復容喙

矣竊嘗謂道一而已而物有萬古聖賢之學不專

在言語文字而亦不離山川草木與地為體生而

天為體運而亦不離山川草木與地為體生而

窮而言語文字與聖賢為體傳而不朽物也所

以用之者道也道不離物易究休咎書記治亂

詩美刺春秋喪貶三禮辨上下論專仁孟兼言

義皆以言語文字與道為體其妙用所在一而

已一者何道是也然則何道也天地山川草木之

之謂道而以道用乎日月星辰山川草木之

物故曰道不離初聖賢之心欲使千萬世之人

為善不為惡以復其有善無惡之性則不容不

著之書此言語文字所以為斯道有於形之體而

無形之道所以用乎有形之體而寓於言語文

字之中也顧所以用乎有形之體而寓於言語文

悉皆括韻語以授後進及諸子百家求自易至論

術部家之書亦與焉子囊亦嘗摘其奇語難字

以供刀筆艱深之中韜平易不過一陰一陽一

昌國典詠卷六

三玉四明叢書

約園刊本

蓋一夜一寒一暑消息往來幽明死生之故易
之註疏也獨可用六日七分曆法一歲則易之
一端耳康節經世書出於此或謂子好太玄又
出雲覆部下回曰不然凡言語文字之不畔於
理者皆與道為一體起於天而澤四海粒粟
根於地而飽萬民一盡華於聖人而開百里天
地聖人之道皆託於物近世有欲絕滅言語文
字以為學者敢痛詆於物近世有欲絕滅言語文
人動累於後來黨陸也其人臨汀使君不滿五
十而死天棄之矣讀子翺之書者亦曰與道為
體能於有形中求無形則將於無味中得有
味矣子翺早中童子科伯父徽嘗參大政云

九經中第羨垂髫為湖蘭坡世澤饒一卷蒙求貽後學
莫誇任子襲金貂

短篷

昌國典詠 卷六

三五四明叢書
約園刊本

宋周密癸辛雜識續集楊大芳嘗為明州高亭

鹽場場在海中或天時晴霽時見匹練橫天其

色淡白則晴雨中分土人名之曰短篷亦蜃氣

之類也緒曾案大德昌國州志高亭在岱山

變幻陰晴顧盼中世人只解愛青紅仙臺排出金銀氣

更遣神舟揭短篷

翁洲銅鼎

寶慶四明志翁山一名翁洲縣東三十里徐偃

王所居也今城址猶存抱朴子論古仙者之藥

以登山為上而以海中大島嶼若會稽之東

翁洲之類者次之乾道閒耕者於其下得銅鼎

一無足而有耳耳亦不穿中可容斗餘而底之

埃墨猶在以歸進士陳節謂煉丹之遺器大德志同

舟山志翁山由葛仙翁名定海縣志葛洪嘗隱

山中稱葛仙翁故山以翁名然緒曾案抱朴子

云翁洲之類次之則稚川時已先有翁洲之名

矣謂銅鼎或其遺器可也

徧訪名山采藥遊早聞海島有翁洲至今銅鼎都飛去

昌國典詠 卷六

三四四明叢書
約園刊本

畢竟神仙何處求

譙樓銅漏

至元四明續志譙樓在州治南百步天曆戊辰

四月知州趙雍建新製刻漏廉訪使鄧文原為

記云古者擊壺氏凡軍事懸壺以聚標司寤氏

旅夜擊鼓特司夜三更以號令皆命士重其職

後世鼓角特成卒之事擊壺則有司令陰陽者

流番直之異古制矣昌國隸慶元在海東南古

州上或云越王句踐欲遷吳王夫差於甬東是

也唐曰翁山縣宋元豐閒改為昌國登高而望

鯨海波瀾極大無岸若高麗琉球暹羅之屬綿

互海外諸番所經日本市易則選兵戍守以領

海道近至元中陞州凡官署符移圭田俸賜悉
易其舊而麗譙未建非所以重侯藩而威遠裔
也泰定丙辰吳與趙侯仲穆至論諸州之僚佐
等僉曰惟允於是詳文告庸工庀材乃幹乃址
以構以殿嚴為飛樓匪事觀游性軍容是肅測
度有規警嚴有節樓成大飲酒合樂以落之鼓
角初奏如蟄之雷如瓦之春奮揚敷舒羣情暢
達檣帆上下瞻望斯樓薄乎雲漢咸太息曰前
是未之有也父老言曰官於是者以是邦邈
居海陬率鄙夷吾民儒者弛慢貪者驚暴微斂
狎至期會星火我民用不得恬息今侯一以廉
平致民於理桴鼓不驚不識吏卒田有上腴隰
有淳鹵經艾既登權賦羨入始製銅漏以節晨
夜嚴鼓角以戒昏曉八風既至四時既序以新
民聽以導民和願侯無去以重我邦民之思余
日鼓角者禁令也挈壺則號令所由本也今夫
陰陽寒暑化機不停而凡庶之內銅壺漏箭實
司其權古創物者範金必精挹玉必清必待時

昌國典詠 卷六

四十四明續書 約園刊本

日之運行是以誠信旁浹而敷教宜明辰入酉
退官有法守出入息民有訓程虛以受其成
靜以時其平寓智於物而不有其智取明於水
而水無縮盈雖風雨晦冥莫測而不失常
經為政之道何以異是夫侯其益加惠於是邦
之民有與除者無不與焉也後之登斯樓者亦
曰制作之勤修繕致和元年四月記又云知州
必時以勿替前規
趙雍奉政大夫泰定四年六月之任舟山志譙
樓元知州趙雍建制刻漏於上後革縣移置郡
城圖繪寶鑑趙雍字仲穆文敏子也緒曾案仲
穆為孟頫之子書畫有父風其任昌國知州為
泰定四年迨至順二年十月奉訓大夫呂天倪

之任自丁卯至辛未凡在任五年必多治績鄧
巴西文中稱其一以廉平致民於理桴鼓不警
已足見其大概是亦元時昌國循吏之一定海
縣志秩官元知州雍上空一趙字當據至正續
志以補之鄧文原為元代文章大家文集散失
後人掇拾雜文七十餘首為巴西文集一卷譙
樓記當補入也
漏箭聲隨子午潮飛樓百尺枕山椒墨蘭但愛佳公子
誰問勳名到麗譙

昌國典詠 卷六

四十四明續書 約園刊本

白鹿

元和郡縣志翁洲周環五百里有良田湖水多
麋鹿等海圖編天同舉有鹿夫善射嘗勝倭寇
山陰徐渭文長代胡宗憲初進白鹿表
紀道詮乃知麋鹿之羣別有神仙之品歷一千
歲始化而蒼又五百年乃更為白自茲以往其
壽無疆至於鍊神伏氣之徵應德協期之兆莫
能罄述誠亦希逢必有明聖之君躬修玄默之
道保和性命契合始初然後斯祥可得而致恭
維皇上凝神物穆抱性清真不言而時以行無
為而民自化德邁軒皇之上齡齊天地之長乃
致仙糜遙呈海嶠奇丰灑雪島中銀爭輝妙
體搏冰天上瑤星應瑞是蓋祥靈之所召夫豈
虞羅之可羈且地當寧波定海之閒祝時值陽

長陰消之候允符晏清之效兼昭晉盛之占願
臣叨握兵符式遵成算茲職虞尚爾跳梁日
與偏裨相為掎角偶幸捷音之會嗣登和氣之
祥為宜付之史官以光簡冊納諸文園俾樂沼
臺覓草通靈益感百神之集
定海縣志嘉靖三
十六年八月二十五日海北獵戶獲一大白鹿

毛色殊異時總督胡公以為聖天子萬壽之徵
表獻之表文出山陰徐渭案徐又有代再進白
鹿表有云眷言洞府遠在齊雲聿新玄帝之瑤
宮甫增壯觀遂現素麋於寶地默示長生雌知
守而雄自來海既輸而山亦應則知牝鹿出昌
昌國典詠卷六
四明叢書
約園刊本

國雄鹿出齊雲山矣

青詞閣老道家冠欲撰鴻篇一字難白鹿出為王者瑞
天教雙表壓文壇

頻伽鳥

寶慶四明志頻伽鳥佛書著此名昌國補陀山
有之鄞句章北巖亦有張邦基墨莊漫錄寶陀
山佛殿上有頻伽鳥二枚營巢梁棟間大如鴨
頰毛羽紺翠其聲清越如擊玉每歲生子必引
去不知所之

紫竹林深翠尾梢梵風吹送玉聲敲來從驚嶺歸龍樹
莫向雕梁認燕巢

長生蝸

緒曾至普陀見一物蝸紋而小如珠僧云此名
醋鼈海沙中有之置諸篋篋雖久得醋輒活有
難產者服數粒則兒生醫家寶貴因以醋試之
果如珠之走盤也及檢新舊普陀志皆不載僧
問余出何書余應之曰此名長生蝸洪邁夷堅
志云開封宋柱元老家藏一物類初生蝸鼓曰

昌國典詠卷六

四明叢書
約園刊本

此長生蝸也其真在元祐間得於相國寺道人
履常處實諸篋筒往往終歲一發視亦無他異
但其性喜酸徙之醯中則旋轉而行王晦叔驗
而怪之以為身走四方水陸之產要亦不盡識亦
得其七八若此蝸者實未嘗聞見也戲為作贊棄
蟲介族自託倂倂彼醯雞饕餮徜徉豈不飲醇
而漸甘柰鼻觀之或妨問塗微生高之鄰集百
酸於中腸幸陋質之收斂稅駕於不死之鄉時
無張茂先之多識郭景純之窮搜沒世無聞亦

何傷哉此蝸留於宋氏且百年而不知其前之
歲月矻矻腐殼中物理不可曉測者如此今案
此物與洪容齋說合知古人不我欺也

悟到醯雞理不窮石家醋醋舞盤中三升飲得延年術
認爾前身羊鼻公

蟹醬

山海經郭璞注蟹形如車文青黑色十二足長
五六尺似蟹雌常負雄漁者取之必得其雙子
如麻子南人爲醬寶慶四明志海族則岱山之

昌國典詠 卷六

四五四明叢書
約園刊本

蟹醬獨珍他所雖有之味皆不及此蟹形如覆
斗其大如車青褐色十二足長五六寸尾長二
三尺其殼堅硬腰間橫紋一綫軟可屈折每一
屈一行尾尖硬有刺能觸傷人口足皆在覆斗
之下海中每雌負雄漁者必雙得以竹編爲一
甲蟹焉牝者子如麻子土人以爲醬或鮓牡蟹
無子本草云牝者背上有目牡者無目牡得牝
始行牝去則牡死韓退之詩蟹實如惠文骨眼
相附行楊萬里蟹醬詩忽有瓶罌至捲將江海

來玄霜凍龜殼紅霧染珠胎魚鮓兼鮓奴才
更婢才平章堪一飯斷送酒三杯方岳秋厓小
稿黃倅饜蟹一條尉饜蝓蚌十同時至詩云誰
饜蟹如徑尺盤更分蟹似惠文冠麴生醉嚼玉
五殼劍客生剗珠一簞我與爾元同蠢動冤哉
烹亦到蹢躅不知南食詩何似待問昌黎老子
看嶺表錄異蟹魚其殼淨滑如青瓷盃鍤背眼
在背上口在腹下青黑色腹兩傍爲六腳有尾
長尺餘三稜如椶莖雌常負雄而行捕者必雙

昌國典詠 卷六

四五四明叢書
約園刊本

得之若摘去雄者雌者卽自止背負之方行腹
中有子如菉豆南人取之碎其肉腳和以爲醬
食之尾中有珠如粟色黃雌者小小乃大置水
中卽雄者浮雌者沈郭璞江賦蝓蝓蟹蝓注廣
志云蟹似便面緒曾案水族多雄小雌大蟹形
其雌大於雄三分之一尾堅銳行則豎立所謂
蟹帆也韓詩如惠文者惠文冠也郭璞山海經
注重文當作惠文

一帆破浪趁風搏海若掄才羨爾難滿腹珍珠青玉斗

賜來頂上惠文冠

章舉

寶慶四明志石拒形如大算袋八足長二三尺
足上突出礧礧戢戢如釘每釘有竅浮於海沙
布形如死鳥啄之卷以入水噓釘啜之以次充
腹其次者章舉亦曰章魚以大小呼之石拒如
斗章舉如升南方有石拒此推章舉耳章舉之
又小者曰望潮身一二寸足倍之又一種曰鎖
管亦其類腳短無釘又鬣拔身多鱗長五六寸

昌國典詠 卷六

四七四明叢書
約園刊本

與章舉蝦合為鮓謂之三和鮓最美可致遠世
說虞嘯父答孝武云天時尙煖蟹魚鰕鮓未可
致卽此也臨海異物志倚望常起顧睨西東其
形如螳螂大行塗上四五進常舉兩螯八足起
望行常如此惟入穴中乃止嶺表錄異招潮子
亦螳螂之屬殼帶白色海畔多潮潮欲來則皆
出坎舉螯如望故俗呼招潮也石拒亦章舉之
類身小而足長入鹽乾燒食極美又有小者兩
足如常曝乾後似射踏子故南中呼為射踏也

職司瞭望向蓬瀛子午潮頭入槩迎兼領鬣蝦勤獻替
三和壓到五侯鯖

纜魚

寶慶四明志烏賊本草云是鷄鳥所化其口腳
具存猶相似爾腹中有墨今作好墨用之陳藏
器云昔秦王東遊棄算袋於海化為此魚其形
一如算袋兩帶極長墨猶在腹也蜀本云背上
骨厚三四分日華子云又名纜魚鬚腳悉在眼
前風波稍急卽以鬚粘石為纜圖經云一名烏

昌國典詠 卷六

四六四明叢書
約園刊本

魴能吸波嘜墨溷水以自衛使水匿不為人害
又云性嗜烏每曝水上有飛烏過謂其死便啄
其腹則卷而食之以此得名言其為烏之賊也
南越志云烏賊有矴遇風便虬前鬚下矴而住
矴亦纜之義也腹中血并膽正如墨世謂烏賊
懷墨而知禮故俗謂是海若白事小吏有最小
者俗呼墨斗至正續志圖經云烏賊能嘜墨溷
水以自衛然羣行水中人見墨水至輒可笱羅
而得之元豐九域志明州上貢烏魴骨五斤

觸纜空身貫月槎腥風吹滿鮑魚來袋中拋卻蒙恬筆
餘瀋猶能喫墨花

虎蟪

寶慶四明志蟪蚌明越風物志蟪蚌并螯十足
生邊海泥穴中潮退採取之四時常有雌者掩
大而肥重者踰數斤其小而黃者謂之石蟪蚌
最大者曰青蟪小者曰黃甲後足闊者又曰撥
棹子東坡答丁公默送蟪蚌詩有半殼含黃宜
點酒兩螯研雪勸加餐之句舒嬾堂述里諺云

昌國典詠卷六

四明叢書
約圖刊本

八月蟪蚌健如虎埤雅蟪蚌兩螯至猶能與虎
鬪至正續志蟪蚌八跪二螯蟹其類也淮南子
曰蛤蟹珠龜與月盛衰今凡蟹屬月明則瘦月
晦則肥大者曰蟪有虎斑文隨潮湮淪者名虎
蟪小者名黃甲

不作泥中曳尾龜秋高撥棹力能施嬾堂要勘坡詩案
恰似蟪蚌鬪虎時

桀步

寶慶四明志彭越爾雅名彭蠡螯赤者名擁劍

一種為彭蠡性寒甚蔡謨讀爾雅不熟幾為勸
學所誤又一種為桀步埤雅曰以其橫行故為
桀步又一種曰沙蟹至正續志彭越一名彭蠡
一螯大一螯小以大螯鬪小螯食物見潮往來
出穴舉螯迎之者名招潮潮退徐行塗中名攤
塗在蠓殼中名蠓役入蠓腹者曰蠓口又有倚
望竭朴沙狗蘆虎沙蟹之名皆其賤類也吳棻
詩彈塗爭走穴桀步忽張螯

沙中桀步自無腸擁劍橫行帶甲場鬪楚螯長餐漢短

昌國典詠卷六

四明叢書
約圖刊本

誰從俎醢弔梁王

鰓

寶慶四明志郭璞江賦鰓鰓順時而往還注字
林曰鰓魚出南海中有石一名石首吳曾能改
齋漫錄兩浙有魚名石首云是明州來問人以
石首之名皆不能言余讀張勃吳餘載吳有石
首魚至秋化為冠冕頭中有石至正續志石首
魚皮軟肉薄用鹽醃之破脊而枯者曰鯨全其
魚而醃暴之謂之即君鯨皆可經年不壞通商

販於外鳥獸考魚首有魷堅如石故名冬月
得之又緊皮者良三月八日出者次之至四月
五月海郡民發巨艘入洋山競取有潮汎往來
謂之洋山魚寶慶四明志春魚似石首而小每
春三月業海人競往取之名曰捉春不減洋山
之盛冬天箔中有者曰箔春黃滑魚似春魚而
肉細又有一種曰烏眼白眼皆相類案魚首大
朱口金鱗大德昌國州志石首魚一名鰲又名
洋山魚梅魚春魚似石首而小者

昌國典詠 卷六

五十四明叢書

約園刊本

景純漫輯枕爲丁鹽腦還如蘊璞形怪底穀城尋不見
魚頭公戴石公星

華臍

寶慶四明志華臍腹有帶如帔子無鱗形如琵琶
名琵琶魚

臍下垂垂帶有華新頌紫帔樂王家段師妙換成連譜
推手爲琵琶卻手琵琶

瓊蛞

寶慶四明志瓊蛞長寸餘腹中有蟹子如榆莢

合體共生俱爲蛞取食漢律會稽郡獻蛞醬郭
璞江賦瓊蛞腹蟹注南越志大者長二三寸
負薪輕去買臣妻弟瘦兄肥義孰齊並命合軀如歷鑠
飢能同食殼同棲

地青

寶慶四明志地青尾有刺甚長連物則撥之毒
能中人與魴相類又名邵陽魚鼠尾魚可鯨又
魴形圓如扇無鱗色紫黑口在腹下尾長於身
如狸鼠又纖似魴曝爲鯨名曰鯨鯨又呼老鴉

昌國典詠 卷六

五十四明叢書

約園刊本

鯨

導渭曾聞鳥鼠山征雲愁過老鴉關何如穩臥蓬壺島
牯腊同供匕箸間

闌胡

寶慶四明志闌胡形如小鯽跳躑泥中一名彈
塗

風雨乘潮大海鱗泥中跳躑爾何求鵬搏鷄笑誰優劣
付與逍遙物外遊

水母

寶慶四明志鮎形如覆笠肉如血鮎腹下如純
絮以蝦爲目一名水母元謝宗可海蜇詩層濤
擁沫綴蝦行水母含胎孕地靈海氣凍凝紅玉
脆天風寒結紫雲腥露衣褪色冰涎滑瑤縷烹
香酒力醒應是楚江萍實老誤隨潮信落滄溟
郭璞江賦水母目蝦注南越志曰海岸聞頗有
水母東海謂之蛇正白濛濛如沫生物有智識
無耳目故不知避人常有蝦隨之蝦見人則驚
此物亦隨之而沒蛇音蜡二字並除縮切太平

皇國典詠

卷六

五十四明叢書
約園刊本

御覽博物志東海有物狀如凝血廣數尺正方
圓名曰水母無頭目所處則眾蝦附之隨其東
西南北可煮食之嶺表錄異廣州謂之水母閩
謂之蛇疑駕切其形乃凝結一物有淡紫色有
白色大如覆帽小如盤腹下有物如懸絮俗謂
之足而無口眼常有數十蝦寄食腹下啞食其
涎浮沈水上捕者或遇之卽歛然而沒乃是蝦
有所見耳越絕書云海鏡蟹爲腹水母卽蝦爲
目也北戶錄水母一名蚱一名石鏡南人治而

食之云性熱偏療河魚疾也

天孫吐咳絮雲柔霞縷冰涎入海流綴得長鬚珠一粒
策勳赤水傲離婁

帶魚

寶慶四明志修若練帶名曰帶魚

萬尾交銜載滿艘相連不斷欲揮刀問誰留得腰圍玉
龍伯當年暫解袍

蠔山

嶺表錄異蠔卽牡蠣也其初生海島邊如拳石

皇國典詠

卷六

五十四明叢書
約園刊本

四面漸長有高一二丈者巉巖如山每一房內
蠔肉一片隨其所生前後大小不等每潮來諸
蠔皆開房見人卽合之海夷盧亭往往以斧楔
取殼燒以烈火蠔卽啓房挑取其肉盛以竹筐
赴墟市以易酒肉大者醃爲炙小者炒食肉中
有滋味食之卽能壅腸胃

驪山高簇萬巖房爾蠔移來峙海疆不耐火攻峯坼倒
笑他開戶學顛當

沙喫

寶慶四明志沙暎塊然一物如牛馬腸纖頭長可五六寸許狀如水蟲無首尾目皮骨但能蠕動觸之則縮小如桃栗徐復擁腫土人以沙盆揉去其涎腥雜五辣煮之脆美全祖望句餘土音沙蒜閩人呼爲泥筍盛夏能凍詩云筍入泥成凍沙生蒜有苗鮮腥需五辣縮質似含桃性以寒能下香因脆愈嬌祇因愁骨鯁肉勝不堪驕案蒜卽暎之音轉也

柔然國裏族分支刻骨無能況相皮怪底觸人形頓縮

昌國典詠

卷六

五五

四明叢書

約園刊本

怕同混沌巧施眉

龜腳

寶慶四明志龜腳以狀似之郭璞江賦石蛙應

節而揚葩又蟻生於巖或簷竹一種名老婆牙

今名海瓜子又蟻似蛤而長殼有毛又蜆小於蛤蚧

生水泥中殼薄肉多含沙以水浸隔日令吐沙

盡方可煮食鶴林玉露壽皇宴因談肴核上問

一侍從忘其名浙人也對曰螺頭新婦臂龜腳

老婆牙四者皆海鮮也上爲之一笑案今桃花

山出吐鐵俗名泥螺豈卽所謂殼薄吐沙者歟曾聞龜腳老婆牙博得君王一笑誇潮滿蛤毛茸豆莢泥香蜆殼吐桃花

撥棹

嶺表錄異蝓蚌乃蟹之巨而異者蟹螯上有細毛如苔身上八足蝓蚌則螯無毛後兩足薄而闊俗謂之撥棹子與蟹有殊其大如升南人皆呼爲蟹八月此物與虎鬪往往夾殺人也蝓蚌蟹之大者螯跪之下別有雙棹如撥棹然蝓蚌

昌國典詠

卷六

五五

四明叢書

約園刊本

小蟹螯白如琢玉擁劍螯長如劍擁之而行膏

蟹殼薄吐沫有光可燭普陀短姑道頭泥中有

五色小蟹其螯一長一短長螯倍於身其短螯

僅三分之一其甲紋彩點交錯螯光潤如瓊玉

崔豹古今注曰蝓蚌小蟹也生海邊塗中食土

一名長卿其有螯偏大者名擁劍一名執火其螯

赤謂之執火也俗謂之越王劍異物志擁劍狀

如蟹但一螯偏大耳嶺表錄異云竭朴乃蝓蚌

也殼有黑紋蟹螯一大一小常以大螯捉食小

螯令以自食

螭蟬撥棹引螭蟻擁劍橫排帶甲馳膏作五明燃寶炬
紋交十色繪雲旗

紫菜

寶慶四明志紫菜吳都賦曰綸組紫絳注云紫
菜郭璞江賦紫莢熒燁以叢被注云莢紫菜也
定海昌國海岸中有之爾雅綸似綸組似組東
海有之賈思勰齊民要術紫菜吳都海邊諸山
悉生紫菜爾雅注云綸今有秩畜夫所帶糾青

昌國典詠 卷六

五十四明叢書
約園刊本

絲綸組綬也海中草生彩理有象之者因以名
云緒曾案文選江賦青綸競糾縟組爭映紫菜
熒燁以叢披綠苔鬚髮乎研上紫菜熒燁以叢
披注紫菜色紫狀似鹿角菜而細生海中普陀
所產最佳招寶山下次之

臥龍奮鬣起陸中遺下綸巾大海東風捲紫瀾明組甲
出山小草亦英雄

瓦瓏

趙德麟侯鯖錄瓦瓏鑲殼渾沌錢文如建瓴外

眉而內渠其名尾瓏注云眉為高為眉渠為蔬
為渠一名魁陸爾雅曰魁陸注本草魁狀如海
蛤圓而厚有縱理文小嶺表錄異云瓦屋子蓋
蚌蛤之類也南中舊呼為蚶子頭因盧鈞尚書
作鎮遂改為瓦屋子以其殼上有稜如瓦壠故
名焉殼中有肉紫色而滿腹廣人尤重之多燒
以薦酒俗呼為天鬻炙喫多即壅氣背膊煩疼
未測其本性也

紫雲滿腹酒醺初魁陸名曾附釋魚一鬻竟分天上炙

昌國典詠 卷六

五十四明叢書
約園刊本

洪蚶更欲覓專車

玉珧柱

郭璞山海經注珧亦蚌之屬也侯鯖錄引海物
異名云玉珧柱厥甲美如珧玉肉柱膚寸曰江
珧柱郭景純江賦云玉珧海月土肉石華退之
謂馬柱甲是此也世人不用此珧字是未知耳
又苗蝦狀如蜈蚣而擁楯名曰蝦公

馬甲明州柱最奇美如珧玉白如脂阿環齒痛思兼味
欲逐紅塵嚼荔支

海屬

銜續霏雪錄海中有甲物如扇其文如瓦屋惟三月三日潮盡乃出名海扇四明任松鄉嘗有詩云漢宮佳人班婕妤好香雲一篋秋風初網蟲蒼蒼恩自淺猶抱明月馮夷居至今生怕秋風面三月三日纔一見對人搖動不如烹肯入五雲清暑殿

陽冰陰火鍊形同底事蒲葵謝傳功未解乞恩清暑殿一生從不怕秋風

昌國典詠 卷六

五十四明發書

約圖刊本

容齋四筆云文登呂亢多識草木蟲魚守官台州臨海命工作蟹圖凡十有二種一曰蝤蛸乃蟹之巨者兩螯大而有細毛如苔八足亦皆有微毛二曰撥棹子狀如蝤蛸螯足無毛後兩小足薄而微闊類人之所食者然亦頗異其大如升南人皆呼為蟹八月間盛出人採之與人鬪其螯甚巨往往能害人三曰擁劍狀如蟹而色黃其一螯偏長三寸餘有光四曰彭蠡螯微毛足無毛以蠶殼而貨於市爾雅曰彭蠡小者蠡

云小蟹也蟬音澤螭音勞吳人呼為彭越搜神記言此物嘗通人夢自稱長卿今臨河人多以長卿呼之五曰竭朴大於彭蠡殼黑斑有文章螯正赤常以大螯障目小螯取食六曰沙狗似彭蠡壤沙為穴見人則走屈折易道不可得七曰望潮殼白色居則背坎外向潮潮欲來皆出坎舉螯如望不失常期八曰倚望亦大如彭蠡居常東西顧睨行不置又舉兩螯以足起望惟入穴乃止九曰石碯大於常蟹八足殼通赤狀

昌國典詠 卷六

五十四明發書

約圖刊本

若鵝卵十曰蜂江如蟹兩螯足極小堅如石不可食十一曰蘆虎形如彭蠡正赤不可食十二曰彭蠡大於蝤蛸小於常蟹呂君云此皆常所見者北人罕見故繪以為圖又海南言海中鼈屬島之東一島多蟹種名甚異有虎頭者有翅能飛者有能捕魚者有殼大兼尺者以非親見故不兼畫李履中得其一本為作記予家楚宦游二浙聞廣所識蟹屬多矣亦不悉與前說同而所謂黃甲白蟹蟬蠍諸種呂圖不載豈名謂或

殊乎故紀其詳以示博雅者

昌國典詠卷六

李四明叢書
約園刊本

昌國典詠卷六

昌國典詠卷七

清金陵朱緒曾述之撰

問潮亭

寶慶四明志問潮亭城南背負舟山前瞰門鹿
下臨大海淳熙十六年建待潮亭在舟山恩波
亭大生堂主簿王子亨建令趙大忠記與恩波
亭相近乃祝聖壽放生之所也舟山館令趙大
忠建依憩館道隆觀東定海縣丞趙崇賀權縣
創建水道提綱舟山首向西北尾指東南縣城

昌國典詠 卷七

一四明叢書
約園刊本

近西南

潮消潮長問如何亭館迎人海岸多穩趁風潮勤問渡
但能破浪有恩波

冰壺亭

寶慶四明志冰壺亭城南芙蓉洲環以芟荷舊
名清遠乾道六年主簿趙善譽易之舟山志主
簿趙善譽字延之信安人乾道八年以簿攝縣
事政尚簡易而愛民之念惓惓時值歲儉監司
政猛譴課殿於縣而善譽泣謂民曰吾弗能承

奉官司由爾屬瘠也暇輒誦讀於署後之冰壺

亭一年即解組而去案樓宣獻公鑰攻媿集朝

奉郎主管雲臺觀趙公墓誌其略云公諱善譽

字靜之一字德廣系出太宗皇帝後公弱不好

弄年十二三誦詩書屬文如老成人未冠失怙

恃固窮自立手不釋卷足不越戶不知飢渴寒

暑之變兩試胄監乾道五年試禮部俱為第一

登進士第調明州昌國縣主簿昌國邈在海嶼

公介然有守不鄙夷其人為辨曲直皆明達平

昌國典詠 卷七

二四明叢書
約園刊本

允邑人相與愛服之或訴於郡多願決於主簿

今太師嗣秀王時為守俾攝邑事對易定海慈

谿三年簿領而無撫字之寄踰二期三邑父老

猶能道其惠政海盜竊發捕得全黨郡欲奏以

上賞公言攝令捕盜不足為功誠不欲以人命

希賞典嗣秀王為奏貸羣盜殊死力薦之朝公

未始聞也授兩浙轉運司幹官忽報改秩知撫

州臨川縣人相與立生祠於縣治添差通判常

州遷大理寺主簿又為大理丞十一年充省試

考官六月除提舉荆湖北路常平茶鹽先嘗進
南北攻守類考上曰卿向所進書可謂有志至
是又進易說謂聖人以斯道寓之書上又曰聖
人以此寓之於書天何言哉易學要須兼通天
人卿史學如此經學又如此及臨遣又曰卿向
來學優則仕今乃仕優則學朕得人矣數日有
請薦擢宗室人才上復言公經學文章雖士林
中亦罕有之十三年除潼川府路提點刑獄漕
使闕上稱公儒者可使治財就除轉運判官持

昌國典詠 卷七
三四明叢書
約園刊本

節東蜀凡三年士民愛之如父母寢疾二旬上
章力丐歸主管華州雲臺觀及歸蠶稚奔送涕
泣不肯去既違寓里屏絕家事獨處一室圖書
自娛一日燕坐榻上瞑然而逝十六年八月癸
卯也公天資高明識見超詣研精性命之學所
著易說晦庵朱先生歎賞以為擴先儒之未明
頤正郭先生嘗序易書謂貫三才之理於其中
一諸儒之說於其外公孜孜好學公退不少懈
率至夜分乃寐嘗為皇朝開創要覽十四卷又

為皇朝聖政類編南朝攻守類考崑山徐氏傳是樓書目東
南進取輿地通鑑二十卷趙善譽著黃丕烈天
三十卷孝節先生趙善譽著即陳氏解題馬氏
通考所云南北攻守類考也宋刻藏無錫某氏家
晉記載年表論語說

鏡歌鼓吹曲祝堯文等詩文六十卷號恕齋類
稿藏於家少名齋以宗汪以勵其操後名以恕
其志將以及物也出而從宦苟有利於民圖之
甚於飢渴救荒施舍之外又所在為經久之計
在昌國能勸勉富室買田與山專為編氓嫁娶
喪葬之資云云亦見宋史宗室傳緒曾鈔恕齋

昌國典詠 卷七
四四明叢書
約園刊本

易說四卷首易統論每卦為說一篇直齋書錄
解題易說二卷潼川漕趙善譽德廣撰

承奉官司我未能陽城下考矢兢兢蒲鞭不響書聲明
涼月亭涵一片冰

洗心亭

舟山志明陶積洗心亭記云衛使陳侯分禦翁州克澤廢壘兵政
咸立先嘗營葺公署煥然改觀未幾旋衛而大
兵蠲集乃寓人於室毀燬焉茲來復捐資新之
乃於廳之西偏闢地作亭瀦水為池翼以淺廡
繞以短垣額其額曰洗心為退思之所客有過
而問者曰公署之建古今攸同詩稱退食委蛇
易稱嚮晦冥息陳尸鼎深念之有燕居韓延壽

省過之有閉閣薛隱臥思之有齋咸以政務或
闕莫可於是補全之也今公燕居名亭乃弗是
之擬顧曰洗心何哉侯曰沿舊泥迹創為得也
愚茲所務雖政所厥由立匪心固無以為地也
不觀孟子之見齊王而不言事乎蓋用人行政
政之教且利欲交加情易牽滯而中卒迷眩思
欲一洗偏倚離間之私使清明在躬足為應酬
肯綮能警心成德竊有慕焉而未能也去舊染
而新是圖敢忘疏瀹有慕焉而未能也去舊染
名也客間言唯唯而退翌日落成鄉士之知者
攜酒於上致燕賀之忱於時四休孫子執爵賜
言曰蔡豈有言心猶首面去垢之功日惟修善
善有諸已澤流於人匪是之故曷其以心繼乃
曉峯章子滌而更進曰伊昔殷君盤銘日新資
以社惡詎曰濯身聖無滿假克嚴克敬剏茲吾
屬敢忘戰兢次雙槐徐子亦敏祚而進曰西子

昌國典詠 卷七

五十四明叢書

蒙穢過者掩鼻惡人齋戒可祀上帝仰侯銘鐫
羨侯韋弦規規炫耀寧望自全凡在集者以次
畢於頌禱侯再拜其賓曰詩云他日有子心
度之又曰上帝臨汝無貳爾心其今日諸公之
謂也第不肯碌碌恐莫究莫圖爾敢不佩服斯
義乃上舍省吾韓子思橋朱子庠友小泉徐子
養吾韓子蒙泉王子洎逸士丹崖蘇子輩相與
屬筆於梅岑陶子請記之以要永久梅岑子曰
噫吁唏逐物任情時之通俗侯能振拔足音空
谷冥安之中寓有鳩毒亭名洗心以理防欲殊
可嘉也遂次第其言俾識之亭壁宜定海縣志
示來者庶繼繩有人罔疏前躅云爾

洗心亭隆慶元年指揮王承恩建緒曾案記文
云衛使陳侯非王承恩也

一點靈臺不染塵全憑洗伐見精神西江吸盡尋常事

滄海橫流障此身

受降亭

舟山志總制胡宗憲題受降亭云十年海浪噴

長鯨萬里潮聲雜鼓聲聖主拊髀思猛士元戎

詎意屬書生身經百戰心猶在田獲三狐志幸

成報國好圖治安策舟山今作受降城都督盧

鏜和云手提長劍斬妖鯨八面威風四海聲白

髮尚能酬壯志丹心應不負平生羣蠻俯伏歸

王化萬姓歡欣慶有成禍本已除環海靜此城

昌國典詠 卷七

六十四明叢書

端儼漢三城定海縣志受降亭在觀山明嘉靖

時受王直降建又聯恩祠在城中祀俞大猷盧

鏜陶積為記於饒異時同祠者也劉諸葛武侯

雲長關侯翼德張侯之於夔同時同祠者也雖

不同者跡然治業之符經畫之同地人心感

慕之同情則一而已矣肆我郡督僉事吁江俞

公都督同知北山盧公之感人心者又同蓋兼

二祠之故而有之者且吾古昌國地方為浙

東極密邇島夷駛檣數潮可抵海隅莫此為甚

我朝雖革遷衛縣輒復命帥侯督備於茲良有

以也熙洽既久武備寢疏故頻年以來內究乘
之遂導夷侵掠邊氓卒爾遭之辟易存殘而倘
此啜泣之狀殊不忍言二公以公忠慈惠之德
老成持重之才先後承命來莅茲土各能以分

守周施其間或首尾應援或一面奮擊皆戮力
相時臨機制勝而所積俾敵咸數千計方且客
兵駢集凌轢土著則嚴為禁戢而撫循焉不啻
若慈母之於赤子以是兵燹之餘城域保固而
民不重創秋毫無疇之力耶此祠之所由立也
昔何武在郡無赫赫之名去後嘗見思矧二公
除暴安民而其深仁厚澤足以淪洽人心者哉
今雖或去或留固猶大造之生有因時代禪而
委遺故跡初何責報於人然而人之慕之如寸
草春暉弗能自已夫豈形勢之驅聲音笑貌之
為者耶亦猶饒民之於顏范夔民之於諸葛關
張者矣嗚呼休哉祠因閭塾之故址為堂三楹
肇工於某年月日將肖像其間漸圖門廡庖湍
之備屬余記之余辱二公雅遇舊矣能以鄙劣
辭乎若其運籌決勝之方經略折衝之跡雖更
僕未易縷數者固將大書特書於竹帛以垂不
朽茲曷

昌國典詠 卷七

七四明叢書
約園刊本

能酬推轂莫南邦波靖長城築受降回首十年經百戰
笑看匍匐拜旌幢

樂凱亭

舟山志明陶積樂凱亭記
亭以凱名識夷捷也
捷何與於亭哉時相
值也情相係也先是公嘗命屬吏鮑繼宣董作
池亭於府署之右以便休沐既而屆汎期公率
舟師巡海上獲夷寇殲之踰月旋師而亭適竣
工因名樂凱屬余記之昔東坡蘇公嘗亭於扶
風之署時適喜雨遂以是名之茲公亭成凱旋
乃名以樂凱者得無與蘇情同乎蓋蘇以職民
牧民以食為天時當亢旱民心孔疚天降時雨
民之樂甚於己之樂也今公奉勅命守寧紹等
處方夷舟標海上為邊氓憂喜獲禽獮而餘舟
遠遁民以安堵則游息之樂固不若俘馘之餘

為樂於時落成之頌與奏凱之歌交聲歡沸則
公之樂為民樂也而蘇子之喜為民喜也又豈
有開耶由是優游爾休奔鯨伏於滄海泮渙爾
游麓犬靜於花庭或雅歌或賦詩養威望於投
壺橫槊之餘或論文或講藝適冥間於息馬投
戈之隙其為樂何如猶未也進思退思期忠過
之盡補獨樂眾樂務休戚之相關凡所以出之
身而施之政者一皆公於己以公於人焉則公
之樂而民樂之也豈惟凱而已哉或曰安不忘
危公之夙心樂且憂焉將何時樂哉余曰否君
子有終身之憂無一朝之患後天下之樂未始
不由先天下之憂得之然則君子患不能憂爾
奚以不樂為患哉徐氏諱正字世祿吳淞人
以武科壬戌進士歷仕於此屬天下之望焉時
萬曆四 陶積嘉靖十三年選貢 舟山志徐正號
年也 仁齋吳之嘉定
人萬曆三年三月任參將守舟山營務振飭紀
律森嚴每遇汎防身先士卒荏苒無敢跳梁島

昌國典詠 卷七

八四明叢書
約園刊本

夷潛遁虛懷折節敬禮儒生去之日士庶卒伍
俱切攀轅陞黎平總帥以平倭功封蔭三子如
林如楫如彬如彬孕於舟山登天 定海縣志樂
啓間進士說者謂賢將之報云

凱亭在鎮龍山之西參將徐正建

投壺魚雅習容儀破陣功成酒一卮自有甲兵藏腹內
風流不是執冰嬉

雪交亭

勝朝殉節諸臣錄東閣大學士兼吏部尚書張
肯堂松江華亭人崇禎中在言路著蹇諤聲巡
撫福建嘗遣兵入衛唐王命為尚書請由海道

抵江南為鄭芝龍所阻唐王敗走從魯王順治

八年大兵破舟山城肯堂衣蟒玉南向坐從容

賦詩自經死妾周氏方氏姜氏畢氏子婦沈氏

女孫茂漪同死見明史張肯堂大義能明忠謀

素蘊崎嶇渡海慷慨捐生謚忠穆舟山始末張

重寬和不苟言笑威容儼肅望若神明然能謙

恭下士愛花竹善圍棋賦詩飲酒與人流連不

倦初仕濬縣令流寇充斥所至郡縣悉遭焚掠

公以恩義撫慰士民設法防禦至身先赴敵無

不摧敗鄰境亦賴以安遠近畏懷號曰張掙子

崇禎十五年巡撫福建時漳泉間山賊數萬出

沒擄掠官軍不能制公親率行或擒或撫除年

悉平莊烈帝被難凶問至率士民痛哭將與師

昌國典詠 卷七 九四明叢書

討賊會福王立於南京而止乙酉秋福王復沒

乃事唐王於閩改元隆武丙戌春王奔延平公

留守福州凡所措置鄭芝龍悉沮之乃解兵柄

力辭留守之任八月延平失守報至立散遣諸

姬妾徵服閒行將訪求王於東粵已而平海侯

周崔芝自浙還知王已敗沒於汀州力請公同

事遂駐海壇山招徠忠義遠近響應丁亥春募

義而五者益眾公悉出私財給軍資有眾千人

而北六月至舟山魯王自閩北還嘗以書招公

公愧從唐王不終力辭不赴已丑九月王至舟

山強公為相不得已拜命雖地狹人少而法令

紛紜事甚繁劇猶不廢詩酒後大兵日迫人有

勸公他圖者公曰我計之審矣昔為閩撫義應

死封疆所以不死者以隆武存亡未卜也後知

魯國主在亦高皇帝子孫也因留不死以事之

今惟以死待耳何他圖之可為辛卯八月二十

一日公在舟山圍城中惟日詠詩并作絕命詞

數章黏於壁九月初二城將陷乃衣冠向天拜

曰肯堂今日無君可事矣取印劍投於河就中

堂自縊妾四人從旁俱縊公初至時因城北隅

有陳氏廢園多梨杏修植之創草亭於中扁曰

雪交後移屍其全祖望鮎埼集明太傅東閣

大學士張公神道碑云公入翁洲翁之總兵官

黃斌卿者無遠略雖外致隆禮館公於參將故

署而公所言弗用也但謀據翁厚自封殖以偷

安海外公不得志栽花種竹於圃中作寓生居

記以見志其詞曰張子以視師之役航海就黃

侯虎癡於翁侯館余參戎之署中有舊池臺焉

昌國典詠 卷七 十四明叢書

張子葺治之踰兩春秋稍成緒忽自咎曰余何

人也茲何時也不養運甓之神而反躬灌園之

事余豈有狂疾哉偶讀本草寓生之木一名續

斷則又憮然歎曰有是哉木之類余也夫是木

之植本也不土而滋有似於丈夫之志四方其

附物也匪膠而固有似於君子之交有是哉是

木之類余也雖然是木之自託其生也甚微而

利天下之生也甚溥余安能比於斯木哉余也

生世算諧而姓名時為人指以故不能為有用

之用如榎楠栝柏之大顯於時而又不能爲無
用之用如臙腫拳曲之詭覆其短以至戴鼇三
傾擊曦再戾疆孤撐而羣撼之螯先登而下射
之浸假而朝宁之上荆棘生焉余因爲溝斷浸
假而棄置之餘風波作焉余因爲梗飄浸假而
師旅之命湯火蹈焉余因爲槎泛斯時身萍世
絮命葉愁山直委此七尺以幾幸於死之得所
而吾事畢矣寧計海上有島島中有廬廬旁有
圃又有地主如黃侯舍蓋公堂下孺子榻乎夫

昌國典詠 卷七

十二四明叢書
約園刊本

既適然遇之則亦適然寓之而已聞之三宿桑
下竺乾氏所訶而郭林宗逆旅一宿無閒焚掃
予嘗校其意趣以爲竺先生似伯夷蓋視天下
無寓非累而是處欲祛之者也郭先生似柳下
惠蓋視天下無寓非適而是處欲安之者也今
余將空無之累以就有道之安則文山之牽
舟住岸其視易京鄙塢將孰險孰夷耶彼其榮
悴於同臭之根而保貞萎於特生之幹亦若是
則已矣若夫死不徒死必有補於綱常生不徒

生必有裨於名教如茲木之佐俞扁而起膏肓
則余方以此自期世亦以此相責非茲言所能
槩也然而感慨係之矣無何張名振等奉魯王
至斌卿遂死王入翁以公爲大學士輔政公虛
所居邸以爲王宮別築雪交亭夾以一梅一梨
開花則兩頭相接嘗歎謂蘇兆人汝應元曰此
吾止水也兆人曰公死兆人必不獨生又二年
而大兵至城陷先一夕吳公稚山至作永訣詞
云虛名廿載著人間晚節空勞學圃閒漫賦歸

昌國典詠 卷七

十二四明叢書
約園刊本

來慙靖節聊存正氣學文山君恩未報徒憂悴
臣道無虧在克艱傳與千秋青史筆衣冠二字
莫輕刪因集家屬曰無爲人辱及晨詣姬方氏
周氏畢氏冢婦沈氏卽茂滋母也女孫茂漪俱
先投纆諸姬姜氏投水死畢姬先登姜姬止之
曰死亦當以序莫恩恩也公曰善乃以序而上
及諸僕婦諸婢之從死者公投纆梁塵甫動家
人報蘇儀部縊廡下矣公亟呼往酌之曰君少
待我復入纆九月初二日也

南吳舊話錄諸妾
及媳女爭先懸梁

聞公顧而大笑繼之以泣謂僕曰汝輩雖不幸見此然一門就義彼此眼目亦自灑然乃就縊死者二十有七人

中軍將林志燦林桂等以格

鬪死守備吳士俊家人張俊

尚數人臨難皆倉卒欲避公與如夫人悉出所

藏銀器分授之曰視我命絕後若輩持此各自

買命可也俊獨不受曰眾皆去則主人於冥途

誰為事者俊不憚先嘗之也乃別繫於廡下與

公同盡焉彭歡皆絕脰死

言輓鮑淵相公云一身真可繫安危垂死威儀

留青史即還丹千秋共惜遺金鑑十載何慙戴

鐵冠也識公歸箕尾上定依日月信芒寒紗籠

髮祇留相業在黃麻樓空燕子從風墜門冷龍

孫帶雨斜一自墨胎歌上海郭開泰輓張鯢淵

斷後華亭鶴喚更堪嗟

先生云海外風波起雲間節烈身一門誰惜死

向空重拜手灑淚淫紅董守諭雪交歌危亭孤

巾自注張忠穆字載甯

交命名忠魂恍惺兮夙夜不遑子遠把臂於止

水兮文節頹頹於從容之堂婦姬羣僕傲昂爭

死兮酌酒三爵服蘇君之倔強書襟鐵筆兮字

肅秋霜屬後之信史兮莫刪冠裳壯汝之毅烈

兮哭故君於鋒刃之銑曰斂屍而後就戮兮王

修朱瑒古之良毋使田橫之客笑人兮滄洲恨

滿悲白楊燕飛梁而銜土兮碑墜淚於路旁借

子猶以翼孤兮脫增繳於羊腸式趙玉之賢武

兮呂錡之死而復生吾今而令嬰白兮淒風碑

為王朝先撈掠一足自號楚堂往來海上心水

淵諸公爭答之有翁洲志一卷翁洲死事諸公

昌國典詠 卷七

約園刊本

傳一 華亭翼志楷送范香國回四明云報國倉

皇殉闔門雪交亭畔仰忠魂綱常自繫千鈞重

似續仍看一縷存刀斧營中能破械波濤海外

送歸輪多君誼在王成上未有生前付託言自

注范名兆芝送茂滋回松緒曾按蓉浦書院前

有雪交亭故址

冰柱撐天雪枕艾鯢淵雙樹日摩挲亭前分付厓山月

來照題襟正氣歌

治定堂

昌國典詠 卷七

約園刊本

定海縣志定海縣知縣周聖化

記天地之道陽動而陰靜故人君法天道取乎

山澤通氣山川者天地之臣而臣者人君之山

征伐自天子出使一人動而天下皆靜禮樂

人不議天下靜也地之道也人臣知此意以事

君則上獲其利而民蒙其福於一統四方無事

今上臨御之二十有六年萬國一統四方無事

東南漸海之地聲教遠訖而於是定海之縣始

立原其得名則以欽改舟山為定海山內外大

臣遂奉是以名縣蓋數百年不定之區自是而

萬古安瀾效順矣二十九春聖化始承乏茲

土闢萊為邑簡陋是虞夫邑之宣化在令令之

聽事在堂堂也者天威咫尺而下民具瞻之地

也顧不重歟越明年政務粗舉念是堂既不可

無而治堂之需取於民則又擾於是斥俸具材

鳩工飭務不數月而工畢蓋體宏而制檢矣堂
成顏之曰治定道香名改山之義而又取王者
治定功成以揚一人無外之盛烈也夫定環海
而阻山巖邑耳顧當東南之海會扶桑高麗暹
羅琉球諸蠻入貢之門戶登萊海岱吳會甌閩
商賈市舶之孔道故自唐設翁山宋置昌國州
於元衛於明或三十餘年而廢或三百餘年而
亦廢豈非亂易而治難歟又豈非定則治不定
則亂而興廢即因之歟聖化自受事來凜凜惴
惴念夫播遷招徠之民室家初定佃漁樵採之
利未足以遂其生詩書絃誦之教未足以復其
性為吏者一不愜其心不縱而走險也有望樂
土而鳥獸散耳數年之閒田野漸闢戶口漸增
賦完徭息民安於吏之閒而吏亦樂民之靜也
其於聖天子命名之義庶幾有當不然定於山
海不能而動之而動於吏山將不得而定之其
何以對揚休命爰敬為是記勒石於堂之右且
夕用以自儆而遠以貽後之君子若曰聖人之

昌國典詠 卷七

十五 四明叢書
約園刊本

治則既以定矣余小臣敢不以定為治乎其凡
材飭工及構後堂儀門之資與夫高閣深廣之
制度皆志 定海續志莊渭綸重建治定堂記
於碑陰 堂者前尹周公建於康熙三十年欽遵聖祖仁
皇帝改舟山為定海山又取王者治定功成之
義而名是堂也公繼李公任距設縣纔兩年耳
邑署雖建未有堂公斥俸鳩工始與學並建歲
癸酉余承乏茲邑距公莅定蓋六十有二年矣
受事之日見堂前軒楹無一椽一瓦以篋蓬覆
堂之上雖略蔽風雨環堵皆巖牆詢諸吏前聽
訟者多在內堂似非使民共觀共聞之意未遑
鼎新已躍躍心動踰年兩侵蝕材益朽凜凜
欲傾一夕颶風大作時冠嚴寒已二鼓矣余危
之出署而視見司更者俱蒙被臥其下趨之他
徙皆有難色余笑曰汝受寒與受壓害孰重始
唯唯起凌晨輒盡撤其瓦俾不復宿於是亟捐
俸廉購木於甌購瓦於鄞卜吉興工士民若

不知有此舉也者三閱月堂巋然成次建儀門
大門周道舊緣土牆皆易以甌內外舊額二聯
一亦新之仍書周公街不忘所自也嗟乎事必
創於前始可法於後蓉浦繆公蒞定二十餘年
興舉美備婦孺傳誦豈知有開必先者其在周
公耶余忝與周公先後同科今量移同官且同
隴右自慚謝劣於公經濟才無能為後惟此堂
重建不累一人不煩一牘差可以對前賢因記
之如此

善政周公繼李公登堂展復仰遺風須知磐石苞桑固
不在山川在治功

望海樓

裘璉太保黃公傳公諱大來字君甫陝西人也

昌國典詠 卷七

十六 四明叢書
約園刊本

貌修偉膂力絕人始為小校隸浙江提督賽公
白理麾下會直宿蹲踞堂側賽公夜巡遙望若
虎異之拔領小旗統五十人康熙十三年耿逆
叛據小梁山攻諸軍皆潰公獨舉旗奮往中礮
鉛丸仍陷陣大呼賊始披靡退卻十餘里親王
奇其功命敘賞授守備親王曰是何功也乃以
微職賞士誰用力遂特疏奏請擢福寧鎮總兵
官越三年轉鎮定海時縣治未設無城濠可守
公樹柵掘塹儼若金湯焉公能遠視署後建一

樓名望海日登眺遠瞭二三里外不誤命兵役
幹辦計從某處往還審其水陸徑道行李帆檣
無不辨悉或逗留生事卽呼訊無不承服營兵
無故不許擅出城一日坐樓中猝令執某至前
懲之曰頃從某橋借一年少出城者汝也悉其
衣履皆不爽人以爲神無一敢犯者嘗獨行遙
見小校提菜一筐公遽呼曰何竊人菜校曰此
自種者公曰菜方長自種者決不肯連根起拔
且帶有宿泥必被人驚覺不暇敲戛頃之果一

昌國典詠

卷七

十七

四明叢書
約園刊本

民婦追逐而至其聰察摘伏多類此公爲人剛
直莫敢以私干令嚴而機密夜宿恆數易地有
所往雖登舟策馬猶不知其何之信賞必罰按
籍給餉絲毫不侵剋以故雖憚其威而無怨者
公不知書然雅重士諸生貧能文者聞其名率
周之在定五年以病卒於官先一夕有大星隕
海聲若雷轟死之日兵民無不痛惜爲肖像於
南道頭以祀無子嗣秩晉太保卹贈如禮初公
抵任舟過蛟川獵者斃一虎獻公憶帥將事心

惡之乃卒歿於定史氏曰嗚呼公之去來豈偶
然哉詩所稱矯矯虎臣公足當之矣
軍令如山孰敢欺憶曾奮勇獨擎旗虎臣矯矯真無愧
百尺危樓坐嘯時

黃給事宅

延祐四明志宋黃龜年字德邵其先福州人後
葬父於鄞因家焉崇寧五年進士歷官殿中侍
御史會邊報王倫來歸龜年以秦檜植黨專權
阻上恢復上言檜徇私欺君合正典刑三上

昌國典詠

卷七

十八

四明叢書
約園刊本

遂禿檜職又請暴檜惡於天下從之除太常少
卿兼給事中檜復相龜年落職寓居湖州後與
兄岳年隱居昌國之馬秦山大德昌國州馬秦
山在海之東南昔有碧雲庵馬耆禪師修道於
此與黃給事龜年等聯句刻諸石有曰團團深
鎖碧煙籠馬安穩禪居瑞氣中黃萬里滄浪終
夜月張居更於何處覓天宮黃承事又歇驕岸
有石平闊五丈許昔黃給事結庵山側往來停
車於此元黃潛日損齋續稿題黃給事山居圖

云子讀紹興正論小傳未嘗不三復而悲之方
秦檜起勢立威小不附者輒欲寘之死地而忠
鯁之風不為少衰嗚呼何其盛也然皆僅足以
掇禍固莫有得行其言者嗚呼又何不幸耶獨
故給事中黃公居殿院時疏檜姦狀檜由是去
相位使當時聽言類如此正論可無作矣他日
檜卒用公卒斥我瞻四方蹙蹙靡所騁嗚呼悲
夫公之去也屏居海上馬秦島上蒼厓崛起長
風怒濤中覽是圖猶想見其孤標峻節當與之

昌國典詠 卷七

十九四明叢書
約園刊本

並存天壤閒也

李幼武四朝名臣言行別錄黃龜年字德紹福州永福人崇寧

中第進士紹興二年除侍御未踰月論罷秦檜
累遷給事中以集英修撰領宮觀而卒初太博吳
元美創嶽宮三清殿萬公咸在吳以題梁遜公
公即解手帕濡墨大書云風馬雲龍儼百順鈞
陳之衛金枝玉葉拱萬齡宸極之尊詞語鏗潤
書法高古吳初見公略不經意復疑需筆染墨
非法既而雙美始大喜心服歸語子姪因曰此
公不特詞翰可敬其才出人數等未第時貧甚
自處湛如應鄉舉引保有考官某人初為縣尉
見公大奇之私自語曰安得此郎出我門下既
而公與薦尉喜願妻以女後公登第歸尉已捐
館妻孥輿榘相遇於道公哭之慟慨然賃屋使
人導意請遂初尉妻辭曰往事尚忍言哉無
祿縣尉清貧死無私積吾攜百指扶護西歸衣
裝斥賣殆盡懼不能達那可議先輩婚先輩第
黃甲當結好鼎族吾且行矣善為我壽公垂涕

曰吾許以諾死而負之何以自立夫人不念死
者言乃作世俗語有遂吾志秋毫自齎不敢聞
命遂定婚選近聞分攜慟哭而別公論秦檜第
一章曰臣聞事君之道曰忠而人臣之罪莫大
於欺君輔政之道曰公故宰相之罪莫大於徇
私宰相徇私則刑賞私用爵祿私授合黨締交
相與比同焚惑主聽肆為欺君之事伏見秦檜
歸自虜中不一年而超至宰輔檜當如何圖報乃
營一己之私不顧國家之急刑賞以私用爵祿
以私授王仲山檜婦翁也嘗守撫州金賊到城
親往迎檜除名編置檜初蒙任即奏令自便夫
刑罰者天下之公也檜乃徇私而壞之王昂檜
妻黨也自起居舍人除中書舍人昂不敢當而
辭免即除待制豈所當得夫名器者天下之公
也檜乃徇姻婭之愛而假人刑賞陛下御天下
之至權而檜敢盜用其意安在復論第二章曰
檜蒙陛下厚恩國家艱難之際人臣捐軀殉國
之秋當忘其家與身而乃含恨復之心肆姦回

昌國典詠 卷七

二十四明叢書
約園刊本

之志言偽行詭陰移威福慮陛下知其姦則嘯
羣小而聚之朝廷挈眾枉布之要路公為朋比
以為己竊弄國柄之助賴陛下辨之於早而立
破其黨不然其為國深憂未可既言也尚可龍
之以儒學最上之職名而俾之優游於琳館復
聽其自如懲惡之罰欲安用乎陽貨竊寶玉大
弓仲尼猶書盜以誅之況竊弄國柄可謂盜臣
矣又第三章曰臣聞任伯雨有云小人為姦之
狀甚多可一言而該之曰無忌憚蓋小人不恥
不仁不懼不義立人之道曰仁與義而小人之
所不恤故無復有所忌憚恩莫隆於父子而不
仁則敢違其親義莫重於君臣而不義則敢後
其君君親且不容於天地之間其惟不仁不義乎
陛下德量涵容萬物萬物固於天地然大臣有
不義而後其君者陛下亦安能容之而不正其
罪乎檜厚貌深情矯言偽行進迫君臣之勢陽
為面從退恃朋比之姦陰謀沮格欺君如此正

以懷不義之心故上不畏陛下之察見中不畏
百僚之旁窺下不畏天下之竊議無忌憚故敢
如此云云第四章曰爵人於朝與眾共之其好
與天下公也刑人於市與眾共之其惡與天下
公也好惡與天下公則功罪之狀當暴白於天
下檜之潛隱罪非陛下發揚於告廷之制則
中外孰得而知之其奸狀之大槩讀制詞固不
以想見然其事曲折之詳則人皆傾耳而恨不
聞也願陛下發明詔以檜潛隱罪暴白於
天下使天下之人皆知所以破為臣懷姦之膽
庶朋比之風不元胡長孺石塘集題馬秦山圖
復作不亦善乎

昌國典詠 卷七

三十四明叢書
約園刊本

與茲山同昔人正色臺端立抗疏秦檜非誠衷
外主繼敵事回測植根堅固應難攻上心感悟
遲升遐隱隱卒未聞國中時論尚或許忠信此
章似亦成恩恩七年復出踞公卿操柄獨渥互
初終飛殺軍瘦狎猶秘羣君子死煙霧濛濛時
尚議語無驗宗社固自巍崇崇豈知悟室已戮
死在事非復前驍雄秘計欲和繕未具知聞那
許餘人通事仇敗國事莫就更聞海宇休兵戎
言挾瘦伏幾太息鬼羈炎嶺何其惻初相北庭
去未久効章宜得窺所衷七閩得歸良不惡遠
勝鯨魚翻青紅自來舉職盡言責餘年誰計身
窮通代謀立見內難息深愁尚服昌言言公天憐
孤立不偏倚用絕勝地扶緒曾案延祐志黃給
衰翁見朱存理珊瑚木難

事字德邵宋史本傳與四明名臣言行別錄作
字德紹舟山志同定海縣志作德裕誤

格天高閣力能排安穩禪居臥海涯不是真鴻避增繳
恥聞長脚劃江淮

真隱舊游

史浩鄧峯真隱漫錄昌國保壩道場疏曠其乾
矣斯成萬壔之儲而以潤之則失一年之計敢
憑佛果上動天慈伏願慧日流空仁風扇海凡
有波瀾之地悉為冰玉之區三日之霖利不遺
於農畝六月之汎課自足於版書惟微不獲之
一夫庶顯無邊之大覺昌國縣衙祈雨疏炎曦
昌國典詠 卷七
三十四明叢書
約園刊本

久亢天外峯攢秋稼垂成田閒龜坼傾斯民之
渴望祈我佛之哀憐載涓公宇之塵用啓祇園
之會伏願濃雲靄若甘雨沛然蘇萬井之焦枯
慰終年之勤勤普均生植仰戴慈仁昌國保壩
青詞國饒近寶誠為貨殖之源水潤作鹹必假
陽精之助茲繫天子殆匪人為謹禪夙夜之誠
冀動聰明之鑒伏念臣謬尸百里麤有四封雖
號膏腴亦頗斥鹵旱則便於煮海而或慮其無
年水則利於殖苗而復憂其失壔惟雨暘之並

若庶財賦之兩全多稼如雲今幸有千倉之望

萬亨積雪願猶愆一簣之功是用敷淨供於琳

宮演靈科於蕊笈式憑世禮用薦民誠仰冀覆

疇無私神明有格俾潮汐晴陰之得序庶牢盆

火齊之悉宜永與蒼生同依妙蔭次韻范經幹

昆季昌國雜詠餘馨花滿架猶煩雪作英年年

牡丹伴韻勝還馳雅客名縹緲碧裳留夜月娉

婷玉面起朝醒卻嫌梅蕊無才思零落蒼苔為

笛江倅出家樂沈沈春酌話縹緲花月行船看

錦出香蓮未華青子猶如豆欲贈鱗鱗始

上鉤蓬島古來無覓處我曹今此得真遊范幹

昌國典詠 卷七 三十四 明叢書 約園刊本

招足顯道片帆落處是三山絕景塵居了不關

騎鯨渡海風生腋揮塵談玄笑滿顏大德昌國

從此清名造二陸錦囊廣和不容閒

州志史浩本郡人宋紹興戊辰年為正監鹽官

至淳熙五年入相官至太師贈越王諡忠定紹

定二年祠於道隆觀東偏榜曰真隱舊游參政

余公天錫記心之精神是謂聖佛與人同此精

智佛莊嚴福德即人之富貴利達故俊哲挺生

謂之一佛出世而觀音大士能見宰官身者人

與佛一而二而一也彼霞錦畫空雲花絢目

於儵忽俄頃也四明寶陀環海一絕島乃觀音
大士示現威神之地四方來謁敬者祈一觀瑞
相而莫得豈大士靈威固斬於人特人之精神
不足以感大士耳惟我太師丞相忠定越王攝
事昌國一日航葦而至冥心作禮願瞻徘徊寂
無所見歸與瀾師論文殊圓通童子入法界事
再至洞下有比邱指之日巖有竇可以下瞰王
攀援而上萬象洞豁瑞相倏見金身玉齒毫彩
燦然大圓鏡中恍如悟對既而邂逅胡僧揖而
前日公有結果寇萊公也言訖而退竟失所往
意者大士百億化身妙耶世皆以公台之貴見
兆於此不知精契神交昭合無二故王以超世
證佛已徑入文殊圓通之場而佛以應世委王
不得辭萊公結果之囑事之顛末固已留題於
紹興戊辰之寺壁矣紹定改元春邑令詹仁澤
發揚秘奇即道隆觀東偏建宇而祠之鳩工雖
力葦草未就冬趙汝浥實來絃歌靜閒刃砾游
裕公餘蕙敬伏謁祠下睨其基誠拓矣而庫而

昌國典詠 卷七 三十四 明叢書 約園刊本

弗崇也閱其圖誠工矣則饌而弗傲也耿光輔

尉也林潭知監也左之右之經之營之魏創一

室遂碩且顯丹腹輝輝用安王靈堂列三楹寔

闕寔闕可瞻可儀廊翼兩廡寔寔行寔修可羣可

趨西附羽宮而通車備灑掃也東臨積水而建

閣憩遊觀也大門時前新隄通道規模壯麗百

倍於前向時巖竇下瞰之瑞相久傳為實錄闕

千獨倚之勝賞盡萃於目前顧不懸哉嘗聞之

佛之為教燦羣昏而獨耀度般若而先涉潛通

而廣被密讚而顯現百千萬億何沙世界無不

普濟功亦懋矣及其離性離相空想空識欲斂

萬有於一無前詮後譯非不夸詡曾不足以

目太平咸觀登閔乎帝王之域亦既增光前聞
人矣及手扶日鼓再奠神器殊勳偉績又有以
申國家無疆之休了此一大事因緣真有佛力
所不能到一念流通今在在精神矣是佛國固
有待於王而王觀舊有金闕寥陽寶殿殿前忠
定史越王嘗賦臨江仙詞云試憑闌干春欲暮
桃花點點胭脂故山凝望水雲迷數堆蒼玉髻
千頃碧琉璃我本清都閒散客蓬萊未是幽奇
明朝歸去鶴西飛三山乘縹緲海運到天池結
曾案臨江仙詞鄧峯真隱漫錄未載然為史越
王浩作無疑延祐四明志亦云越王作明程敏

昌國典詠

卷七

三五

四明叢書

約園刊本

政篁墩忽以此詞為史彌遠作定海縣志及近
人選四明樂府皆沿其誤補陀傳又云彌遠見
茶樹上懸大目為作相之兆尤無足取

鄧峯真隱舊樓鸞凝望三山鶴影寒不信濟冤深似海
桃花點點泣闌干

張孝子宅

寶慶四明志旌孝坊狀元橋東為張超孝行立
張超昌國縣狀元橋東人家鬻素食為業超自
幼孝年十九父榮患氣疾寢篤醫藥禱禳俱無

效超對佛炷香剖腸取肝煮粥以進不踰日父
病愈寔乾道二年十二月二十六日也守趙伯
圭舉楊慶例命縣厚加優恤趙師夔岳甫皆嘗
申賞資焉其後父母以壽終葬富都鄉第六都
之虞家壘嘉泰四年令葛洪援赦令與免一切
料賦徭役仍封殖其父母墓禁樵蘇者案虞家壘在紫
嶺大德昌國州志興行坊在市橋東為民救父
病立即張超坊又敬愛坊為民救母病立舟山志朱
日新家住狀元橋西有母年七十淳祐七年病

昌國典詠

卷七

三五

四明叢書

約園刊本

革日新剖股以進殞而復生鄰里聞郡縣犒給
甚重題其門曰孝愛又云張超嘉定四年超病
篤子義割乳以奉之淳祐六年義病而其子華
祖復繼之三代孝行天性相傳嘗表其門曰旌
孝景定三年令干文傳改曰興行案干文傳乃
元延祐四年昌國同知此云景定三年令誤也
肝腸剖取粥親調旌孝門高世德遙到此不迷三里霧
至今海市有張超

陶平石山房

大德昌國州志陶回孫咸淳五年陳文龍榜進士又圖南坊在南門舟山志陶回孫字元愈號介溪讀書城北平石山房五載足不越邱樊登咸淳元年選試大德志云五年進士此云元年選試誤授芙蓉洲文學落筆輒千餘言意趣精到行省季尙鏞表薦遷平江倅已而尹臨安卒於官州守范世昌題其門閤曰圖南又陶椿卿字君壽回孫子方弱冠父寓杭暴卒奉母護喪東歸至蛟門颶風大作幾至覆舟伏棺號天得免於難閉戶讀禮

昌國典詠 卷七

三十四明叢書 約園刊本

癸酉以戴氏經魁名覆試又魁名

定海縣志延祐癸酉解元

覆試又得魁有三元天下有兩解世間無縮會案元延祐元年甲寅迄七年庚申無癸酉紀年又十三年乃元統元年以元甫定東南據此癸酉年癸酉縣志有誤乃宋度宗咸淳九年又六年宋亡元有天下若至延祐則元已享國三十五年若元統元年則元享國已五十四年矣元甫定東南蓋宋季發解入元不仕也遂廬墓不仕自號平石不忘先也延祐七年卒於家據此益知癸州西爲度宗時貳守干文傳銘其墓郡國利病書平石嶺山山椒多方廣石碧流雙澗左右引映下頗夷曠定海縣志石嶺山縣西北四十五里一名平石嶺

元介軒陶先生暨平石先生藏修處首登坊城東元本州同知干文傳爲延祐癸酉科解元陶椿卿立圖南坊在城南門爲徵士陶回孫立明黃汝象臨安縣志宋知縣七十人元知縣僅載賈汝霖劉立道二人俱無陶回孫其仕宋仕元俱未明載椿卿發解則在宋季其不仕則在元初疑回孫亦未仕元姑誌此以俟考芙蓉洲上北城居陶令風流五柳餘有子蓼莪終日泣鯨牙奪骨免依廬

昌國典詠 卷七

三十四明叢書 約園刊本

范主簿著作林

宋陳著本堂集故節幹范君墓誌銘四明素多士山川氣分前輩風流日以衰落尙其如吾友范純甫者幾何人哉而死矣他日其孫鶴孫曳衰踵門曰鶴孫大父善於子葬且有日敢以狀請銘余執而哭之不得辭君諱應發純父其字也慶元府昌國縣人曾祖庠祖希顏父鎔前迪功郎滌州清流縣主簿君早孤母趙氏力貧教其子資之師從不遠千里文聲藹然旁魄再賓

秋薦晚始第名奉官授迪功郎嘉興府崇德縣
縣尉縣當孔道吏鬻民鬻號最難治本之清苦
推以果達當路才之叢難以委摘奸鉤隱冤滌
滯疏閒抱牘立臺府下相可仡仡不少勤於門
大書云更無私入路常是大開門憲使李公庚
行部見之異下車訪問隨事敷答無遺餘曰此
非神明尉乎卽路騰剡唐公震繼之與郡守俞
浙漕使許公爭令出門下趙公孟傳檄入幕家
公鉉翁使其幹辦臨安府節制司公事厄於時

昌國典詠

卷七

三十四明叢書

約園刊本

志不克竟歸老於里吁命也夫君平生剛正於
其所知不以世故遷其有不辱吾類容明氣揚
稱道不離口其有過雖夙所敬說必面折不以
情隱於家東偏闢一室做忠宣公遺意曰著作
林家燬並其先人墓以居號小范旣而買屋城
中圖史左右日有手鈔惟意有所可曰自足記
交游旣廣客坐無虛頃傷詠留連率竟日乃去
蓋其心曠遠蕭散所適皆樂如此君生於己巳
五月六日終於戊子十有二月二十有一日享

年八十娶陳氏端懿靜和賓敬盡老越明年十
有一月十日亦以壽七十有七歲終於內寢子
男二長逢甲漕貢進士先君五年卒次埴後其
姻親馮氏前承信郎女二長適前禮部進士趙
嗣鎮次適前迪功郎趙嗣銓孫男一卽埴之子
鶴孫是也女一適趙必聖君蓋棺甫半月延燎
垂及鶴孫亟奉之出敢於奉化縣禽孝鄉馮氏
墓廬山之陰爲道士壘君治命我死於此乎葬
己丑十有二月甲申啓敢以陳氏柩合葬銘曰

昌國典詠

卷七

三十四明叢書

約園刊本

學以成名而遲於成仕以行志而嗇於行維壽
則豐維心之亨式寧其歸尙澤雲初緒曾案
范主簿雖墓在奉化而家於昌國余錄陳本堂
所撰墓志全文者以其祖父子孫世系皆足補
志乘之缺也本堂又有贈范鶴孫序范鶴孫余
故人純甫之孫干之之子聞出示諸君子所贈
詩頗與其善吟而求余序之因語之曰子之年
方十有九此古之人入大學以後之歲月以博
學審問慎思明辨篤行十字爲學之本以止定

靜安慮得六字爲學之功此外未見其有暇及之也況子雜居城市紛紛其過者易感單傳門戶惇惇其弱者易動波頹風靡而不自覺其易流日濡月染而不自知其爲異而祖而父屬以何事一有跌足則坎坎千丈之間不能以寸余爲子懼昔文正公幼孤讀書長白山藜莖粥塊積十年如一日及其成乃如此其德業子其可自戾於姓譜之中乎余敢以此爲勉而詩非所急也子視予爲丈人行言之非過他日有成必

昌國典詠 卷七

三四明叢書 約園刊本

德余言余將亦有以見而祖而父於地下矣本堂又有寶鼎現詞壽范著林著林仙叟夢境炊得纔香還覺回首泚觚稜何處雲與商量浮計小矮矮屋半弓來閒地也著三花兩草沸眼底鞭風笠雨不滿茶邊一笑壽骨奇聳人仙峭散人裝遊戲塵表簾豔永長留雅伴吟唾寬飛瀟灑料最好是瑟和琴同調眉裏相看耐老更綠草生枝可意譜得家傳較早爭指畫額兒兒歡祝處荷薰吹曉記蘭湯初試當日風光又到拚

釀飲任金樽倒醉把羲娥傲算萬事都是空花雪柏霜松鎮好舟山志咸淳四年陳文龍榜進士范應發

著林仙叟繼忠宣矮屋三花兩草妍笠雨鞭風忙底事輸他一笑茗甌邊

陳公臺

戴良鄧遊彙君諱麟文昭其字也先世自福清徙溫遂占籍焉至正甲午以易經貢春官乙科授慈溪縣尹自開國以來治慈溪者莫能及陞

昌國典詠 卷七

三四明叢書 約園刊本

浙東副元帥領慈溪縣事如故君以所在陷沒方欲與民相保障以俟天下之定俄而方左丞國珍駐兵郡城單騎往謁方忌君留之不遣或說君潛歸爲自守計君不忍危其民卽盡散其兵爲農方以君旣失勢陳兵脅之君正色曰吾先朝臣不可以兩虎鬪故隻身以至殺我非勇也方愧悟謝過然卒置君海上之岱山比行父老送之出境遣去不可皆泣曰奈何舍父母乎君至岱山卽著道士衣冠而舍其宮治田葺園種

牧以爲食無纖毫芥蒂意後仍給以足疾倚杖
蹒跚出迎客方使人覘之益不疑君以海鄉僻
陋爲興岱山書院嚴師弟子之職暇日復與其
里人聚石爲臺陳篋篋爵俾盛升降揖讓如鄉
飲酒禮父老見而榮之爭令弟子爲學變其習
俗且名其臺曰陳公臺久之益親信君事有不
平俟君一言而解頑民亦知敬憚諸山酋長掠
物於外輒戒其眾曰勿登此山有陳公在也已
而朝廷起君戶部主事佐尙書郎貢師泰往理

昌國典詠 卷七

三四明叢書
約園刊本

福建鹽鐵賦尋改溫州路瑞安知州君度不能
行俱以疾辭丞相河南王總戎太原承制授君
中順大夫祕書監丞亦不赴君留海上十年移
郡城又三載而版圖內附於是南游閩中未幾
竟卒於閩之寓舍陶宗儀輟耕錄會稽陳思可
睿云至正丙申御史大夫納麟開行臺於紹興
於時慶元慈溪則有縣尹陳文昭本路餘姚則
有同知禿堅在城則有錄事達魯花赤邁里古
思皆總制團結民義者納麟之子安安以三人

爲不易制思有以去之乃先給召禿堅至寶林
寺夜半率臺軍擒殺之從而方國珍亦執陳文
昭沈之海獨存邁里古思一人耳舟山志元陳
麟方國珍據慶元開府威勢日盛屬邑皆承奉
恐後麟獨與抗國珍陰欲害之未幾棄官至昌
國與三州陳緝締好謀斥國珍朝廷遷詔屢下
不赴元沈夢麟寄慈溪令陳文昭云因風問訊
慈溪令每怪來鴻不寄書風俗過江多閉糴亂
離爲客歎無儲公田七月收紅稻山縣千家食

昌國典詠 卷七

三四明叢書
約園刊本

大魚見說海東時序好欲攜妻子就耕鋤元張
仲深子淵詩集題陳文昭雪蓬詩幽人久住湖
南隅開門看月雪滿湖團團茅齋小如舸宛若
身世江湖居夜深夢入剡溪曲青簾白舫如吾
廬似嫌清氣生肘腋坐覺寒景橫瞳矐夢回但
訝夜生白恍若雪浪搖窗虛起來作詩不可紀
呵冰寫作山陰圖全祖望句餘土音陳文昭岱
山操詩話慈溪大令陳文昭名麟受業於慈之
大儒寶峯趙氏借以傳慈湖之學方國珍軍入

慶元獨公不屈國珍執而投之海或諫而止乃
囚之岱山終不屈而死今翁州志謂公避方氏
於岱山者謬琴操云昔年寶峯兮北面受教書
而鳴琴兮夜則講道聖學有真兮惟忠與孝詎
以城邑兮齋彼羣盜憤彼元帥兮喪其旌纛空
令下吏兮義憤慘慘洋洋東海兮岱山其隩追
擬蘇卿兮困於雪窖西瞻寶峯兮靈光有曜不
負吾師兮臨流長嘯緒曾案文昭本無琴操全
氏以意補之陳公臺足補志乘之缺輟耕錄沈

昌國典詠 卷七

三五四明叢書

約園刊本

海之說亦傳訛也

高臺直接寶峯青臺上慈湖舊授經十載拘幽琴操響
夜來彈與海龍聽

丁高士海巢

元丁鶴年海巢集題昌國普陀山寺壁詩神龜
屹立戴崔嵬俯瞰滄溟水一杯積翠自天開罨
畫布金隨地起樓臺祈靈漢使乘槎到傳法梁
僧折葦來若使祖龍知勝槩豈徒驅石訪蓬萊
昆明劫火忽重然宇宙名山悉變遷古刹獨存

龍伯國豐碑猶記兔兒年三更日浴咸池水八
月潮吞渤海天雲漢靈槎如可到便應長往問
羣仙海巢詩海上巢居海若降三山眼底小如
砭已攀若木爲華表更立樽桑作翠幢蛟室夜
光晴燭戶蜃樓秋影冷涵窗鷓鴣夢斷無因到
惟有同棲鶴一雙觀太守兄昌國勸農東臯風
日媚新晴太守躬耕曉出城嫋嫋雙旌穿柳過
蕭蕭五馬踏花行扶藜父老陪諮訪竹馬兒童
主送迎豈意兵荒南北徧化行滄海獨昇平寄

昌國典詠 卷七

三五四明叢書

約園刊本

昌國濟汝舟長老西江禪伯住東溟境接蓬萊
地最靈析木秋濤浮座白扶桑朝影拂簾青已
無鶴近雲閒錫祇有龍聽月下經李白騎鯨天
上去題詩誰復和巖扃戴良九靈山房集高
士傳云鶴年聞從兄吉雅謨丁避地越江徒步
往依甚友愛吉雅謨丁掾南臺時欲以利祿勉
鶴年鶴年去不顧後以直言忤權要遷江右乃
獨千里送之待還越宿留四明或旅食海鄉爲
童子師或寄居僧舍賣藥以自給時兵戈四起

鶴年逃匿海島絕其迹海上多盜轉徙無常當
方氏之盛幕府頗待士士之至者踵接鶴年獨
逡巡遠避門無一迹因自謂曰凡爲清士當以
廉爲主義爲輔和爲衛三者備庶可免於今之
世矣又爲鶴年吟藁序云一篇之作一語之出
皆所以寓夫憂國愛君之心閔亂思治之意使
人感憤激烈不知涕泗之橫流也僧來復海巢
爲丁鶴年賦云結得巢居絕世紛漫游長狎海
鷗羣棲殘若木三更月補就蓬萊五色雲島上

昌國典詠

卷七

三七四明叢書
約園刊本

颶風吹欲壓人閒劫火熾難焚九江攬秀誰能
賦太白騎鯨擬其分定海縣志鶴年居翁洲海
島隆冬衣不掩脛有餽遺者雖饘粥費無所受
依舊滄溟水一坳樓臺罨畫幻如泡兔兒年久豐碑失
獨有高名屬海巢

黃氏拙修齋

明鄭真滎陽外史集拙修齋記古之人重以厚
今之人輕以浮重以厚者拙之本原輕以浮者
巧之橫流天之生人何異於古今哉豈其性稟

之或偏或正耶抑其氣運之降習俗之弊而致
然耶昔子貢遇漢陰丈人抱甕灌畦教以桔槔
而丈人羞之則天地生人之道亦惟拙而已有
能以拙自修不幾於君子乎同郡黃夢熊氏世
家子也年踰三十賀實雅重以詩經中洪武五
年江浙鄉貢進士選計偕京師大臣將奏以官
控辭再三大臣爲之喜曰子所謂吾斯之未能
信者耶遂免歸閉門讀書養兄事母以孝友聞
昌國邑大夫以禮幣招致教導弟子員昌國海

昌國典詠

卷七

三七四明叢書
約園刊本

島雲水鄉夢熊不憚僻險日與學者研精畢力
期底於聖賢之域退處齋居一榻蕭然而靜存
深念渺邈千古若有與之晤語者因匾曰拙修
蓋用先儒董子之語云予向與夢熊同年夢熊
以世契視爲執友禮待良厚忝以廣信文學掾
過家上任夢熊請著文以記夫人喜巧而惡拙
久矣夢熊以拙自修母乃愈拙而人愈不喜乎
且君子之學也期底於道而已不以世之好惡
爲是非榮辱也故拙之修道之修也董子伊洛

正道謂聞道為悅而以拙自修蓋信之篤而志
 之力也考亭公朱子以為下學上達之要信哉
 夢熊自幼知學而欲自通於古人則其於道也
 必有神會心得於混沌磅礴之外矣彼有誇張
 變幻示巧於仕宦名聲者夢熊能不穢而唾之
 哉且夫炫耀華美不如敦樸淺近浮薄不如純
 厚敏速捷急不如遲久世豈有輕此重彼者耶
 夢熊以拙自修其視流俗何如哉夫道者天理
 自然順其理而不去拙斯在矣中庸曰修身則

昌國典詠 卷七

三十四明叢書
約園刊本

僻居自愛水雲深一榻蕭然萬古尋若問終南爭捷徑

漢陰久已息機心

徐氏三益軒

明宋濂三益軒記明之昌國徐君元凱嗜古好
 修鄉邦稱為善士生子男子三曰友直字孟益
 次日友諒字仲益又次日友聞字季益家雖貧
 徐君能使其頌詩讀書弗輟且因其字名軒曰
 三益以勵之友聞自郡諸生貢入成均近奉旨
 受事中書頗與予相親時來執經問難遂以軒
 記為請夫益之為卦其象為風雷夫雷激則風

昌國典詠 卷七

三十四明叢書
約園刊本

怒風激則雷迅二者不待相期而相益者也君
 子觀之見善則吾將遷焉有過則吾將改焉而
 其為益也大矣然則何以知過而改之曰必得
 直友焉友能直則加以箴規焉何以知其善而
 遷之曰必得諒與多聞之士焉友能諒則舍虛
 而從實友多聞則察理明而擇善精矣嗚呼此
 以取友於外者言之爾今季益家庭之內兄弟
 熙熙有善則相資有過則相告曾不出戶而講
 習之功勝州里之人莫不慕豔而交之其益將

非止於三至於十朋之龜弗克違亦有之矣他日德茂才顯若河東之三薛江東之三岑其有不齊軌而馳者哉雖然予昔嘗取友矣始也自一家羣從之閒朝夕摩切之然不敢自謂已足也復取之鄉人焉如是者久之亦不敢自謂已足也又求之國人焉如是者又久之閒有謂曰學無止法也我安敢自畫於斯復求諸天下之人焉今耆矣秋髮續紛而垂領矣尙孜孜弗懈益求古簡書之聞見問學之優廣者質實而無

昌國典詠 卷七

四十四明叢書
約園刊本

偽者則云我未之能及也亟遷而從之志褊而行僻與過失而文飾者則云我寧或有之乎設有之亟改而正諸此無他知益之爲義若此自近而及遠期終身行之也季益兄弟其果以余言爲然乎季益通經而能文已出遊於成均是友天下之人矣予尙何言儻或東歸見二兄焉宜以予文勒之軒中庶不負翁名軒之意云抑余聞昌國古會稽之翁洲也東控三韓日本北抵海泗登萊土地幽邃風俗樸茂人材往往多

著聞於時今又將於季益兄弟觀之尙慎旃哉雞籠山麓列宮牆凝道龍門荷龍光三益盡交天下士鳳凰池侶紫薇郎

王氏復翁堂

舟山志王氏復翁堂城西四十五里明陶恭別錄洪武二年蘭秀二山奸民葉希戴王子賢作亂糾船二百艘入大浹江駙馬都尉王恭率兵擒賊首餘皆潰遁元末趙宋遺賢鉅族多隱昌國海僻之鄉信國公湯和不無疑忌於是乘蘭

昌國典詠 卷七

四十四明叢書
約園刊本

秀二山之梗定謀起遣四十六山俱罹兵火惟富都一鄉賴老人王國祚獨存一綫云恭又有復翁堂記云余端居之暇鄉人王某持狀來謂余曰先曾大父國助憫斯地之民被遣而寤於二所之禁不容出城稼穡故特具奏面太祖高皇帝於南畿蒙聖諭俞允賞勞遣之部檄未降鄉人皆悅輒出城營產以居仍被巡司申以託妄擒送之京幸獲聖明再蒙賞勞放還之鄉人德之而以復翁顏之余堂取復翁洲之地之義

也願得一言以記之垂不朽爾余曰子知其略未得其詳也太祖高皇帝登極之二年念吾海東之民代有寇患以無兵守禦故耳乃設衛所巡司四以守之改州爲縣與衛並處誠帝王萬世不易之圖二十年遭信國公湯和處置東南之地視地圖爲海外一彈丸遂遷其民而革衛縣止留兵二所民兵四司民四里吁惜哉聖天子謂彼有好田地任民散處但無容寇擾之旨可謂明見萬里而湯信國和不體經國大略輕

昌國典詠 卷七

聖四明叢書 約圖刊本

於播遷其民與太祖之意大不相侔矣是以當時被遷之民方有信國公之怨而留止者復有軍旅之禁流離困苦之際如解倒懸宜乎人心感德爾祖而有復翁之說也王氏子孫當思所以有今日之盛者由爾祖有復翁之德則夫修身理家其可以忝厥祖乎雖然前日之翁非今日之翁前日之翁復其耕稼之利而已矣而人心之悅已如此使後之人能繩爾祖而復今日之翁興治興教以復前日風化人才之盛則人

心之感悅又當何如是爲復翁堂記時弘治辛酉季冬之吉陶恭成化六年貢官教諭其子應徵云祠宇書云何雖然邑治茂已無壇社山川屬屬之典儀而境內應祀之神蓋藉之以時若顧之以平成者誠不無也其珠宮梵宇爲里社中土庶祝釐宣諭依並得紀之尙獨惜夫復翁王氏乃固不獲棲神爽於一廡陳一蒸嘗酌一卮酒弔者悲之嗚呼昔人渡河洛猶思大禹之功則夫翁之有眾得不棄田里詣蓬萊而嘻嘻於桑梓者垂二三十年於茲矣謂非先生捐領元之勇冒鼎鑊之嚴而致有今日愚是以一書再書而重子之感暨先君子毫壹之所事遺先生於汗簡間也嗚呼先生其祠於此將諸國祚面陳不當盡徙之狀太祖允傳說以祝

昌國典詠 卷七

聖四明叢書 約圖刊本

奏錫批劄云看得爾處有好田地許爾葦搭屋居住看守犁糶賊人登岸自備鎗刀殺了來說等諭餘遺民得不盡徙鄞土胡邦器贈詩云境入翁城觸處佳遷民痛憶舊生涯奏聞京國三千里詔復閭閻十萬家海上有天重日月山中無地不桑麻大夫功績應難泯特區高堂永歲華定海縣志又載一說云有內監王姓進香普陀颺風漂舟國祚迎歸其家款具甚厚監德之陰爲左右緒曾案此說非當國祚面奏不可遺狀上爲動容是出自聖斷且高帝時內臣不得

干預朝政何能撓信國之柄蓋國祚聲情誠懇
得動英主也豈貂璫之助哉復翁之功大矣後
之人當專祠以奉之更列於鄉賢可也

鼎鑊甘心達主聰一言流涕返哀鴻鐵牌久峻中官禁
只合登堂拜復翁

李氏遠清堂

明貝瓊清江文集遠清堂記昌國縣東三百武
有洲曰芙蓉其水縈紆南流以入於海洲之上
皆蓮芙蓉其異名也當三伏時紅披翠掩雖鏡

昌國典詠 卷七

吳四明叢書
約園刊本

湖三百里亦無以過於是焉隱者李文友所居
既專其勝築堂若干楹因顏之曰遠清命子彥
清來求記余嘗論詩人工於寫物凡狀其形者
遺其神而濂溪周子之於蓮求神於形之外詩
固有所不及也夫周子一代豪傑之士其生也
後聖人千有餘歲而學之所造會聖人於一時
殆非漢唐諸子所至其於一花一草疑必略而
不顧乃有愛蓮之說何哉蓋其胸次灑落如光
風霽月則無毫髮之累可知而蓮之至潔不妖

可觀不可褻實足以配之故目為花之君子非

徒玩物類眾人之牡丹也且歎時之愛牡丹者

眾愛蓮之同於己者寡也今文友有周子之學

取其語以為名其亦異乎眾人之愛歟抑聞環

洲而居者多大族而中建夫子廟久矣惜湮於

荒陬僻壤人莫能知至文友始表四明之有芙

蓉焉雖然一物之微發之於周子獲列君子之

品第亦流芳於不朽矧為士者日聞絃歌之聲

日觀揖讓之習惡可不勉而至於君子甘為小

昌國典詠 卷七

吳四明叢書
約園刊本

人之歸乎宜即欲以反諸己非特取香之遠而

益清為人之所美尚蓄其至美使體夫清遠也

哉是為記案芙蓉洲有清遠亭詳水壺亭此遠清堂

乃隱者李文友所居錄之以補志乘之缺

翠掩紅披勝鏡湖花中君子有人呼清蓮苗裔濂溪品

香遠心清入妙無

李茂才野軒

明釋來復蒲菴集野軒為昌國李茂才賦云海
城車馬往來稀獨愛閒軒傍翠微春雨一村桑

柘絲秋風萬井稻梁肥
鐙前教子惟書卷座上
論交盡布衣昨日南鄰
邀社飲醉騎黃犢月中
歸緒曾案蒲菴集中寶
陀大士應見詩序作於
洪武時此詩蓋與貝清
江李氏遠清堂詩俱洪
武時作雖李茂才不得
其名而野軒足補志乘
之缺且以見王氏復翁
之功也

春來桑柘綠煙屯更喜
秋風飽稻孫兒解讀書
朋載酒野軒風味至今
存

嚴員外旅舍

昌國典詠 卷七

四明叢書 約圖刊本

舟山志嚴端字克正鄞人
登景泰甲戌進士官車
駕員外郎以言事忤中
貴落職性至孝樂易
瀟灑愛東海翁洲佳山
水閒嘗寓焉又云趙珏
字士良宋宗室裔時范
應發權州從事聞珏賢
而禮賓逾年徧訪境中
山水名勝圖書品題成
帙而歸案嚴端鄞縣志
選舉表有其名而不立
傳趙珏乃元人時昌國
陞爲州故有權州從事
定海縣志俱失載宜補
之

功名久慨驚絲冰瀟灑
襟期海上增更愛臥遊
圖一幅

歸裝清遠壓吳興

王少參永思樓

舟山志王永隆字崇德
登永樂辛卯科經魁歷
授渾原郴州知州不事
苛削綱條井井復補宿
州值旱蝗不入境禱雨
輒應任九載當轉擢宿
父老詣闕請留進秩右
參政視宿如故正統戊
戌入覲京師乞歸不許
又三載得致仕擇山水
幽勝處築精舍與昆弟
親朋談笑其中年七十
五而卒經元坊在府治
北永樂九年爲鄉進士

昌國典詠 卷七

四明叢書 約圖刊本

王永隆立王少參墓城
東北四里之東灣定海
縣志王氏永思樓少參
王永隆建於東灣翰林
檢討四明汪奉有題大

參王公永思樓詩
年逾不惑二毛侵老去思親
倍不禁攀相每彈王子淚望
雲徒切狄公心庭前寒露晞
朝旭樹影隔九泉深汪
起夕陰觸目總能成感慨音
容渺隔九泉深汪

奉三老堂村居吟
村居好村居好竹籬芳舍清
溪繞山深地僻無塵埃幽居
盡日聞嘯鳥布穀催耕農事
忙負耒東阜趁天曉攜籃江
上買魚苗穉子村莊擊池沼
雞豬鵝鴨與牛羊晚來院中
閒炒炒春垂楊夏萱草秋
白梅冬紅蓼不須圖畫覓良
工妝點四時景致好鄰翁餘
酒頻相邀老瓦盆邊沈醉倒
不須慮鳳與烹龍淡飯黃齏
只要飽眼底兒孫離襁褓

好鄰翁餘酒頻相邀老瓦盆
邊沈醉倒不須慮鳳與烹龍
淡飯黃齏只要飽眼底兒孫
離襁褓

男婚女嫁不出村步步相隨直到老不禮與率
宮不尋蓬萊島但願二稅完心中無煩惱教兒
孫莫弄巧廣栽桑勤種稻衣食足而禮義生飢
寒至而多姦狡眼前富貴片雲輕身外功名一
芥小古今事會稽考敗者多成者少可歎韓彭
不不知幾惟有范張歸去早富貴貧賤出自然
辱安危當慎保寫下此篇村居吟雅興風光
真可表客來問我甚生涯犁鋤世世傳家寶永

隆子謙孝友不仕孫元廩天順八年貢曲靖同
知案永隆昆弟有永頤字崇正未第時遊錢塘

觀潮巡按朱公及同官瞋其弗避拘至以遊學
對命賦觀潮詩援筆立成詩云大江東去接蓬萊萬里潮聲兩浙開

幾度夜隨明月上有時風捲雪山頹畫船衝汛
沙頭立白馬凌空海上同我欲乘槎訪香漢清

昌國典詠卷七 吳四明叢書
約園刊本
風不疑有一僉憲猶怒復試之又成一律有分
釣魚臺

明一派長江水做出許多聲勢來眾驚異朱公
攜還南畿妻以女入胄監後登進士授監察御

史或云宣德七年以亦見舟山佳話也永隆為
才藝薦授京巡孫王仰曾

永思樓築愛村居桃李春園得句初白馬紅鸞成一笑
江湖聲息到歸墟

陶氏光霽堂

舟山志陶恭字肅之成化六年歲貢授江西新

昌縣訓導遷寧藩王府教授嘉其學行禮敬殊

渥留九載一日作歸田賦以見志致仕而還怡

情林壑者三十年尋海中奇麗興至飲酒賦詩
扁其堂日光霽年九十而逝所著有觀光集歸

來集形勝賦中華勝地東海明州人傑地靈川
熙寧賜名昌國元至我朝名不矛盾世有遷遷

陵谷如舊四百周迴五山其偶地不改闢民不
改稠化行俗美風氣善柔虎狼不產徑暮夜而

無恐兵燹不至處亂世而無憂如髻之山雙峯
秀拔如帶之水九溪交流橋有狀元之識泉多

龍蟄之湫商願藏於其市而人或輕利旅願出
於其途而行弗裹餘金人碎柱道隆濺血而戎

馬莫之敢犯大士巖居補陀示見而累朝為之
昌國典詠卷七 吳四明叢書
約園刊本

降求民無珥筆之風士無狡詐之謀田野膏腴
耕者不為早滂之備山林巖隱老者不識城郭

之遊蓬萊集仙琳宇也逸士之思登覽吉祥寶
陀名剎也文人之願移舟酒坊十五都稅常平

書院則二儒校兼收有元類編民籍戶口倍萬
而陞邑為州國朝增設衛所民兵四司而與縣
共守絕倭夷之朝貢起閭巷之謳歌未幾而遭
信國之改遷去三鄉而存五里幸而荷聖諭之
諄切衛民生而命帥侯舟師整飭為諸番瞻仰
之所城地鞏固實東南保障之隙百餘年來海
道宴清固境界之難襲抑聖世之洪休也猗歟
是哉山川之美徒為外觀賢哲之生名垂不朽
是以黃公為四皓之一而漢儲以定沈治進孝
經十卷而校書是授立言稱盛者任中丞也徒
從雲集者郭奉議也湖南寇起而聞名即退者
非薛真乎婉言諭寇而羅拜請服者非徐愿乎
至若應係之令烏程也以詩論昆弟而息其爭
黃龜年之為侍御也劾秦檜類莽而罷其相斥

童貫之擢權者蔣仲遠也佔公闈之首選者王
文貫也趙時格登雋而伯仲聯芳應孫及第
而神童是號或一舉而二相應孫余天錫也或
父子而俱第孫枝孫起子也趙門試春闈而四
子進士陶士領鄉薦而兩膺解首此則宋元人
才之盛如此逮至我朝雖曰革縣去學散庠生
於羣邑終乃登科入薦立功名於浙右陶鑄位
居閭憲而致天恩之頌張信名列殿元而取二
經之優王如源節推南安而政尚仁厚章鼎新
休官學錄而名行罕伴他如錢埋之考通律學
劉本安之體貌修偉王永隆之知郡宿政聲赫
赫而陞授少參趙濬恭之興學校令德彰彰而
夙著嘉猷又如韓鼎之宰句容德威並施而澤
及後嗣袁瓊之典千兵天性廉潔而至老不移
此則皇明人才之盛其已然者固縷數而莫悉
其將然者猶鼎來其可期區區才非董賈官實
並之德非顏冉壽實過之自慚宦學之後聊爲
薄劣之詞倘觀風者有所採擇豈芻蕘者之可

昌國典詠 卷七

至四明叢書
約園刊本

棄遺吁安得秉鈞衡當要路者千頃堂書目陶
作新是土興復政教於斯時耶
恭昌國縣志五卷 注云邑人正德元年開修隆
慶三年恭孫積纂附成書

笑辭楚醴賦歸田霽月光風海上天時訪羨門同一醉

酤顏九十地行仙

施印泉山房

舟山志施邦彥字伯玉號印泉邑弟子讀書普

慈山房題其齋曰點易善古文詩賦有點易齋

文集侍父詮疾盡孝與弟端彥友愛終身著女

訓以教三女畫好學益篤臨歿曰余無他惟讀

書事未了忠孝事未盡秣陵扶輿張公名可立

石於普慈山門之右曰明高士施印泉先生讀

書處

忠孝平生未了懷拋殘書帙散詩牌惟餘雙髻山頭月

曾照先生點易齋

吳忠烈寓室

勝朝殉節諸臣錄禮部侍郎兼右都御史吳鍾

巒武進人從魯王至舟山往來普陀山中聞大

兵至寧波急渡海入昌國衛之孔廟案明廢昌國縣立衛

昌國典詠 卷七

至四明叢書
約園刊本

故稱昌國衛之孔廟即舟山孔廟積薪自焚死

也若後移象山之昌國衛無孔廟見明史諡忠烈黃宗羲明儒學案吳鍾巒字巒

稗號霞舟武進人崇禎甲戌進士授長興知縣

降紹興照磨量移桂林推官南渡陞禮部主事

未上而國亡閩中以原官召之上書言國事時

宰不悅先生曰今日何等時如某者更說一句

不得耶出爲廣東副使未行而國又亡遁迹海

濱是時自浙至山左建國以一旅奉之二三人

望皆觀望不出先生曰吾等之出未必有濟然

因吾等之不出而人心解體何以見魯衛之士亦惟以死繼之而已起爲通政使駕返浙海先生以禮部尙書扈蹕所至錄其士之賢者爲弟子員率之見於行朝僕僕拜起人笑其迂先生曰此與陸君寶舟中講大學正心章一例耳薦在翁洲先生退處補陀及事亟先生曰昔者吾友李仲遠死奄禍吾尙爲諸生不得請死吾友馬君常死國難吾爲遠臣不得從死閩事之壞吾已辭行在不得驟死吾老矣不及此時此土

昌國典詠 卷七

五十四明叢書
約園刊本

死得明白乾淨卽一旦疾病死何以謝吾友見先帝於地下哉復渡海入翁洲辛卯八月末於聖廟右廡設高座積薪其下城破捧夫子神位登座危坐舉火而卒年七十五又霞舟隨筆人生只君親兩大本凡日用應酬宗族眷屬無不本於親本此之謂仁凡踐土食毛事上臨下無不本於君本此之謂義或問當此之時何以自處答云見危臨難大節所在惟有一死不死以圖恢復成敗尙聽諸天非立命之學也徵幸以

就功名禍福全聽諸人非保身之道也全祖望鮎埼亭外編吳鍾巒號稚山舟山師憤渡海入城與張閣部肯堂訣曰吾以前途待公至文廟右廡設高座積薪其下捧先聖神位舉火自焚賊絕命詞曰只因同志催程急故遭臨行火浣衣時年七十有五僕徐甲負骨以歸吳忠烈公寓梅岑次沈彤菴韻云萬壑松檜入夜寒泠泠非復世情看隨緣竹裏逢關士說法山中見宰官歸潔幸於塵界遠逃虛敢謂考槃寃維摩丈

昌國典詠 卷七

五十四明叢書
約園刊本

室堪休歇不願遊仙駕彩鸞人間方丈渺雲煙我輩風流許拍肩寺底洪濤惟壁立僧居深處有阿卷花紅初放偏宜雨茗碧新烘可試泉遺子婆娑堪送老何須又上渡頭船誰開覺路妙莊嚴無算緡錢費不廉萬里星霜曾叩闕一泓水月自歸菴鐘聲隱隱知持誦龍窟巍巍自仰瞻試上盤陀明著眼虛空無際不須拈張忠烈煌言輓吳稚巒宗伯云冰椽玉尺倚容臺一片孤忠天地哀儼爾鬚眉留四皓黯然誓享入三

台引年難遂懸車去逐日徒悲化杖回深負先
生歸骨望吳江楓冷鶴還來一掌山河亦踐蹂
老臣霜雪正盈頭掀髯猶抱滄桑恨扼吭甘從
孤竹遊自是澤宮堪薦俎豈無夜壑可藏舟繞
朝當日稱先達惆悵生芻何處投全祖望洞天
住吳尚書送別稚山尚書在海外姚江黃都御
史勸以歸隱四明山中尚書歎曰君以老母故
歸吾何依哉況四明山師大起亦非安枕之地
也慟哭舟中而別故人憐播遷招我住洞天豈

昌國典詠 卷七

至四明叢書
約園刊本

不愛洞天有君未忍判故人有母故應去留我
殘年窮海住行行三板船觸目成愁緒近聞洞
天亦難依猿鶴將偕沙蟲靡送君未忍自厓返
臨風一慟陰雲飛緒曾案吳忠烈寓室余至普
陀尋其遺迹僧云在棲真菴今廢大德志真歇菴寺山之深
處舊了禪師修道於此圓寂茲山家塔猶存明
周應賓普陀山志真歇菴歲久傾廢萬曆三十
年督造張隨改額棲真朱
謹普陀山志真歇菴今廢忠烈有稚戀殘稿藏
鄭抱經樓盧氏家

老矣殘骸過古稀澤宮趨死竟如歸九原得見高宗憲

為報先生火浣衣

孫忠襄旅舍

黃宗羲南雷文定碩膚孫公墓誌銘略云順治
丙戌六月二十四日孫公碩膚卒於海外之翁
洲翁洲尋為界外殊絕內地康熙乙丑還翁洲
於定其孫訥渡海載公柩歸葬燭湖公諱嘉績
字碩膚燭湖先生應時之後登崇禎丁丑進士
授南京工部主事調為職方司郎中高奄起潛
求世蔭公覆疏格之起潛恨甚讒之下獄會石

昌國典詠 卷七

至四明叢書
約園刊本

齋先生逮入從而受學楊嗣昌指之為黨清獄
詔下遂出踰年起為九江道僉事忝上而國變
大兵東渡郡邑望風迎附數百年故國一旦忽
焉當是時人心恇擾未定但觀望未敢先發公
方買書築室欲老泉石而書卷橫胸利害智力
倉卒不輟暇量閏六月九日於空然無恃之中
創為卽墨之守黃鍾孤管遂移氣運東浙因之
立國一年顧不可謂無益興亡之數血路心城
豈論修短陳壽卽仇諸葛不能不紀蜀漢弘範

雖遁厓山未嘗不稱二王從來亡社雖加一日亦關國脈此說蓋在成敗利鈍之外者也當公丁丑赴試縣令梁佳植夢公廷對第一榜發不驗及卒翁洲適葬張信墓道之南信固明初之第一也前定之矣馮愷愈榕堂雜詩云蘆花殘月并蕭蕭曾囑金風玉體調華表夢中先得路歸魂只溯海門潮自注孫公碩膚沒於海外葬蘆花洲上丁丑春公與計偕夢身臥狀元坊下南宮旣捷常歎其無徵及窆骨處乃國初張狀

昌國典詠 卷七

至七四明叢書 約園刊本

元墓道也公昔投子手札有金風方厲玉體善調之語案愷愈字濟仲慈谿人元屬子全祖望明贈太保諡忠襄孫公神道碑略云大兵至杭潞王迎降吏部都給事中熊公汝霖歸見劉忠正公宗周而泣劉公歎曰吾已絕粒待死諸公儻有能爲田氏卽墨之守者天下事未可知也熊公歸而商於公餘姚之知縣王曰俞已棄官去其司教王元如迎降遂署知縣發役夫治馳道以其不勉扶之役夫譁反毆元如眾攘攘不可止公遽率健

兒鳴金鼓突入縣署擒元如斬以徇急邀熊公出治軍公爲兩營公主左熊主右浙東響應乃迎魯王於天台王加公都察院右僉都御史督師瓜里已而加公兵部右侍郎兼都御史阮大鍼嗾方國安疏糾東林餘孽公豫焉遂乞休不許丙戌五月加公兵部尙書兼東閣大學士公以老營駐龍王堂前黃宗羲等潛師出潭山會太僕陳公潛夫軍議取沿海諸縣尙寶卿朱公大定平吳將軍陳公萬良職方查公繼佐等皆

昌國典詠 卷七

至七四明叢書 約園刊本

來聽命浙西震動公欲令鄭公遵謙等夾攻杭城而方國安七條沙之軍已潰列戍西竄公急還會稽則王已登舟而去乃亦航海入翁洲以觀變時公疽發於背至翁洲疾篤問從者曰此何地也從者曰道隆觀也公歎曰吾聞建炎時宋高宗至此金人以刃斫柱血流如雨金人驚仆而宋提領張公裕以大船擊之今五百年矣因唏噓泣下二十四日賦絕命詞錢公肅樂已先在翁來視疾和公詩相向哭公謂子延齡曰

僕聞王所在宜急從之語畢而卒年四十九歲
延齡葉葬公於蘆花壘錢公具疏爲公請卹於
聞而聞又被明年王復出師長垣延齡從之以
遺言奏贈公太保謚忠襄大兵至家屬俱被執
延齡奉其太夫人及妹免王次翁洲延齡進戶
部尙書翁洲旣成域外公家亦梗康熙乙丑始
復爲內地延齡子訥渡海求公墓不可得方慟
哭忽有一老人扶杖至問所以則曰吾故公蒼
頭也吾識之導以往扶歸姚江改葬於燭湖全
昌國典詠卷七
五十四明叢書
約圖刊本

埋碧金鼈踐夢妖傷心聞黨亂鳴鴉屹日影西淪海
猶有東林怨未消
沈蟾陽尋母處
張文敏照得天居士集蟾陽子傳沈清正字默
夫號一誠爲道士後號蟾陽子華亭人襁褓而
孤母倪氏誓死守節前母兄無行利母再醮誘
往落伽山進香將鬻於海舶母覺投海死其兄
遁不返清正育於母族稍長稔其事刺血寫疏
禱於天冀得母屍嘗宿一古廟夢神告以母在
昌國典詠卷七
五十四明叢書
約圖刊本

金塘島遂浮海渡蛟門泊一島詢其名果金塘
也訪居人有告以其年曾瘞一投水婦示其處
清正露宿其側夢母慘容泣下呼清正小名清
正哭而醒憶念音容與得之母族者肖乃負骨
歸葬父墓終以痛母故出家著鷗亭詩稿
百年天地詩千首萬里風煙劍一囊
沈蟾陽青陽道院句留得鷗
亭丹訣在神仙孝子沈蟾陽
昌國典詠卷七

清金陵朱緒曾述之撰

徐偃王祠

寶慶四明志徐偃王廟在東地名翁浦俗呼為城隍頭十道四番志云徐偃王城翁州以居其址今存按史載偃王之敗北走彭城武原東山下以死疑非此海中而韓文公為衢州廟碑乃記或者之言曰偃王之逃戰不之彭城之越城之隅棄玉几硯於會稽之水則十道四番志或

昌國典詠卷八

一四明叢書約圖刊本

可信矣元吳萊詩老篙迴我舟沙壘晚煙起蒼茫魚鹽場寂歷鼓吹里人民悲舊王歲月祀遺址終捐玉几硯不抹朱弓矢東西八駿馬今古萬蟻蟻此事如或然須湔會稽水

不走彭城走越城偶拋玉几向東瀛漁人欲網駒王硯野廟荒涼廢堞平

黃公祠

乾道四明圖經黃公祠在縣東海中四百里晉天福三年置其祠載於舊圖經非係祠典故事

實未詳今按會稽典錄云人材則有黃公潔已

暴秦之世豈其人歟寶慶四明志按晉賈充問

會稽於夏統統曰其人循循有大禹之遺風泰

伯之義遜嚴光之抗志黃公之高節而會稽典

錄亦稱人材則有黃公潔已暴秦之世然則四

皓之一也至西京雜記乃曰東海人黃公少能

幻制蛇虎常佩赤金刀及老飲酒過度有白虎

見於東海黃公以赤刀厭之術不行為虎所食

故張平子西京賦曰東海黃公赤刀與祝冀厭

昌國典詠卷八

二四明叢書約圖刊本

白虎卒不能救挾邪作蠱於是不售按據不同

今並存之大德昌國州志黃公山在海之南峯

極峭峻絕頂有石碣字漫滅不可句讀或云晉

時隱者按制虎黃公西漢人非晉時隱者善神術制白虎斃於

此山又云黃公祠在東海中下沙餘與寶慶志同元吳萊甬東山水

記徐偃王戰洋又南則為黃公墓一作黃公赤

刀厭虎不行為虎所食者也緒曾按袁文甕牖

閒評余鄉古有黃姑林或曰黃公林又有黃墓

流傳以為秦世夏黃公也王元之詩云未必頭

如樗里子也應頭似夏黃公畢文簡公以爲非
黃公未嘗姓夏當云綺里季夏及黃公爲二人
可也今觀皇甫謐高士傳云夏黃公姓崔名廓
字少通齊人隱居修道號夏黃公又卻是其號
未知孰是也余按袁文引高士傳而不引夏統
四明志諸志以四皓黃公爲鄞大里人而吳淵
穎詩則專主西京雜記赤刀厭虎之黃公然東
海黃公制蛇虎亦禦災除害者也自忘其老死
亦壯矣平子謂之挾邪作蠱不亦過乎

昌國典詠

卷八

三

四明叢書

約園刊本

壺頭新息困英豪老去黃公虎口遭東海至今無白額
威靈常佩赤金刀

梅仙庵

寶慶四明志補陞洛伽山一名梅岑山或謂梅
福鍊丹於此山因以名宋史浩會稽先賢傳贊
梅公一朝棄妻子至今傳以爲仙其後人有見
公於會稽者變名姓爲吳市門卒云今山陰之
地有山曰梅山有鄉曰梅里有里曰梅墅圖經
載會稽記云吳市門卽此也贊曰會稽在漢地

兼吳越公隱市門或游禹穴野鶴孤雲孰能羈
繼百世之風尙馳忠烈又四明十二先生贊堂
堂伊人漢世之傑方時昏昏上書剴切退伏市
門或來明越我遊大梅尙想風烈大德昌國州
志梅岑山在海之東世傳梅福鍊丹之所因以
名此山一名補陞洛伽山盛熙明補陞傳梅岑
山世傳梅福鍊丹之所元吳萊詩云起尋千步
沙穹石塞行路怒潮所撻擊徒以頑險故卓哉
梅子真與世良不遇上書空雪衣燒藥還煙樹

昌國典詠

卷八

四

四明叢書

約園刊本

玄螭時側行縞鶴一回顧從之招羨門滄海晝
多霧明張信遊梅岑詩浮生寄丹壑感慨興我
情文章豈足恃所貴矢堅貞拂之蘅寶下浩渺
駕長鯨和風灑玉宇清奏來瑤笙睠言梅子真
千古留其名願共遊仙侶趣趾上蓬瀛明周應
賓普陀山志梅福庵在梅灣係梅子真鍊藥之
處如迴重創朱謹普陀山志梅岑峯在達摩峯
右林石幽秀下有丹井清波瑩然大旱不竭上
有梅仙庵按普陀梅岑洛伽本一山後人以南

峯最高處爲梅岑緒曾遊斯地見庵前題額云
仙葩古蹟不禁愕然及徐思之乃知其誤爲梅
花之仙故有仙葩之額此明總鎮都督楊宗業
題蓋武人之不學者余謂僧宜易之梅井水味
爲第一至正四明續志稱舟山井去海不半武
沙泉甘美可愛山海相接而鹹淡之味漫異又
云四眼井在州北一井四穴汲者競趨舟山固多
甘泉補陀尤爲香冽梅井又山中最潔清者惜
鴻漸不及嘗也

昌國典詠卷九

五四明叢書
約園刊本

仙尉驂鸞去不回鍊丹古井傍林隈吳門市卒埋名久
海外孤岑尙姓梅

陳大王廟

乾道四明圖經岱山陳大王廟在縣北二百六
十里按王名稜姓陳氏字長威廬江襄安人天
資義勇志在戡難仕隋高祖大業中嘗奉辭提
師航涉海道擊流球國俘斬頗眾事見隋史故
其威赫譽震海上今胸山有祠廟號陳將軍卽
王之別號也皇朝端拱二年建紹興十七年重

修有記進士施知微撰寶慶四明志岱山廟在
北海中大德昌國州志廟記云一夕風雨如晦
潮奔湧有巨石浮潮而上岱山場亭戶莫姓者
負至數里豎其石壑上若有神物憑之稱曰我
隋朝陳將軍也語竟罔然空中隱隱有甲馬聲
踰時不絕鄉民聚觀撼之莫能動因異其事卽
其地而廟焉一境之人惟神是賴雨暘以時疵
癘不作遂請於朝賜英威威一作感時宋慶元元年
也淳祐九年進士周毅夫述侯之功率人士詣

昌國典詠卷九

六四明叢書
約園刊本

府以白加進爵其詞曰敕慶元府昌國縣岱山
鎮英感廟英感當作英威廟神朕惟海上神山煙霞縹
緲乃靈異之宅昌國相望蓬萊而岱山固非尋
常島嶼也爾廟食茲土禦災捍患事迹暴著舊
矣邇者雨旱魃於一區風寇帆於半夜閭市之
民賴以安輯庸非爾力哉部使者以聞宜啓崇
封特加徽號尙思靈濟之義以庥我民特封靈
濟侯又云刑馬礮在岱山東北名秦頭按大德志蓬萊
鄉壘有秦頭父老相傳昔隋驃騎陳將軍奉命伐流

球國領兵至此刑馬祭神今之英威靈濟侯是也緒曾按隋書列傳陳稜字長威廬江襄安人也煬帝卽位授驃騎將軍大業三年拜武賁郎將後三歲與朝請大夫張鎮周發東陽兵萬餘人自義安鎮汎海擊流球國月餘而至流球人初見戰艦以爲商旅往往詣軍中貿易稜率眾登岸遣鎮周爲先鋒其主歡斯渴刺兜遣兵拒戰鎮周數擊破之稜進至低沒檀洞其小王歡斯老模率兵拒戰稜擊敗之斬老模其日霧雨

昌國典詠

卷八

七四明叢書

約園刊本

晦宴將士皆懼稜刑白馬以祭海神旣而開霽分爲五軍趨其都邑渴刺兜率眾數千逆拒稜遣鎮周爲先鋒擊走之稜乘勝逐北至其柵渴刺兜背柵而陣稜盡銳擊之從辰至未苦鬪不息渴刺兜自以軍疲引入柵稜遂填塹攻破其柵斬刺兜獲其子島趙虜男女數千萬而歸帝大悅進稜位右光祿大夫武賁如故鎮周金紫光祿大夫又云大業三年帝遣武賁郎將陳稜朝請大夫張鎮周率兵自義安浮海擊之至高

莘嶼又東行二日至龜鼈嶼又一日便至流球初稜將南方諸國人從軍有崑崙人頗解其語遣人慰諭之流球不從拒逆官軍稜擊走之進至其都頻戰皆敗焚其宮室虜其男女數千人載軍實而還中山世鑑隋使羽騎郎朱寬至國於萬濤中見地形如虬龍浮水中始曰流虬大德志云廟慶元元年賜額據寶慶志則端拱二年建至慶元始有賜額

流虬一戰凱歌歸巨石浮潮甲馬飛羽衛空中迎煬帝

昌國典詠

卷八

八四明叢書

約園刊本

風帆雨旆仗英威

茹侯廟

寶慶四明志城隍惠應廟縣南城內世傳廟神茹侯本邑人今茹侯村其所居英烈忠毅生有殊績沒而人祀之建炎四年車駕巡幸賜金額紹興三十年縣令朱恩重修且記之淳熙九年趙善訓更新焉鄉貢進士薛寘記趙與岑賓退錄城隍慶元之昌國祀邑人茹侯不得其名大德昌國州志富都鄉茹侯村在南舟山志茹侯

廟城北隅嘗宦於翁洲功德及民祀之按今舟山人分城隍與茹侯爲二廟不知城隍卽茹侯也今定海縣志蘆花壘有茹家廟紫微壘有茹坑紫薇在西亦稍近南志云西北然近天童浦實稍帶南或卽茹侯村也

生居桑梓沒爲神永庇城垣福佑民銀榜標題碑記勒翠華會記宋東巡

蔣學士廟

寶慶四明志蔣猷字仲遠丹陽人元豐八年進

昌國典詠 卷八

九四明叢書 約圖刊本

士徽宗朝爲御史中丞兼侍讀論今羣臣無他能惟善候伺人主意承望大臣爲嚮背者謂之才此風不可長人言近侍祠禁中見路寢尙仍舊瓦木塗墍皆故暗願廣聖心每如此以保盈成先是內侍省乞不隸六察猷駁正之尋按劉友端等皆降官范之才奉使淮南還言滁水有鼎發民畎水鑿山以出之猷劾其妄投之才干里外又言東南應奉花石器用之物願一切罷之廣東轉運使徐惕以虛名羨財進奉後苑請

寘之法上不從乞罷遷吏部尙書改工部陞吏

部以言者罷宣和四年自祠官起知明州以不

樂應奉到官數日復丐祠七年以刑部尙書召

兼資善堂翊善敵騎至京師欽宗受內禪上皇

東巡童貫總兵扈從上貶貫還衛竄池州恐忤

上皇意猷持詔往泣告上皇乃宣詔童貫趨貶

所上皇還京師遷兵部尙書靖康元年奉祠建

炎三年避地於明州明年薨贈特進顯謨閣直

學士葬於鄞其後遂爲鄞人汪藻浮溪集猷

昌國典詠 卷八

九四明叢書 約圖刊本

閣直學士蔣公墓誌云建炎三年避敵明州明

年屬疾上章請老遷宣奉大夫致仕十一月卒

於昌國縣蓬萊鄉春秋六十有六紹興三年葬

於明州鄞縣翔鳳鄉隱學山之東岡緒曾按汪藻浮溪集

蔣公墓誌中元豐八年進士科調主武進簿移

巴陵令改宣德郎知江寧縣課最遷秩一等崇

寧初爲信州教授尋除監察御史丁光祿憂服

除爲尙書膳部員外郎遷吏部召試中書舍人

坐奪職黜知廬州傳除集賢殿修撰復拜中書

舍人召還御史中丞兼侍讀京口耆舊傳政和

七年知貢舉改工部尙書以徽猷閣直學士出

知婺州丐閒奉祠宣和四年起知明州致官階

罷以徽猷閣直學士致仕以後事不載亦略

舟山志蔣學士墓在城北蓬萊鄉定海縣志大展舉有宋學士蔣公仲

遠廟七人言昔時建立塘堦故廟食於斯緒曾

按汪藻所撰墓誌乃卒於昌國葬於鄞也嘉定

鎮江志云吏部尚書蔣猷墓前志云在五州山

之西阜盧憲引汪藻誌兩存之然樓鑰蔣德言

墓誌云曾祖猷卒於海山葬於隱學山子孫遂

為鄞人祖謨父臺卿君諱綸字德言卒於姚江

縣治葬於定海縣太邛鄉富都壘之原與父祖

昌國典詠卷八 十一四明叢書 約圖刊本

之藏相望也是仲遠無返葬丹陽之說鎮江不

應有墓宋之定海今之鎮海也

良嶽煙迷花石網濫封煬竈痛貂璫一麾滄海心懸闕

寒枕潮聲夢汴梁

葛參政祠

大德昌國州志葛洪宋嘉泰二年為昌國令官

至參知政事生祠有開祐元年十一月旦日從

政郎新差充廣德軍軍學教授樓鏞記云始余

登東萊先生門四方從游之士以千計人受其

教如羣飲於河隨其才料充然各有所得其後

出處雖不同至涖官行法多有足觀者人望之

知其為呂氏之學子也而葛君容甫與余年齒

甲乙相得驩甚後余試尉東陽容甫適滿秩歸

里考德問業尤為詳密既而各西東去嘉泰四

年余自越歸其冬容甫為令於吾州之昌國昌

國者古甬東也中海而立去余所居鄞雖若甚

遠然舟遇風而駛朝發而午可至也邑多余親

故頌容甫之政者不容口容甫之政視民如子

惟恐傷之視民之父兄猶其父兄視其害民者

不啻如害己者民以訟之庭不忍鄙夷之為之

明辨曲直了無毫髮枉遇事明敏吏之姦欺莫

能逃然而不深窮其窟穴只使不病民而已民

皆感服每當受賦租第書其所入之數授之與

之約不以吏扣門民如期而輸無有負者山涯

海濱絕不見吏迹父老歎謂前此令君固多賢

若公則自有邑以來所未有也容甫知民安其

政思有以善之始新學宮以申義名堂吾兄文

昌公為之記全州使君楊公又有其說其所以

昌國典詠卷八 十一四明叢書 約圖刊本

加意予邑人厚矣會余同年生應君係自得方

里居容甫自山間以禮聘之致館於邑西之筠

坡師邑人之子弟從焉公退至其處課其勤惰

有小善獎之惟恐不及業有未精亦循循誘之

大略薄漢能吏以為不足為又屑以循吏名

者居三年其效使民有餘蓄而吏日貧豪斂手

單弱者得職言相與為之善者至恥入官府人

務農立本不肯輕犯法非容甫中心誠善學道

愛人安能使其效卓然如此哉容甫將終更諸

儒父兄咸惜其去因民之欲繪其像於學以繫

邑民無窮之思使無忘焉屬記於余記未成容

甫之子以書來言邦人非知我者且吾何以堪

之吾將禁使勿為記毋庸作自得亦曰吾無補

諸生願無載吾事余曰容甫知為政而已無愧

於心不負其學容甫責也他何庸知之且自得

是也雖非令君意且為後勸謹勿為令君所奪

祠竟立記有榮焉容甫恥自銜鬻為人勤嚴簡

靜處以廉口譬如蘭生深谷不求人之其馨終不
可得而聞兩受部侯薦墨皆未嘗有請列台狀
其政於朝竟莫知所從求此又近世所罕聞是
宜特書以告世之駭驚者容甫名洪其學未易
也又講堂宋嘉泰三年令葛洪建扁曰申義參

政樓公鑰書申義堂三大字并爲之記云

東陽葛容

甫洪爲昌國令建縣庠之講堂名曰申義求書
其扁余喜葛君知政之優爲又樂其名之美既
爲之大書矣遂并爲之記余分教永嘉時作序
齒文以示諸生其略曰孔氏稱甚矣魯道之衰
也洙泗之間斷斷爲相遜孟子曰謹庠序之教
申之以孝悌之義頌白者不負賦於道路矣洙
泗之間行者相遜何以爲魯道之衰謹庠序教
何與於道路之負戴者及究其說漢地理志云
魯額洙泗之水其民涉渡幼者扶老而代其任
俗既益薄長者不自安與幼相遜也徐廣又曰

昌國典詠卷八

十三四明叢書

約園刊本

蓋幼者愚苦長者長者恐愧自守故斷斷爭辭
所以爲之衰也其盛時老者晏然如父兄之
役子弟無復相遜子所謂老者安之殆爲此也
孟子亦謂孝悌既申則頌白負戴少者自當代
之噫後世教養士子以科舉得人之多寡爲庠
校之盛衰者與古意豈不甚遠昌國兩東也民
以漁鹽爲業近世儒風日興而猶未盛焉君崇
教化以善其俗一聞余言則曰比名堂之本意
也始余從弟鏞尉東陽而歸余啓得人之問以
容甫爲稱首茲爲鄉邑治聲固已卓然又將與
學化民以幾古人之意誠非文法吏所能爲者
齊變至魯魯變至道願不在茲乎鏞旣爲之記
而命弟鏞題其上越明年慈湖先生楊簡復記
於其後云嘉泰四年春昌國葛令君訪簡於慈
溪石魚對語從容及邑學忽作而言曰名學之
堂以申義願簡申之簡欣然奉命令曰此人心
所固有惟申而明之爾簡於是益善令言至當
厥明敘而書之孔子曰人者天地之心又曰心

之精神是謂聖孟子亦每道性善又曰仁人
心也大哉斯言蓋萬世人心所自有之靈人孰
不愛敬其親有不愛敬其親者非人也人孰不
徐行後長有不後於長者非人也此心人所自
有也不學而能也不慮而知也心之精神是謂
聖果如吾聖人之言也其有不然者非其心之
罪也惟民生厚因乎物而遷感於物而昏也心
之精神無方無體至靜而虛明有變化而無營
再曰安汝止明其本靜止也舜曰道心明此即
道也夫孝天之經地之義人之行事親事長乃
天地之心列聖之道元黃師道敬鄉錄葛洪字
可不自知自敬乎

容甫東陽人淳熙十一年進士少從呂成公學
得義命一語拳拳服膺初仕時方禁道學爲考
試官獨以不背師訓之對旣足華貴又以不登

昌國典詠卷八

十四四明叢書

約園刊本

權門沮年垂六十始脫選權臣又沮之端化始
以藉田令出守盱眙除江東提點刑獄按吏不
法一章十七人親故不得免入爲國子監遷貳
卿文昌兼祭酒悉凡四歲理宗卽位以工部尙
書爲端明學士同知院事紹定改元參知政事
贊討李全授王素諫仁宗卻王德用進女事以
正備嬪御世多稱之自辛巳還朝累歲丐歸已
而得請端平初詔下六七不能強後卒謚端獻
盤室其自號也有奏議雜著詩文二十四卷杜

範狀其行其侃侃守正有大臣風景定贈太師
信國公緒曾按定海縣志名宦失載葛洪故詳
言以補之容甫與稚川同姓名著有涉史隨筆
今存

筠坡教澤衍東萊贏得鬢宮俎豆陪儒吏神仙原一脈
翁山重見稚川來

劉邑侯祠

寶祐丁巳閏四月既望儀真郡文學掾王應鳳
昌國縣大夫劉君生祠記云上臨御之三十三

昌國典詠 卷八

十五四明叢書
約圖刊本

載妙簡銅墨以字民訓士風示寓縣劉君謙孫
繇元祐故冢宰明之昌國於是適再稔矣廉平
簡靖民便安之越明年改成邑士被君之化相
與言曰令君幸惠吾邑勤亦至矣今將造朝微
以寓攀截借留維昔庚桑治畏壘社而祝之厥
有舊比乃有像於學而祠焉踵余門請識其事
余謝之曰劉君余伯氏之同僚也子諒肫實裏
襮如一溫乎柔木之絲淡乎衣錦之絢豈與世
健令求赫赫名者班乎而奚以像爲且邑有生

祠非古也昉於漢之于公厥後韋廣都義杜池
陽軫陸浚儀雲史不絕書然繩之以召棠勿翦
之義猶曰變之正者夫令去民最近是邑雖海
陬去天爲猶近近天則聲聞易蔽近民則恩信
難孚毋怪乎推謝摩背而誦僑絕響也劉君何
以得此於邑人哉問之庠塾之士則曰言政不
及化吏皆然令爲甚君甫下車垂意誨育縮費
廩士以歲之正飲酒於序燕毛以齒禮遜興焉
學宮水環如帶鄉老以爲文字之祥乃疏乃滌

昌國典詠 卷八

十六四明叢書
約圖刊本

泱縈鏡澄而又捐俸入以養之涖校比以勸之
是歲賓興有雁行聯壁而監學亦多中鵠擢第
者興廢葺圯去之日如始至復築室以奉先聖
舊像扁以燕居膏火之中教雨浹焉弓張之急
弦歌奏焉斯乃蒲宓之所以垂方也子以爲何
如余曰一鄉善士令君教養之所及也必如子
羽之未嘗至偃室然從其言情而信姑徐之爲
我問政於隅陬荒落之濱旣閱月有聽輿誦而
復於余者曰維茲鷺行舊多忉憤自君之來民

不識吏庭少諍辭維茲萌黎近鹽而貧迄君之
去海無怪風人厭魚蟹余聞之舍然曰士之言
華民之言質是足以俎豆前修矣于韋杜陸不
專美於漢晉矣維先忠肅口以翼之南宮縣譜
推而為邢臺郡譜又推而為元祐相譜文獻所
漸棠華是似清惠維祖朔齋維兄其政不棘於
期會而以善俗為先厥有本哉君家自朔而蜀
而吳余嘗稱其為宰蓋所為安靜吏悃悞無華
者故不敢相蒙而溢美云舟山志劉謙孫淳祐

昌國典詠 卷八

十七四明叢書
約園刊本

二年到任緒曾按謙孫為元祐黨籍忠肅公摯
之後時有蜀黨洛黨朔黨忠肅乃朔黨之魁也
文字嘉祥壁水開帶環玦繞鏡磨來若從忠肅論家世
元祐碑中朔黨魁

余少傅祠堂

至正四明續志應係余少傅祠堂記

孟子曰誦其詩讀其

書不知其人可乎是以論其世也是尚友也蓋
嘗三復斯言以為士為學之要於是乎在晚生
未進不及見前輩而親炙之嘉言善行得於長
老之所傳聞固當拳拳服膺是樂是矧然所在
校庠尊慕先儒必相與繪像而祠之豈不曰高
山仰止之誠非此則無所寓乎邑在大海中相

傳為安期生黃公所遊其地多山澤列仙名儒
少傅余公以力學篤行尤為鄉里所推敬至今
耆老猶能道其遺事蓋公孝友出天性能為人
所難能闔戶窮經為詩文有古氣邑宰王侯存
之天下奇男子也方老秦當國嘗上書乞斬檜
一見公意氣相傾倒為文字交其趣操可知邑
自析置以來廟學綵葺未備韓侯畫銳意作興
聚邑之子弟而教育焉用鄣大夫聘致杜先生
故事且禮延公以為諸生楷式其淑艾甚眾於
斯之時宮牆有仙遊豆有楚士講習息游其中
彬彬然有鄒嶧鄉射之遺風公嘗為詩三章章
八句以美韓侯有曰海邑幡然為魯國諸生何
以謝文翁人久久皆能誦之且曰學之具也匪
韓侯之賜惟余公之功公厚施不食其報餘慶
所鍾是生聞孫實惟今資政殿大學士參政公
參政公既坐廟堂為天子報政大臣遂贈至孤
棘之貴逮奉詔開闢里門大開庠序之教會邑
幸余君詣朝白事問訊鄉校今何如幸君頓首

昌國典詠 卷八

十六四明叢書
約園刊本

曰桂受任之始伏謁參政庭下言提其耳謂斯
學也實王父舊遊長官幸垂意桂奉教承命惟
謹不敢不盡力今且葺且將竣事敢具以白於
是斥緡錢界宰官佐費不靳學以一新邑士詠
歌參政之德咸自矜奮重有感於先儒之思乃
議建少傅祠於申義堂東序與宰君意合像設
既成宰君率邑之士以淳祐元年夏四月己未
朔釋菜於先聖而後安靈焉嗚呼今之所謂先
儒非昔之為士者乎今之軒冕黻裳非昔之逢
掖其衣者乎今之春祀秋嘗非昔之相祀於庭
者乎表之曰鄉先生前直學少傅祠於以昭舊
德起新敬也瞻仰趾慕悠悠我思盡思所以自
奉矣乎且人以藐然之身中三極而立貴而為
士尤當自愛其身分而己不求知於人不望報
於天不顯尊顯於後世自願也士乎士乎亦
盡思所以自愛矣乎宰君書來請記其事於石

敬誦所聞以慰學音尚友古人之意少傳諱滌字元發

寶慶四明志縣令

韓晝從政郎紹興二十二年到任二十四年滿

延祐四明志余桂嘉熙元年任

自從石室講文翁海邑幡然魯國風努力文章期報國

莫將青紫誤兒童

干大聖廟

至正四明續志昌國州同知干文傳進士出身

承事郎延祐四年三月之任在任六年有政聲

又儒學書籍同知干文傳置列翁洲書院同知

昌國典詠

卷八

十九四明叢書

約園刊本

干文傳鼎建禮殿舟山志干文傳雜澤人由薦

辟授陽穀縣令遷昌國同知果斷明敏勤於吏

職居嘗淡泊公爾忘私鞠愛拊綏之心未嘗傾

置公餘輒就文墨與陶平石往來詩筒凡五載

至治改元遷新安知州民率航海請留有數四

定海縣志秩官云昌國州同知干文傳進士出

身承議郎皇慶年任又名宦云干文博字元鴻

由薦辟任昌國同知至正改元遷新安知州按

干名文傳不名文博至正續志不誤其為進士

出身延祐四年任在任六年皆以至正志為確

舟山志云雜澤人由薦辟授陽穀令皆誤定海

縣志秩官名宦兩歧其說尤誤又考延祐四年

迨至治二年凡在任六年舟山志云至治改元

遷新安知州僅止五載若定海縣志云皇慶年

任至正改元始遷則在任二十四年之久太相

懸遠矣干公遺澤在民航海相送遂於金塘立

廟感其靈異奉以大聖之稱明安洋將軍劉世

勳和張定西舟山即事詩云力扶九鼎一絲存

昌國典詠

卷八

二十四四明叢書

約園刊本

海上馳驅誓報恩遺愛猶留干聖廟英風重過

茹侯村原注干文傳元昌國州同知有惠政

云落日戈難挽畢竟天高手可捫慷慨諸公同

看劍聞雞我欲舞劉琨舟山志云干大聖廟先

在金塘鄉永樂初眾姓移建城之北緒曾按城

中有干大聖廟俗傳夜見火光得石鑪於柳樹

下知為金塘大聖之靈遂立廟石鑪貯廟中定

海縣志云永樂初遷不著其始末殆疑為仙佛

神怪之流不知其為循吏矣元史干文傳字壽

道平江人祖宗顯宋承信郎父雷龍鄉貢進士
顯之先世以武弁入官而力教其子以文易武
故雷龍兩舉進士宋亡不及仕及生文傳乃名
今名以期之文傳少嗜學十歲能屬文未冠已
有聲譽用舉者為吳及金壇兩縣學教諭饒州
慈湖書院山長仁宗詔舉進士文傳首登延祐
二年乙科鄭氏麟溪集云干文傳延祐授同知昌
國州事累遷長洲烏程兩縣尹陞婺源知州又
知吳江州文傳長於治劇所至皆有聲自其始

昌國典詠 卷八

三十四明叢書 約圖刊本

至昌國即能柔之以恩信於是海島之民雖頑
獷不易治至有剽掠海中若化外然者亦為之
變俗初長官強愎自恣文傳推誠以待之久乃
自屈服鹽場官方倚轉運司勢虐使州民家業
破蕩文傳語同列曰吾屬受天子命以牧此民
可坐視而弗之救乎乃亟為陳理上官莫能奪
民賴以免又云長洲為文傳鄉邑文傳徙楊公
署無事未嘗輒出而親舊莫敢通私
謁會創行助役法凡民田百畝令以三畝入官
為受役者之助文傳既專任其縣事而行省又
以無錫州及華亭上海兩縣之事諉焉文傳諭
豪家大姓以腴田來歸而中人之家自是不病

於役其在烏程有富民張甲之妻王無子張納
一妾於外生子未晬王誘妾以兒來尋逐妾殺
兒焚之文傳聞而發其事得死兒餘骨王厚賄
妾之父買鄰家兒為妾所生兒初不死文傳
呼鄰婦至兒乳之兒啼不就乳妾之父母吐實乃
辜丹徒縣民有二弟共殺其姊者獄久不決浙
西廉訪司俾文傳鞫之既得其情其母乞貸二
子命為終養計文傳謂二人所承有輕重以首
從論則為首者當死司官從之婺源之俗男女
婚聘後富則渝其約有育其女至老死不嫁者
親喪貧則不舉有停其柩累數世不葬者文傳
下車即召其耆老使以禮訓告之閱三月而婚
喪俱畢宋大儒朱熹上世居婺源故業為豪民
所占子孫訴於有司莫能直文傳諭其民以理
不煩窮治而悉歸之復募好義者即其故宅基
建祠俾朱氏世守焉有富民江丙出游京師娶
娼氏張為婦江既客死婦走數千里返其柩以

昌國典詠 卷八

三十四明叢書 約圖刊本

葬前妻之子困苦之既而殺之瘞其屍山谷間
官司知之利其賄不問文傳乃發其事而論如
法文傳治官其所設施多類此故其治行往往
為諸州縣最韓鏞時為僉浙西廉訪司事作烏
程謠以紀其績論者謂其有古循吏風至正三
年召赴闕承詔預修宋史書成賞資優渥仍有
旨四品以下各進一官擢文傳集賢待制亡何
以嘉議大夫禮部尚書致仕卒年七十八文傳
氣貌充偉識度凝遠喜接引後進考試江浙江
西鄉闈所取士後多知名為文務雅正不事浮
藻其於政事 元高德基平江記事干文傳崑山
人中延祐元年鄉榜明年廷試賜同進士及第
初授官階承事郎昌國州同知元劉性朱章齋
集序干文傳守婺源文公故宅與其先墓為豪

右所奪者皆取而歸朱氏俾遠孫之居建安曰
勳者來掌祠事勳以章齋集獻干授性梓之緒
曾按元史列傳干文傳事甚詳其昌國治蹟亦
多諸志所未載舟山定海志或訛爲文博抑何
其不讀史也王鏊姑蘇志有歐陽原功封干文
傳二代碑顧嗣立元詩選三集有干文傳仁里
漫稿元王元杰春秋集讞李文仲字鑑薩都刺
雁門集俱有干文傳序字鑑序自署吳郡干文
傳乃忽以爲雞澤人又云字元鴻姓名籍貫俱

昌國典詠 卷八

三四明叢書
約圖刊本

訛無怪其以神仙恍惚當之矣金塘山柳街干
大聖廟極宏壯舟山志平近坊府治之東宋景
定三年令詹文博立信麟坊丞廳西元景定四
年令干文博立緒曾按詹文博或詹仁澤之訛
然仁澤寶慶三年到任紹定元年致仕亦不及
景定三年景定乃宋理宗年號安得云元景定
也

石爐香燼火重焚循吏棠陰在昔聞一自柳街迎大聖
搜神干寶說紛紛

烏哲勒圖公祠

元程端禮畏齋集故中奉大夫浙東道宣慰都
元帥兼鄞縣翼上萬戶府烏哲勒圖公行狀云
公諱烏哲勒圖都爾伯特氏世居燕山延祐庚
申欽授符命授德遠大將軍鄞縣翼上萬戶府
達嚕噶齊奉檄鎮海口有功天子賜以金織文
對衣二襲越六年加定遠初倭寇來鄞防禦之
官控御無度且啓肆懸焚屋廬剽玉帛民甚患
之公鎮遏嚴師控制貿易持平表之以廉介懷

昌國典詠 卷八

三四明叢書
約圖刊本

之以恩威乃俛首誓服恭效貢輸之禮嘗中夜
倭奴四十餘人擐甲操兵乘汐入港公亟訊之
得變狀徵所賂上官金還之倭旋及昌國北界
擄商貨十有四舟掠民財百三十家渡其子女
拘能舟者役之餘氓奔竄公亟駕巨舟追之進
其酋長諭之曰曩不軌在律無赦聖上仁慈不
忍殄殲汝敢怙終復肆毒汝亟用吾命幸寬
貸之稍予遲違則汝無遺類矣皆股栗戰恐願
盡還所掠以贖罪公從之遂招徠其民給衣食

使之保聚皆兩手環公拜且泣曰吾父母也其
州牧徐敬率民立祠銘其德於石元張仲深子
淵詩集哀烏哲勒圖中奉詩將軍忠誼冠當世
烈烈雄姿不可降自襲簪纓分貴胄卻屯貔虎
鎮南邦射鯨滄海探鼉窟搏猛蠻荒擁豹幢世
謂有名矜智略公云盡瘁效愚憲旌旗暮捲秋
頌令微漢春閒夜吠老紫誥近登藩閩貳文犀
添重虎符雙正開玉帳民除瘴遠調南柯俗自
龐想見孤貞懸日月幸留遺像衛矛鏃東風慘

昌國典詠

卷八

三五

四明叢書

約園刊本

慘吹征旆落日翩翩照大江國士仰風咸戴嶽
書生有淚灑飛淙尙方曾錫衣閒襲內府空頌
酒拍缸存沒有榮無復憾汗青勳業筆如扛緒
曾按舟山志元昌國州知州徐敬奉政大夫至
元二年十月到任蓬萊鄉北界村故實可考者
僅有此一祠宜補入志乘以見昌國元時能弭
倭患也

文衣金織大將軍海口高牙舊有勳誰向荒祠尋北界
蓬萊山杳萬重雲

帖侯祠

元席帽山人王逢浯溪集帖侯歌序昌國州達
魯花赤高昌帖木兒元平章買住之猶子也海
寇犯境侯連與戰破之眾寡不敵或勸侯遁去
侯曰是我死所也遂死之浙江行省參政樊執
敬爲文遣使致祭請諡於朝逢爲作歌云仙居
縣丞寇海邦白晝突入千矛鏃帖侯親騎大宛
馬快劔挺出蒼龍雙鬚張背裂赫如虎殺氣雄
風助虓武鬪體擲地血飛雨短兵未接寇偃鼓

昌國典詠

卷八

三六

四明叢書

約園刊本

天南弧矢夜掩光狼角赭赤雲玄黃洪濤鯨鯢
去咫尺再戰身與城存亡縹緲千百水犀手主
者誰與仆旗走侯立不轉縱殺之殉忠國家良
亦厚君不見台州牧長金兜整氣節自是名臣
流情鍾兒女挫堅銳卒墮賊計空遺羞男兒眞
僞那料得長松古柏寒增色鶴飛冥冥我何及
落日荒山淚橫臆緒曾按元順帝至正十四年
九月方國珍以兵突入台州路執元帥也忒迷
失黃巖州達魯花赤宋伯顏不花知州趙宜浩

所謂台州牧長也十五年國珍以舟師奄至慶元元帥納麟哈喇不能禦開門納之又攻昌國達魯花赤高昌帖木兒死之是時國珍已授巡海萬戶其始降授定海尉帖侯歌中稱仙居縣丞稍異全祖望句餘土音有元達魯花赤帖侯祠欲合陳文昭王剛甫為殘元三仁祠余謂昌國當以趙觀光詳蘭山帖木兒陳文昭為元三忠祠

納麟失計突兵戈力鬪犀軍血染波雙劍躍龍潮上下

昌國典詠 卷八

三七 四明叢書 約園刊本

神絃聲沸帖侯歌

火斌祠

籌海圖編嘉靖三十三年四月參將俞大猷與賊戰於普陀山武舉應襲火斌黎俊民魏本康阜死之斌觀海衛人幼通儒術以母病嘗糞轉甜晨夕告天願以身代及壯應武舉鄉試中式第二憤海寇荼毒生靈詣軍門乞隨軍報效累立奇功至是與武舉生黎俊民應襲魏本康阜督水兵追賊於普陀山陷陣先登同時遇害蓋

忠孝役於天性者也後其兄指揮同知火雷請於當道為之立祠與俊民等並肖像於其中此外死烈港者有軍人葉七死舟山者有指揮閔溶義士吳德四吳德六籌海圖編嘉靖三十四年十一月指揮閔溶義士吳德四吳德六與賊戰於舟山死之德四德六兄弟本慈溪濱河農夫少有膂力先是寇上平石經其廬驅其豕豕德四持鋌自田歸遇寇於門揮鋌中賊腦仆地德六取刀追殺一渠魁遂以壯勇有聲隸杜槐部每遇敵即衝鋒奪旗以為常至是海道問其名檄往攻舟山險寨德四直前斫賊渠於轅門寨內驚擾而出怯卒皆返旆走賊斫德四仆地德六呼曰兄死矣獨前殺其殺兄者後冠帶把總桑麻士兵頭目莫兵不繼亦死焉

昌國典詠 卷八

三七 四明叢書 約園刊本

翁送

嘉靖三十五年十二月

死柯梅者觀海衛指揮某皆

見於遇難殉節錄又舟山志有姚思敬劉晉鄭

十三孝子皆死倭難

茶樹瓜生大石飛黑氣紅怪邊成圍鬼雄報國知多少
獲得長鯨七丈歸章氏家前茶樹生瓜東嶺大石滾擲如飛日光暗赤黑紫色如日狀者數十相盪俄而數千彌天衛山有怪似蛇微紅長而高大目光如炬皆明倭亂之兆參將盧鏜獲巨鯨七丈人謂斬倭之兆見定海縣志

徐公祠

舟山志徐公生祠在祖印寺後殿張公祠之左

明六學士孫如游徐公生祠德政碑記云金陵徐侯以節鉞來鎮翁洲者五年於茲矣鯨海不波狼煙息警浙中數百萬蒼生賴以衽席主上嘉乃丕績簡拜副戎開府潮州倚爲兩府長城戒行在卽環鎮將士洎文學諸英地方父老皇皇若失所天奔走呼號欲從當宁借寇以朝無反汗留侯弗克於是謀所以志不忘者相與鳩工伐石紀佳功德而徵言於余余與侯之中堅趙君至戚知侯甚諗安敢以不敏辭翁洲孤懸

昌國典詠 卷八

三四明叢書 約圖刊本

海外彈丸黑子假令醜夷匪茹乘風鼓棹蓋首衝必犯之區吳會外藩也故特設參戎建牙其閒而受成於大將軍涖茲土者最稱艱鉅徐侯天性謹厚神思精勤行閒事無巨細罔不悉心擘畫如選將練兵修艦繕器之法載在東海籌略者一切中機宜次第舉行於是壁壘改觀旌旗生色島夷不敢正窺中國者皆侯威靈之所震讐也至於大小汛期侯親督諸軍衝歷風潮不憚艱險餼糧輸至卽時分給不令所部枵

腹諸裨亦兢兢奉令毫無染指以故人心感奮願效死力歲庚戌倭奴闖入壇頭侯策兵追勦望風宵遁頃多番商積盜作姦出沒侯皆捕獲以聞寵膺天賚此侯功德之大較也更僕未易悉數若其拊循遠近軍民卵異噢咻事從平易絕戒驛騷軍民愛戴不啻慈父且自奉最約茹服不染市廛一物清靜寡欲卽羔羊素絲胡以尙焉公餘進青衿於帷幄敦詩說禮上下古今藹然光霽襲人有叔子輕裘緩帶風度今夏早

昌國典詠 卷八

三四明叢書 約圖刊本

嘆黎庶感額侯屏從徒步詣壇壝祈禱甘霖立降農獲有秋交口頌侯回天之大造大都侯之冰玉禔躬慈祥御眾精勤孚格所至夫豈偶然往世廟中浙之柯梅粵之南澳先後爲倭巢處並賴威大將軍蕩掃妖氛出民水火特進宮保移鎮薊門至今所在俎豆不乏侯之榮被斯命干旌旦晚南指浙人無計攀轅粵人引領望幸以生平經略緒餘振刷而彈壓之他日奠安嶺表屏翰闡壘樹大勳烈行將勒鼎彝而胙土茅

豈特媿美戚將軍哉願侯努力為宗社封疆計
安攘以副仰期此余拳拳之祝也勒之瑱珉用
昭久遠侯諱一鳴字起鳳別號心藿世襲南京
豹韜左衛使昭勇將軍時萬曆歲次癸丑臘月
上澣穀旦

壇頭倭退讐威名救旱甘霖百穀成努力封疆樹勳烈
便分茅土作干城

張莊節公祠

舟山志張公生祠在祖印寺後殿定海鄉宦謝

昌國典詠 卷九

三四明叢書 約園刊本

渭撰碑記一在府南右首郵縣鄉宦周應賓撰

碑俱萬曆四十六年建明副憲謝渭張公生祠

德政碑記云初張公以癸丑來督師海上樹牙

公諳海上事宜久任為疏請加公副戎銜仍督
兼制海外越八稔參戎統轄封域歷寧紹諸郡地
兼守禦外班軍伍其五千有奇舟山其干板汛
防外春秋擢軍士藉柳處也懸絕海島屬定東
南隅去邑治數百里而遙先是獨設總戎握重
兵制中權後復設參戎率偏師駐舟山厥倣
自嘉靖壬子倭闖入內地舟山特創甚賴官軍
力禦城岌岌幸免未遑議增陴以承平久陵
遲日就圯公至閱戎務慨然曰事豈有急於此
者乎且夫浙固以定邑為咽喉也定復以舟山

為門戶定之不犯寇以舟山為之南蔽也今孤
城若頽堵即封疆之臣其何以慎固封守於是
遂特請之督撫監司力肩繕城事雖歲鏗領之
於郡帑然因石於山因薪於海因力於兵海上
屹然一金湯而邊氓不聞費私帑一銖不煩佐
一手力而坐安慶堵民以是翕然咸頌公焉舟
山既已泡浮海中山谷村落拓田無慮數十百
頃人為溝澮灌漑其地中形中無慮數十百
海為壑雨集苦無厚蓄資隄壑版築築而外故以
下委輸歲久廢隄水盡瀉殊苦修築費公曰無
水是粟無所與殖也無粟吾即有城不能守也
曷緝諸遂首捐俸若下緒緣是歲有秋所灌田
亦無慮十百頃民至今賴之海表俗故樸田叟
守耒耜長子孫無一切皆感公之好然奸民
之憑挾城社以恐嚇鄉愚者偏於此為數小有
註誤輒假威驚株連窮竟破產營脫良民重足
輟業公惻然憫切力為當道白其事獲奸民麗

昌國典詠 卷九

三四明叢書 約園刊本

之辟民始得帖席寢家室相保聚皆公賜也大
略公所職掌在訓練軍實而願能以其緒餘波
及士民如此類更僕未易數即如亢旱步禱而
甘霖隨樹鬱攸時作而返風滅火禮青衿之彥
則將門以揖客重也飾文昌之宇則武備以文
事宏也公既與海濱之民周旋人亦戴公益
深亡何公竟擢陪京錫衣掌衛事去父老肖公
像而尸祝之於祖印寺傍更謀勒石頌德以石
言屬余誌不朽余曰是於古有之蓋羊叔子鎮
襄陽每造岷山登臨慷慨有百年賢達湮沒無
聞之感襄人因祠叔子其上名其碑為墮淚碑
唐李石嘗言於西蜀中元日詣佛寺見劍南節
度使韋皋圖形百姓至者先拜而後謁佛二公
皆節臣而能使民感慕思服如此即與今定民
所係戀於公觀之人情不甚相遠古與今豈有
異哉然余嘗憶往時過舟山徧觀蘆花岑江倭
夷盤據巢穴故處木石俱受燼愴然悲之至今
數十年民尚有視其地若甌脫不欲居之者自

今得公為保障堅城可恃民遂若衽之於懷無
復思樂郊者乃若溝洫既修畜洩有利每值春
秋耕斂農夫作偶脫衣就力推引銚耨以當劍
戟披蓑荷笠以當鎧盾故耕器具則戰器備公
蓋以陰撫古兵農相寓之法小試之於一隅用
以固吾圉然而所由庇民固已百世利矣此即
公為將方略一斑也至於興文重士弭災戢奸
種種善政在他帥祇用戢治軍書為務斤斤救
過不贍奚暇論繩墨之外在公自游刃有餘矣
公天性孝友雅善詩賦累歲軍功將略幕府別
有記錄不具論論公所為遺愛舟山而士民思
之者如此公名可大字觀甫別號扶輿南京羽
林左衛軍指揮使尚書周應賓張公生祠去思
中武試辛丑會魁

昌國典詠 卷六

三四明叢書 約園刊本

古環烈之尹地親而禮崇於弁帥中稱貴倨樞
府之推轂君一年所矣始章不下者久之迨新
天子御極拊髀宿將乃拜斯命東大夫又以海
上之驛騷不能一日釋公去也而留之至於今
代者至再留之不獲則所部材官與超距蹶張
之士靡不奔走余而問紀石焉若謂余文墨暱君
得明習者將毋以余之高麗之警撤估舫旁出番
請泚筆無讓焉夫自虞也當君在而謐如或幾
船闌入夷情蠢動足虞也當君在而謐如或幾
忘矣迨去而更思之無漁獵於其下耶其為君
礪修潔束身如處子無漁獵於其下耶其為君
賞罰必功過明軍容之炬燼而號令之無爽耶
其為君拊部曲有恩解衣推食令人飲醪而挾
曠耶其為君扼要害謹斥堠後姚江泥灣之
閒邏守無失耶其為君衝海擊倭一創之五罩
再創之五爪又創之壇頭斬馘焚舟舉有成算
耶然此皆強索職守事也而匪其六也乃其大
在翁山城臺修繕耳翁山東浙之門戶也歲久

而蟻封乘之圯甚守土者能無苜蓿止之慮乎
顧費鉅所需金錢無算中丞與巡海使者頗難
之而以事屬君略基命日鳩材量工至口之不
愆則君之營也公帑經始八百請益之不足以
已俸繼之竟如干矣則又君之施也夫它帥誠
幹得不乾沒公費足矣況割己以充公乎迄今
樓櫓壯雉堞完君去而城在矣每發汛登陣而
思日猶望扶輿君乎君既翺翔天表無由為下
士慰俾此土傳為豔稱得見式如君者庶幾無
去矣以此言思可知也雖然甫句東之思特
一隅事耳方今夷氛甚惡疆吏之不戒北門鎖
鑰非君不可而以黑頭公居南意者固知丁公
世掌耶抑如召公營洛息君將有待耶余雖老
不及事拭觀鷹揚一奏虎拜之頌燕然銅柱猶
後矣而何近徵海郡之去思君張姓名可大字
觀甫扶輿其號也擢辛丑武進士留都之孝陵
衛人世襲太僕寺卿徐時進重修舟山城記云
指揮僉事

昌國典詠 卷六

三四明叢書 約園刊本

舟山故鄒地秦漢之際鄒地最廣唐開元中始
析鄒地作慈奉諸邑而舟山為翁山縣大曆六
年袁晁以其地叛則棄不治其復治之為昌國
縣則宋熙寧六年也明興罷昌國縣為衛亡何
又徙衛於象山留中中左二所為守禦改屬
定海衛志云洪武十二年指揮募成立城五百
丈明年指揮許友跨慈山增版築卒成之豈前
而唐宋邑之為翁山為昌國得無城堞為防禦
計耶其云恢宏舊制則有城當自開元始而入
明則又式擴增之耳日久承平綢繆計鮮戎乃
生心焉至嘉靖壬子而島夷蹂內地幾徧江以
南舟山之於海著面黑子爾倭入舟山之蘆花
岑江特其通亡之餘官軍以嚴師逼倭竊竊而
議宵遁無暇叩城闕然已岌岌矣方事之急壘
滿四郊勢所急不在繕城事已戒嚴人人快得
平定安集又不得繕城以治今六十年而餘傾
圯灌莽牧豎得而狎之勢不容不有肩事議且
經始則虞費鉅虞用民虞召役終以囁嚅罷矣

萬曆癸丑秣陵張君可大奉簡書以守帥視寧
紹師駐軍舟山至則睹而咨嗟夫言堂與安也
奚其得置門戶弗問地越在海外特宿一軍爲
捍內藉而荒落頽廢一至此今此二千人視坐
自銷煥矣以軍於是請於觀軍之憲府轉請督
府咸慨焉謂及時修固當於是首議增陴議濬
隍議修樓鋪以次受功焉修完城身九十八丈
九尺女牆一千四百十丈三尺四門大城樓四
座兵司馬房四座箭樓五座敵樓八座鐵水門
共十八扇弔橋二座石隄四十一丈皆因其舊
而葺舉之使不廢者也又南門月城一座二十
丈水門一座九丈兵馬司房二座總臺鋪一座
箭樓四座敵樓五座窩鋪三十八座此則創自
今而補曩所不備者也程材鳩工較初所謂計
增數倍而請於郡帑之軍需修倉仍八百七十
有奇他無分毫益自爲陶冶甕砌灰墁皆於燧
人取給焉薪運之海嶠石鑿之山棧力則資之
團練之尺伍析而子來旬一再一稿割自軍府公

昌國典詠 卷六

三五 四明叢書
約園刊本

餽比於市租雖牛酒不徧饗而意自投醪亦足
以鼓而忘其勞矣事半功倍豈不存乎其人哉
役始丁巳十月畢於戊午二月麗譙煥燹塹
高深辨養中央望若雄關哉父老杖而造軍府
稽首謝曰何幸何幸不圖今日有此舉保我子
孫軍府還謝曰主何幸主何幸不圖今日有此
此意耶暇上意安無事則不敢以有事請今之
督府慮周四字居平視如敵至又海上監軍之
憲僉有同心故吾得以吾說投合諸軍吏技擊
公效用胼胝洵諸父老之幸使余得効事一追
謹何又余之幸也於是謀勒珉頌督府功以調
余不佞余謂張君難督府公之安不忘危集忠
有此又孰知非聖天子之不忘我東南能簡督
府公爲東南南帖哉舟山雖一區門戶坐令遠人
覩我奸宄意銷何必不大有被東南哉督府劉
公一焜江西南昌人巡海使蔡公獻臣閩之劉
同安人繼王公應乾准之睢寧人郡伯楊公鍾
英閩之長泰人海防丞商公文昭閩之漳浦人

別駕梁公大材東粵羅定人文公雲鵬粵西灌
陽人司理宋公禎漢閩之莆田人邑侯王公本
良粵東澄海人皆於督府核實效能以成守臣
籌畫拮据之庸者也備倭把總吳善道左右哨
把總趙如龍劉應宿守禦指揮樊樹勳二所署
印千戶王翼龍范匡時各有勞績例得并記餘
記碑 張莊節公駛雲齋集有自作平水閘銘云
舟山水閘傾圯久矣余於丁巳歲 萬曆四
俸而新之數歲以來土膏滋而斥鹵變洪波抑
而魚鼈恬萬頃皆同一方底定民享樂成式歌
且舞用紀成事系之以銘銘曰奕奕舟山東海
之陽溝洫弗治同於漏觴我思古人能化瀉鹵

昌國典詠 卷六

三五 四明叢書
約園刊本

趙國在前白渠繼武爰出囊金厥工鳩只旣築
旣堅如墉如砥蓬萊之野安期之鄉原田膺膺
流水湯湯彼硤有時繕修勿替託管陳詞敢告
津吏又舟山城工告竣喜賦金城百二控秦關
醞酒能開壯士顏粉堞直連窗外嶂綺樓高并
海中天戈船說劔春潮靜羽扇論兵白晝聞從
此東南歸鎖鑰不飛片檄下三韓又燕喜堂落
成詩螺頭雙鬢插桃花鼓吹鐘聲近洛伽佛嶼
玉峯連白霧翁山寶鼎燭丹砂芙蓉洲接黃公

宅細柳營遠徐偃家長是鎮龍雄瀚海堪標大
靈建高牙雙龍解作戲珠形鳥革翬飛鶴集庭
流水門前千頃碧高山屋上四時青擎天作柱
多人傑犯斗浮槎有客星醉後雅歌剛假寐好
風吹動護花鈴卜築蓬瀛喜落成鑪煙縹緲御
仙靈絕無俗物能爲障獨暢玄言足解醒雪後
梅花三島樹春前玉版五侯鯖雲臺麟閣何須
羨辟穀身輕天地口黃鐘纔動綵絲長卦復初
口滿六口方朔偷桃聊吏隱老君指樹此仙鄉

昌國典詠

卷八

三十四明叢書

約園刊本

休言前事印爲鵲且問南山石化羊羽檄不馳
刁斗靜何妨日進百千觴明史張可大字觀甫
應天人世襲南京羽林左衛千戶舉萬曆二十
五年武會試授建昌守備僉浙江都司僉書分
守瓜州葉向高見而異之曰此不特良將且良
吏也遷劉河游擊改廣東肇慶參將調浙江舟
山舟山宋昌國城也居海中有七十二澳爲浙

東要害可大條上八議皆碩畫倭犯五罩湖白
沙港茶山潭頭連敗之加副總兵城久圯可大

與副將蔡獻臣築之兩月工竣城內外田數千

畝海潮害稼可大築礮蓄淡水遂爲膏腴民稱

曰張公礮天啓元年以都指揮使掌南京錦衣

衛六年擢都督僉事南京右府崇禎元年出爲

登萊總兵官孔有德反巡撫孫元化納賊可大

投縲死之贈特進榮祿大夫太子少傅諡莊節

建祠曰旌忠定海縣志張可大與戚繼光等合

祀於沈家門天妃宮後此祖印寺側乃張莊節

專祠明舟山多賢將俞大猷盧鏜戚繼光梅魁

昌國典詠

卷八

三十六明叢書

約園刊本

事見紫陽書院徐正事見樂凱亭盧述字思齋

有謀勇徐一鳴事見徐公祠袁世忠字海門有

生祠在聖母行宮之東蔡獻臣何汝賓字寅之

著舟山志四卷鄧輔忠校訂諸公或有祠已圯或無

祠宜合祠之

築城修閘澤流長羽扇論兵肅海防祖印寺拈香一瓣

風流不減戚南塘

安洋將軍祠

勝朝殉節諸臣錄安洋將軍劉世勳上元人守

安洋城力戰死左都督張名揚定西侯名振之弟舟山破母范氏赴水死親屬二十餘人同自焚死見明史及輯覽乾隆丙申通諡烈愍全祖望翁洲劉將軍祠堂碑大兵之下江南也望風而靡所向幾不血刃其最難下者江西之贛州江南之江陰涇縣吾鄉之翁洲卽大兵亦以爲出於意外贛州以楊萬二督師聯絡諸省援兵猶足以支久江陰涇縣則難矣然尙與江湖聲息相近也豈若吾翁洲之彈丸絕島哉然而殘明一綫

昌國典詠

卷六

三

四明叢書

約園刊本

實寄於此其關係至與厓山等斯亦奇矣翁洲文武死事諸公極多可考者二十七人而城守之功則劉公世勳一人任之爲尤烈初大兵之分道下也定西侯張名振令蕩湖伯阮進邀擊於大洋以將軍城守而自奉王揚聲擣松江以牽制之定西甫去天忽大霧大兵乘順風徑渡無知之者蕩湖急出兵用火攻而反風竟自燬大兵遂直抵城下聖朝之得天固非人力所能施也將軍料簡城中步卒尙五千麾下死士五

百居民助之乘城而守屢攻屢卻八月二十六日開門詐降內伏大礮受降者爭先入伏發擊殺千人大兵愈怒急攻然終不克先是城中別將邱元吉金允彥密約爲內應顧不得閒二十入日遂縋而出降且言將軍嚴守狀乃再益兵九月二日大礮如蝟城雉盡壞將軍乃朝服北面望海自刎嗚呼烈矣翁洲一城之流血以將軍故而居民至今趨其祠春蘭秋菊禋祀恐後夫非其精忠之所感歟將軍字允之南京人也

昌國典詠

卷六

四

四明叢書

約園刊本

解褐自右榜進士歷官都督僉事監國駐師進安洋將軍平居好史籍嫺吟詠稱儒將云張忠烈公煌言哭劉安洋詩云羽聲落日泣兵殘斗大孤城獨據難虎體拚隨朝露盡龍精空向暮雲寒數奇偏少封侯骨力竭惟餘報主肝歲歲芳洲腥草綠飛燐猶繞舊登壇

血灑圍城雉堞崩燒殘鐵骨自峻嶒同心更有張都督
滄海魂歸謁孝陵

成仁祠

全祖望鮚埼亭集改正成仁祠祀典議謂黃斌
卿之私人欲廁斌卿於祠以毀定西前令妄采
里巷誣誕之言遂至盈廷冒濫因據明史以黜
之得可祀者僅二十三人其論甚偉然兵燹之
餘其人實未可勝紀曰橫五百豈能盡得姓名
久之真偽雜屢勢所必有定海縣志躋斌卿於
張鯤淵之上又以斌卿婦翁為本兵事出鑿空
且既云順治八年大兵渡海致攫後至之誅斌
卿本非死於順治八年取以冠諸臣之首尤可

昌國典詠 卷八

四十四明叢書 約園刊本

駭異力詆定西遂併張名揚及定西母范氏等
盡皆抹殺全氏攻之宜矣余至成仁祠見牌位
三中職官左士民右如孀婦女名每名下分注
明史縣志蓋邑令莊綸渭調停繆全二家之說
而並存之今詳加考訂以俟知者東閣大學士
張尙堂 明史稿張尙堂字載寧天啓乙丑進士
順治三年唐王敗死尙堂飄泊海外六年
年至舟山魯王用為東閣大學士八年大兵乘
天霧集螺頭門定西侯張名振奉王航海去屬
尙堂城守城中兵六千居民萬餘堅守十餘日
城破尙堂衣襟玉南向令四妾一子婦一女孫
先死乃從容賦詩自經餘 禮部尙書吳鍾鏗
詳雪交亭國朝諡忠穆

忠穆寓室國 兵部尙書李向中 字豹章號立齋
辰進士除長興知縣調秀水升車駕主事未任
補職方大帥捕得之以縶經入見終不屈死國
朝諡忠節志云 兵科給事中董志寧 鄞縣人浙
吏部尙書誤 謀起兵事洩棄妻子走舟山辛卯城破自縊死
國朝諡忠節全云自勿南疆釋史董志寧字幼
安以餼貢入太學乙酉六月大兵驅入浙乃
偏謁同里播紳勸起兵聞者皆笑為狂獨刑部
員外郎錢肅樂是之六狂生者陸宇燦張夢錫
華夏王家勤毛聚奎而幼安其首也諸君子多
受害惟宇燦得脫而幼安亦走之海外尋監國
至晉兵科都給事中以奉使時入內地聯絡山
寨諸軍以為海上應諸山寨亦感其孤忠資糧
不戒而集辛卯自勿死其妻羅繼室也仰藥死
子士駿士驥及長皆距海不返幼安遺骸為陸
宇燦捐金募葬先一夕忽入夢曰吾別一足啓

昌國典詠 卷八

四十四明叢書 約園刊本

視果失右趾陸東蒲補之幼安初入舟山義僕
文周匿其妻孥挺身赴官鍛鍊幾死卒不一言
後悼其主祀絕縞 吏部左侍郎朱永祐 上海人
衣蔬食終其身 死國朝諡烈愍張忠烈煌言輓朱聞玄少宰云
風流名節總相兼冰鑑高從斗北瞻老去漢臣
猶避莽歸來陶令未名潛一官直與夔龍並七
尺甘隨豺虎臘試向星辰還聽履炎難逃黍離
西崦極目烽煙點鬢毛閒關已識兩難逃黍離
社稷無薪膳草昧朝廷有節旄自許孤忠遺海
岸人悲啓事失山濤臨風不盡招魂賦那忍重
看舊佩刀上海郭開泰輓朱聞玄先生云平生
崇節義不但魯朱家正氣凌銀漢忠魂逐翠華
一時人化鶴半夜道橫蛇死矣雖無補千秋芬
齒牙自註朱永祐字爰起魯王時為吏部侍郎
舟山破見殺定海縣志云工部尙書按張忠烈
詩有山公啓事之語 通政使 參議 鄭遵儉 會稽
知為吏部非工部也

五十七

朝諡 忠愍 安洋將軍劉世勳 詳安洋將軍祠 左都督

張名揚 詳定西侯墓國朝諡烈愍自張名揚至 一人餘俱從勝朝殉節諸臣

錄補入見明史及輯覽等書 錦衣衛指揮王朝 相詳宮井國 兵部郎中朱養時 江陰人一作河

諡節 戶部主事林瑛 一作之瑛 福建人妻 兵部 主事江用楫 蘇州人妻亦自 禮部主事董元 稽

人自縊於學宮國朝諡節愍 禮部主事董元 稽 字天孫 城破先驅 妻子入井而自從之 死 兵

部主事朱萬年 一作職方員外郎 福 兵部主事 顧珍 長洲人國朝諡節愍 兵部主事李開國 臨山衛人母

昌國典詠 卷九 四明叢書 約園刊本

諡節 工部主事顧宗堯 長洲人亦作寧波人同 云投井母童氏亦 中書舍人蘇兆人 蘇州人自

自盡全作中堯 禮部主事 工部營繕所所正戴仲明 鄞縣人 禮部主事 工部營繕所所正戴仲明 鄞縣人

諡節 謀國朝 定西侯參謀顧明楫 順天人以下入祠 諡節 楫舟山事略 顧明楫題壁詩云 愁 儒生蕭賓侯

魂應傍 孝陵歸或云應天府生員 儒生蕭賓侯 朱錫爵 舟山始末 儒生蕭賓侯 侯 破不肖 雜

而南寓舟山僧舍 辛卯秋大兵攻舟山 垂破 蕭 詣張公肯堂 寓見方裂帛 蕭曰 請假一尺 縑可

平遂同日自縊 臨訣以四語呈公 曰 保髮存華 夏投纜了 死生男兒各有志 義重此身 輕乃假

一帛就外舍 曰 請為公先行 當報冥司 主者迎 公也 公視其絕 乃移屍 雪交亭中 後并公屍同

焚焉 賓侯 生員林世英 福建人 自張肯堂至 戴 一作寅儒 仲明皆乾隆丙申 議諡

錄併見 殉節諸臣 蕩湖伯阮進 未及議諡 定海 縣志 阮進 皆作阮 駿 按舟山事略 內太監劉朝

董守諭 宮井篇云 內監王朝 錦衣衛王相全氏 云 錦衣指揮王相 內宮監太監劉朝 從明史也

又朱養時 注云 據吳少保 海外遺集 禮部給事 兵部郎中 明史 但作兵部 殉節 諸臣 錄 一作河

南道御史 以上二十 兵部尚書 入閣辦事 沈宸 三人 乃全氏所取者 兵部尚書 入閣辦事 沈宸

荃 以下皆定海 縣志 所載者 殉節 諸臣 錄 沈宸 荃 抵金門 覆舟 死 諡 忠節 張忠烈 集 沈彤 菴

巖舟 日南 遭風 失 維 不 兵部右侍郎 沈猶龍 殉 知所之 志云 赴海 死 兵部右侍郎 沈猶龍 節

諸臣 錄云 募兵 守松江 城 破 中 矢 死 諡 忠烈 志云 兵部尚書 以上二人 皆非 死於舟山 然亦

昌國典詠 卷九 四明叢書 約園刊本

魯王 領水軍 劉永錫 舟山事略 癸巳 誠意伯 偕 忠臣 二十一 日 永錫 跳 沈知義 曾 甯 張仲孚 朱思浩

水死 非 辛卯 事 沈知義 曾 甯 張仲孚 朱思浩 志云 皆 內閣 中書 顧玉蟠 志云 自縊 南 疆 釋 史

失其官 內閣 中書 顧玉蟠 志云 自縊 南 疆 釋 史 聚妻 子 於 一 堂 同 總 督 軍 務 沈 大 成 志云 冠 帶

舉火 自 焚 死 同 總 督 軍 務 沈 大 成 志云 冠 帶 禮部司務 郭定中 書周在德 中書陳駒 中書韓

允祥 志云 各 太常 卿 典 簿 劉 孟 賢 志云 一 作 孟 允祥 赴水 死 太常 卿 典 簿 劉 孟 賢 祥 自 焚 死

鴻臚寺主簿 張鵬翼 志云 城 中 中 所 百 戶 周 之 簋 志云 年 七 中 中 所 千 戶 王 天 培 志云 屯 田 總

兵呂金聲 志云 嘔 血 數 斗 而 死 妻 林 氏 自 縊 子 鳴 綸 撫 其 尸 號 痛 在 地 忽 奮 呼 持 刃

相擊力竭而死按呂金聲中左所百戶陳起蛟

官秩較顯何以諸書鮮稱志云同弟黃蛟自縊百戶黃世安志云自焚死貢生黃希范趙

孟遴洪復僑志云俱自盡貢生范佩蟠范錦綬俱自盡

民人范洪倍范洪鄭范洪爵范洪正范洪譽范

洪瑞范佩璠俱自盡志云自願玉蟠而下皆係

不可勝紀所知者皆總制陳策奏凱疏內載入

然如張名揚阮進等十七人何以疏內不載至

黃斌卿則疏內斷其必無也自沈知義以下未

能信其皆真亦無由斷其皆偽全氏所云長平

國殤相繼闖入但士民有入祠之魯王貞妃陳

例苟屬國殤或猶愈於黃斌卿云史載詳張尙堂妾

氏貴嬪張氏義陽王妃杜氏宮井

昌國典詠卷八 四明叢書 約圖刊本

畢氏姜氏方氏周氏子婦沈氏孫女茂漪史載詳

交張名振母范氏見明史及通鑑輯覽云赴火

焚死今祠中無位宜補入張名振妻馬氏妾某氏張名揚妻

某氏張名甲妻某氏張名遠妻某氏張繼榮妻

某氏見全祖望定西侯墓碑舟山事略祠中無

劉世勳妻某氏見舟山事略祠中無位宜補祀李開國母某氏

顧宗堯母童氏見上林瑛妻某氏江用楫妻某氏

見殉節諸臣錄祠中無位宜補祀呂金聲妻林氏范佩璠妻吳

氏見志張相國僕張俊妻彭氏見全祖望鮑崎亭集烈女某

氏城破女坐地厲聲曰生於舟山死於舟此外

仍有可增入者中書舍人陳所學南疆釋史陳

山陰人聚妻子中書舍人沈之泰餘姚人紹興

於一堂自焚死太醫院副使章有期南疆

山破被執不降斬之見朱筠詩河文鈔

章有期字紹泉御醫童廣南疆釋史御醫標官

會稽人自焚死張文炯顧璽舟山始末張文炯顧璽皆松人從

張文炯顧璽張公尙堂作標官護公孫茂茲見

殺吏科楊思任鄞人職方郎中兵備道荆本澈字

之一字大澈丹陽人甲戌進士監下江軍屯舟

山黃斌卿夜襲本澈二子沐濂妻于氏皆死之定西

侯監軍梁隆吉餘姚人手刃全家自刎死兵部主事王璽北直

昌國典詠卷八 四明叢書 約圖刊本

守諭續九歌云鄭宗儉董元顧宗堯江用楫顧

玠王璽六公同縊於明倫堂楊思任亦見續九

歌貢生婁文煥痛節諸臣錄昌國衛人舟山破

湧去亦見浙江副總兵張名甲參將張名遠參

將張繼榮俱名振弟見舟山事略中軍林志燦中軍林桂

守備吳士俊見全祖望詳張觀淵參將李錫貢李

錫祚岐陽王裔孫守螺頭錦衣衛經歷戴爾惠

死螺頭門見鮑崎翰林院待詔朱灝字宗遠華

亭集舟山事略府通判徐孚遠晚朱待詔詩云園林知畫理詩

衣百戶沈浩然字雪峯華亭人明侍郎猶龍子

浩然大兵南下侍郎中流矢死浩然

王駐兵斌卿抗命被誅魯王以浩然為侍從好

彈射譏議同事則目浩然有詩云眾口無勞怒

微臣亦自知辛卯舟山破削髮為僧初名明初

字東生乃改浩然有傳侍郎迺吳興山寺者

浩然求之不得以衣冠葬焉浩然未幾亦發憤

死武生馬貢圖馬呈圖張名振妻姪荆本澈妻

于氏二子荆沐荆濂見僕人張俊張育堂又舟

山事略載辛卯死舟山者有錦衣衛李向榮總

兵官馬泰副將軍單登雲杜芳其餘武弁夏霖

解龍朱起元沈雲曹維周韓紹琦夏時霖張聖

治薛之胄任則治童自齡不知其官其乙未死

舟山者太常卿陳九徵南疆釋史陳九徵字青麟副使俞師

範英義伯阮駿平康將軍姚志卓副總兵張晉

爵戎政司馬陳六御此六人與劉永錫同以乙

未死獨祀永錫何也祠中最可議者副總兵肅

魯伯黃斌卿斌卿屢拒魯王終於見殺志忽列

其謬不辨自明或曰斌卿奉唐王正朔使拒魯

王福建通志云欲援南京為馬阮所阻亦皆影

響之談均無當最可疑者戶部尚書陳君平定

於成仁之名也縣志人物條斌卿婦翁陳君平為魯王本兵城

陷日舉家自焚死遺事條云戶部尚書陳君平

舉家自焚死其官職已自相矛盾此人不見明

史張忠烈煌言集哭舟山殉難大臣亦無其人

即明季野史諸家文集從未有大司徒大司馬

陳君平者全氏所云事偽官爵偽姓名無一不

偽者也今祠有戶部尚書陳君平又士民中有

斌卿婦翁陳君平忽分二人尤誤事之有無不

足深余謂成仁祠宜拓其基建前後二殿如魯

王妃不宜列諸臣之側宜祀後殿以張名振母

范氏等配享至於定西侯張名振支柱虞淵其

忠最大宜增設大帥定西侯張名振位於名揚

之上質之謝山不識以為何如也定海縣志成

仁祠在北門外張忠烈公煌言翁洲行自從錢

昌國典詠卷八 四四明叢書 約園刊本

塘怒濤竭會稽之棲多鍛翮甬東百戶古翁洲

居然天塹高碣石青雀黃龍似列屏蛟螭不敢

波閒鳴虎鬚爭如秦婦女魚旄半是漢公卿五

六年間風雲變帝子南巡開宮殿由來澤國仗

樓船烏鬼漁人都不賤堂怡穴鬪幾經秋敵來

飲馬滄江流其言滄海難飛越況乃北馬非南

舟東風亦與北人便一夜輕帆落奔電南軍鼓

死將軍擒從此軍兵罷水戰孤城聞警早登陣

萬騎壓城城欲灰礮聲如雷矢如雨城頭甲士

皆瘡痍雲梯百道凌霄起四顧援師無螻蟻裹
瘡奮呼外宅兒誓師痛哭良家子斯時帝子在
行閒吳船渡口凱歌旋誰知勝負無常勢明朝
聞已破蛟關又聞巷戰戈旋倒闔城草草塗肝
腦忠臣盡葬伯夷山烈士悉刎田橫島亦有人
自重圍來向予細說令人哀椒塗玉葉填胷井
甲第珠璫掩劫灰而今人民已非況城郭髑髏
跳號無復肉土花新蝕遺鏃黃石苔早繡缺折
綠嗚呼問誰橫驅鐵兩襜翻令海寓歸龍荒安

昌國典詠

卷八

五十四明叢書

約園刊本

得一劍掃天狼重酌椒漿慰國殤李杲堂翁洲
詞序翁洲未徙前城門鳴鳥聚噪萬數井水黑
未幾變起翁山多猿家畜犬禦之火後犬奔山
猿鳴滿谷所謂烏亂於上獸亂於下黑雲如山
海上奔白日鬼啼翁洲門鳥驚百萬啄人屋腥
風夜吹井水渾須臾大火空城起七十二島同
時焚壽冷流光緣岸哭十家五家徒魚腹黃犬
嗥嗥走山谷老猿引雛盡登木康熙四十二年
知縣繆燧捐建成仁祠記云辛卯舟山之役一

時同殉難者數十百人昔參軍喬公鉢哀而封
之曰同歸大域嗚呼所謂同歸者何歸哉歸於
仁而已矣古今所稱忠孝節義史不絕書而未
有合數十百人之心爲一心死同時窆同穴爲
若斯之甚者夫成仁之事亦大矣學士大夫積
生平之詣力而不以死生易其操匹夫匹婦發
一時之感憤而不以安危異其志其仁一也我
王師之入翁洲也勝國遺臣如張公肯堂吳公
鍾巒輩本皆宏儒碩學名教宗工故城歿身亡
從容殉義可以動天地而泣鬼神乃降而阜隸
編氓兒童妾婦死者紛紛藉藉雖肝腦塗地而
亦無少怨悔其平居未必習聞綱常之大義而
要皆發於一時幾希之良心嗟乎此數十百人
者豈果惡生而愛死哉仁在則然耳斯時也無
貴賤無少長無男女皆薪衣而土棺骸橫而骼
豎嘻亦甚矣而吾謂同一死卽同一仁同一仁
卽同一不朽安在以多爲慘乎而獨念忠孝節
義藏魂聚魄之所不獲歲時一奠以展其感慨

昌國典詠

卷八

五十四明叢書

約園刊本

思慕之忱質之輿情當必有惘然者是亦司土者之責也爰請詣上憲爲建祠宇數楹又買田若干畝歸之學宮使主春秋兩祭而元戎藍公實贊成之嗚呼維世道者當維人心齋宮籩豆之間默寓化民成俗之意崇死也卽所以勸生也故題其祠曰成仁而兼爲之記莊綸渭定海續志整建成仁祠碑記北門外同歸域哀魯監國時殉難者之骨而瘞焉墓前構祠屋三間顏曰成仁康熙間前總鎮藍公理前知縣事繆公

昌國典詠

卷八

至四明叢書

約園刊本

文僚佐相與有成邑之人咸踊躍焉土木之工凡三閱月告竣門堂棧桷煥然一新飭守祠者謹其啓閉祠內神龕舊止一座不列官銜姓名男女無別退而考之明史及邑乘所表見者設王妃陳氏以下十三位爲一座大學士張諱尙堂以下四十二位爲一座貢士黃諱希范以下十三位爲一座第其位次諸失記者各附座右卜日以牲醴告祭而安其主嗚呼余因之有感矣方我朝定鼎之後遐陬僻壤悉主悉臣勝國遺裔猶欲取一障而乘之固不待智者然後知其不濟也迨計無復之奮不顧身以死殉主較之爲人臣而懷二心於其君者諸公不重於泰山耶歐陽公五代史傳王彥章語豹死留皮人死留名余深慨夫木主雖增尙多罅漏然殺身成仁同歸一域其精爽蓋自有足以歷萬古而不磨者而不在乎盡識其名姓也是爲記莊綸渭題成仁祠祠後爲同歸域并弔失記姓名人詩天心興替已分明海外猶餘報國情一木那

昌國典詠

卷八

至四明叢書

約園刊本

能支大廈諸公况復盡書生鯨濤欲滴厓山淚

雉堞空當卽墨城六十九人心共苦我將斑管

細書名志載張肯堂吳鍾巖以下六十九人牌位向書諸先生三字于特表其官爵姓名

名闡幽己幸日星懸姓氏淪亡益慘然有革裏

尸得死所無皮留豹惜生前志填大海知精衛

血竭空山失杜鵑攢聚一坏魂魄在成仁同作

大名傳

鄧林杖逐魯陽戈奈此虞淵落日何礙碎厓投成底事

只爭仁字不消磨

昌國典詠卷八

至三四明叢書
約園刊本

三皇廟

大德昌國州志醫學在州前貞武宮之南至元

二十九年醫提領許若璧陳錫壽李繼之買民

物以建前以祠三皇聖像後以爲醫生講肄之

所至元甲午胡逢辰以儒者流精倉扁之術來

爲學正醫生賴其啟迪至正四明續志國朝立

醫學以祀三皇所以著仁民愛物之政昌國州

醫學在州前至元二十八年醫提領許若璧等

建又昌國州三皇廟泰定元年知州韓搏因舊

址充拓鼎建侍講袁柄記見延祐四明志清容

居士集昌國州醫學記醫學之道卽夫人身以

詩禮相表裏亦大矣哉蓋昔之君師聰明神聖

司夫五行以寓夫五常之形氣致坎離之用以

合其陰陽推運行以齊其寒暑考九州風土之

所宜列溫涼燥溼之高下蟲魚草木纖細備具

非博習廣聞者不能也至於七情既發之偏必

求其中以返於正皆吾儒傳心之極論有察於

聲氣臭味之渺忽考之遺書受之家庭積歲年

不能以竟而掌政令者從是稽其醫學以制稟

祿是則寧有天閼疴癘之憾也哉南北地氣大

有不同而爲之醫者各就己論近者急於好尚

而恣縱不能商度十失五六誠可罪也秦漢之

主率望海求不死藥詎能令不死蓋其空巖絕

壑磅礴於巨浸之際絕羣塵樓雲霧靈根異草

得地氣之正方外隱士特采其奇絕精良以療

昌國典詠卷八

至三四明叢書
約園刊本

治輒奇中而功倍今所謂海上方皆有苗裔而

昔之進集方論者復蒐類於蛟龍之窟穴海於

天地間鉅焉得有以遺也昌國爲州四履皆海

徐市乘舟去渺茫綠蓀白艾滿仙鄉稚川笑語孫思邈
猶有龍宮不死方

道隆觀

大德昌國州志道隆觀在州之南奉東嶽行祠

宋勅觀額建炎閒金人登岸拔刀斫柱血流濺

衣畏極遁去一境生靈藉以全活元吳萊登岸

金人闖海時斫柱刀迹因聽客談蓬萊山紫霞
洞詩我舟半夜發舉目流滔滔倏然風萬里誰

謂水一篙幽島不可辨亂礁負如鼉侵晨始登
岸身靜心實勞小徑連汙湖玄局闕蓬蒿彈塗

爭走穴柴步忽張螯怪花絡璫陰木森蕭騷
東都昔奔潰南海紛戰劫簷楹偶潛伏部伍競

昌國典詠卷八

五至四明叢書
約園刊本

遁逃將施攻城火尙見斫柱刀黃幄祛曉禳翠
華溼秋濤運往龍蛻久人來鶴飛高曲繼迷丹

鼎清沼燭溪毛無煩
踞龜殼自此辭盧敖庚午歲閣以風雨圮之觀

之外植門榜曰蓬萊福地延祐四明志有蔣安

義昌國東嶽行宮記云始造於元符三年落成

於大觀五年按寶慶志安義登第以賊敗金酋

至輒投拜知明州甲申慈溪縣令林叔豹引鄉

人入明州執蔣安義是安義叛賊不足污名勝

也

濺衣柱血駭流丹棄甲金人膽落寒一事快心林叔豹

邢容醜石混瓊玕

謝龍王廟

舟山志本謝姓居昌國之大青壘母顏氏無嗣

禱於神一日治泉苧牖見老人鬚眉皓然詣前

丐化光彩逼人顏起覓錢俛不見遂產謝謝嘗

夢紫衣偉人挈其身於大石上滌腸天旱與羣

兒縛草龍禱雨兩卽至投草龍於洞卽躍然去

頭上常有雲氣烈日下仰天喊雲卽掩雨隨至

泰定六年六月大旱於巖下斧石火星熠熠雷

昌國典詠卷八

五至四明叢書
約園刊本

電四起雨如注歸謂母曰適路聞有紫衣巨人

促我赴東海龍王會卽端坐而逝鄉人祠於東

山歲以遺蛻日祀之在頰河壘

草頭生角石生鱗嘖雨噓雲變化神高會東溟誰主客

龐眉老叟紫衣人

昌國典詠卷八

昌國典詠卷九

清金陵朱緒曾述之撰

普慈寺

寶慶四明志普慈院縣北五里舊名觀音唐大中十四年建皇朝治平元年賜今額世傳東晉韶高僧隱於此大德昌國州志寺統諸刹始東晉時僅一小庵以觀音名唐大中十四年號觀音院棟宇略具往宋皇祐中知韶來主斯席治平閒遇恩霈錫今額寺燬於慶元閒寸椽無遺

昌國典詠 卷九

一四明叢書 約園刊本

黑山明公禪師極力營建越淳祐五年復厄於劫燼山門獨存足翁麟師繇廬山飛錫至此又從而鼎創焉視昔增壯自慶元迄淳祐垂七十年而寺之燬者再前明後麟有功於寺立敬寔堂參政應係為記嘉熙戊戌夏四月龍峯普慈山明老師而敬之以已瑄兩鄞舊配扁曰敬寔住山雪窗禪師訪邑人應係而請曰祖曰幸備掃澗茲山承彫弛之餘畢力振飾積蠹宿弊一刮絕去憤作懷者眾慨與劫之難念不可不章明前績此堂所為作今成矣願有以記之係惟先人舊廬在鎮龍山之東麓距龍峯百餘武暇日素往游焉故於山中事多所諸記黑山之來寺且燬三年矣經禪頓盡龍象悲泣黑山披瓦

礫雍草莽而營度焉勦形彈智以潰於成規模位置一出意匠棟宇煥華照映林谷見者無不讚歎黑山作勝事已務錫地之報恩既乃復歸示寂塔於山之青龍之口若有夙昔緣人皆曰黑山有功茲山甚大先是寺不足於食乾淳閒監寺妙己以轉食輪為己任隄大海之濱化為美田播厥嘉穀歲限取三千以充香積供梅壘有莊名己公事弗忘也宣獻樓公記石雖燬裂墨本故在黑山營繕後佛菩薩天及護法主林禦侮力士之像種種莊嚴皆都寺德瑄所鑿金為之復以餘力贄山路千丈造石橋十三所深得佛氏慈悲濟人本旨之二僧者於寺信有勞可以配黑山矣夫學浮屠氏之法者凡能出力辦事必有廉以立身勇以立志勤以率眾而為之本者曰公公私不兩立公則萬善集私則稔熟見其天材高有苦潔之行所居瓶拂外蕭然無長物於私則銖黍不蓄人信其為廉故施

昌國典詠 卷九

一四明叢書 約園刊本

之者不倦始至指山而誓曰所不能還復舊觀者有如此山人皆笑其孟浪略不退轉一念勇猛故其事竟成御眾如御兵取材木負瓦石身親倡役雖犯寒觸熱不憚故其徒歡趨此非公以存心者能之乎前己後瑄得之聞見有足稱錄亦本此而已嗚呼有堂規如有像儼如晨薰夕燈展如肅如登斯堂瞻斯像使一毫愧於心願且有泚矣此雪窗意也於是乎書五月一日記歸附後增葺殊勝為本州祝聖道場大德元年住持覺海建龍峯亭於山門內又青龍潭在普慈寺之後山一泓如鏡禱雨則出青蛇以顯其異按大德志小泉潭在州西三十里青龍潭十里小泉潭在普慈山後彼此互異又云孫枝字吉甫嘗撰普慈寺羅漢圖記篤素張公大參

見之稱賞曰海角有此奇士以兄之子妻之至
 正四明續志至正五年建蘇雲閣按寶慶志以
 韶為東晉高僧大德志以知韶為皇祐中來主
 斯席豈有兩僧韶耶定海縣志洪武中徙衛廢
 今復建是雙巒舟山志普慈寺城北二里里人
 山古又名龍峯陶恭詩云出郭陰陰數里松白雲堆裏見龍峯
 禪房修竹青無限石郭飛泉落百重林下定僧
 馴野鹿池邊棲鳥散晨鐘幽尋不厭頻過此恐
 負扶吟九節筇
 藏雲高閣峙山巔春到荒亭草色鮮欲問僧韶談浩劫
 來從一馬化龍年

昌國典詠 卷九 二三四明叢書 約園刊本

祖印寺

大德昌國州志在州治東南寺元在胸山舊名
 蓬萊晉天福五年建宋治平二年賜今額嘉熙
 二年邑令余桂遷於此以接待寺為一至正續志同
 舟山志寺先在蓬萊鄉海中國朝革縣以接待
 院併之遷城中為二所祈禱道場宣德間都指
 揮張翥重建正統七年災成化五年總督張勇
 復新之萬曆十五年秋圯於龍里人重建定海
 縣志密庵傑禪師最有道行明廢縣遷入城中

本朝遷徙後城盡燬獨此寺大殿巍然若有神
 呵護者康熙三十一年總鎮藍理增建有記緒
 曾按大德志宋嘉熙二年已遷州治東南舟山
 志縣志云明遷入非也
 蓬萊石晉古名藍衣鉢僧猶說密庵一殿靈光同劫運
 誰將興廢問瞿曇

吉祥寺

紀纂淵海九峯在昌國寶慶四明志九峯山吉
 祥院縣北六十里唐開元中高僧惠超居是山
 香柏巖草衣木食遂開此山其巖高峻不可到
 時聞鐘磬聲而已漢乾祐三年號曰崇福皇朝
 治平元年賜今名熙寧中始建輪藏其神靈甚
 邑人有禱必歸焉建炎初給事中黃龜年施辟
 支佛牙長四寸闊一寸舍利盈綴時見五色紹
 興十八年主僧法寧建宋史浩鄒峯真隱漫錄
 請致老住昌國吉祥寺疏朝宗萬派銀濤俱萃
 於東溟擢秀九峯金利忽標於彼岸向諸方搜
 求勝士來此地建立法幢攷公禪師苦行孤高

昌國典詠 卷九 四三四明叢書 約園刊本

圓機灑落徧參明眼入居士之二門屢主道

場演慈航之末後句願今移錫請即浮杯靄一

辨之濃薰迅登猊座集萬年之洪算遙祝龍庭

大德昌國州志富都鄉之錦沙九峯環列一名

九峯山始寺之未扞人迹罕到常隱隱聞鐘磬

聲唐開元中高僧惠超居其中草衣木食戒行

精苦閱十三代往宋咸平有真有悲者繼之善

誦神呪鄉民歸敬丁縣尉漸為舍基請真公遷

其居於山麓便民祈禱慶曆改元文珍嗣其業

昌國典詠 卷九

五十四明叢書 約園刊本

丁縣尉因改為院治平元年賜額吉祥自是層

觀傑閣金碧輝煌茂林修竹蔭蒼蒙密為一方

名利咸謂之小天童給事中黃龜年施辟支佛

牙舍利盈綴時見五色紹興十八年法寧建閣

藏之嘉熙三年余參政天錫請以顯忠崇孝為

額歸附後大德元年住持僧淨怡重建選佛堂

州判馮福京為記昔明道程純公嘗入僧堂適

歎曰三代禮樂盡在是矣蓋謂其徒嚴整威嚴

雖一食頃未嘗少懈而吾庠序之閒或有時而

乃不如也學泉居士緣起於定來怡昌國每見

海上諸叢林中清規淨戒執持堅固不同他所

與時俱遷固不能不發純公之歎遊山之屐矧

敢倍法堂而著耶是邦惟錫沙為甲剎規模氣

象與天童雪竇相頡頏且十年無世間心同世

持說翁禪師淨怡卓錫成大塗墜丹墮周徧而中

行事修漏補苴撤小成而猶未愜也願從游之

外視始至日益莊嚴而齋料庫給以長生之本

薦廣而香積之莫供置齋料庫給以長生之本

而資其息慮乾溢之不常而食輪之莫轉置藏

冰室儲其所售之直以為之備作外山門所以

昌國典詠 卷九

六十四明叢書 約園刊本

指修行之路增高海岸所以護常住之田衣鉢

是捐成此利益安處徒眾大振宗風吉祥之名

至達天聰歲在丙申護持聖旨來自五雲猗與

盛哉自有此山得未曾有故凡天龍鬼神之眾

以及肖翹動植之微獲被光寵既與海嶽相為

無窮矣惟選佛之場歲久弗治隨宜修葺則有

西扶東頹之患遂發宏誓更新之庀材敘資日

積月累始鳩工於丁酉之仲春龍象蹴踏歡喜

贊歎遂成軒豁靖夷倍徒於舊窗牖惟幕巾車

牀席率皆新潔無一闕遺乃謁記於居士將壽

諸石以起夫作任止滅者之膏育居士與悅翁

愛眾生戀之如蛾越燭菩薩厭之如猛火具殺
世間諸有畢竟非實煩擾塵愛無可貪愛能令
樂國成就苦海能令善根增長惡業凡夫見聞
發意勇猛如何出家受具足戒剪除鬚髮著壞
色衣舍苦薩見作眾生見心識顛倒一念差別
飲盡毒藥擊塗毒鼓行荆棘林墮猛火具皆其
自作非由外來善哉悅翁是於曩昔圓通六根
諦觀三葉生厭離想捍勞忍苦成大佛事於刹
那頃心華發明海藏天宮樓閣闢龍翔鳳舞
雷動風行諸佛境界一時頓現從無欄處生光
明云從濁惡界作清淨土善哉悅翁無始宿債
應當酬畢然而慈悲廣大有進無退此則佛祖
之所付囑悅翁勉哉翁本台之仕族舍族受具
敵論宗乘領眾席編涉禪會若金陵之開福
及安吉之天聖皆作殊勝如在吉祥雖然師開
幻眾建立世界我出幻語遂成葛藤若當來世
後五百歲有一居士與一比邱遊行國土晏坐
梵宮摩挲此石相視而笑猶如轉輪面面相似

昌國典詠 卷九

七四明叢書
約園刊本

了如佛法無變異處過去未來平等不動凡此
堂中諸禪衲子如駕車牛隨機努力未悟今悟
未證今證則建是堂者為十方如來起因地不
然猶蠹米蟲而坐鬼窟月化日遷不脫迷悟則
居是堂者為負悅翁三摩鉢根之修甚可畏也
居士作是言已願悅翁曰仁者其言也切余言
得無費乎翁畫一圖笑謂余曰居士雖言而實
未嘗言殆重轉世尊掌中摩尼珠耳居士請誰
潼川馮福京也時大德元年臘月八日記舟山志石佛庵在城北三
十里外有香柏巖左有花粉山舊名吉祥寺國
初徙寺於慈谿之東廡存一水池名曰放生置
石佛於水心凡僧圓寂焚骨化灰揚於石佛之
首謂之接引彌陀洪武二十五年僧法通從谿

回探見石佛浮於水上復創是庵年久頽廢天
啓元年如登重建總戎萬公邦孚題曰石佛丹
臺古溪山別望遙奇峯插雲漢小樹出煙霄禪
磬鳴山寺樵歌渡野橋高登仙隱處啼鳥若相
邀定海縣志九峯山縣西北三十五里在大沙
巖
雲排地湧化人宮香柏巖高象緯通未必萬松關勝此
被人強喚小天童

萬壽寺

昌國典詠 卷九

八四明叢書
約園刊本

大德昌國州志在富都鄉之五都舊名永福往
宋建隆元年建治平元年賜今額有秋菘綠葉
紫莖生於山深林密中名萬壽香至正四明舟
續志同
山志萬壽寺在城東北三十里胡湜詩云帶雨
峯巒分外奇石林虛室坐來宜溪連新漲炎飈
斷巖透孤雲俗轍稀香為問禪分近榻酒因結
社故盈卮莫言海上仙蹤杳丹壑猶堪覓紫芝
單仲友居萬壽寺西能詩洪武中徵至南京獻
詩稱旨因奏本府明州名同國號請改之上喜

日彼處有定海縣今鎮海海定則波寧因改明州

為寧波府時洪武十四年也定海縣志萬壽寺

在城東北三十里亂後燬今復建在皋洩界全

祖望萬壽菘詩香以瘦而清每嫌肥者癡蘭遜

蕙之瘦蕙視菘猶肥其肥幸不癡未若瘦者奇

翁洲萬壽香時復見離離大德昌國州志菘即秋蘭也沈括夢溪筆

談菘即菘菘其說不同按昌國志所謂綠葉紫莖則昌菘之佳種

鮫宮底定海波澄仙屋籌添瑞氣騰一帶香菘秋更綠

八千椿樹萬年藤

昌國典詠 卷九

九四明叢書 約園刊本

延福寺

寶慶四明志延福院縣東南十里舊名羅漢唐

光化二年僧法融建皇朝大中祥符元年賜今

額淳熙十四年更律為禪從守臣岳甫請也又

云東龍潭在東當延福萬壽之中有龍洞焉凡

禱先此大德昌國州志延福寺有五百羅漢像

妥以傑閣寶祐五年趙節使請以繼善衍慶為

額按定海縣志圖洞界有延慶寺即延福衍慶

之訛

忽疑島上田橫客化作金仙五百齊漫說聽經燒蝙蝠

呪龍騎虎總菩提大唐西域記南海之濱有一枯樹五

百蝙蝠於中穴居有商侶聚積樵蘇

惹火其下煙燄漸熾枯樹遂燃有一賈誦阿毗達磨藏

彼蝙蝠雖為火困愛好法音忍而不出於此命終墮業

受生俱得人身捨家修學成阿

羅漢並枯樹之中五百蝙蝠也

寶慶四明志興善院縣西三十里後唐大成二

年建名小善治平元年賜今額大德昌國州志

在州富都鄉之溪口至正四明續志曰鳳山以

上有鳳舞之形創於往宋治平元年賜寺額淳

祐十年應參政請以教忠興善為額舟山志去

城西南三十里寺後有雙泉宋季元初有董公

焚修於此董公禪師名延助甬東里人師事回

峯院竺洪洪性雅淡於經典罔不參究因請質

其要嘉熙中往徑山得文息印諦晚歸西巖之

興善院居乏水乃於山石壁閒杖卓二穴水湧

出一日居人瞰助入定貼蒸蠶二小孟一孟蠶

尾中空者一孟中實而完者悉傾於左右穴中

他日居人訊所貼指其投處則二蠶咸活而有

昌國典詠 卷九

十四四明叢書 約園刊本

尾無尾盡熠熠然今尚有遺迹云定海縣志在

鹽倉巖

曾聞鳳舞到錢塘茲地山形足韻頡與善教忠非浪語
有人蹈海殉君王

隆教寺

乾道四明圖經隆教院重修佛殿記孔氏之忠
恕老子之清淨釋氏之慈悲教異而心一未可
差殊觀也心本一心法無別法今天下建孔子
廟老子宮釋氏殿皆崇奉之獨吾夫子以元聖

昌國典詠 卷九

十二四明叢書
約園刊本

素王之道爲萬世禮樂衣冠之主雖自天子親
屈萬乘之尊而欽記之以示尊師重道老子宮
次之以至於釋氏殿宇不問通邑大都雖遐陬
僻壤海濱山嶠皆建殿以修香火其取甚廉其
成甚速其宏麗雄壯金碧映照備極工巧甚侈
天下多得而議之以爲曩曩本以寂滅爲樂枯
槁爲心而其裔從而大之有若帝王之宅過矣
故韓昌黎力詆而攻之是識其二五而不知其
十也崇飭殿宇之意此在吾儒所常見而不少

思耳昔召公聽訟名在南國其後人不忍伐甘

棠焉斯木也止因召伯憩於其下至於民之孫

子見其木如見召公思之至也夫思之既至欽

心乃生欽心既生雖雄以土木繪以丹青朝夕

像祀之如佛在世爲惡者自悔爲善者自勉於

財不慳而樂施則義可以施鄉里於道願得而

精進則心可以敵生死是殿之設豈小補哉隆

教院在縣之東偏居山峽中去海甚邇按昌國

之民居山者以耕鑿爲生濱海者以漁鹽爲生

昌國典詠 卷九

十二四明叢書
約園刊本

其中網捕海物殘殺甚多腥汗之氣溢於市井
涎殼之積厚於邱山又其狃於習氣動以劫殺
爲心不聞夫子之忠恕老子之清淨佛氏之慈
悲今幸邑有學以養儒士有宮以安道流此寺
建殿以教民爲善使之知有慈悲則賊盜化爲
君子亦有漸矣然此特建之一法耳昔者佛
在靈山與天帝釋遊至一所曰此地可以建殿
帝釋卽以草一根植其中曰建殿竟存之謂帝
釋猶未灑灑地在何處非佛殿何地非殿基佛

已多了一門帝釋又多了一草隆教老人請以

前休末後句示諸山隆興元年二月初二日左

儒林郎知昌國縣事王存之撰寶慶志王存之

任隆興元年三月再任寶慶四明志隆教院縣東北四十

里漢乾祐二年建名降錢大中祥符元年賜今

額大德昌國州志寺燼於火僧清志度土奠基

遷於南屏大元混一後住持行圓重建選佛堂

至正續志作僧清度土遷於南屏舟山志隆教寺城北三十五

里建於翠屏山明張忠烈公煌言遊隆教寺詩

昌國典詠 卷九

十三四明叢書 約園刊本

雲林次第望中收碧澗清泉曲曲流山勢有情

留古寺海潮無意到孤洲素冠獨許黃冠伍芳

草渾同衰草愁自覺行藏猶廓落五湖煙雨釣

魚舟定海縣志隆教寺城北三十五里按寺今

在干礮壘又縣志乾祐誤刻乾隆

鰻井蛇泉久著靈梅檀香蕪滌魚腥黃冠莫問奇零草

依舊雲林次第青

翠蘿金鐘寺

宋王象之輿地紀勝金鐘寺在昌國之岱山吳

越王曾鎮以鐵塔建隆中賜以銅鐘今謂之翠

蘿金鐘寺大德昌國州志翠蘿寺在金塘鄉之

海西其地不同寶慶志翠蘿院不言所在舟山

志翠蘿寺先在金塘鄉之海西洪武中移置城

東北之炭山寺後有石筍二各高四五尋茂林

修竹蒼巖碧澗瀛海之別洞天也山人陶應徵

詩云廿里行來別有春天分好景壯狂吟一行

飛鳥通琳宇千尺游龍聳翠岑引蔓薜蘿

依碧落潺湲流水絕紅塵消沈定海縣志翠蘿

昌國典詠 卷九

十四四明叢書 約園刊本

寺洪武中移置於城東北之炭山今廢定海縣志炭山

錢王鐵塔宋銅鐘龍象銷沈浩淼中石筍插天青不改

薛蘿影裏話詩翁

金塘普濟寺

大德昌國州志普濟寺在金塘周廣順元年建

名山門院宋治平二年賜額宋高九萬菊礪集

昌國縣普濟寺小亭鯨海中流地龍峯小洞天

亭高先得月樹老久忘年大士居鄰境閒僧指

便船若爲風浪息更結普陀緣緒曾按今普陀

普濟寺宋時未有若普慈寺元大德元年始建
龍峯亭於山門據此知高所詠乃金塘普濟寺
也大德志廣福寺在金塘之子山宋治平間賜
額聖壽淳祐改名廣福化成寺在烈港舊名羅
漢乾祐元年建宋治平二年賜今額

亭高得月樹忘年鯨海中流小洞天三刹金塘名獨著
只緣菊礪有詩篇

回峯寺

乾道四明圖經回峯山在縣西北一百二十里

昌國典詠 卷九

十五回明叢書
約園刊本

寶慶四明志回峯院縣西建隆元年建大德昌
國州志王安石往宋皇祐元年知明州鄞縣事
嘗捧郡檄至此題回峯寺詩云山勢欲壓海禪
肩向此開魚龍腥不到日月影先來樹色秋擎
出鐘聲浪答回何期乘吏役暫此拂塵埃至正
四明續志回峯寺在金塘鄉之岑江又引荆
公詩同緒
曾按荆公集無此詩又考延祐志引作王文康
詩問於徐孝廉時棟徐答書云山勢欲壓海一
律大德志爲王荆公遊回峯寺詩延祐志歸此

詩於定海今鎮之回峯寺而作者則文康也延

祐志云文康公王曙咸平中以著作佐郎幸邑

賦詩云云兩說同在元時頗滋疑竇按延祐是

而大德非也荆公全集不載此詩即使佚在集

外而乾道寶慶兩志凡半山作涉四明者無不

采存何以獨置此律娛書堂詩話云王晦叔宰

定海縣今鎮賦回峯院詩商逸卿得遺墨刻之

是延祐之說顯有確證寶慶志稱王曙以著作

郎知定海縣今鎮咸平四年十一月到任景德

昌國典詠 卷九

十六回明叢書
約園刊本

元年四月滿則又與咸平中賦詩之說合若近

時普陀山志又謂是荆公遊洛伽山詩孤文無

證更不足信至四明回峯實有二處一在定海

今鎮寺中有清風軒卽文康賦詩處寶慶志云

正覺院定海縣今鎮西北周廣順元年置名回

峯是也一在昌國今定寶慶志云回峯院昌國

縣西建隆元年置是也馮判官昌國志取舊本

重葺之者判官自言舊本非善本則譌文康爲

荆公誤定海回峯爲昌國回峯皆不足深詰矣

又文康題清風軒之前仍有一絕寶慶志載之
稱王且作王且恐王且多賦四明詩若王文
正未嘗至四明而延祐志謂是邑尉蔡覲詩論
時代先後宜從寶慶或袁文清別有見聞改正
前志要皆單證仍俟考耳緒會按劉昌詩蘆浦
筆記回峯院留題山勢欲壓海云云文康王公
所賦公諱英廟同字晦叔嘗宰定海縣景祐中爲
執政開禧丙寅商逸卿得隸古遺墨刻於縣治
願豐亭至正續志以回峯寺詩爲荆公在昌國

昌國典詠 卷九

十七四明叢書
約圖刊本

作亦沿大德之訛大德志戶口引紹熙舊志卽
所取舊本也

卻疑兩地叩禪扁一樣魚龍水氣腥樹色鐘聲誰領略
可憐宦海不曾醒

梵慧寺

乾道四明圖經梵慧院釋迦大殿記昌國明州
支縣也在海中洲封部有鄉號金塘自縣治之
西航海可至上有古道場曰梵慧得之耆舊云
唐咸通中編民余益捨地創建後浸以壞廢忘

其歲月遠後唐長興初有大檀那劉寶因故基
興復之晉天福中閩僧元警住持名額尙未立
漢乾祐二年始得聖壽號開寶五年改超果治
平中因冬至大禮賜今名主者更代莫可更考
故熙寧丙辰歲院之受業僧曰洪簡主院事種
種權輿後其徒宗憲繼之凡所以奉安佛象者
修立僅備閱歲既久殿宇圯漏眾相與謀而新
之惟昌國漁鹽之聚土瘠民貧無大財施其主
事者能辦不退轉心化道淨信毫累絲積經時

昌國典詠 卷九

十八四明叢書
約圖刊本

良久得錢七百萬鳩材僱工盡革故弊高廣煥
麗視舊制倍蓰焉以釋伽文佛居中又以觀音
菩薩居後供養之具備極壯麗嘗聞積土成廟
聚沙成塔如是人等皆成佛道今象法住世人
衰道微知者難言聞者難信惟一切佛是事菩
薩福德助道且非有清淨者發堅固心隨和合
緣精進荷擔豈克有成今後得見者隨喜增勝
善意則助法之益不旣大乎同力修建僧子敦
子奇行潔慮能作始於紹興戊午歲冬十二月

後三年落成建炎辛亥春余嘗避寇金塘與子
敦遊甲子夏屬余記其事六月二十四日臨川
侯晏敦復記寶慶四明志梵慧院縣西海中大
德昌國州志晏公詠方丈梅詩極檻敲簷一古
梅幾番有意喚春回開花自許清香入布葉不
容炎暑來日射冷光侵几案風搖翠影鎖莓苔
遊蠶野蜨休相顧本性從來不染埃緒曾按晏
公字景初程伊川弟子仕至吏部侍郎權尙書
以忤秦檜出知衢州奉祠既退寓於鄞嘗自謂

昌國典詠 卷九

十九四明叢書
約園刊本

薑桂之性老而益辣又古志皆作梵慧至正續
志作梵隱

本是調羹鼎鼐才卻從海上拂塵埃風裁薑桂老逾辣
野蜨游蠶漫往來

補陀普濟寺

寶慶四明志補陀洛伽山唐大中年西域僧來
卽潮音洞中燔盡十指親觀音與說妙法
授以七色寶石靈迹始著海舶候風於山下謂
之放洋瞻禮惟謹元盛熙明補陀傳寶陀寺在

州之東海梅岑山山茶樹高數丈丹葩滿枝猶
珊瑚林水仙紫菰芳菲滿地金沙玉礫的落瑤
璨梁貞明二年日本僧惠鏗首創觀音院宋元
豐三年賜額曰寶院觀音寺明周應賓普陀山
志萬曆二十六年燬三十年遷麓下敕建護國
永壽普陀禪寺朱謹普陀山志順治乙巳夏遭
黃毛寇火燬大殿獨存康熙辛亥徙僧內地二
十八年重建三十八年改賜今名並普濟羣生
額在白華頂南靈鷲峯之下寺外有永壽橋跨

昌國典詠 卷九

二十四四明叢書
約園刊本

海印池石闌柱刻獅子有瑤池橋在西池上梁
製龍首產千瓣白蓮寺之偏曰三摩地登山者
由此有亭曰極清淨唐朝散郎王勃觀音大士

贊蓋聞圓通大士乃號觀音接物利生隨機應
見向乾坤東畔娑竭海中雲濤涌金色之山
聖閣起琉璃之界巍巍寶座凝然居自在之身
蕩蕩慈容皎若現白衣之相身挂雲羅素服藕
絲織而色映寒霜體嚴瓔珞同心衣縷盤而麗
晶皓雪翠迎仙島五雲之寶蓋玲瓏豔進摩尼
百寶之華冠赫奕悲心誓救於娑婆遺教徧臨
於穢土無遐無盡歸依有願有求皆赴感遙
望洛伽之山稽首聯申歌讚南海深幽絕處
碧紺差裝連水府號名七寶洛伽山自在觀音
於彼住寶陀隨意金釵戴雲現兜羅銀世界眾
玉裝成七寶臺真珠砌就千華蓋足下祥雲五

色捧頂上飛仙歌萬種頻伽孔雀盡來朝諸海
龍王齊獻供寶冠冕耀圓光列瓔珞徧身明皎
潔臉如水面瑞芳蓮眉似天邊秋夜月繡衣金
縷披霞袂縹緲素服徧袒臂玳瑁珂珮響珊珊
雲羅綬帶珍珠綴紅纖十指凝酥膩青蓮兩目
秋波細朱唇皓齒排玉珂端坐昂昂劫幾何化
身百億度羣生發願救苦等恆河我慚我愧無
由到遙望觀音悲讚歌大聖大慈垂愍願舒
金手頂 宋太常黃龜年觀音大士贊 稽首寶陀
中摩 菩薩三十二妙應垂福於人天慧日廓圓明微
隱無不照我等由宿植於菩薩有緣曩書一毫
端菩薩悉能鑒今茲一何幸聯檣來寶所淑景
得惠風滄海如鑿淨朝登東秦岸須臾達蓮宮
僧飯洗鉢時相與瞻遠嶠石橋跨巨浪側足毛
骨寒自念塵空身得伴清淨侶同聲諷密語復
念我師名注目謁慈光忽獲紫金相煙峒石窟
上晏坐自在容雲霧不蔽虧跪禮得良久借來

帆三日上潯浚兩宮福德齊千佛一道恩光照
百蠻潤草巖花多瑞氣石林水府隔塵寰鯨生
小技真榮遇何元翰林學士劉賡寶陀寺記家
幸凡身到此間元翰林學士劉賡寶陀寺記家
自世祖奄有四海凡名山大川仙釋所託以神
其教者聿乘輿運鉅刹珠庭天降地湧蓋於以
揚前人之休光衍萬世之慶澤浙東慶元之昌
國有山名補怛洛伽者奇巒複嶂幽洞靈巖錯
立層出奔波駭浪之中朝夕吞吐煙霞變幻虬
龍龍龜蜿蜒呵護華嚴經所謂善財二十八參
觀音菩薩諸大菩薩圍繞說法即其地也寺曰
寶陀創始於宋元豐間兩時靈蹟隨緣影響示
現香花與五臺巖眉道場相類而早潦風濤之
禱響答為尤捷其在東南故是佛法一大海會
七軌遐邇卑尊靡不皈瞻皇太后福德日盛崇尙
至教大德二年春特命中御府巨宰英驛降御
香使還再命修繕像設明年春宿衛臣李羅等
再馳祝香出中金百兩飭浙江行中書省遺寮

昌國典詠 卷九 王四明叢書 約園刊本

更同蒞其役又明年春更命宿衛臣魏也先太
出馳香飯僧周閱具典竣事寺之長僧如智奉
玉琢瑞相表上內庭以便瞻禮具歸美報今年
春仍命太出偕李鐵木兒不花魏也先持五綵
旛旌莊嚴法筵又出內寶幣三千緡即其寺治
演法之堂暨廬舍之圯瘵剝者又飭行中書
省捐上田之在官者二十頃畀之益其徒食俸
每歲以建寅午戌月誦禱祈禱又下璽書復其
凡隸寶陀者非寶陀者毋得怙冒如智亦因得
被袈裟內庭傳瑞流恩會無虛歲至是命翰林
臣作文貞石以垂不朽臣謹銓次如右竊謂象
教之來中土雖顯晦靡常其所獲驗亦不專係
乎崇奉敬怠聖天子以寬簡治民而大王復以
慈祥佐理與往聖賢皇同符共貫是宜圖精薦
釐方祈效祉至若金湯迦羅亦曰我國家之常
事其所以延續延洪之道自有大本大原在也
是為 普陀山志寺前有太子塔高九丈六尺皆

太湖石雕刻精巧元高麗宣讓王建緒曾考鄭
麟趾高麗史穆宗宣讓大王諱誦字孝伸當宋
眞宗時在位十二年無至普陀事後爲康兆所
弑亦無太子又云忠宣王諱源改璋字仲昂母
元世祖女留王京師傳位太子熹延祐六年忠
宣請於帝降御香南游江浙至寶陀山而還時
權漢功李齊賢等從行令記所歷山川勝景爲
行錄一卷據此則元宣讓王乃忠宣王之訛余
宿此寺夜至瑤池橋明月東上白蓮正開此前

昌國典詠 卷九

三五四明叢書
約園刊本

寺也

記曾桑下淹三宿玉礫金沙照眼時太子塔前明月上
清光消受白蓮池

法雨寺

明周應賓普陀山志光熙峯下萬曆八年僧眞
融結茅以海潮庵名二十二年郡守吳安國改
曰海潮寺三十四年太監黨禮請於朝賜名護
國鎮海禪寺朱謹普陀山志康熙八年寺災二
十八年重建三十八年改賜今名並天花法雨

額恭建御書米芾詩帖碑亭寺中有松風閣芋
香樓留雲堂鶴煙居山門左爲錦屏山巒石晶
瑩林木青碧丹藥四時掩映如錦光熙峯一名
石蓮花此後寺也
松風閣轉芋香樓伴鶴留雲憶我遊爲問石蓮花放否
錦屏丹碧自春秋

普明寺

寶慶四明志普明院縣西北海中古泗洲堂也
窰塔波二以鐵爲之世傳阿育王所鑄錢氏忠

昌國典詠 卷九

三五四明叢書
約園刊本

懿王實之於此大中祥符中賜院額紹興十八

年僧曇解侈大之高麗入貢候風於此大德志至正續

志俱作普明寺緒會按定海縣志岱山古刹失載普明

又宋時高麗貢使皆至昌國寶慶志云東五潮

至西莊石馬山與高麗分界宋鄭興裔忠肅公

集今日三韓直趨四明距行都限一浙江爾雖

自四明至高麗海道渺瀰中隔沙島然南北行

各遇順風則歷險如夸楊應忱建炎戊申之役

其回也九月癸未發三韓戊子至明州之昌國

縣僅六日耳呂祖儉游候濤山記云是山前望

小霍大霍二山西出蟹浦東北望嘉門烈港間

之習於海道者云自虎蹲山七里整至嘉門抵

石弄涉洋山絕海螺礁又東北過黑水洋入高

麗封域日本又在高麗之東二國遇南風可發

風甚順不七八日至城下互市自元都燕京以後高麗貢使不

道由此

錢王宮裏金塗塔龍樹提婆乞一雙寄語晉仙姜白石

海山可有筆能扛周文璞字晉仙方泉集姜堯章金銅佛塔歌白石招我入書齋使我速禮

昌國典詠 卷九

三五四明叢書 約園刊本

金塗塔我疑此塔非世有白石云是錢王禁中物

超果寺

寶慶四明志超果院縣東海中舊名資福晉天

福二年建皇朝治平二年賜今額大德昌國州

志超果寺在蓬萊鄉之岱山舊名資福晉天福

二年建往宋治平二年賜今額參政樓公鑰有

記明有邑曰定海去郡一百里而近山橫海中名蛟門潮汐之所吞也出門則為巨浸便風

乘潮而後至昌國遠矣岱山名蓬萊鄉其去縣

若縣之去定海也則益遠矣山有僧廬自古晉

天福二年建於高廷下號資福因於寇鈔不寧

歟居嶺西有白石峯尤為秀拔林樾蒼潤時有

白雲蒙其巔人以為福地皇朝乾德四年徙焉

茅茨草棚僅合數椽治平二年明堂恩改賜今

額四年惟吉始建大殿法堂丈室紹興初葺實

增葺之遂得苟全歲久腐敗相尋一殿之外殆

不足蔽風雨淳熙十禩如一來主是刹喟然曰

地雖僻乃吾徒所宜居室雖壞若一日必葺磨

以歲月尚庶幾乎有成當盡吾力以聽法緣失

今不為後不可復為矣勤為從事不憚寒暑以

次修立增廣舊規不及十年院以告備外建三

門旁翼兩廡堂以處僧殿以覆藏下至庖福舉

撤而新之輪奐俱美道俗稱歎一嘗聽學於延

慶者因深器之舉以居此人徒知其有得於教

乘不知其才具又足以辦此也蓋以因為知人

當天福時有主僧惠詵於高亭西粵請海塗為

田崇寧政和間仲章復因為馬乳山大巖谷巖

之地遇上熟才足以支半年近又得寺僧惠興

捐鉢孟募眾緣一力經營莊成遂卒歲之望鄉

之士民歡喜和會相與言曰吾鄉邈然海山他

昌國典詠 卷九

三五四明叢書 約園刊本

處佛屋相望補陀孤絕又去我不遠獨此山未

有為眾植福之所今一公作此殊勝恍若化城

且又有以飽其徒是皆可書也前既不得如天

台章安諸公為之倡苟無以紀之其何以得不

朽乃撫邑之圖經考院之契券詳建立遷徙之

由因國仲觀之先求記於余仲觀鄉之善士也

其母與吾母俱王出少同硯席實兄事之嘗寓

是邑又與一厚余亦善一之能有成與克佐之

故併為書之以告來者紹興三年清明朝請定

大夫太府少卿兼玉牒所檢討官樓鑰記

海縣志岱山古刹一曰超國寺宋咸淳戊午年

建一曰資福寺緒曾按超國乃超果之訛據大

德志超果舊名資福是資福即超果而超果亦

非咸淳元年所建其誤分為二又失載普明寺

然蓬萊鄉超果寺外別有資福寺大德志又云
資福寺在蓬萊鄉之五都晉天福八年建考五
都乃北界大德志云北界巡檢在蓬萊之五都
是北界之資福不在岱山之證岱山古刹一超
界一普明

白石峯巔白霧蒙神山深處幻珠宮蒼巖翠樾憑流覽
誰謂蓬瀛路不通

華雲寺

寶慶四明志華雲寺縣東北海中舊名香蘭周

昌國典詠 卷九

三毛四明叢書
約園刊本

顯德七年建治平元年改賜空王建炎三年再

賜今額大德昌國州志在蓬萊之胸山今衢山宋

高宗南渡改賜今額郡人迂齋樓公有跋石刻

尙存又蓬萊集仙道院在蓬萊鄉之胸山至元

十四年是鄉之士李心道勅建以爲一鄉祈祝

之地緒曾按元時蓬萊鄉分三村五都岱山巡

檢在一都二都北界巡檢在五都其三都四都

則胸山也普陀僧告余曰嘗至其地有古墓有

古刹余考古墓無名茲惟得其一佛寺一道院

樓迂齋名昉授文法於東萊有崇古文訣古文
標注其石刻宜爲海若所祕矣

鱸門苔泮鼠狼湖古刹香蘭間有無神往迂齋金薤刻
誰沈鐵網出珊瑚

昌國典詠卷九

昌國典詠 卷九

三毛四明叢書
約園刊本

昌國典詠卷十

清金陵朱緒曾述之撰

江南劉將軍墓

牛僧孺元怪錄黃門侍郎盧渙為明州刺史屬
邑翁山縣溪谷迴無人嘗有盜發墓云初行見
車轍中有花磚因揭之知是古冢乃結十人到
縣投狀請路旁居止縣許之遂種麻令外人無
所見即悉力發掘入其隧路漸至墳中有三石
門皆以鐵封之其盜先能誦呪因齋戒近之至

昌國典詠 卷十

一四明叢書
約園刊本

日兩門開每門中各有銅人銅馬數百執持干
戈其制精巧盜又齋戒三日中門半開有黃衣
人出曰漢征南將軍劉名忘使來相聞某生有征
伐大勳及死敕令護葬又鑄銅人馬等以象存
日儀衛奉計來此必要財貨所居之室實無他
物且官葬不瘞寶貨何必苦以神呪相侵若更
不已當不免兩損言訖復入門合如初又誦呪
數日不已門開一青衣又出傳語盜又不聽兩
扇欵闢大水漂蕩盜皆溺死一盜能泅而出自

縛詣官具說本末渙令復視其墓中門內有一
石牀骷髏枕之水漂已半垂於牀下因卻為封

兩門望隧路矣太平廣記三百九十冢墓二洪适隸續漢征

南將軍劉君神道云牛僧孺元怪錄載盧公渙

為明州刺史時有盜發漢征南劉將軍墓者在

明之翁山縣其官氏偶同非此劉君也稗海異

聞錄作象山縣誤

銅人銅馬執干戈麟閣雲臺績孰多辛苦盤洲嚴考索

征南名字總消磨

昌國典詠 卷十

一四明叢書
約園刊本

韓學士墓

在翁洲山松江姜兆翀漱芳齋詩話唐韓學士
偃入閩後無紀至魯王棲遁海島其少司馬惠
安王忠孝字愧兩云近有斲山者得其斲碑知
終歿於此以示徐閣公孚遠徐作詩云先生早
去國不見受終時欲逐冥鴻志常懷捋虎髭史
書淹舊迹野老斲殘碑為誦香奩句高吟續楚
辭見華亭徐孚遠釣璜堂集

紇干凍雀淚潸潸閩嶠潛蹤杳莫攀照海光騰龍鳳燭

一抔馬鬣舊翁山

郭先生墓

大德昌國州志郭受句貫河南府官至奉議郎

終於長沙判官宋建炎間其子維徙居於此以

北學教授諸生從者如雲葬於西湖之原大德志富

都鄉有東湖榜曰郭先生墓其先以易學四世

登科兩尚主有官歷尚書及國子博士豐清敏

遺事跋云郭維者穎昌人以儒學修謹侍稷左

右最久建炎初李樸編次稷遺事多訪之緒曾

昌國典詠 卷十 三四明叢書 約園刊本

按大德志謂郭名受其本貫河南府舟山志訛

為郭受實河南府人定海縣志亦以受實為名

又改其子名繼既誤其句讀又訛其字形矣受

為豐清敏公稷之壻

皋皮坐擁讀書聲有道碑銜夕照明不憚乘桴傳洛學

海濱爭拜郭先生

王祕書墓

舟山志王祕書墓在城西隅藤坑山王仰字子

瞻藍田人宣和末以薦舉授祕書丞已而扈從

南遷愛翁洲山水之勝因家焉嘗施棺濟貧簣

以周鄰里又王曾字古思少耽學博極羣書蘊

藉過人系出太原曾祖仰扈蹕南遷寓居昌國

父進義嘗施棺五百以濟孤窮司府表薦兄曹

字古心亦老成有學中元鄉貢進士任壽州學

正

草草南遷恥策勳消磨蠟屐臥孤雲羨君分得東坡字

可有恢奇海外文

孫迪公墓

昌國典詠 卷十 四四明叢書 約園刊本

大德昌國州志孫枝字吉甫邃於文嘗撰普慈

寺羅漢圖記篤素張公大參見之稱賞曰海角

有此奇士以兄之子妻之嘗登考亭夫子之門

有答孫吉甫書朱子文集答孫吉甫德粹之來

賢者之志矣所喻氣質過剛未能自克而欲求

其所以轉移變化之道夫知其所謂而欲勝之

在吾日用之間履省而痛懲之耳故周子有自

易其惡自致其中之說是豈他人所得而與於

其間哉然此亦或有說焉不明於理而徒欲救

其偏亦恐矯枉之過而反失夫中也故古人之

學雖莫急於自修而讀書講學之功有所不廢

蓋不如是無以見道體之全而審其是非邪正

之端也未由相二子長起子字商友與父同登

甲戌進士第按甲戌乃寧宗嘉定七年郡太守程公覃爲立

重桂坊按坊在明州郡城初筮帖武戶曹會有卒伍哨

呼於市公出撫諭眾乃曰孫司戶清廉好官員

不得相犯一州遂平立朝爲監察御史終太常

少卿官至朝散大夫次願質字去華未弱冠入

太原作賦有聲繇舍選登紹定壬辰進士第初

任分教池陽歷清要除諫官入中書官至朝散

大夫至正四明續志孫枝父允早從鄉先生沈

銖學學以眞實爲本教授鄉校者十年枝與銖

之子端憲公煥亦相友善又登朱文公之門學

問益精粹著書解十三篇袁正獻公燮見而歎

曰初謂子善爲文不意造理乃爾寧宗卽位詣

公車上書極言天下大計不見省嘉定七年登

進士第與子起子同榜袁燮有和孫吉甫登第

詩二首幾載英名表一鄉今年仙籍始浮香恩隆雲漢頌宸翰燕賜韶鈞出教坊父子同登尤煒煜詩駢爲賦轉鏗鏘願言努力酬天造勉使吾君冠百王生平心事渺無涯老去情

倅豈復嘉便令扁舟歸故隱卻尋小圃種幽花癡兒徵倅居前列樸學流傳本故家第一不宜貪顯宦更煩

師友護蘭芽允時尙無恙枝卓邁有智略自秦

昌國典詠 卷十 五 四明叢書 約園刊本

隴荆襄達於江淮凡險要阨塞若指諸掌於邊

事軍謀尤諳習江淮帥延致幕府枝以祿不及

親辭不就又云願質子瑋知臨海縣奉母在官

既而大兵至母子俱蹈海死葉丞相夢鼎湯文清

漢王尙書應麟嘗以文章政事薦之袁燮繫齋集題孫吉甫

甫遊東山跋云論者多非晉人尙清談雖謝太傅之賢亦不免見譏嗟夫謝公豈易及哉泗水

之後苻秦以百萬之師下瞰長江京邑震恐不知所措而公從容應之曾無懼色母乃姑爲是

矯情以鎮物歟曰非也公之料事審矣平居暇日家庭之間與其弟及兄子朝夕切磨講之熟

矣制勝之具了然於胸中談笑指麾摧折勦敵迄不復振謝公豈易及哉吾友孫君吉甫學通

古今述東山經行寓止之處甚備非愛東山也

愛謝公也昔召伯之教明於南國慈及所在後

人追思勿翦其木而甘棠之詩作非愛甘棠也

愛召伯也吉甫之志或者其亦出於是也夫

明鄭真滎陽外史集四明孫先生行狀孫諱元

蒙字正甫四世祖枝與其子起子同登宋嘉定

七年進士第以迪功郎監漳州南岳廟累贈朝

散大夫嘗師事宣獻樓公鑰端獻沈公煥正獻

袁公燮及見徽國文公證其所受學正文粹鬱

昌國典詠 卷十 六 四明叢書 約園刊本

臨海縣父嗣宋將仕郎長兄元厚次兄元佐東
南詩學萃於四明先生得詩學於魯公月卿郡
庠延聘爲訓導攝教鄞學調松江府清忠書院
山長洪武六年以六科取士有司以先生仲子
章應詔洪武八年卒年八十五葬鄞縣黃山舟
山志孫參軍墓在城北小溪之原諱枝字吉甫
宋時人按吉甫力辭闕幕不應有參軍之稱以
迪功郎監潭州南岳廟爲得其實至正續志云
鄞縣人全祖望甬上望族表亦云世居東皋蓋

昌國典詠 卷十

七四明叢書
約園刊本

自昌國遷居郡城子孫因家於鄞大德志列孫
枝孫起予孫願質於進士題名中知必有據又
鄞縣鎮海縣二志別無孫枝墓璫母子殉宋亡
之難尤忠烈不可泯也

十年鄉校事真儒重桂聯坊白髮娛椿菱長辭毛義檄
臥看簪笏滿雲衢

應參政墓

大德昌國州志應儼字之道自號葺址蘭坡先
生之猶子也少穎悟長刻志於學凡經史子集

與百家傳記靡不研覽從迂齋樓公游自是文
聲日振咸愛敬之兩膺漕薦嘉定癸未以詞賦
魁南省初調清江教授官次京教列屬上庠橫經
朱邸入祕書直齋署旣而丞玉牒兼南宮舍人
淳祐四年冬四被恩寵史館經筵翰林從橐官
至中大夫除參知政事封臨海郡侯有子法孫
請鄉漕官至承議郎延祐四明志應儼以詞賦
試南省第一條未第時袁越公韶爲京尹儼爲
之掌牋記留門下一夕坐有美堂欣然若自得

昌國典詠 卷十

八四明叢書
約園刊本

同門客吳必大喜樂府暮從外歸問曰何欣然
也以擬明堂詔書屬對甚善答之吳哂曰一第
脫飢寒猶未能明堂詔何施焉儼後直內制卒
用所擬語而吳以樂府游公卿因躋以死教授
臨安府鄭丞相清之見其文奇之始紱爲同舍
生樓昉教授鄉里時儼最後至清之固不識也
清之將拜相俾草麻後卒用之儼以著作郎兼
學士院權直端平開邊兵敗洛陽儼豫邊議坐
斥而清之亦罷相居東湖益與儼蒐拾文史號

建章集皆制詔所需也清之再相繼復用以侍
郎掌內制遂力薦爲內相理宗疑焉一夕召繼
入院降詔游侶左丞相鄭清之奉國軍節度使
兼侍讀趙與權皇兄安德軍節度使開府儀同
三司皇弟貴謙與芮授少保凡五制夜四鼓進
入上始信之翌日卽除翰林學士後拜參知政
事以疾告歸卒定海縣志應參政宅城西鎮龍
山麓應參政墓城西二十五里之浦東在紫薇
巖按大德志多載應繼記文又著顯爵淵源世

昌國典詠

九四明叢書

約園刊本

系錄清熙九年五月表進賜名鄭清之爲序有
候濤山詩云閣尾蒼茫四際同崑崙巖石奠城
東雲連波白蒸鼈柱月帶潮青結蜃宮夾樹煙
籠花氣舞半鑪香映日光紅蒼藤滿砌依嵐翠
應許乘槎貫月中海昌有應繼南路鹽倉記袁桷清容集過
庭述師友淵源錄應發孫參知政事繼之子父
爲翰林學士時能代父書命後祕其父書不出
雲連波白蒸鼈柱月帶潮青結蜃宮我誦君詩一憑弔
玉堂文采有遺風

余太師墓

大德昌國州志余天錫字純父自號畏齋世居
甬東村其先少傅領袖邑庠公擢癸未進士第
立登要津榮典鄉郡官至參知政事待宗族有
義廩薨贈太師諡忠惠余天任字子大自號退
齋忠惠公之弟嘗請漕舉以覃恩授初秩暨治
郡有聲官至兵部尙書贈正議大夫宋王應龍
翠屏筆談理宗癸丑歲劉元龍上古風云名器
君所司近來輕太甚文昌私宇之荷橐籠天任

昌國典詠

卷十

十四明叢書

約園刊本

延祐四明志天錫祖父滌教授史忠定子孫因
居於鄞天錫亦教授其子忠獻家彌遠性謹愿絕
不與外事忠獻器之是時忠獻在相位久皇子
濟王深疾之念欲有廢置而近屬無有會沂王
宮無嗣丞相欲借是陰立爲後備天錫試於鄉
秩告歸丞相曰今沂王無後里中宗子族屬相
似賢俊者幸具以來天錫絕江與越僧同舟舟
抵西門天大雨僧言門左有全保長家可避雨
如其言訪之保長知爲丞相館下客具雞黍甚

肅須與有二子侍立全曰此吾外孫也日者嘗言二雛後極貴問其姓長曰趙與莒次日與莒天錫憶丞相所屬其號亦良是問其生日日告於丞相丞相命二子來保長大喜鬻田治衣冠心以爲沂邸後可冀也集姻黨且詫其遇以行天錫見於相府丞相善相人大奇之計事泄不便遽復使歸保長大慙其鄉人亦竊笑之逾年相忽曰越二子可復來乎保長謝不肯相密諭曰二子長最貴宜撫純父家遂載與俱歸母夫

昌國典詠 卷十

十一四明叢書
約園刊本

人朱氏爲沐浴教字禮度益嫺習未幾召入嗣沂邸迄卽帝位是爲理宗天錫嘉定十七年進士寶慶元年超除起居郎不數年拜參知政事復守鄉郡母夫人封周楚國夫人壽過九十將以壽日拜天錫爲相天錫以病卒贈太師諡忠惠弟天任爲兵部尙書兄弟友恭方貧時率更衣而出終歲同衾益晚貴盛復約以昭穆同葬子尙賓能守孝謹從子晦尹臨安守蜀後守鄉里在蜀以違年論閬州王惟中死士論惜之舟

山志余太師墓在城東七十里小展畧之南大余橋小余橋俱在城北直街心天錫成者曰大余天任成者曰小余又鹽倉畧虹橋書院亦天錫建緒曾按宋時昌國顯宦莫盛於余氏然天錫實彌遠逆黨宋史天錫本傳所載與延祐志同皇太子竝嫉彌遠與楊后事寧宗崩彌遠矯詔立與莒改名的昀嗣帝位遂廢太子竝爲濟王彌遠詐言竝有疾令天錫召醫視之諭旨逼竝縊死以疾薨聞齊東野語史相遣其客余天錫來且頒宣醫視疾之旨時王本無疾實使之自爲之所遂縊於州治之便室昇歸故第治喪本州有老徐駐泊云嘗往視疾至則已死矣見其已用縣被覆於地口鼻皆流血沾漬衣衾審爾則非縊死矣是彌遠廢立之罪天錫成之也大德志但云立登要津有微辭焉延祐志詳言詭計其罪彰矣聞性道鄞縣志鄞青山有天任墓而天錫葬昌國小展畧是兄弟昭穆同葬亦爽其約

昌國典詠 卷十

十一四明叢書
約園刊本

一時謀助覺闖黎鱗附俄然政府躋泡影須臾都是幻
甬東村北月湖西史丞相浩見覺長老入而生彌遠小名覺時人作詩云前身原是覺闖黎業障紛紛總不迷又史彌遠死已久陰魂夜歸題詩云早知泡影須臾事悔把恩讐抵死分俱見田汝成西湖志餘

開夫人墓

舟山志開夫人墓在城東北三里淡水坑之原
夫人郭氏洪武中刑部尙書開濟妻諳文墨時
皇太后御坤寧宮召夫人檢披內省諸籍領宴
後濟坐廢置編管於茲因葬焉開忠字學古河

昌國典詠 卷十

十三四明叢書
約園刊本

南柘城人刑部尙書濟之子以父故安置昌國
家徒壁立痛不及廬父之墓昕夕悲號刻木以
祀養母夫人郭則日稱貸於人以資滫瀡如期
而償未始有纖毫負及郭終哀毀骨立廬墓三
年居常念父受國厚恩思以報稱永樂七年進
平邊策十餘事援古證今皆鑿鑿不妄草衣蔬
食年九十而卒葬城東淡水坑孫政克世其業
以明經爲全椒縣學訓導正統間巡撫焦侍郎
爲置宅一區以妥厥靈至嘉靖丁未知縣宋繼

祖又請於監司錄其後應勳以典祀事明史開
濟字來學洛陽人洪武初以明經授河南府訓
導入爲國子助教以疾罷歸十五年召試刑部
尙書踰年實授濟以綜覈爲己任帝大以爲能
然亦深刻好以法中傷人尋令郎中仇衍脫囚
死爲獄官所發濟與侍郎王希哲主事王叔徵
執獄官斃之其年十二月御史陶垕中等發其
事帝怒下濟獄併希哲衍等皆棄市緒曾按明
史陶字垕仲名籍以字行舟山志陶籍字原仲

昌國典詠 卷十

十四四明叢書
約園刊本

椿卿曾孫洪武己卯鄉舉青田教諭洪武二十
六年徵爲監察御史劾奏刑部尙書開濟超遷
福建按察史所載不同是郭氏編管昌國在洪
武時未聞有皇太后或高皇后馬氏嘗召之也
明史陶垕仲名鑄以字行鄞人洪武十六年以
國子生擢監察御史糾彈不避權貴劾刑部尙
書開濟至死直聲震天下未幾擢福建按察使
誅賊吏數十人與學勸士撫恤軍民帝下詔褒
異布政使薛大方貪暴垕仲劾奏之大方辭相

連并逮至京訊實坐大方得罪詔扈仲還官扈仲言臣父昔爲方氏部曲以故官例徒鳳陽臣幼弱依兄撫養至於有成今兄亦爲鳳陽軍吏臣叨聖恩備位司憲欲捐祿養報生育恩使父母兄弟得復聚處實戴聖天子孝治天下至意帝特許迎養去徙籍扈仲清介自持祿入悉以贍賓客未幾卒

昌國典詠 卷十

十五 四明叢書 約園刊本

韓句容墓

舟山志韓句容墓在城西十五里野嶽山韓鼎字廷器父仕昭貢入太學以毆傷役人問充南宮工部司吏病卒無力歸櫬鬻產備貲奔號千里以求父屍夢江神指示其地得遺骨返葬發解王子宣德七年尹於句容砥礪名節惠養黎元正統戊辰也先之變督餉過勞卒於龍潭驛事在句容名宦志中緒曾按明弘治句容縣志韓鼎正統七年由舉人爲句容令存心正大行政簡

要民多所畏服以疾卒於官

南都負骨夢神憑錦製容溪勵飲冰不意圖經搜海外竟將遺事補金陵

傅烈女墓

舟山志傅烈女墓在城東北四十五里石牆墿傅烈女邑人傅梓女也年甫十七美姿色未字嘉靖間夷寇至自倉卒女家瀕海遂爲所獲女卽以石破面血塗地賊怒磔之知縣宋繼祖上其事於巡撫暨祠於文明門之東又同時李氏

昌國典詠 卷十

十六 四明叢書 約園刊本

張棟妻倭夷登據柯梅夫妻被執賊殺棟李號哭罵賊義不受辱亂刀磔之旣而賊悔穴土以窆有司爲改葬致祭扁其門曰貞烈按李烈婦惜未載其墓地

一樹霜花覆女貞枝柯不改舊青春若從斷腕推書法愧殺鬚眉受辱人

張忠穆公墓

鄞聞性道恣泉文恆雪交亭藏瘞記雪交亭者前閣部雲間鯢淵先生張公有堂之舍館也在

翁洲城內亭前樹梅梨二本因以雪交名辛卯
秋洲城不守公率妾婦婦女投縵此亭者七而
門人蘇兆人與焉暨臧獲從死者合二十有七
人兆人字寅侯城將危也詣公講大義公曰已
備縵矣寅侯喜曰須再爲兆人備一縵隨與公
奔奔半欣然起徧視縵所大笑曰待某試之一
繫而絕公肅衣冠拜之曰寅侯需我同行題絕
命詩於緋袍懸亭之正左眷屬以次而偕繼之
以臧獲其詩曰虛名念載著人間晚節空勞學

昌國典詠 卷十

十七 四明叢書

約圖刊本

圃閒謾賦歸來慚靖節聊存正氣續文山君恩
未報徒憂悴臣道無虧在克艱寄語千秋青史
筆衣冠二字莫輕刪時邪人喬鉢任撫綏事亟
飛片葉來迓曰是有大奇事不可不延子來
莫敢觀微子來觀亦莫能言其意在公也不得
已而行幾豢蛟不得已奪蛟涎而行蛟亦知不
得已者至則煙沙羃日霜魄成峯噫何忍言又
何忍不言不得已紀韻語四十字有祇留山外
月獨照水中天一日分今古千村改歲年之句

噫何忍不言又何忍言不得已詢公成仁地縱
橫寒玉蓋卒伍割繫帛并去其衣裳有揭袍貨
於衢有得錄其絕命詩噫何敢不觀又何忍觀
四望潛然惟公自題亭柱所謂常念古人能報
國未逢知己莫論兵者猶存噫不敢觀又何敢
不觀嗚呼尙忍觀哉尙忍言哉不得已依浮屠
法而茶毗焉不得已擬用七瓦棺別殮公以下
七骨忍有人偏亭以居欲焚委其骨不得已賂
其徐焉求小甕不可急得不得已買三大甕先

昌國典詠 卷十

十六 四明叢書

約圖刊本

以潔絲裏公之全骨而題表之餘皆包護如法
不得已具各爲層油楮隔而書之而總藏於大
甕甚不得已也甕巨不便他昇不得已而思卽
昇亦不便於此日不得已更思卽昇不便於此
日能無傷於此甕乎於是極不得已坎亭偏空
地去亭西南凡五步而藏焉又哀諸從死者之
不可離左右也不得已別以二大甕貯埋於東
南相去三半步是時事迫無從考詳眷屬及從
死者姓氏然又懼無以爲識也不得已書堅木

納之囊中又懼他人移也不得已覆以頑石而更懼後之無可蹤迹也不得已操觚以私誌其處此雪交亭藏護記所繇作也嗚呼不得已而不敢觀不得已而又何忍不觀不得已而不忍言不得已而又何敢不言嗚呼孰忍觀哉孰忍言哉孰為不得已之觀孰為不得已之言哉要以自言其不得已之觀且以自觀其不得已之言聊以自盡其不得已之心而已矣

按此泉所記襄卽埋

於雪交亭側不言僧無凡請葬及昇公尸出城事此泉自記當不致誤蓋始瘞亭側後普陀僧

昌國典詠

卷十九 四明叢書

約圖刊本

無凡乃移葬於茶山此記如蘇兆人字寅侯及與公奔奔半視纒大笑皆足補全氏之缺全祖望明太傅吏部尙書文淵閣大學士張公神道碑銘云順治八年辛卯九月大兵破翁洲太傅閣部留守華亭張公闔門死之大兵入其家至所謂雪交亭下見遺骸二十有七有懸梁閒者亦有絕纒而墜者其中珥貂束帶佩王者則公也庶下亦有冠服儼然者則公之門下士儀部蘇君兆人也有以兵死者則諸部將也亦有浮尸水面者大兵為之驚愕卻步歎息遷延

而退命扁其門鄣之諸生聞性道時在隨征府倅喬鉢幕中聞而亟往視之思為之殞顧滿城鼎沸無所得棺公之故將汝都督應元已為僧補陀公前此曾託孤者也翌日入城謁帥府乞葬故主諸大將皆怒曰汝主久抗天命以拒天兵汝其餘孽也方竄伏不暇敢來葬此骨耶命驅出斬之應元曰山僧本戴頭而來得葬故主當歸就修乞假命一日耳提督金礪憫之乃曰是出家人姑貸之於是應元昇公尸出城性道

昌國典詠

卷二十 四明叢書

約圖刊本

與定之諸生謝歸昌及補陀僧心蓮等募鄉民昇公眷屬及賓從等尸出城然卒無所得棺乃以火化之貯以三大甕其一貯公骨其一貯公四姬方周一婦池一女孫諸婢骨僕婦彭其一貯儀部以下骨蘇兆人中軍將林志燦林桂守備吳士俊僕人張俊等葬於補陀之茶山茶山者應元所築寶稱庵以避人者也時公尙有一孫茂滋遺命勿死以全宗祀以俘入鄣次年十月始得放還茂滋將負公骨以歸應元以道梗令先載木主歸耐瘞先

坐而徐俟後期未幾茂滋亦卒公無後應元乃不復歸公骨而身居寶稱庵以奉公墓未幾應元亦卒寶稱庵圯公墓遂沒於榛莽間雍正丙午予遊補陀諸僧導予遊故蹟予概弗往而先登茶山求公埋骨之地尙有一石題曰張相國墓隱秀庵僧百成予宗人也謂予曰子旣肅拜公墓曷爲文以紀之其屬牲之石吾當謀之以爲山中之重嗚呼荒山野冢非有石麟辟邪翁仲之儀也非有墓田丙舍之寄也然則百成之

昌國典詠 卷十

王四明叢書 約園刊本

惓惓於此其亦重可感也予乃博考唐魯二王野乘參之明史折衷於茂滋所述論定其異同以爲公碑按公諱肯堂字載寧號鯢淵南直隸松江府華亭人也天啓乙丑進士釋褐知大名之濬縣流寇方充斥河南彰德等府烽火相望與大名祗隔一河公練民兵沿河立堡圍甲禦寇至舉礮擊之莫敢渡者大名守盧公象昇以爲能令濱河諸縣倣之因盡行其法畿南其後所謂天雄軍者也以考最擢御史崇禎八年流

賊陷鳳陽皇陵震驚公疏劾閣臣且條上滅賊方略有五尋出按福建時撫軍沈公猶龍亦松產良吏也公與之同心剿撫海寇閩氛稍輯力薦徐公世明之廉卒爲安撫還朝掌河南道疏言監司營競紛紜意所欲就則保留久任意所欲避則易地借才今歲燕秦明歲閩粵道路往返動以數千程限稽遲多踰數月故有一番之更移者必多一番之擾害帝是之十二年疏言裁練之法當以屯實練如欲求練總練備之官

昌國典詠 卷十

王四明叢書 約園刊本

先於衛所世弁求之而卽屬以清核本屯之任欲得兵卒宜卽於衛所官軍餘子中選之而卽令補其久虛之伍欲求兵餉宜盡查各衛所軍產原額復之而卽課以開墾之事舉一練務卽可復一屯職選一新兵卽可還一舊餉河北山東地相錯一方奏效餘可迎刃辦也章下所司當是時亡國之政莫甚於練餉而屯田雖有二撫不過虛語使能以公言實力行之可救其弊而爲時已晚終不能用楊嗣昌出督師逮熊文

燦公知嗣昌之必仍用撫也疏言文燦喪師辱國今撫臣出賊又必以撫乞憐伺間而動請著爲例自今有爲撫議者議出編氓行伍以奸細反間論議出道將紳衿以通賊論議出督撫鎮帥以誤國論疏入嗣昌果大愠奉旨詰責十四年言嗣昌受事且二年賊勢日橫宜解其權詔未報而嗣昌已死是冬公言今討賊之人甚多巡撫之外更有撫治總督之上又有督師位號雖殊事權無別今楚自報捷豫自報敗甚至南

昌國典詠 卷十

三四四明叢書

約園刊本

陽失守禍中宗藩督師職掌安在試問今督師者將居中而運以發縱指示爲功乎抑分賊而辦以焦頭爛額爲事乎今爲秦保二督者將兼領提封相爲犄角之勢乎抑遇賊卽勦專提出境之師乎今爲撫者將一稟督師之令進退惟其指揮乎抑兼視賊之急可以擇利乎凡此皆縈中樞冥冥而決諸臣憤憤而任至失地喪師中樞糾督撫以自解督撫又互相委以謝愆而疆事不可問矣下所司詳議於時天子憂勞殊

甚頗成操切之治大吏稍不當意輒置於理而荒殘之地逋稅至數十萬征輸愈迫流亡愈多適大祲二京山東西河南陝西等處人相食大吏以餉匱乏故令有司催科如故公疏言天災可畏宜行寬大之政今任繭絲之吏以求必不可得之糧弱者轉死溝壑強者嘯聚山林是驅之爲盜也長官一切以法從事囹圄盈滿而盜不可除其不爲盜者皆以餓致奄奄何以禦盜宜下肆赦之條捐逋欠招流亡赦過誤開自新

昌國典詠 卷十

三四四明叢書

約園刊本

庶幾可以挽回天意會召舊輔周延儒入京公面陳要務延儒是公言捐糧五百餘萬清冤獄以千計皆公之力十六年疏請休復向來言事諸臣言諸臣率意敷陳罪止成於狂鷺在聖明薄從降罰法姑予以困橫然夷考諸臣所言或議征求宜緩或陳刑獄宜寬或糾行閒功罪之淆或爭朝端名節之重或糾巨奸於氣燄方張之日或詆近侍於威權思竊之時一腔忠愛天日臨之偶爾摧折便作逐臣雖盛世原無棄人

何官不可自効然使之回翔下位何如竟子賜
環得旨俞允於是原降科臣李清等皆得召用
自公掌道凡所敷陳不墮同時門戶詭激之習
皆其可見之施行者是年陞大理寺丞尋以都
御史撫福建時調閩師赴登需餉七萬公陛辭
面奏言恐力難猝任於是大學士黃公景昉助
公請分其半於粵初下車平漳南大盜總兵鄭
芝龍舊以作亂海上受撫官至大將頗倚巢窟
跋扈芝龍招大盜五十餘人報公欲爲標下用

昌國典詠 卷十

三五四 明叢書
約園刊本

公曰勦盜元戎職也未有朝命而擅受降則不
可以疏告於朝得嚴旨悉斬之芝龍以此恨公
南中稱制遣步將周蕃帥師助防江璽書獎諭
汀洲賊閩王豬婆營盤踞簾子洞南贛巡撫李
永茂告急公親征之招撫數百人令知寧化縣
於華玉率以勤王詔復用閩督學郭之奇爲翰
林且子超擢公力言其非而止南中失守芝龍
弟鴻逵奉唐王至公具啓迎之王復書以兩京
淪沒陵寢暴露懷枕戈復讎之志而無其地流

離蹈海幾作波臣惟天南一片地先生保障以
待中興高皇在天之靈實式憑之書至急以書
約漳浦黃尙書道周尙書故自浙入閩馳至芝
龍意頗猶豫而以其弟鴻逵所迎勉就約六月
監國七月稱制晉公副樞再晉總憲公面陳恢
復大計因言江干之禍皆由罪輔馬士英又加
以棄主而逃今聞其在浙法所不赦故唐王登
極詔中卽發其罪士英叩關自理七疏皆不納
而芝龍力爲之請詔令其恢復杭州始申雪於

昌國典詠 卷十

三五四 明叢書
約園刊本

是士英竟不得入芝龍益恨王銳意中興顧后
曾氏以知書又前同在高牆中食淡攻苦相憐
頗參預外事王臨朝則后垂簾座後共聽政公
疏言本朝高文二后皆有聖善之德助成王業
然皆宮闈之中默爲贊助若垂簾之制非聖世
所宜不可以示遠人疏入曾后恚王遂疏焉說
者謂唐王在烈廟時有英察之稱而溺於內寵
是有以知其不能成大功也芝龍無意恢復亦
惡公之日以親征勸王思黜之猶以翊戴功晉

太子少師官冢宰仍兼憲長而以其私人爲巡撫奪其兵又令總理留務造器轉餉八月又遣監臨秋試蓋外之也尋詔以冢宰專掌院事而以銓事屬之曾公櫻丙戌正月公累疏請兵詔加公少保兼戶部工部尙書總制北征雖奉旨賜劔撫鎮以下許便宜從事而不過空言時公孫茂滋家居方遣汝應元歸省之而吳淞兵起夏文忠公允彝陳公子龍爲之魁汝應元者雄俊人也以公命奉茂滋發家財助軍閩中授應

昌國典詠 卷十

三四明叢書 約圖刊本

元御旗牌總兵官已而兵敗徐公孚遠浮海赴公而茂滋亦與應元至爲公言吳淞雖事不克而敗卒猶保聚相觀望儻有招之者可一呼而集公乃請王自親征由浙東而已以舟師由海道抵吳淞招諸軍爲犄角所謂水師之議也曹文忠公學佺力贊之謂徼天之幸在此一舉乃捐餉一萬以速其行且言當乘風疾發公請以徐公孚遠朱公永祐趙公玉成參其軍皆故吳淞諸軍領袖也周公之夔則故蘇推官舊與東

林有隙者至是家居起兵報國甚勇且熟於海道故公亦用之而以平海將軍周鶴芝爲前軍定洋將軍辛一根爲中軍樓船將軍林習爲後軍詔晉公大學士行有日矣芝龍密疏止之以郭必昌將步卒先公發而令公待命島上必昌受命遂不出三關一步而公以數舟入海徘徊島上者半載朝事不復相聞郵筒亦隔絕六月復下督師之詔軍資器械并餉三萬已爲芝龍所取公自募得六千人七月閩王親出師延平

昌國典詠 卷十

三四明叢書 約圖刊本

且幸贛州方引領望消息而芝龍引大兵入追王及之公痛哭誓不欲生時公屯鷺門其旁爲東石卽芝龍所居也會鶴芝軍至勸公以爲封疆之臣封疆失則死之今公奉北伐之命非封疆臣也不如振旅以爲後圖公乃入其軍鶴芝亦以盜起海上至大將然其人忠順非芝龍比故公之出師欲以爲先鋒時鶴芝爲楊耿所糾公請宥而用之及芝龍之降以書招鶴芝計事鶴芝會之道遇公公止之鶴芝不信旣至知其

決降遂與公謀出師破海口諸城大兵勢盛鶴
芝度不能抗由閩入浙有周洪益者蕩湖伯阮
進部將也劫公於路跟當入翁洲翁之總兵官
黃斌卿者無遠略雖外致隆禮館公於參將故
署而公所言弗用也但謀據翁厚自封殖以偷
安海外鶴芝議乞日本師已有成約蓋鶴芝故
與日本國王善故也斌卿沮之鶴芝怒入閩斌
卿乃自遣其弟孝卿副安昌王以行日本不見
鶴芝師卒不出公不得志栽花種竹於園中作

昌國典詠 卷十

三五四明叢書

約園刊本

寓生居記以見志

其詞見雪交亭下不復錄

又貽姚江黃都

御史宗義書曰銅槃之役僕惡敢後顧飄梗隨
流又安假黃鵠之一羽皆指斌卿之擅命不肯
與諸軍協力而思據彈丸以老也無何而張名
振等奉魯王至公力勸斌卿奉迎不聽諸軍問
罪於翁斌卿屢敗乃求救於公公爲之上章待
罪請使之改心事君名振等不可斌卿遂死王
入翁以公爲大學士輔政公虛所居邸以爲王
宮時從王至者太保沈閣部宸荃以公耆德宿

望讓爲首揆宸荃以疾請休公獨相加太傅張
名振之殺王朝先也公力解之而不能得國事
盡歸名振公亦不得有所豫每飛書發使不如
意者十九則憤恨不食咄咄終日然老成持正
中外倚之翁人有欲納女於王者公聞其已嘗
許嫁於人疏諫王遽卻之築雪交亭於邸中夾
以一梅一梨開花則兩頭相接嘗歎謂蘇兆人
汝應元曰此吾止水也兆人對曰公死兆人必
不獨生公撫其孫茂滋顧應元曰下官一綫之

昌國典詠 卷十

三四四明叢書

約園刊本

託其在君乎應元曰諾於是應元披緇赴普陀
而兆人始終從公又二年而大兵至張名振奉
王擣吳淞思以牽制大兵而以公爲留守公遣
蕩湖伯阮進邀擊大洋風反師燿大兵直抵城
下安洋將軍劉世勳固守力竭城陷先一夕少
保禮部尙書吳公稚山至作永訣詞因集家屬
曰無爲人辱及晨諸姬方氏周氏畢氏豕婦沈
氏卽茂滋母也女孫茂漪俱先投纒諸姬姜氏
投水畢姬先登姜姬止之曰死亦當以序莫恩

恩也公謂茂滋曰汝不可死其速去然得全與否非吾所能必也公投纆梁塵甫動家人報儀部縊廡下矣公亟呼酒往醉之曰君少待我復入纆九月初二日也茂滋狂號欲共死中軍將林志燦林桂掖之行甫出門而亂兵集茂滋脫去志燦桂等以格鬪死守備吳士俊家人張俊彭歡皆絕脰死茂滋尋被執其得生也賴應元與鄴諸生陸宇燦前戶部董守諭董德偁崇明諸生宋龍大名前鄉貢進士蕭伯閻閻劉鳳翥

昌國典詠 卷十

三四明叢書
約園刊本

定海諸生范兆芝等救之以免詳見茂滋所著餘生錄蓋自天兵南下所向不血刃其以一郡抗命者曰贛曰金華其以一縣抗命者曰江陰至翁洲不過孤島如黑子而竟相支拄多所夷傷至使諸將皆以爲南下所未有於二京殆有光焉則元老之所以報國者良無愧矣嗚呼公以經世之才牽絲則爲循吏入臺省則爲名諫臣撫軍則爲賢節度顧皆不久其任未得展其用乃遭喪亂先翼戴於閩中事猶或可爲也而

厄於悍帥及己丑以後延殘息耳方肅虜定西平西蕩湖虎爭之際公卿危於朝露賴以至誠宿望調護其閒試讀寓生亭記令人黯然神傷零丁惶恐之情形如在目前其云死不徒死則止水之先識也補陀爲大士道場願儒者所弗信得公之骨葬焉海島爲有光矣而制府聞公賞之其人不受曰以慰公昭忠之意耳非羨公金也聞者賢之公生平以用世爲學不以詞章

昌國典詠 卷十

三四明叢書
約園刊本

自見及蕭寥島上始稍有述作以遣日而高雅有承平之遺風惜兵革之後所存無百一而雪交亭自亂後公所植一梅一梨獨無恙浙東諸遺民如黃公宗義接其種於姚江高公宇泰接其種於甬上至今二郡亦皆有雪交亭其銘曰小白華峯睡香翩翩兮海印池邊玉盤盃如船兮縞衣素簪足清歡兮遙望雪交南枝團團兮公平驂箕遊此閒兮百年過者曰是唐宰相魯公之阡兮又張太傅守墓僧無凡塔志銘無凡

姓汝氏名應元字善長南直隸華亭人故太傅
張公麾下總兵官都督同知也少讀書通文筆
頗大魁碩有勇幹善料事以家貧事同里張公
肯堂時年尙未二十張公一見異之曰此非隸
役中人張公撫軍福建無凡在幕府最荷委任
往來海上指麾諸將以捕盜積功至都司僉書
然尙待軍未上也乙酉四月以張公孫茂滋同
歸松江而南中亡夏考功允彛倡義時吳淞總
兵吳志葵故出夏門下以麾下應之薦紳則尙

昌國典詠 卷十

三四四明叢書
約園刊本

書猶龍陳給事子龍李舍人待問皆松之望也
無凡遽以便宜盡發張氏家丁出家財爲支軍
一隊與志葵合或駭之曰此大事何恩無凡
答曰我公志也於是夏陳諸公相納以袍笏列
拜無凡於營前且曰斯四十年領袖東林之錢
尙書所不肯爲而無凡名大震志葵師敗無凡
護茂滋浮海入閩隆武知之大喜卽授御旗牌
總兵官都督同知福州軍政司之鄭氏張公雖
太宰不得有所展布隆武議親征以張公任水

師率麾下從禡牙將發鄭氏以其私人郭必昌
代之已而鄭氏降隆武出走張公浮海至舟山
依黃斌卿適監國魯王方失浙東叩關求援斌
卿不納張公力爭不聽無凡曰斌卿意叵測應
元請使死士刺之奪其軍以迎監國張公曰危
道也汝姑止張名振之應松江也都督亦踴躍
欲赴張公曰事未可知吾今不可一日離汝蓋
自張公散軍入海飄泊蠓灘菴背之間瀕於危
者不一皆無凡扈持之嘗撫茂滋謂之曰我大

昌國典詠 卷十

三四四明叢書
約園刊本

臣宜死國下官一綫之寄其在君乎幸無忘無
凡曰謹受命忽一日大風雨呼之則已空閣不
知所往張公大驚如失手足次日有補陀僧入
城曰昨有一偉男子來腰間佩劍猶帶血痕忽
膜拜不可止亟求雍度麾之不去不知何許人
也張公家人聞之亟歸告公曰此必吾家應元
也已而以書謝曰公完髮所以報國應元削髮
所以報公息壤之約弗敢忘也自是遂爲僧於
補陀之茶山所謂寶稱庵者釋名行誠而字無

凡辛卯舟山破張公以二十七人死之獨命茂
滋出亡無凡遽入舟山則已失茂滋所在乃詣
轅門求葬故主諸帥欲斬之有一帥故倭佛憐
其僧也好語解之曰汝亦義士然此骨非汝所
得葬也不畏死耶無凡曰願葬故主而死雖死
不恨其帥乃曰吾今許汝葬葬畢來此曰諾乃
歸歛張公并諸骨爲一大冢瘞之徑詣轅門諸
帥皆驚異乃命安置太白山中無凡既不得自
由密遣人四出訶茂滋聞其羈鄞獄中乃合同

昌國典詠 卷十

三五四明叢書
約園刊本

院僧之出入帥府者爲前許葬之帥言無凡精
曉禪理可語也其帥大喜遽延與語相得甚歡
則乘閒爲言茂滋忠臣裔可矜且孺子無足慮
請往視焉許之無凡乃請之當事求出茂滋不
得以合山行眾請之又不得請以身代又不得
會鄞之義士陸宇燦等以合門四十餘口保之
而閩中劉貢士鳳翥亦爲言之茂滋乃得出無
凡又爲力請竟得放歸華亭數年茂滋病卒無
凡遂終身守張公之墓老死於補陀中其銘曰

都督晚年頗遭誣屈謂其居山尙交張杰懸壘
之役實所決裂嗚呼稗官一何失實不負鯢淵
忍負蒼水宮山之言了非曲諱豈期思舊鑄此
疵累敢曰大儒遂無誤毀錢光繡輓張鯢淵黑
風崩城吹海立修鯨跳舞妖蛟泣此日冠裳等
貝球斂手陽侯爲拱揖絕島經營五載餘誰言
成旅非良圖臣心未灰臣力竭尺組畢命安躊
躇生孔明死秀夫幸與不幸斯人徒不須精衛
銜微木大海雖大行當枯緒曾按定海縣志所

昌國典詠 卷十

三五四明叢書
約園刊本

云帥追餘孽至普陀無凡請葬閣部尸又云爲
僧已六年均失其實華亭朱履升詩此中藏毅骨爲我訪祈連自註張鯢淵葬此
孫枝護得續書芬一諾能償地下聞香茗年年寒食節
老僧淚灑信公墳

張定西墓

墓在蘆花畧全祖望明故太師定西侯張公墓
碑子家先族母張孺人爲蒼水尙書女先族父
以是避地居黃巖康熙庚子先族母以展墓歸
子時年十六從之問舊事先族母曰吾父與定

西侯同事久每言其志節之可哀而誇口之多
屈且曰定西墓在蘆花壘汝他日可爲之謀片
石焉予曰諾蹉跎二十餘年未之踐也乾隆戊
午始克爲之參稽諸野史之異同以成定論使
異日攷翁洲遺事者得有所折衷焉定西諱名
振字侯服南直隸應天府江寧縣人也少伉爽
有大略壯遊京師東廠太監曹化淳延之爲上
客時奄人中惟化淳以王安門下故與東林親
公亦遂得與復社諸公通聲息熊公開元之廷

昌國典詠 卷十

三七四明叢書
約園刊本

杖也公陰屬杖者得不死而公實未嘗識面也
崇禎癸未授台州石浦遊擊乙酉南都破安撫
使至浙東公獨不受命已而監國起事加公富
平將軍時肅虜伯黃斌卿以閩中之命守翁洲
翁洲與石浦相倚角斌卿因與公爲姻薦之閩
中時閩浙方爭而二軍兼受閩浙之命議由海
道窺崇明擾三吳以爲錢唐之援未行錢唐師
潰方國安欲以監國降監國脫走至石浦之南
田公棄石浦扈王欲保翁洲會叛將張國柱以

軍攻翁洲斌卿求救於公公破之因勸斌卿納
王而斌卿不從公計無所出適永勝伯鄭彩至
以其軍共扈王入閩王晉封公定西伯公見閩
中諸將林立請歸浙中招故部以壯其軍及還
而石浦已入本朝乃之翁洲依斌卿斌卿見公
之以孤軍依之也稍侮之丁亥松江帥吳勝兆
來歸請一軍爲援願以所部合力向南都斌卿
猶豫不欲應公方有自遠於翁洲之志因請以
其軍赴約而故都御史沈公廷揚等爭勸之公

昌國典詠 卷十

三七四明叢書
約園刊本

遂整軍抵崇明遇颶風盡喪其軍沈公死之公
得逸復入翁洲而其弟及甥皆死斌卿以公之
無軍也益侮之公乃招故部營於南田而黃張
之隙始大構此據黃文宗義董文守論高文宇
泰所紀皆然則黃曲張直顯然矣
黃之罪莫大於拒監國而舟山志以爲黃欲應吳張竊其旗先往則誣甚矣初公之
救斌卿也部將阮進最有功斌卿不得公而說
進使叛公及公北發進以不習三吳水道不從
南入閩招軍頗盛王旣晉封公定西侯亦封進
蕩湖伯至是公由南田復健跳以書招進進復

與公合時閩中地盡失諸將以王復入浙公與
進迎王次於健跳斌卿不至大兵圍健跳進使
人告糴於斌卿又不得於是公與諸將議海上
諸島惟翁洲稍大而斌卿負固不若共討而誅
之則王可駐軍乃傳檄討斌卿斌卿見諸軍大
集度不能抗乃上表待罪請迎王以自贖公許
之而進卒擊殺斌卿沈之於海斌卿頗能以小
惠結士心故其死也多惜之者甚且訴其死之
屈以爲公奪其地而誘殺之然斌卿一拒監國

昌國典詠 卷十

三四明叢書
約園刊本

於丙戌微公棄地扈從則監國閩中之二年不
可得延再拒於己丑微公合軍誅討則翁洲之
二年不可得延此事迹之顯然者而乃據愚民
之口以混黑白其亦昧矣監國既居翁洲晉公
太師當國庚寅公殺平西伯王朝先朝先本斌
卿將公與進招之預平翁洲之功公頗息之遂
襲殺焉朝先驍勇翁洲人仗之及死部將遂多
降於本朝請爲鄉導以攻翁洲予嘗謂公之殺
斌卿爲有功而以其非罪殺朝先則有過此則

不能以相掩者也辛卯秋大兵下翁洲公以蛟
關天險海上諸軍熟於風信足以相拒必不能
猝渡乃留阮進守橫水洋以弟左都督名揚副
安洋將軍劉世勳守城而自以兵奉王擣吳淞
以牽制之或謂公曰物議謂公借此避敵矣公
曰吾老母妻子諸弟皆在城吾豈有他心哉軍
遂發而進以反風失勢戰死世勳名揚力守急
呼公還救未至城陷公之太夫人范氏夫人馬
氏名揚偕其弟及妾闔門舉火自焚死參謀軍

昌國典詠 卷十

四十四明叢書
約園刊本

事順天顧明楫亦預焉公聞信慟哭曰臣誤國
誤家死不足贖欲投於海王與諸將救之而止
乃復扈王次於鷺門癸巳公以軍入長江直抵
金焦遙望石頭城拜祭孝陵題詩慟哭甲午復
以軍入江掠瓜儀深入侵江寧之觀音門時以
上游有蠟書請爲內應故公再舉而所約卒不
至乃復還屯軍南田是年公卒遺言令以所部
歸張公蒼水悉以後事付之論者以爲陶謙之
在豫州不是過也蒼水爲葬之蘆花畧初翁洲

之破也沈公宸荃在公軍咎公恃險輕出以致
敗不數月沈公泊舟南日山失維不知出之或
以爲公本奉王以逃固無是理至沈公之死亦
何以定其爲公要之公之累蹶累起以死奉王
其精忠不可誣而恃險輕出則亦天意爲之不
可成敗逐雷同之口至於當國之後多病其專
諒爲事之所有然以公有丙戌己丑兩度之大
功吳淞翁洲闔門之大節卒之再入大江以求
申其志則其專命擅殺與夫恃險輕出之罪吾

昌國典詠

卷十

聖三四明叢書

約園刊本

固不必爲之諱而以爲賢於黃斌卿萬矣今
之作翁洲志乘者曲筆於斌卿而深文於公混
祀斌卿於辛卯死事諸臣之首而公兄弟反不
預何其謬戾一至於此耶予故序公之事鏡之
墓上固非但畢吾族母之志也更爲哀詞曰翁
洲石浦彷彿於殘宋之厓山公魂不死長留此
閒功過不掩曲筆宜刪蘆花寒月如聞哀淚之
漣漣緒曾按全謝山以定海縣志左袒黃斌卿
力詆定西作定西侯神道碑以正其誤余至普

陀見老僧坐飛沙畧團蕉中藏舊鈔本舟山事
略有定西侯傳多謝山所未詳又知定西忌王
朝先亦非寶因錄之云定西侯張公名振字侯
服南京應天府上元人父少溪慷慨有義行母
范氏夢宋將張世傑而名振生及長精韜略騎
射擊刺之術與弟名遠名揚名甲從弟繼榮號
張氏五俊名振伉爽有智略結交多豪俠游京
師熊開元受廷杖陰爲屬杖者不死名振登
崇禎戊辰右榜進士癸未授台州石浦遊擊丙

昌國典詠

卷十

聖三四明叢書

約園刊本

戊七月魯王紹興兵潰奔舟山守將黃斌卿拒
不納名振迎居石浦加富平將軍思海外惟翁
洲稍大必得爲監國地會張國柱攻舟山斌卿
求救名振破之以女妻斌卿子誓共守舟山留
都督僉事劉世勳奉王居石浦世勳字允之亦
應天武進士名振在舟山日夕勸迎王斌卿疑
不決初蛟關裨將王朝先歸斌卿驍勇爲眾讒
斌卿多猜忌使其將朱攻劫殺溫鎮賀君堯因
襲朝先泗水得脫復以三書招朝先陰遣陸偉

偽迎劫之橫水洋朝先又泗水免大志名振解
 衣衣之贈千金丁亥吳淞吳兆勝血書招舟山
 來援斌卿不敢往名振赴援聯鯨次黃連港颶
 風大作全軍覆沒大兵擒名遠不屈斬之名振
 浮篷上不死易僧服遁還舟山斌卿謀殺之事
 洩名振避南田秋永勝伯鄭彩扈王入閩戊子
 七月斌卿子自莆田如舟山斌卿莆田人名振壻也
 邀留十日斌卿信飛語以為劫殺怒攻南田其
 子歸乃慙謝十月名振破昌國衛據健跳時閩

昌國典詠 卷十

四三四明叢書 約圖刊本

地盡失迎王居健跳加名振大將軍定西侯大
 兵圍健跳告糴於斌卿不許名振舵工阮進善
 水戰斌卿誘使附己又疑忌之名振招之來己
 丑十一月名振朝先進等共奏斌卿罪狀王命
 水陸並討名振請敕斌卿迎王自贖二十一日
 朝先致溫旨緩其備以兵突斌卿舟斌卿懼奉
 敕朝先使尹明詐見揮刃斬斌卿沈之水名振
 宣敕赦其弟孝卿厚撫其家屬華亭沈浩然東
 山行云東山山頭落日黃樓船萬軸刀如霜東

山山頭落日黑長星夜飛半天赤星飛卻入鮫
 人宮侯兮侯兮歸其中海若哀嘯鼉足斷老蛟
 騰出為長虹城中老翁洗血視願侯同生復同
 死侯無在舟侯在舟高牙大纛焚於此東山巖
 巖滄海波山高水深奈侯何注張名振奉魯王
 至舟山張肯堂勸黃斌卿奉迎斌卿不從卒為
 張名振使阮進殺之東山在昌國城進南二里
 迤邐入海斌卿之舟在焉己丑九月二十四日
 夜見殺於是作東山行王始入翁山加名振太

昌國典詠 卷十

四三四明叢書 約圖刊本

師與太傅張肯堂共執朝政名揚左都督名甲
 副總兵劉世勳安洋將軍繼榮先從王入閩固
 守仙霞關力戰死亦追贈左都督名遠亦贈左
 都督名振御軍有法與民無擾明之舊臣爭往
 依之兵勢頗盛議恢復方略以圖進取朝先併
 有斌卿之眾加平西伯恃功驕恣其下張濟明
 呂廷詔等互相煽與諸將水火爭糧爭汎無虛
 日囚御史徐心水榜掠名士周容璧其一足所
 為多不法嘗怒目叱阮進曰吾殺斌卿汝何封

蕩湖伯王慮變庚寅九月名振遣阮進襲殺之
濟明奪哨船投降大清陳虛實願充先鋒辛丑
夏大兵三路進攻八月二十日名振與諸將會
議謂蛟關天險大兵必不能猝渡命阮進拒橫
水洋劉世勳守舟山城名揚名甲佐之名振自
奉王擗吳淞拒北來之師以相牽制二十二日
天大霧大清杭州副都統吳汝玠提督田雄固
山金礪等出蛟門霧中進不及覺大兵觸舟進
倉卒以火拒戰反風自潛墮水死二十四日破

昌國典詠 卷十

四五四明叢書
約園刊本

等二十餘人俱赴火世勳妻某氏亦同死名振
奉王自吳淞回救會諸將火燒門候半時潮漲
卽至突見火光燭天知城已破遂奉王去壬辰
春扈王至廈門鄭成功欲害之大言曰爾爲定
西侯所定何事名振解衣請視背背刺赤心報
國四字長徑四寸深入肌膚成功愧且拜癸巳
三月名振破金塘獲金允彥磔之遂由北洋入
崇明截長江登金山題詩有十年橫解一孤臣
之句詩云十年橫解一孤臣佳氣鍾山望裏真
鵝首義旗方出楚燕雲羽檄已通閩王師

昌國典詠 卷十

四五四明叢書
約園刊本

螺頭門參將李錫貢及弟錫祚戰死岐陽王裔
也大兵直抵城下世勳激厲將士灑血呼天晝
夜拒守二十八日詐降伏大礮擊殺先入者九
月一日裨將金允彥邱元吉跳城降嚮其子傳
四月初二日大清增兵攻城夜半屋隕如雨大
兵鑿地道初三日午刻城摧陷世勳身貫兩矢
自刎死名揚名甲巷戰死名振母范氏妻馬氏
妾某氏名遠名甲名揚繼業妻共奉少溪公木
主自焚死名振妻姪馬呈圖馬貢圖親屬僕從

枹鼓心肝噎父老壺漿涕淚親南拜孝陵軍編
素會看大纛禡龍津魯王名以海諱海爲解也
九月駐平陽甲午掠吳淞得戰船二百號進攻
崇明定南伯徐仁爵戰死仁爵中山王裔乙未
寧波守將張洪德奔名振八月遣英義伯阮駿
攻舟山陷之名振徒步入城祭母及辛卯戰亡
將士哭聲震天十一月台州僧說州將馬信以
城附軍勢復盛名振忽構疾二十八日戌末大
星墮海光芒如電有聲亥刻坐起擊牀連呼先
帝數聲嘔血而逝年六十七葬蘆花畝台州僧

發狂死僧俗姓李名昇岐陽王裔丙申二月三日舟山城哭六月望大兵出蛟門杭州副都統吳汝玠率提督田雄總兵李杰再攻舟山阮駿大舟膠於沙與陳六御劉永錫張洪德丁宏業俱戰死張晉爵扼螺頭門乘名振大舟大戰兩日夜力竭自刎太常卿陳九徵副使俞師範皆死大清始克舟山為順治八年九月二日再下舟山為十二年六月二十六日也夫以名振不識天命輔辱藩奮螳臂偷息窮島全室就殲出

昌國典詠 卷十

四五四明叢書
約園刊本

沒海上者十餘年竟白首善終為我聖朝顯戮所未加褒謚所未及然勝國殉節諸臣錄於名場云定西侯名振之弟舟山破母范氏赴水死親屬二十餘人同自焚死是亦深諒名振之忠矣較俯首入貳臣傳者豈不判若天淵哉名振豐頤修髯面微赤容止閒雅善撫士嘗終日戰庖人進食揮之去軍中有太師不食戰士忘飢之語兵部侍郎張煌言收其餘燼屯鹿頭後屯南田甲辰被獲亦不屈死乾隆丙申諡煌言忠

烈張忠烈哭定西侯墓詩牙琴碎後不勝愁絮酒新澆土一坏冢上麒麟那入畫汀前鴻雁已分儔知君遺恨猶瞠目似我孤蹤敢掉頭來歲清明寒食節可能重到翦春楸
滬瀆樓船尚未歸舟山宮殿劫灰飛十年精衛心填海潮打寒雲浸蕨薇

同歸域

鄞聞性道心泉詩集偕文衣喬公鉢收瘞翁洲與難遺骸卒事為詩記之天星晝隕紛如雨蹈

昌國典詠 卷十

四五四明叢書
約園刊本

刃投纜赴烈炬魂遊寥廓贖遺骸崩厓碎礮相支拄蛟龍怒吼不敢窺烏鳶哀號空復聚朝朝暮暮暴露久何人乞收瘞羈旅海東波沸連鼓鼙城北土高失鐘簾參軍見之心骨悲訴天不應叩地許與余俯拾堆高原掘坎窆藏共一字
以同歸域三字識之雖缺陳奠自春秋不釐姓名誰客主林風淒其日色暗恍惚雲旗爭飄舉神物巨靈來呵禁山君龍伯永守禦埋餘整容特下拜淚迸飛泉垂萬縷野草先為漬血紅吞聲谷鳥寂

無語他年定逢好事人漫題三字憑記取定海
縣志同歸大域王師圍城及旬而下之一時名
公卿僑寓於此者俱慷慨就義而居人聞聲亦
不謀而同一飯之頃橫尸若山郡幕僚喬君鉢
收而火之悉瘞於城之北岡題其域曰同歸此
順治八年辛卯九月初二日也喬鉢內邱人有
昌國懷古詩環海多膏壤况通萬里津山川唐
舊邑文物宋遺民要地雷封守殘黎仗拊循重
遷應軫念誰爲上書陳時議徒亂後居民喬言

昌國典詠 卷十

吳四明叢書
約園刊本

宜置城邑後卒如其言知縣事繆燧患歲久兆
域頽圯尸骸暴露出私錢屬耆民郭璘召工市
石垣而封之此康熙三十五年三月初六日事
也繆燧同歸域放歌序云蓋聞號鼎攀龍莫改
忠臣之節盟津叩馬不加義士之誅萑宏之血
碧千秋化虹貫日張巡之齒存孤壘騎尾歸天
身雖與國同亡名乃到今不死同歸域者葬故
明與難翁洲之諸搢紳先生也飲淚田橫之島
猶奉殘朔於春王抗節厓山之舟恥投降表於

河伯衣薪蹈刃賦詩絕命者十人裂帛縋梁入
室如生者百口他如子死父幼死長僕死主僵
山皆不屈之骸以及婦從夫媳從姑女從母填
塹盡含貞之骨肝腦狼籍鬼神環擁而長呵嵩
骼縱橫風雨偶過而作淚火以埋諸深坎哀而
瘞之北邱爰有參軍爲之義舉雖逢尼父難題
墓於延陵縱有中郎曷勒銘於斷碣芳草萋萋
寒食常餒若敖之魂殘榆黯黯斜陽孰醉王孫
之酒逢聖朝之寬厚復舊邑於滄桑移橫海之
樓船建牙鼉背標伏波之銅柱吹角鯨頭燕麥
未生種花敢同潘縣豺荆初剪葳蕤遂過商山
見將壞之一坏撼城浪囓謀不祀之兩祭負郭
畚香何幸羊山來登漢峴下詔單父共舉蒸嘗
買虞芮之閒田永春秋之芳薦猶恐明禋未秩
几筵不逮夫百年旋將幽躅分標姓名具臚於
各憲表忠作觀祇爲吳越恩私有過澤枯真沐
皇仁浩大固已封同比墓共知義異崇鄉者矣
燧邑乘雖登衷懷未暢念茲窮島永寂寒阡韓

昌國典詠 卷十

吳四明叢書
約園刊本

愈不過莫登亡王之墓陸衡已往誰云大漠之
墟乃於暇日偶作放歌揚已逝之幽芳闔不朽
之奇節用貽同志其發高吟嗚呼君父人之大
倫安問興亡何代忠孝關乎至性不分羣怨皆
詩下筆含悲行歌當哭效輓辭於蒿里豈同瘞
旅之文追哀些於楚江聊補招魂之句歌曰甬
東東海海中洲中有隆隆土一抔忠臣義士同
日死火而瘞之萬骨哀參軍題曰同歸域域頽
地棄狐貉遊芳草不生寒日照排空濁浪將與

昌國典詠 卷十

至四明叢書
總圖刊本

諸公從此聲雷吼千忠萬節同日歸石爛厓枯
終不朽滄桑倏忽六十春蓉浦作歌懷古人寄
語天下同心者不分出處扶天倫同歸域在城
北二里雙髻山下成仁祠之後總兵藍公理捐
買民田撥儒學掌管春秋祭祀此康熙四十年
事也繆燧同歸大域碑記嘗讀漢高祖本紀屠
秦滅項天下大定田橫以五百人居海島招之
橫卒自殺而五百人俱慕義死無二心詫其節
以爲不可及後閱宋季厓山事又未嘗不歎其
迹同而志彌悲也歲辛卯王師薄翁洲九月朔
有二日城陷時死事張公肯堂朱公永祐吳公
鍾繼李公向中沈公宸荃等各眷屬皆遇難都
人士女守義死者纍纍相枕藉經歷喬君鉢不
忍暴露火而瘞之北郭勒石曰同歸大域嗚呼
若而人者是眞得所歸矣我國家定鼎之初兵
不血刃而車書一統定邑彈丸之地孤懸海嶼
夫豈不知一木不能支大厦之傾而孤臣義士
寧麋軀碎首以殉一城其與宋季通臣何異天

昌國典詠 卷十

至四明叢書
總圖刊本

地之理全而受之當全而歸之臣死其君子死其父妻死其夫卑幼死其長上爲全歸一也今之精英靈爽或飛揚於雲漢或游衍於山川蕩而爲波濤揭而爲星日吾烏能測其歸乎惟是忠孝至性盡人而具當其平居偃仰靡所觀感則頽然流廢而無以激發其欣慕慷慨之懷故盛朝口仕不惜闔揚前烈以風勵斯世余初莅茲土周覽郭外父老指其旁曰此喬公所建同歸大域處也寒煙衰草滿目悲涼狐鬼窟其中

昌國典詠 卷十

五十四明叢書
約園刊本

牛羊踐其下且遺骸旅櫬交錯其間混珠玉於泥沙委芝蘭於荆棘良足悲矣傳之又久又孰知墟莽間爲忠孝節義同日而死者之一抔土也哉越數日適鄉耆郭璘來告欲募眾力築垣樹塔以表墓道余慨然曰是余之責也夫是余之責也夫捐資竣事鐫石以誌不朽康熙丙子歲三月知縣事繆燧記祭同歸域文維康熙三十四年歲次乙亥時當清明挂紙之辰知縣繆燧率闔邑之衿士耆舊備具牲醴致祭於辛卯

死事諸靈之前曰我世祖章皇帝誅闖賊撫殘黎正位燕都天下無不傳檄而定獨先生輩偕闔邑兵民堅守翁洲抗衡天命身首異地而不屑一顧何其愚也雖然臣爲君死子爲父死妻爲夫死卑幼爲其長上而死志則苦矣節則愈高矣嗟乎寧殺身以成仁毋求生以害仁同日捐軀無所留恨諸先生在天之靈或炳爲日月或屹爲山嶽豈復在濤奔風撼之所爭其時享哉亦豈知糜爛之頃有喬墓爲之塋域五十年後余從而修之復從而祭之也哉聞之延陵季子曰骨肉之歸於土也天也而魂氣無不知也然則死者未爲無知者矣今爲死事諸先靈求其子姓曉以大義請諸上官設食置宇躬拜祠下薦其馨香而爲之歌以侑之歌曰嗚呼死事諸先生卓哉一代之偉人或秉綸而珥筆擐甲而談兵遭國家之不造均抗節於翁城子從其父兮妻從其夫卑幼從其長上兮不可計數者編氓古稱有死而無二二三時萬人而同心下比

昌國典詠 卷十

五十四明叢書
約園刊本

田橫之五百上追商季之三仁精氣鬱而爲喬
嶽丹忱揭而爲星辰風濤怪石皆游魂之所化
也吾知其不可磨滅者偕天地而常伸嗚呼草
蔓兮煙荒春露兮秋霜牧豎傷心於黃土農夫
想像於斜陽余請上官而設食率爾子姓而升
香一杯同域萬古流芳聖主頒綸音於翰苑張
公書竹帛於草堂行見式閭而表墓抑且下慰
夫從亡嗟爾孤臣與孽子又何惆悵乎滄桑謹
侑一觴神其來饗

昌國典詠 卷十

至五十四明叢書

約園刊本

颶風掀浪覆厓門一旅孤城死報恩無數青燐藏碧血
峩峩坏土並乾坤

繆公衣冠墓

江陰縣志繆燧字雯曜以例選沂水令別調浙
江定海定濱海水鹹不宜穀燧修築塘岸禦鹹
蓄淡增田數萬畝修定海志葺學宮設書院增
諸生廩額至十名奸民有爲盜海洋者設方略
擄之署府事暨各廳縣事所至有惠政仕海上
二十三年卒於官民懷其德呈請留葬子民垣

不可大吏令留衣冠葬之以誌遺愛定海縣志

知縣繆燧康熙三十四年補任緒曾按順治十

二年乙未復下舟山因海氛未靖明年遷徙城

鄉民人入內地至康熙二十七年立定海縣治

邑令李侗周聖化皆有政績繆公實繼之公又

字蓉浦康熙乙亥任定海令至丙申自乙亥至

丙申凡二十二去海稅浮額禁鹽廠私販免塗

蕩包賠築壘田塘墾惠心實政民至今賴之又

修成仁祠同歸域以表忠義屬耆老夏時棟搜

昌國典詠 卷十

至五十四明叢書

約園刊本

采故實創定海縣志八卷詳繪十七壘各大山

環海縣境諸圖皆得諸耳聞目見至軍制形勝

田賦水利所載案牘皆確切詳盡洞悉原委雖

於黃斌卿未能直筆海外少書籍於考古閒有

疏舛然瑕不掩瑜亦經十數年精力以成之者

後之人當補正之而不可輕加刪削也公嘗攝

寧波府篆陞杭州總捕同知未任卒以櫬歸邑

人築衣冠墓於普慈寺側春秋致祭又於城北

隅雪交亭故址立義學名蓉浦書院奉粟主以

祀

猶認衣冠拜墓門海鄉遺愛至今存何人宦橐營田宅
莫保松楸到子孫

定海令姚公殉節處

公名懷祥字斯徵號履堂先世金陵人曾祖龍
文遷侯官公中嘉慶戊寅舉人道光乙未大挑
知縣浙江試用署象山龍游嵎縣皆有聲庚子
五月以公嘗任象山習海事檄署定海縣事時
閩粵皆有夷警舟山孤懸海外議積糧築屯未

昌國典詠 卷十

五十四明叢書
約園刊本

就六月初四日突有四夷船窺南韭山洋象山界

初五日船數十隻駛入五奎山公曰我當示無
畏毅然駕小舟攜老僕張發徑登火輪船夷驚
愕鼓樂奉酒以迎公引滿問何故涉吾土夷對
以欲得紅毛馬頭通商耳公曰當奉天朝諭旨
抗論良久夷頗挫公返舟入城申報請援委典
史全福往村壘招募鄉勇得數百人授器械登
陣西刻夷舟逼衙頭公謂總兵張朝發曰夷未
知我虛實宜堅壁待外援我兵寡無紀律若浪

戰一敗城去矣張鎮曰城非吾責吾領水師知

阨海口夷若登岸吾罪大矣悉兩營兵出拒初

七日張鎮以礮擊夷夷礮聲疊轟張鎮傷左股

不能軍弁兵昇奔鎮海旋潰爛而死維時壁壘

一空城上鄉勇相顧潰散公竟夕彈壓坐南城

上水漿不入口左右不滿二十人復招民登城

初八日南城角摧鎗傷公臂猶繞城呼召無有

應者雙髻山下聞有民聚守急往招之夷蠶擁

入城公搥胸大痛過成仁祠嘔血升餘曰此古

昌國典詠 卷十

五十四明叢書
約園刊本

人殉難處吾何生為奮身投普慈寺山下萬工

池紳士金士奎鍾勳往救之氣已絕兩目猶瞪

昇尸殯青壘典史全福亦死全字疇五甘肅人

二十一年六月吏部議照陣亡例給雲騎尉世

職姚公長子廷璋承襲襲次完給恩騎尉罔替

禮部議照六品官例全葬銀一百兩致祭銀八

兩行查事蹟交翰林院立傳入祀本籍府城昭

忠祠公以一身殉節青史爭光俎豆馨香賞延

於世足慰九原矣二十六年五月十四日緒曾

至普慈寺訪公殉難處錢學煥茂才指所謂萬
工池者肅然再拜憶余與公乙未同大挑同至
浙江原籍金陵又同里也杭城吳山五忠祠公
首位次署乍浦同知韋逢甲卽用知縣顏履敬
鎮海縣丞李向陽全典史居殿焉余嘗爲楚些
以迎神其辭曰嗚呼五公名齊華嵩職守則異
殉難攸同慘海波之騰沸驚礮火之飛紅翁洲
猝罹夫鯨噬噓毒霧於甬東戰句章而少挫九
山復危而被攻嗟五公或守官而隨營兮當城

昌國典詠 卷十

五九四明叢書
約園刊本

陷師潰之下乃牽衣不去遂各効其孤忠惟孱
儒而末秩兮恨不殪怪繯於強弓痛湛身於鋒
鏑明大義於厥衷夫人之不可失者職守不易
顯者勇功勇有所限而功不就職遂欲守而不
能守惟一死不辱能自全其始終上五星下五
嶽昭白日互長虹俾逆酋動色而羣驚且拜識
聖朝之養士厚而士之報稱隆天子曰都賞延
於世庶幾其無怨恫洋洋海水兮梯航通吳山
之高兮俎豆崇神之來兮驂赤豹而乘風千秋

百世兮垂臣鑒於無窮伏惟尙饗緒曾以爲吳
山雖奉俎豆若茲地姚公全公碧血所淪宜建
專祠肖像以祀余知舟山父老感公遺澤必有
其舉之者也公面赤豐頤眉稜紫生有異表云
浩然勁氣折颯輪青骨知君死後神血食英靈能捍患
永教東海不揚塵

昌國典詠卷十

昌國典詠 卷十

六十四明叢書
約園刊本

明

勝

可

後學

邵
珍書



1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100

臨海記一卷

臨海洪頤煊輯

漢元鼎五年立都尉府於侯官以鎮撫二越所謂東南一尉者也太平御覽二百四十一

晉永和三年分會稽郡八百戶於臨海章安地立臨海縣

太平寔宇記九十八章安縣南門有赤蘭橋世傳成公綏作縣此橋

上製聽事縣合年常解聽事神用生鹿其年活得白鹿還

後於聽事上生以祭神仍遂食之歲時用馬自是以後白

鹿不可復得而必須生鹿歷代相承迄今不絕太平御覽一百八十八

五沸瀆在城南門中有沸水方三尺孫皓時奚熙受刑於

此其後水嘗沸人疑其冤赤城志三十九

臨海記

郡北四十步案太平御覽步作里有湖山山甚平正可容數百人坐

民俗極重九日每菊酒之辰讌會於此山者常至三四百

人登之見邑屋悉委江海分明藝文類聚四太平御覽三十二

去郡七里東有樊績與與上空冢裏猶餘敗鼓角或呼為

樊府君墓今郡公田在此巔下太平御覽七十四

臨海山山有二水合成溪曰臨海一水是始豐溪一水是

東女溪至州北兩溪相合即名臨海溪山因溪名太平御覽四十七

七按台州札記改東女作樂安云

郡西北有白鶴山案太平御覽引作白鶴山周迴六十里高三

百丈山上有池水懸溜遙望如倒挂白鶴因名挂鶴泉山

上有深湖湖中又有魚如二百斛船大長二丈許藝文類聚九十九

太平御覽四十七又七十一又九百一西北有白鶴山高

三百丈上有一舟名舴艋前頭有石鼓石槌世云石鼓鳴

則土地寇亂隆安初此鼓屢鳴果有孫恩之賊此際多山

精水祟不可輕陟山下平地便望見舴艋民王志祭山神

求到鼓所遂得至捉槌打鼓間里咸聞如金玉之響下山

便病死蓋登山召禍擊鼓自殺也藝文類聚八又七十一太平御覽七百七十一

郡西北有白鶴山山上有石鼓元嘉中居人祭祀山神乃

椎此鼓數十里聞如金石之響相傳云昔有鶴晨飛入會

稽郡雷門鼓中打鼓聲洛陽聞之後逆賊孫恩斫破此鼓

臨海記

見一白鶴飛出高翔入雲此後鼓無復遠聲藝文類聚九十九

四太平御覽五百八十二又九百十六事類賦注十一

郡東南有白石山去縣邑三十里高三百餘丈望之如雪

山上有湖古老相傳云金鵝之所集八桂所植下有溪谷

金光煥然藝文類聚九十一太平御覽八百一又九百十九文選注三十一引作下有金潭金光煥然

黃石山泄水九層沿崖注落如白練東南玉峴路口有鍾

乳穴多水有伏翼大如鵝卵藝文類聚九十七太平御覽四十七

湖山寺昔有僧人道人能入穴探之三日得往反窟穴裏水深處洞過又有伏翼如鵝鴨大僧人死來四十餘年自後無能探穴者

仙石山有館土人謂之黃公客堂案赤城志二十作黃巖山上有石驛三面壁立

俗傳仙人王方平居焉號王公兩邊有石步廊觸石雲起

崇朝必雨有四竿筋竹風吹自垂空微拂石皆淨即王方平遊處也太平御覽四十七

新婦山亦名仙人山土石悉紺色列石參差似人形遠望

如鳥之俯仰宋文帝遺畫工模寫山狀時一國盛圖於白

團扇焉太平御覽四十七

靈石山有寺當孫恩作叛毀材木以為船舸山石即於空

中自然而落賊每有所傷故曰靈石山太平御覽四十七

郡西北候官山有三足麋其聲嘶嘎二千石官將有代謝

則嘎鹿鳴矣民以為常占未嘗一失太平御覽九百六

臨海記

三

郡東有宴室山古老云越王時山上起望海館下有湖中

有金鵝飛魚太平御覽九百十九

五龍山脊有石聳立大可百圍上有叢木如婦人危坐俗

號消夫人父老云昔人漁於海濱不返其妻攜七子登此

望焉感而成石下有石人七軀蓋其子也輿地紀勝一十二

寒石山石室前有立石參差五色遠望如綬帶赤城志二十一

東刊山極高遠蓋禹隨山刊木因以為名晉任頊葬焉輿地紀勝二十一

輿地紀勝

東海有山形似覆釜山上有巨跡是夸父逐日之所踐太平御覽九百十九

輿地紀勝
釜山云夏帝登此得龍符處下同此文

洋山東百里有東鎮大山去岸二百七十里生昆布海藻

甲香礬等輿地紀勝十二

夷洲在郡三十里眾夷所居秦始皇遣徐福將童男女入

海止此洲山頂有越王射的白石赤城志三十九後漢書注引臨海水土志夷洲

在臨海東南去郡二千里御覽四夷部引同而多及安

面是山谿地有銅鐵唯用鹿骨為矛以戰門摩厲青石以

當弓矢取生魚肉雜貯大瓦器中以鹽鹵之歷月餘日仍

天台山超然秀出山有八重視之如一帆高一萬八千丈

周回八百里又有飛泉懸流千丈似布故登真隱訣云此

山在桐柏山後四明山東南三百里太平御覽四十一太平寰宇記九十八

臨海記

四

銅溪在縣西北五十里其水黃色狀似銅故號銅溪也孫

興公天台山賦云過靈溪而一躍是也太平御覽六十七

章羌山此山之最高者上有石壁刊字如蚪斗輿地紀勝十二

郡東北二十五里任曾逸家有一石井自然天成非人工

所造井深四丈常有湧泉大水不溢大旱不竭夏絕香冷

冬至甜溫長老相傳云昔有採材人臨溪洗器失酒杯後

出於井中法苑珠林三十七

烏以其懷板含墨故號小史魚也一切經音義十七按此條章宗源隋經籍志考

證入臨海水

黃石村有石鼓山山上有石似鼓兵革興則鳴赤城志十九

四古出

因

壽

吉

鐘

孫樹智署

武林丁
氏八千
卷樓
重版行

湖山懷古集

錢塘 陳 時 汾川

郡庠觀李龍眠摹 宣聖並七十二弟子像石刻

杭州府仁和縣學有宋石刻 宣聖及七十二弟

子像李公麟所畫也宋高宗製贊並書後附秦檜

記明吳訥巡按浙江始磨去檜文事見餘菴雜錄

西湖塵談

畫仙畫佛尋常事道子丹青古壁存爭似龍眠老居士解

摹日月繪乾坤

滿天星斗仰昭回生面居然一一開博帶褒衣儒氣象勝

湖山懷古集

他劍佩畫雲臺

圭璋河嶽推聞望鸞鳳雲霄作羽儀留得前朝貞石在不

須更問武梁祠

心源鄒魯沂唐虞萬古彝常作楷模七十二賢宗一聖春

風一幅杏壇圖

柳洲二賢祠

錢塘縣志舊名子貢使蒞祠祀端木子 國朝順

治十四年左布政使張摺彥重建康熙三十六年

巡撫金鉉督學周清源從先賢仲子後裔請以仲

子舊祠在彌敦坊者移此合祀遂改今名按章士

斐使越祠記辨子貢無使越事顏光敦二賢祠記

宋靖康間有仲基者以武功授高郵判建炎戊申

偕孔端友扈蹕臨安杭有仲族自基始計先賢至

基凡四十八傳又十傳至璉明成化進士令宜賓

聚居仁和之彌敦坊西請之有司立仲子廟甲申

兵燹廟祀中缺康熙中賢裔仲誠仲清仲學濂請

與子貢並祀祠在湧金門外瀕湖前有柳洲亭故

名

霸越亡吳定有無南行當日事何如尙餘種蠶功名外一

卷春秋越絕書

湖山懷古集

彌敦坊前有舊祀臨安扈蹕記當時頓教吳越成鄒魯三

面青山繞合祠

言語科兼文學科升堂十哲問如何子游文學東南美何

不二賢祀澗邁

南宋石經

四朝聞見錄云高宗御書六經以賜國子監及石

本於諸州庠上親御翰墨稍倦即命憲聖續書至

今皆莫能辨七修類彙云宋紹興二年高宗宣示

御書孝經易詩春秋左傳論語孟子中庸大學學

記儒行經解五篇刻石太學淳熙中孝宗建閣藏

之親書額曰光堯石經之閣朱子修白鹿洞書院
奏請石經卽此本也元初楊璉真伽欲取作塔址
申屠致遠力爭乃止西湖塵談云舊仁和學宋岳
公飛第也今學貢院基也有理宗御書道統十三
贊高宗御書四書五經李龍眠先聖暨七十二賢
像并高宗贊碑刻皆太學故物也按高宗石經殘
刻今尙在杭州郡庠

延熹石經今已無宋刻出自深宮書光堯畫倦憲聖繼銀
鈎鐵畫無差殊不寫尙書寫周易但有十翼無三謨誤以
共驩作稷契致君那得如唐虞但增歲幣事仇敵中原民

湖山懷古集

三

困何由蘇寫經刻石等閒耳帝王乃復師文儒後來道統
十三贊濂洛上沂泗與洙國運雖偏大儒出周程張外尤
推朱鹿洞奏請石經本名教所繫綱常扶塔基幾爲惡僧
毀力爭所賴惟申屠至今殘石在巖序珮戈彷彿銘盤盂
祭邕三體書更好摩挲古本思鴻都

吳山金剛嶺二程夫子祠

祀宋明道伊川兩程子相傳舊有祠在城西河下
歲久荒圯 國朝康熙十七年督學程汝璞改建
見錢塘縣志

河南二程子名竝紫陽朱洛黨原君子伊川有大儒淵源

尊北宋祠廟近西湖恭值明禋薦蘋繁道味腴

西湖錢家灣宋周元公祠

在清波門外祀宋濂溪周子愔頤南渡時建久廢
國朝康熙四十一年督學姜櫛重修雍正九年
總督李衛重建

茂叔襟懷海宇寬古祠重建石闌干錢家灣近西湖路長
得光風霽月看

胚胎眞得道萌芽一卷通書貫五車記得祠堂門外路滿
湖君子白蓮花

朱文公寓居

湖山懷古集

四

四朝聞見錄慶元元年韓侂胄欲逐趙忠定遂禁
僞學朱文公去國寓居西湖靈芝寺平江木川李
杞獨叩請窮理之學有紫陽傳授行世後人榜曰
紫陽寓居又明嘉靖中以督學秦梁言朱子提舉
浙東有遺澤建祠北山錦鷗額曰紫陽書院 國
朝順治丁酉公裔孫以錦山鳴峻易圯請改建孤
山之陽見錢塘縣志

邪正不兩立忠奸不並峙僉王思蠹國必自賢者始巍巍
趙忠定名德之綱紀文公侍講筵格君臻上理眾正漸同
升兩賢庇葛藟可憐平原孫媒孽肆讒毀元豐禁僞學熙

靈覆轍耳不朝孔子行去國非得已三宿後出畫湖寺暫
棲止何人親問業學者平江李豈獨祭元定淵源得微旨
勝地以人重紫陽曾寓此更訪孤山陽崇祠照湖水

張宣公詞

在方家峪祀宋南軒張子杖祠向在尉司下扇里

萬麻甲辰裔孫移建有聶心湯吳太冲二記

絕學能承聖危言屢格君身當乾道世家在建康軍西華
春天樹南屏日暮雲後來新建伯經濟許平分

龍山勳賢祠是王陽明先生講學處用先生西安雨

中寄書院諸生詩韻

湖山懷古集

五

在慈雲嶺東原舊爲下天真寺明新建伯王守仁

嘗與門人修業於此既卒門人薛侃等醵金改構

精舍奉祀稱天真書院萬曆七年以廷議毀天下

書院被毀十二年巡撫蕭廩巡按御史范鳴謙合

請復祠賜額先生詩所云天真泉石秀新有鹿門

期及不踏天真路依稀二十年者是也

幽巘談經地空山講學時周程會宗旨朱陸剖然疑俎豆

今猶重羹牆我所思龜疇宋田在長與鹿門期

天竺法鏡寺懷鍾離雲房仙師

武林舊事下竺方丈曰佛國山法堂二字乃雲房

鍾離權書甚奇則鍾離嘗至茲山也宣和書譜曰

神仙鍾離先生名權不知何時人而間出接物五

代之世頻遊人間嘗草其所爲詩字畫飄然有凌

雲之氣宋事實類苑云邢州開元寺僧院有五代

時隱士鍾離權草書詩二絕筆勢道逸詩曰得道

眞僧不易逢幾時歸去願相從自言住處連滄海

別是蓬萊第一重莫厭追歡笑語頻尋思離亂可

傷神閑來屈指從頭數得見昇平有幾人後從廣

知邢州勒詩於石則非特善書且工詩矣

榴皮畫壁人何處蕉葉題詩客未回爭似鍾離老居士揮

湖山懷古集

六

毫還爲看山來

仙姥墩是王方平沽酒處

列仙傳云姥餘杭人嫁西湖農家善採百花釀酒

王方平嘗就沽飲授藥一丸姥服化去後十餘年

有人經洞庭見賣百花酒者卽姥也方輿勝覽云

姥姓裴氏東晉初人墩在清波門外舊傳基址高

數十尺故名墩也

酒泉解出地酒星亦在天仙人愛飲酒往往來人間阿姥

家餘杭酒肆臨湖邊釀出百花味飲者輒醉眠方平老仙

客黃醉登吳船得勿見麻姑新自吳中還與姥一丸藥服

之凌紫煙遺墩至今在帘影花間懸我生不解飲頗思學
神仙坐待阿姥來明月三千年

葛陽是吳方士葛孝先舊居

元豐九域志葛翁煉丹之所今日葛陽輿地記云
在靈隱山吳方士葛孝先所居也二寺記云晉葛
洪亦嘗居此郭祥正有葛陽及葛公石徑詩

往牒泝吳晉葛氏得兩仙一爲從孫洪一爲從祖玄術
授鄭隱弟子丹經傳隱仍授之洪世系推淵源靈隱有葛
陽居者爲孝先孝先卽元字幽壑營丹鉛雖無赤烏字尙
識黃龍年稚川亦居此石徑畱荒煙豈獨初陽臺截竄高

湖山懷古集

七

山巔

葛嶺相傳晉葛洪煉丹處用吳淵穎登初陽臺謁抱
樸子墓詩韻

洪字稚川句容人祖系吳大鴻臚父悌晉邵陵太
守少究典籍尤好神仙之事從祖元學道得仙以
丹術授弟子鄭隱洪就隱學術得其法後師鮑元
元以女妻洪洪傳元業尤精醫術太安中佐顧祕
爲將兵都尉破石冰遷伏波將軍見天下亂避地
南土參廣州刺史嵇含軍事賜爵關內侯親友薦
才堪國史選爲散騎常侍領大著作固辭不就聞

交趾有丹砂求爲勾漏令刺史鄧嶽畱不聽去乃
止羅浮山中煉丹著抱樸子內外篇其餘著述篇
章富於班馬葛嶺在寶石山西亦名葛陽

困處康莊險愁來天地窄不若爲神仙長嘯海天碧我懷
葛稚川雅抱託泉石勾漏有丹砂作令飛鳧鳥定知羅浮
山高詠梅花白終謝塵鞅去肯爲世途役茲山最幽靜抱
樸此馬宅仙丹貯石函古井有遺蹟典午昔南渡功名所
經歷一自來深山遂與世緣隔石碎贖蟾蜍碑殘守蜥蜴
更聞鮑姑艾妙藥拯病劇非止隱君隱應是謫仙謫古苔
青壁瘦寒瀑玉泉激一登初陽臺湖光在几席鴻飛入杏

湖山懷古集

八

冥風送凌雲翮

稽畱峰是晉許邁隱居用宋方外遵式韻

邁字叔元小名暎後改名元字遠遊幼好道得至
要於南海太守鮑靚立精舍於餘杭懸雷山往來
茅嶺之洞室永和二年移入臨安西山登巖茹芝
有終焉之志西湖遊覽志謂稽畱峰卽遠遊嘉遯
之所陸羽二寺記云遠遊建思眞堂於靈隱山稽
畱爲靈隱五峰之一似卽本傳所云臨安西山也
眞靈位業圖云東華署爲地仙太平寰宇記云許
由者音之誤耳

我登稽留峰有懷許遠遊懸雷已高曠茲山尤深幽往來
茅嶺洞林壑堪忘憂緬昔王逸少亦是神仙儔載筆誤箕
穎森簡誰解讎長吟採芝篇白雲生高秋

瑪瑙寺訪南齊杜子恭墓

晉書孫恩父泰字敬遠師事錢塘杜子恭子恭有
秘術嘗就人借瓜刀其主求之子恭曰當即相還
耳刀主行至嘉興有魚躍入舟中破魚得刀其神
效往往如此子恭死泰得其術及泰誅眾惑之皆
謂蟬蛻登仙矣南齊書孔稚圭會稽山陰人父靈
產泰始中罷晉安太守有隱遁之懷過錢塘北郭

湖山懷古集

九

輒於舟中遙拜杜子恭墓宋書沈約自序杜景字
子恭通靈有道術約先世有沈警者敬事子恭按
墓在錢塘縣北南齊時所謂錢塘北郭猶水經注
靈隱山下錢塘故縣江經其南則北郭亦近湖之
地也舊志有杜運子恭之孫俗傳瑪瑙寺左有杜
子恭墓倪璠神州古史考曰杜子恭者神方驗於
晉史冢墓載於齊書蓋黃公道術之流葛洪神仙
之比也

秘術通靈託隱淪瓜刀遊戲躍魚鱗南朝舊俗清談外無
限舟中拜墓人

仙骨曾埋瑪瑙堆青林古寺暮鐘催寶雲山下湖西路閒
話錢塘北郭來

靈石寺懷呂仙屋上題詩事用范石湖韻

竹坡詩話云西湖諸寺所存無幾惟南山靈石猶
是舊屋僧言頃時有數道人來丐食拒而不與乃
題詩屋上而去字畫頗類李北海其詩云南陽數
回泉石西峰幾疊煙雲登攜孰以爲侶顏寓李甲
蕭耘好事者譯之第一句爲呂字第二句洞字第
三句賓字是呂洞賓與三人來耳李甲近世人東
坡以此郭忠恕善畫而又餘當是神仙也范石湖

湖山懷古集

十

集有詩紀此事自注云顏雨李甲蕭均三人題詩
寺門方運筆時伸臂長丈餘闍人驚報主僧回顧
已失石湖詩所云仙人昔來遊筆墨上朱甍舉臂
尋丈高聊得兒童驚老矣謝狡獪題詩記吾曾是
也

西湖山水佳桂隱課四并靈石更奇秀坐滌雙眼明蕭寺
製古樸不紀何年成仙人偶憩此登覽舒閒情西峰與南
陽幾疊煙雲輕巨筆寫高棟吟落天風聲石湖老詞客高
詠襟懷清我來訪遺趾老樹蛟虬撐不見舊題字暗塵生
朱甍我身乏仙骨肯使羣兒驚長嘯謝僧難疥壁吾何曾

元妙觀即古真聖觀是呂仙觀蕉花題詩處即用仙韻

萬厓錢塘縣志觀中蕉花盛開有道士趙肖先居之一日有羽客來訪適趙他出題詩蕉葉日午夜君山玩月回西鄰小圃碧蓮開天風香霧蒼花冷名籍因由問汝來又曰白雪紅鉛立聖胎美金花要十分開好同子往瀛洲看雲在青霄鶴未來相傳以爲呂仙寄託也觀在伍公山長慶坊後唐乾符二年建名紫極宮梁開平二年改真聖觀有錢武肅王碑世稱蜥蜴碑宋天禧間王欽若奏徙天

湖山懷古集

十一

慶觀額於此今名元妙觀元所改也後有石洞道士厭遊客之煩造屋掩之觀有子午泉揭後斯有真聖觀蕉花訪仙人題詩處詩

高詠湖山第幾回蕉花亦是幾番開青林寂寂無人到鶴背天風送我來

滿地松陰畫鹿胎寺門還傍翠微開祇今一片吳山月曾照仙翁點筆來

淨鑑觀懷唐道士馬自然

馬湘字自然杭州人治道術徧遊天下宮觀巖洞多題詩句嘗吟詩曰昔日曾隨魏伯陽無端醉臥

紫金牀東君謂我無情賴罰向人間作酒狂住於梓州上昇見太平廣記及聞奇錄至候湖門外水府淨鑑觀爲自然修煉之所則詩話類編所紀也又薛應旂書馬湘傳後云嘉靖三十九年余修浙志將置仙釋七月二十四日有神附鸞書丹陽道人馬自然煩大夫修作不可舍我也余曰將欲修入志乎曰然曰我不知公出處奈何鸞書曰考西湖志餘見予蹟也元人院本中馬丹陽度人雜劇屢見益雲房洞賓之流矣

湖山懷古集

十二

亦曾參魏伯陽

隔江山色碧參差學道長棲水府祠安得長江作春酒待君痛飲更題詩

鸞背花枝鶴背笙白雲應已住瑤京苦將姓氏文壇乞始識神仙也愛名

仙緣曾唱紫雲迴換得金莖露一杯我是錢塘江上客肯山重訪舊居來

江上懷吳仁璧

仁璧字廷寶蘇州人一日秦人少習星緯黃白家言唐大順中登進士第已而入浙家貧常伴狂乞

於市錢武肅王聞其名待以客禮叩以天象辭非所知辟幕職又以詩固辭及秦國太夫人薨具禮幣請爲墓銘堅不肯屬草王怒投之江中有詩一卷行世先是仁璧學於廬山道士數年道士曰能學仙耶仁璧固陳求名之志道士曰一第猶拾芥耳但他年勿干英雄至是遂驗有女年十八能詩精天官之學仁璧被繫女泣曰文星失位大人其不免乎未幾王併沈之東小江見十國春秋雅言雜載則云關右人遊羅浮洞學老莊於張先生得其大旨武肅請撰羅城記不從怒沉於江建隆初

湖山懷古集

三

廣南劉隱遣人就羅浮設醮至山頂見石門一叟曰此羅浮先生吳仁璧所居後有人於羅浮句曲諸山見仁璧引十許歲女子是其女也

安貧祇合守蒿萊亂世何堪太負才竟逐鴟夷浮海去當年應悔出山來

虛負當年好士名沉淵何事到書生千年鸚鵡洲邊恨豈獨當年禰正平

萬樹梅花又一村夜深殘月弔詩魂手攜弱女成仙去家在羅浮舊石門

石鏡山前錦樹紅開門節度是英雄當年祇有羅昭諫曾

與君王共始終

西湖懷杜光庭

光庭字賓至縉雲人或曰長安人唐咸通中應九經舉不第遂入天台山學道潘尊師薦之唐僖宗從幸興元遂留蜀事蜀王建爲諫議大夫封蔡國公賜號廣成先生後主立受道錄於苑中以光庭爲傳真天師崇真館大學士未幾解官隱青城山號登瀛子年八十一卒顏貌如生人以爲尸解有文集三十卷洞天福地記錄異記廣成義東瀛子青城山記武夷山記墟城集仙錄諸書凡數十種

湖山懷古集

四

又撰西湖古跡事實二卷見續文獻通考及陳氏世善堂書目

洞天福地有前緣著錄丹經第幾篇如此文章猶下第才人那得不神仙

手握騎龍赤杖迴集仙畢竟是仙才不知何處驂鸞鶴徧覽西湖古跡來

包家山訪宋白玉蟾三一庵遺址用貫酸齋韻

白玉蟾本姓葛名長庚號海瓊子博洽儒書工書畫嘗於黎母山得洞元雷法祈禳輒有異應嘉定間召對稱旨命主太乙宮遂結精舍於此有辟劍

池得月樓諸跡庵在包家山下山川壇右

前庵曾建水雲間指點青林隱翠巒雲影依人停畫棟江
光如雨溼紅闌池邊寂寞清泉涸樓外蒼茫夕照寒牘有
前朝壇石在蕭蕭黃葉下漁竿

紫陽庵是宋張平叔修真處

三洞羣仙錄載天台張伯端字平叔嘗罄所得成
律詩九九八十一首號悟真篇居瑞石山是宋吳
傑集慶堂遺址平叔號紫陽故弟子徐宏道以紫
陽名庵後范應虛作玉虛望江二樓范涑撰紫陽
仙跡記勒石空翠亭 國朝雍正十一年

湖山懷古集

五

敕封大慈圓通禪仙紫陽真人

碧嶂峻嶒石骨奇洞天深鎖白雲遲千秋集慶三層閣一
卷還丹九轉詩兩浙名賢留別錄半亭仙跡冷殘碑
軒皇訪道控峒路寶籙琅函共護持

長橋飛仙里詠宋李芟食筍遇仙事

宋乾道中濟南李芟字定國寓臨安嘗詣淨慈過
長橋於竹徑迷路見青衣道人分與燒筍食之身
遂輕舉不復飲食後遊茅山尋又入蜀隱青城山
仙去後人慕之名其里曰飛仙里見列仙傳及容
齋隨筆神仙通鑑

長橋西去路修竹絲參天偶遇青衣客同參玉版禪峨眉
山隱月句曲洞橫煙啖芋何人事神仙總夙緣

西林橋酒壚詠髮髻道人事

齊東野語載端平間周文璞趙師秀數詩人春日
遊蕩湖山飲西林橋酒壚皆大醉熟睡忽有髮髻
道人過而睨之晒曰詩仙醉耶願酒家善看客我
當償酒錢以瓢中藥投水喫之地上成銀道人忽
失所在

雙髻簪花壓兩肩湖山遊戲亦前緣一丸深貯瓢中藥肯
與詩人作酒錢

湖山懷古集

六

周趙才名亦自賢旗亭賞醉夕陽邊陳芳國裏華胥夢半
是詩仙是酒仙

問訊橋邊舊酒壚西林煙水接平湖玉壺春色金盤露不
是詩仙許醉無

靈石山訪元句曲外史張伯雨墓

張雨一名天雨字伯雨錢塘黃冠號真居九成之
齋後入華陽洞自號句曲外史初見虞伯生伯生
問能作幾家符篆曰不能伯生連書七十二家伯
雨下拜曰真吾師也初居西馬塍建茵閣詩所云
歸錦橋邊停舫子散花灘上築樓居是也又嘗居

葛嶺有神光樓井西舟房隱真館後居靈石山有
 玉鈎橋賣玉鈎所建也所居名登善庵有黃篋樓
 自營墓於靈石隴卒遂葬焉明正德中山民鋤地
 值曠見一人盤膝坐爪髮俱長懼而掩之中有書
 二冊攜其一出至鄭栗庵家鄭願以一金易之其
 人云當至彼再取其一行將及忽風雷大作失書
 所在成化間姚穀庵重葺且爲之銘伯雨工詩精
 繪事善鼓琴與趙松雪倪雲林楊鐵崖薩雁門鮮
 于伯機相友善而高致靈跡復如此蓋稚川之後
 一人而已

湖山懷古集

七

外史神仙流亦是文章伯少入華陽山老作錢塘客古琴
 奏風林醉墨寫奇石平橋謚玉鈎小樓署黃篋更聞神光
 樓葛井有遺宅符篆七十二訣自虞家得遺塚茲山隅佳
 城安體魄何年石室開爪髮長胎息遺書動風雷太虛歸
 尺籍豈獨葛稚川湖山有遺跡

紫陽庵訪元丁野鶴王守素夫婦修真成道處用薩
 雁門韻

元丁野鶴錢塘人棄家爲全真道士居吳山之紫
 陽庵師徐洞陽有觀燈化鶴之異一日召妻王守
 素入山付偈云嬾散六十三妙用無人識順逆兩

俱忘虛空鎮長寂抱膝而逝守素亦束髮爲女冠
 人山途中拾小樹一束持歸栽之曰我成道汝成
 林後二十年樹已成林守素化去卽山前成道樹
 也明道士范致虛建亭祀其遺蜕元薩都刺有贈
 女道士王守素詩見武林紀事紫陽道院志輟耕
 錄瑞石山志

錄瑞石山志

華表何年返令威前身雙鶴是耶非玉壺自有芳春駐青
 鳥應知靜夜歸明月無聲當檻落綠雲何處隔江飛當初
 仙蜕依然在彷彿凌霄舊羽衣

湖山懷古集

八

紫桃軒雜綴載黃子八年九十餘碧瞳丹頰一日
 於虎跑泉與數客立石上忽四山雲霧湧溢遂不
 見子人以其爲仙去初疑耽畫者飾之今緇道藏金
 文玉笈經子人編錄非一以金蓬頭爲師莫曰鼎
 冷啟敬張三丰爲友生有夙慧其仙去也宜哉

山人家在虞山麓呼吸湖光飲山綠山人卜居富春渚桐
 江水碧盟鷗侶何年攜家湖上山林壑信美筭箕泉與酣
 落筆生雲煙得毋君是人中仙仙乎仙乎去何所虎跑泉
 上吟秋雨須臾雲霧生四山笙鶴簫鸞共冲舉淵源師友
 神仙徒玉文金笈昔所書我生學仙仙骨臞慕君高躅茲

山隅鶴跡滿地松影鋪坐久白雲生塵隅

三仙閣懷張三丰用顧豹文吳山尋張三丰遺趾韻

明文皇訪張三丰相傳隱跡於此內雕三像一坐

一立一臥林路日尚有文皇御札存閣中間在三

茹觀側

千秋名跡有無間名勝長留瑞石山蒼海已知龍化去雲

霄應有鶴飛還琳琅遺籍金書字河漢仙人玉鍊顏留得

當年高閣在華陽宮觀共躋攀

失山訪冷啟敬隱居

沐化類編冷謙字起敬號龍陽子元中統初與劉

湖山懷古集

九

秉忠從沙門海雲遊博學精於易尤深邵學及百

家方術靡不洞習至元間學畫於李思訓以善繪

名後遇異人授中黃大丹傳張氏真契之旨年百

餘歲隱居吳山頂上曉音律善鼓琴洪武初授協

律郎仙蹟甚著劉基為謙賦泉石歌

冷生古伶倫彈琴擅仙術隱居茲山巔焚香讀周易時聞

冰絃聲清響出林樾高皇制六合猛氣恃暗叱君獨玩弄

之頗似東方謫竊藏故示奇隱瓶聊自逸坐使英雄氣竟

為神仙懾鳳瑄吹參差微官虛協律惜未和南薰一奏朱

絃瑟

西湖酒樓詠烏衣女子歌法駕導引事

林下詞選紹興間都下酒肆中有道人攜烏衣椎

髻女子買斗酒獨飲女子歌詞以侑詞云朝元路

朝元路同駕玉華君千乘載花紅一色人間遙指

是祥雲迴望海光新或記之以問一道士道士曰

此亦城韓夫人所製水府蔡真君法駕引也烏

衣女子疑龍云

西湖流水學羅裙龍女雙鬟繹絲雲唱到赤城新法曲道

人應是玉華君

玉真娘子

湖山懷古集

十

睽車志程迥者伊川之裔紹興八年居臨安之前

洋街門臨通衢垂簾閉戶一日有物如燕自外飛

入倚著堂壁家人親視乃一美婦長可五六寸形

質宛然容服妍麗見人殊不驚惟小聲嚶嚶可辨

自言玉真娘子也偶至此亦非禍君君能奉我當

為甚善迥家乃就壁為小龕居之晨夕香火供奉

頗預言休咎皆驗好事者往往求觀輸百錢方啟

龕至者釋絳家遂小康至期年飛去不知所往

小字分明記玉真香龕經歲已芳塵前身飛燕輕盈甚應

是昭陽殿裏人

鶴林道院詠飛來野鶴

乾隆中有道人書飛來野鶴四字於道院山門壁
字大徑尺體類飛白飄飄有凌雲之氣相傳以為
仙筆道院在棲霞嶺上其後為金鼓洞林壑深蔚
真仙靈窟宅也

道人本是青天鶴仙翮凌虛入寥廓有時遊戲下人間醉
攬秋煙踏雲壑鶴林道院鶴所居仙山樓閣橫空虛與來
題名向祠壁傾城走看仙人書棲霞嶺上深雲樹舊是仙
人題壁處豈是當年丁野鶴乘興飛來復飛去君不見鍾
離書榜佛國開靈石亦見蕭耘來此閒殘墨尚留跡煙雲

湖山懷古集

三

黯淡生莓苔鶴性宜仙更宜野鶴壽不知其紀也北山靈
鷲亦飛來洞中我是呼猿者

鳳皇山梵天寺訪釋迦真身舍利塔

吳越備史云貞明二年命惠州防禦使弟鏐率官
吏僧眾詣明州鄞縣阿育王寺迎釋迦舍利歸於
府城仍建浮屠於城南置之楊文公談苑云釋迦
真身舍利塔即阿育王所造八萬四千而此震旦
得十九之一也鏐造南塔奉安太平興國初太宗
命取入禁中咸淳臨安志云顯德五年火開寶元
年忠懿王重建錢氏納土舍利入京置在開寶寺

按梵天寺在勝果寺南宋乾德二年錢王宏俶建
名南寶塔寺治平中改額梵天元元統間燬明永
樂萬曆二次重建寺有靈鰻井相傳護塔神也

我聞阿育王是為釋迦佛法示涅槃般若波羅密堅固
得舍利如是一切物八萬更四千粒粒有形質震旦得十
九此塔亦其一初從鄞縣來梵天開禪室終向汴京去開
寶森禪律此地窳堵波琳宮餘礎頽更尋靈鰻井檻泉聲
汨汨

昭慶寺戒壇是古燃燈佛降生地

寺在錢塘門外石雨橋石晉天福元年吳越王建

湖山懷古集

三

舊名菩提院宋太平興國間賜額大昭慶寺以南
屏亦有昭慶寺示別也自後屢毀屢復 國朝乾

隆十六年

御題深入定慧匾額寺中戒壇宋僧智永建 國朝康熙

中火燬重建為天下僧人受戒之所曰萬善戒壇

長洲尤侗為記云嘗掘地得碑有古燃燈佛降生

之地八字今嵌壇北

燃燈古佛解傳燈聖火長明寶炬升龍象皈依參一指人
天歡喜聽三乘偶來蓮社吟詩客定有雲堂過且僧留得
戒壇殘碣在禪宗吾欲問南能

靈隱是晉沙門慧理開山處作禮理公塔作

晉咸和元年西僧慧理至錢塘武林山曰此中天

竺靈鷲小朵峰何年飛來此地人不之信因就洞

中呼出黑白二猿為證後人因以名峰又曰佛在

世間多為仙靈所隱因建寺曰靈隱宴坐之巖號

理公巖亦曰燕寂巖今壑塔存焉

理公天竺人來向茲山住茲山信奇絕仙靈棲隱處靈鷲

解飛來飛來究何故理公已西歸空餘跌坐處欲問白猿

公洞門鎖雲霧惟有昔時月夜深上巖樹

靈隱飯猿臺是劉宋僧智一呼猿處

湖山懷古集卷二

三

靈隱寺志智一法師劉宋時居靈隱山半峰精守

戒範善長嘯養一白猿有時不還乃吮吻張喉林

木振響則猿至矣謂之白猿梵稱為猿父故今有

飯猿臺瑯嬛史唾云智一善嘯有長松之韻時名

哀松梵

不貽袁女環不尋越女劍祇約白猿公來聽白猿梵

放鶴既有亭呼猿亦有洞一角飯猿臺嬋嬋香藤弄

靈隱刹利院感南齊刹利禪師寶達誦咒止潮事

靈隱寺志寶達不知何許人晦跡武林山住刹利

禪院因名刹利禪師高僧傳云寶達嘗持密咒浙

江湖大至激射湖上諸山達哀其桑麻之地悉變

為江誦咒止之夜有偉人元冠朱衣謂曰師慈心

為物員聞命矣自爾西岸沙漲孫治治潮皆靈隱

僧論謂贊寧與延壽建塔創寺於江干慧炬為潮

神說三皈戒及寶達也

萬弩飛空幢鑄鐵錢塘江上長隄立錦袍玉帶英雄人何

似深山善知識往事人說南齊年江湖激射湖上山阿師

修持秘密咒潮神夜謁明鏡前潮頭改向西興浦從此居

民得安堵楊枝解為說三皈還有後來菩薩炬慧炬人稱炬菩薩

玉泉是南齊曇超為龍說法龍撫掌出泉處

湖山懷古集

五

在青枝鳴即玉泉寺南齊建元開僧曇超開山築

庵晉天福三年改建為寺名淨空宋為御前雨陽

祈禱第一所瀉祐問理宗御書玉泉淨空之院

國朝康熙三十一年

賜名清漣寺按佛祖通載及周棟玉泉開山記云曇超始

遊靈苑一夕有神人至曰我龍也世居富春鹿山

昆弟五人去冬邑人鑿山陶甓侵我室居羣弟怒

而不雨今二百日矣願師一往化之超至赤庭山

為龍說法俄而大雨西湖高僧事略曰超姓張氏

清河人嘗夜講經有一老人來聽詰之曰我龍也

師曰此地無水汝能致之乎老人卽撫掌泉自湧
出今玉泉是也宋嘉定三年賜號靈悟大師

羣猿獻果因聞梵百鳥銜花爲講經爭似曇公住靈苑夜
深說法有龍聽

細穀微生翠荇開遊魚戢戢更徘徊夕陽一片清漣影曾
是神龍撫掌來

龍華寶乘院禮梁傅大士塔

梵志云傅大士故漁人也遇嵩頭陀指令臨水觀
影乃悟前因梁武帝召見壽光殿大士索拍板升
座唱四十九頌而去鐵圍山叢談云龍華寺有傅

湖山懷古集

三

大士真身仍藏所謂敲門椎誦經拍板與藕絲燈
三爲吳越王從婆女雙林取來藕絲燈者梁武帝
時物也謬言藕絲織成實不然所織紋乃華嚴會
釋氏設法相狀有天人神鬼龍象宮殿之屬政和
後索入禁中臨安志云開運二年吳越王錢宏佐
捨瑞夢園建龍華寶乘院仍造傅大士塔按院在
宋郊壇東近包山處有元祐中蘇軾諸人題名院
旁有瑤華洞干官塔聞經臺片雲石青雲洞白龍

洞諸勝

梁武昔奉佛宮殿成祇陀雲光雨花異寶誌留識多更有

傅大士曾遇嵩頭陀臨水悟前因世緣一刹那唱頌四十
九臺城歎漚波歸骨來錢塘遺塔茲山阿拍板與門椎說
法親摩掌華巖藕絲燈雲海天龍呵蕭梁與吳越瞥眼浮
雲過古洞生春苔高臺裊秋蘿摩厓問題名殘字餘東坡
風雪穩僧衲煙波夢漁蓑我思嵩者誰將毋是達磨

飛來峰禮北周神尼智仙舍利塔

靈隱寺舊志同州般若寺尼智仙通禪觀言人吉
凶神驗隋文帝始生於寺尼謂太祖曰此兒佛所
祐太祖用委尼視育一日皇妣來抱見兒成龍形
驚墜地尼訝曰驚吾兒致令晚得天下及帝長尼

湖山懷古集

三

私謂曰佛法暫廢賴汝而興宜記之屬周武廢教
尼隱帝家而卒後帝卽位令天下造佛舍利塔咸
淳臨安志云仁壽二年遣僧慧誕齋神尼所囑舍
利於此造塔發土得石函一因置所齋舍利石函
其中不差分寸人咸異之釋山顯神尼舍利塔詩
云插漢浮圖古傳來隋代時神通仙佛母襪祿帝
王兒鬧市知眞主深宮禮帝師靈山藏舍利斑剝

故朝碑

釋迦舍利塔昔在梵天寺南來明州郭北去汴梁地神尼
舍利塔近在飛來峰生滅周武代顯晦隋文宮襪祿帝王

兒神通仙佛母象教皇圖延龍興佛國壽石函天所付靈
鷲護嵐煙試讀咸滔志還尋仁壽年

中天竺寺是隋千歲和尚寶掌開山處

寺坐稽留峰對永清陽隋開皇十七年寶掌從西
域來入定於此創立道場宋太平興國元年改建
為崇壽院政和四年賜額天宮萬壽永祚禪寺明
洪武初賜號中天竺永福禪寺高僧事略稱寶掌
中印度人周威烈王十五年丁卯生左手握拳有
珠在掌因以為名魏晉間東遊自云六百七十三
歲始抵峨眉五臺南返衡廬入建業與達磨遇於

湖山懷古集

毛

梁朝遂叩法馬泊來二浙愛天竺之勝結茆而居
者四十五年復移居浦江寶嚴唐顯慶二年謂徒
曰吾誓住世千載自來支那忽四百歲今已過七
十二年矣說傷而化世稱千歲和尚遺記滅後有
僧來取吾骨勿拒越五十四年刺浮長老至彼作
禮塔戶候開得其骨皆連鎖金色因特別建塔藏
之為中天竺開山之祖

笠雪鞋花汗漫遊遠從魏晉浙東周已更世賜一千載曾
歷支那四百州寺藏寶掌詩有行盡支那四
百州此中遍稱道人遊句鑲骨誰從巖
畔禮寶珠好向掌中收稽留峰下琳宮在賸有長橋枕碧

流寶掌橋亂石壘空不連
土相傳寶掌所建

下天竺法鏡寺是隋時南天竺寺僧貞觀開山處

西湖高僧事略觀字聖達錢塘范氏子世本顯仕
生有奇相出家通經律論尋謁天台智者請授禪
觀智者以師齊年止為法兄弟隋開皇十五年於
靈隱山頭陀石室宴坐眾建南天竺寺請師居焉
是為開山始祖天中記觀左手仙文右手人字八
歲通詩禮和庾尚書林檎之作沙門洪偃謂曰觀
高多智耳白有名我有四絕爾具八能謂義導書
詩辨貌聲某是也時人語曰錢塘有貞觀當天下

湖山懷古集

天

一半按寺坐飛來峰對月桂峰晉慧理繙經院故
址也唐末盜起寺焚殆盡吳越王鏐因址建五百
羅漢院宋大中祥符初改賜靈山寺天禧四年復
天竺舊額紹興間改天竺時思薦福寺慶元三年
以太皇太后旨復舊額寶裕二年改天竺靈山教
寺元末燬明洪武間重修 國朝乾隆三十二年
賜題法鏡寺額

左掌篆仙文右掌署人字始居靈隱山眾建天竺寺詩和
庾尚書禪授法兄弟一半誰可當八能貌尤異耳白有聲
名觀高多智計遠沂開皇年一卷天中記

三生石是唐李源見圓澤後身處

石在天竺蓮花峰下唐李源與僧圓澤友善相約遊峨眉舟次南浦見婦人錦襦負甕而汲澤曰此婦孕已三歲矣吾不來故不得乳今既見無可逃者後十三年中秋夜當與公相見於杭州天竺寺是暮澤亡而婦乳源後自洛適杭見葛洪川畔有牧童菱髻騎牛歌曰三生石上舊精魂賞月臨風不要論慚愧情人遠相訪此身雖異性常存歌竟拂袖入烟霞而去

菱髻騎牛認後身錦襦負甕悟前塵三生石上精魂在留

湖山懷古集

无

取空山證夙因

尚餘奇石臥林烟悟徹因緣卽是禪我亦紅塵間插脚不知生後與生前

韜光庵在靈隱西峰巢构鳴是唐韜光禪師結茹處卽用答白香山詩韻

韜光禪師唐穆宗時結茅靈隱寺西峰巢构鳴白居易嘗具邀師有瀘泉澄葛粉洗手摘藤花之句師答詩云山僧野性好林泉每向巖阿枕石眠不解栽松陪玉勒惟能引水種金蓮白雲乍可來青嶂明月難教下碧天城市不堪飛錫去恐妨鶯囀

翠樓前其高致如此至今庵以師名事見七修類稿按庵本晉天福三年吳越建廣嚴院宋大中祥符間改法安院世人但以僧號呼之方丈正對錢塘江江盡處卽海宋之問詩所云樓觀滄海日門對浙江潮二語殊切當也

巢构鳴畔好林泉曾記詩僧枕石眠儘有涼陰生綠竹尚餘池水種金蓮雲煙縹緲連諸嶂江海蒼茫入遠天鷲嶺龍宮光景在新詩吟向夕陽前

鳳林寺懷唐鳥窠禪師道林

道林富陽潘氏子幼出家詣長安受法於國一禪

湖山懷古集

三

師元和二年刺史裴常棣建定業院延道林開山道林嘗棲止松上有鵲構巢其旁人呼鳥窠禪師呼其院曰喜鵲寺白香山守杭曾往訪之謂曰師住處甚危險答云太守危險尤甚白曰余忝郡守何險之有師曰心火相交識浪不停得非險乎公悅舊有白舍人鳥窠問答頌石刻又有環峰堂龔夢軒君子泉宋淳祐中趙與憲重建鳥窠塔亭明宣德間僧如月重建敕名鳳林寺在葛嶺虎頭巖西釋來復詩鳥窠無樹山夔泣不見談禪太傳來卽此地也

我來虎頭巖言尋鳳林寺昔在唐元和建者裴常棣禪師
從何來富春指山翠古松如古刹喬柯作初地旁與鵲巢
鄰鳥窠作名字談禪太傳來問答生智慧識浪與心火危
險有深義至今環峰堂鐘聲和松吹豈獨巢构鳴韜光得
禪意

聖果寺是唐無著禪師文喜開山處

西湖高僧事略文喜語溪人姓朱氏開成元年閒
進具初習四分律兼講法華嘗往五臺山禮文殊
大士夜投古寺遇老僧問佛法曰凡聖同居俄失
所在後參仰山一日見文殊跨獅子緣側師訶

湖山懷古集

三

曰文殊自文殊文喜自文喜遂掌之文殊踴空曰
苦瓠連根苦甜瓜徹蒂甜修行三大劫卻被老僧
嫌光啟三年錢武肅王請住餘杭慈光院賜紫衣
及無著號光化三年移住無著院聖果寺志云師
七歲出家往五臺山咸通三年參仰山寂禪師令
爲典座大順元年錢王奏賜紫衣請師住聖果乾
寧四年又奏賜紫衣請師住聖果院乾寧四年又
奏賜無著號光化己未又移居無著院十月廿七
日夜子時告眾曰三界心盡卽是涅槃言訖跌坐
而化建塔靈隱之西隅聖果一名勝果在鳳皇山

瓠苦瓜甜定有無本來凡聖合同居五臺親禮文殊佛一
點禪心澈太虛

南天竺寺懷西嶺和尚道標

道標富陽秦氏子年七歲出家居南天竺寺嘗於
靈鷲峰之南西嶺下葺茆爲堂人稱西嶺和尚見
西湖高僧事略道標爲靈隱白雲峰海和尚弟子
經行之外尤深詩章與吳興清晝會稽靈澈相倡
酬諺云雪之晝能清秀越之澈洞冰雪杭之標摩
雲霄見高僧傳按南天竺寺今下竺法鏡寺也
雪之晝能清秀越之澈洞冰雪杭之標摩雲霄迢迢

湖山懷古集

三

至者窈竺寺茹堂自瀟灑靈鷲峰南西嶺下

慈雲寺懷澄觀

澄觀字大休會稽人姓夏侯氏天寶七年出家肅
宗二年奉詔入內敕譯華嚴建中二年駐錫慈雲
寺大闡華嚴教部天降甘露應之韓昌黎送澄觀
詩云愈昔從軍大梁下往來滿座賢豪者皆言澄
觀雖僧徒公才吏用當今無復從徐州辟書至紛
紛過客何由記人言澄觀乃詩人一座競吟詩句
新向風長歎不可見我欲收斂加冠巾洛陽窮秋
厭窮獨丁丁啄門疑啄木有僧來訪呼使前伏犀

插腦高顛顛惜哉已老無所爲坐脫神骨空潛然
出家會稽山駐錫雲門寺立教闡華嚴甘露降天瑞賈島
與大顛去就各有志強欲加冠巾昌黎乃多事

虎跑寺是唐僧寰中卓錫二虎跑地出泉處用東坡
病中遊祖塔院詩韻

五燈會元載寰中河東蒲阪盧氏子於并州童子
寺出家受心印於百丈海結茆南嶽後住浙江大
慈山西湖高僧事略云師居大慈學者甚眾山缺
水擬移錫夜夢神人曰我移南嶽童子泉就師取
用詰旦見二虎以爪跑地泉自湧出後有僧自南

湖山懷古集

三

嶽至日小童子泉涸矣按寺在大慈山唐開成二
年僧欽山建名資慶大中八年改大慈時僧寰中
居此得泉寺名以著咸通三年寰中入滅建塔曰
定慧之塔信宗御製塔贊遂名大慈定慧寺晉開
運二年改額仁壽宋太平興國三年又改法雲祖
塔院東坡病中遊祖塔院詩云紫李黃瓜村路香
烏紗白葛道衣涼閉門野寺松陰轉欹枕風軒客
夢長因病得閒殊不惡安心自藥更無方道人不
借階前水借與飽尊自在管卽此地也

松檜連山又路香嵐煙初霽縉風涼巖花墮地春僧永涸

竹當窗日漸長林外晚唐孤塔迥峰陰南嶽古泉方一甌
儘有閒滋味欹枕風前細意嘗

法相寺是後唐天台長耳僧法真藏遺蛻處相傳是
定光佛應身也

十國春秋云行修號法真泉州陳氏子生而長耳
垂肩祝髮金陵瓦棺寺至四明山中松下說法天
花紛雨又跌坐龍尾巖百鳥銜花飛繞來杭之法
相院依石爲室禪定其中乏水卓錫巖際清泉迸
出乾祐初忠懿王飯僧永明寺僧延壽告王曰長
耳和尚定光佛應身也王趣駕參禮行修嘿然但

湖山懷古集

三

云永明饒舌俄頃跌坐而化久之脂膚津澤爪髮
俱長寺僧恐其久而毀也乃髹漆其體崇寧四年
賜號崇慧大師按法相在南高峰穎秀隴舊名長
耳相宋大中祥符間改額自寺西沿隴上爲定光
庵錫杖泉跌坐石龕皆在其處

說法天雨花卓錫山湧泉至今長耳相雙耳長垂肩不垢
不淨佛之體不生不滅佛之理胡爲遺蛻至今存豈有靈
光定中起靈光非假相非眞色相長留亦夙因水流雲散
禪心寂纔是金剛不壞身

上竺法喜寺是石晉僧道翊得異木刻像開山處

後晉天福四年僧道翽結茆山中見瑞光發前澗
就視得奇木命工孔仁謙刻觀音像會僧勳從洛
陽持古佛舍利來納頂中妙相以具吳越忠懿王
夢白衣人求治其居乃卽地創佛廬號天竺看經
院宋天聖中僧說夢像浮空而行乃徙今所靖康
初有金難僧匿像於井兵退出之或云輿載北去
置燕之玉河鄉寺僧以他木肖像詭云匿井復出
無稽之言不足爲據天竺志云道翽當陽侯杜公
子出家終南山翠峰寺

辭家人終南雲遊憩天竺入定深夜中瑞光發奇木念彼

湖山懷古集

三

觀音力慈容皎如玉舍利洛陽來止觀證十六一覺錢王
夢白衣求治屋彷彿浮空行改卜茲山麓水旱咸應祈捷
若響空谷金難像匿井兵劫紅羊惡依然青蓮座萬指虔
薰沐迄今千餘載梵唄香雲積三竺茲最盛像亦神肅穆
刻者孔仁謙紀年晉天福

西湖懷貫休

僧貫休婺州蘭溪人有逸才長於歌詩嘗至錢唐
投錢武肅詩有滿堂花醉三千客一劍霜寒十四
州句武肅諭令改十四州爲四十州乃可相見答
曰州亦難添詩亦難改閒雲孤鶴何天不可飛遂

去至荆南投詩成泐不遇乃入蜀投王建詩有一
瓶一鉢垂垂老千水千山得得來句建大加禮待
以爲國師呼爲得得和尚號禪月大師休善畫有
十八應真像在文瀾閣其一卽休已像也

飛錫南來老貫休湖山如此合句留分明佳句留詩識一
劍霜寒十四州

雲間應與鶴同孤枯木寒巖好畫圖讀到阿師禪月集應
真留像在西湖

南屏慧日永明院是五代慈化定慧禪師道潛開山
處今之淨慈寺也

湖山懷古集

三

十國春秋道潛河中人本姓武氏顯德初忠懿王
迎入西府受菩薩戒賜號慈化定慧禪師居慧日
永明院嘗欲從忠懿王求羅漢銅容未白也王忽
夢十八巨人隨行明日道潛以請王奇而許之賜
號應真西湖高僧事略道潛身長七尺許眉痣七
點若北斗狀初謁清涼法眼一見異之許入室問
答言下開悟眼曰子向後有毘徒五百爲王侯所
重後如其言按淨慈寺在南屏山慧日峰麓周顯
德元年錢王宏俶建號慧日永明院釋道潛延壽
相仍坐教席宋太宗改壽寧禪院紹興九年又改

淨慈報恩光孝禪寺後仍其名

慧日峰高翠幾層當年白足有南能經函徧閱三千卷鐘
梵長樓五百僧門外西泠澄法界習前北斗明禪鏡應眞
夢裏隨行處法眼清涼一片冰

慧日峰雨花臺是智覺禪師延壽課法華經感四天

花雨處

惠洪智覺禪師行業記師餘杭王氏子兒時知敬
佛及冠誦法華經羣羊踞聽年二十八爲華亭鎮
將見漁船萬尾戢戢以官錢易之放於江坐法堂
死吳越王赦之遂出家投翠巖岑公學出世法吳

湖山懷古集

七

越文穆王聞而慕悅聽其雜髮當習靜天台天柱
峰下有尺鴉巢衣福中初說法雪竇建隆元年移
靈隱又移之永明以至二千號慈氏下生十國音
秋云延壽以心爲宗以悟爲旨著宗鏡錄一百卷
又注心賦抱一子若干卷賜號智覺禪師初住雪
竇尋歸西湖忠懿王請爲永明第二代居十五年
移天台夜施食朝誦經日課一百八事未嘗暫廢
自號抱一子 國朝雍正十一年奉

上諭加封妙圓正修智覺禪師淨慈寺內舊供法相重爲
莊嚴令僧徒瞻禮供養并著地方官修理塔院查

明支派

欽定承嗣之人雨花臺一名法華臺在萬峰房西淨慈寺
志謂延壽就此課法華經嘗感四天花雨明孫隆
構亭以識舊跡後黃汝亨等於此建香嚴社一時

稱盛

昔聞雲光僧說法天雨花雨者彼何人八部天龍擎永明
壽禪師於此課法華一萬二千部佛理深無涯寶雨雜花
墜聚若恒河沙人天各歡喜讚歎窮幽遐即今香嚴社石
路屯青霞長林蔽松檜苔蘚枝橫斜林外妙音鳥仙樂聆
頻迦

湖山懷古集

七

五雲山眞際院懷五代大扇和尚志逢
五燈會元載志逢餘杭人出家於餘杭之東山朗
瞻院嘗夢升須彌山觀三佛一釋迦一彌勒一不
識釋迦曰此是補彌勒處師子月光佛覺後閱大
藏經乃符所夢天福中遊天台入普賢殿宴坐見
神人曰凡折鉢水亦施主物傾棄非所宜也言訖
而隱自是洗鉢水盡飲之庵在五雲山頂宋乾德
時吳越將凌超創建曰靜慮庵一名定慧庵奉僧
志逢爲終老計逢出入山下時攜大扇號大扇和
尚入市乞錢買肉飼虎每迎載以還山人稱伏

虎禪師大中祥符間改賜庵額曰真際院西湖志

引高僧事略以為即理安者誤也

至人無欲物有欲龍食燒燕虎食肉阿師乞錢市肉回山
君斑子紛然來物遂其欲物不怒物順其性物可馭大扇
搖風風滿路猛虎載師歸寺去

清明借客過孤山訪參寥泉試龍井新茶用董靜傳

詩韻

咸淳臨安志道潛字參寥於潛浮溪邨人本姓何
以童子誦法華經度為比丘於內外典無不窺能
文章尤喜為詩嘗賦臨平絕句蘇軾為寫而刻諸

湖山懷古集

完

石軾守錢塘卜智果寺居之軾南遷道潛轉海訪
之當路據其詩語謂有諷刺遂返初服建中靖國
初曾肇言其非辜詔復祝髮賜號妙總大師墨莊
漫錄云本名曇潛子瞻改曰道潛智果觀音院舊
在孤山晉開運元年吳越王建宋元祐五年蘇
重建法堂并題歲月於梁延道潛主之泉在院中
初公在黃州夢與道潛賦詩有寒食清明都過了
石泉槐火一時新之句後七年守杭延潛居智果
有泉出石縫間甘冷宜茶適公以寒食去郡來與
潛別汲泉鑽火烹黃蘗茶忽憶前夢乃銘其泉曰

參寥泉並為之銘紹興二十年改充延祥道院寺

分為二一徙棲霞嶺陽後改忠烈祠今岳王祠是

也一徙葛嶺曰上智果寺寺後有泉仍名參寥法

堂梁有題字蓋東坡手書自孤山移來者

一痕竹外颺茶煙來訪參寥舊日泉何處危梁贖題字更

無枯衲解談禪緣尋白石三生後夢憶黃州九載前太息

坡翁解聞道石泉槐火至今傳

風篁嶺過溪亭是辨才送東坡處即用坡韻

咸淳臨安志云元淨本姓徐字無象於潛人十歲

出家受業於慈雲復事明智年二十五賜紫衣及

湖山懷古集

罕

辨才號沈邁治杭命住上天竺師僧室萬礎學者
數倍先後居二十年老於南山龍井之上東坡過
溪亭詩序云辨才老師退居龍井不復出入余往
見之嘗出至風篁嶺左右驚曰遠公過虎溪矣辨
才笑曰與子成二老來往亦風流因作亭嶺上名
曰過溪亦曰二老
昔聞謫仙人至契元丹邱乾坤兩浮萍浩蕩湖海秋坡公
嗜山水佳處嘗句留西湖更西去龍井如龍漱辨師古遠
公霜雪盈白頭彷彿白蓮社靜挹爐香浮超超元箸雋情
楮琴德優一笑過虎溪溪水橫清流重來訪溪亭高跡追

前遊華嚴禮法界禪悅聊忘憂

雲居寺懷佛印

佛印名了元字覺老饒州浮梁林氏子從師讀五經去讀首楞嚴經於竹林寺游廬山受法於開先遲道者至杭四住雲居寺四十年問德化緇白龍歸寺蠲燭庵皆嘗卓錫東坡守杭與友善嘗作偈贈之云千百鐙作一鐙光盡是恒沙妙法王是故東坡不敢惜借君四大作禪牀又嘗居金山寺坡與參禪遂留玉帶鎮山門也

卓錫龍歸寺然鐙蠲燭庵東坡老居士來此禮和南

湖山懷古集

望

小住雲居寺曾經四十年江風與松月香火證人天妙法傳一鐙禪牀借四大慧業落鈍根金山留玉帶

大佛寺懷喻彌陀思淨

思淨錢塘喻氏子好畫阿彌陀佛世稱喻彌陀棄家學佛就北關儼舍飯僧不二十年及三百萬賜妙行額廣所居爲寺接待不絕屬亂離造賊壘願以一身代一城之命賊爲少戢或問師何不參禪答曰生平只解念彌陀不解參禪可奈何但得五湖風月在太平何用起干戈兒時游西湖多寶山見秦皇纜船石輒作念曰異時當鑄此石爲佛後

果成之或曰佛在天宮何用鑿此淨作偈曰咄哉頑石頭全憑巧匠修只今彌勒佛莫待下生求

只解念彌陀不解參禪可禪佛兩俱空非空亦非我一身代眾命賊亦爲止戈始知定慧力能攝阿修羅秦皇纜船處巧匠斲山骨前生頑石頭今生彌勒佛

淨慈寺羅漢堂禮宋顛僧道濟像

淨慈寺志濟字湖隱天台李茂春子母王氏夢吞日光而生年十八就靈隱遠瞻堂祝髮風狂嗜酒眾訐之瞻堂云佛門廣大豈容不得一箇顛僧自

湖山懷古集

望

是人稱濟顛遠寂往依淨慈德輝爲記室嘗欲重新藏殿夢感皇太后臨賜帑金嘉泰四年夕醉繞廊喊無明發眾莫悟俄火發毀寺濟自爲募疏行化巖陵以袈裟籠諸山山木自拔浮江而出報寺眾云木在香積井中六丈夫勾之而出監寺酬之辭曰我六甲神豈受汝酬乎遂御風去瀕湖食螺已斷尾濟乞放水活而無尾嘉定二年五月十六日索筆書偈云六十年來狼籍東壁打到西壁如今收拾歸來依舊水連天碧擲筆而逝葬虎邱塔中蓋五百應真之流云七修類藁云濟顛聖僧

宋時屢顯聖於吾杭湖山間有小石像在淨慈羅

漢堂

風狂嗜酒六十年佛門廣大容一顛淨慈靈隱兩佛國顛也於此生因緣夢感宮闈示神異指揮丁甲同奴隸歸來依舊水連天五百應真誰把臂

瑪瑙寺懷元僧温日觀即題所畫蒲桃

輟耕錄日觀字仲言又號知歸子居葛嶺瑪瑙寺能書善畫所畫蒲桃皆草書法性嗜酒楊總統飲以酒則不一沾唇見輒罵曰掘墳賊每至鮮于伯機家抱軒前支離叟或歌或笑人莫測其意

湖山懷古集

聖

夕社招魂江水黑六陵無地悲寒食金蠶銀雁盡飄零千古傷心掘墳賊狂歌痛飲聊寫憂老僧飲交不飲仇南山老松識此意盤桓竟日心悠悠一飲真堪酒一斗畫出蒲桃聊換酒蒲桃在手酒在口畫成滿壁龍蛇走宜和枇杷今已無亦無行殿留西湖馬乳繫繫不知數蒲桃即是冬青樹

南屏松月居是明僧宗泐舊居用來復簡季潭泐公韻

名山藏泐臨海人始生坐即跌踰人異之八歲從全悟學經藏過目成誦自是深入秘密兼通古文

詞與僧來復齊稱淨慈寺志季潭泐別號嘗居南

屏松月居洪武初應召居龍翔集慶演經注經製讚樂章賜膳無虛日每和其詩稱為泐翁又命往西域取文殊等經而還

水雲心澹夢無驚曾為譚禪入禁城初地跌踰深佛海九天倡和重詩名求經萬里雲山遠讚佛中宵夜月明回首龍翔鐘梵地紫金山色拱神京

五雲山是古雲棲舊址明蓮池大師結茆復舊處

蓮池大師名祿宏字佛慧仁和沈氏子為博士弟子一日閱慧燈集失手碎茶甌有省乃於世相作

湖山懷古集

聖

一筆勾歌去而事佛遊方歸得五雲山古雲棲寺舊址結茆默坐山多虎患諷經施食虎遂遠徙歲大旱擊木魚循田念佛雨隨足注首倡毘尼以立基本單提念佛以攝禪淨檀越爭為構室漸成叢林弟子日進一時江左諸儒皆來就正孝定太后繪像宮中禮焉齋惟蔬蔬有至寺者一槩平等晚著禪關策進其所述有峭似高峰冷似冰句庶幾似之住山三十餘年別眾示寂塔於五雲山麓事見西湖夢尋及列朝詩集傳按雲棲寺在五雲山西一里雲棲陽宋乾德五年吳越王建本名雲棲

治平二年改棲真院明宏治間洪發院廢隆慶五年
 年秣宏行脚至此結茅構室掘地得碑知即古雲
 棲寺址遂標雲棲舊額其寺外無崇門內無大殿
 惟法堂以奉經律禪室以安僧眾而法規整肅至
 今稱實地修行者共推雲棲 國朝雍正十二年
 敕封淨妙真修禪師乾隆二十七年
 題西方極樂世界安養道場額
 五雲深處有高僧峭似高峯冷似冰空相早經勾七筆昆
 盧獨解衍三乘禪修本自儒修出道力應隨定力增本色
 住山平等法慧光不藉藕絲燈

湖山懷古集

景

湖山懷古集終

湖山雜錄

光緒甲午
九月嘉惠
堂丁氏童
刊秀州卷
文懋謹署

予之初識明府也自己未秋予以循陔陳情乞明府轉達其後以旌先君孝勇事數得相見五六年來予嘗往來錢塘餘姚間雖獻歲不一投名刺相問明府不以予爲簡也今年秋明府出詩一編見示問序於予予讀之見其氣象清遠方百端倥傯翛然一寄興於湖山之外釣篷梵榻亦與流連類此中別有所得也者而水旱之憂喜今古之懷思益益注流於柔翰極悱惻不能休吾知明府之惠澤在民而不知明府之能詩人知明府之能詩而不知明府胸中懇乎慷慨鬱盤浩浩乎其無所係也昔劉須溪目韋應物居

湖山雜詠桑序

一

官憫然有恤人之心其詩與孟浩然意趣相似今觀其游涉山泉超詣物外而斯民之康俸錢之愧不以埽地焚香置也元結窠尊石魚湖諸詩不必歸老江海便有引竿刺船之致而春陵二三策不啻秋月華星之照宇宙明府遭際隆平與道州固懸如穹壤而體

天子之仁恩不忍事追呼一意存活則獻其辭詎不足以當國風之採而揮琴財賦之疆憂理人之乏術此意特與蘇州近然則深山採藥飲泉坐石之風韻聲叟漫郎之襟期吾又安從窺明府之蘊也官於杭

而富湖山之吟咏者白傅蘇公不必漫爲摭比明府之詩明府之心存焉矣抑近日西泠盛風雅而獨向迂慵背世故之人索一言以爲序其亦以予爲知明府之心而能味其澹泊矣乎乾隆乙丑小重陽日錢塘桑調元書

湖山雜詠桑序

二

過雙清閣與主人瀹茗槍揮塵尾談湖山勝概因示
所詠百餘篇美秀而文溫潤以瑟卽擬作弁語而如
來頂上着筆正未易也沐日買牒子淨几焚香手一
帙與湖山相印証時或揚舲按節而歌經六橋孤嶼
閒櫓聲呀啞清越與新詩互答已而山舒雲斂水淡
嵐濃柳郁荷芬波沉魚躍不禁掀髯曰詩乎詩乎其
在此閒遇之乎若夫梵宮金碧古墓蒼煙漢籀秦碑
苔封蘚蝕無不彙諸毫端以抒寫其憑弔蓋其所閱
歷者深而寄託之餘感慨不少矣夫銷金鍋內遷客
騷人往往句留獨怪我兄以紅塵吏搥吟嘯於簿書

湖山雜詠周序

一

旁午之餘乃復肆好多風歎體畢具白耶蘇耶其人
如在然則余又何事攜筇蠟屐日探勝於兩隄三竺
也伏而讀之幽者石冷者泉灼灼者花嘒嘒者草蟲
嚶嚶者鳴鳥一開卷而如或覩之故曰湖山者化工
也非畫也而斯編固畫工也莫僅作詩觀也論者謂
湖山之靈借吟咏以不朽余旣未能免俗竊願附清
咏以傳與山靈之意將毋同爰掬泉研露濡筆而爲
之序愚弟周嘉猷拜手書

錢塘名勝

內唐宋以來官斯土者率以爲幸然

居省會上游政理繁劇臨民者恒日旰不遑食卽才
具揮霍游刃恢恢而或惴惴無華則于湖山之勝不
能流覽攷鏡播諸詩歌此白蘇諸公所以獨擅名千
古也同里王先生以名孝廉來宰斯邑不三年政成
化洽民大和會公餘出示湖山雜咏皆蒞任以來游
屐所歷長篇短什體兼眾妙六橋之花柳兩峰三竺
之煙雲江潮之澎湃吳山景物之殷蕃富麗畢見于
詩他若景梅鶴之高蹤弔岳于之忠烈則又激昂慷
慨抒寫性靈何才調之富有也蓋以先生少負雋才

湖山雜詠鮑序

一

胚胎家學政績旣堪澤物文章又足潤身際此昇平
嘯傲湖山詠歌盛事古稱仙吏何多讓焉昔人云春
雨如五色灑來花旋成先生詩標新領異庶足當之
他日有蒐採藝文者手先生詩一編以繼白蘇之後
則湖山勝概藉此可以當臥游矣世弟鮑鈺頓首拜
撰

神明之宰將相之門召樹郁苗南國世傳輿誦杜陵
韋曲西京代顯唵流家有賜書足漱芳而挹潤官無
長物惟別穴而搜巖方六一以名泉清于聖水後葛
翁而號嶺貪祇丹砂時或卻飛蓋而就松蘿屏鳴騶
而悅山鳥鶯花爛漫初歸銅虎之司書畫夷猶仍入
孝廉之舫盤根錯節恢游刃其有餘弄月擔風騁詞
鋒而寡敵重以育情瀟澹住白傅以三年骨相昂藏
屈龐公于百里仁風覃洽羣翟無驚惠露均濡嘉禾
有頌雕鏤物態閱蟬雀以多時披豁塵襟攬雲衣而
太息語多近道包莊樂與騷憂文亦生情覘前召而

湖山雜詠陳序

一

後杜若僕者門殊華閤分屬部民窺牖微明媿北方
之學者編年下走比南山之詩人治年家眷同學弟
陳兆崙頓首拜撰

余自束髮授書時卽嗜吟詠洎往來粵西三楚吳越
齊魯燕趙間所到之地類能檢入奚囊未敢遽以問
世迨通籍後宰秀州奉川寶婺諸邑雖有所得亦俱
過而不留歲已未蒞錢塘境內山水皆佳而西湖爲
最每於所經之處眼前俱活潑潑地因自有紉繹不
盡之致情往如贈興來如答一一發爲謳吟約得百
數十首縱不敢附于大雅之遺而里曲巴吟要亦通
人所勿禁念服官以來十有九年于茲矣雜沓糾紛
自顧心神俱瘁不謂我自營其勞攘詩偏報以清酣
于以知湖山佳勝實足以洗滌煩囂也爰揀諸囊中

湖山雜詠自序

一

彙萃成帙以其出自簿書塵濁之餘雅不欲虛擲此
心精且余宦況蕭然迹同萍梗篋中別無長物唯存
此一編覺六橋三竺與夫境內諸名勝不難神遊其
際庶不致山水嗤余爲俗吏而目我爲寡情其亦差
堪自娛矣若夫澄澈性靈廓除凡陋駸駸不懈于古
余雖有志焉實未之逮也乾隆十年歲次乙丑秋鞠
月朔後二日藩州王緯象文甫書於允懷齋

湖山雜詠

潘州王緯象文著

孤山行

猗歟和靖先生風獨古不以榮利嬰厥心惟喜種梅
飼鶴安農圃徵辟兩不就高尙遠圭組隱居二十年
城市絕步武不草封禪書誰繼湖山主玉簪端硯出
人間遺蛻千秋應不腐只今 宸章璀璨立邱亭
書舞鶴賦 勒碑亭中月下風清應有雙雙鶴來舞

西湖觀牖

湖高白龍飛晝夜奔不止澄瀾滙百溪遠水環卅里

湖山雜詠

一

雙峰溯清源城西固其委稼軒愁爲魚一決但尺咫
六井篔簹溼牖水猶瀾瀾真成天上船下注流何駛
桑麻沃隴陌斥鹵變城市河澗及海昌萬頃苗蕤蕤
我來值時和版鑰局未起如何銷金鍋枉使湖波滓
尤物堪利民詎徒遊觀美

飛來峰

一峰危拔地秀色故紛紛鶴出清晨遠猿呼靜夜聞
石生奇樹木洞鎖冷煙雲鐫佛空留鎮飛來笑俗云
元浮屠鐫佛像于石壁俗傳恐其飛去以佛鎮之

韜光庵

石徑通曲屈韜光緩步登千尋幽篁密百道流泉激

龍池金蓮開靈湫蜥蜴憑海門接江介岸隔分西興

越嶠繡幃列明湖晶盤凝三十六灣上北高摩雲層

清蓮寺

曲沼澄空似鏡懸山門 御筆耀清蓮 寺原名玉泉

清蓮寺 紋生水面千絲碧影動遊鱗五色鮮淨比禪心

堪寫照遠涵 聖澤自無邊濃陰滿院輕颺度涼意

還看細雨泉

表忠觀

吳越江山大力扶褒忠廟貌傍明湖仁能納土歸炎

湖山雜詠

二

宋威可迴潮敵子胥營列錦衣留故址山開石鏡光

雄圖坡公墨妙輝千古更煥 龍文仰 聖謨

于忠肅公墓

當年扶社稷功大有誰倫兵識團營練官惟司馬真

奪門誇策士裂袖失忠臣埋血應成碧魏祠聖水濱

岳鄂王墓

馬鬣荒涼秋暮時棲霞煙雨黯松枝中原期復河山

壯南渡誰憐社稷危二帝蒙塵當日恨一門含屈至

今悲英雄雖往勳名在千載西湖草木知

范忠貞公祠

當年梟獍亂烽煙忠節如公動九天
炭篆龍蛇成碧血身羈犴狴誓黃泉
岳于祠墓松楸接閩越江山俎豆
連共識英魂期報國句留應屬聖湖
邊公巡撫浙江時題額

湖心亭日句留處
蓋取樂天詩句也

觀潮歌

錢江八月風蕭蕭牛魚起毛來寒潮步
出城闔相徵逐登臨高閣爽氣招士女
競往觀沿隄如堵齊喧囂萬日睽睽向
東矚俄而海門一綫飛迢遙靜聽聲如
雷轟然雜衝颿飛花噴雪倏忽千頃與
萬頃欲吞龍藉山之椒冰岸千層浮澤
國瓊岑百丈連雲霄軋盤

湖山雜詠

三

涌裔乾坤震渤澥還疑溢沃焦驪龍驚
湍眠不得沈沈浼浼魚龍失勢多蕩搖
強弩萬人威何猛鴟夷千年怒未消憶
昔吳越苦鬪爭戈船三百何處漂嗟彼
南遷空講武水軍組練今寂寥三日馮
夷罷擊鼓江岸元兵響夜刁千秋事業
一彈指潮頭依舊暮暮與朝朝觀者眩
目驚難渡欲令鼉鼉駕成橋泗水吳兒
弄不止駭浪涵礧羣能跳須臾江面平
如掌富春一去乘漁舸俶詭萬變樟亭
濤忽傷兩岸木葉迎秋凋此際天卑一
萬五千里海昌之塘永固承平朝

鳳皇山懷古

銀杏今尋何處存鳳皇山麓認山村
一從滄海沉王氣便使浮屠壓腹圍
輦道久于荒草沒宮墻豈是怒潮吞
追思代謝千秋事愁對淒涼落照昏

西湖山房瓶中千葉桃花

暖風香雨葉蒙籠折得芳菲兒硯供
紅萼最憐深淺暈春情似惹萬千重
瓊筵對處渾銷恨露井開時倍覺
穠舞蝶流鶯簾影隔仙源由此意
相逢

貽周辰遠明府荔枝

紅鹽水浸自南閩回憶枝頭摘取
新鮮透丹衣分指甲潔同白玉濺
牙齦品題蔡氏憐多種圖畫香山喜

湖山雜詠

四

贈人貽子愧無三百顆況兼色味已經旬

偶憩迎薰閣詠藕

曲水多青泥青泥難污藕本是冰雪
姿潔白能自守外視洵渾直中通七
竅有輕絲喜纏絲數節連幼嫫愛爾
涅不緇他品安可偶世人亦如斯君
子欣為友

山中晚行口號

槽槽雲外岫鏤鏤霞中天樹老含秋
意村孤帶晚煙鳥健歸隴上白鷺掠
溪邊梵放林深處尋僧借榻眠

萬松嶺

木樨開徧占秋光颯颯風飄夾徑香
松列高低迷舊

蹟嶺分裏外問遺坊江湖雙鏡懸清照天地孤亭接
混茫 聖聖相承頌 御筆講堂煥彩仰 龍章

湖白 并序

杭人於冬時汲湖水釀酒味甘而色白名曰

湖白飲之因作

湖激飛霜後寒泉釀酒新價因低易售味以淡含真

玉酒看同色梨花豫借春梨花春見長慶集此中澆礪魄浮

白不辭煩

臘後登吳山

誰解登高意清虛接太空雲低連霧白日上映江紅

湖山雜詠

五

梅老先春發松蒼殿歲終環城多曉色半是爨煙中

謁鄂王廟觀孝娥銀瓶井

鄂王忠武銜國憂心並日月懸千秋炎宋南遷摧半

壁全憑砥柱撐中流孫吳兵法好誦讀左氏春秋復

旁搜挽弓三百弩八石少負神力能舒鉤帝手親書

精忠字報國深結權臣讎金牌十二趣班師三字意

揣成姦謀皇天后土寸心表浩氣孤忠萬載留棲霞

嶺麓瞻馬鬣靈旂夜捲風颼颼城西舊屋連古署逢

時祀典崇王侯忠臣孝子一門聚貞娥傑出與父侔

手抱銀瓶斷素縷石登百尺輕身投西湖歌舞多混

濁惟有此井寒泉幽剔薛試看碑與碣古今題詠書
法道君不見葫蘆宮井埋幽徑荆榛滿眼成荒邱茲
水泓澄涵明月波瀾不起長悠悠

讀蘇文忠表忠觀碑

勇貌壯衷忠停驂偶一至碧草映塔除柳浪遙分翠

累世遺像尊冕旒王者位試看眉山碑屹然鎮巖巖

雄文夙誦習剔薛翫弗置抉石狀怒貌矯健書法異

不踐古人迹東坡云吾書雖不甚精自成一字謂

之黑豨者撼樹笑狂恣江山藉保障龍鸞 宸翰賜

觀懸 御筆保 障江山匾額 異代表勳庸寶碣千秋峙

湖山雜詠

六

游六和塔并尋金魚池

浮屠縹緲插江邊越絕村墟望渺然曠土登臨通象

教狂瀾屹鎮護人天金魚空漾清池水碧玉還看噴

月泉半畝當年傳太守丰姿鸞鶴憶坡仙

同人遊雲棲寺飲洗心亭卽以洗心二字爲韻

松花飄人衣山行愛迢遞嶺畔磬聲微竹裏禪關啟

法門得周孔錢蒙叟言蓮池師清規別臨濟留客有

山僧堆盤餉春薺結伴坐幽亭泉聲聽瀾瀾拈韻吟

新詩發顏飲醅醴我心本無塵對此何須洗香客游

興濃雲籜青鞋底

古徑蠹寒玉虛亭名洗心為憶蓮池師隻鉢坐珠林
隆慶蓮池師過雲棲見其徑
曲林幽透孤形隻鉢坐壁間
師乃誦瑜伽 蓮池師有竹
經虎不傷人 竹窗時一吟
窗隨筆諸書 相隨欵春風
躑躅滿雲岑流觴豫脩禊
時距上 溪水送清音歸來

江村路龜緒生夕陰拾級登六和更覺開煩襟

西湖竹枝詞

西湖桃李占春風游女紛紛入寺中天竺觀音爭拜
禮歸來齊帶映山紅

西湖柳

細葉柔條萬縷絲三眠三起舞堦堦童童分得仙人

湖山雜詠

七

樹一名長壽 怡與西湖煙雨宜

伍相祠

兩國千秋空霸業遺祠今日獨崔巍句吳為沼遺言
驗於越行成苦諫違血染屬鏤空慷慨沉鳴革一
獻歛江邊英烈魂長在潮汐年年帶怒飛

王忠毅公祠

公諱良字天性祥符人建文朝觀察浙江成
祖靖難遣使召公不赴積薪自焚夫人亦投
池死福王時贈副都御史諡忠毅
當年廉使事堪論入拜英靈廟貌尊玉步改移官印

在公先收諸印藏之 頭顱焦爛壯心存一封不受新
君詔九死惟酬故主恩猶幸不同瓜蔓慘遺孤應足
慰忠魂公就義時以子
付所善某僉事

四賢堂

祠堂壓孤嶼遺像垂千秋唐宋雖隔世仕隱堪同儔
昔者代宗時武林來鄴侯鑿竇通六井鹵導清泉瀏
素纓汲不竭閭閻蒙其休石函白公隄築捍上湖流
欲尋幽篔迹久湮難追搜元祐開葑田長公敷政優
長虹跨南北六橋勝迹留桃柳比甘棠至今喧杭州
荷衣一處士榮名無所求不與天書事當時皆舍羞

湖山雜詠

八

出處超人羣四賢賢聲侔湖山有宗主高風俱悠悠
夏日過雲棲寺

雨餘向曉踏江塘四面煙霞繞寺傍竹徑陰濃消暑
氣稻畦綠滿帶風涼幾聲清磬禪音朗一枕閑寮客
夢長不斷溪流高柳畔便思鍛竈學山陽

春日宿湖上僧舍喜晴

昨宵雨歇見疏星霽色凌晨已滿庭曉日催開天影
碧遠山濃放佛頭青蜂喧花底嫌多鬧燕語梁閒耐
細聽最愛明窗明十倍硬黃閒揭換鵝經
謁文丞相祠

龜鑑陳言早歲傳公廷對時識者論壯心自負海堪

填公詩壯心指南詩錄存忠烈公詩有繫北歌留識

浩然庭在北炎宋匡山扶一脈幽燕柴市恨千年存仁

取義綱常盡書卷應無愧聖賢

仲秋同人遊湖上二首

彈指明湖幾度秋此身多是被句留水光激盪心俱

潔風景澄鮮興轉幽金粟香飄來別圃碧筒酒吸快

同儔畫船簫鼓嫌伊鬧小艇思將載鶴遊

輕紅零落藕花居秋色宜人八月初偷暇情多耽水

石忘機趣欲問樵漁柳塘竹塢清陰迴風樹山莊爽

湖山雜詠

九

氣餘俗吏偶來須洗眼隨時領略莫躊躇

雪後登吳山

着屐高登第一峰雪餘猶見凍雲濃江山眼底銀光

眩廬舍城中玉屑封清氣忽教通帝座晴空難得豁

人曾危岑遙矚窮何處十二樓前積素重

同人集西爽亭分賦得寒樹晚蟬疏

寒蟬喬木裏嘒嘒近吾廬韻出空林晚聽隨落葉徐

清虛能應候高潔本生初歲暮聲多急秋深蛻欲除

依稀尋莫覩哽咽意何居吸露非貪飽吟風想自如

櫻桃鳴已杳揚柳影同疏擬向峩冠集飄飄兩翼舒

德生堂看芙蓉二首即放生池

一望長堤綵練橫放生池似錦官城飄飄霞舉開初

日片片雲凝映晚晴露下花容憐影墮水中色相浴

神清拒霜直欲誇高節籬鞠應呼作弟兄謝遷芙蓉詩已呼晚

鞠爲弟兄

文官花向晚秋開祇爲花開結伴來莫詠楚詞衰木

末豈同湘岸託根菱粉調堪作龍香劑色豔眞如錦

被堆幾去游觀頻佐酒醉深客信玉山頽

謁朱文公祠并序

晦菴夫子提舉浙東興利除病善政多端杭

湖山雜詠

十

民感之立祠于孤山之陽每謁必瞻仰移時

乃退讀全書知昌明道脉周情孔思坐言起

行已于治浙略見一斑敬展之餘不勝羹墻

之慕云爾

斯文未淪喪紫陽爲砥柱道脉得薪傳吏治昭千古

韋齋肇家學門庭踵其武遠從延平遊不惜徒步苦

羣書搜秘奧六經開訓詁盛世崇名賢全集頌區

宇配食文宣座位越東西廡瑤篇垂金薤煜煜輝

環堵正席一誦過微言沁肺腑驚湖昔辨難象山焉

可伍大聲撼雷門他說皆布鼓異學不敢鳴千秋照

書圃

臨花舫咏落梅

臨波舫外寒花謝粉瓣黃鬚點砌臺甘逐雪霜隨地
委羞隨桃李後時開一聲羌笛驚吹落五出宮妝拂
夢回御史司花風力減仙人騎鶴羽毛摧豈關玉杵
分成片疑是金刀剪作堆骨冷連環埋碧草香消素
質墮青苔遙知庾嶺林閒盡誰向羅浮月下來收拾
芳心貪結子和羹用爾作鹽梅

初春湖上

冰凍玻璃色未融畫船衝碎玉瓊瓏梅花吐白香彌

湖山雜詠

十一

野柳綫搓黃樹幾叢山麓湖潯猶積雪茅簷竹舍獨
臨風樓臺金碧誰瞻仰共說新來御史聰是日巡臺御史舒公

暮春循六橋至白沙堤遊興

九十韶光驚剎那湖山景象又如何因風吹絮垂楊
外出水浮萍聚葉多青草侵腰香客去緋桃照面美
人過誰家魏紫姚黃盛坐對頻傾鸚鵡螺
四望湖頭綠樹縈段家橋上騁遊情泥香燕啄雕梁
壘花片魚吞錦浪生白擁繡毬光自冷紅翻芍藥氣
猶清柳陰深處如簧奏好帶雙柑一聽鶯

遊理安寺

涌泉夙擅勝符夢我登臨溪漲橋流急峰多徑轉深
參天竹个个繞寺柏森森夜半江聲過尤空出世心

泛舟西泠橋

明湖裏外一橋通風景由來各不同遊舫西邨春色
靜弁陽老人詞云看畫船盡入西村閒卻半湖春色幽林北苑畫圖工周公謹遊
西湖入西村橋指林麓最幽蘇家弱柳猶含媚岳墓處曰此真董北苑得意筆

朱金祝三公廟并序

宋建炎三年兀术驟逼臨安乘輿航海以避

湖山雜詠

十二

守臣康允之棄城逃去錢塘令朱公蹕統布
衣范瑀所募民兵力捍於餘杭死焉尉曹金
公勝祝公威收拾餘燼設奇伏險以巨斧斫
敵于葛嶺繼亦俱死阻禦數日城中民始得
扶攜以避鋒鏑事定邑人德之建祠以祀額
曰靈衛志後附前人題詠三章爰和其韻以
申仰止云
協力攄忠著楷模守臣先去剩孤雛當鋒鄉勇能鏖
戰避難羣黎得載驅航海奔亡非廟算乘輿返正仗
公扶至今偉烈昭青史凜凜生前德不孤

共仰英靈令尉魂當年仗節泣蒙塵名稱忠義三公
顯事在乾坤萬古春武穆先聲端賴此睢陽追步更
何人也知螳臂終無補肯棄封疆便角巾

祠近西湖自絕塵空傳南渡百餘春六宗土地憐成
幻八社民人祀卻真漫道官卑無妙術須知事急有
忠臣我來起敬瞻遺像寂寞青山對綠蘋

紫雲洞

新秋入洞遊陰涼尤徹骨谷中蝙蝠藏聞聲羣飛越
左竇豁然通峰頭烏石突香臺紫氣縈時見雲出沒

金鼓洞

湖山雜詠

三

伐石金鼓聲昔人曾一試手欲搗山泉默爾滌煩思
小閣俯塵寰海疊眼力至更借一牀眠神仙夢可遂

黃龍洞

一名無門洞

竹籬山徑迂松陰颼風送爲憶無門僧名傳無門洞
卓錫石谿訝泉忽于此貢色紺味復冽古今飲者衆
乘興獨徘徊借遊鮮二仲龍兮豈在茲雲從天宇空

攬勝齋文蘭

小引

其花於初秋之杪獨抽一莖萼如玉簪凡十
有四俱簇於頂開盛則圓滿玲瓏雖狀如山
慈姑而色甚皎潔兼之紫蘂黃心清香時度

誠異種也葉較萬年青長大而健聞產自西
洋乃不多見者名曰文蘭意必有取爰與同
人倡和以誌

誰攜文物海航來蕙萼蘅蕪欲共栽葉長青瑤犀角
健花含玉質蝶衣開高軒移置親書史磁斗深培出
草萊愛此清標誇百卉便思紉佩與徘徊
萬年青葉擬相伴並萼偏于一榦抽恰似彈箏銀指
甲渾如綰髮玉搔頭檀心暗襲香時杳紫蘂叢生細
更柔人道琪花來甚遠我疑只恐是瀛洲

詠竹素園中雁來紅

湖山雜詠

古

點染秋光玉砌邊亭亭自是草中仙陸放翁詩一枝
眞作草中仙
風翻雲錦紅黃影日照朱顏老少年並影雞翹叢正
茂一聲雁唳色逾鮮放翁有句堪持贈不學春花巧
弄妍

流觴亭詠荷包牡丹

枝上紅綃費剪裁春心收拾半含胎珍珠一串穿多
少喚作魚兒得得來

南山亭觀繡毬花

漫說枝頭雪未乾叢開帶雨壓雕闌風翻歷亂春心
碎月照玲瓏玉骨寒疑是梅花穿一簇卻憐粉蝶滾

成團誰人繡與三郎戲子細輕拋莫遣殘

觀瀑軒賦得水流心不競

天懷同澹淡活潑有源頭習坎聲偏杳虛中物不留
一泓澄徹底萬里濯清流動象原無滯神明本自由
臨深皆是學樂水更何求爰悟乾坤理惟茲日夜浮
猜疑隨汨汨興趣任悠悠滌消塵滓心平愛泳游
漫云兼四德便爾豁雙眸雅量滄溟侶奚勞說海漚
白雲山房伏日偶憩遣興二首

條煩吞六癸靜室辟塵埃蘭箭香爭發茶槍淪未開
龍尋清澈柄冰井冷生臺當此炎蒸裏休教襪襪來

湖山雜詠

五

秋霜曲試奏隆暑散聲中展印蒼苔雨襟披黃雀風
蓮疑解客語蕉信悟身空物理微推慮猶憐是夏蟲

丁家山亭外闌天竹疊韻二首

色近朱門野外移秋聲結得影離離不須鐵網沉滄
海直比珊瑚綴綠枝萬顆圓勻含日麗一叢聯絡著
霜宜非同練寶猶稱竹卻耐嚴寒種亦奇
數幹誰人手自移琅玕翠色葉彌離鶴頭碎翦凝成
子猩血新融濺滿枝赤似守宮留點在紅如豆粒記
歌宜亭前寂寞中宵對高燭燒來照眼奇

放鶴亭觀梅次坡公韻

品貴清癯非枯槁廣平梅賦應傾倒春回臘盡占年

芳百花難妬復難惱園中已報五分開龐頭持贈一
枝早檀板金尊拊不須風簾銀燭照偏好待月黃昏
香暗浮鬪雪精神誇淡掃壽陽公主妝多新姑射仙
人顏不老留茲乾蘂和鹽時預識孤芳向晴昊
望春樓賦春秋白燕次友人韻四首

浮波浣淨羽毛稀春社何來帶雪飛形映瑤光難辨
影翦迷珠箔似穿機梨花院底偏無覺明月梁閒恐
未歸疑是呢喃誇皎皎紅襟空自說烏衣

金天猶見哺雛忙畫棟雙棲妬玉堂素質流輝翻上

湖山雜詠

六

下冰心不昧識陰陽香銜叢桂身濡露花掠芙蓉色
拒霜柳外秋蟬堪作侶欵頭白鳳共珍藏

天璽曾銜事本稀金籠欲貯莫教飛浴從銀漢應無
匹閒逐沙鷗共息機翠幕曉空憐玉冷朱門晚起帶
星歸牡丹闌外醅醖架粉蝶休矜獨曬衣

秋迎白帝去將忙珠閣和光勝草堂每望鶴翎思與
健不同雁影慣隨陽潔清自愛常依日雅淡誰知戒
履霜待得碧桃春正放又來瓊島豈終藏

雨中赴天竺

三竺空濛裏四圍煙靄中溼添山樹碧潤滴水花紅

捫滑行幽徑迎涼坐梵宮靈峰知我意一雨快農功
同人集湖心亭

環繞玻黎色湖光似鏡開一亭含萬象四面絕纖埃
暑向波心散風從水上來虛中無障礙神會獨徘徊

六一泉

天一相生地六成甘泉巖畔自澄泓方池湛若涵心
白廣整冷然偃眼清蘇氏有銘堪歷劫歐公別號藉
留名慧勤化去餘芳草試想當年涌出情

聚景樓前牡丹色甚瑩白茲當大庭內有一朵

姿容淡絳於眾芳中獨標穎異雖畫工亦有

湖山雜詠

七

不能到者此造物巧於孕奇爲之欣賞作長

歌以誌其盛

亞宇闌邊百兩金瑤華火後開春深皎潔亭亭縹塵
遠清光脉脉皓月臨突出一枝真國色芙蓉嬌面新
妝飾姚魏之家恐亦無與較玉盤尤奇特高張翠幙
護雨風秀質天香誰可同分明仙子珊珊來闔苑時
有八十老翁云未覩眼中君不見歐陽公之牡丹句
造物著意有何故豈是疑人心巧僞亦欲鬪巧精微

露歐陽公牡丹詩又疑人心愈巧僞天欲鬪巧窮精微

賽西湖觀荷

濂溪祠畔偶經過到眼亭亭處處荷白社遠公成雅
會紅蓮太乙泛滄波花邊翡翠剛捎過葉底鴛鴦奈
夢何莫把雙蕖譜怨曲採時越女唱新歌

過雲居寺

緬懷楊鐵厓步過鐵冶嶺琅琅讀書聲邈然追昔景
招提憑高岡雲居亦清境林樾午風深禪房白晝永
雉堞村郭分楓巔遠近嶺山色萬千重湖光三百頃
飄飛羅刹江潮辨龕楮影俯瞰銀海寬久留金地靜
更欲嘗佛泉障礙能無省爲憶中峰師學道宗箕穎
名乃至今傳德山天機秉鹿鹿笑余何頓教塵事屏

湖山雜詠

八

宿光明寺

橫山第一峰古刹追所自建自唐顯慶時清景來相尋幽徑
罕人至嗟彼狐貉邱古今同一類蒼鬱山氣深蒙密
竹環萃僧寮鴨脚餘樹外龍腦植天風助淒清寒燈
不成寐我甯有道人頗具淨名意心兮本光明忘在
光明事

臥疾遣興四首

豈同秦穆見鈞天符水誰將飲便痊惟有依方餐白
朮抱疴旬日費丹鉛
嬾於卜者問臺貽渫越精神強自裁萬事偏於靜裏

集一心層疊撥難開

爲歎于牀莫奮飛年來似病又疑非有時釋我杯中影從此歡然志不違

漫比文園消渴身東風料峭易侵人臥添霜鬢心隨老不見紅桃負此春

仲夏二日遊雲棲

峰多巖巖四圍連塢裏楊梅摘正鮮翠滴干竿遮徑竹寒生六月洗心泉山含古木饒深邃境入祇林得靜便到此利名同象外思除煩惱絕塵緣

紅門局看梅步林處士山園小梅二詩韻

湖山雜詠

九

紫華綠萼占春妍樹樹精神聚滿園冷淡人偏來雜
逕清癯誰與伴黃昏枝橫月地多疏影香杳風亭恐
斷魂開到五分三百本無言坐對酒盈尊
索句腸枯筆又乾繁華彷彿畫猶難漫誇高品凌春
早自有貞心耐歲寒處士廬邊招客賞正功局裏許
人看一枝欲向長安寄驛使歸時帶馬鞍

嚴州李仲德司馬以羅浮蝴蝶繭見貽索賦

四百峰前夢想時雲巖洞裏葛衣遺繭隨荔葉攜來
遠羽化筠籠放欲遲隱入花叢翻錯采飛依玉砌自
光儀韓憑未許爲蝴蝶謝逸應知有賦詩

編爛別有一春駒風露恣餐性自孤傳粉抹紅驚特
異明金刷翠本來殊寄情莊子添佳夢寫照滕王補
舊圖聞道羅浮仍去也尋香尋豔復來無

庭前萱

可與皋蘇共癡愁影搖石畔植庭幽金英丹粉開無
限作佩應知則百休

將欲成旱得雨喜賦

敢云步禱竭精誠喜得甘霖四野傾田底無文龜坼
泯風中有石燕飛輕歲君在酉占豐稔木德留心樂
順成頓使萬民稱大快那知更快牧民情

湖山雜詠

十

宿崇福寺贈朗融上人

大雄山下晚煙侵佛火光明出遠林坐對課香參靜
境醒緣伐鼓警塵心道於指上燈前見機向針鋒粟
穎尋開士情殷能款客談經不覺夜沉沉

長壽鄉中山行卽事

雖歷崎嶇境中懷自坦然閒雲迎谷口活水識山泉
楊柳秋深悴芙蓉雨後妍高樓聊一憩清夜檢書編

花朝前二日湖上

芳草隄邊曉露滋魚鱗片片水雲移木蘭欲吐猶濡
筆柳葉纔舒似畫眉景物萬千根大塊春光一半在

斯時不聞風外吹羌笛只見梅花落滿枝

詠西湖蓴花

不向湘湖向此尋
雉蓴花帶葉森森絲長縮結猶蒼
佩蓴吐浮甌似紫琳
貼水影搖游客權凌波香沁野
人心季鷹秋思中
郎品未詠瓊姿映碧深

蓴花和鮑辛浦明府韻

弱幹浮沉帶曉煙
芳蕤含紫夏初天
尾疑翠隴同馴
雉花許炎溟傍睡蓮
睡蓮出南海葉如荇花有五種色
綠藻香芹皆

蕩漾翠禽白鷺映鮮妍
脂凝雖茹龍涎美更與幽蘭
欲並傳惟花中之蘭可以作配見耕餘錄

湖山雜詠

三

玉泉觀魚

雨後渟泓見底清
錦鱗遊泳自縱橫
一聲潑刺含真
意半畝空明洗俗情
使畜池邊思子產
忘形濠上樂
莊生要知貪餌終非計
應向滄溟掣浪行

扶桑花

日及初開映曉霞
豐翹新異著吾家
扶疏酷肖柔桑
葉清豔渾如芍藥花
雲護嶺南生赤槿
槎來海外載
朱華耕園驛裏看
仍舊今昔傷情咏
自賒蔡君謨有耕園驛佛

桑花詩一首明年四月復至驛花尚仍舊追感昔游因紀前事

題葛尚敬觀獵圖小照

霜天日短風肅肅
健兒獵騎驅平陸
籠山絡野廣搜
羅獸肥草淺難藏
伏五犯疊中鳴角
弓雙鵬齊落穿
金鏃莫嗔鷹犬好
競逐能教狐兔生
敲棘觀者得趣
意欣欣老當益壯
神穆穆氣豪欲搏
南澗虎幾深舍
卽林中鹿丈夫武
備須講求非同投
筆趨荒服君不見
三驅之政本仁心
三品之獲分名目
空使賦客嘲
淫奢何如閒身坐
林麓

過秦亭山

祖龍曾駐驛一路
接花宮松竹清陰
繞桑麻沃野叢
兔泉甘可汲河渚
曲多通臨眺嗟南
宋萋萋輦道空

湖山雜詠

三

清風草廬詠蘭三首

移從山谷裏綺石
養根深入室欣同
化當門恐被侵
讀騷思作佩感遇
欲鳴琴十步馨堪
襲誰言洽我心
幽植垂丹穎高標
蔭玉池名徵燕姑
夢佳憶謝庭時
皓露沾何泣秋風
放自宜不將紅粉
豔宛此本來姿
採蘭爰託興至性
賦南咳不屑同蕭
艾寧甘溷草萊
懷人吟句秀引酒
佐襟開應識香焚
戒爲憐九畹栽

過慈雲嶺

石磴迤邐登嶺有
慈雲覆襟固帶江
湖心猶函宇宙
俯視八卦田鬱蔥
苗如繡嗟彼御教
場旌旗餘草茂

此山昔郊天臺空不可觀南宋遺址多偶經感其舊
後唐石刻存歷劫惟爾壽時當新秋風歸來攜滿袖
贈聖因寺嘯巖上人

山色湖光意趣真個中領略屬閒人香薰篤耨逾叅
靜衣著逍遙自遠塵書畫任教清興寄鐘魚常覺道
心親狸奴白牯猶知解況是前生老衲身

雪獅

狡狴形肖玉麕妝圓目撐眉亦怒張漫說熊羆生喘
慄可能虎豹見奔藏冷腸不肯從人吼素性偏難近
日光特立竟堪誇百獸威神頗似大秦揚

湖山雜詠

三

和黃峩谷大尹西溪道中韻

林巒如畫曉煙淨溪水迢迢徑轉幽疏影橫梅當澗
口春光洩柳在河頭數聲清磬山僧靜一片閒雲野
鶴遊真意此中誰領會應知叔度滿懷收

五日與蔣香巖姊丈小飲

罨畫溪連聖水湄到來嘉會興怡怡一天梅雨逢壬
後此日蒲觴正午時宦海久經鬢鬢改鏡花偶對利
名知爲君特下陳蕃榻雅集應教酒莫辭

遊聖果寺登御教場

薜蘿徑紆迴祗樹園幽僻削成青芙蓉盤屈古松柏

勝聖各有因廢興驚屢革探奇更扶筇登高爭著屐
結茆歸雲邊如鏡月巖隙陟巔似掌平羣立排衙石
雄峙將臺尊壁壘猶存迹演武月黃昏依稀來巾幗
鐵棒思恢復空傳能辟易金闕荒煙沉玉墻蔓草積
嗟嗟南渡時寧無傷過客俯臨三折江悠悠自今昔
滄溟目力窮茫茫一片白諸峰如聚米四顧興轉劇
放懷天地寬憑虛風雲迫人生貴適志塵慮應棄擲

步香巖納涼原韻

炎歊最喜對冰壺廿里荷香欲泛湖亭外蕭然餘瘦
鶴天邊空望泛飛鳧得閒勝服清涼散健忘頻摩記

湖山雜詠

三

事珠畫柱錦棚非我好五風十雨莫言雩

六月小園桂發一枝因賦

半畝園中溽暑時一叢新桂發高枝黃蒸夏日開何
早花待秋風放恐遲月殿天香飄滿座書齋金粟對
盈卮小山招隱入公杳緜佩應教歌楚詞楚詞矯菌桂以綴佩

蕉石山房詠洋牡丹

瓊島移來植盎中惟將麗色對秋風胭脂細點留餘
暈鳳子蝶各輕飛聚一叢何事多心凝血紫憐伊弱頸
墜腮紅牡丹本是繁華種似此花容放亦工

登丁仙閣

輕乘白鶴去凡塵金骨猶然漆滿身順逆兩忘隨所
過虛空常鎮自全真丁野鶴棄俗棲真將化之日召其妻王守素入山付偈云懶散六十年妙用無人識順逆兩俱忘虛空鎮常寂遂抱膝逝端坐如生漆蛻尚在洞傳煉藥丹
鑪冷石長成林碧樹新城市有山巖壑靜紫陽庵裏
憶仙人

中秋西湖燕集月上始歸

三秋剛半結同儔四美相兼泛小舟飲客酣呼何酩
酊騷人吐屬最風流林巒深邃斜陽散浦漵迷離暮
靄浮竟爾忘歸明月上倒行欲喝興偏留

湖山雜詠

姜

名園開徧木樨稠萬斛香飄麴酒收柳岸花叢餘點
染風亭水榭各清幽波心月到蟾光滿天外雲隨雁
影秋鎖日細尋唐宋蹟更饒濟勝後山遊

宿花塢古梅庵

暮雨瀟瀟靜室投香燒銀葉坐中收暫將四大聊相
假來作禪牀一夕留

聞說空山虎夜過深林槭槭葉聲多浮名喚醒知無
補臥聽晨鐘奈若何

由花塢至橫山曉行口號

白雲舒卷任西東秋水秋山遠近中幽境每從忙裏

過欲圖佳景倩關鐘

田閒問歲屬豐盈冒雨凌晨僻徑行密樹修篁頻側
耳竹雞聲與畫眉聲

四賢堂舊在孤山今改建與麴院相對新閣落

成瞻拜因賦

並列名賢傑閣新孤山移建傍湖濤時分唐宋人皆
古迹異行藏道自真動業文章三刺史清風亮節一
高人黃冠未可同朱紱品望由來足等倫

和周雪舫分鱗春日泛湖原韻

湖上風光二月時盈盈春水淨琉璃鶯聲澀轉初調

湖山雜詠

姜

舌山色遙分淡埽眉為羨漁樵安舊業最憐桃李放
新枝人當韶景休虛擲遊興何能竟把持

雲林寺

第二名山重武林參天喬木碧森森鸞峰猿洞何來
往丹井經臺自古今閣外明湖看樹罅門前幽徑踏

雲深紅塵不到金仙地直指堂中靜客心

六通寺

寺有辟塵鑪地臨長耳巷三明與六通云是佛身降

冷泉亭

龍溪亭外樹陰深危坐凭欄豁我襟早洗熱中捐妄

想喜親冷氣見清心一泓澄澈無塵障千載空明傍
淨林似鏡當前諸物照靈泉月白共沉沉

過留下偶興

西堰橋進步石徑迤邐行擬築帝王居留下今猶名
大禹惡旨酒高宗喜潔清書牌禁酒稅取舍貴嚴明
留下西南三里昔高宗入山村酒肆喜供奉精潔書界牌賜曰不爲酒稅處是也爲憶陶隱
士桑田避俗耕理宗朝有陶處士隱此溪山信有美竹樹堪娛
情養真棲茅屋遠辱宦希榮世事同碁局役役憂患
生每懷煙霞癖無那塵網撓我年當知命何須問君
平况觀鳳凰山南渡迷離蕘興廢固如此地傳代屢

湖山雜詠

三

更

由虎跑至理安復過翁家山龍井

蒼蔚大慈山泉甘移二虎小坐含暉亭嶺畔真珠吐
洞敞生煙霞錢王羅漢補水樂聽悠然金石聲堪取
九溪徑匝匝方池觀法雨修竹鳳毛齊喬松龍鱗聚
秋時滿覺龍桂花香曲鳴浮屠南高巔尙餘天福古
聯吟一小庵聊避日亭午呼童汲龍泓淪茗滌靈府
是日經歷多勝地屈指數坡陀下山來買舟向漁浦

蠶罷詞

四月紅蠶結繭時家家咿軋盡縑絲蜀羅吳縠堆多

少偏愛江南白紵詞

白英相雜與黃酥煮繭抽絲入市沽玉鑷龍梭誰似
巧流黃中婦織成無

雨中過蘇堤第五橋口占橋名東浦

東浦舟過碧浪搖空濛景象解炎歊紅蓮葉底藏魚
虎綠柳叢中咽馬蜩時雨霽霏盈隴畝溼雲黓黓沒
山椒林中巾折人爭羨直上孤亭玉帶橋

雲供庵

獅子峰前路裏家山下泉此中精舍好別是一雲天

鉢池庵

湖山雜詠

三

蘭若風篁嶺櫺櫺古木陰冲泉何處是石鉢尙留今

聯峰庵

入門石壁峭幽徑樹林斜欲問留題迹名人有幾家
有董思白陳眉公李長蘅留題

藕花居送徐滄曉之新昌幕

紅藕香中暑氣收薰風簾外話書樓二年許下陳蕃
榻今日如同郭泰舟真意湖山時靜領天機魚鳥共
清遊鴛鴦水畔君家在拋去杭州向沃洲

水月亭前凌霄花

藏春塢外昔曾誇擢秀亭前蔓引斜且喜虚心承雨

露偏能附物上雲霞

此花蔓生纏古木而上

黃裳臨夏光猶嫩

赤點經秋色更加豆角兜鈴多比擬坡仙詞有木蘭花

古蕩至法華山偶興

不嫌村落路迢迢走過黃姑見野樵石壁龍駒相接壤兔兒泉水飲詩瓢

蜻蜓山下碧溪流曾說孤亭築少游偶到法華瞻廟塢松陰竹色絕清幽

秋仲南鄉卽事

連日因民事田閒泥淖行披風侵短袂冒雨濯塵纓

湖山雜詠

三

葉亦楓將老雲黃稻已成招提聊借榻不寐聽蛩聲

雨中過橫山四絕句

迴龍橋下水潺湲石徑魚鱗隴畝閒四顧秋雲飛不

斷濛濛細雨過橫山

槿花帶潤色逾紅夾道猗猗綠竹叢鷓鴣鳴姑聲未

歇畫眉又送曉山風

溪邊水白是生涯兩兩三三造紙家亦有微香通鼻

觀滿山蕎麥正開花

江村來往忽連朝枕上頻聞午夜潮今日籃輿過嶺

去披簑荷笠識山樵

五十初度自嘲

鹿鹿風塵強自持百年過半乏猷爲人稱大衍逢全數我喜知非在此時短鬢每於冰鏡改浮名似與水泡隨小春晴暖梅應放欲訪孤山第一枝

仲冬與焱谷舟泊墅河小酌夜話

偶出武林城河干舟夜泊浙瀝撒鹽聲暗向篷牕落挑燈誦古詩蒸栗供清酌促膝試談心境遇各有託每興陟岵思君篤天倫樂人生貴適志微名苦束縛我非周圍器又乏懷方略三年報政成羨子雲中鶴

焱谷任仁邑海疆時已三載例應報滿候擢

湖山雜詠

三

與雪舫焱谷集五柳居

分得湖字

凍徹金牛裏外湖霜天欲畫曉寒圖烏絲輟寫頌呵筆玉版同叅更把壺鳧任去來機自活梅探消息放曾無亭臺寂靜游蹤少獨有騷人興不孤

宿法華寺

法華山下法華寺地僻尋幽歲暮時翠竹凌虛標勁節青松耐冷挺高枝數聲清磬塵緣靜一榻禪房客夢遲仕本易農寧玩世智仁有樂每凝思

臘日雪

同雲凍合臘初時翠管牙簫憶口脂忽訝三冬飛柳

絮漏教六出放梅枝紅鑪高擁寒應念綠酒當前醉
莫辭惟是年豐欣有兆瘦羊博士自操持

法相寺

法相稱長耳禪關啟淨心妙香煙篆永寒碧竹陰深
虛說形猶昔真和道在今吾知懸解意愛對白雲岑

新春雪用東坡書北臺壁韻

連朝片片復纖纖一派清光冷倍嚴野外有田皆種
玉河邊無水不生鹽對傾竹葉憑窗檻鬪放梅花近
屋檐湖上欲從南北望寒雲已沒兩峰尖

偶吟執筆便塗鴉麴市人遊馬困車義山雪詩人疑
遊麴市馬似困

湖山雜詠

三

十二樓臺塵積素三千世界樹生花筆披莫羨神

仙侶僵臥應憐處士家有愧梁園詞賦客逢人腰折

手頻又柳州詩歷郡腰恒
折逢人手盡又

上巳與穀谷湖樓小集

無限韶光無限情桃紅梨白帶人行漫言聖水逢修
禊為羨蘭亭有盛名酒漉葛巾隨意飲魚肥土步及
時烹青蓮館上題新句自笑偷閒逸興生

湖上新柳可觀索大衡上人圖於扇頭詩以代

柬

蘸綠搓黃繞滿湖姿容濯濯孰能摹欲將新柳收輕

簞為倩山僧寫一圖

清明徐蔚岑都閩招遊湖上不果

莫把韶華付等閒多君邀訂在湖閒已裝畫舫停吳
榜忽向春江看越山詩酒良朋空有約琴棋雅集未
能攀一年容易清明過日踏紅塵自往還

雙清軒白牡丹

香腴破曉放瑤臺應是簾纖好雨催映澈冰壺無俗
韻生成玉骨化凡胎冶容任彼誇姚魏淡掃惟君殿
李梅珍重不須遮錦繡春風欲醉倒銀杯

木香架上花開如屏步沈振之孝廉原韻

湖山雜詠

三

銀蒜鉤簾柳絮闌素虬翠格萬條攢麝臍風散香仍
烈蝶粉晴翻影共蟠花漾春深霓舞亂屏開夜午玉
堂寒清于芍藥應爭賞不與紅黃一樣看

上東明寺有感

縣志建文君為僧至此佛座前塑像殿名無
塵庭前牡丹歲發千花俱建文遺迹

檀林大遮山名前磴道幽徑窄修篁籜解新怪石苔生

碧顏垣繞薜蘿崇岡布松柏遜世宜山深棲真尋地
僻相傳建文君為僧來隱迹殿迴名無塵斯言何攷
覈牡丹手親栽花開盈千百遺像至今存同列瞿曇

昔
席嗟嗟靖難時
茂義留指摘尺土安在哉
此寺獨今

西溪勸農

勞農夙駕正
熹微處處溪山任指揮
飲酒簪花知德意
是日給花酒觀風問俗切
民依桑田景象天時好
茶筍蕃庶平地土肥多少
胼胝勤勸慰流連馬帶夕陽歸

聽僧海音彈琴

廉折春温大小絃
一彈再鼓有餘妍
羊羣離去商音遠
雉木登鳴角韻遒
矜躁胸懷初漸釋
冲和神氣久逾便
陶潛但解琴中趣
石上松閒意會傳

湖山雜詠

三

夏杪湖上

獨乘小艇悵離羣
鼉鼓蟬琴聽者分
雨後天青成卵色
風來水縐作鞞紋
數枝柳軟迎人舞
一陣荷香送客聞
惟有鳳林寺名鐘不斷
鳥窠寂寂落紅暉

贈文學上人

道門卓絕識支公
借榻曾經論六通
檢束身心能了悟
靜觀色相總成空
清真資趣松閒月
瀟灑披襟竹外風
禪板蒲團名自久
水田衣著出塵中

咏牡丹

據舊鈔本補錄

偶值春晴綴彩霞
粉顏橫映落陽斜
先儒尙賜清平

調一醉何堪謝此花

湖山雜詠終

湖山雜詠

三

錢塘邑侯澹園王明府去思記

澹園王明府視事於錢塘七載民懷其德一且以絃
誤左轉邑之人爭奔趨於當事乞留以方有

命引

見弗得達則相與伐石西山踵余門求文以爲記余
謝疴家居不聞戶外事而明府之廉且明出於誠心
之益注固余所飲聞也明府之乳民也引赤子近几
席煦煦然若慈保之提攜食飲之胥徒不假之虎冠
風簷之氓來堂下問所疾苦使得盡語母或結轡而
含厥恫邁膠葛亦弗忿疾於頑以色聽微櫛其講張

湖山雜詠附錄

一

委蛇刃解情既得又惻然有哀矜之心若已陷之於
辜於歲征剗除無藝聽村氓之輸將不令一小胥呼
擾眾德之駢闐供惟正恐後不累乎長上聞有逋戶
或語以笞榜則愀然掩耳不欲聞嗚呼何其仁也辛
酉甲子之秋濤江衝涌固塘岸常不遑食餘杭南湖
受天目萬山之水隘不能瀦疾風甚雨助泛溢塘塍
四決灌上下鄉田廬明府乘瓜皮艇勘災處所雨漸
漸被面衣盡濡與農夫村婦喁喁泥淖中賴
天子仁聖數散籽予賑盡心力惠窮檐母實蠹腹其
豈弟類如是今夫父母之於子也朝夕撫畜我顧復

我忽有故委之去則驚呼叫號涕泣牽衣不聽行或
父母轉席豐腴適心志雖攀之不得爲己悲而念我
父母猶稍稍慰苟或非所宜然而然則益縈紆愁思
依依環之不忍捨然則今我邑人之依依縈思於明
府也烏能已乎哉抑余更有慨然於中者明府嘗報
最循卓以部曹注仕版矣使卽上征軺大抒其經猷
發迹於時內臺垣卿列外方岳監司應赫然休有烈
光徒以需次逡巡獲踰躋余旣睇宦波之蕩潏而又
嗟賢俊之不及時大用爲可惜也然天高聽卑行將
入覲

湖山雜詠附錄

二

闕廷必且以治行終長者懋膺榮擢我邑人戀戀於
明府明府亦先侍其尊人御史大夫司臬於浙吟眺
湖山之名勝古蹟踰十年清緣未斷或邀蒼昊之私
重剖符至止則此行也父母孔邇其終有以撫我矣
遂羣喧然書之於石石有時而泐思無時而謾也明
府名緯字象文號澹園漢軍鑲黃旗舉人里人彙詞
元撰皇甫鯤書乾隆十年歲次乙丑九月邑人王鈺
趙大鯨魯曾煜金志章杭世駿朱樟何玉梁翁藻孫
陳典陳兆崙梁啟心陸秩孫廷槐孫宗溥戴廷燧周
京范肇新陳景鐘王廷機唐詩沈一鵬章繼泳朱善

豫翁新翁寅恭邵光顯包全汪治蘇琛鍾作謀方來
秦程治華范同治范光前凌世瑞汪邦憲朱璠錢玘
朱棻元周世沅陳玉敦王朝棟吳景焜陳模王慎翁
鍾陸朝紳蕭立選同立石刻字人陳廷

齋

湖

齋湖

鴛央湖權歌序

郡邑故事世俗流傳常至失真而其它軼出於纂記者又往往人不恒覩苟舉以詰其鄉人或反詭為父老之所未聞是故俗之習傳者不必盡信其美而可傳者不必盡傳大抵然也吾里自樵李之役見于春秋迨宋南渡建國臨安密邇畿輔名人勝跡所在多有然郡地平衍既鮮剡崑而鴛央湖亦以偏處城隅漸被湮沒至資解頤者指煙雨樓為口實烏乎豈誠餘無可稱者耶朱子錫鬯略撫所聞作權詞若干首譚子舟石屬而和之

鴛央湖權歌序

望雲仙館

徵引詳核典雅有根據蓋上下古今皆美而可傳足以廣鄉人所稱說信乎世俗之所習傳果不必盡其可傳之事而其不盡流傳者又未始不藉夫鄉之賢者從千百載之後揚扇而著之以俾稱說于不衰也一唱三歎賦物移情不有當於風人之旨乎哉二子天才敏妙好學不倦海內推為博識君子余雖寓家于楚時勤越吟諷此歌既樂吾黨之有助而亦以彌增故國之思焉已同里同學弟葉封撰

嘉興於古為樵李縣曰由拳曰長水曰禾興曰鹽官曰

武原曰崇德名勝雜見之載記自志乘失稽覈舊聞於是乎漸失矣昔有人召客讌者每酒一行各陳其土俗山川亭苑之名鄉人在坐以煙雨樓對酒行再三思之不得樓遂復出沉酒而歸其妻問焉告以故妻責曰何不云煙雨樓耶吳越相傳以為笑今觀朱子錫鬯權歌山水風俗物產之盛志乘所未及者幾十之五六而煙雨樓不與焉譚子舟石官榆林見而盡和之摭撫遺事又多朱子所未及若其先後音節之工無異瑱篔簹榻之相應也誦其詩足以豪豈惟吳越雖遇荆交峯雒之人與之飲酒吾無憚焉已同里繆永謀撰

鴛央湖權歌序

望雲仙館

嘉禾名郡更自吳年長水舊鄉書從越絕句踐稱師之地祖龍游幸之山枕滄海之烟雲塩田相望視震澤為襟帶城郭依然不少登臨夙稱形勝若迺情深去國言采先民翻阿子之新聲續月波之高詠則有吾鄉才子相國會孫散詞賦于江關揮酒錢於市肆五湖春水未返邱為一片橫山長裏顧况陽雁且驚朔雪越禽終戀南枝於是墨弄麋九香焚鵲腦流脂河畔託為榜人之歌學繡村邊擬以吳趨之調撥燈而開硯匣纔染烏絲

畫壁而飲旗亭盃問翠袖錦鱗潞縣傳樂部之新篇白
馬榆中報郡丞之和曲門才王謝羣從交推風兒阮何
一雙並秀雖書生草微兼佳什於據鞍司馬抽毫得清
吟于拄笏道逢各異隱顯難齊然或憶太傅之墓田誰
親耒耜念罔卿之池館空鎖松筠兩姓昏姻昔連甲第
殊方伯仲共眷粉榆鍾儀仍操土風張翰豈忘鄉味又
况展武之雲霞在眼魏塘之花鳥關情射襄以南禦兒
以北東窮鸚鵡之水西極梧桐之鄉世遠事湮星移物
換重尋往跡爰考舊聞撫金隨之賸編演樂郊之私語

鴛央湖權歌序

三

望雲仙館

以及魯君括異于氏搜神歷不綴入縹囊傳諸滕角陳
都官所莫賦毛澤民所未經采紅豆於秋風儷幽蘭於
芳樹遂使秦箏燕筑皆爲白苧之聲水驛星郵盡按五
龍之譜符浪游京闕馳想故園草堂則壤接東西邱壑
則河分上下記連船于曩昔喜躡屨之後先柳岍衝沙
纔脫征衫于舍館春流擊汰回思晚飯於柁樓調雖喻
夫水仙曲難諧乎郢客遂令劉白方駕竹枝之詞遠遜
崔裴徧和朝川之句同里李符譔

鴛央湖權歌一百首 有序

樵李遺書

秀水朱彝尊錫鬯著

同邑孫福清稼亭校刊

甲寅歲暮旅食潞河言歸未遂爰憶土風成絕句百首
語無詮次以其多言舟楫之事題曰鴛央湖權詩聊比
竹枝浪淘沙之調冀同里諸君子見而和之云爾成絕句百首
首原稿作兼襄一二親
謔口號絕句八十八首
蟹舍漁村兩岸平菱花十里權歌聲儂家放雀洲前水
夜半真如塔火明

宋朱希真避地嘉禾放鶴洲其園亭遺址也余伯貴

鴛央湖權歌

四

望雲仙館

陽守治別業於上真如塔峙其西

沙頭宿鷺傍船棲柳外驚鳥隔岸啼爲愛秋來好明月

湖東不住住湖西好明月原稿作湖上月
湖東湖西作橋東橋西

春城處處起吳歌夾岸疎簾影翠娥一葉舟穿妝閣底

傾脂河畔落花多

傾脂河在楞嚴寺東人家多跨水爲閣

超山楊梅似蜜甜徐園青李核何纖携來取酒但轟

飲一醉渾忘夏日炎注云超山產白楊梅徐園李核
小如豆絲懸其中相傳卽樵李

也此定本所
刪依原稿附錄

寶帶河連錦帶斜精嚴寺古黯金沙牆陰一徑游人少
開遍年年梓樹花

寶帶錦帶俱水名精嚴寺多梓樹

西埏里接韭谿流一簣餅山古木秋慣是爭枝鳥未宿
夜深啼上月波樓夜深原稿作南飛

西埏里載干寶搜神記在嘉興縣治西韭谿之水經

其下餅山宋時酒務月波秀州酒名載張能臣天下

名酒記樓係合狐挺所建宋人集題詠詩詞甚多合狐

擬原注作毛澤民

鴛央湖權歌

五

望雲仙館

橋李亭荒蕩草存金陀坊冷寺鐘昏湖天夜上高樓望

月出東南白苧村月出東南原稿作月落西南

橋李亭址在金銘寺北宋岳珂為勸農使居金陀坊

著金陀粹編寺南有樓名湖天海月金銘寺原注作金光明寺

百尺紅樓四面窗石梁一道鎖晴江自從湖有鴛央目

水鳥飛來定自雙

倅解偏宜置酒過亭前花月至今多不知三影吟成後

可載兜娘此地歌此首定本增

陸游入蜀日記倅解花月亭有小碑乃張先雲破月

來花弄影樂章云得句於此亭也張子野云往歲吳

興守滕子京席上見小伎兜娘後十年再見於京口

女牆官柳遍啼鴉小閣臨風卷幔斜笑指孩兒橋下水

雨晴漂出滿城花

孩兒橋在天甯寺東石闌盡刻作孩兒載曾應龍括

異志

檣燕橋鳥繞楫師樹頭樹底挽船絲村邊處處圍桑葉

水上家家養鴨兒

樂府阿子歌注嘉興人養鴨兒作此歌

鴛央湖權歌

六

望雲仙館

桃花新水湧吳艚十五漁娃櫓自操網得錢唐一雙鯉

不知魚腹有爪刀

錢唐杜子恭就人借爪刀其主求之曰當即相還耳

既而刀主行至嘉興有魚躍入船中破魚腹得爪刀

見搜神後記

楊柳灣頭遍綠楊少年射鴨竹弓張翻身欲彈雲中

鷓鴣起慈鴉噪滿倉楊柳灣在西城隅隔河為嘉興縣倉廩此定本所刪依原稿

錄附

穆湖蓮葉小於錢卧柳雖多不礙船兩岸新苗纔過雨

夕陽清水響鈴田穆湖原稿作湖南

金衣楚雀白鷓鴣不住裴公島上啼白馬未嘶雲屋外

紅船先度板橋西

裴島即放鶴洲相傳裴休別業

隄外湖光隄內池露荷珠綴夜涼時阿誰月底修簫譜

更按東堂舊日詞

毛滂在秀州賦月波樓中秋詞云露荷珠綴照見鴛

央睡月底修簫譜樂府調名東堂滂集名也

鴨餛飩小瀧微盪雪後墟頭酒價廉聽說河魴新入市

鴛央湖權歌

七

望雲仙館

蕙蒿荻筍急須拈

方回題竹杖詩跳上岸頭須記取秀州門外鴨餛飩

城北城南盡水鄉紅薇徑外是回塘千家曉閣紗牕拓

二月東風蕙草香

紅薇徑原稿作赤闌橋是作繞曉閣作小閣東風作春風

西水驛前津鼓聲原田角角野雞鳴臺心菜甲桃花里

未到天明權入城

西水驛在城西桃花里人多種菜為業

姑惡飛鳴逐曉烟紅蠶四月已三眠白花滿把蒸成露

紫葢盈筐不取錢

姑惡鳥名蠶月最多野蕒微開白花田家籬落間處

處有之蒸成香露可以澤髮

村中桑斧響初停溪上叢麻色漸青郡閣南風繞幾日

荷花開滿鏡香亭此首定本增

府城西北有麻溪鏡香亭在慈恩寺南今廢

徐園青李核何纖未比僧廬味更甜聽說西施曾一搯

至今顆顆瓜痕添此首定本增

徐園李核小如豆絲懸其中僧廬謂淨相寺產樵李

每顆有西施瓜痕

鴛央湖權歌

八

望雲仙館

藉袈橋上水松牌白石登登鴈齒階會記小時明月夜

踏歌連臂竹隣街

竹鄰里元陳秀民所居藉袈橋在其東北

谷水由來出小湖渚城辟塞總春蕪戰場吳楚看猶在

折戟沙中定有無

水經注引吳記谷水出吳小湖逕由拳縣渚城在今

城北十五里水經注又云浙江又東逕柴辟南舊吳

楚戰地備候于此故謂之辟塞

金魚院外即通津轉粟千艘壓水濱年少女牆隨意望

縫衣恰對枕樓人此首定本增

輿地紀勝金魚院在嘉興縣西北

懷家亭館相家湖雪艇風闌近已蕪猶有白蘋香十里

生來黃蜺蛤蚧此首定本增

懷悅居相湖南關柳莊有水亭名雪艇湖中產蜺甚

肥

學繡女兒行水濤遙看三塔小如鍼並頭菡萏雙飛翼

記取挑絲色淺深

城西學繡里俗傳西子入吳刺繡於此三塔龍洲寺

鴛央湖權歌

九

望雲仙館

前塢也

梅花小閣兩重階屈成屏風六扇排不及張銅爐在地

三冬長煖牡丹煖兩重階原稿作幾重階

里有張鳴岐製銅爲薰爐聞於時

鶴湖東去水茫茫一面風涇接魏塘看取松江布帆至

鱸魚切玉勸耶嘗風涇原稿作楓涇

崔湖在魏塘清風涇卽白牛涇

蓮花細步散香塵金粟山門禮佛頻一種少年齊目斷

不知誰是比肩人

金粟寺在海鹽西南林坤誠齋雜記海鹽陸東美妻

有容止夫婦相重寸步不離時號比肩人孫權封其

里

織成錦衾碧間紅線以吳縣四五通錦上鴛央三十六

雙棲夜夜水紋巾

里出善錦

天甯佛閣早春開鳥語風鈴次第催怪道回船濕羅襪

嚴將軍墓踏青來

天甯寺在秀水縣治東北後有嚴助墓

鴛央湖權歌

十

望雲仙館

長水風荷葉葉香斜塘慣宿野鴛央耶舟愛向斜塘去

妾意終憐長水長

長水秦時所鑿斜塘地名

疏地垂楊絮未飄蘭舟上已被除遙射襄城北南風起

直到吳江第四橋

城北王江涇有射襄橋俗謔爲壽香橋卽射襄城故

址

宣公橋南畫鼓搥酒船風幔挂鴉父碧山銀盃勸郎醉

權入南湖秋月斜

陸宣公橋在城東朱碧山元時嘉禾銀工宋聞人滋

南湖草堂記橋李澤國也東南皆陂湖而南湖尤大

木犀花落擣成泥霜後新橙配作齋猶恐夜深妨酒渴

教添玉乳禦兒梨此首定本增

禦兒玉乳梨見漢書注

畫眉墨是沈珪九水滴蟾蜍硯未乾休恨圖經山色少

與郎終日遠峯看

沈珪禾人善製墨諺云沈珪對膠十年如石載何蓮

春渚紀聞郡城四望無山宋鄭毅夫月波樓詩野色

鴛央湖權歌

十一

望雲仙館

更無山隔斷是也

三姑廟南豆葉黃馬王塘北稻花香秋衣薄處宜思妾

春酒熟時須餉郎三姑廟南原稿作餉前

三姑事見括異志今長水有廟馬王塘在其北

小婦春風樓下眠與論家計最堪憐勸移百福坊南住

多買千金圩上田此首定本增

石門有春風樓錢塘應才為嘉興學正婢曰陸小蓮

百福坊人貝瓊元末避地千金圩

小舫中流播燕梢一螺青水練塘坊隨郎盡日鹽官去

莫漫將儂半選拋

燕梢小船名長水東有練浦一螺青浦水名劉長卿

詩半邏鶯滿樹今譌為半路

鎗金硯匣衍波牋日坐春風小閣前鑲管簪花書小字

把郎詩學魯豈編日坐春風小閣原稿作百福坊南繡閣

鎗去聲斜塘楊匯髹工鎗金鎗銀法以黑漆為地鍍

刻山水樹石花竹翎毛亭臺屋宇人物調雌黃韶粉

以金銀箔傅之見陶宗儀輟耕錄杜詩編年自禾人

魯豈始

鴛央湖權歌

十二

望雲仙館

雨近黃梅動浹旬舟回顧渚鬪茶新問郎紫筍誰家焙

莫是前溪讀曲人此首定本增

秋燈無燄剪刀停冷露濃濃桂樹青怕解羅衣種鴛粟

月明如水浸中庭此首定本增

禾中產鴛粟相傳八月十五夜俾女郎解衣播種則

花倍姹

繡綾圖存陸晁遙唐家花鳥棘鍼描只愁玉面無人畫

須是傳神盛子昭

陸晁禾人有繡線圖載宣和畫譜唐希雅及孫宿皆

善畫花鳥墨作棘鍼子昭魏唐人嘗畫崔鶯鶯像

去郭西南桂樹林五畝之園一半陰笑插枝頭最深蕊

兩鬢如粟辟寒金

城西屠氏園有桂二本垂陰逾畝每歲兩樹迭開金

蕊一枝

榆錢陣陣麥纖纖野菜花黃蜂易黏記送郎船溪水曲

平蕪一點旣山尖

旣山在桐鄉今爲錢大理貢墓

比翼鴛央舉擢迴雙飛蝴蝶遇風開生憎湖上鷓鴣鳥

鴛央湖擢歌

三

望雲仙館

百遍魚梁曬翅來

此首定本增

鷓鴣湖在海鹽縣西南

龍香小柄琵琶彎切玉玲瓏約指環試按花浚深一曲

海棠開後望郎還

南宋太學服膺齋上舍鄭文秀州人妻孫氏寄秦樓

月詞一時傳播酒樓伎館皆歌之載古杭雜記花深

深海棠開後詞中語也琵琶唐人多作仄音讀

酒市茶寮總看場金風亭子人春涼俊游改作烏篷小

蔡十郎橋低不妨

此首定本增

晏殊類要嘉興縣有金風亭蔡十郎橋載至元嘉禾

志

落花三月葬西施寂莫城隅范蠡祠水底盡傳螺五色

湖邊空挂網干絲

城西南金銘寺有范蠡祠舊並塑西子像湖中產螺

皆五色

金銘寺原注作金光明寺舊並塑西子像作相傳載西子處

蘇小墓前秋草平蘇小墓上秋瓜生同心綰結不知處

日暮野塘空水聲

唐徐凝嘉興逢寒食詩惟有縣前蘇小墓王禹偁詩

鴛央湖擢歌

四

望雲仙館

縣前蘇小有荒墳今縣南有賢倡巷

風檣水檻盡飛花一曲春波漱澗斜北斗闌干郎記取

七星橋下是兒家

春波七星二橋名

天星湖口好花枝便過三春采未遲蝴蝶雙飛如可遂

教郎乞夢冷仙祠

天星湖在嘉興縣治東湖北有協律郎冷謙祠禱夢

者有奇驗

江樓人日酒初濃一一紅粧水面逢不待上元燈火夜

徐王廟下鼓鑿擊

徐王廟在府城東北每歲人日穀日望舟擊鼓士女

往觀

河頭時有浣衣人處處春流漾白蘋橋下輕舟來往疾

南經娼老北躡賓

娼老橋在城南躡賓橋在府治西

芳草城隅綠映衫鳳池坊北好抽帆徐恬舊宅芹泥煖

過雨斜陽燕子銜

城隅原稿作東城鳳池坊北好抽帆作菱塘東曲好抽帆

鳳池坊琪機故宅今郡學之前徐恬宅見陸廣微吳

駕央湖權歌

五

望雲仙館

地記

秋涇極望水平隄歷歷杉青古關西夜半嘔啞柔櫓撥

亭前燈火落帆齊

秋涇橋在城北杉青關名落帆亭名

屋上鳩鳴穀雨開橫塘游女蕩舟回桃花落後蠶齊浴

竹筍抽時燕便來

橫塘在城東俗名筍之早者曰燕來

漏澤寺西估客多樓前官道後官河正值喧闐日中市

楊花小伎抱箏過

吳船女郎入市唱曲號唱楊花

五月新絲蒲市塵練車鳴徹斗門邊沿流直下羔羊堰

雙櫓迎來販客船

羔羊堰原稿作東瓜堰注云唐張祐會領嘉興東瓜堰稅

羔羊堰在石門縣斗門在石門北

魚梁沙淺鷺爭淘處處村田響桔槔一夜城西茗水下

酒船直並小樓高

九里橋西落照銜櫻桃初熟鳥爭鷓須知美酒烏程到

遙見新脰一片帆

宋曾魯公監秀州新脰酒稅今作新城誤

駕央湖權歌

六

望雲仙館

馬場漁淑幾沙汀宿雨初消樹更青最好南園叢桂發

畫橈長泊煮茶亭

馬場句原稿作由奉東泛水空冷注云城東有水俗呼油潭因由奉而誤

彪湖一名馬場湖宋潘師旦以南塢漁淑水十一處

會于春波門外建會景亭南園余叔宜春令別業有

桂樹四本高俱五丈蘇子瞻煮茶亭在水北

青粉墻低望裏遙紅泥亭子柳千條郎船但逐東流水

西麗橋來北麗橋

伍胥山頭花滿林石佛寺下水深深妾似胥山長在眼

郎如石佛本無心

胥山在城東十八里石佛寺唐刹

花船新造水中央曉發當湖泝漢塘聽盡鐘聲十八里

平林小市入新坊

當湖原稿作雙溪派作下注云雙溪橋在甸里

甸里東為漢魏二塘德藏寺鐘初成工戒以勿擊俟

行百里擊之工行至新坊十八里遽擊之由是不能

遠聞載括異志

婀娜風帆縱所如弄珠樓上把杯初鸞刀切就屠墳

鳥馬頰攜來乍浦魚

注云弄珠樓在當湖中鸞鳥出屠墳味美馬頰魚產乍浦可製

為腊此定本所刪依原稿附錄

鴛央湖權歌

七

望雲仙館

蒲山草與薺山齊激浦潮來乍浦西白沃廟南看白馬

巫言風雨夜長嘶

此首定本增

蒲山菜薺山俱在平湖白沃廟祀漢史君

綠烟初洗免華秋片片魚雲靜不流山月池邊看未足

移船買酒弄珠樓

此首定本增

山月池在平湖德藏寺城東有弄珠樓

鸚鵡湖流碧幾灣白龍湫水落陳山游人秦小孃祠過

社鼓聲邊醉酒還

秦小孃祠過原稿作博陸祠前去注云博陸降神其地

嬰武湖即柘湖陳山上有白龍湫見括異志秦小孃

晉時人祠在平湖縣東南二十里

阿農家住秦溪頭日長愛權橫湖舟霑雲寺東花已放

義婦堰南春可遊

此首定本增

橫湖霑雲寺俱在半邏東義婦堰漢許昇妻呂榮家

死黃巾之難糜府君歛錢葬之今譌為呂蒙家

巫子峯晴返景開傳聞秦女葬山隈閒聽野老沙中語

曾有毛民海上來

巫子峯晴原稿作馬畢城空注云水經注谷水之右有馬畢城

樂資九州志鹽官縣有秦駐山始皇經此美人死葬

於山下山之東海口有巫子山水經注光熙元年有

鴛央湖權歌

六

望雲仙館

毛民三人集於縣蓋汎於風也

橫浦東連白塔雲下方鐘鼓落潮聞結成海氣樓相似

煮就吳鹽雪不分

橫浦原稿作激浦

白塔山在海中鹽官亦有蜃市

勸郎莫飲黃支犀勸郎莫聽花冠雞聞琴橋東海月上

烏夜村邊烏未啼

莫飲原稿作滿飲

聞琴橋在海塩城東烏夜村何準宅舊址

鷹窠絕頂海風晴烏兔秋殘夜並生鍊鎖石塘三百里

驚濤齧盡寄奴城

鷹窠頂在激浦山椒每十月朔日月並出海中晉安
帝隆安五年孫恩犯海塩劉裕拒之築城於海塩故

治

招寶塘傾水淺深會骸山古冢銷沉都緣世上錢神貴

地下劉伶改姓金此首定本增

招寶塘在海鹽西南九州要記古有金牛入山皋伯

通兄弟鑿山取牛山崩二人同死穴中因曰會骸山

郡有劉伶墓土人避錢鏐諱改呼金伶墓

曲律崑山最後時海塩高調教坊知至今十棒元宵鼓

駕央湖權歌

七

望雲仙館

絕倒梨園弟子師此首定本增

春絹秋羅軟勝綿折枝花小樣爭傳舟移濮九娘橋宿

夜半鳴梭攬客眠此首定本增

濮院元濮樂閒所居濮九娘橋在焉

郎壺百丈上官塘客倚篷窓晚飯香黃口近前休賣眼

船頭已入語兒鄉此首定本增

輕船三板過南亭蠶女提籠兩岸經曲罷殘陽人不見

陰陰桑柘石門青

崇德古南亭石門春秋時吳壘石以拒越

禦兒少年耽遠遊禦兒少婦生離愁但願郎封崇德

子不願郎封定遠侯注云南史庾持封崇德縣子此定本所刪依原稿附錄

走馬岡長夕照中塘連沙渚路西東不知吳會誰分地

生遍茱萸一色紅此首定本增

走馬岡在石門永新鄉地有官窠相傳吳越分疆處

語兒中涇一名沙渚塘吳會分地紀書名見太平御

覽吳茱萸禾郡土產

移家只合甓川居釀就新漿雪不如留客最憐鄉味好

屠墳秋鳥馬嘍魚此首定本增

駕央湖權歌

十

望雲仙館

聞人卓成大元末僑居甓川馬嘍城殆卽水經注所

云馬宰城也魚可爲腊

郎家湖北妾湖南兩槳緣流路舊語却似釣鼈磯畔鷺

往來涼月影氈氈

釣鼈磯在南湖中龔太守勉所築

野王臺廢只空墩翁子墳荒有墓門舍宅尙傳裴相國

移家曾住趙王孫

白蓮寺隔水有顧野王讀書臺址朱買臣墓在甸里

街北真如寺相傳裴休宅趙王孫謂孟堅也居廣陳

里

秋晚東林落木疎白蓮僧寺水中居昏鐘不隔漁莊火
古殿猶存日本書

白蓮寺即東林施水院漁莊在其北寺壁有日本國
人題名二處

蕲王戰艦已無蹤莫相高墳啟舊封曾見朋遊南渡日
北山堂外九株松

縣東三十里一家甚高傳是婁機墓中有石室為盜
所發北山草堂沈氏宅其石壘自南宋

鴛央湖權歌

三

望雲仙館

仲圭舊里足淹徊曲徑橫橋一水隈小榭春風誰酌酒
佛香長和墓門梅

吳鎮墓在嘉善縣治北梅花菴

清江詩筆足波瀾老去西溪不愛官更有捐軀程巽
隱文章節義一時難注云貝助教瓊有清江集西溪鮑布衣恂別字程巽隱諱本立

遜國時殉難此首定本所刪依原稿附錄

吳公殉節在京師家宰家居城破時行客可經堂外

過國殤風雨颯淒其注云吳公諱麟徵死甲申之變家宰謂徐尚書石麟尚書先築

可經堂人未曉其意及城破自經其中此定本所刪依原稿附錄

懷蘇亭子草成蹊六雀空堂舊蹟迷惟有清香樓上月

夜深長照子城西此首定本增

懷蘇亭在府治六雀堂宋知州鄧根建府解有清香

樓見異聞總錄子城載閒牕括異志今日為子牆脚

稗花楓葉宋坡湖路轉潮鳴山翠無百里鹽田相望白

至今人說小長蘆此首定本增

宋坡湖即蕒湖吳郡記海濱廣斥鹽田相望橋李舊

號小長蘆見周必大吳郡諸山錄

桑邊禾黍水重圍時有秋蟲上客衣三過堂東開夕照

鴛央湖權歌

三

望雲仙館

滿村黃葉一僧歸

三過堂蘇子瞻遺跡黃葉菴釋智舫所築

百花莊口水沄沄中是吾家太傅墳當暑黃鸝鳴灌木

經冬紅葉映斜曛

百花莊在城北十五里先文恪公賜坐在此

鴨嘴小船淺水通荻花門巷蕭蕭風荆南豫北鬪新釀

不比吾鄉清若空

清若空亦秀州酒名見武林遺事

秋水尋常沒釣磯秋林隨意做柴扉八月田中黃雀啣

九月盤中黃雀肥

黃雀味甚腴產陶莊馬嘯

舊日園林半已荒惟餘曲水繞芳塘少年最憶春游

好曾向顏家看海棠注云顏家園海棠花最盛今已推折此詩集中作懷鄉山號

依原稿附錄

墨林遺宅道南存詞客留題尚在門天籟圖書今已

盡紫茄白苧種諸孫注云項處士元汴有天籟閣舊古書畫甲天下其閣下有皇甫

子循履緯真諸公題詩尚存此詩集中作懷鄉口號依原稿附錄

都官詩卷歷時流渭老詞詞調更道文采百年傳後

鴛央湖權歌

三

望雲仙館

進畫閣十老小瀛洲注云陳舜俞詩号都官集呂聖求名渭老有詞一卷皆禾人錢

太守琦嘗合里中耆英賦詩與會者十人繪為畫刻小瀛洲十老詩以行此首定本所刪依原稿附錄

司農泉石向來耽徐穉同遊飲必酣夢想谿山真意

好夏天脩竹水亭南注云曹侍郎秋岳倦圃有谿山真意軒徐穉指敬可也此詩

集中作懷鄉口號依原稿附錄

江市魚同海市鮮南湖菱勝北湖偏四更枕上語聲起

泊遍冬瓜堰外船此首定本增

唐張祐曾領嘉興冬瓜堰稅

妾家城南望虎墩郎家城北白牛村白牛不見郎騎至

望虎何由過郭門此首定本增

陳舜俞居秀州嘗跨白牛往來自号白牛居士

百步橋南解纜初香醪五木隔年儲不須合路尋魚鮓

但向分湖問蟹胥此首定本增

去郡城東北三里有百步橋馬永卿嬾真子蘇秀道

中有地名五木出佳酒陸游日記合路賣鮓者甚眾

一統志分湖產蟹

石尤風急駐蘇灣逢著鄰船販橋還祇道夜過平望驛

不知朝發洞庭山此首定本增

鴛央湖權歌

畫

望雲仙館

蘇灣近吳江境上陳舜俞墓在焉

父老禾興舊館前香杭熟後話豐年樓頭沽酒樓外泊

半是江淮販米船此首定本增

望雲門北舊有禾興館唐李滄嘉興屯田政績記嘉

禾一穰江淮為之康嘉禾一歉江淮為之儉

茅屋東谿興可乘竹籬隨意挂魚簪三冬雪壓千年樹

四月花解百尺藤

東谿從叔子蓉別業

舍南舍北遶春流花外初鶯囀未休畢竟林塘輸田里

愛携賓客醉山樓

山樓從叔子葆所居四方賓客至者必集於此

碧漪坊裏譚公宅鴨脚清陰半畝餘最憶兒時好兒

弟樹根同讀五車書

注云五經進士譚公宅在府治東北碧漪坊舟石郡丞左羽孝

廉孝山太守次及典籍及亡兄舍人夏士皆讀書于是余亦與焉庭有鴨脚樹王本此詩集作懷鄉口

號依原稿附錄

舊游俞繆日過後三李銜杯興最濃明月綠窗期沈

約白鹽赤米問周顒

注云憶有洁天泊斯年武曾分虎山子青士也此詩集中作

懷鄉口号依原稿附錄

鴛央湖權歌

三

望雲仙館

方外能詩數復公結茅初地虎谿同詞人寂寞宜過

此一舸月明湖水東

注云復公字文可住初地菴詩格最老此詩集中作懷鄉口

號依原稿附錄

先人舊宅北門樓舍後斜陽塔影低門逕傷心難再

問夢魂猶遠舊沙堤

此詩集中作懷鄉口號依原稿附錄

谿上梅花舍後開市南新酒釀新醅尋山近有艾基宅

看雪迢登顧况臺

余近移家長水之梅谿艾山在其西橫山在其南皆

可望見顧况讀書臺在橫山頂

醜舫西偏盡竹梧愛山遺石儘教舖兒孫鄉里堪娛

日不用千金買佛奴

注云醜舫余齋名愛山元時陳氏園在魏塘較耕錄嘉興濮樂

閱目中統鈔一千定買謂兒汪佛奴此詩集中作懷鄉口號依原稿附錄

歸人萬里望邱為白酒黃壺瓠作厄來往權歌無不可

西溪東泖任吾之

西溪東泖原稿作竹莊里注云竹莊元吳瑩之園桐里市名

邱為郡人王維送之詩云五湖三畝宅萬里一歸人

里中黃元吉治錫為壺極精緻近日鄉人多用匏樽

西溪在府城西三里鮑恂所居東泖在平湖

檻邊花外盡重湖湖處杯觴興不孤安得家家詩畫手

鴛央湖權歌

三

望雲仙館

谿堂遍寫讀書圖

黃子久有由拳讀書圖

鴛央湖權歌終



鴛央湖權歌

和原韻八十八首

橋李遺書

嘉興譚吉璉舟石著

同郡孫福清稼亭校刊

予自弱歲從戎歐海間山梯涉殆徧今又往來燕秦間
且以轉餉入襄斜谷幾死者數矣稍稍息肩榆林適逢
寇至嬰城固守自知必無生理賴援師圍解庶幾可告
無罪以去此蓴鱸之思腸一日而九迴也表弟朱錫璣
以鴛央湖權歌簡寄依韻和之卽鄙俚者亦不加點取
其不失吳音已耳嗟乎人窮則返本蓋吾二人出處不
同而所遇之窮大都相類况粉榆之社入之夢寐者與
若以爲莊舄之越吟也則吾豈敢嘉興譚吉璉自序
斗門水勢到今平兩岍條桑鳩婦聲料峭春風帆腹滿
微茫烟樹露金明

鴛央湖權歌

一

望雲仙館

以下事見原倡者槩不復注

秋來蜜橘自塘棲露冷微霜烏夜啼擔至南亭香未敗
勝傳柑子鳳樓西

杭州塘棲與石門接壤產蜜橘粗皮而小無核味最
甘

水市花船一樣窗龍淵學繡一條江憑誰移箇龍淵塔

學繡村邊也作雙

學繡里塔一龍淵寺前塔三

漁哥聽罷聽山歌幾度當頭照桂娥影入碧漪坊下水
月光多與水光多

夜色千家盡黑甜夢羊人起兔華織火光直射杉青堰
舊事人猶說建炎

南宋運河二十一堰杉青居其一置監官一人秀王
子傅夫人張夢人遺一羊已而有娠以建炎元年十
月生孝宗於丞廳時杉青閩官虞侯張浩夜見赤光

鴛央湖權歌

二

望雲仙館

燭天

水次嬉游上木牌聞郎跣跣向金堦只知令史銅龍罨
不道先生角里街

禾中水次多編木爲牌浮于河中

三徑西隣楊柳斜經年塞上鎮風沙不聞竹裏提壺鳥
惟見墻陰苜蓿花

舍西有楊柳巷

蘇小墳前水北流苕花梧葉滿園秋月華不與高城隔
飛上星湖第一樓

嘉興縣學舊為興聖寺中有星湖第一樓

胥江不遠小山存猶有遺祠翠木昏挂席西風乘興去
白蓮秋水夕陽村

胥江在胥山下

光祿墓前啼早鴉一灣水轉石橋斜誰道犀牛能望月
遙憐樵子尙開花

先光祿公墓在城東北隅形家名為犀牛望月南有
樵子樹傳自西竺來者

鴛火湖權歌

三

望雲仙館

看作飛蛾逐對兒

二蠶並作一繭名曰同功繭

漁子經年弄小艚浮家絕勝女娟操拋將網下頭如鴨
收得魚來尾似刀

鴨頭船見三國志刀鱗亦作鱗春初肥美可食

活來不謝寶慶楊殺來不怨泰州張惟願太平坊下住
時時行樂寶花倉

首二句張士誠時謠也太平坊在北關外寶花倉在

府治西

春來河蜆不論錢竹扇茶鑪載滿船沽得梅花三白酒
輕衫醉臥紫荷田

紫荷花艸生田中花開如茵可坐臥遊人藉此泥飲
官家不數放金雞仗爾煇雞石上啼一自少連司憲後

誰平冤獄浙江西

雞鳴石在嘉興縣東相傳有人被刺死石傍冤其婦
婦臨刑以牲醴祭之盤中鷄忽啼聞傳一城冤婦得

釋宋史段少連為兩浙轉運副使秀州獄空

鴛火湖權歌

四

望雲仙館

玉簫閒按步虛詞

隱真院在城東南昔有方士於此修鍊化去中有一
池生魚多異色

花篙遊艇販私鹽不怕諸司怕范廉看取跳魚并子蟹
星星盡被鵲弓拈

樂城范廉良至正中為蘆廳巡檢善騎射雖海濱跳
魚子蟹之細捷矢之百不失一禾中販私鹽善弄竹

篙名花篙

江村復禮舊名鄉竹作笆籬石作塘到處十家三酒店

春波繫纜斫花香

唐書徐岱嘉興人大厯中為校書郎觀察使才柄筠
署所居為復禮鄉十家三酒店禾中諺也

棟子花疎過雨聲紫山看火樹頭鳴隣船兩槳買桑葉
南抵餘城北渚城

紫山看火俱鳥名鳴則桑葉貴餘城在半邏南

高城殘角起寒烟嬾上瓶山博醉眠已見鮑郎增稅務
更誰奏減月椿錢

宋史謝諤為按察御史奏減秀州月椿錢嘉定間置

鴛央湖權歌

五

望雲仙館

鮑郎鹽務

橋李亭南范蠡湖野桃花落點春蕪湖中種得楊池藕
得似西施臂也無

西施臂西湖藕名

阿儂愛泊相湖潯相湖銀魚一寸鉞吳鹽蜀薑為郎煮
不怕迴船到夜深

城北相家蕩產銀魚

閒看飛燕掠花階更聽蜂衙向早排忽憶南湖開芍藥
買舟重試踏青鞵

通陵何處水蒼茫辛苦陂成起馬塘秦駐山頭秦帝任
鯨魚織蛤可曾嘗

越絕書秦始皇發卒數萬造通陵南可通陵道到由
拳塞同起馬塘港以為陂秦駐山在海鹽

吳疆漠漠起黃塵君子鈞師爭戰頻橋李當時西屬越
六千曾有錦衣人

橋李為吳疆後屬越

巷西古塔畫闌紅閣老廳門一徑通猶記北樓驂綠地
薔薇一丈曉庭中

鴛央湖權歌

六

望雲仙館

閣老廳指舅家也

海口鮮船夜夜開河豚已過石頭催前溪載得南潯酒
涇濱無征任往來

宋史葛宮知秀州吏為關涇濱上以征往來宮命毀
之石頭即石首見臨海異物志

小武當山紅袖香折枝花繡間黃鸝成百二羅裙褶
鴉鞞浚遮罕地長

城北十五里有真武廟號小武當

市舶風檣五兩颺桑東太僕墓非遙黃腸華表千年石

常映雙溪百尺橋

先太僕公墓在雙溪橋南

險竿欲上鼓先搗跳罷雙九采索又連舫齊來菩薩廟
看場未散日先斜

徐偃王祠俗名徐菩薩廟

端平橋外浦雲濃傍岬隣船恰又逢水市乍聞雞膊膊
城樓遮莫鼓蘇蘇

碧瓦珠光火一丸綠楊絲挂采旛乾泥孩縱說酈延好
不及曹王廟上看

鴛央湖權歌

七

望雲仙館

鄆州田玘作泥孩兒一對至直十縑見陸游老學菴

筆記曹王廟武惠王彬祠

淨相寺門夕照黃菱花杏葉石榴香青李懸仁小如粟
錯疑鑽核自王郎

淨相寺產橋李

銖衣祖鉢貯雙林百尺淨屠海市陰橫浦遺居何處是
香鷗桂子滿園金

海鹽天甯寺楚石禪師衣鉢尙存張九成曾居鹽官
李清照口號露花倒影柳三變桂子鷗香張九成

青鵲白鷺浴湖堤飛向羅潭廟口西竹傘棕鞵塵不到
秋風且看稻花齊

羅潭廟在鴛央湖東禾中有秋分稻秀齊之謠

十番鼓笛畫船開吹到風雲酒百回月自鴛央湖上出
燈從獅子灘邊來

獅子灘東門外埠名

同心梳子結花梢比目文魚共水坳莫學趙郎貪尙主
秦簫聲斷鳳樓拋

南史趙倩尙宋文帝第四女海鹽公主嘗因言戲以

鴛央湖權歌

八

望雲仙館

手擊之事聞帝怒離婚

迦文鏤印竹花箋不讓生天靈運前蕭寺楞嚴開貝葉
書籤原是定林編

楞嚴寺寫本藏經海內止一部

星霜乘障一身遙骨肉難教開士描縱使全師由陸黯
不妨拜箭自張昭

僧維貞嘉禾人工傳寫尤以善寫貴人得名晉書侯

景將宋子仙進攻錢唐海鹽人陸黯舉兵襲殺偽太
子吳志張昭封由拳侯

塞上雕弓明月彎時時泣向大刀環
鴛央湖客鴛央水
遠夢何勞萬里還

榆林亦有鴛央湖

梭維動股羽織織秋興球場紅白黏
宣德盆中焚米潔
將軍塞上紫金尖

門促織場名秋興棚挂紅白二球勝者紅邊立負者
白邊立嚴將軍墓每年產一促織為冠里人爭往取
之佳者名紫金翅

演武場東廟祀施行行祖道此神祠傷心三疊陽關曲

鴛央湖權歌

九

望雲仙館

愁看千條弱柳絲

施相公廟行者於此祖道

參旗橫照郡樓平塔火初沈漁火生
郛外城中十三寺

一時落月盡鐘聲

江城錦鳥徧啼花柳外回塘宛轉斜
霜鹵鹽場分十處

月波春酒釀千家

玉海紹興鹽額浙西路秀州有鹽場十處

舞蛟石勢拂雲枝詔使宣和載獨遲
不共銅駝葬良嶽

至今猶葆穀成祠

舞蛟石在東門內高丈餘相傳花石岡所遺

卜隣不少素心人隨意閉門對酒蔬
館客牙兼書籍店
羹調菽乳但留賓

老學菴筆記嘉興間人滋善留賓食
不過蔬豆而已
郡人求館客者多就謀之又多蓄書
喜借人自言作
門客牙充書籍行開豆腐藥店菽乳
豆腐別名

蘆丞猶自著青衫日憶滄波天際帆
秦駐長牆多地脈
峩眉西望半規銜

劉青田謂峩眉山一枝南龍至長牆
秦駐山結穴惟

鴛央湖權歌

十

望雲仙館

周孔其人足當之見樂郊私語

三條玉帶兩條犀爭訪金雞夢白雞
高家嶼嶼羊虎盡

塘南塘北亂烏啼

學繡東三塔西有隻金母雞有人尋
得着三條玉帶

兩條犀堪與家訣也里中著姓營葬
多于是究未有

葬此穴者

勤王子弟繡州多路接臨平百里河
舊是蕲王駐師地

羅囊錦織夜深過

靖康二年浙西路勤王兵秀州七百
一十六人宋史

韓世忠至秀州稱病不行朱勝非給苗傅白太后封
世忠妻梁氏安國夫人俾速世忠勤王梁氏率子亮
疾驅出城夜會世忠于秀州

居士歸來無一塵柴門深閉白牛邊鐵肝御史時相問
悔不同浮范蠡船

陳舜俞棄官歸居秀州白牛村自號白牛居士錢觀
以御史判大理執法貶徙秀州蘇軾遺詩有烏府先
生鐵作肝句世稱鐵肝御史

鴛央湖權歌

七

望雲仙館

登場禾稼比牆高
上元燈火盡龍銜獸舞魚跳百鳥鶻千里舳艫連夜發
焦山早徧錦雲帆

宋史韓世忠留秀州會上元張燈高會忽引兵趨鎮
江及金兵至而世忠屯焦山矣

及山過雨水泠泠石壁苔深綴字青想見詩人遊覽數
扁舟來往女陽亭

貝助教瓊鮑布衣恂家近及山與張布衣翼姚教官
桐壽周山長致堯諸公倡和爲詩今山上尙有題字

朝鮮貢使墨山遙特賜鈿函詔七條數向明州來往熟
爲君也作綠江橋

西北兩麗橋相傳高麗使臣所築蓋宋爲契丹所隔
改途由明州詣闕此熙寧七年事也高麗有鴨綠江
跨江爲橋鈿函詔見宋史

當湖斷塔涌雙林塔下湖光九派深估客颿來隨處宿
阿儂持底比郎心

朱公清德未渠央不賜明湖與葛塘西麗橋邊頻悵望
烏頭零落狀元坊

鴛央湖權歌

七

望雲仙館

謂文恪公也

東園平仲近何如頗憶林棲賦遂初上番雨多移紫竹
方池水淺種紅魚

碧漪坊宅東有平仲三株

柘湖水涉白沙灣海月亭亭照獨山一自蓬萊風引去
至今千載不知還

白沙灣獨山皆在平湖

長水縣前長水晴語兒鄉裏語兒生嘉禾乍產由拳野
黃龍又見海鹽城

水經注由拳縣秦時長水縣也又引萬善厯云吳黃武六年由拳西鄉產兒能語因詔爲語兒鄉黃龍三年嘉禾生由拳縣改曰禾興吳志赤烏五年海鹽縣上言黃龍見青幟纒過白幟開相邀網米集城隈一身欲易蒼生命那得鄱陽佛子來

宣和中鄱陽洪皓爲秀州司錄時大水民失業皓發廩捐直以糶恐民紛競乃授以青白幟又浙東綱米過城下皓邀留之守不可皓曰敢以一身易千萬人

駕央湖權歌

圭

望雲仙館

命時號爲洪佛子

黃梅苦雨水連雲竈上蛙聲不忍聞海口潮濤三月堰桑田滄海一時分

宋史邱密江陰人知秀州鹹潮歲大人壞近海田密至海口視之遂築三月堰

宅西狷石舊名亭曾侍先人說五經夢想故園猶在眼櫻欄一樹假山青

先大夫鄉會試俱以五經中式狷石居先大夫讀書處也

雙梓墓前春女遊春風一曲散春愁農家世世比肩里勝襲分茅萬戶侯

比肩里見朱詩注陸東美夫婦葬後有雙梓生墓上其子宏與妻張氏亦相愛慕吳人呼爲小比肩人

貧居丙舍北營南水曲篙師路盡諳手種門前楊柳樹遙憐飛絮雪參參

石白湖南麻雀墩流盡向木蛇門三江霸業今何在吳越春秋又屬孫

吳越春秋立蛇門以象地戶故南門上有木蛇首北

駕央湖權歌

酉

望雲仙館

向示越屬於吳也

裴休島上最蕭疎傳是朱三十五居安得閒身坐銷夏插天翠柳滿牀書

朱敦儒行三十五插天翠柳朱詠月詞中句也

朱書銀尺闕遺蹤六里山前石簣封天璽乍頒人入洛夕陽青蓋有樓松

孫皓時掘地得銀尺又歷陽長上言石印封發以朱書石樂郊私語六里山舊有石刻云天册元年旃蒙協洽之歲孟冬陽月壬寅朔石簣神遺忽自開發拾

得青石璽符文吳真皇帝共三十八字六里山在海
鹽六里堰

廣陳小市客徘徊卜宅王孫舊水隈當時介弟來猶拒
縣尹何知是姓梅

趙子固隱居廣陳鎮縣令梅黻訪之不見弟子昂自
茗中來再三請始見子昂出呼蒼頭濯其坐

漱市澄湖映夕瀾人傳多尉舊鹽官遊人到此登樓倦
不信秦川道路難

華胥午夢是吾師醒值糟牀酒熟時甕菜但攜春不老
鴛央湖權歌

圭

望雲仙館

匏尊莫問夜何其

紹興中有海鹽丞謁一鄉先生主人未出丞睡主人

見丞亦睡兩不敢呼日夕不交一語而去趙子固愛

其事曰此二人有華胥意遂圖之春不老菜名

屏陵守塚幾村圍搖櫓依稀是白衣祠外青泥春雨滑
年年只有燕雙歸

呂蒙塚在海鹽城西四十里

幽谿鹿院水云云少女雲間四尺墳差勝六陵金盃出
玉鈞依舊對斜曛

海鹽德藏寺有雲間陸左丞二女墳楊璉真伽將發
之寺僧真諦抽草馱木杵奮擊真伽大慙而去見樂

郊私語

魯公浦與暗潮通十幅輕帆信好風試訪逋翁舊時宅
下山歌罷石臺空

宋史魯宗道為海鹽令縣東舊有港通海水至邑下
歲久湮塞宗道疏治之號魯公浦逋翁顧况字况常

作下山歌宅在橫山

菜花溼上牛漁磯蘆葦林中盡竹扉寒水看同春水闊
鴛央湖權歌

夫

望雲仙館

高田比似下田肥

菜花溼在城東蘆葦林僧舍名

花時午日白菰荒最愛鶯聲半邏塘一樣橋頭打雙槳

郎舟雲母妾沙棠

沈家園子已無存一水塘灣護節門年少休憐露臺妓
當時曾殺悼王孫

趙叔近悼王元孫建炎初為秀州守初王淵狎露臺

妓周後歸叔近淵銜之張俊為淵部曲時秀州茶酒
小卒徐明為變命張俊致討淵喻以意俊至郡叔近

郊迎于郡北沈氏園俊叱奴折其首取周娼歸于淵
淵以贈韓世忠

黃岡栖隱有名流張種同時譽並邁多事道書論殿上
何如鄉較在滄洲

南史顧越鹽官人所居新板黃岡世有鄉較侯景之
亂逃難東歸與吳興沈炯同郡張種同爲文會重雲

梁殿名越于中講老子

滕郎高詠興尤耽毛守登樓宴樂酣更憶詞人賀梅子
斷腸樂府徧江南

駕央湖權歌

七

望雲仙館

江南月波樓詩宋人推滕元發擅場毛守謂澤民集
中有和賀方回月波樓詞方回以梅子黃時雨句得
名人號賀梅子黃魯直贈詩云解道江南斷腸句世
間惟有賀方回

鄣外輕船處處乘桃花水滿壓魚簪板橋南畔更西去
一路青林絡紫藤

城南西板橋至項襄毅公墓下紫藤花最盛

山門常樂枕湖流象塔風鈴語不休誰識霜鐘鳴九乳
當年猶有最高樓

真知寺門榜曰常樂山門王明清揮塵三錄孝宗幼
歲偶至秀州城外真如寺登鐘樓先是僧徒以籩條
覆空處上誤履其上遂並墜焉傍觀者失色上屹然
立席上畧無驚怖狀

竹垞聽說梅溪上遶屋脩篁萬箇餘何日結隣棲傍舍
然糠同照夜深書

南史顧歡海鹽人家貧讀書然糠自照

客游姜被屢相從飛夢池塘別思濃遙計歸帆轉吳市
晴山九點數何顛

駕央湖權歌

六

望雲仙館

仲弟左羽客舒州將返里轉客吳下何山九峯在閭
門西相傳何顛宅

菟符袞袞付諸公寂寞名山計不同苦憶落帆亭下水
步兵只合老江東

不須鍊藥紫雲棲隨意江臯草閣低西馬橋西尋季虎
春船解纜月湖堤

紫雲山五代時譚仙鍊藥處月湖在城西北西馬橋
右舍弟方蘧別業在焉

木屣開後菊花開黃雀霜螯載酒醅九日登高東塔寺

風沙終勝赫連臺

卜居簾外想高梧穿徑惟須亂石鋪窮塞主歸無長物
庭花爲妾木爲奴

東軒筆錄范希文守邊日作漁家傲詞永叔呼爲窮
塞主王元之贈嘉禾朱宰詩猶勝白公尉盤匡庭花
剛喚作夫人

山杯恣取竹根爲何用星槎泛屈卮一壑一邱吾願足
十洲五岳欲安之

里中項氏有朱碧山所製銀槎鑿張鷟於上以七寶
駕央湖權歌

充

望雲仙館

嵌之兵後失之矣

權歌欸乃勝西湖風景尊前調不孤只少松陵朱處士
屏風八尺寫新圖

春渚紀聞松陵朱象先畫不輕作其在嘉興自毛澤
民爲郡守於郡城絕勝處增廣樓居名月波者日與
賓客燕息其上延象先爲作一大屏

駕央湖權歌終



耀 續

詩 駕

湖

續鴛鴦湖權歌序

權歌卽樂府欸乃曲也宜以吳音唱之故曰吳趨又曰吳歛其調聽水聲以均節依柔擗以抑揚不必配以絲竹而宛如小窗兒女訴怨思恩嗚嗚入耳大抵操土風吹寫幽悵者居多鴛鴦湖爲嘉禾巨浸客帆估棹往來不絕當明月之夜臥篷牕側耳聽之或遠或近歌聲四起不覺有撫時觸景之感又何必臨流讀離騷始泫泫淚下耶橋李朱竹垞先生爲

聖祖仁皇帝所拔之鴻儒著述充棟余曾讀其全集中

鴛鴦湖權歌序

望雲仙館

有鴛鴦湖權歌百首此不過花晨月夕攄頌宣鬱之作然由一斑以窺全豹文采已麟麟炳炳矣癸亥秋余聞其族孫梁在名噪鬻宮延之幕中以試其才出續鴛鴦湖權歌相質余不能作吳咏如常讀之其音諧其調協其聲淒以婉蓋家學淵源其流不竭有足多者夫權歌本篙師漁子以俚言俗諺牽合而歌之者乃運以文人之筆遂成大雅之音且能攷山川名蹟今古之異同臺榭橋梁新舊之沿革可以補志乘之闕文則又匪僅一斑之可言矣故序數語屬付諸梓

乾隆八年歲在癸亥仲冬下浣納蘭常安譔

鴛鴦湖權歌序

二

望雲仙館

題梧巢鴛鴦湖權歌後

鄭瑄

鴛湖波暖記清遊鰕菜會同范蠡舟唱徹玲瓏新樂府魚師菱女盡風流

六朝煙雨知多少百里鶯花感寂寥欲乞歌喉珠一串酒旗深處按瓊簫

續鴛鴦湖權歌序

詩首國風多孑寫物情詮次土風之作漢魏齊梁樂府
繁興燕歌京洛新聲競起嗣是以後如竹枝權歌欸乃
曲諸體語類歌謠義兼風雅清詞麗句譜入管絃皆古
樂府之遺也橋李朱竹垞先生以詩古文詞名江左蘊
蓄閎深搜羅雅贍而紆餘澄澹蛻出於風露之表其集
中有鴛湖權歌蓋叭紀品物抒幽臆時有同里屬和者
先生序之曰功名之士讀之猶動故鄉山水之慕矧予
之侘傺無聊者嗚呼權歌百篇即楚騷之九章哉其族

鴛鴦湖權歌序

三

望雲仙館

孫梁在有志汲古著述工且富續鴛湖權歌百首吟咏
性情悉本自然中丞常公既心賞而評序之予吳郡人
也與秀州壤相接吳越之間土風不殊覽山川之清淑
羨秀士之趾美嘗過南湖訪曝書亭遺址白花紅蓼秋
水蒼茫歎仕宦有時而盡惟翰墨風流足垂不朽焉梁
在之詩清而婉麗而不靡呂絕句為樂府足備太史氏
之采錄余從輶軒聽之品其格律不在大歷以後庶幾
克嗣前哲之清塵並能祖述風始之遺音也夫
乾隆九年甲子孟冬長洲彭啟豐敘於武林使院

賴業齋續鴛鴦湖權歌百首

有序

橋李遺書

秀州朱麟應梧巢著 嘉善孫福清稼亭校刊

曾伯祖竹垞先生裙摭吾鄉故聞為鴛鴦湖權歌土風
幾備述矣癸亥客桐溪閱齋銷夏率筆續吟徵材無閱
舊新下語自羞仍襲彙計成數亦得百篇顧經前賢舊
萃之餘僅存里巷瑣鄙之事復取而諷咏之竊附不賢
識小之義云爾

柳暗花深棹易迷
奩開明鏡夾東西
沙邊錦鳥頭雙白
不逐尋常野鴨栖

鴛鴦湖權歌

一

望雲仙館

湖以東西兩水相竝得名一云湖上多產鴛鴦

金縷歌傳入夢雲西陵松柏紀前聞
誰從露井雙桃畔

片碣重尋小小墳

蘇小墓在嘉興縣前舊志旁有古井及雙桃樹

焦帥園林選地偏
綠波幾曲畫橋邊
行人莫問流觴石

蔓艸空浮一徑煙

宋殿帥焦虎臣園在西門內有流觴石

郭西水木最參覃
一鏡寒光塔影涵
夾岸菜花香不斷

春風載酒竹橋南

三塔寺有寒光亭見岳珂詩竹橋在其北

葛翁井畔覓丹砂何似閩中管物華好是白頭徐長者
春來栽徧滿園花

葛翁井在天慶觀傍傳有丹渣浮出徐長者宋人有
園見嘉禾百咏

孤峰削玉翠孱顏清磬聲來古樹閒曉露未晞芒履濕
打包僧望碧雲還

碧霞寺在審山界海鹽西境

斷橋山水古桐涇一棹夷猶破綠萍不及阜林塘上路

鴛鴦湖權歌

二

望雲仙館

抽帆直過女陽亭

龍鹵南有梧桐涇明析邑名桐鄉以此阜林舊駟名

女陽亭一名女兒亭在女兒鄉或云在學綉邨

妾家門對徐熙宅郎家徑通范蠡湖妾依露井待郎至

郎見妝臺憶妾無

徐熙宅卽精嚴寺址靈光井在其北范蠡湖向有西

子妝臺

女郎祠宇枕溪流門外嶙峋石筍抽春雨乍添芳艸色

裙腰綠到鳳皇洲

白苧鄉有石筍夫人廟鳳皇洲在其北

斑魚黃雀儘充厨風味由來數夏湖市遠不妨留客醉
茅柴新釀賞邨墟

夏墓蕩一名夏湖去郡北五十里前人有忽憶夏湖
風味美斑魚黃雀寄來無之句

漁家柵口挂魚罾是處歌聲出採菱最好掀篷看秋月
平川夜市未收燈

平川在嘉善北有漁家柵

芝谿谿水逐村回溪上人煙暮景催兩岸野風瓜蔓抱

鴛鴦湖權歌

三

望雲仙館

一籬疎雨豆花開

芝谿在郡城西

古縣鹽田萬井平當年仙吏有詩名潮聲山色依然在

誰撼文房五字城

唐劉長卿會攝令海鹽有潮聲來萬井山色映孤城

句

遙峯環翠暮雲收海月初生玉半鉤林外乳鳩還喚雨

晴光已暎杏花樓

環翠在呂氏園海月在天寧寺杏花在資聖寺皆海

鹽名樓也

杜曲人家草舍低陰陰桑竹逐幽栖鶴田餘米開冬醢
蘆漚分鹽配冷齋

澗水志九杞山在永安湖北舊名杜家灣明許相卿
因之置杜曲岡又為孫太白山人置鶴田蘆漚權鹽
之所今析入平湖境

怨粉愁紅一夢驚妝樓廢後有人耕獨憐年少請絲竹
猶是新鷗樂府聲

元楊宣慰妝樓在澗浦今所傳樂府散套是其遺聲

鴛鴦湖權歌

四

望雲仙館

朱絲細界藏經箋管曹家筆最圓楊柳簾櫳春晝靜
名閨新句待重編

金粟寺有宋藏經餘箋每幅鈐以小印晁說之贈筆
處士曹忠詩自注有曹用筆先見稱於杭秀閨明閨

秀歸淑芬輯名閨詩

甲子清明百穀宜田家占候已先知新圖更判流年好
鉦鼓來祈八蜡祠

八蜡祠在斜塘鎮禾俗農家新正貼流年圖以占節
候

畫舫春深載酒招珠簾金粟鬪妖嬈翠巖亭下歌聲歇
山月溪花久寂寥

元鶴遜招揚廉夫輩七人游分湖用武陵溪上花如
錦之句分韻賦詩珠簾金粟二伎人名翠巖陸氏園
中亭見廉夫詩序

秋晚村邨社鼓催登場秔稻盡成堆年豐可救江淮儉
願得東屯白雀來

廣德初白雀集於高豐屯廩為大穰之徵見李翰屯
田紀績頌序

鴛鴦湖權歌

五

望雲仙館

短籬疏柳水邊邨斜插漁竿半掩門最愛分湖好秋色
畫圖誰仿趙王孫

錢重鼎隱居分湖趙子昂為作水邨圖一時名士俱
有題詠

社公雨後尚輕寒陌上春泥曉未乾里種桃花花有廟
亂紅深處露幡竿

城西南有桃花里桃花廟

楞嚴禪宇近高城老樹陰連雉堞橫一榻茶煙清午夢
眾香國裏聽鶯聲

楞嚴寺在城北隅眾香國范允臨所題禪堂額

香花橋畔月娟娟流照紅樓鏡檻前一自蓬萊幽夢斷
城濠何處覓靈天

望吳門內有香花橋隆慶間石獅巷朱生遇蓬萊宮

人贈以錦軸有壺天移在郡城濠之句見名媛詩緯

雙溪落日片帆開船尾銅鈺次第催知是楝花風信近

魚商爭販海鮮回

雙溪在郡東以通漢魏二塘故名四月販黃魚船至

必鳴小鈺

鴛鴦湖權歌

六

望雲仙館

一帶遙山九派波春來游楫起吳歌北原橫笛東田鼓

鴛鴦洲遊樂事多

當湖會九派之水元末於金山下得一碑曰鴛鴦洲

界北原牧笛東田社鼓其十景之二也

博陸行祠采仗排迎神簫鼓竟花街紅妝無數當窗出

半卸雲鬟七寶釵

博陸侯祠在當湖春日迎賽最盛

舞蛟石古翠峻嶒一朵寒雲潤欲蒸猶記少年觴詠處

鼠姑花下坐詩朋

舞蛟石相傳是花石綱所遺上有趙松雪題字在徐

問卿宅按問卿宅即今郡城東門內徐太僕祠

妬花風起雨疏疏墮白飄紅錦不如新水一篙添鴨綠

撥雲祠外聚多魚

德化都有宋時勅封撥雲吾相公祠前有深潭春日

眾魚來朝

檀板歌催妙伎敲瓊筵詩付小胥鈔空傳寓客才華盛

此地當年是樂郊

湖南樂郊亭因元季諸公避地禾中故名按明姚樹壽流寓嘉

鴛鴦湖權歌

七

望雲仙館

禾著樂郊私語

鞭山渡海笑秦皇遺廟松陰鎖夕陽天監宵碑迷處所

六朝陳跡又滄桑

秦駐山始皇廟有飄松伐去復生梁天監二年立碑

刻始皇承天云云今已磨滅

朝朝菽乳醃薑芽風味多從水市誇學繡塘南啼謝豹

迎船漁婢賣胎蝦

水市出天子秦時謠學繡產蝦獨佳

夜聽鳴梭出遠邨家家紡織古風存入城草布知多少

半是桐鄉半陡門

草布村落間織以為業見方輿勝覽今桐鄉陡門出者佳

桑間布穀曉爭飛麥穗初黃豆莢肥一葉輕舟雙打槳買蠶多自玉灣歸

石門灣一名玉灣禾中買蠶種多往西路

遊屯會駐水犀軍洗馬池邊散牧羣試按圖經尋故蹟漫傳吳越一江分

遊屯里洗馬池在石洞界皆吳越備兵之所

鴛鴦湖權歌

八

望雲仙館

語溪桑柘綠陰連半葉風帆送客船春水孤邨斜照外一洲青鑄沈郎錢

嘉禾志語兒中涇一名語溪洲錢地名見名勝志

郎行莫傍古牆陰郎舟莫逐秋水深白雲衰艸埋香處怕聽曹家一曲琴

嘉熙間金鶴雲真遇曹珪女子招提寺側有記得二

曲值千金之歌後鑿土得石匣古琴

夏簟風清午夢宜小軒脩竹映階墀不知坡老留題後幾度來參玉版師

東禪寺脩竹軒東坡會題詩

聞湖水接鴈湖清黃蜺朱蝦手自羹滿把韭芽和雨剪一林竹筍過籬生

郡北聞湖產蜺西為雁湖又祥符蕩出朱頂蝦

滄江虹月製輕航曉趁東風發魏塘劃破煙波三十里

酒旗漁鼓認陶莊

滄江虹月姚御史公綬舟名宋陶文幹居嘉善有東西二莊漁鼓畫橋楊柳外酒旗茅店杏花前楊鐵崖

句

鴛鴦湖權歌

九

望雲仙館

虹涇水轉苕塘流夜柵齊停估客舟霜月漸低鴉漸起鐘聲遙聽景龍樓

虹涇苕塘皆橋名景龍樓宋孝宗賜額即東塔寺鐘

樓太僕李日華書

良宵短夢負鴛衾檢點腰支妾恨深淚似茜溪流不盡春來生徧草紅心

檢點腰支足可憐明末伎徐翻句茜溪流地名見名勝

志

流虹坊口草青青春雨春風何處亭不似詩人題詠日

新荷細柳徧沙汀

流虹坊宋孝宗誕降之地方干題嘉興縣署池閣有
細柳風吹旋新荷露壓傾之句舊有春雨春風二亭
今廢

藥闌雨潤草芽花徑泥融燕子銜又是西郊香市近
唾絨催繡藕絲衫

松竹陰濃隔斷垣禪房蝙蝠畫飛翻浮屠十丈南朝寺
傳是昭明太子園

鴛鴦湖權歌

十

望雲仙館

約三丈范石湖詩云花木禪房多不見但餘蝙蝠畫
群飛

幾樹垂楊覆斷磯蘆花初白蓼花稀軍持自汲含山水
遙見僧雛出翠微

含山在石門北其上有寺下有泉味似安平白沙

古木蕭森蔭講臺春風杖履幾徘徊石人涇上荒墩在
落日空尋白社來

石人涇在石門白社書院衛富益講學所

深村四月閉蘆房女伴盈盈出采桑生小貞姑廟前住

沙頭羞見野鴛鴦

崔貞姑廟在練浦

熙春橋外水如天五日爭看競渡船蒲酒快斟人半醉
釵頭艾虎一絲懸

熙春橋名在春波門外卽牙前橋

梅雨初晴漲白波月濠便唱采蓮歌扁舟更溯西溪水
夾岸叢篁翠木多

月濠在城北其旁連荷花地西溪鮑恂所居去城西

五里

鴛鴦湖權歌

十

望雲仙館

野塘十里過青松霜壓篷窗曉更濃舟子夢回知雨信
數聲遙辨破山鐘

青松塘在海鹽土人謂破山鐘聲到呂塚宋湖天必

陰雨

秋禾連壠野雲黃碌碡新平打稻場開得古涇三百所
家家鷄鶩有餘糧

古涇三百一所唐合李諤開以禦水旱在海鹽西境

平原百里徧春蕪絕少山容入畫圖幾朵翠鬟臨玉鏡

澈湖烟景亞西湖

一 澈水四圍皆山有小西湖之稱

茅屋三椽野外開山莊近日已無梅只應雪夜攜雙鶴
孟姥泉邊看瀑來

元陸請梅花莊有野外草堂孟姥泉在鹿山下有瀑
布

借月留雲是處家一竿容我占鷗沙晨炊誰送米莊米
畫詠自烹茶屋茶

米莊在百步橋側張循王納米之所茶屋元屠兼善
築貝瓊有記

鴛鴦湖權歌

三

望雲仙館

春渚相逢盡酒人輕衫小扇一時新辦香閣外停蘭楫

醉喚船娘餽錦鱗

辦香閣郡守黃家遊爲宜山居士盛遠建在南湖濱

溪頭弱柳絮將飄陌上柔桑葉未條回首墓田春水隔

輕舟斜度化龍橋

化龍橋在瀟城南與先世墓道相近

馬王廟下禁煙過柳岸停橈集翠蛾搗鼓賽神三日會

險竿健舞疾於梭

馬王廟在長水塘每歲清明三日邨人賽神於此

啼鳥聽殘綠樹叢浮生自託醉鄉中酒仙蹤跡人誰識
作達惟傳荷鍤翁

林酒仙祠在東禪寺門前綠樹無啼鳥其遺句也方
輿勝覽劉伶墓在嘉興縣東二十七里

風荻秋深雪作花柳洲亭外雁行斜歸船只載幽瀾水
不向銚山問酒家

柳洲亭幽瀾泉俱在嘉善魏塘市南亦有銚山見宏
治志

鴛鴦湖權歌

三

望雲仙館

若帶蕤絲綠滿川池塘乳鴨避漁船誰將李甲圖中景
寫入晁家好句傳

元石門張子修園有乳鴨池李甲宋海鹽華亭鄉人

畫工翎毛晁無咎有題其畫鴨詩

翦翦輕風散薄陰一春花事在錢林梨雲李雪清遊續

夜舫紅螺對月斟

錢林邨名見嘉禾志地有禦兒梨及佳李

浮玉亭空竹樹齊一橋橫截水煙迷西湖日夜東流去

只恨東湖不復西

浮玉湖心亭名

戟府沙堤代已遷來昆生計太蕭然栽花未關東莊徑
種林曾無北翠田

東莊懷悅別業北翠嘉善圩名

酒澆春衫半醉醒湖邊歌舫幾回停風情尙憶松園老
曾載雲娃此踏青

程嘉燧鴛湖夜歸與雲娃惜別又與雲娃踏青並有

詩

雪面雲鬢舞柘枝勺圍聲伎豔當時何須聽到梅村出
始信風波一葉危

鴛湖權歌

西

望雲仙館

勺圍吳選部來之別業吳梅邨有鴛湖出紀其始末

甚詳

松關書掩吠村厖幡影空移舊石幢問訊碧鮮亭外竹

孫枝幾葉護經窗

郡東淨土寺多竹有碧鮮亭寺以五代時掘地得唐

咸通中石幢因建

空林葉落蜃園秋斜日荒荒海氣收吟徧梅花詩百首

歲寒高韻在山頭

李潛夫隱龍湫之蜃園有和中峯梅花百詠

譚嶺嗟峨近海東鞞屨拄杖慕元風家山自有神仙侶
十賚休誇陸逸冲

譚峭嶺在海鹽相傳是其煉丹之所陶宏景有十賚
文爲高弟陸逸冲作逸冲鹽官人

養魚池闊徧魚梁反照翻波潏灩光三板船輕隨意泊
釣絲風裏白蘋香

方輿勝覽養魚池卽陸瑄池又唐刺史丁延贊得金
鯽魚于此卽今之西河

鴛湖權歌

五

望雲仙館

螺潭月止照龍潭

西津菴萬厯間建有先文恪公題額螺潭在滄湖東

南竟潭卽三塔灣劉基寓柳橋作漁唱

止鄉農比卞鄉勞十里車溪轉桔槔那得攬龍興雨訣

手哇夜聽水嘈嘈

車溪在石桐界攬竟道士沈嵩高事

靈風颯颯畫冥冥短碣苔封不辨銘麥飯誰澆公主墓

且隨杜宇哭冬青

宋公主墓孝宗女葬及山東麓

短篷如葉長年操水宿風餐不憚勞伍子塘邊秋漲闊
浪花直似廣陵濤

伍子塘在胥山下

銀光雪色繭絲誇小婦沿溪出浣紗翻得入時花樣巧
織雲坊底獨兒家

元錄事司名坊七十有織雲坊通織紗巷故名

江鄉秋景畫屏中楓柏深園酒旆紅不及柿林駢火實
更饒霜葉照晴空

柿林秀水鄉名

鴛鴦湖權歌

未

望雲仙館

牽牛花吐露初零邨落多談促織經年少一時爭放櫂
漫乘秋興到風溼

禾俗鬪促織謂之秋興風溼即白牛溼陳舜俞舊里

鷗鷺間尋世外盟合溪別館幾經營玉笙錦瑟銷沈後
雅集空懷顧阿瑛

元顧瑛於合溪築別業聲伎甚盛陳基寄詩有綠波

芳草盟鷗鷺錦瑟玉簫悲鳳皇句

官梅雪後幾枝橫畫戟凝香入夜清好趁上元寒月皎
試燈風裏看花行

壯繆祠西關小園碧桃紅杏壓枝繁尋芳競繫青絲絛
風信從頭算幾番

煙蕪滿徑燕交飛鳴綠波深上釣磯閱館蝶華空一夢
門前高柳自依依

蝶華居在放鶴洲高伯祖貴陽守爲戴山人築

華月池頭月上初禪屣深掩樹蕭疎水花零落芳洲冷
誰復南軒夜讀書

華月池在青鎮廣福寺南軒陳簡齋讀書處

何城路轉晏城遙橫港波深迅似潮白馬嶺頭貪放溜
滿筐蓮藕載歸橈

鴛鴦湖權歌

未

望雲仙館

滿筐蓮藕載歸橈

何城晏城俱吳王所築在石門境白馬嶺宋高宗瘞
泥馬處

湖土園林半就荒不栽花竹徧栽桑秋來何處天香早
尙憶儂家綠雨莊

綠雨莊高叔祖宜春令別業有大桂四株

菱生別港角多尖獨愛南塘味最甜一權入城齊問價
家家水閣捲疏簾

滑笏清流約岸平晚涼風定細潮生玉壺沾得新醞酒

家家水閣捲疏簾

滑笏清流約岸平晚涼風定細潮生玉壺沾得新醞酒

滑笏清流約岸平晚涼風定細潮生玉壺沾得新醞酒

23999-98版

來聽繁絃脆管聲

新塍鎮名宋時嘗設酒務

拓得闕田數畝寬曹王新廟俯晴瀾水風吹散荷池暑
時有蜻蛉上釣竿

盈筐紫蟹內黃含白酒新篘十月壘醉向芙蓉塘外宿
燈前織手壁霜柑

宋潘師旦會景園有芙蓉塘在馬場湖南

桂楫招尋舊酒徒煙波處處唱吳歛丹青不解梅花衲
只寫禾中八景圖

鴛鴦湖權歌

六

望雲仙館

吳仲圭有嘉禾八景圖

繡鴨灘前舉權遲歌傳菱女並魚師吾家供奉清音在
風末誰聽下里詞

會伯祖竹垞公官翰林院供奉嘗作鴛鴦湖權歌百
首刊入曝書亭集中海內至今傳誦

續鴛鴦湖權歌終



219

跋

竹垞朱太史鴛鴦湖權歌百首風行海內久已家有其
書同時譚舟石太守遠宦秦中與太史為中表兄弟依
韻和之雖未能工力悉敵然其押韻深穩隸事精詳亦
未宜為三舍之避故曝書亭集中譚作率多附見譬諸
輞川唱和裴迪附摩詰以傳亦騷壇佳話也坊間向有
單行之本輒增入張芑堂陸和仲兩家未知其詩果堪
與朱譚頡頏否也近得梧巢朱君續權歌百詠清新俊
逸嗣響風騷洵不愧竹垞後人因取而合刻之以見吾

鴛鴦湖權歌跋

望雲仙館

鄉風雅繼起有人撫軼事而述舊聞其淵源有自來矣
蓋自太史倡為此調禾中名勝遂傳播四方今鴛湖中
煙波無恙歟乃時聞而學使者按試秀州往往以此命
題試士流風餘韻至今猶有存者知小長蘆之遺澤孔
長也豈第箇漁稼翁三世繼斜川之武為吾郡美談而
已哉光緒庚辰春三月既望拙修居士孫福清謹跋



西
谿
雜
詠

光緒丁酉初夏

孫峻書

風木盦版行

西溪雜詠

錢塘陳文述退菴

方井是王方平汲飲處

相傳王方平飲此故名有亭米南宮書榜

古井秦亭下寒碧何清冷書者米元章飲者王方平
麻姑與裴姥窈窕皆仙靈

屠墟廟

西溪土社也俗以為三國時劉璋當是朱虛

侯劉章之譌

屠墟或朱虛劉章非劉璋野老讀稗史誰識城陽王

西溪雜詠

一

神鴉散春社古樹森斜陽

夕照菴是晉慧理退隱處

在石人嶺下慧理晉咸和閒人

燕寂靈隱前緇經天竺後理公昔開山春淙對靈鷲

晚歸茲山麓瓶鉢隱深秀

長慶菴是梁隱士呂公所建

亦名長慶堂

梁代兩高士朱公與呂公朱墅武林下呂菴渦渚中

吾亦思歸隱青山醉碧翁

清溪院唐羽士費元真開山

院在安樂山下羽士寶厯閒人

昔者費長房樓隱壺中天君豈其苗裔卜築清溪邊

一雙黃鶴來家世多神仙

石廟松

在西穆陽神為石晉後廟前古松大可十圍

西溪石廟松聞可十圍大天風吹古泉謾謾秋濤和

夜深山月來照見蒼龍臥

大蘇林是吳越將臺

在法華山陽納土後為趙山寺

保障功無比君王氣自豪三千水犀弩何處射江湖

西溪雜詠

二

斜陽趙山寺鐘梵暮煙銷

秦亭山是秦少游建亭處

或云始皇駐蹕於此乃秦望山之訛也

少游建亭處山亦名秦亭紅闌深翠微一覽羣峯青

何如古龍泓澗雪聲泠泠

龍歸院是佛印禪誦處

在龍歸鳴本清化寺高宗幸洞霄宮過此改

名

龍歸雲亦歸鳴深雲氣重昔者印上人於此事禪誦

古佛寂無言經聲出雲棟

留下

宋南渡將建行宮於此後定於鳳皇山曰西
溪且留下遂以為名

鳳嶺開行宮西溪且留下留下與何人桃花滿村舍
不為酒稅處酒味美無價

南宋輦道

愿方井法華秦亭幾十八里為車駕入禹杭
洞霄宮輦道

沿山十八里南宋此輦道一徑入餘杭處處煙嵐好
不見翠華來東風搖百草

西溪雜詠

三

永樂菴是紹興中梵僧阿科真負經西來棲隱
處

菴初自梁貞明間

禪經維摩詰飛錫諾矩羅負經何年來應仗白馬馱
我欲師金仙來問阿私陀

安樂橋是濟祖所造

在唐家山永興寺外

昔聞寶掌僧建橋天竺路濟祖多神通遺迹留此處
瓣香兩寺中靈隱淨慈頂禮慈航渡

神仙宮是女真魏無瑕築室處

宋御書額無瑕端平閒人

黃純澹春色翠黛橫秋煙誰居神仙宮將母古神仙
若非李騰空應是謝自然

得仙橋是朱仙翁遺蹟

在龍歸鴈翁紹興閒人能前知坐橋而化

是否朱桃椎抑是朱百年神仙而隱逸隱逸而神仙
蟬脫有遺蹟略約橫秋煙

金四姥橋是金四將軍妻所建

建炎中將軍從張伯英戰死其妻歸舊廬築
橋以資冥福橋下垂柳獨盛亦名金橋

西溪雜詠

四

將軍百戰死阿姥獨歸家捐金作功德橋影臥平沙
橋畔垂楊柳年年掃落花

陶家廂是陶處士隱處

理宗時人在禁酒牌後夫耕婦織有粟里之

風

耕桑宜隱逸煙霞足神仙昔者陶彭澤高臥羲皇前
豈其苗裔耶春陰理農田

周陸隱居

周士民茂叔後園在耕南鴈堂名草窗陸象
山乃子靜之裔家臥象山下有萬日軒望雲

臺今惟陸家橋存焉

周爲茂叔裔陸亦子靜孫各有遺宅在家世推清門
許我中央居他年來卜鄰

章神術

在馬池南咸瀆中賊兵過溪神方春戴石白

持旌出賊散走居民後祀爲土穀

首白手白楮大呼賊辟易卽此保障功足以享廟食
祠前老樹多歸鴉陣雲黑

蔣侯廟

宋郡民蔣崇仁崇義崇信樂於施賑里人立

西溪雜詠

五

祠鹽橋咸瀆二年賜額曰廣福六年按撫潛

說友請封以侯爵今蔣村有廟其子孫所私

祀也

蔣氏好昆季世代有陰德茲村其故居詒謀深燕翼

至今千斤池祠樹黯深碧

福清菴憶邁子山題詩處

在安樂山前又有福勝院詩

山寺聽曉鶯石橋看繫馬我愛邁子山詩筆最古雅

萬竿修竹中清陰覆古瓦

交蘆菴有董香光題額

在曲水菴右卽正等院誤作茭蘆琅嬛師作

詩正之

我來交蘆菴因識交蘆義參透根誠塵香光老居上
緬懷琅嬛翁留詩證禪味

秋雪菴是陳眉公題

在兼葭深處原名資壽院水周四隅兼葭彌

望花時如雪

叢蘆菴四隅未秋已先雪吾家老眉公殘墨半剝蝕
誰譜秋雪操冰絃警寒碧

曲水菴是雲棲古德法師建

西溪雜詠

六

長河縈繞匯爲放生池

古水匯澄潭一菴臨水曲其下放生池游鱗漾輕殺
林鳥亦飛鳴曉色屏山綠

溪上巢

大善字心宗錢塘魏氏子自稱閒人著書又
稱虛閒子居溪上巢爲西溪最勝處樊榭屢

游有詩

靈隱巢柯隴孤山巢居閣此閒溪上巢影向溪中落
僧從溪上來亦似歸巢鶴

翁氏書閣

在安樂山下永興寺前臨永興湖崇禎初翁

氏兄弟構書閣於此

錢氏有書藏翁氏有書閣可惜所藏書今日已零落
樵人識遺趾一峯指安樂

江元祚橫山草堂

在六松林畔元祚有草堂記

橫山六松長松閒營草堂山閣擁書臥風過松花香
一篇山居志煙霞媚文章

湧山閣是藐山主人聽泉處

在石人嶺下

西溪雜詠

七

山花閒白雲一峯林外碧山人百無事跌坐聽寒雪
微風拂水花坐久羽衣溼

二雪菴馮祭酒手植綠萼梅

在永興寺

永興兩梅樹祭酒所手植花開梅檀香如入眾香國
分明萼綠華雙影暮雲碧

雲谷山房是孫素心道人修真處

在青芝橋最深處

道人慕藏修若雲隱深谷一卷古丹經寫罷焚香讀
清磬不出門檐前嬾雲宿

張莊壁上畫松

華亭張彙別業臺榭最勝今惟破屋壁上畫

松存焉隨時榮枯人以爲異

張莊壁上松知是何人繪雙管寫生枯夭矯各有態
深夜門不關風雨起靈怪

高氏竹窗

高士奇別業康熙三十八年春 聖駕臨幸

書竹窗二字 賜之

江村昔歸田此閒曾卜宅溪上一翠華來一御書映
寒碧竹外一枝斜古梅有高格

西溪雜詠

八

河渚

本名南漳湖又曰蒹葭深處亦名渦水

河渚卽渦渚亦名南漳湖湖上紛蒹葭幾輩漁人漁
老梅疏竹外隱隱多茅廬

花鳴

在法華山之陰地絕幽邃多古菴

山深村鳴多此閒更深曲春風一以至如入萬花谷
夕陽到地遲花外眾峯綠

樹雪林

在花鳴深處蜀僧竺雪居此游迹甚廣著有

遊記

北峯最深處林深樹陰碧蜀僧下峨眉天花駐飛錫
一卷遠游記不減徐霞客

梅花泉

在九沙柏家園左泉從地湧起作梅花瓣深
不能咫尺灌田十餘頃

十樹梅花嶼一掬梅花泉味亦如梅花香入冰甌圓
孤山招鶴雛冰雪懷逋仙

千鈞池赤鯉

在蔣侯廟前廣數百畝歲可得魚千斤春深

西溪雜詠

九

風雨有赤鯉來朝人或見之

蔣祠千鈞池漁家種魚處藕陂魚百石頗可足租賦
當年赤鯉魚應已化龍去

三橋花市

溪有三橋居民臨水花木周廬亦稱花市

三橋多垂柳濃陰覆雁齒居民多種花紅香三四里
如游眾香國如入華鬘市

厲樊榭墓

樊榭名鶚字太鴻墓在花鳴夫婦及姬人月
上墓皆在焉同人置有祭田歸交蘆菴僧管

領粟主亦耐菴中

西溪多古墓著者樊榭翁若姬亦埋玉芳魂翩驚鴻
蒼蘚滿石碣繡出山花紅

蔣烈女祠

在三墩父名元文字高氏未婚守志奉母撫
姪母死自沈於水余友蔣村大令之姑也特

旌建祠

烈女孝且慈奉母兼撫姪母終姪成名一死始謝責
門前塘水深澈底澄寒碧

荆山七十二賢人峯

西溪雜詠

十

峯峯排立有如羣賢起自餘杭盡於荆山

七十二賢峯峯勢卓立我行荆山麓如經曲阜邑
岱宗夫如何萬古蒼茫色

太僕山梅花三十里

四面臨水亦名大雄山

桐廬九里洲洲在梅花裏約略十萬株花開滿江水
何如太僕山梅花三十里

大自在菴

松壺子營生壙於此建菴曰大自在
問君何功德乃得大自在云藉智慧炬以脫煩惱械

空菴聽雨人從君禮梵唄

秦亭丙舍

余家先隴在古蕩期以秋雪漁莊為丙舍

古蕩折而東先隴秦亭下漁莊面秋雪即以營丙舍
華表鶴歸來山花開復謝

西溪水仙祠

西溪在西湖北峯之陰山水幽勝梅花數十

萬樹白霞仙子司之余曾有詩

雛鬟調乳鶴溪上是兒家澹冶春煙影真如夢綠華
明璫翠羽帳管領萬梅花

西溪雜詠

十一

花海

西溪居民種梅為業花時不減鄧尉香雪海
香雪春無岸煙波汗漫遊松壺老居士為我寫扁舟
美人橫笛去花滿翠雲表

花源草堂

花海向盡花源在焉將營草堂其間

花海行向盡隱居多邱樊草堂萬花中開門對春山
漁舟逐水行何似桃花源

秋雪漁莊

近秋雪菴朱素人寫圖彭甘亭作記

我愛漁莊好相依秋雪菴漁舟渾不繫雪北更花南
蓑衣臥花影酒甕枕餘酣

豐樂港

錢塘舊令汪少海所開程月川中丞名曰豐
樂其地舊有豐樂亭暗合亦前定也

古有豐樂亭今有豐樂港年豐而人樂秋成息鋤耨
飽飯譚黃虞婦子燈前講

蓮公蕩

亦少海所開為泊舟所以經費為繼蓮龕方
伯所籌故名

西溪雜詠

十二

蓮公吾舊識清淨亦如蓮此地梅花國呼名豈偶然
梅花開落後蓮葉正田田

西溪雜詠終

先曾祖鉅川公祖掌六公墓在張家園洛耆府君暨
竹舟先兄墓在閑林步之金筑山近更於楊家牌坊
右營風木菴春秋祭埽嘗往來止宿流連展謁焉既
歷其風土因攷其圖籍先後得吳本泰西溪梵隱志
馬元調橫山游紀孫之騷南漳子釋大善西溪百詠
釋明開流香一覽章黼梅竹山房題詠校梓以傳道
光閒吳彤文續刻梵隱志與吳氏原編不分限斷思
理而輯之又桐城蘇惇元手錄樊榭山房西谿諸詩
長卷嘗存之交蘆菴亦思編而刊之年來衰病侵尋
未暇也偶閱陳退菴先生頤道堂集中因負土而作

西溪雜詠跋

一

此詩雖止古體五十篇題序簡而明詠歌蒼且秀留
下十八里之景物略具於斯用付手民傳爲西溪故
事云光緒丁酉夏日松生丁丙

西溪聯吟

吳大帝石杵峰

吳祖枚

嵯峨石杵置深山
霸主威靈指顧閒
利器早平吳地寇
豐功旋靖楚江蠻
三分大業空留蹟
千載英風不可攀
閱盡冰霜垂不朽
苔花蝕贖字斑斑

隋唐棧道

吳祖枚

六朝盛事紀偏詳
轆轤車聲擬在望
迢遞南來懷故宋
崎嶇西幸慨前唐
蜀中空自嗟
窳老花下何緣遇
妥娘惟賸沿山十八里
幾家燈火話昏黃

吳越教場

吳祖枚

西溪聯吟

一

此地空遺古教場
一方保障重錢塘
自從營氣占風雨
曾說宮基卜鳳凰
殘月斷雲生黯淡
荒煙蔓草倍淒涼
山僧不解談兵策
但叩疏鐘課夕陽

唐李隱君西齋

吳祖枚

金碧遙山絢隔谿
石橋閒築小齋西
絲黏晴雪時隨蝶
竹暖斜陽亂臥雞
匏繫秋心藏酒宿
土坯荒徑種花齊
革除塵事甘棲隱
木落天空鳥自嘯

唐肆

吳祖枚

法華亭畔路迴環
唐肆相傳客往還
萬疊煙雲籠樹杪
幾家燈火傍山灣
松風不斷忘深暑
樵徑何人得

小閒行旅曾經通貿易
息肩聊惜步維艱

明河泊所

陳如松

相傳泊所考無從
稽古偏教樂滿胸
莫是關津徵稅設
也非隘守禦防供
荒郊月冷迷前蹟
村落人稀杳故蹤
偶聽老農評往昔
凝思獨自撫孤松

金峴

陳如松

高峴金流舊蹟真
當年探穴竟何人
蓬蒿徑外鳥飛疾
古木林中鼠化頻
豪富易教開惻隱
文章也足療清貧
無顏不作貪天想
任爾巖前薤草新

深潭口

吳祖枚

西溪聯吟

二

水曲潭深靜不波
瓜皮艇載客閒過
四圍斷岸居民少
一徑荒林宿鳥多
髡柳半敲餘嫖嫖
蘆花平放舞娑娑
與酣只有漁人好
高唱鸞鸞月子歌

徐家橫頭

陳如松

扁舟閒盪水雲鄉
徐氏橫頭繫綠楊
帆影翩翩收斷岸
笛聲遠遠遞滄浪
數竿修竹遮平屋
幾樹寒梅出短牆
解纜歸來斜月上
漁燈一點射陂塘

九曲嶺

陳如松

僻徑閒來信步游
碧山懸瀑入谿流
三乘坡外青成暝
四顧崖邊翠欲浮
自弄巖花垂露溼
偶攀藤節斷

雲留欲登石磴舒清眺九曲方能上嶺頭

象鼻山

吳祖枚

象鼻名山亦奇徒勞力大笑熊羆妬他白豕人誇
亥好看青獅佛坐宜不亂卷舒敦體段每懷頭角列
朝儀太平定卜豐亨兆虎豹須教側眼窺

安樂泉

吳祖枚

安樂山邊水一泓照來毫髮盡分明交從澹處交應
久泉到名時泉自清暮靄獨教開舊畫斜陽偏許弄
新晴居坡畢竟居山好巖石招人大有情

森羅鳴

吳祖枚

西溪聯吟

三

鳴字森羅語更新陰翳若不辨昏晨元林長此棲禔
秣白日還同泣鬼神祇覺愁雲飛慘慘那堪野火散
熒熒我來欲問從前事大將墳荒認不真

神道路

吳祖枚

當時功懋盛名揚神道相傳坦且長半讀半耕嬾馬
氏全忠全節佐康王棣華競秀芳千古桑梓咸霑庇
五方迤邐前行梅竹境搜羅佳句貯奚囊

菩薩泉

吳祖枚

古刹深藏別有天慧池新放九枝蓮竹林園裏雲光
澹香積厨中水味鮮法海耀靈施普濟愛河靜浪識

眞詮誰人領略泉中意參到源頭卽是禪

鄭公尖

吳祖枚

鷲嶺支分一脈通巍巍高聳白雲中山靈若解懷佳
士谷口長教屬鄭公腰隱日光霏雨氣頂邀春色轟
晴空此間獨許留仙迹疑似蓬萊選碧宮

童婆澗

吳祖枚

橋著童家蹟已陳不勞涉澗問迷津周行自此多游
客利濟偏教屬婦人柳綫難穿前日淚鶯囀絕勝舊
時春婆心亦足留千古清潔名垂松與筠

金四將軍宅

陳如松

西溪聯吟

四

將軍當日擬天神藁葬沙場識虎臣臨敵忘身悲勇
士築橋立志重夫人柳絲低掩重門怨花萼空餘小
院春四姥橋名垂不朽卻教客過每霑巾

祝九相公祠

陳如松

遺愛猶存每念公居民長此沐流風名崇梓里人皆
仰志傲林泉道自隆安樂傳家絲世澤農桑徧地慶
年豐僧他野史談何略幢影凌天殿日紅

地藏殿

陳如松

十八里沿山路長地藏祠宇枕平岡霜芒瑟颯摧枯
竹風影蕭條捲白楊殘鼎煙飛雲氣冷疏鐘聲徹月

華涼蓮花幢折禪燈滅寂寞檀林選佛場

章神墓

吳祖枚

驚人辟易發雄呼奮勇爭誇膽滿軀偉業自能全父
老壯心焉肯念妻孥試看桀石降羣醜不必揮戈敵
萬夫贏得一杯青冢在卻如江上集神鳥

詩僧塔

吳祖枚

浮圖高聳倚峻嶒法髓曾通大小乘百詠詞壇名久
擅半生吟癖愧無能心期明月禪初徹句課梅花冷
不勝好趁清風同一夢青山伴我哭詩僧

橫山渡

陳如松

西溪聯吟

五

尋山迅入橫山路綠樹陰濃古渡頭碧水潺潺穿石
罅白雲冉冉護松毡落帆不見人無影舊址依稀名
尚留爲問前蹤誰解識莫將往事漫按求

九閒樓

吳祖枚

泥馬南來紀舊游西溪猶說九閒樓杯邀竹葉春偏
好座對梅花興更幽斟酌不須徵賦稅差徭從此免
按求殘碑斷碣今何在前事空教迹尚留

玉池庵

吳祖枚

傍水依山結小庵一泓如玉映禪龕涼生秋碧痕微
晃月照清泉影半含竹護青雲飛上下林驚鳥鵲繞

東南此中只許知音賞俗客何勞問再三

聽法庵

吳祖枚

老僧說法老龍聽彼此禪機見性靈佛卽是心心卽
佛醒初如夢夢如醒木魚聲遠敲殘月石磬音高亂
曉星妙道不煩頻指點一經解脫自忘形

鱉兒橋

吳祖枚

旁人休笑我無腸略約橋頭稻正香石畔潛行宜待
月沙隈放眼獨迎霜山廚應擬留松醋野徑何嫌植
桂薑路界兩邊田最好莫教風雨妒重陽

窮帽峰

吳祖枚

西溪聯吟

六

雲圍靄擁一峰尖霽色嵐光秀影纖休把黃冠稱隱
逸每慚烏帽說清廉野僧歸去禪應悟高士登臨韻
許拈爲識山靈成解脫戲將斗笠表莊嚴

蓑衣泉

吳祖枚

淋漓萬眼掛巖隈汨汨無煩待雨催隰畔斜披雲絮
溼潭邊疏落水衣堆珠簾日映光深淺玉佩人行聲
去來始信美音從此得不須林下細徘徊

獅居石

吳祖枚

一卷危石儼青獅高踞林原若個知苔蘚作毛渾欲
吼煙雲護體亦稱奇雪深更愛身俱白月下何曾步

少移百獸已知皆歛迹問他居此意何之

鳳凰坡

吳祖枚

當今準擬鳳來游樹密林深月一鉤竹實有苞棲亦
穩桐華無語韻偏幽徒勞丹穴鳴嘹唳誰向高岡問
去留我欲西谿叩遺蹟莫教飛去不回頭

鴛鴦池

陳如松

池在荆山西復西雙雙開鏡隔芳溪早偕鸞鳳同心
偶已效鴛鴦一處棲桃李無言猶解意靡蕪有夢幾
曾迷水心雲影常親近春暖晴波繞玉隄

鹿苑

吳祖枚

西溪聯吟

七

水月莊前水月清碧雲深處任閒行山空林靜仙留
迹境僻人稀鳥不驚禪悟心源應入道才推選部足
題名慙慙分付千年鹿爲我靈芝賸幾莖

風渚

吳祖枚

粵自汪芒守是隅巍巍三丈偉身軀那知遺蹟留風
渚誰解前蹤化草蕪宿靄冷迷悲水鳥寒颺酸偏泣
山狐遊人感慨緣何事厭聽聲聲叫鷓鴣

花碓

吳祖枚

清泉潑潑景叢叢花姓生涯寄此中曾與銀光爭滑
膩漫將玉版論精工澗深水急春春兩日暮聲高碓

晚風不是薛濤名不著雲箋慚賦落霞紅

迴龍殿

吳祖枚

橋鎖沙迴地脈旋臨谿殿宇建巍然石重水複疑無
路澗斷峰藏別有天入望遠山明似畫避人老衲淡
于仙白雲冉冉迷深境恍是龍門洞口煙

伏虎庵

陳如松

大乘妙法本無邊修養深山紀有年早饑睡蛇除淨
業潛馴意虎見真詮蒲團悟足超三界石磬聲清徹
九天苦行自知皆福果袈裟常捲白雲眠

七十二賢峰樓

吳祖枚

西溪聯吟

八

孔門心學道爲先樓傍高山仰昔賢四壁圖書繞簡
冊一窗風月寫林泉何嫌屋小方容膝休謂牆低祇
及肩七十二峰垂不朽徑開蔭遠得名傳

三十五茅庵

吳祖枚

僧房處處短籬開叢竹青松夾徑栽澗曲清冷泉韻
疊山深杳靄翠微堆秋高月上林閒桂春晚風餘嶺
畔梅三十五庵遙掩映老僧擔得白雲回

玉屏峰

吳祖枚

圍屏十二儼成行卻似春風敞錦堂瑤樹煙濃巢翡翠
翠玉池波暖睡鴛鴦雲移黛綠參差影雨洗鬢青淺

淡妝欲借毫端隨寫意王維尙覺費商量

曳霞軒

陳如松

丈石坪閒巧構軒洞天不必羨桃源晴敲修竹風生韻春滿梅花月有痕池畔投竿翻水穀窗前掃榻絆雲根一枝巢得鶴鶴穩肯戀豪華金谷園

桃花塹

吳祖枚

陶家廂作桃花塹今古稱名竟不同芳樹鶯嚙深徑外疏籬犬吠夕陽中無言有恨偏逢雨含笑爭妍更倚風那用綠溪尋僻徑偷閒足蹟任西東

浴硯谿

吳祖枚

西溪聯吟

九

天南文壁耀星精爭似端人妙性情爲滌雀斑尋舊眼難求蠅翅問新坑獨將宿障投詩海聚憶前緣託管城駿隸墨雲吹不散黑虬春暖下滄瀛

梅花泉酒

吳祖枚

平生癖性傲梅花猶愛梅花釀酒嘉甘冽獨堪供隱逸清真不許醉豪華淺斟月下杯凝白細嚼林閒臉襯霞始信惠泉名可勝品醇彌覺雅情賒

安樂山茶

陳如松

金芽春透市逾譁安樂山泉到處誇筐篋雲屯書姓氏經商蟻集入行家有泉不讓中冷水無種還推石

縫茶何必杏村沽美酒玉川風味自然嘉

永福社松

吳祖枚

雙松未識何人種拔地森森不記年老幹勁枝天久付嚴寒酷暑我經全已知同調心相許難得深交志共堅祠宇無慚稱社首棗花桃核漫誇先

二雪堂梅

陳如松

爲探從前綠萼梅看他猶似報春回枝榮非是花原種香破仍教雪自堆澗水清流高士韻山扉寂爲美人開追思太史留題處翰墨冰魂兩伴陪

古蕩菱

吳祖枚

西溪聯吟

十

古蕩橋邊秋色妍渡頭爭放採菱船輕竿乍擊波紋細小翦徐分浪影圓尖角何如團角美紅衣絕勝綠衣鮮空房秋老蓮心苦葉葉絲絲卻共牽

董家灣桃

吳祖枚

自昔西谿著董家巨桃如盤四方誇味鮮不數雙仁棗實大何殊五色瓜客至最宜供小飲春深卻憶戀繁花若逢曼倩應偷摘度索山前日易斜

宋聖僧無尾螺

吳祖枚

記曾南宋遇神僧名著西谿寺永興咒自有靈威被化螺生無尾尙相仍豈徒說法參真諦早應聽禪徹

上乘功德池中都暢遂金蓮古佛表燃燈

西溪聯吟終

西溪聯吟

十一

光緒己丑三月

胡正甫

石齋胡義贊署



九峯居藏版

湖上青山集

錢塘 陳 時 汾川

黃山

茲山遠承天目為湖上諸山發源處江元祚黃山
草堂記以為舊名橫山訛為黃山按府志錢塘舊
有黃山浦宋書孔顛傳強弩將軍任農夫向黃山
浦攻東軍砦破之即此山南麓通江處則本名黃
山也

橫山本黃山遠從天目至一徑入餘杭萬壘擁蒼翠為門
六株松元鶴歸來未江元祚自稱
橫山六松長

湖上青山集

天門山

在郎當嶺上雙峰削立高與雲齊故曰天門此山
為湖上南北兩山分界處北為北高峰南則五雲
山也

絕頂雙門開青天夾山罅吳越千萬峰一一在其下江海
納襟抱何必侈嵩華

五雲山

天門山之支也五峰森列陟江干盤紆而上凡六
里七十二灣石磴千有餘級長江三折正當其前
東北為白沙隄西北為雲棲隄東有長嶺通九溪

十八澗南宋時山僧於此進瑞雪城中未霰蓋其

地特高寒也

山僧進瑞雪高寒森翠微下有雲棲隄僧歸雲亦歸我來
山頂望還見五雲飛

龍山

去城十里一名臥龍山又名龍華山郭景純所云
龍飛鳳舞到錢塘者謂此山及鳳皇山也南支為
玉厨山北支為育王山慈雲嶺

龍山即龍華石龍互昂首龍臥還復飛石骨逐雲走更訪
龍居里尚有殘碑否

湖上青山集

鳳皇山

山形翔翥若鳳舊在城中元末張吳改築截之於
外唐州治吳越國治南宋行宮皆在此山後為八
蟠嶺東為迴峰右翼為中峰西南為月巖山頂兩
峰如髻曰鳳皇雙髻

天目孕靈秀龍飛更鳳舞至今鳳皇山如見鳳翔翥何年
慶來儀歸昌和笙呂

武林山

秦漢曰虎林以其棲白虎也晉曰靈隱以慧理飛
來峰語也唐曰武林避國諱也本湖北諸山總名

今別立天竺靈隱仙姑履泰諸名僅以雲林寺後

山當之漢會稽西部都尉治錢塘縣治在其下

武林本虎林鉅與龍鳳匹錢塘此祖山異名亦六七其下

武林水錢源至今溢漢書地理志錢塘有武林山武林水

水東曰龍源西曰錢源是以謂之錢湖也

界石山

唐元和郡縣志錢塘有靈隱界石二山靈隱則武

林矣界石今不復聞以陶翰及皎然詩度之似今

龍鳳諸山祖名大約唐以靈隱屬北路諸山別稱

南路諸山為界石五代兩宋漸有南屏玉岑大慈

湖上青山集

三

龍鳳靈石等名界石以無專屬而晦猶天竺靈隱

諸名立而武林晦也

漁浦迹尚存界石名久晦我讀唐賢詩來尋界石界老僧

指南山峰峰染寒黛

南高峰

自九曜山而北五里許與北高峰對峙高一千六

百丈其麓四出一由錢王嶺過大慈山一過慈雲

嶺一落煙霞石屋二嶺一落西湖過大小二麥嶺

南峯高如何一千六百丈江流縈若帶湖面平如掌抗手

招北峯凌霞志孤往

北高峰

在雲林寺後武林山左支之最高者自下至頂九

百二十丈石磴數千級曲折三十六灣秀出諸山

麓衍二十餘里峰下為瑞雲山為水岡隴東為屏

風嶺西為烏石峰後為白沙嶺

山徑入雲林重岡兼複嶺三十六灣盡直上北峰頂其下

巢构隴微白見海影巢构或作巢溝一作巢居唐代宗時蜀僧翦光結廬於此

靈隱山

祥符圖經云武林山周二里又曰靈苑曰仙居

晉慧理登飛來峰曰佛在世日多為仙靈所隱因

湖上青山集

四

建寺曰靈隱

靈苑種金蓮仙居上石笏我聞理公言仙靈所棲隱一杵

雲林鐘白雲四山引

天竺山

自靈鷲至天門周圍數十里杭人統稱天竺下竺

法鏡寺坐飛來峰對月桂峰中竺坐稽留峰對永

清隴上竺法喜寺坐白雲峰對乳竇峰下竺左為

日月巖右為蓮華峰有三生石玉女巖中竺東北

為楓木隴西為中印峰上竺右轉為雙檜峰雲隱

隴隴後為幽淙嶺郎當嶺二嶺以上為天門山

天竺三非山名因寺名乃得寺分山亦分念彼觀音力至今
鐘梵聲如在天竺國

郎當嶺

在幽淙嶺上又名捫壁嶺左迫削嶂右臨深溪緣

木攀蘿方可舉趾再上爲天門山

深溪既右俯削嶂復左覲一綫上天門處處捫絕壁郎當

復郎當芒屨莫輕陟

幽淙嶺

在雙檜峰右雲隱隄後南澗發源處也俗呼水出

嶺深壑巉石草樹周匝非前牽後挽不能登陟其

湖上青山集

五

下爲獠獠嶺老人洞仙人石

緣澗響潺潺隔林煙漠漠我來幽淙嶺遠見幽淙落南澗

此發源泉紳下雲壑

雙檜峰

在白雲峰右有夢泉宋崇寧中夏旱僧夢泉發於

西坡鑿之果得泉遂名其右爲雲隱隄

雙檜今何在高林碧障天一泓巖石下曾是夢中泉雲隱

堂中客題詩更幾年

白雲峰

上天竺法喜寺主山也相傳寺始初時有白雲如

幢蓋覆其上故名產茶與香林寶雲並稱佳品

言尋法喜寺遙見白雲峰白雲若幢蓋掩映碧芙蓉長祝

慈雲護莊嚴禮佛容

乳竇峰

法喜寺崇山也有石竇出泉色白如乳故名西爲

獅子峰下爲羅漢洞

法乳釀醍醐一峰蘊深秀透風兼透月窵窵啓雲竇欲喚

應真來同聽獅子吼

中印峰

在中竺寺右靈隱志云昔寶掌開中竺山掌乃西

湖上青山集

六

域五印度之中印人故以爲名峰半爲天香巖又

名千歲巖是峰西接白雲東達稽留據武林山志

中印稽留間尙有無礙善住二峰也

寶公中印人來向茲山住我登中印峰如入中印度善住

與無礙二峰更何處

稽留峰

中竺寺主山也太平寰宇記云許由葛洪皆隱此

忘返故名晉許邁亦嘗隱此

許由隱箕山巢父相伯仲遺蹤留人間青山澹如夢不見

陽羨山亦有善權洞

玉女巖

太平寰宇記云靈隱山南一石狀如人形兩髻分

明俗稱女兒山又名新婦石今謂之了髻石在蓮

花峰西接稽留峰處

女兒山畔樹新婦石邊苔碧雲停日暮玉女自徘徊會建
雙鬟閣還遲玉女來

蓮花峰

水經注靈隱山有孤石壁立大三十圍其上開散

狀如蓮花今下竺寺後與飛來峰連屬而高起者

是也頂上有蓮花泉

湖上青山集

七

誰將青蓮花擲向天竺國仿佛太華西一峰天外立寒翠
撲秋衫亦作蓮花色

日月巖

在香林洞左一巖一圓如日一半彎如月其下為

夢謝亭

亭亭朝霞升一峰滄海日靄靄暮雲合一峰碧霄月璧合

更珠聯眾星出林樾

月桂峰

下竺法鏡寺案山也臨安志云唐天寶時月中桂

子嘗墮此山生成大樹其色白其實丹宋之問詩

桂子月中落白居易詩宿因月桂落又子墮本從

天竺寺盧元輔詩遠客偏求月桂子皆謂此南部

新書云至今山多桂樹中秋夜往往空中子墮

桂子月中落雷根在此山山中太古樹香在有無間我有

吳剛斧還從蟾窟攀

飛來峰

一名靈鷲峰晉咸和中西僧慧理至杭登茲山曰

此中天竺國靈鷲山小嶺不知何年飛來後人

因以名峰下天竺法鏡寺之主山也

爾既解飛來何不更飛去老嫗不更飛雲臥花開處青猿

湖上青山集

八

嘯明月挂此巖前樹

白猿峰

在飛來峰西晉慧理畜白猿於此與飛來蓮花稽

留月桂號為五峰

白猿何處隱此地白猿峰涼夜聞清嘯深林和遠鐘冷泉

亭畔月猿父會相從

石人嶺

在粟山一名馮公嶺一名東墓嶺上為吳大帝石

杵舊志云有石人臥路旁石人即石杵耳嶺下為

石人鳴越嶺為西溪

石人爾何人或云卽石杵更尋吳寺圍應有宋朝樹越嶺
問西溪幽巖下樵路吳寺圍吳太后香火寺前聚也
有橋曰吳寺橋俗訛五寺橋

粟山

在龍門山西北晉書隋書地理志俱云餘杭郡有
粟山是也宋圖經云山高六十二丈周十八里二
百步下有飛泉二道上有石杵寰宇記云杵刻黃
武二年歲在戊午八月三日凡十三字臨安志云
考吳志黃武二年歲在癸卯後此十五年為赤烏
元年方是戊午今此刻磨滅不存必記之誤西湖
志云其石闊二丈長一丈四尺不類杵形臨安志

湖上青山集

九

云石柱近是

晉隋地理志粟山名最古其下有飛泉其上有石杵遠在
圍碑前深刻吳黃武

龍門山

在資嚴山西山勢高峻頂石對峙如門西北為大
桐鳴有永安塔

何處登龍門突兀粟山路登山若登龍彷彿凌霄去我懷

琅嬛翁珠江詠雲樹謂阮雲臺制府當代之海內龍門也

西源峰

在龍門山西南北澗發源處也契嵩武林山志云

烏石西曰石筍又西曰楊梅石門卽龍門山上對
峙石也又西曰西源可證

北澗出茲峰高與南澗竝曲折匯錢湖曠此仙靈境彷彿
天台瀑直下石梁頂

石筍峰

在資嚴山南麓一名卓筆峰一名文人石圓峭特
立高數十丈下有蘭若曰嬾石居

嬾石居邊客心孤夢亦間千秋一枝筆卓立在名山何處
羣峰立來看玉筍班

資嚴山

湖上青山集

十

一名形勝山上有烏石又名烏石峰在北高峰西
高與北高峰埒

資嚴近北峰高與北峰對根深骨自異才大名乃晦無心
手雄長暮色斂寒黛

胭脂嶺

在九里山西南其地土石獨紅因名亦稱仙芝嶺
普福寺在其上亦稱普福嶺

迢迢燕支山青冢埋荒磧沉沉燕支井銀牀深白石古嶺
踏斜陽一片燕支赤

桃源嶺

在仙姑山北舊稱駝巘嶺乾道志作駝苑契嵩武
林山志作駝現有水經行春橋入湖
駝巘即駝苑林壑蟠石根青巖暗暮色翠壁近朝暎莫學
劉子驥去訪桃花源

仙姑山

一名靈苑山一名東山各勝志云仙姑介靈隱履
泰之間蓋自靈隱以東統號仙姑山也有仙姑泉
冰雪藐姑射標緲煙雲間一彎露眉黛云是仙姑山仙姑
爾何名無語低煙鬢

仁壽山

湖上青山集

十二

在仙姑山對烏石峰余家祖塋在焉
地即仙姑山山名美仁壽七世此焉宅宰木蔚深秀家訓
勗雲初勉承世德舊

烏石峰

在棲霞嶺上石色如墨故名武林梵志云明閩頭
陀盛暑曝背峰上改名悟石蕭山萍道人結宇峰
前名曰巖艇有古松十一僧恬安輯十一松頭閣
烏石即悟石巖艇倚芙蓉清遊晨蠟屐獨往午聞鐘我訪
松顛閣還尋十一松

棲霞嶺

在葛嶺西舊多桃花時燦如凝霞元人或呼赤岸
嶺棲霞洞紫雲洞金鼓洞黃龍洞天龍洞皆在嶺
上有水名桃溪經竹素園入湖山下舊有履泰將
軍廟祀吳越孫顯忠亦各履泰山岳忠武王祠墓
在其下

嶺上何所有夾路多桃花浴綵一萬樹芳春燦紅霞下有
岳王祠墓樹啼棲鴉

寶雲山

在葛嶺左東北與巾子峰接亦稱寶雲茶陽宋圖
經載杭州之茶惟此與白雲香林所產入貢

湖上青山集

十三

湖上產茶處香林與白雲石泉槐火候還有此山春一稜
開翠壁來作種茶人

葛嶺

在寶石山西亦名葛陽相傳晉葛洪煉丹於此有
墓及丹井最上為初陽臺湖上稚川遺蹟甚多茲
為最著

葛嶺居湖上處處生綠苔此間嶺頭樹曾見葛翁來一卷
抱樸子更上初陽臺

保稷山

萬厓杭州府志巨石山下為寶稷山或謂即寶石

之譌觀宋人顯功廟記自以保稷山王神廟得名
神岳姓琚名南宋人募鄉兵與錢塘令朱蹕尉曹
將金勝祝威禦金死難者也

保稷忠臣廟空山鬱陣雲鄉兵破強敵同是岳家軍何處

祠靈衛神鴉噪夕曛靈衛廟在白公隄涵水橋
祀朱蹕及金視兩尉曹

巾子峰

在寶石山壽星石西以形似巾幘也亦稱獅子峰

又謂之蛤蟆峰皆以形似得名

峰頭烏柏木霜葉媚疎煙玉女披衣去仙人拂袖還我來

思岸憤搔首問青天和靖詩巾子峰頭烏柏
木微霜未落葉先紅

湖上青山集

三

寶石山

在錢塘門西魏石如甌一名石甌山見隋書地理

志吳越王號壽星寶石山山上有壽星巖三字摩

崖又改封巨石山羅隱作封石記山高六十三丈

周十三里絕頂爲寶峰寶石塔在其上

隋書志石甌吳越封寶石魏魏壽星巖長庚映天碧絕頂

翠堵波凌雲一千尺

霍山

在寶石山北山形多骨石筍鱗起於湖北諸山爲

最小今俗呼棋盤山山頂一大石枰當卽慶忌塔

之下基湖北之山至此而盡

大山宮小山霍山爲南嶽茲山夫如何石骨鬼斧斲仙人
一局棋斜日松陰覺

孤山

湖中一嶼孤立旁無聯附亦名孤嶼山巔爲歲寒

巖陰爲後湖唐宋時樓閣參差彌布椒麓山背皆

花圃南渡建延祥觀僅畱和靖一墓餘屋皆徙今

西泠橋下石骨墳起當仍是棲霞支麓耳

孤山一坏耳名重西泠曲詩人放棹來山翠影湖漾美人

馮小青處士林君復

湖上青山集

十四

丁家山

南高峰之支也又名一天山亦名小孤山與北岸

棲霞嶺烏石峰相拱揖西泠麥嶺有丁家山橋蕉

石山房在其下

蕉石碧林立秀引南峰支山橋泉匯瀉瀉鳴流漸居山

者誰子或是丁翰之

大麥嶺

在丁家山西路通放馬場舊多種麥因名對山有

東坡題名東爲小麥嶺

麥秀前朝感春深燕子斜更尋小麥嶺一路兔葵花坡老

題名處青苔黯歲華

花家山

在大麥嶺後臨安志云一名蛇山下為花陽花港
茲山云姓花或是種花處翠隱花下門香入花間路試問
種花人可有當年樹

鳳皇嶺

在花家山之東

大鳳凰皇山小鳳凰皇嶺言循花陽東春霞媚煙景何樹
鳳皇棲一路梧桐影

靈石山

湖上青山集

五

在小麥嶺西南舊嘗有輝光見故以靈稱山有三
巒中巒最高曰天馬右曰積慶左曰棋盤積慶之
北曰白蛇巖棋盤之東曰雞籠山舊志紀其支別
更有平鼎山永清山崑崙巖諸名周五六里林路
深窈遊屐罕至惟樵子往來其間元人稱靈石樵
歌為錢塘十景之一

何處問樵歌夕陽下空翠偶登靈石山更憩靈石寺詩題

在屋梁中有神仙字

宋時呂洞賓與顏寓李甲蕭耘題詩
靈石寺屋上見竹坡詩話亦見范石

詩湖

天馬山

舊呼馬鞍山靈石之主山也

瑤池騰驥子青海出龍媒天馬山頭路長歌天馬來千金
求駿骨太息黃金臺

積慶山

靈石右巒也宋樞密金淵居此理宗書積慶山字
以賜因以各山東為小麥嶺西為馬陂嶺自馬陂
而北長岡逶迤為白蛇巖馬陂下有泉曰君子泉
與金沙泉會

九仞為山峻先從一簣基百祥由善致積慶亦如之閉戶
閒無事長遊照皞時

湖上青山集

六

棋盤山

在靈石山南原名仙人棋臺東麓有巨石曰鷓鴣
峰亦作了髻峰

仙人弈棋處此地有高臺動靜方圓理何人作賦才松陰
倚斜日我欲爛柯來

梅花嶺

在棋盤山下舊多梅花故名其下為沙盆陽亦名

雞籠山

西溪花海遠孤嶼暗香多茲嶺梅花發莓苔隱薜蘿空山
明月夜攜鶴一來過

金鐘峰

在龍井大路東與棋盤山左右相對下為褚家坎

又稱褚莊東北為五老峰為三台山

路轉溪橋曲風篁暗幾重空林上月鏡夜色冷金鐘老鐵

題詩處還尋玉几峰楊廉夫詩月在金鐘玉几峰

五老峰

在金鐘峰東北

一峰如一翁峰峰列雲表彷彿會耆英華皓顏美好何如

入廬山抗手招五老

風篁嶺

湖上青山集

七

在靈石山西南地多修篁風韻蕭爽因名流淙活

潑自龍井下四時不絕宋僧辨才闢治遂成名區

龍井一名龍泉見吳越備史一名龍湫見宋寧宗

敕圖經言本名龍泓吳赤烏中葛洪煉丹於此則

葛元之謬也

垂藤絡翠壁古苔緣石磴龍泓幽澗泉澄澈共僧定微風

從何來風篁裏清聽

碧螺峰

在風篁嶺側自龍井達煙霞可三里許兩旁奇石

森峭其峯者為碧螺峰

風篁入煙霞蒼翠可三里奇石各成峰峰爭欲起滄海
一螺浮出入白雲裏

獅子峰

在天門山南其下即老龍井高出羣岫可瞰江滸

北望天竺諸峰疊秀如畫元伯顏登獅子峰觀臨

安形勢即此峰也

巍巍獅子峰其下老龍井一碧瞰江滸微白連海影太息

白雁謠南朝秋夢醒

楊梅嶺

九溪發源處也在煙霞嶺南楊梅鴨在其下或云

湖上青山集

八

即煙霞嶺九溪支流為十八澗南通徐邨出大江

九溪發源處一徑入煙霞嶺下楊梅鴨春來自作花我欲

論園買金婆何處家嶺下為楊梅鴨有金婆楊梅

翁家山

與楊梅嶺毗連凡自風篁嶺至九溪者取道於此

山有葛洪井相傳葛洪煉丹於此見武林舊事

山深林復秀云是葛洪家小住何年去翠巖空暮霞策杖

斜陽路松風滿地花

理安山

在九溪東北岸中曰大人峰左曰迴象峰右曰獅

子峰下爲理安寺有松頭閣

茲山本無名石壁削雲棧誰樹最勝幢石磬響秋雁我尋
松頭閣浴緣十八澗

螺髻峰

聖安寺案山也春秋二分月從峰頂上生望如佛

髻放光最爲奇勝

翠巖佛螺髻如來妙相無何如華鬢市眉畫淺文殊明月
生東海光明佛髻珠

馬鞍山

在八角峰東南山有二峰形似馬鞍故名今別以

湖上青山集

十九

南峰爲大巒者非也

八角峰前路雙峰卓馬鞍屯雲奔渴驥欲渡大江寒我是
騎牛者長林橫遂看

石壁山

有石壁寺據釋契嵩所作僧行紹塔表當在百丈

五雲間嵩又有入石壁山詩

五雲百丈間山深林壑邃言登石壁山因訪石壁寺落葉
下高巖煙蘿裊寒翠

迴耀峰

在雲棲寺後高峻插天西南爲黃泥隴柏子尖蕭

家鴨東爲寶刀隴

跋烏欲西轉騰輝戀巖阿山深日復長晚景桑榆多試看
寶刀隴疑揮魯陽戈

壁觀峰

在迴耀峰東

蓮池入定處翠苔蒼蘚剔靜參十六觀蒲團證禪悅緬懷
嵩山僧九年曾面壁

三台山

南高峰近支也三峰儼峙中尊旁翼明少保于忠
肅公祠墓在焉其下爲八盤嶺

湖上青山集

二十

三峰互拱翊卓立皆亭亭儼如太微垣中列三台星于公

祠墓在萬古茲山青

大慈山

在九曜山西南中峰隆起旁舒兩翼具龜蛇旗鼓
之狀郭璞畱記謂爲地宅之奇其上爲越王臺

山從九曜來郭璞有畱記龜蛇與旗鼓地宅最靈異其上

越王臺遠望越山翠

屏風山

在太慈山東形似屏障故名

霜林巨紅牆雪屋橫粉堞彷彿畫苑中金碧炫登涉一唱

廬山高翠入屏風巖

貴人峰

在定慧寺後諸山拱列其下為一郡之主星地靈

人傑故名貴人峰焉

九宮貴人壇其曰始南宋茲山曰貴人厥名世所重循名

先責實勿媿閭闔疵

白鶴峰

與貴人峰相竝其形似鶴故名

仙人御風行白雲如白鶴茲山亦似之羽駕息林薄我思

王子晉吹笙向寥廓

湖上青山集

圭

樵歌嶺

在大慈山陽一名五字嶺嶺旁為戒定巖

幽壑一鵑雲疊嶂萬重樹石徑盤修蛇知是樵人路斜日

下深林遠聽樵歌去

九曜山

在南屏西與赤山聯屬山上舊有九曜星君殿故

名西為朱砂隴寒家祖塋在焉

九曜應星辰夜燈寒殿碧吾家先隴在奕世載明德至今

朱砂隴長作朱砂色

石屋嶺

在九曜山南以石屋洞得名舊有東坡題名

浮翠挹層峰遠綠面平野言登石屋嶺石屋在其下一菴

心太平我是巖棲者

煙霞嶺

在石屋嶺南以煙霞洞得名洞口有干官塔

名山隱真仙古寺棲老衲我亦煙霞人氣味茲山合一笑

題名者門外干官塔

佛手巖

在煙霞洞上巖谷森秀勢儼倒垂有石筍五枝若

指旁為落石巖象鼻巖

湖上青山集

圭

拈花豈無地散花亦有天白雲生縷縷如拂兜羅縣我證

三生石來參一指禪

聯峰

在煙霞洞上石壁對列高廣各數丈有董其昌陳

繼儒李流芳諸人題名

南峰與北峰兩峰各殊狀縮本在茲山蒼翠兀相向何處

問題名苔花滿層嶂

赤山

在蘇隄第一橋西南與玉岑山對峙厥土赤埴瀕

湖曰赤山步為江千行旅所經

赤山若赤壁作賦懷坡公其下浴鵝灣幾點霜林紅江干
行旅來一抹斜陽中

玉岑山

在赤山西石屋嶺北茲山產玉秀潤異常山下法
雲寺門舊有玉岑二字宋理宗筆也山崖鑿二字
乃許采書

玉韞山自輝石色潤平野太璞幸自完不許砒砢假石屋
踏煙霞來尋舊詩社

南屏山

九曜山分支也峰巒聳秀怪石玲瓏峻壁橫披宛

湖上青山集

三

若屏障淨慈寺在其下南屏晚鐘為西湖十景之

翠屏春樹綠錦屏秋樹紅其下淨慈寺亦在圍屏中晚煙
過湖去一杵斜陽鐘

慧日峰

淨慈寺主山也今以寺後拳石當之非

一峰標南屏積翠湧垠塢其上雲亭雲其下壑菴壑我登

慧日峰還尋慧日關

小南屏山

在方家峪口廣教院後怪石玲瓏亦類屏幃

南屏山甚大茲山亦非小畫圖縮本工翠嶂出林杪惜少
鐘樓鐘來共雲縹緲

雷峰

臨安志云郡人雷氏築菴居之故名又謂之中峰
西河詩話云回峰以山勢回抱得名宋徐立之居
此稱回峰先生可見俗作雷峰以回雷聲近致誤
西湖志以回字小篆作雷因誤作雷則似諧聲象
形胥歸謬誤矣上有黃妃塔亦稱雷峰塔

山水無真名名隨人所呼雷峰與回峰豈盡傳訛歟我欲
問醉翁塔影斜陽扶

湖上青山集

三

吳山

本名胥山水經注云吳浮子胥於江吳人憐之立
祠江上名曰胥山史記作胥母山枚乘七發云弭
節伍子之山通厲骨母之場註謂骨母即胥母之
誤也唐人多稱青山盧元輔胥山祠銘序以為謬
山舊瀕江故徐凝詩寄言飛白雪休去打青山李
紳詩伍相廟前多白浪可見則今日之鱗屋雉堞
皆昔日之貝闕蛟宮保障之功能不歸之開門節
度耶宋以後通稱吳山

吳山即胥山山下古江水一自鐵幢築潮落城郭起巍巍

武肅王功德在南紀

螺子峰

在吳山之半高不迕風低不障景拾級望湖猶倚翠屏而臨明鏡也

湖波湛清曉明鏡淨無塵遠翠橫嬌黛浮嵐暈小顰城中十萬戶多少畫眉人

七寶山

在吳山南因七寶院得名錢塘志謂宋紹興間賜

三茆觀古器七世以為寶因名其實七寶寺在三茆觀前也南有七寶峰石壁刻吳山第一峰五大

湖上青山集

三

字山頂為大觀臺

絕壁誰題破吳山第一峰大觀臺上望雲海盪心胸坡老題詩處霜筠暗幾重

東坡有七寶寺題竹詩

寶山

七寶山之西北麓也東坡有同秦仲二子雨中遊

寶山詩寶山新開徑詩

坡公遊茲山策杖新開徑藤梢橋刺中葉戰暝禽應小閣觀江湖月上曲闌凭

寶月山

在胥山西坡以寶月寺得名宋僧仲殊居此著寶

月集坡公詩所稱蜜殊者是也一名天井山

寺會寶月居山亦名寶月寶月解吟詩得句先呈佛我思琴聰琴更憶蜜殊蜜

鐵冶嶺

在寶月山南元楊維禎讀書處有海棠石壁

廉夫昔寓此因以鐵崖名夜靜吹鐵篴月上蛟龍驚我思曹比玉亦有洞簫聲

蛾眉山

與寶月山並巒環若眉故名

脩眉態連娟山痕態髣髴一讀洛神賦凌波憶羅襪最宜

湖上青山集

美

初三夜坐看蛾眉月

淺山

在蛾眉山東俗呼管米山

蛾眉山向東脩纒橫一曲彷彿淺文殊澹掃黛痕綠入山何必深北固願已足

清平山

在七寶山東南下為仁孝坊俗呼清平山巷有高

士坊宋高士徐冲晦故居在焉

我登清平山樂此清平世冲晦有遺宅一徑入山翠我亦錢塘人世世居此地

冲晦戒子孫世世勿離錢塘以承無兵革也

雲居山

即清平山之陽南與城外萬松嶺接以雲居寺得名

雲居即聖水繞門多古松長伴山雲臥不作天池龍時有兩三僧來話十八公

楓嶺

在雲居山上多楓

楓嶺故多楓掩映山間路清霜應秋鐘夕陽絢紅樹寒山石徑斜是我停車處

瑞石山

湖上青山集

三

在吳山東南南宋時為禁山左為紫陽洞有紫陽菴以紫陽真人張平叔得名今稱紫陽山巖石靈

秀名蹟甚多

瑞石近吳山南宋稱禁地磊磊山閒石巖洞別蒼翠城市此洞天仙靈時把臂

感花巖

在瑞石山寶成寺後巖壁也鐫蘇公牡丹詩及明

吳東升歲寒松柏四大字

重過感花巖風流憶崔護崔世召有重過感花巖詩坡老看花來絕壁題詩處我憶東魯生更賞劉郎句劉郎絕句下有東魯生印

萬松嶺

在鳳皇山北舊時夾道栽松南宋時密邇大內趙希遠有萬松金闕圖今為敷文書院

十里萬株松鬱鬱青山上長風渡江來一路秋濤響同學少年稀茲山孰來往

八蟠嶺

與萬松嶺接由北而南可達月巖

鳳皇山畔路出沒萬松影一蟠松一重翠上月巖頂更尋三台山亦有八盤嶺

中峰

湖上青山集

三

在勝果寺右絕頂平曠透起石峰如屏西為垂雲巖相傳僧文喜禪寂於此

我登中峰巔碧天杳無際落日澄湖光浮雲連海氣更尋孤嘯亭為問僧歸未

月巖

在中峰西南七脩類藁云鳳皇山有石如片雲拔地高數丈將巖有一竅徑尺餘名日月巖惟中秋

之月穿竅而出餘則否傍有月榭絕頂見孤圓一峰青突兀有約中秋中來玩月巖月小榭

月華多紅闌橫翠樾

雙髻峰

鳳皇山頂有兩峰儼如髻形錢惟演有鳳皇雙髻

詩

山態彈雲養雙峰若雙髻池花玉鏡空嶺樹翠簪細下有
曉妝人縮雲望雲際

玉厨山

龍山南支也一作玉池又名伏龍岡南為妙音山
西為桃花嶺

玉厨即玉池池水皎如玉鱗甲深洞間中有石龍伏何處
胡麻香桃花出深谷

湖上青山集

无

桃花嶺

在玉厨山西

嶺上多桃花花落初生葉花片墮玉池香影行魚咬繞樹
戀殘英露濕綠胡蝶

妙因山

在龍山南一作妙音宋表忠觀在焉

妙因即妙音其地龍山麗錢氏表忠觀遺愛仰武肅蘇公
有殘碑問訊莓苔綠

育王山

龍山北支也舊傳吳越王迎明州阿育王塔置於

城南育王之名疑自此助高與鳳皇山竝

當年阿育王山巔會置塔塔圯名尚存歲月更僧臘世外
幾甲子何從問枯朽

慈雲嶺

自方家峪南上育王山出江口路也嶺下為郊臺
石壁有梁時摩崖篆文及陳延柏佛法僧三字

嶺雲捲長風眼底江湖澄吳越舊郊壇遺趾猶峻嶒何人
此摩崖大書佛法僧

月輪山

龍山支阜也形圓如月其上為月輪峰山頂為六

湖上青山集

辛

和塔

我登月輪山因訪月輪寺桂子月中落攬之帆盈器更上
六和塔江天覽澄霽

包家山

在城南山多桃花舊名桃花關亦名桃花路本在

宋嘉會門外拜郊臺高禩壇藉田玉津園皆與茲

山相近

青山半無名此獨包家著上有桃花關下有桃花路芳春
蒸明霞來看桃千樹

白塔嶺

在包家山西錢塘縣志云嶺峙江上每仲秋十八日邑令酌江於此嶺下爲進龍浦

城南三白塔其一在江濱年年秋八月於此酌江神文正題詩處軒亭何處塵范仲淹有白塔駐軒亭詩

秦望山

舊志稱在治南十二里高一百六十丈晏元獻與

地志秦始皇東遊登此山欲度會稽故名吳越備

史云唐咸通中望氣者言錢塘有王氣命侍御史

許渾等資壁瘞此山以厭之

秦望山最多海鹽會稽江陰皆有秦望山

茲山亦遺趾還從陔中渡登

湖上青山集

三

高望江水臣斯臣去疾或有題名字

定山

在縣治西南四十里一名獅子山高七十五丈周

七里一百步東北爲徐邨嶺有范邨朱橋西爲楊

邨有壩山江面有浮山近富陽界爲廟山突出浙

江數百丈江潮至此輒抑謝靈運詩定山緬雲霧

卽此

沙鳥靜不飛江帆間可數遠望富春郭朝陽見雲樹我懷

謝康樂定山緬雲霧

壩山

在楊邨一名雲泉山有慈嚴院小嶽祠有二洞一

水流不竭一立夏清風自生立秋則止日風水洞

舊名恩德洞出筍日南路筍

壩山卽雲泉邨墟隔田畛其下風水洞詩情白蘇引香山皆有風

水洞詩我參玉版禪先問南路筍

浮山

在定山南江面山嶼浮江如盤石下有潭聚魚玲

瓏可觀湖出海門中分爲二派東派沿越岸向富

春西派直抵茲山怒激而回諺謂之回頭浪

浮山江面浮隔江望漁浦力折江潮西氣勁錢王弩其下

湖上青山集

三

有澄潭行魚靜可數

廟山

在壩山西近富陽縣境突出江心潮勢至此方殺

一峰壩山西已近富春郭怒潮海門來至此勢方落更望

妙庭觀仙山隱樓閣妙庭觀在觀山富春山也

法華山

青芝鵬又北爲法華山去靈隱山後可里許過北

十里爲西溪梵隱志云西湖北山一支其陽爲竺

國靈鷲其陰爲法華有晉僧法華靈蹟因以山名

法華昔居此因以法華名其下臨西溪溪水殊清冷石壁

削寒翠吾欲鐫遺經

秦亭山

法華山分脈也高百丈周三里在北山棲霞嶺後
相傳秦少游築亭其上自此至留下浴山十八里

皆南宋輦道有邨曰古蕩

法華走一支秦亭擁山翠昔聞淮海彥築亭有遺趾從此
入西溪浴山十八里

黃姑山

秦亭山之支

天上黃姑星絡角漢案戶湖上黃姑山名亦類河鼓我登

湖上青山集

三

秦亭望迢迢隔銀浦

大青嶺

在西溪之南山田石礪徑竹巖松竊然森秀

一嶺高出雲巖翠互起伏彷彿畫家派渲染成結綠不是

倪雲林應是王石谷

金竹嶺

在石人嶺北嶺上多竹皆作黃金綠玉之色

幽谷入簣管萬竹抱山靜黃金間綠玉一路斜陽影彷彿

華子岡來過金竹嶺

安樂山

高三十七丈周三里俗名唐家山近留下

山名安樂好安樂定如何杖履資閒適琴書任歡歌我學
邵康節來營安樂窩

相思嶺

在西溪之西上下唐邨以此為界

上下唐邨路煙嵐處處宜不栽紅豆樹何以慰相思一日
不相見思君十二時

荆山

高二百丈周五里內有七十二賢人峰兩溪夾山

匯於西溪

湖上青山集

三

荆山近西溪山住水不住七十二賢峰峰峰莽回互我來
緣溪行直向山巔去

方山

一名金印山高五十丈周四里凡七彎至頂乃方

故名山多怪石高皆數仞諸山環繞為西溪最深

處

方山頂正方七曲山中路廣場闊平疇怪石森古樹梅花

三萬株西溪最深處

臬亭山

在府城東北二十五里高百餘丈一名半山有桃

花鳴遊龍潭元伯顏兵至臨安駐軍於此居民種
桃爲業花時夾岸數十里中無雜樹疑入武陵源
也

泉亭宜春遊煙暖浮嵐温其下萬桃花疑是桃花源太息
天水碧白雁悽心魂

青龍山

在皋亭山東高七十餘丈山脊蒼翠偃仰如龍又
有龍母山在皋亭東北高百餘丈張翼左右如母
顧子故名

南嶽配朱鳥厥象爲文明茲山非東方乃應蒼龍補其上

湖上青山集

雲

龍母山顧復如有情

桐扣山

在府治東北五十里下有石鼓湖晉武帝時岸崩
出石鼓扣之無聲張華取蜀桐木刻魚形扣之聲
聞數里故名

錮山偶西崩洛鐘乃東應物理相感通其道參性命桐魚
扣石鼓博物張華聖

黃鶴山

在縣東北三十八里寰宇記舊有黃鶴樓今佛日
山之北高百餘丈巔有龍池出雲必雨故老相傳

但有黃鶴山頂雲化作白龍潭上雨

元鶴居空同白鶴樓華表黃鶴何年來山巔雲縹緲誰是
謫仙人題詩謝崔顥

臨平山

在府城東北六十里臨平湖上上有龍洞深不可
測祈禱多應山有唐時置臨平監下有磨劍池相
傳錢王磨劍於此臨平湖卽詔息湖以秦始皇巡
狩所憩也本名乍湖

乍湖名最古秦時稱詔息亦聞吳晉間治亂驗通塞我從

湖上過睇此青山色

湖上青山集

雲

湖上青山集終

游 韜

集 光

紀

辛巳仲冬
姚孟起書



欽定四庫全書

欽定四庫全書總目

韜光菴紀遊集

無卷數 浙江巡撫採進本

國朝釋山止編初唐沙門韜光卓錫西湖之巢隲

白居易守杭日相與倡和後人因以韜光名其

菴菴踞山之勝歷代遊人頗多題詠山止康熙

中住持是菴因哀集付梓自唐迄

本朝得古今體詩五百餘首然其中多同時投贈

山止之作聲氣應求不盡為勝地作也

韜光菴紀遊集提要

一

自來名勝之境必因人以傳或高僧之所棲止或名流之所題詠而後向之寂歷於巉岩空谷中者人始輻輳而尋訪焉即如我杭靈鷲境曠峰奇實甲海內迤北數十武盤折而上層巒久峻突厄周遭約三里許誌曰巢塢臨高四望遠景畢呈古所云樓吞海日門湧江湖真絕勝也然自陳隋以前山徑地乘不少槩見唐時韜光大師卓錫于此又值白傅守郡公餘遊陟倡和流傳於是浙東西及十五國名臣逸士攬勝留題無不知有韜光菴者余於康熙丙午歲偕葛子子嵩讀書靈鷲而同學鄧子蓉洲朱子人遠則下

韜光菴紀遊集序

一

帷菴中花晨月夕往還過從不夜午不止一時大禪公如具德豁堂聞之握錫來迎把臂啜茗流連風月兩刹數百僧共嘆為蘇白所未見時則上人山止年少工詩相與追隨登眺如置身霞外無復塵埃之想閱數載陳顧諸及門暨子姪數人重訂祇園傳經三載而韜光咫尺月必數登詩伯山公則所為素心人相與數晨夕者逮庚申而後旅館宦遊對帝里之風光閱官齋之景序崎嶇蜀道跋涉河濱歡娛困頓無一息不神遊此菴也辛卯仲春謝政歸來歲輒再三至翠竹黃花皆為舊識扶筇嘯傲低徊于疎鐘清磬

之餘問前此諸禪侶誰復在者顧海超然兩公而外
惟方丈諦暉如魯靈光巋然獨存而詩伯山公已頽
然一老頭陀矣撫今追昔信宿高談往往含淚而別
亡何戊戌冬忽抱言疴臥牀褥者兩載不能移跬步
倏念雙峰三竺少壯神振今年七十九矣桑榆景逼
恐不能復睹抱恨何窮於焉奮然鼓棹重臥祇園挑
燈夜話笑語方酣雞喔喔晨鐘忽於天際遙應披衣
冒雨直踏峰巔山公泠泠然笑而迎曰公不忘舊耶
出一圖曰此舊遊地也白傅雖亡數百年代有其人
人有其句江山如畫翰墨帶春婁東王公督學時捐

韜光菴紀遊集序

二

俸付梓已成帙矣鄧朱兩序並垂藉藉公獨無一言
乎余曰此余志也余不敏雖不能如香山爲一代風
騷主而年當致仕寄跡薇山庶與香山先後相望況
山公精心白業足紹韜光之幢王婁東以起衰鉅手
剗剛表章而我師稼堂先生總持三教復揚扈而敦
勸之網羅散佚輝映千秋則山公之搜輯于今不猶
韜光之倡和於昔乎余故不揣媿陋繼鄧朱而樂爲
之序以附不朽并錄卯秋一律俾千載下想山公如
韜光者讀其詩恍見其人云康熙五十七年戊戌秋
十月朔洛溪許汝霖謹識

按西湖志韜光菴舊名巢塢唐代宗朝蜀僧韜光者
辭師出遊師囑曰遇天可前逢巢則止至此值白太
傅樂天守郡曰是吾師之命也遂卓錫焉與白唱和
往復後人卽以韜光名其菴位純陽子其中而境幽
景曠來者便擬諸蓬閩間矣其地當北峯之右靈鷲
之上海鷗江練卷幔收之而西湖烟樹三竺雲巒了
了都在鳥下子嘗讀書山中花月晨夕把斗酒坐金
蓮池上摹蘇子瞻趙閱道之題名讀孫高士高忠憲
陳黃門之遺詠未嘗不爲之俯仰前型酒酣耳熱或
登峰頂四望痛哭以繼西臺之慟或梯藤而下過澗

韜光菴紀遊集序

三

西橋濯足冷泉作長嘯數聲山谷響應當是時不自
覺其散誕至此而古近體之作亦不下百餘篇後卽
稍稍自悔盡焚其稿然狂奴故態至今樵僮雲客猶
能稱道之越茲且二十有三年矣中間汗漫出遊雙
身萬里椎心落魄髮白齒搖嘗思以歸里之餘閒尋
舊遊而問道乃愁緒無端忽忽中止三時夢寐往返
實勞洞口桃花豔不笑劉郎寂寞耶雖然酒人縱老
狂態未消猶能以筆墨張我山靈也況我方外交如
山止者擅風雅繼韜光之席扶主宗風先後一揆于
焉再盛一日貽書於子兼彙古今名人題詠見寄爲

學使王公捐俸屬付剞劂索予序之予惟王公之涖
吾潮也以制藝古學振興多士一時懷瑾握瑜者流
無不拔而出之有冀北空羣之目尤汲汲於博採詩
聲爲山川潤色比諸樂天當日夫何多讓予以村鄙
農人荷鋤自矢文章之事更無所知乃葑菲勿遺俾
得附名簡端以道其今昔之感媿孰甚焉媿孰甚焉
康熙歲在著維執徐塞壯之月中秋日觀山樵朱爾
邁人遠氏題于槃溪之南陔草堂

韜光菴紀遊集序

四

靈隱寺右由澗西橋盤折而上怪石鱗次或仰或伏
如虎踞如獅蹲溪水傍石而流淙淙有聲其旁多松
柏楓樟之屬竹萬竿綠溪叢生參天而立溪多蒲葦
亦或生金碧魚乘流上下沿溪行路迂山峻杖竹行
可四五里始見紺宇巍然登而肆目焉澄江碧海彌
天在望而聖湖則如鏡照面隱隱江帆湖艇在林木
間靈隱寺顧處其下白雲蓋之蓮花峰側峙其右東
有峰曰獅峰有亭曰候仙南有洞曰維摩洞有池曰
金蓮池日月繫天風物奇麗誠西山之最勝者也唐
白居易刺杭州愛斯境幽曠屢枉車過時禪士韜光

韜光菴紀遊集序

五

結茅棲止顏其菴曰韜光志隱也閒與刺史唱酬至
再碑鐫猶存繼之緇流稍集構祠祠呂仙人洞賓祠

光兩人又從而闢之

日不肯去去必

澹灑突

是余

而逸

余最愛之曰若何自而得山止笑而發笥取前輩所
存詩授余卒讀之緣知山止才雖高而亦出于茲山
之勝名公卿大夫之誌勝其有以起之也若是則口

公亦可謂不虛所遊矣山止生古今之際居斯地也而忍使古今人之才之名俱滅歿不傳耶於是口而編之梓以傳焉而并繫之以圖山如其峙水如其流而止余憔悴以老而恆樂名山與斯文以並傳口是爲序康熙二十八年歲次己巳秋七月之望錢塘鄧錫璿蓉洲氏題於有竹書舍

韜光菴紀遊集序

六

募刻韜光詩文小引

環西湖而利者以十數韜光最勝自靈隱入磴路幽折至則江山森羅氣象開豁石壁出泉琤琮作風雨聲靜憩少時令人名利之心頓盡真佳絕處也自白傅留題後遊者率有製作今住持僧所蓄詩詞記銘不下五百餘首懼楮素易漫滅久而失傳將梓爲一集而難其費謀於余余曰是易耳凡留詩文者孰不欲傳孰不樂與古人並傳計此剞劂之事不過斤金可了儻來此者或乍遊或舊遊若已作若未作各捐少資助成勝事旣爲古人謀亦自爲謀策之甚便試

韜光菴紀遊集

七

號於眾當有應者如或不信請以余爲嚆矢康熙乙丑仲冬吳江潘耒題於飛雨軒

韜光菴紀遊集

寄韜光禪師

白居易

白屋炊香飯葷羶不入家
瀟泉澄葛粉洗手摘藤花
青芥除黃葉紅薑帶紫芽
請師來伴食齋罷一甌茶

答詩

釋韜光

山僧野性好林泉每向巖阿倚石眠
不解栽松陪玉勒唯能引水種金蓮
白雲乍可來青嶂明月難教下碧天
城市不能飛錫去恐妨鶯囀翠樓前

遊靈隱寺

白居易

一山門作兩山門兩寺元從一寺分
東澗水流西澗

韜光菴紀遊集

一

水南山雲起北山雲前臺花發後臺見上界鐘聲下
界聞遙想吾師行道處天香桂子落紛紛

候仙亭

蹇步垂朱綬華纓映白鬚何因駐衰老只有且歡娛
酒興還應在詩情可更無登山與臨水猶未要人扶

韜光菴

楊蟠

寂寞菴前草春深鹿自耕老僧垂白髮山下不知名

遊韜光

瘦藤拄到古韜光分得山房半榻涼
白髮老僧從定起斷雲漠漠護殘香

和楊公濟

郭祥正

逢人寂無語結草自棲禪但見巖花笑
龐眉不記年

韜光菴

釋簡公

洛下僧歸未寂寥餘光還向此中韜
入千峯杪從他笑放一頭低儘自高
客至坐涼依樹影雲開望瀉到江濤
夜遙月冷風初霽萬籟無聲亦怒號

四月九日同友鄭左史時復策杖遊韜光池內

金蓮適開喜而賦之

白珩

閒扶玉室九節杖來看金蓮兩蒂花
爲報都官莫作異山僧不著紫袈裟

韜光菴紀遊集

二

宿韜光菴

陸圭

雨過山頭夜氣清天風吹下步虛聲
道人酒醒推窗看月在琅玕節上明

訪韜光

張輅

躡屩捫蘿上翠微綠雲深處叩禪扉
老僧解誦香山句驚落松花滿客衣

韜光夜宿

孫一元

露下蟬蛭空砌鳴山深不聞長短更
天風吹人酒欲醒北斗插江湖半明

登韜光菴遇雨

趙寬

層層林樾繞羊腸千仞迴盤入上方城市紅塵應洗盡更教疎雨動新涼

萬厯癸丑與丹陽周仲純來遊韜光靜坐三七

日書二詩以紀勝遊

高攀龍

偶來山中坐兀兀二旬餘心中澹無事宛若生民初流泉當几席眾山立庭除高樹依巖秀修竹夾路疎所至得心賞終日欣欣如流光易蹉跎此日良不虛寄言養性者速駕深山居

落日在平野悵然懷千秋緬彼臨安區當年棲王侯樓臺何鬱鬱冠蓋紛相酬一朝世事盡百代成荒邱

韜光菴紀遊集

三

從存指點迹令人心懷憂何如蓬廬士偃息巖壑幽詩書共朝夕花木遞春秋觴酌洽朋好臥起親鳧鷗豈不念世故心中自有求生有無窮娛既沒名長留

崇禎元年三月上浣日題

愚公谷

三月桃花盡水流冷看積雪在僧頭問年八十猶添一笑我知非過昨秋

遊韜光菴

華亭張肅

結茅依長松松濤徧幽壑山僧何處來坐久松花落萬山看不盡獨樹意相親自是東籬叟翻來蓮社人庭前春草碧籬畔野花紅不語色空義閒花芳草中

山空吾自遠僧定爾無言坐對三更後斜暉月半軒花徑宿煙霞柴門來杖履枳殼自春風芭蕉又秋雨

黃端伯

黃龍吐水響如雷中有金蓮五葉開堪笑香山白居易石頭路滑上天來

冬日同瑞星同館過韜光菴僧索題綵中見高中丞遺句有感

項煜

巖阿絕處訪靈仙流水聲中看遠天煙樹無勞封谷口千峯飛入小亭前

韜光菴紀遊集

四

去清音如在水濺濺

庚午初冬獨遊韜光菴遇憑虛上人殊可與語出冊索詩漫書一絕還當作山行記酬之

文震孟

斜陽竹樹影蕭蕭獨有幽蛩破寂寥萬境不波心似水滿庭紅葉映山椒

人日同匡山諸子集韜光

豫章樊良樞

春迴雙樹款柴關勝日同人一共攀風引磬聲花外轉雲依泉響竹閒還僧窺蘿月禪心冷客醉梅花吏事閒清興坐深忘漏永相將晨策更登山

余別韜光十有六年矣崇禎壬午年春同中表
張仲潔及天池上人同過覺如師出素冊屬書
首葉乃高忠憲公手筆拜讀之憬然不能自己

因次其韻

龔上 王志慶

靈山舊游路相違一紀餘玄髮我已變蒼峯宛若初
繩牀引幽夢頓覺萬慮除夜寒春雨來聲雜風泉疎
閉門便終日塵路將焉如於茲悟流坎擬度還成虛
歇狂匪暫憩何事懷郊居

山僧出素帙景懷在千秋清風自得師塵土王與侯
當年晏坐日曾莫相獻酬公心妙湛初屹爾同山邱

韜光菴紀遊集

五

肅拜讀遺句憬然起百憂媿我章句士未能發潛幽
獨行懷霜雪名言奉春秋冥念百年際聚散若沙鷗
莫爲瞬息營競競審所求松高鶴自棲水潔龍常留

壬午春日韜光菴

浮山 方孔昭

湖上弄煙姿媚物際春景遙望北高峯喬松引深靜
幽洞如浮山一枝懷耿耿泉亭面綠澗塵色眾清冷
譬彼臘瞿曇迥然異牀靚修篁藏大壑時露江潮影
不似堤畔青柳蒲供繁騁樓觀自昔詠闕此寂寥境
來遊者誰子探奇當前領

遊韜光

長水 岳和聲

客來元不速話處亦無生湖海有如此人情詎易平
松分雙岫翠月上一尊明錫拄巢溝暮相思及聽鶯

重過韜光

董其昌

兩詣韜光寺山深日半暉泉聲清洗耳嵐色欲成圍
小酌分僧食幽心待鴈歸吟餘高士韻感慨淚沾衣

上韜光道

雲間 陳子龍

澄氣發層徑午峯秀披扶孤亭喬木下散曠存清娛
水澗溪尚靜雲暝山復殊廣堂鬱朱草別澗生青蒲
懸輿攀絕巘返杖送嶇途迭映媚樵路虛折限人區
幽篁發娟姿飛泉歷虛無鳴鳥谷中怨巢巖松際俱

韜光菴紀遊集

六

高閣抱雲氣迢遞開江湖四山闐無人秋響相奔趨
物慮勞光采遐心適可符

韜光嶺

雲間 周立勳

一往雲昇萬竹光樓高細靄辨微茫空浮江白來鴻
鴈全擁山青雜虎狼海嶠氣涼秋大出松亭日靜晚
逾荒卽今天地多兵戰極日中原未可忘

山行

蔣如奇

行山豈獨鳥爲羣又喜泉聲一路聞野外柳花輕似
雪株梢新色碧于雲隣松便覺空塵相近竹方知斷
俗氛及過紫霞留一醉卻忘紅日已斜曛

重過韜光

不厭躋攀數時來魚鳥情踏林花自舞漱石瀑還生
月墮巖扉冷潮添海嶼明夜深渾不寐秋響逼人清

別韜光詞

寒水碧水 upper 何人吹玉笛扁舟遠送瀟湘客蘆花千
里霜月白傷行色來朝便是關山隔

遊韜光

王三德

小小肩輿去招提日未斜流泉臨竹粉螯石落松花
客少閒房寂山深古洞遮輕雲微雨過飯罷幾甌茶
晚登仙閣上四望盡雲烟樹杪懸崖出簷端好鳥還

韜光菴紀遊集

七

僧能燒玉版池喜種金蓮借問西來路雞園有渡船

韜光雜詠

霍達

浮塵能到此間無過眼烟雲勝畫圖心骨冷然清絕
處微茫月裏見西湖

尋山問水續前因心冷如灰多病人半睡忽聞清梵
語祇疑身是老僧身

微風動竹竹聲幽又有清泉與月流杖策欲尋明月
去不堪更上最高樓

韜光山暮

危樓高閣並雲峯樹樹山山翠色濃竹露早隨秋夜

月松濤先到暮堂鐘僧能多壽因慙懶我以清狂竟
困慵慚愧勿談今世事祇宜祝髮杜塵踪

重過韜光菴簡澄泉大師十七韻 有引

余以昔年秋杪失意南圖鍛羽東歸值落英之散
亂正金粟之飄零序與愁迎愁因序長抒懷不怡
眎息生慙偶動暮雲之思遂啟秋山之興桂棹潛
移蘭舟乍泛遠渚鷗鷺平沙雁起南屏之樹翠迷
空北高之峯烟蔽日爽氣朝來深裏可悟晴光夜
斂遐賞能終爰陟茲菴願言少憩座臨池上榻近
崖邊茶話從容塵談精粹師則圓通妙解人我都

韜光菴紀遊集

八

忘余則管見株求性靈俱昧自斯一別迄今經載
業淨空門累多塵世猶喜湖波不改堤柳依然重
來路熟歲隔林幽山川為感舊之資杖屐是探奇
之具觸日興詠以供撫掌濡毫擘紙竊用陶情惟
期盡意毋顧蕪辭云爾

曉來衝霧露強半溼衣巾可謂素心者寧非避世人
行披芳草逕坐拂落花茵訝此參商舊知斯夢幻頻
勤名勞受想色相起貪嗔欲了空門願難辭骨肉親
鋒芒從宿業慧力本前身麋鹿堪為侶烟霞足比隣
買山資未辦點鐵法無真栗里問遺老桃源見逸民

拈花嗟倏忽顧影歎逡巡歲月如流電生涯等沸塵
觀魚消妄想照水悅精神竹石多清韻雲林寡俗因
泉聲疑暮雨鳥語恍殘春寒翠生遙壑晴嵐下遠村
相看看不厭心賞幾回新

再成一律爲慧光禪丈

來時不令主僧忙布襪青鞋作道妝雨勢卻添雲壑
響秋聲又報竹窗涼人同野鶴移閒步燈似流螢拂
臥牀欲與空山重寫照窮他清夜思深長

壬申之秋子嘗游此雨阻不得上未克賦數言
以紀其事茲以吉明之請聊爲補作時己卯孟

韜光菴紀遊集

九

秋

華亭彭賓

靈隱未爲隱韜光不自韜危磴歷未止泉響方嘈嘈
江海疑遠近松風引怒濤俯瞰雲樹合不知身己高
我來吸秋水所遇幸羣豪息意千峯側回首亦陶陶

遊韜光

合肥王綱

橫開一徑到山巔拾級登臨別有天樹杪流泉通海
氣巖邊修竹隔人烟

上韜光徑

京口鄔熹

蒼蒼百畝護松關閣俯長江白日閒樹杪泉聲千澗
落雲中錫影一僧還苔深曲磴疑無路石隱重巖更

有山縱有紅塵飛不到誰云仙境隔人間
返照雙林倚杖看霏微山色逼人寒香雲暮擁碧天
近翠靄晴開四望寬落落危巖藏鳥道潺潺飛瀑瀉
龍湫也知滄海無多路咫尺蓬瀛到不難

晚眺

崔嵬細路斷還通石笋玲瓏峙碧空東海月生潮共
白西山日落樹交紅

登絕頂

草色莽蕭蕭泉聲度碧霄人行千樹外雲出萬山腰
虎蹟頻當路虹垂欲駕橋晴霞天末起疑是赤城標

韜光菴紀遊集

十

金蓮池觀魚

可是濠梁上朱魚好共看浴波霞散綺競瀑水生瀾
每自親人易窻知出世難悠悠緣愛爾一日幾凭欄

韜光晚眺

南徐蔣汝元

危崖獨立俯層巒便欲乘風借羽翰翠靄忽浮雙樹
暝白雲深鎖兩峯寒城連萬井墟烟直山抱重湖夕
照殘隱隱禪房明佛火老僧常向定中看

獨攜雙屐踏芳叢牧笛聲送晚風僧磬半依山靄
下人家多在嶺雲中澄湖晚帶輕烟碧滄海晴吞落
日紅散步不知歸路暝隔林孤柝起城東

策杖憑凌紫翠巔山光何處不堪憐危峯晝擁松杉
日曲磴晴盤薜荔烟十里澄湖天外落千尋孤塔鏡
中懸嗟余久厭風塵色已自皈依繡佛前

錢塘古寺隱晴嵐丈室淒涼尙可探忍草盡生諸佛
土靈花常護老僧龕龍銜海氣來山閣鳥帶雲聲度
石枵倚檻俯看千樹外飛濤高卷大江南

癸酉同僧彌游韜光己丑初夏重來遇慧光禪
師屈指十八年矣爲賦此詩時僧彌已亡不勝

今昔之感

婁東 吳偉業

峯斷江天豁樓高海日紅鬚眉千丈雪衣被五株松

韜光菴紀遊集

十一

扶杖孤雲裏開窗暮雨中聽泉還洗鉢好作淨名翁

己亥三月取道靈隱上韜光漫作他日更和忠

憲公詩爲山中存故事也

橋李曹 溶

十年重作冷泉遊絕頂依然架竹樓輸與道人閒坐

穩春晴天闊數江鷗

登韜光菴

海昌 朱嘉徵

白雲停北戶流水到西家選石多成笋閒池早著花

磴頭懸玉李松下長金芽貪看錢江月山僧已點茶

墨君非一館碧籠出諸家樓擁溪外竹亭當巖上花

區泉試團月部畹護蘭芽幽事留丹竈尋雲漫品茶

庚辰季春同武林陳芝仙作 宣城 孫 竹

佛國不在西錢王城外奇鬱鬱崑崙過頂作降龍勢
大唐韜光師生天能出世香山作太守巢溝萬年誌
蓮花石筍篇筆鋒相睥睨鑪香大界騰一掌金粟地
雲心布隱岫歆動陸沈吏泉弦石隙彈禽管木陰吹
煮井撲塵烟聽潮鼓狂肆曦盪巖之阿哺曳巒之際
忽詠賈駱詩雲根剛古意徐渭逼山陰江東簽位次
不見有替人或犯山靈忌時聞蚯蚓聲攪入鳳麟隊
海殿貢江花淨揀意中對離騷道德經藏之無興廢
編年咸和來千劫寺中寺

韜光菴紀遊集

十二

乙未菊月五日同東航子登韜光菴最深處留

贈慧光禪師用海先生韻

灤陵 梁以樟

江湖海日靜中迴菌閣閒雲鎖不開八十四年無一

事天風暗送木樨來

靈巖夜半掌中雷祕洞玄關未許開欲撥黃芽爨午

飯香山重見後身來

春風後三日同行無漢先樹菴韜光春雪和高

景逸先生詩

武原 陳 梁

春光今過半灑雪若冬初種蓮存古跡妙處在蕭疎
碑字依稀數僧閒八十餘不須多日住已覺萬心除

友昆原不惡信宿諒無虛澹忘宜此地何用買山居
山泉如晤語竹柏影如如

遊韜光菴

益都 孫廷銓

半巖修竹晚烟橫山意僧心託寺名看盡西湖千頃
月爭於枕上聽泉聲

次韻

三原 張璿

倚樓觀日翠嵐橫異草珍禽不識名半幅雲烟天外
落谷深空響入溪聲

戊寅辛巳及今三至虎林必留連韜光菴茲慧

光師出冊索題見高忠憲及吾亡友王孝廉詩

韜光菴紀遊集

三

走筆書此時甲申三月七日 徐沂

虎林巖水苦填咽每愛幽深向此閒車馬絲來厭岑

寂韜光二字也須刪

七年三至巢溝塢竹色泉聲白傳詩今日留題更懷

舊鄉先生句故人詞

初春遊韜光遇雪

米萬鍾

東風掀簾月皎皎五花剪春雲葉小爐紅杯煖詩欲
成韻客正來梅正好

春日遊韜光

華亭 沈龍

風幃垂雪嶺香好閉龕焚鹿踏溪頭月泉翻樹頂雲

山空松響合花亂藥香分何處啼晴鳥支筇林外間

集韜光菴兼訂掩關之約

曲阿 賀烜

磴曲峰盤萬木翔湖光海氣接蒼茫雲攜鳥影投空

谷竹引泉流出上方塵夢十年初喚醒浮生半日已

清涼經函佛火欣相傍分得池蓮幾瓣香

宿韜光同公亮作

晉份 朱之俊

阿曲遵塗遠巖空積樹危盞臺侵石骨架塔暗禪枝

竹窅泉聲細林深磬響遲青川千里日綠嶂百重思

海月江心動松風麥壟吹蒼烟隨谷長碧葉倩雲滋

溜滴多新致人來非昔時凭高僧氣盡坐久道心替

韜光菴紀遊集

古

銀燭消殘唄金蓮冒小池山將情共寂莫謂有文移

秋日同友遊韜光

齊琦名

躡磴攀林此共君元壺蘭若挹清芬苔封深洞秋常

寂風咽疎鐘午不聞枕竹遠支干澗水結樓高倚萬

松雲從教酒戒山僧破緩酌清言坐夕曛

韜光夜坐

淮海 厲士貞

曲磴隨溪折崖高眾勢供泉聲不斷壑樹影若連峰

石靜留雲宿樓虛待月封清心忘就寐松響入山鐘

又和白香山韻

竹樹盤紆徑羣峰擁一家雲生迷石磴風遠泛松花

載酒尋山果呼童斫笋芽月光如水白掬飲不須茶

遊韜光菴

李芳春

危亭海氣直飛來點點江帆出斷崖一而光收千里
意神山十二鏡中開

過韜光禪院似慧如上人

張鳳翔

雪髮霜髯白橘皮虎溪風味古人期不關家國興亡
獨愛山泉歲月遲怪石千尋標勁骨閒雲一片寫
幽姿松聲半榻清如許偶為分齋話幾時

次王百穀韻

嚴玉

□□□□□□□□隱隱鐘聲樹杪間石隙靈泉翻法

韜光菴紀遊集

五

□□□□□□□□慈雲三山漂緲金輪轉山頂觀日出處二水

□□□□□□分湖望見西湖錢塘江信宿幽情還未厭徘徊霽景

□□□

遊韜光菴

□□

竹籟松濤覆古菴憶前三過十三年老僧面目猶如
舊擬借繩牀聽鳥眠

丁酉初秋遊韜光

吳興 李燭

名巖蒼翠鬱重重石戶天梯雲半封海外金光浮黍
米山前紫氣列芙蓉垂珠絕壁藏神虎飛雨澄潭起
伏龍靈鷲峰頭回首處風塵空眼擴襟胸

遊韜光

錫山 秦松齡

復與諸山異茅蘿一徑通鳥歸孤寺外人在百泉中
竹密亂生綠林疎閒落紅坐來殊自失何處置微躬

潤州 竺重光

採幽策危磴石頂得寒泉坐對不能去身世兩悠然

癸酉春偕禹王駿公諸君過韜光訪憑虛開士

茗次為書言索粲 邵彌

飛磴壓湖汜冥搜到此家弱藤扶曉壁寒竹碎晴堦
雲捲龍腥鉢僧孤鳥趁齋無言幽冷態林下忽山排

遊韜光菴

天心子

韜光菴紀遊集

六

遊興當從秋日好三年秋半到杭州行行共入韜光
去萬樹幽香映小樓

林深不必掩柴關水遶山迴獨自閒靜侶相邀來古

寺老僧笑指隔江山

予年癸丑生今來步祖舅忠憲癸丑年韻南北

易都世事大異可傷悼也 秦汧

適來值新霽晚霞留日餘暮山看不足恰當明月初

松筠為蓋幕江湖即庭除浩然四高空方知世網疎

悵悵夜無燭環顧將焉如不置山嵐閒此生終日虛

七十四歲僧樂哉久安居

天下方離亂世事已交秋擁兵稱吾雄誰爲投筆侯
豈無國恩在爾功不爾酬杳邈西北隅何人守帝邱
生年四十餘既已老吾憂除是目前眞明昨事皆幽
年光復五十歷歷春再秋避亂多一身孰者輕如鷗
但得如老僧此外吾何求高山松青青永古無去留
已卯孟秋同友遊韜光作 華亭 陳增遠

韜光菴紀遊集

七

登韜光

山陰 王紹隆

峰迴途未阻湖澗上危巔嵐氣結深竹湖光挂遠天
岩阿逢積雪樹杪見流泉縹緲思無際凌虛人欲仙

乙酉三月遊韜光

海上 宋用樸

老僧逢竹塢結宇最高巔躡磴梯雲絕推窗得樹連
半空飛法雨千澗響寒泉我有名山約韜光與作緣

戊辰仲冬同項水心作

山陰 錢受益

積雨摧遊興登臨及小晴嵐開羣樹出湍響岌山鳴
江水雲閒起湖光竹外平偃橋虹屢飲蹲石虎如迎
衲子渾如舊神仙若可成扶攜行碧落憩息坐青城

更上奇難盡盤旋趨轉并悵然天欲雨啜茗說長生

遊韜光

鄮南 許作梅

石磴盤雲屈登臨眺海天那堪左掖客來對口峰禪
林密山藏寺巖高竹引泉境幽人不到猶見老僧賢
宿韜光菴阻雨 朱鳳生

拾級尋幽徑緣溪渡石橋白雲迷列岫丹閣出層霄

霧色籠春樹風聲送夜潮醉眠渾未覺窗外雨蕭蕭

遊韜光

余 謚

塵襟掃淨到山扉霧鎖層巒雨正飛日暮江城歸路
晚松風歷歷拂人衣

韜光菴紀遊集

八

登韜光

山陰 王紹隆

丁酉十月十七日友人陸鹵書舍姪玉宗靈隱
上人月巖亦在遊中法戰偶勝意欲出居士一
頭因作觸步二語記其事他日重遊未可知也

方 猶

曉起不辭慵高樓撞曉鐘招邀尋勝蹟落拓寄孤筇
曲徑晴如雨寒岩夏已冬泉聲飛百道日色散千峰
觸步猶知路乘言敢會宗道人幽興足二客尙能從

戊子六月同遊韜光作

釋悟武

倚步沿流至窺門借竹陰境窮偏得憩機到卻成吟
剝啄人非別寒暄意自深會知千載事灼灼在東林

登韜光菴

晉江 蔡茂華

龍泉鳴法雨山樹靄斜曛何代通幽徑誰爲掃白雲
青精猶可飯釋子亦談文丹竈黃金冷高松鶴不羣

閔敬生

幽情隨野客縹緲泛仙槎深樹疑來雨空山半落花
看松泉有夢問石酒爲家以此延秋况蕭蕭天一涯

會稽 徐行

寓公攜我參三竺借泛西湖一葉槎窮壑穿雲迷鳥
道梯山曳杖過僧家泉聲滴瀝禪機寂樹色青葱飲
興奢醉臥渾忘塵世事疎鐘喚起飯胡麻

韜光菴紀遊集

九

古澆 顏渾

身行復乘月遙睇綠溪陰鷗鷺忘機久雲山抱癖深
未能馴野性聊不負閒心唯有西湖夢時時到武林

登韜光追和高忠憲公

杭州 沈捷

結伴巖上宿夢魂怙有餘曉起更清曠再逢開闢初
振策登危峰緩步如堦除嶮崎六七人高下密復疎
三休竹樹閒共笑畫不如廓然至其頂仰觀親太虛
歷覽不能去歎息難久居

開帙遇前輩稜然悲九秋先生不朽人腐鼠嗤公侯
矢志踵其韻高言誰能酬今日復何日社屋齋蒿邱

異代嗟興亡何如身世憂乾坤一漆室俯仰白日幽
館結二三子登眺延窮愁先生重一秋我師佛圖澄
狎虎如狎鷗何必去五嶽目前縱所求當年二七日
鴻名千載留

追和王六瑞先生

鷲峰分一折山勢遂深韜竹樹凌空下雲泉落礮高
黃旗瞻海日白馬辨江濤緬想拈糕客留詩讀更豪

登韜光和高忠憲公

陳紹英

相與共氣理山川供嘯餘晨遊益蕭遠眇然窺太初
升高足忘疲轉覺景卽除分坐倚林密延眺從竹疎

韜光菴紀遊集

十

羌獲似當年進止咸自如咳唾凌天風意象乘空虛
發策告山靈雅志圖卜居

老僧出縹帙展對多春秋中有高先生灑筆輕公侯
俯仰惜前代竟與身世酬使我更搔首幾于亡家邱

昃景夢日觀滄海沈私憂撫案忽惻惻賦懷恆幽幽
泉石如鑿人磊落爲破愁原重秋字驚叫聞霜鴻狎

盟隨水鷗我行誠鹿鹿於世希所求寄言此山中花
木應好留

柴世堯

結趨在山水何待歲月餘丹楓映碧巘乘此佳候初

杖策登崔嵬觸景俗念殊明湖遙靄接深竹曉風疎
紆迴望懸磴攝衣縱所如憑眺絕飛鳥逸焉凌太虛
安得棄塵世卜築仙人居

層崖隔人境不知春與秋山林可狎長醉鄉足稱侯
何爲苦逢世汨汨淪獻酬壁觀有老衲雲臥恬高邱
恆覓海日起亦無風雨憂木落空山冷泉浮翠荇幽
我來憩池上一啜已灑愁結侶招野鶴忘機任海鷗
詠題舊盈帙載披獲所求先哲誰繼響勝情藉以留

關 鍵

水筒接紆徑懸磴百尺餘重來訪韜光時惟丹楓初

韜光菴紀遊集

三

寒葉嬾未脫宿草間欲除俯檻江湖開豁然心目疎
五十未棲山慚愧鹿不如有幽靈宅長鎖松竹虛
老衲坐清湫問我何居居

肅肅天竺頂四時成古秋所至澹若失何論新故侯
青雲滿瑤笈觸感興唱酬穆穆松下風鬱鬱原上邱
正士多苦辛烈懷湛壯憂天問賦招魂寄意何陰幽
國步經蕩析余生畔牢愁城頭連虎尾敗蘆藏汎鷗
繫此物外區堪向山靈求朋儕指去途默坐欣還留

鄭賡唐

疊疊峰峩北高尖削餘鬣鬣崇雲簇丹碧葉戰初

我昔躡屐至日月幾乘除今偶良朋屢依棲竹影疎
烟道望不極江湖僅帶如罡風衝白燁追遂在空虛
仙窟鉢龍在卻羨老僧居

瑤臺鎖蘿幌靜古自然秋嶽德雖謙抑不似東陵侯
雲貯高人筆琅玕咽唱酬屈軼初善指金鼎重山邱
葵恤當孔棘蚤懷叔世憂景光修蛇尾所貴枝撐幽
花間午時梵藉草一沙鷗累石同人拜剝落尙可求
落葉空山句應與此山留

遊韜光用關六鈴韻

轅里 王士禛

韜光菴紀遊集

三

過齋鐘出寺到山深飛飛戲蝶捎荷葉颯颯鳴蟬散
竹林司馬游來成倦客一椽還擬寄幽岑

和前韻

黃山 孫 默

廿載韜光未易尋重來莫憶舊時吟江湖極目紅塵
近僧舍留人白日深坐遠只聞一鳥語徑幽盡是萬
竿林留連直待斜陽去雙塔裴回第幾岑

遊韜光和黃海岸先生韻

當湖 陸光旭

青山有約共宗雷峯對蓮花仙掌開爲與老僧曾說
法三生石上又重來

坐金蓮池上

揚州 汪懋麟

春去才逢一日晴深山四月喜聞鶯忽來小閣驚飛
雨卻是山泉滴瀝聲

韜光絕壁好禪關今古遊人自往還何事題名留片
石高吟只數白香山

獨過韜光

標下 周亮工

寺裏登山去韜光景色偏空林無垢葉絕巘有清泉
此地真岑寂看人自往還蕭然茶話後吾意已逃禪

丙辰秋日

會稽 姜希轍

問山臨絕壁幽趣在僧家半檻雲飛石方池水噴花
丹楓初受日翠竹漸生芽靜業渾無事籬邊聞種茶

韜光菴紀遊集

三

壬寅五月

虞山 錢朝鼎

曉月橫飛屋角泉扣門驚醒竹鼯眠樓高霧擁扶桑
日鉢冷晴生火宅蓮縹緲鐘聲聞下界參差樹影入
遙天當年雙桂雲塔老彷彿飄香到枕前

韜光用香山韻

宛陵 施閏章

丹閣仙人宅香臺佛子家嵐深晴作雨樹老晚成花
澗口齊藤葉牆根過笋芽聽泉從日暮自煮白雲茶

宿飛雨閣用韜公韻

高僧卓錫繞清泉逋客擔簦峰頂眠古桂雙株棲白
鶴寒池十丈長青蓮茫茫滿壁雲生榻渺渺懷人月

在天不信飛仙吹鐵笛窟龍驚起石樓前

遊韜光

海昌 楊雍建

積雨天山合雲封高士家泉流飛古雪梵靜散天花
破壁龍藏首懸崖石吐芽那能邀白傳重與論新茶
直上層巖路還登百尺樓白雲滄海合赤日大江流
竹韻泉根遠楓聲蓮嶠秋玉仙如可下勝地若為酬

丁未春仲

錫山 顧鏞

樵居飛錫日到處即為家泉是山中水蓮非世上花
巖高獅子石林長窟頭芽拂石逢僧話如烹齋罷茶
遊韜光題壁

山陰 祁豸佳

韜光菴紀遊集

四

西崦茶塢有人家雲抱青山水抱沙記得春深無限
意梅花落盡又桃花

乙卯中秋前四日過韜光

武塘 魏學渠

忽聞香氣自空來細雨輕風掃碧苔
息泉流人太古不知湖海到胸開

丁未五月過韜光禪室聽泉索句漫留口號二

首

嵇宗孟

鷺嶺千盤竹樹幽到來五月靜如秋神州霄旻無雷
雨何事空山日夜流
本然相對立閒閒半壁烟霞太古閒我自留題傳勝

事莫教人說白香山

庚戌寒食前六日偕游韜光

嵇永仁

竹路循危磴神仙此是家池流千古雪山放九秋花
撥草尋苔碣支筇觸笋芽因僧聊借憩還試早春茶

坐金蓮池上作

易祚昌

乳膏滴碎石琅玕留得禪心分外寒尚有金蓮開未
老秋來采實合成丹

和林雲木先生遊韜光韻

蘇門 孫爾遇

竹自參天泉自佳見聞俱寂復何加白雲非主余非
客瘦盡山僧老盡花

韜光菴紀遊集

五

登韜光

錫山 陳典

躋攀不惜路重重尋勝韜光第幾峰寺築雲根通古
澗鐘傳天半落長松江湖漠漠帆檣小城闕重重烟
雨濛濛許清吟山色暮武陵佳勝亂雲封

巢村 嵇永翼

地勝金蓮出韜光古佛傳竹根欺墮石花葉濺飛泉

江海觀俱大登臨興較偏遲迴尋鷺嶺雲在眾山前

山陰 何兆魁

探奇乘興發曲折到仙家亂竹空啼鳥蒼苔剩落花
泉流心較靜春動草萌芽讀罷香山句山僧供笋茶

天都方寅

消盡人間想深山即住家制龍供法水化鳥重蓮花
逕破雲來補藤枯雨發芽忘機疎禮節泉汲當新茶

茗上 潘曾潤

遠寺疎鐘隱晴嵐入望幽聽泉疑是雨坐石不知秋
月映溪山翠雲開麋鹿遊我來尋勝地何處覓丹邱

東吳 朱之稼

為有離塵思來過雲水家飛泉鳴石磴法雨散天花
玉版方穿路金蓮初長芽坐深忘去住頻啜紫茸茶

沈傳曾

韜光菴紀遊集

五

踏泉尋起處轉欄至仙家道洽三同契心開一地花
應門頰埽葉種竹任抽芽有客來匡坐山僧試煮茶

集韜光分賦

燕臺 侯之桓

草色暗斜陽飛花拂袖香寒巖干竹翠石徑一松蒼
嶺斷雲分出沙明雁逐行客來山閣望秋雨送微涼

乙卯秋日過韜光作

甬上 董道權

芒鞋不倦此躋攀收盡湖光十笏閒曉閣紅瞻遙海
日晴窗青見隔江山荒臺踪跡仙人杳叢桂春秋衲

子閒誰繼梁溪司馬後寒泉聲裏閉松關

魏 坤

仄徑迂迴鳥道難，捫蘿雲氣出千盤。雨中倦策峯頭坐，閣上憑虛樹杪看。絕澗瀑侵苔磴溼，桂枝香護竹扉寒。仙祠縹緲瞻遺像，鶴背風高鐵笛殘。

羣公佳句足淹留，更躡丹梯到上頭。萬壑烟雲迷鷺嶺，一天風雨下龍湫。濤聲勢挾江城動，海色晴連越嶠浮。東望扶桑逢島近，飄然身世泛虛舟。

甲寅春暮過韜光菴

吳門褚篆

白石野樵路蒼筠，衲子家高寒樓供日寂。歷水流花古澗藏，雲液深林長露芽。坐沈因惜別時啜，遠公茶

甲寅春日過韜光次韻菴韻

吳門孟亮揆

韜光菴紀遊集

毛

百折盤雲磴，香林入竹幽。到門聽瀑雨，憑石瞰江流。地僻松杉老，山寒猿鶴愁。春芳雖未歇，詩思已含秋。

登韜光偶成

張敏月樓

樹杪窗開古佛樓，杖藜到處野雲稠。鳥窺人靜將偷飯，龍爲池清也幻遊。泉響不妨僧入定，山高好傍月爲儔。尋幽偶步韜光寺，始識西泠邁九州。

和香山寄韜光禪師原韻

丁彭葑園

春深訪蘭若，隨意到山家。洗鉢泉穿竹，談經雨散花。晶鹽和筍味，松火瀹蒿芽。香積勤齋供，瓶罍滿貯茶。

和韜光禪師答香山原韻

古院嚴扉扃石泉，鄧公房裏正安眠。薔薇亦是祇園樹，昨嶠爭如泰華蓮。載酒應過黃鳥侯，尋春辜負綠楊天。風流刺史誰堪繼，肯醉詩人白社前。

遊韜光菴

古豐李之翰

巢塢深藏不記年，到今卻使倚人傳。松篁過澗思吞壑，磴道穿雲勢接天。僧爲棲虛常避世，客因卜地一逃禪。當窗坐久忘歸去，更訂重來信有緣。

韜光聽泉

吳門王逢禧

香樓百尺聳層空，樹杪飛泉聽不窮。豈有天花來鶴駕，卻流霞液到龍宮。江聲直接澄湖外，海氣遙連夕

韜光菴紀遊集

天

照中坐久塵襟應滌盡，何須半偈問韜光。癸丑同繆念齋遊韜光

德水蕭惟豫

寺居絕巘遠塵氛，我愛韜光祇共君。隨手杖扶山徑竹，回頭履躡澗溪雲。翠封千岫松杉合，波湧一江吳越分。把臂登臨渾不倦，泉聲到處耳邊聞。

獨遊韜光

龍眠方膏茂

徑轉青雲外，光韜隱法幢。竹深人跡暗，僧定虎心降。樓日先滄海，山潮湧浙江。閒情扶遠策，永晝坐西窗。再遊韜光

重來方丈地，苔磴傍崖懸。丹樹繁霜後，朱欄佛日邊。

泉高喧碧嶂池暖泛金蓮別去纔彌月雲山更一天

癸丑夏五月九日同蕭韓坡繆念齋兩太史登

韜光觀白太傅與韜光禪師寄答詩賦此示山

止上人

婁東沈受宏

韜光住靜白公閒想得詩筒愛往還舊事古今成勝

蹟寒泉日夜響空山路穿萬竹客登寺窗對一潭僧

閉關碧海滄江都在眼茫茫此下是人閒

甲寅春暮遊韜光遇雨

雨溼北山頭蕭條不可留午陰隨作暮春冷忽成秋

雲合千峯起泉分百道流回看蒼翠裏幾處是曾游

韜光菴紀遊集

三

又贈山止上人

韜光卓錫處千載繼孤蹤閉戶向春嶂吟詩消夜鐘

江聲高聽小海色遠看濃相送下山客蒼蒼烟幾重

丁巳臘月韜光重晤山止禪兄自甲寅之春別

四年矣同遊者隨菴顓菴兄弟也

別師松樹下烟月幾年過四海亂離久一身飄泊多

空山消客話落日起樵歌坐讀新詩好石牀深薜蘿

癸亥五月三日同次谷過韜光留題

我從此地尋精藍幽勝最愛韜光菴泉聲竹色轉曲

磴絕頂一望窮東南湖作杯盃江作帶諸峰雲氣相

吐含鷲嶺卻在山腳下濃青萬樹浮烟嵐快哉高閣

豁窗牖仙竈遺蹟同禪龕菴中上人我舊識彈指十

載過門三老者修髯致瀟灑少者騷雅頗足談我來

蔬笋敵具飯所喜有酒仍芳甘空囊那得金布地破

費香積殊懷慙此別匆匆適閩粵炎天遠道愁難堪

回思靈山隔塵外清景月嶂兼風潭明年定期襍被

到坐臥十日依瞿曇

丁巳嘉平遊韜光作

婁東王撰

攀蘿探絕勝高視極長空海色晴嵐外江流宿靄中

竹深千嶂靜寺遠一泉通輸與棲禪客清吟思不窮

韜光菴紀遊集

三

早登韜光

晨興禮瞿曇縱步探幽景寒裳躡雲梯策杖躋松嶺

千霄竹萬竿蒼翠接峰頂草際露霑衣山花雜野菌

朝曦出林梢石崖見人影地高襟自舒境曠目可騁

江山互回抱湖光碧千頃入戶窅無聲佛燈常耿耿

衲子懽相迎聞房坐烹茗窗虛飛鳥過塔淨流泉引

塵懷覺漸忘幽趣偏獨領談罷一聲鐘冷然發深省

遊韜光

婁東王撰

寺樓隱隱白雲隈坐聽松風萬壑來地盡一峰江忽

出天清諸嶺海方開深林鳥嘯時當戶曲沼魚行故

繞臺正欲烹泉留客話湖中歸棹暝烟催

癸亥端陽前三日同沈台臣作 王曜升

曲折循危磴山腰古殿開一窗收激澗三面抱崔嵬
竹色侵衣冷泉聲觸石哀相攜探舊蹟兼訪贊公來

丁卯秋重過韜光

悵別山中久扶筇覓舊踪叢篁千折磴古院一聲鐘
酌水瓢初借捫碑薛半封金蓮池畔吐燦燦爲誰容

同星叟遊韜光作

顧豹文

化域東溟接仙宮北極閒平鋪羅剎水雄據武林山
碧澗高仍住丹梯渺莫攀霜鐘寒帝座雲杵鎮人寰

韜光菴紀遊集

三

白芋堪孤臥青松亦駐顏石梁橫月窟斗宿值天關

江影清三折峰光耀九環盤空迷羽節倒嶺墮烟鬢
百道流皆泚千林葉並刪神龍應嘯去野鶴忽飛還
虎穴陰崖遍龍湫古木閒傳聞丹鼎在攜劍入朝班

同顧且菴遊韜光作

吳農祥

初地雲霞麗諸天景物遙樓臺橫紫府鐘鼓插丹霄
泉響疑飛雨風輕易應潮金仙仍築錫玉女合吹簫
海色迷江界湖光換斗杓聽來塵網靜坐久劫灰銷
城郭浮空闊川原隱動搖松高皆化石竹險不成橋
鷲鳥迎扶杖游魚喜挂瓢天花危磴落仙樂寶幡飄

發興知瀟灑羣賢愛寂寥駱丞詩總健白傳語尤超

水挾紅輪入山如紫蓋朝從來多逸士真欲訪漁樵

韜光故有明高公攀龍舊題詩最古雅問之爲

人竊去真蹟久矣又賦

欲謝浮生此索居依然翰墨照庭除十年箕尾乘雲

客不遣山靈護素書

彈指風塵易古今九原碧血也難尋江湖大有賢豪

在識得當時未死心

韜光寺由靈隱山門之內右轉而上舊名韜光

菴唐白傳詩所謂兩寺元從一寺分者也頃余

韜光菴紀遊集

三

寄跡湖莊就近登陟其處風肅天高一望空闊

覺海雲江滙寫間可接因思駱丞在靈隱有樓

觀滄海日門對浙江潮之句世人各以臆解大

約不考厥原始流連斯景之故耳爰賦數言書

諸山止禪友方丈以志勝覽兼破後來者之惑

時康熙丙子冬仲二十有四日 邵遠平 戒山

鷲嶺磴道紆勝引厲高足朔風振林阜眾木落榭藪

顧盼左右殊好景紛刺目深探不知疲紺宇當前轟

境地敞崇嵬胸懷盪清淑層軒憑危欄萬頃如一幅

海東蒼茫茫騰掉動朝旭雲霞互掩映水天迷斷續

鴻濛吞江流威迤到山麓有時怒陽侯長鯨翻湓浴
雷鼓轟禹門銀浪排雪屋東南稱巨觀古今標嘉躅
湖洞裳欲褰俯視手可搆循覽念昔人得句迴恆錄
少見多所怪臆辭同道築千載去已遙誰留面相告
竭來滌煩襟陳篇聊展讀真詮良在茲會心敢云獨

甲寅春暮登韜光菴

婁東王揆

汨汨泉聲咽疎篁滿徑幽置身孤嶺上極目遠江流
海色連諸浦山光盡一樓茲遊驚絕勝欲別重淹留

丁巳冬日重遊韜光晤山止上人留贈

一別韜光又幾年泉聲竹色自依然憑欄極目千山

韜光菴紀遊集

三

外滄海澄江共碧天

翠靄重重小院深把君詩卷滌塵心何時借榻松窗

下剪燭清宵伴苦吟

遊韜光金蓮池

石門勞之辨

勝地風塵絕逍遙此日臨沼魚時出沒風竹任浮沈
曲澗驚花落危橋怯水深秋心方寂歷谿午得鐘音

丁巳秋九月遊韜光

龍眠方雲駿

迴廊穿小徑幾曲上韜光竹裏泉聲細巖頭花氣芳
湖平江遠近日淡海蒼茫獨鶴秋空唳仙蹤落羽黃
泉漾金蓮影門閒老桂枝曉鐘分鷺領夜雨響龍池

僧定茶初熟窗虛雲半垂忘機看筆墨開卷一題詩

過韜光

方育盛

欲上韜光逕巖頭人適逢坐移雙樹影話盡隔年蹤
客路慚僧臘春山看暮鐘過溪遊再訂回指北高峯

辛亥秋偶題

不到西湖二十年韜光山色舊依然桂花香映金蓮
草靜對方池愧冷泉

癸丑冬日贈淨華上人

海陵張琴

嶙峋尋絕壁竹裏得僧家雲宿飛仙閣烟迷天女花
清池沈樹影僻徑繞藤芽惠遠心無著閒烹活火茶

韜光菴紀遊集

三

和施愚山前輩宿飛雨閣

韜公蘭若傍飛泉有客曾來數日眠席上看雲時礙
竹峰頭得水自生蓮樹深如隔千重雨心近應疑尺

五天多少名山僧獨臥幾人題詠石池前

癸丑夏五遊韜光觀泉

繆彤雙泉

潭影當窗靜泉聲入竹幽晴時常帶雨夏日竟同秋
花有金蓮放魚多赤鯉游香山詩句好讀罷向林邱

過韜光次繆歌起韻

潘孟瀾茗水

爲訪韜光勝山幽興更幽泉聲晴亦雨竹響夏常秋
樓閣還宜畫雲霞好共遊此中多異蹟容我嘯林邱

中秋宿韜光菴步繆念齋韻

錢有焜

絕磴雲邊出孤亭天際幽蛩聲紛入暮蟾影迴當秋
羽客何年至仙壇此夜遊崎嶇緱嶺上彷彿倚嵩邱

遊韜光

張泌

清秋江霧斂採藥到山陂細草承溪雨閒禽下竹枝
人來俱愛石僧定爲催詩坐待樵歌歇諸天月上時
高步涼秋曉披襟曲徑迴雨餘層嶂潤木落大江開
小飲留丹壑長吟破碧苔足音穿徑響沾酒老僧來

登韜光

朱曉

林深尋不到一徑傍雲開空翠沾襟袖天香落酒杯

韜光菴紀遊集

五

游魚穿澗入狂客放歌回莫便悲嘹唳風濤鼓石雷

秋日偕友登韜光

亂雲迷石磴百轉到香臺寒瀑龍飛雨懸崖笋破苔
海風吹月上江火帶潮來我欲長留此呼朋臥草萊

宿韜光觀諸公題詠

益州費密

攜手上孤峰輕烟翳翳從水筒秋換竹山閣夜聞松
先輩遺文在羣公逸興濃幾時罷樵採樹底鬱殘鐘

張丹

誰云遠公室已是列仙家古洞泉疑雨遙峰石作花
谷烟疑翠靄霜樹發紅芽只此多清味何須更煮茶

己未暮春贈山止上人

會稽姜垚

山僧耽奇僻論詩尙三百吳綾卷帙多標題盡詞客
憶昔過圓廬止有清猿躑登臨湖水平聽泉山澗窄
萬木吼松濤片雲舒朝夕忽忽十年餘乃見連城壁
山林不可狀下里羞圖籍相期結蓮社爲君謝遊屐
過韜光奉贈山止師

趙貞

住山人在最高峰磴入蒼雲踏萬松危石咽泉堪醒
耳明湖懸鏡獨當胸客來偶證拈花偈茶熟初聞出
定鐘爾自忘言余欲去不須重與叩南宗

戊辰二月四日遊韜光賦贈尺玉山止二上人

韜光菴紀遊集

五

何處尋韜光蕭蕭四山竹竹筧通流泉縱橫遍崖谷

毛師柱

沿緣陟層磴山腰得茅屋湖光出松頂江海俱在目
羣峰聳靈鷲鐘聲殷林麓乃知所歷高萬象供遐矚
入門淨灑掃禪棲養幽獨山僧出詩卷妙語奪山綠
窗扉對泉溜方池浸寒玉傳聞金蓮花不染汙泥濁
碧天明月句莓苔壁間讀身老始來遊平生願亦足
不恨入山遲祇嫌出山速爲愛遠公蓮茲遊或當續

婁水顧梅

躡屐攀危磴禪扉出杳冥江橫一帶白竹裏四圍青

倦足貪僧話疎泉慣客聽登臨得慧遠相送下前躬

遊韜光

陸寅

茅屋松風裏幽棲自不羣庭昏晴亦雨山靜晚生雲
妙理無言得名香盡日焚欣然一相對頓欲謝塵氛

韜光曉起

偃臥香臺下披衣曙色中烏啼山樹曉日湧海門紅
宿露凝寒石晨鐘度遠風蒼茫烟霧外殘月挂疎桐

遊韜光

顧承年

登臨來絕頂憩足此銜杯鳥道千盤上秋江一面開
松深潛佛閣溪曲抱山隈日暮悲笳發狂歌且未回

韜光菴紀遊集

毛

遊韜光贈山止禪兄

王原祁

捫蘿歷磴倍添幽乘興還須到上頭竹樹半分雲外
去江湖一望閣中收山僧欲話當年事刺史空傳昔

日遊爲愛巒光應惜別愛君佳句更淹留

春日至韜光遇雨

鷺嶺幽棲澗戶扃重來恰值雨初零倚欄煙鎖平湖
白躡燈衣沾絕壁青蓮出清池穿石竇泉流密竹到

茶亭碧天明月高風在可有香山此再經

遊韜光遇雨

王奕清

冒雨尋蘭若躋攀倦不辭江光烟外合山勢霧中奇

借竹疏泉脈繞山皆用竹引泉移連浸石池醉餘披卷帙動

我白雲思

韜光紀遊集家君視學時捐俸助梓故云

丁丑春遊韜光返寓閣二日山止禪師寄箋索

題再賦

數椽小築傍岩扃夾路幽篁列翠屏風急瀑添千縷
白雲濃山失萬重青景逢奇處詩難寫話到深時酒

易醒惜別再登峰頂望江湖一抹雨冥冥

丁丑三月二十一日晚過韜光 湯右曾

澗橋徙倚老松根肅肅巖扉寂不喧坐覺清風生石
壁行窮修竹見山門依依烟郭江光繞點點林鴉海

韜光菴紀遊集

毛

氣昏卻怪白沙春漲闊游人指點說潮痕

丁丑春杪遊韜光遇雨

京江 王廷擢

不憚登臨倦精藍暫息肩小窗依絕壁修竹夾流泉
縹緲雲山遠蒼茫海日連雨沈留客住相對坐談禪

戊寅春日遊韜光用毛端峰韻 龔秉直

奇境聞韜光未到境已熟端峰我執友紀遊豁心目
一逕入煙霞仄磴互盤曲籃輿不可度捫蘿趾相屬

修篁夾萬筍影覆一天綠絡篔引流泉冷洽漱寒玉

精舍迥層巖曠然縱遐矚夢想垂十年羈牽痼塵俗
今來衝泥上同行客五六詩句信有徵隨步若披讀

上人齊已流劇喜來不速揖坐金蓮池清言沁幽獨
茶筍次第陳兼許進醪醑客意正流連簷溜斷還續
烟雲幻畫圖髣髴米家幅雖迷江海觀幽勝此亦足
夙願快已償後遊期再卜會當陟其巔振衣看朝旭

登韜光

雲間程揚

雲岌窮千仞清泉百道流尋幽來此地興盡更登樓

周禹吉

每多邱壑趣置我白雲隈竹澗飛晴瀑山花照客杯
松杉圍鷺嶺麋鹿上香臺極目情何限秋江匹練來

徐汾

韜光菴紀遊集

堯

寶剎何年構層軒苔翠封樓危低海日山古護雲龍
幢羽金蓮密天香紺殿重欲知初地果早與扣晨鐘

秋日登韜光

宋嗣京

纔入韜光路幽篁曲徑開小池魚隱躍高樹嶺崔嵬
寂寂塵思去霏霏法雨來況當秋氣爽攬勝一徘徊

卓長齡

絕壑非人境神仙亦有家石鯨秋作雨霜葉晚疑花
客飽青精飯丹留白雪芽欲歸殊未肯更乞一盃茶

丙午七月遊韜光

項奎

泠泠石竇瀉寒泉萬竹虛樓僧慣眠祇樹林中香作

雨越山江上翠如蓮興來支策曾窺海醉後題詩漫
問天再詣招提同習靜夕陽紅葉坐巖前

項以道

林屋重來問耽幽著處家秋陰生翠碧危石倚疎花
入竹探泉竇摩碑拂蘚芽風流懷白傅今古一甌茶

丙午秋日遊韜光漫成

朱爾邁

我本餐霞客深山到是家引泉扶野竹選石問籬花
天地狂名在江湖醉眼斜風流慚白傅得句漫相誇

寄懷韜光山止上人

鄧錫璿

高峯古寺陰倚錫草蘿深結友同蓮社題詩徧竹林

韜光菴紀遊集

罕

松間傳梵語石上響瑤琴咫尺靈山路雲迷不可尋

題韜光菴

顧之琇

獨向烟霞裏追尋羽客蹤菴左祠名純陽故及空山閒日月隔
水落芙蓉白石誰爲芋青林遍是松仙亭吹玉笛飛

上北高峯

重過韜光阻雨晚眺

沈賦

日暮西風急重來訪舊遊夕陽猶在樹山雨忽驚秋
嶺斷荒烟外帆歸古渡頭幽懷何所寄憑眺上層樓

宿韜光作

朱兆殷

經宿禪樓上泉聲不住流雨晴竟莫辨風竹自成幽

山水仍如昨衣冠異舊遊方驚鳴暮鼓明月上簾鉤

宿韜光留句

蔣漢紀

鷲嶺懸崖削山深竹樹幽飛雲驚鳥道曲澗引泉流

剎古烟迷屋風高春欲秋我來生靜思禪榻暫淹留

為有尋山興還看海日生飛濤峯際渺野鳥望中鳴

草淺增沙滑雲閒落澗聲何年重訪舊仙徑學吹笙

讀芝巖先生遊韜光詩不禁神往賦此以步後

塵

汪瀚

何妨登絕頂俯視最高峯霞氣盈丹檻仙音接梵鐘

溪深龍出沒閣靜鶴從容我欲尋王子相期餐碧松

韜光菴紀遊集

望

昔人屐齒所至輒有題咏韜光名勝甲於浙中

顧不肯越西子湖一步地徒令作臥遊也亦可

矣漫賦一律以當幽尋

郁且彬

高嶺嗟我倚碧空禪關幽寂俯諸峯登臨恍若居蓬

島眺望還疑接岱封何處飛來靈鷲石幾回吹落梵

王鐘韜光自古稱名勝一壑泉聲萬樹松

春暮遊韜光

屠粹忠

絕壁摩霄百尺懸仙宮石冷澹生烟馮夷鼓奏呼龍

出雲母牀閒伴鶴眠江艇遙通溪外路湖光暗逗水

中天何年採藥窺丹竈擬服松脂招偃佺

遊韜光

宋琦

攜杖尋幽勝雲深別有家野橋低渡澗危石故穿花

厨乞燈前火蔬添雨後芽三生應有約試取趙州茶

姚景崇

策杖韜光境干盤曲徑探江湖時帶雨海氣晚生嵐

樓閣山腰出禽魚鏡裏涵坐看噴法乳玉鯉若同參

寄題

茗南沈上墉

竹色照人碧韜光磴路長一泉散花雨千寺引冰霜

月正湖流白天晴海氣黃我行曾未到夢此亦蒼涼

遊韜光題

沈涵

韜光菴紀遊集

望

山空飛瀑響奔雷入座江湖放眼開盡日憑欄看不

厭明朝仍踏翠峯來

陸光旭

松徑盤雲入峯迴竹院通閣懸修樹裏茶熟野花中

藜杖追仙侶柯枰對遠公忽聞黃鶴唳鐵笛下天風

丙午子月朔日過韜光

張一鵠

仲冬朔氣到林邱喜得晴光策勝遊佛湧金蓮開淨

域山韜慧嶠抱清流登樓滄海連峯遠倚檻澄潭繞

竹幽扶杖已疲餘興在攀藤足底亂雲浮

張忽

晨登幽嶺候新泉山寺聞鐘早破眠但有殘碑尋白
傅恨無佳句敵青蓮微茫不辨雲成海縹緲纒分水
接天覽勝豈堪當日事攀藤獨竝老松前

旋汲高林一勺泉半椽辜負讓雲眠經過怒石生新
笋望去遙峯湧異蓮最此論心松頂處那堪分手澗
西天客中送客韜光路是日祀公先別余之茗上惆悵臨風不肯
前

辛丑冬初曉登韜光同張僧持獨任善辭兩師
用舊韻 周斯盛

每到山頭輒問泉泉流不見昔人眠身當高處孤於

韜光菴紀遊集

望

石日在烟中散作蓮遊侶有僧都是客空樓無葉獨
留天眼看曲徑幽如此但許烏啼霜色前

丙午新秋重過韜光再成

芒鞋連日問山泉爲愛松聲不愛眠秋色欲來先到
樹湖光一半尙歸蓮重過舊地思良友辛丑秋杪與張僧持同遊
讀罷遺碑向碧天白傅只今猶在不森森蟬響暮烟
前

戊辰三月三日復過韜光信筆成詩以紀歲月
春風依舊煥飛泉老怯登山到卽眠樹葉碧於彭蠡
月湖烟佳似華峯蓮漫隨世俗尋幽地厯數交游已

隔天獨有山僧猶識舊開軒邀我坐巖前

乙丑冬夜宿韜光作

松陵潘耒

招提宅山巔而有清泉瀉濤聲亂陰晴瀑勢無冬夏
殿門俯層巒萬象森在下湖帆拂林空海日升巖罅
我來歲已晚楓菊猶未謝白石淨可餐流雲駛堪駕
浮生如窗塵幾時得休暇遇坎且當止茅齋儻能借
嗜奇夙成癖逢山必冥搜捫蘿晚來登愛此景色幽
巖壁如故人冷峭與我謀十年始再至所嗟歲月道
山僧能好事燒笋沽新筍出詩過百幅雅俗頗兼收
時時遇名賢隻字珊瑚鈎風湍響終夜疎雨時灑樓
神清不可寐似枕空灘流萬事足欣厭塵境有去留
誰爲洗心人可與濠濮遊

韜光菴紀遊集

望

中宵雨作不果出山口占

山行晴忽雨小住亦爲佳瀑怒欲崩屋雲寒時墮懷
難松便靜坐煮蕨稱清齋豈必吾廬好巖棲願始諧
遊速每多悔何妨信宿停山宜雨餘看泉愛夢中聽
洗硯池光活翻書燭燼零枯藤與危石相對喜忘形
百年元逆旅天地亦浮槎一到不爲客高眠卽是家
榮枯碁作劫聚散瀑成花汨汨緣何事勞生只自嗟
山止上人見和新詩重贈一律

軒軒出羣鶴擊鉢復能詩解作名山主無勞俗客知
寒山麤亦好石屋老能奇透得聲前句縱橫更不疑

又贈山止

太守招時不下山韜光標格在人間阿師有意離塵
滓飛瀑聲中好閉關

瀑泉說盡無生話札札琮琤自古今著意聽來無會
處一鈎涼月印潭心

將出山留別

一雨留三日看山眼特青題詩成巨卷飲酒竭長瓶
惜別愁天霽貪來覺地靈冷泉如有意相送過前亭

韜光菴紀遊集

望

登韜光

華亭 陸祖修

靈山一住便依依到處難教齒屐稀路入層霄人語
寂天臨斷壑水雲微詩因調古僧留帖茶爲泉清客
款扉雨歇不嫌登歷久樹巔又見溼鴉飛

丙寅三月登韜光

陸 棻

屢泛滄波宅還尋白石家雲蹤深護徑泉響靜浮花
玉笋應參版金鉛不鍊芽肯留筇客住學製社前茶

又題二絕

山靄霏霏水霧平春寒三月未聞鶯何時襍被樓頭
宿放眼橫看海日生

窗開竹杪綠烟齊池上山梅幾樹低祇爲看花破詩
戒野航不必向西溪

偕友三宿韜光山房

深溪 徐 介

禪房來勝友旅興慰無家習靜山當戶聞香桂吐花
人情難曠達俗念易萌芽轉覺流泉好閒吟且啜茶

何人能遁世之子解離家賦許大悔齋自
海昌遊跡於此夜夜山宜
月年年秋有花晴霞臨曉湧衰草到春芽好醉陶潛
酒還須陸羽茶

中秋明月隱高天把酒裁詩逸興偏羨爾攜筇亭畔

去笑余憑几竹閒眠何來細雨侵衣袂莫使寒雲覆

韜光菴紀遊集

吳

澗泉一片山光時掩映須知兩地待嬋娟

八月望弢光夜集赤玉上人復邀許宋秦三子
往冷泉亭余兩人體倦而止許子限韻索詩各
成一律

山行隨處挹秋光曳杖歸來已夕陽四座論心邀月

影幾回搔手覺花香偶然而雨過輕沾席依舊雲開漫
舉觴遙想冷泉亭上客翩翩幽興滿林塘

又作二律

尋秋閒策杖迤邐到山家竹覆陰疑雨泉流瀑作花
栽蓮追白社煮石養黃芽頓覺塵紛遠臨池漫品茶

到此應忘世何須復戀家人閒山愈靜秋晚草多花
老桂偏宜子寒梅亦漸芽主僧能愛客炊飯更烹茶

癸亥中秋海昌許子悔齋靜攝韜光余與諸友

過訪

秦雲爽

韜光信幽邃巖壑鬱崢嶸荏苒久不至年華竟屢更
今秋值良友先我已誕登同人競鼓舞緬想追嚶鳴
窈窕皆竹色潺湲惟水聲已足移人意蕭然遠俗情
扶筇陟絕巘遐舉身為輕江湖何浩渺日月互虛明
天籟有時寂塔焉欲忘形浮華何足戀塵世何足縈
吾欲從茲逝高歌凌太清

韜光菴紀遊集

吳

同西陵諸君子訪許悔齋

吳正名

良辰生好懷駕言遊空谷山深日有無境僻雲斷續
亂石封古藤寒崖引脩竹路循欄際轉泉落籬根曲
淺池冷鬚眉高閣舒心目隱君偶棲遲同人展私祝
是月二日為悔齋先生六十誕辰畏人稱餽餽閒園
是月二日為悔齋先生六十誕辰畏人稱餽餽閒園
栗脯脩雜野菽殷勤各提攜纖微見真樸山僧亦清
曠相對殊不俗階墀就蟾蜍益缶盛醴醪涼飈拂座
隅輕靄蔽巖麓醉醒渾相忘安問世清濁長嘯向高
空驚起幽禽宿

同友抵韜光訪許悔齋夜飲

沈誕登

驚峯鬱巖巖羣山互攢簇松檜何蒼蒼洞壑少樵牧
緣流任游衍瞻眺娛心目香剎半參天虛亭傍林麓
一徑上雲梯攀陟尋高築池邊小石龍口吻瀉泉瀑
有客避煩囂孤跡憩幽谷靜坐聽江濤蚤起觀晴旭
倦矣擁卷眠興興臨棋局吾儕五六人攜酒就君宿
清談屢勸酬懽笑情偏篤涼風吹我衣桂枝氣方馥
華月出雲端奚必燃銀燭良會期百年醉此杯中綠
家君素耽岑寂茲當六十初度極欲尋訪三茅
問先淮南遺蹟因病中阻頗思飛來靈鷲諸峯
秋光如洗爰假韜光精舍靜坐而月植兄弟不

韜光菴紀遊集

吳

得走侍晨夕述事六首

海昌許植

歲律旋更甲子春曾無菽水奉嚴親但看叢桂年年
在香滿柴門花又新
三茅有願到於今只為淮南遺愛深咫尺洞天渾不
易勸親遲日好追尋
句曲三峯暫駐行且從鷲嶺一陶情角巾聯步飛來
路喜其平時舊友生全業師陳揚非先生入山
韜光精舍插高雲石磴攀躋慮太勤幸遇香厨不禁
酒夜來細酌自含醺
山止交情物外敦為予埽閣代晨昏遙知靜對無他

事忠憲詩篇細細論高忠憲曾寓此有靜坐說古詩二章

秋宵忽聚少微星古木寒泉月滿亭為謝羣公多載

酒高歌此夕問誰醒河渚諸隱君約中秋載酒入山

讀鶴林同東航子題韜光詩次之

中州 崔干城

揮塵雄談響振雷蓮峯八面偈人開松風窗下鳴高

調記得前年有鶴來東航子善七絃鶴林於丙午二促石樓

石龍濺雨不成雷流出靈峯一鑑開贏得西湖照鬢

髮憑教歌舞應山來

壬戌六月二日同劉天木遊韜光三首

韜光菴紀遊集

吳

丁 灝

雨餘溪浩蕩絕巖怯微行莫辨山深路惟尋鐘磬聲

江遠峯頭見雲閒木末平為嫌遊展到山亦欲逃名

萬巖蒼翠擁此境豈人間忽有山童報松梢白鶴還

遊韜光步丁尉菴韻三首

劉振鐸

初地金蓮湧新晴挈伴行山光看不盡隱隱聽泉聲

江湖日在眼曲磴與雲平一徑鳥啼處溪花不辨名

何必桃源住幽奇只此閒笑看人事擾松靜鶴飛還

癸亥秋八月海昌許悔齋隱君六表避跡韜光

錢唐施贊伯徐堅石秦開地沈岸先貴池吳子

政偕余躋訪杖履所至興味翛然山僧赤玉山

止亦復古道照顏風雅絕俗誠一時良會也施

徐兩君各和白香山原韻二律余媿不能詩亦

日聊藉秋茶代彼春酒云爾芙山 宋 瑾

韜光爭似昔刺史又誰家轉盼階移月相看鬢已花

禹籛仍錯節堯韭復勾芽底事千秋話低徊謾品茶

鬚眉疑九老杖履暫浮家靈隱山含玉韜光月吐花

姓名知草木道器有根芽得句聯深夜還烹活火茶

登鷲嶺觀曉日志感

鍾山紫氣散黃昏靖難兵入金川門建文遜荒暮宿神樂觀長夜漫漫此

韜光菴紀遊集

辛

覆盆瞥見瞳矓呈五彩卻疑銜火照天門遜國遺踪視天夢夢

中秋坐月微雨重開同人復策杖冷泉亭移飲

石梁賦懷

雨洗清光下碧天白雲穿處倍娟然龍鱗萬點留遺

恨爭似重輪泛影圓建文有咏新月詩

登韜光作

程 謨

還岫高雲外登臨萬古情名山多唱和古刹少逢迎

坐石聽泉細微風引竹輕頓忘歸騎切搔首漫移枰

夜集飛雨亭

沈 賦

人望千山靜烟橫洞壑封泉聲流夜月風籟雜疎鐘

酒共亭中席雲浮江外峯友生情倍切沈湎話偏濃

癸亥秋仲題韜光菴

閩中 王國璽

靈山幽討北峯偏舊隱韜光已有年夾澗脩篁迷鳥道雙流一鉢貯龍天仙人寄跡曾留洞佛子流香尙有蓮坐久秋聲歸石壑頻添落籜煮清泉

韜光卽事

胡修禕

爲有登臨興何辭蠟屐遊清歌山嶂曉狂嘯海門秋蘿薛交加處烟霞最上頭泉聲清入耳不忍下重樓

己未新秋過韜光

昭陽 李 泓

疊嶂藏危磴天然開士家境幽疑出世香過不知花

韜光菴紀遊集

五

古碣傳唐句金蓮發舊芽移情看墨妙石火供新茶

遊韜光作

蘭陵 吳成紱

數椽精舍翠微巔闢自香山守郡年徑折幾層藏在寺竿橫百道遠迎泉千峯夾峙奇非一一澗中流曲有千啼碧鳥棲全不見落紅樹覆久仍鮮聽疑濤怒長松響望擬雲興怪石聯貪步卻忘身疾上回頭忽訝趾空懸磴紆莫定東西境竹盡方知晴雨天犬吠足音偕出肅檻稀塵跡僕偷眠滄江樓外遙翻浪小沼窗前靜吐蓮吟罷藤花明月句高風如對主賓賢

庚申初夏遊韜光菴

闕里 顏光敏

青山靜夕氣遊子若乘空仰觀飛瀑流疑與銀河通曲磴緣秋豪高檻排琳宮久厭竹林密豁然出樊籠江流外蕩涵湖光內沖融吳山成島嶼天矯浮當中鳥雀相呼歸幽棲誰與同長歌睨故鄉日落烟濛濛

遊韜光

靜海 高緝睿

數里披雲入松蘿接翠微到門青不了傍舍水還飛野曠江湖小山高鶴鶴稀暝烟沈萬壑坐久澹忘歸更上維摩室千尋鳥道盤捫蘿登石磴藉草坐危欄雲護衣裳溼身臨星斗寒吳山與越水厯厯眼前看

辛丑夏日遊韜光菴

遼陽 佟世思

韜光菴紀遊集

五

曲磴千尋樹杪分筍輿行處逐朝昕蒼茫海氣初陽上縹緲鐘聲下界聞石榻靜當谿繞座葛衣涼覺寺生雲十年不洒干戈淚可許深山放鹿羣平生傳說此韜光此杖於今到上方過眼滄桑遺舊寺萬家烟樹見錢塘山中洞冷不生草竹裏樓空亂夕陽厯厯晨鐘與暮鼓竟無好夢付黃梁

景 融

智 珠

結伴閒尋勝，韜光境獨深。天風幽入座，江海細穿林。
坐久忘塵市，談高見道心。不期樵牧者，留得此清陰。

韜光自丙子發洪，閱四十五載。迄今庚辰水復

衝決，九秋同家平原姪重遊溪流，雖微泉源如

故山止。上人出古今題咏冊，索筆聊述數言以

誌其事云

禾城 李登瀛

探幽上韜光，去天疑近咫。路盤石磴危，引泉穿竹裏。
丹閣俯羣峯，蒼茫遙可指。吳越望中收，江流一線耳。
閣傍古龍湫，滴水清且泚。懸流絕壑間，淙淙響宮徵。
今來沙石壅，澗涸因洪水。我為叩山靈，此水緣何起。

韜光菴紀遊集

五

山靈告我言，欲洗凡俗恥。自從闢幽徑，塵跡常到此。
厭彼煩囂久，蕩滌返其始。屈指昔汎濫，四十五年矣。
運會適循環，洪流復爾爾。存我精虛真，濯彼塵俗滓。
玉澗更澄泓，龍首還翹頰。謂我所聞謬，盍往問山止。

重遊韜光用家叔韻

李元堯

昔日記曾遊，夢寐嘗相企。荏苒忽秋暮，重過訪山止。
會當洪汎後，怪石多崩圯。澗涸壅沙白，攜筇轉遙指。
松篁夾古道，飛閣危然峙。一望江山盡，置身圖畫裏。
坐我泉上亭，一泓堪洗耳。下方支水流，發源從此始。
對此俗慮捐，烹茶譚妙理。拂石當几案，更出縹緲視。

古今往來人，題詠俱留此。如入琳琅圃，披閱不能已。
我更有所重，端在人品爾。昔賢垂翰墨，觀之肅然起。
良久意忘歸，揮毫紀所以。再訂後遊期，不忘佳山水。

九日偕王友陶宿韜光山房

汪光被

尋菊來山寺，蕭條醉濁醪。百年逢令節，此日獨登高。

雨洗一林月，風生萬壑濤。尊前欹皂帽，短髮不勝搔。

庚申春杪遊韜光

吳門姚 夔

西湖何溶溶，山水多佳氣。凭欄思渺然，簫鼓盈耳沸。
回首望長空，長空迷雲樹。中有數峯青，青青如螺髻。
對此神飛揚，攜筇陟幽處。鷲嶺鬱岩岩，飛峯插奇異。

韜光菴紀遊集

五

登臨興未窮，更探韜光地。絕徑何逶迤，偃仄山逾遠。
數里入雲峯，雲峯轉蒼翠。春泉曲折流，松風謾謾至。
琅玕百尺長，扶疎拂天際。中有靜者居，相見情相契。
坐我澗水傍，餉我笋蕨味。示我古人詩，問我今人句。
披閱開心顏，賦我平生趣。愧無黃絹辭，答此主人意。
徘徊興轉親，日落千山晦。歸路何蒼茫，烟雲襲衣袂。
長嘯海天遙，清風來薜荔。

甲寅冬月登韜光菴二首

黃 機

避世不厭深，幽棲遠塵築。高巒看雲低，新雨如山沐。
竹色掩茅簷，泉聲繞崖屋。曳履獨扣門，傳音在空谷。

籃輿訪惠遠蓮社不聞鐘落照分林影霜威勁壑風
魚閑喜近客葉老尙留紅策杖開雲路禪心與境通

遊韜光

華州羅賢

蘭若靈峯外烟霞自古今白雲迷遠岫初日照寒林
鴿白香臺下巖棲佛閣深偶來尋勝跡不覺引禪心

汪東山

韜光真上乘構宇驚峯巔鳥道森篁裏龍池古桂邊
石根晴似雨湖影曉如烟莫謂香山樂從師結後緣

汪夢張

不登靈鷲頂何處覓仙家高嶺雲鋪嶂枯枝雪作花

韜光菴紀遊集

姜

翠寒搖薜影香冷透蘭芽得句情超越村沽少勝茶

春暮同友過韜光漫成

沈三宋

尋山興未已冒雨到韜光曲徑穿脩竹流泉冷石房

高僧無世法野客但疎狂不是耽幽僻雲深歸路忘

連宵靈隱宿又上白雲巔絕澗過危石當窗落冷泉

春深山更靜坐久客皆仙勝地應難到相期一月還

辛亥夏五過韜光題壁

崇溪吳培目

去年曾到此今復叩山扉風過涼生樹雲深綠近衣
口口隨路折孤鳥傍天飛不盡登臨興悠然對落暉

吳佳賓

欲覓韜光路岩堯逕轉深暮雲浮嶺外疎雨冷江心

落木驚棲鳥寒泉漱石琴此中通帝座長嘯對松陰

己未深秋同遊韜光口占題壁 無名氏

夙暮靈峯最上臺攜僧拉友共徘徊真人何處堪追
仰一片寒潮逐望來

同遊韜光分韻 菰城李璞

穿雲攀石磴臺殿近諸天坐嘯來清磬談玄落暗泉
深篁浮夕照鳥嶼接長烟不覺身無著翛然空世緣

吳興陳時化

半嶺秋風古桂空梵宮烟靄洞天窮山環練影寒潮

韜光菴紀遊集

姜

外磬咽泉聲亂竹中下界長松雲共滅北高孤塔逕

微通到來欲訪韜光地其奈塵緣促去節

廣平程原

天風拂拂桂香飄夾道松筠路轉遙入座泉聲清俗

耳襲衣空翠滌塵囂霏霏遠岫浮晴靄渺渺澄江落

暮朝爲問純陽回道者可能容我挂詩瓢

吳郡朱文

萬峯空翠落霞明絕澗嵐烟樹色晴夕殿蛩音淒竹
徑暮江鴻影帶秋城好參玄語求仙藥纔出紅塵斷
俗情便擬挂瓢留洞壑莫教漏盡與鐘鳴

烏程 莊士元

山迴百折窅冥中
挈伴躋攀到梵宮
觸處烟嵐秋著色
隔林鐘磬夜談空
亭臺半出諸天上
島嶼遙連碧海東
吟罷頓生遺世意
飄然我欲御長風

普陀 釋如宏

烟濤渺渺總空緣
遠挾江雲當羽翰
夢去旃林方夕定
香飄金粟正秋殘
歸鴉自宿江城晚
杖錫仍看海月寒
蓮漏不聞松子落
篝燈聊此坐蒲團

宿韜光遇雨

雪浪 釋洪恩

韜光菴紀遊集

五

竹裏鳴泉繞澗傍
梯雲樓榭入韜光
峯迴鷺嶺三天竺
湖抱孤山十錦塘
林挂綺紈難作佩
河流衣帶不堪裳
蕭蕭夜半西風雨
盡把祇園地布黃

戊辰十月遊韜光

白田 喬 萊

更訪韜光寺
穿雲細路幽
竹深低鳳尾
泉響落龍湫
山色當窗入湖光
檻收蒼茫望江海
到此足忘憂

丁卯夏同鮑子咄齋遊飛來登韜光作

黃山 程 義

飛來果奇特
一徑又凌霄
星斗簷前落
原郊水上飄
海晴觀日窟
山雨吐虹橋
老衲真忘世
同君欲結茅

遊韜光

曲阿 吳期遠

凌虛高閣似瑤臺
海氣蒼茫映日開
雙眼一空心地冷
此番若為洗心來
暢觀詩畫高僧冊
又見金蓮池上開
清福不教君獨享
明朝無事我重來

開原 劉德新

行攀磴道問韜光
落落孤峯衲子藏
海色湖光一白盡
松聲竹籟四時長
雲堂只有雲為障
石室還憑石作牀
不識蒲團兀坐者
潮音曾否聽錢塘

謝起蛟

韜光菴紀遊集

五

池靜魚兼影
苔深蘭茁芽
山僧閒話久
相試雨前茶
客有登樓者
探奇此地偏
尋幽不覺遠
入洞別疑天
濤響松留雨
琴鳴竹過泉
仙踪如可接
遲月倚窗前

遊韜光口占

金沙 史 岱

一日何須懷百憂
投閒且向白雲游
幽篁古木深山裏
時有鐘聲到客樓

赤鯉金蓮拂檻泉
天晴亦雨溜涓涓
詩牌慙謝香山老
覓句愁辜玉版箋

步白少傅韻

挂策捫蘿上行尋
開土家林深風不煖
泉涌水生華

餐飯嘗湯餅山蔬愛筍芽開翻白雪唱重點志崇茶

遊韜光

釋淨挺

飛來宛轉靈鷲山中有神僧常往還呼猿洞口峰峽
帆冷泉亭畔水潺湲我來登山恣憑弔相對嵇生共
長嘯山光無故闌神奇山色自然含至妙扶筇直上
山之巔雷峰一塔在其前葛洪投杖化白鹿呂巖煮
鼎成飛仙左右崗巒千萬變江湖遙望渾一片徘徊
不見舊人民依稀猶是古宮殿極目扶桑東復東若
華搖曳日輪紅三千國內天池水十二樓中閬苑風
森森濛濛徧虛白盡是蛟龍之窟宅足底浮沈半斷

韜光菴紀遊集

堯

雲眼前顧盼皆怪石須臾天際散天花冉冉騰空見
落霞樵子但迷仙子路遊人不共道人家深山山徑
殊杳渺俯仰之間天地小丹楓數點逐冥鴻黃葉一
林戰歸鳥況是霜寒當晚秋蜚蜚野鶴凌浮邱沙汀
零亂涉江渚斗牛迢遞踏滄洲登高不怖豺虎立向
夜只聞山鬼泣嘯嗟散髮欲何之願與山靈同出入

釋法韶

多年寄跡此林泉獨坐千巖幾廢眠探葺綠堪供午
鉢補衣香欲綻秋蓮谿聲帶月歸滄海樹影含星動
碧天卻憶家風初不遠况逢知己話樓前

題金蓮池

釋彌高

韜公飛錫在山巔白傅題詩歷有年過客支筇履怪
石居僧伐竹引流泉鐘聲出處還相接山影橫空斷
復聯虎嘯疎林驚鹿走猿啼枯木抱鷹眠晴烟暗長
堦前草疎雨輕開沼內蓮漫說禪心無去住檢書常
在碧漪前

韜光菴紀遊集

李

韜光菴紀遊集續刻

過韜光題贈山止師

孫岳頌

入寺纔通徑穿林卻過橋泉聲環石磴竹色擁山椒
塵土腸堪洗烟雲坐可招憑高還極目豁爾面江湖
來訪支公隱應慚是許詢茶烹龍口水酒撥甕頭春
投贈餘篇翰清談見性真精廬今始到世外結松筠

菴山孫勳

月靜溪聲徹樓深客夢還只疑此峯下風雨滿人間
獨鳥啼高樹叢篁響一山江湖起中夜愁思未能閒

廖廣謨

韜光菴紀遊集

空

烟蘿一徑入僧寮誰冒寒風共寂寥柏子滿庭鋪柳
葉月明人影在空條

余扈從至浙復遊韜光訪山止禪兄

王原祁

金蓮池畔淨無塵修竹依然照眼新精進頭陀何處
去色空應與碧天隣院主尺公已辭世矣

沿溪竹石路嶙峋為訪支公扶杖行挑笋烹茶忘永

晝山窗話盡兩年情

丁亥四月扈

蹕登韜光

山陽張

睿

只疑天上路不復辨僧家石洞遺仙竈蓮池噴雪花

息禪臨月窟入定長雲芽客至無烟火泉烹穀雨茶
仄徑千盤上清泉落澗聲人天分世界江海看潮生
日出高峯下雲填萬壑平塵緣日無盡到此得忘情

訪山止師

老去神能健禪家卻愛詩雲烟供嘯傲江海潤心脾
留客青精飯庖蔬玉笋絲山中有至味世俗少人知

遊韜光

三韓法海

龍宮松竹自青青湖外何人辨醉醒卻笑偷閒修學
士一旬三週冷泉亭

江海連天萬里遙韜光一寺跨龍腰好山不鎖東南

韜光菴紀遊集

空

境留與山僧看日潮

珠湖賈國維

羣峯高並此峯無倚檻平看小越都靈為隱多羅宇

宙光從韜處見江湖松簧竹籟心偏寂海日天風興

不孤坐久頓醒塵土夢一聲清磬裊雲厨

千山佟國瑞

步入雲林曲徑斜翠微深處隱仙家山僧供客無他

物一鉢龍孫一盞茶

登韜光賦贈山止師

申江胡如炳

誰將草木蒙茸處洗出雲山半面來豈有塵埃侵碧

嶂祇容星漢接丹臺詩名獨讓香山老匠手羣推惠
遠才今日逢師對秋水可能沾灑及凡材

甲申九月廿七日宿韜光作查甫查嗣瑛

夜氣初澄萬里秋尺吳寸越兩悠悠忽驚紅日當窗
起天外金光海一漚

茗溪江發

幽溪穿茂密雲際得山家細浪松閒翠流珠水面花
遠天雙眼豁暖氣幾叢芽發頓頻移坐僧供兩後茶

暮登韜光口占襄平佟賦偉

攜得茅柴供酒盃扶筇閒逐夕陽來行行且憩溪邊

韜光菴紀遊集 奎

竹其醉秋風待月回

甲申七月十五夜同友人登韜光望月

翠竹蒼松步步看斷崖絕磴路紆蟠雲銜日墮邱林

黑山缺月明烟水寒泉石何年茅屋小琴書終老褐

衣寬一瓶一鉢齏鹽了好學僧家風味酸

欲待銀盤上翠巒不辭到手酒盃寬十分開鏡金纜

定幾度穿雲輪未安湖水色隣江水白吳山光和越

山寒醉歸小坐溪橋上清影猶留竹萬竿

遊韜光睢陽王紳

衝炎躡屐恣探幽勝地還來最上頭竹韻泉聲巖際

落江光海色坐中收碧天明月誰能下古澗金蓮此
尚留風雅千林殊未遠山僧今日是湯休

遊韜光重晤山止大師海昌許汝霖

卅載韜光別山公欣再逢癯容還峭石冷語尙尖鋒
月映千林白虹垂萬丈紅時有紅忽思當日伴淚灑

兩三松

滿保

竹風苔磴冷淒淒溼翠全教六月迷不是龍湫千斛
水飛流那到冷泉西

戶外雙峯散午晴江湖分繞越王城何當留宿山僧

韜光菴紀遊集 奎

榻破曉還看海日生

己卯重過韜光用蒙堂甲戌年壁間韻

長沙陳鵬年

竹裏窮源欲到天短筇力疾舊無前坐收江海青難

了靜歷林泉境已玄大藥豈知殮玉法浮生空憶枕

雲眠丹壚石榻年年在流水桃花意惘然

韜光卽事和張退菴原韻

竹帶泉聲入天連海色微半晴雲不定偶坐客忘歸
丈室團空翠鈎簾見夕暉堦前靈鷲影歲久欲驚飛

戊寅遊韜光廣陵王式丹

叢篁高蔽日曲笕細通泉最喜稀人跡真成到洞天
佛燈明鮮壁僧磬冷炊烟歎息香山去無人愛種蓮
癸巳孟夏遊韜光菴登閣望江表山色還至靈

隱坐飛來峯下作書呈山公開士

層巖峯崑俯清流騁目登臨占上頭近郭烟橫不斷
樹隔江山入最高樓窗搖竹色精廬迴門聽潮聲古
剎幽坐翫奇峯不歸去欲移家具住杭州

丁亥冬初高且圓觀察招登韜光紀遊二律

岑樓程鑿

曲徑蒼筠總畫圖攀躋突兀倩人扶果然霜葉紅如

韜光菴紀遊集

奎

滴還覺晴雲淡若無橫列一城當戶牖中分二水夾
江湖浮生到此仙緣近欲向丹臺乞一壺

陣陣松篁響四山山僧鎮日敞禪關從他紅葉爭深
淺一任清風自往還江走銀濤疑是幻石當仙境總
非頑筍輿絕頂盤旋落人在飄飄翠影間

子於丙寅仲冬從師顧在瞻夫子南渡姚江問

道南雷黃太冲先生之門舟過武林俞篋嘉觀
察昆仲邀登韜光讀白倚唱酬詩愛翫池上金
蓮不忍去倏忽廿五載借彙征信斯二弟續至
舊遊而顧夫子已作古人問俞觀察後人已不

復有知者惟見清流翠竹俯仰如昔感慨久之
山止上人留宿竟夕情話繾綣晨起望扛益增
於邑漫成三律並書請正不自知其有愧前人

也時庚寅夏五

楚州楊開沅

鷲嶺幽尋最上層盤紆石磴耐峻嶒浮空翠竹迷苔
蘚夾道飛泉迸玉冰湖海忽從雲外現樓臺疑向畫
中凭山僧握手不相識二紀重來似未曾

留宿枕上偶占

一宿山齋魂夢清晨鐘起處酒初醒石邊鼓吹蛙鳴
競砌畔笙簧蚓曲賡況有清泉聞地籟更無塵市雜

韜光菴紀遊集

奎

喧聲勞生到此都成幻詎止知非釋宦情

贈山止上人

清骨稜稜欲逼人從容日夕轉相親白雲蒼狗長過
眼秋水兼葭迥出塵饌飽伊蒲忘世味詩參上駟契
天真招攜更躡高峯頂指點滄桑歷幾巡

庚寅夏五宿韜光禪院題贈 淮山楊開泰

登山倚杖看飛泉心醉禪房半榻眠問法止宜參玉
版拈花應得採金蓮銀濤千里翻江雪紅日一輪起
海天眼底烟雲多變幻老僧識透北峯前
兩峯突兀起樓前一道飛泉界碧天翠竹排巖含宿

雨丹山夾路籠朝烟聞鐘我已驚深省愛酒君能解
醉禪玉笋紅薑皆至味結茅肯許學登仙

雨宿韜光

白田 喬崇烈

昔遊辭華碣今始坐莓苔峯勢危樓接鐘聲下界來
江湖容勺水雞犬定仙才信我山緣重當頭雨不開
竹低才掃戶峯冷忽輸雲暝色窗宜受泉聲雨不分
百年饒此夕五字惜無文白首窺先澤橫斜涕欲紛

時展先侍
讀公題句

竹裏穿危磴雲邊見瘦僧鶴飛何處馭龍躍幾時藤
一宿留家笋三生合舊燈異時徵故事身到白雲層

韜光菴紀遊集

空

晨興看雨霽萬物各修容浴日如相導炊烟忽小封
兩峯潛傍腋二水遠低胸杖策閒能到無煩遣赤龍
丙申登韜光山止禪師出冊索題因賦二絕

醉里

顧嗣立

來往韜光三十年江湖海日故依然僧樓展卷皆相
識半在青冥半下泉
一點高峯落碧漣上方懸溜下方連他年願結東林
社莫種金蓮種白蓮

丙申三月朔雪中登韜光山止禪師索題

晉陵 莊 楷

春深三月猶飛雪百丈層巒樹影遮自是山僧愛孤
靜故將寒玉壓桃花

江湖浩淼如杯水城市微茫在掌中稽首問師師不
語半天清籟起松風

閒雲一片護袈裟池畔金蓮又茁芽胸次俗塵消幾
許竹爐松子自煎茶

老夫已覺躋攀倦童子回頭喚不磨看爾穿雲最高
頂萬重寒翠一枝藤

藤花葛粉香山句引水栽松老衲詩不恨古人吾不
見曉鶯聲斷綠楊枝

韜光菴紀遊集

空

辛巳重九前一日偕友遊

沈元滄

翠竹丹崖仄徑通昔年曾宿此山中寒泉聲裏三更
月晚桂香邊一笛風不待逢仙悲往夢久思投社作
禪翁吟牋茗椀消閒日未識高人許我同

己丑暮春

三韓 吳 菁

坐久風篁下愴然不憶家江雲連野色佛土綴名花
時山房壯 窗靜留禽哢途紆避笋芽更憐遊賞後酒
丹盛開 渴試新茶

是歲秋日復過山房

幾能了俗向林泉欹脚風軒博晝眠庭有清芬開晚

桂池無絕品綻秋蓮映窗竹好當斜照別岫雲收見
遠天未肯便歸巖下屐待看海月上檐前

春日過韜光作

微山張蘭

長日溪山登覽好宜人新綠正娟妍幽禽隔竹如呼
客級石盤雲欲到天但愛軒窗來遠翠不知開鑿是
何年冷然岩半松風起疑似飛回鶴背仙

己丑夏遊韜光呈山止師

楚陽李炳石

不辭行確犖路轉到精廬倚檻聽流水開池學養魚
雲收散寥廓竹樹冷空虛頓覺塵心淨名山特起予
遠公飛錫處四面嶺爲屏居士名原貴山僧性未靈

韜光菴紀遊集

完

江湖分影白樓閣插天青戀此那能去北高峰日暝

鄭雲龍

碧溪新漲水潺湲繞磴烟蘿任意攀一徑修篁忘日
午數聲啼鳥覺心閒何須絕頂憑滄海但得疎林見
遠山路轉峯迴無覓處悠然清磬出重關

己亥孟冬望日遊韜光

夏陽張廷樞

竹翠交加欲蔽天細流百折下甘泉扶筇更上高樓
望江海湖山盡在前

同張景峯大司寇遊韜光

長白花色

最喜冬晴是好天山青紅樹瀉寒泉同來絕頂憑高

望錦繡文章滿目前

庚子春日遊韜光

張棠

百尺懸崖有石臺登臨不憚再三來矮松亂竹鋪山
徑惟見清陰滿翠苔

日落山頭月半竿晚鴉飛盡兩峰寒眼中風景渺無
極橫豎高低一例看

庚子九月遊韜光三首

穎川劉凡

捨輿穿寺頰細路盤青冥尋我舊遊處策杖涼風生
修竹綠澗去蔽日變陰晴戲擲白石子擊作寒玉聲
微泉溜遠窺柏葉亂紅英數憩未及門一憩一心清

韜光菴紀遊集

卅

自歎少筋力幸不減勝情漸近仙人祠幽磬雲中鳴
坐俯金蓮泉不見金蓮花春秋異榮悴往事如搏沙
老僧頭更白小松枝已拿還尋磴道士有屋凌青霞
竹樹仰戶檻盡力不能遮浙江渺猶帶西湖亦樽窪
城中紫陽山委地如浮苴借榻候海日寒卽披袈裟
樹梢露初滴下方雞未競披衣推東窗奇觀發高興
紅日湧如輪海霧青不定瑟瑟江外山微茫出幾稜
惟有十里湖脂水潑明鏡堤柳薄髮梳漁舟織肩映
我生多探幽此景別清勝禪非枯木冷飾非粉黛靚
坡公狀晴雨西子妝已竟欲看理曉裝須陟韜光徑

招提祇共一山門下上悠然靜界分隔樹水光遙映
月環窗石氣每生雲磴迴翠竹陰陰合屐過流泉處
處間茗對支公翻卷帙空階黃葉墜紛紛

汪 濤

汪 濤 怡亭

松門路曲更尋山緩步幽篁石磴攀雲繞層崖凌樹
頂泉飛百道啟禪關江湖影漾虛亭外巒岫烟低遠
樹閒暫憩悠然懷白傅茶甌時伴老僧閒

癸卯秋日遊韜光寺作

李 馥

勝絕古韜光塵心到此忘僧厨分曲澗野徑而幽篁

韜光菴紀遊集

圭

放眼江湖小沾衣沆漉香利名都不繫無夢熟黃梁

登韜光口占

蘇 岱

韜光雲裏見竹徑豁雙眸天近山如避風高樹欲秋
橫窗烟靄入傍枕石泉幽況久懷山止遊踪一逗遛

七月十九韜光夜月卽席次韻兼留誌別

銜杯玩月傍經臺獨愛高僧唱和才臨別催詩敲未
得禪關可許客重開

庚子初冬登韜光

汪 櫛

數里深篁不辨門江光湖影望中分寒泉曲引晴飛
雨小閣空涵月帶雲禪契禽魚當檻會音非絲竹隔

林間高僧好古哀成帙展卷霏霏玉屑紛

辛丑三月韜光訪山止上人

陳 恂

尋春閒訪惠禪師六十年來老住持愛向金蓮池上
立韜公詩與白公詩

十五年前到此閒詩僧引我上西山

普南學人柱青人琴一

去無消息獨倚闌干看鳥還

曲徑通巢塢探幽入梵家高低萬个竹行坐一池花

江海明秋汐風雷醞水芽

茶名

香山有居士愛喫趙州

茶

再登韜光

韜光菴紀遊集

圭

捫參厯井上天門左右微茫湖海分日冷青山千畝

竹池封碧藻一龕雲自慚阮籍輸長嘯共聽鳩摩說

異聞久悟無生求正法滿庭花雨落紛紛

庚子秋登韜光

楊 遠

鳥道千盤踞絕巔東南名勝望中偏江湖盡處沙還

白吳越分來地似連戶外風微天影澹溪頭雲淨戶

光圓緣知身世皆浮寄擬謝紅塵一坐禪

仙刹年深鶴頂丹名香靜蕪對蒲團曉光千頃海門

遠暮靄一聲僧磬寒直影當窗松幾樹疎枝蔭砌竹

多竿柴關久閉無人到祇待三更問嬾殘

庚子秋日登韜光

朱世楠

天然精築雜琅玕石礫秋風錦樹闌極目層岩雲萬
盞何須更向武夷看

蘇公看徧浙西山只有韜光未破慳自是幽奇搜不
盡莫辭清夢到鄉關

讀山止上人詩稿賦贈二絕

湯在恪

澹遠如山葉脫時清真似水沁人脾禪窗讀罷渾無
賴舊學蹉跎了不知

愛聽聲聲細石泉天然幽韻覺心圓從今悟得此中
味輸與生公一著先

韜光菴紀遊集

壹

辛卯仲夏遊宿韜光寺作

宋 鎬

廿載西湖汗漫遊韜光咫尺負丹邱今朝攬勝逢支
遁閒說滄桑事未休

偶住由房心骨清金蓮池畔落棋聲浮生但得長來
此一仕心空與月明

仲秋登韜光

徐 珩

歲在辛巳八月二十一日徐楚玉吳岐高王傅霖
及弟瞻菴自桐青來凡六人乘白帝之爽氣踐青

山之舊約緣崖溯溪來登韜光山深景幽桂蕊初
馥迴憶舊游渺焉三載因與同人感聚散之不常

歎歲時之易邁相去不遠來遊甚疎大林之致慨

非虛蘭渚之興懷有以撫弄泉石徘徊不去乃各
賦詩俱踵古韻非敢希韜公之逸響接白傅之流

風亦僅留數字之題用誌一日之勝倘再乘興而
來當各快讀一過

蓬萊殊未遠到此已忘家碧澗騰飛雨青山剝野花
林幽涵竹翠瀑急漱芹芽尚有悠然致狂歌漫煮茶

吳 翹

叢篠藏蘭若依然隱逸家梵音響天籟禪定落巖花
釀酒開春甕園蔬折露芽共談月桂事汲水再烹茶

韜光菴紀遊集

壹

王德沛

尋幽為結伴破曉入仙家路險扶修竹秋深問桂花
名編留好句笠藪帶新芽更有陶然處山僧酒當茶

王德淇

清秋乘爽氣勝賞到僧家連袂尋幽谷持杯待桂花
高岑平竹杪止水澈蓮芽不盡悠游意瀕行更乞茶

王德淮

攀蘿來絕頂狂想欲移家窗外雲連石池中水作花
供香留柏子饌客翦蔬芽塵俗都消卻驅除不待茶

王德潮

爲乘白帝令來過梵王家禪室偏供酒秋山尙有花
樓憑青玉案池長鬱金芽安得長留此清泉日試茶

登韜光次香山韻

吳之助

投閒來此地我意已無家欲問成丹客爲傳煮石花
攀蘿玩紅日入谷采黃芽絕頂餐金液何須玉乳茶
偶得乘秋興來尋野老家穿雲登石磴迸水長金花
白首傷爲客靈根性未芽只須杯裏物不用解醒茶

釋如航

秋來無所事徐步訪山家路窄支藤杖溪深泛浪花
捫蘿尋古蹟撥草採蘭芽未已今朝興旋烹活火茶

韜光菴紀遊集

圭

釋聖藏

相攜臨絕頂四顧少鄰家古院空鶯語殘碑半薜花
禪參白玉版饌佐紫薑芽爲愛巖前桂因烹雀舌茶

釋慧文

蒼茫雲樹裏隱隱有人家曲徑通幽谷懸崖落瀑花
因風尋桂子過雨覓龍芽長笑襟懷爽題詩漫品茶

釋佛因

亂雲迷去路緣石到仙家松暗天疑雨泉噴雪作花
丹爐疑夜氣玄圃長靈芽邂逅如相識山林坐品茶

重九前二日登韜光次韜光禪師韻

釋如航

芒屨竹杖探清泉興卽行行倦卽眠緬想當年鶯轉
處試看今日地栽蓮巖邊虎嘯雲中石池畔龍吟水
底天絕頂我來憑眺望滿懷秋思在林前

釋聖藏

竹陰清寂枕流泉策杖閒行看鹿眠巖峻瀑飛千丈
雪秋深霜倒半池蓮東籬花發黃金甲古院詩留白
樂天暫憩禪林忘物我悟空寧畏虎當前

釋慧文

爲訪韜光一脈泉行行數里看雲眠籬邊玉露催叢
菊池內金風翦敗蓮斷續碑文全積翠參差雁影淡
橫天攀蘿直上高峯頂一望林巒盡目前

韜光菴紀遊集

圭

徐珩

偶乘逸興坐鳴泉百慮潛消倦欲眠有意來尋山上
桂無心恰遇水中蓮蒼茫遠樹分晴靄蕩漾湖光洗
碧天憶昔聯牀風雨夜時時啜茗小窗前

吳翹

解纓亭上濯山泉暫借山僧榻一眠好佛因懷白居
易吟詩還憶李青蓮疎鐘激越遙鳴谷古木陰翳高
蔽天日暮興濃猶盼望歸途緩步驚峯前

吳翹

解纓亭上濯山泉暫借山僧榻一眠好佛因懷白居
易吟詩還憶李青蓮疎鐘激越遙鳴谷古木陰翳高
蔽天日暮興濃猶盼望歸途緩步驚峯前

蔽天日暮興濃猶盼望歸途緩步驚峯前

和葦岸諸土人

吳之助

竹筧穿雲渡野泉山閒石虎至今眠扶筇絕頂觀玄
海憩座方池愛異蓮身已離塵無俗想地當高處卽
壺天禪師白傅遺芳韻幾許游人接武前

王德沛

偷閒半日問林泉喝破黃梁一覺眠龍噴驚看巖際
雪魚行微動水中蓮山深嵐色連修竹氣爽湖光接
遠天蘭若嵩邱知其領拈花微笑話池前

王德淇

來訪靈峯竹裏泉浮雲一洗九秋天懸知禪悅心如

韜光菴紀遊集

老

水今識維摩舌有蓮君近重陽飛錫過我曾大醉枕
流眠何當學得西園集諦聽無生怪石前

己卯初夏陪尙桓吳子登韜光遇雨欲留不果

錄示山止上人

性僻耽邱壑層巒不憚過山深雲色重樹密雨聲多
爽氣來高閣花香度曲阿擬將山畔宿新日照烟蘿
雨意留人住晴光送客歸涼風乍披拂紈扇且停揮
竹葉陰初洗溪流漸肥偶然成勝事欲返倍依依
和王瞻菴居士見示之作兼訂重游

釋彌高

幽谷深藏寺騷人冒雨過鳴禽行聽好飛瀑坐聞多

泉引通茶籠雲歸滿竹阿何時來下榻看月上松蘿
遊覽宜天霽晴開竟欲歸興闌攜杖返詩就把毫揮
雨後溪聲壯雲中山色肥鶯啼留客住衲子更依依

喜山止上人見和次韻答之

王德淇

冒雨經三載乘秋得再過天空青嶂列氣爽白雲多
客坐臨池檻僧歸曲澗阿下山重問訊剝啄破烟蘿
率爾留題後翻然信步歸勝區幽可戀塵事鬱難揮
好句招誠切開緘遯欲肥何須叢桂馥流詠輒依依

登韜光作

翁嵩年

韜光菴紀遊集

老

爲避喧煩到此來江湖翠色隱蓬萊黃花未放重陽
過紅葉催人幾度迴絕巘清泉噴玉雪海門初日映
樓臺遙天極望無窮思擺脫塵埃萬事灰
十年不到此山中信步行遊踏碧空老境尙餘腳力
健高峰應共白雲通詩僧苦勸留新咏媿我衰遲意
未工他日卜鄰投轄住蒲團夜坐佛燈紅

甲辰九月朔旦偕同年查浦韜光寺觀日出錄

山止禪師

盱江魏方泰

石逕陰森萬竹閒招從卽友到禪關乍開戶牖舒雙
眼湖外城烟江外山

巽水清冷小沼中金蓮馥郁石龍功遲來不及花開
候惟見遊魚戲葉東

濃陰何事翳朝陽五夜空勞問僕行莫謂雲師偏妬

客示人密諦是韜光是早雲深幕日頃出雲上已高三丈矣

魏定國

步禱曾經到此間層層邱壑隱雲關為龍信有眠龍

在餘瀝猶流沼上山兩次禱雨至此皆應

不比當時烈日中私心別欲丐神功撥雲幸是西成

後好現紅輪滄海東

登高逸興近重陽星駕追陪藉鴈行駑馬只緣羈櫪

韜光菴紀遊集

堯

下日邊徒自羨依光以官冗未獲從遊惟璟弟偕往

魏希璟

攬勝東南憩此開北高峰下古禪關雲林低送鐘聲

暮滿日烟橫萬疊山

潑墨沈沈曉色中須臾迅掃問誰功山頭漸覺紅輪

現遙識雲歸大海東

門臨潮本看朝陽傳得唐人句幾行今日名流詩滿

篋山僧何處可韜光

丙午仲夏奉別韜光諸師

魏涵暉

我生已結山水緣寓跡武林幾二年扁舟時泛西湖

上屐齒屢拆青峰巔最愛韜光居山脊凌空結搢風

物妍高僧約略凡數輩清淨絕無塵俗牽我來常坐

翠微裏踏石身繞白雲邊汲泉煮茗燒竹笋興來選

韻更談禪海門潮湧朝日出松徑風迴秋葉鮮但逢

佳景早見招不厭百遍相周旋竭來問我欲歸去上

方款接敞離筵慙慙更開桑落酒酒罷淚滴長襟沾

人生聚散亦何常飛鴻點雪真堪憐願惟盱水與吳

山千里關城指顧閒等閒忽憶戴安道芒鞋布襪還

輕便運社相逢同一笑入山不費買山錢朝朝並上

登雲閣不是無懷卽葛天

韜光菴紀遊集

全

遊韜光菴

絕壁蓮峰迥攀援竹萬竿江湖分一嶺欄檻轉雙丸

舉步春雲斷澄心止水寒不知霄漢近但覺下方寬

由雲林登韜光

高東軒

纔聽雲林古寺鐘喜探幽徑步從容潭深千尺泉應

冷登翠飛來何處峰

入雲深處竹林幽誰識天光在上頭更上一層初極

目湖山江海望中收

遊宿韜光

吳煥

十年不見韜光面今日相看景又新仙梵長留清淨

士高僧猶識舊名人嫩篁換籜碧如玉古桂斜根貌
帶春何事微官猶戀戀渡江踰嶺別湖蕙

前身我本逃禪客五十餘年又學禪耳聽暮鐘揚佛
號夜看明月照蒲團貧遊十載境如幻夢醒三更別
有緣痛築劬勞一抔土靈山依傍願年年

魏允迪

人生駒隙何迅速塵機日日相追逐我居城市愛湖
山湖外層巒如卷軸山勢極盤迴山行極平陸路入
雲林間幾轉更隈隩有招提在空倪疎鐘杳杳來天
際非復花蹊與柳蹊山僧愛客止客宿斗室茅簷無

韜光菴紀遊集

全

跼促雲外兮清蒼石罅兮幽咽午正長兮樹搖風夜
將闌兮江浸月一局棋一爐烟拋書倦倚竹根眠美
哉此樂可忘年胡弗與山僧共逃禪冷泉不冷熱衷
腸詞壇復擬獻長楊關山一曲贈行人行人惜別猶
傍徨嗟哉踪跡亦何常朝南暮北任翱翔緘將數語
寄山中此後相思還相望莫道三千驛路長夢魂縹

緗白雲鄉

遊韜光菴和白香山韻

江左 魏慶徵

空林攀石磴塵外有山家玉版來參竹金蓮憶放花
袖歸雲引族跌坐草藏芽若許陶潛飲相過更品茶

又用蘇長公遊靈隱高峰塔韻

巢塢逸何所理屐晨趨裝願續白傅遊肅肅天風涼
尋從靈隱屏竹磻寒葩香飄然陟層梯似入無人鄉
遐覽盡奇曠漸江如綫長鳥託雲際窠禪棲自常羊
幽奧列壑開仙馭時迴翔西湖湛一曲海粟空微茫
引泉到山厨煮石充齋糧池中金蓮花十丈垂丹牀
子結若淨餅妙化思徬徨老僧同吟癖相對澄冰霜

庚午秋九遊韜光菴

海昌 陳善

韜光菴紀遊集

全

探奇登峻巘信步頓忘家月色侵飛閣溪聲瀉落花
湖山含碧翠草木絕萌芽秉燭開佳什清芬可侑茶

宿巢塢

臨巖鑿石引清泉山徑人疎白鹿眠或下或高溪畔
竹時開時落水中蓮窗迎旭日干林曉樓對晴江尺
五天驚嶺亦知幽隱地飛來鼎立兩峰前

宿韜光菴

廣陵 張瑜琪

登臨忘日暮息足憩僧家隱現穿林月扶疎秋九花
朝雲江湧雪旭日海生芽幸遇高陽輩酣呼不用茶

辛未春日遊韜光

程陳錫

曲磴少人跡雲窩步步深疎篁隨處植飛瀑自然吟
日靜心千古風虛禪一林從茲塵網釋長向箇中尋
危巖堪曳杖挾伴訪僧家深沼涵金鯉空庭覆碧花
藤蘿未引蔓笋蕨已抽芽我亦營營者於焉一試茶

陳潔

虛室迴人閒蒼茫竹樹環山僧常寂歷野鳥只緝蠻
石罅飛泉冷松梢落照閒翛然聊憩足我意已忘還
辛未春暮遊韜光
程元京

韜光菴紀遊集

全

乙亥春過韜光菴

由拳邵式誥

曲房臨絕巘萬象隔雙林留客分茶供談詩雜傷心
風和香篆直雲起佛堂陰珍重參寥句塵懷未許尋

駕水

范長發

石磴雲迷路山深別有家細泉通竹徑老樹蔓藤花
天上金精飯人間玉笋芽敲碁忘漏永帶月煮新茶

榆陽

趙之均

一逕支筇入白雲深處生山高塵跡少坐久俗情清
叢竹天難見懸崖瀑自鳴更登極閣望江海接湖平

趙之坊

本末懸高寺松筠繞逕多名山何處是勝地偶經過
海岱窮難極江湖靜不波冷然發長嘯身世在烟蘿

韜光同張大孫鳳閣大全美

孫益鵬

半睡纔拾級出沒見僧家已踏數林竹還遮幾樹花
雞栖高殿脊猿食古藤芽一縷厨烟起應烹待客茶

張孫鳳

崎嶇纔歷盡此地可爲家不住聽流水還宜數落花
香飄蝴蝶粉烟鎖牡丹芽坐久衣沾溼癩重來勸茶

關全美

白雲留我住幽賞不歸家促織啼碑縫遊絲惹木花

韜光庵紀遊集

全

藤蹊牽舊葢椒葢護新芽聊以永今夕還聽鐺沸茶

九日韜光示山公

顧峒

鷲嶺登高去峯高木葉稀亂雲出遠岫飛雨到禪扉
松定泉聲落山清月色微幽人如有意竟夕豈言歸

偕山止上人登山看初旭

錢塘張龍

曾與山公從目看密雲擁出一金丸赤光懸蕩乾坤
大寶色雄吞海宇寒踏破霜華歸峭壁撥開霧氣面

晴巒夜來還說風聲起直與奔波激遠灘

登韜光

甬上李世法

谿逕層層轉幾灣居然身入翠微間峯高月桂迎人

靜水活金蓮噴石頑望裏景都歸小屋箇中心已脫
塵寰白雲亦慮同留住只進山來不出山

庚午秋余偶羈雲林半載日日策筇兩山之間

登韜光作

王曰棟 柱公

未識蓬萊勝先經此地遊江光與海色盡在望中收
春曉遊韜光寺同遊者桂公商巖

湘南 彭廷梅

韜光不見山紆迴石磴裏韜光不見水潺湲聲在耳
山以光而韜水以澹而旨江湖爭一門海日上階兒
坐息塵襟靜閒閑得遊理

韜光庵紀遊集

金

附刻韜光紀遊詩冊

予丙辰長夏同友人倪餘曷遊韜光所作每欲
寫一通留之僧閣用答山靈泉石之貺輒以嬾
廢今年仲夏吾友戴鷗亭金閩石兩君發興入
山三宿而返斯地爲聞石課誦舊館故所得詩
八章皆流連恣適有一唱三歎之音鷗亭倚而
和之如回琴點瑟清絃高張自非塵土之胸箏
瑟之耳所可傾企而聽也兩君旣各書一冊留
爲山中故事復要予寫斯作於首予雖不克全
兩君人山今乃附名其間則山中潭光鳥影竹

韜光菴紀遊集

金

色泉聲猶把臂共之也因并記此以志吾喜乾
隆八年六月初十日 丁 敬 敬身

滿塢蒼寒曲復深僧龕占老白雲岑一溪漱雪盤盤
下萬竹間泉步步陰小有江湖分靜眺頻來鐘梵結
空音金蓮凋瘦清池在洗淨人間熱惱心

登韜光雨後宿南樓分得遊字呈道傳上人

戴廷熺 鷗亭

雨歇生涼月山山夜氣浮風泉醒客夢燈火話僧樓
靜會眾香集高居百慮休塵襟滌清迥臨老得斯遊
憶辛丑秋夜同人登
此迄今廿餘年矣

登滌煩閣分韻得塢字

攬勝更高層拾級不數武濶鳴琴筑音竹動嫵娟舞
徑轉開林光東面殿佛宇層巘遠夾馳雙囉互吞吐
身迴心目周山缺江湖補白橫空際嵐翠滴夜來雨
好風吹生衣歸雲宿深塢俯瞰城市塵擾擾沸甌釜
悲茲淨交蘆赤日忘亭午山僧鶴骨癯持律諸行苦
頓漸同一歸妙諦契初祖語答蟲鳥清跡偕麋鹿伍
涼足生定心境寂乃樂土韜師不受招此意作千古
待月滌煩閣步開石原韻

披襟浩浩凌高風得月不與下界同乍暝遞見塵市

韜光菴紀遊集

全

黑將昇亦作扶桑紅輪虧照人色自好雲掩入夜光
能通與君久坐寺鐘動星河錯落橫長空

自雲林晚歸韜光得中字

齋鼓聲初罷循塗翠靄中晚涼栖磴草緩步引谿風
看竹輕煙羃聽泉曲篔通言歸飛雨門清夢約僧同

坐金蓮池上

不斷涓涓響泉流自古今清涼供佛飲澄澈印禪心
魚樂躍深碧蓮開漾碎金炎歎何處著竹石藹重陰

宿靈峰菴曉起登韜光

戴葆元 秋穀

林葉墜微風啼鳥喚初醒夢破起披衣招攜事幽屏

言尋巢塢遊取徑登陟猛曲磴踏盤迴殘星掛明耿
漸看初旭昇俄照萬象迥列岫界嵐光飛泉流竹影
入門僧意閒香沸佛燈炳燬萌指前塗層厯窮奧境
座底虛籟鳴望中吟思冷僊踪不可求佛偈稍自領
下方聞齋鐘空音發深省人生泡幻身擾擾失清景

韜光納涼偶成

一徑盤盤磴道長塢深煙靄萬篔簹絺衣坐石染蒼
翠草履迎流生嫩涼禪窟眼空諸色界塵寰身觸幾
炎光名山有願參真諦留取清吟作瓣香

金蓮池

韜光菴紀遊集

全

矮屋疎籬靜意多一泓澄碧占岩阿雲根細滴乳泉
冷蓮謝蓮開幾剎邨

甫至山中丁子誠叔即為余言亡兒葆元曾遊韜

光聞留詩寺中遍覓不可得歸檢其舊藁果有詩

三首因憶其屬續時了了唱偈言有云月離中天

雲逐風去來無著總歸空之句似兆昧於覺路者

今視其詩意亦頗卷卷於此地不禁惻然命次兒

森元書其詩於後噫生則小憇禪廬歿得附存文

字電光石火中暫作結願因緣耳乾隆歲次癸亥

六月望前三日聽鷓鴣山人再書

五月廿又一日侵曉與道傳師偶坐池上清談
娓娓每露性學微言當未徹悟今擬重遊因雨
不果默坐齋中尋繹前論恍若有得率成長句

奉贈并就印證時六月十三日 戴廷燁

解逅逢師池上譚性淵學海恣奇探出山泉尙通禪
味宿塢雲常護佛龕且住自安清淨退得詮何藉語
言參待教暑去涼生後江月相看一笑含

五月十九日宿韜光南樓分韻得光字示道傳

上人并呈如淵大師

金 吟聞石

竹筧潺湲水依然古磴旁招邀借淨侶結習憇禪房

韜光菴紀遊集

全

雲外菩提樹風前石火光明真諦在後夜矢無忘

二十日登韜光滌煩閣分韻得巢字

僧閣巧位置拖山如兩嶠隨風振衣上尺地萬象包
樵徑各邪豎脈絡不混淆碎丹梵宇古亂碧林樾交
葉艇點澤渚奔沙明江郊薄靄接煙縷遠黛環弓朔
既飯香積廚共飽蔬筍肴倚檻笑城市屠沽何喧呶
蟬噪不離樹鶻盤自知巢晏坐察物理擇地誰所教
我生寡趨詣妙偈悟幻泡偶爲道暑遊且免觸熱嘲
何當破樊籠相與羣俟庶法聽生公石屋依已公茅

是夜待月滌煩閣

徙倚禪扉受晚風無邊暝色下方同蟾光忽壓漁燈
白湖面遙連海角紅敢謂心田圓相足差憐鼻觀暗
香通多情又被浮雲妬橫亘天河滓太空

二十一日南樓坐月

僧樓信宿倍依依逸興禪心兩不違光滿江湖弦月
朗風披草木古香微無生詎畏鶴鷓嘯有覺惟觀蟬
蝠飛準擬他年辭滹惱夜摩天畔結柴扉

二十二日自雲林晚歸韜光分得流字

香刹遲迴久歸途暮景幽蘿煙輕淡淡竹靄靜修修
梵行雖難學仙踪似可求分明來畫裏坐石聽泉流

韜光菴紀遊集

全

二十三日夜坐金蓮池上

啜茗臨流坐沈沈夜氣虛屢屢藏石蛤撥刺踴金魚
樹色濃雲似池聲瀑布如來朝還火宅相對一嗟吁
歸自韜光偶抱寒疾

行天赤日正炎時白石清泉屬夢思冠帶懶遵儒檢
度鐘魚猶戀梵威儀維摩病體方無著圓覺微言好
諷持四大於人囚執甚空花兩月有誰知

奉贈道傳

依然巢塢舊規模明月年年印玉壺佛法深知黃蘗
簡禪身翻覺紫衣粗盲牛得過窗榜未獬犬能遊性

海無時道傳參此剩欲與師談此事自慙敗種委泥

途

入山坐飛雨閣道傳禪師出歷來詩冊見示自

唐香山迄今不下千首聞石先生與家君慨然

欲爲刪訂而未暇也因留宿三日登覽之餘共

相唱和彙爲一冊丁大誠叔暨余皆得隨步繼

響亦命書後

戴樹元 春壇

宿韜光南樓分韻得韜字

向昏投淨域竹徑轉逾高過雨泉分響安禪暑暗韜
羣峰浮濕月一榻枕驚鷗不寐清如洗因成眺聽豪

韜光菴紀遊集

全

坐滌煩閣分韻得方字

蘭若不受暑塢深萬竹藏稍出林木杪架構凌崇岡
開軒豁眼界巒岫羅低昂雲陰互明晦遠近分青蒼
樹隙見湖尾煙際浮江光城市一聚塵火宅無清涼
坐啜岩下泉頓與濁世忘遲回白雲地信宿青豆房
隨境作禪悅差擬浮屠桑蒲團參妙義魚鳥同相羊
幻滅空不壞長生樂無方四相得解脫人佛兩茫茫

自雲林晚歸韜光分韻得聲字

古寺棲殘照涼陰曲逕生泉從雲際落人在竹中行
木杪聞樵語風餘度磬聲諸天已昏黑回向佛燈明

奉贈道傳上人

道味蕭閒熱惱捐觀心不學小乘禪映窗脩竹植藥
影插架香芸梵唄篇雲月在山皆好夜雨花離相卽
空天巢居安隱家風古一昔聊存去住緣

乾隆昭陽大淵獻臯月十又八日同戴大春壇

奉陪鷓亭先生暨吾師聞石先生信宿韜光庵

得詩四首

丁 健 誠叔

宿韜光南樓分韻得庵字

入山纔一宿坐覺得幽探月帶疎鐘上風兼老木酣
妙香凝短榻密竹隱圓庵永夜清無寐元言許共參

韜光庵紀遊集

全

坐滌煩閣分韻得上字

苔磴高轉曲繚繞抱層嶂古屋圍低垣迥出翠微上
信步窮躋扳眼眼得奇曠江外峯如螺湖畔山似障
天風透毛骨驚灑萬篠蕩野花不知名幽鳥自調吭
忽聞鐘磬音康豈散梵放昕夕互變滅烟雲留供養
境異景亦遷心會語難狀襍被願三宿一領諸有相

自雲林晚歸韜光分韻得行字

蹋翠還巢塢風扶兩腋輕蟬聲穿樹去人影逆溪行
崖竹層層暗山泉續續鳴遙峯橫晚靄回首失崢嶸
奉贈道傳上人

蘿關高掩北峯偏本色居山四十年竹裏流泉成妙
諦雲間片石具真詮野猿馴聽六時誦老鶴鳴侵午
夜眠誰識道人家法好一池明月證心禪

壬戌嘉平同戴大春壇李二受之李三百璜仲
弟希曾遊韜光作

丁健

僧龕如鳥巢背倚高峯尊問徑得幽別老衲有導言
是日憩松露山房老衲指房背小徑上共誇腰脚健各各遊色欣灑落
短後衫澀路披荆榛未辨日卓午祇覺竹影繁霜果
忽迸落松颺驚翩翩朔雪尙健在稜稜陰厓屯枯槎
跨空澗老樹走長根飛泉屈曲來疊笕鳴泫泫仄磴

韜光庵紀遊集

奎

如蟠蛟石勢何崩奔登頓數百級始及精舍垣眾翠
爭戶入一碧環寺門紺宇聳其下中更成祇園清池
承汎泉法雨晴天噴文魚偏近客噉噉浮藻瀝沙彌
進茗乳坐我十笏軒撫檻玩之久不覺石磴溫起讀
前輩題細剔荒蘚痕香山與眉山風流萬古存同遊
二三子餘勇窮攀援風中矯兩腋捷過扳藤猿俯睇
一塵聚真如蝨處禪江湖色相接迷茫海氣昏俄起
星星鐘四顧烟光渾擬結茶筍緣三宿乘春暄更踏
最高頂袖攜雲氣還揮手下山去斯語期無諼

光緒紀元乙亥六月八日仲瀛白叔兩弟招遊

雲林遂登韜光賦五古二章以紀游翼日松生
出是冊見示因次龍泓韻再題一律爲異日重
游之券

高望曾 茶庵

愛遊尤愛入山深信步尋幽上翠岑煙墨尙留前輩
蹟風篁頓減舊時陰洞中丹竈經塵劫石上清泉答
梵音目注江湖似杯勺何當挹取滌煩心

題韜光紀游詩冊

許增 邁孫

結廬無礙入山深山外涼雲護翠岑界道飛泉分上
下捎煙修竹誤晴陰煩襟能雪知靈境清籟都消得
梵音我袒龍泓老居士徑須息累證初心

韜光庵紀遊集

齒

韜光藏弄法書名畫甚夥辛酉之劫無一留者
此冊不知何時流落邗上張君穎仲因余三輯
杭郡詩影寫見寄旣以戴秋穀三詩入輯復請
穎仲作緣購歸還納庵中留爲故事依龍泓韻
以餉後游

丁丙 松生

竹裏禪關深復深紀游夙昔集苔岑百年靈迹龍飛
壁兩世家聲鶴在陰謂丁龍泓誠叔戴鶴亭春壇秋穀橋梓圓到揚州
新月色經來滄海舊潮音從今永作山門鎮同悟金
蓮不壞心

配 新

日日

懋 日

仁
懋
王
同
署

危繆率子守
商介氏殺稗

新門散記

錢塘羅以智子致著

新門崇新門

今杭城爲張士誠改築于元至正十九年東西拓開三里而絡市河于內宋則循吳越之舊紹興二十八年增築東南之外城附于舊城七修類藁稱鹽法察院前爲城頭正宋舊東城之基是也新門南宋所新設故亦名新開門元末改名永昌門 國朝康熙五年改名望江有南新草橋俗因呼草橋門西南卽吳越之竹車門崇新門在城正東俗呼薦橋門入明改

新門散記

一

名清泰今俗呼螺螄門其外卽吳越之南土門按南宋時新門在今竹椅子巷口崇新門在今城頭巷口

青蓮朵

宗陽宮中舊有芙蓉石高丈許竇穴玲瓏上鐫鐵雲

二字

純廟南巡頗拂拭之嗣大吏移送京師

賜名曰青蓮朵立于長春園朗潤齋門內

御製五絕句題之

梅花碑

梅花碑其地本德壽宮後園址宋時有苔梅舊稱碑

刻藍瑛古梅一本乾隆乙酉

翠華重幸

省視之梅乃孫杖畫而石則藍瑛蓋二人合作

御題詩以正其訛

御筆重摹勒石大吏建亭恭護今舊碑斷爲三片委棄蔓草間舊所謂梅花廳者亦久圯宋梅不知何時枯萎聞子將自娛齋集南關署中古梅一株南宋時物也徐青瑩使君邀看有賦詩云我愛西溪似西磧梅花鱗鱗照溪碧十里五里香雲迷千枝萬枝玉筍擘我欲因之結伴游誰知春向署中收花枝次第巡

新門散記

二

檐發使人忘卻西溪幽展轉看花破花惱一樹婆娑稱獨老蒼顏鶴髮足典型縱使無花亦自好使君愛花兼愛客斗酒潑花應不惜醉殘明月參橫昏還憶西溪花正白又王漁洋有題金陵胡文潤 玉昆 寫杭州宋宮古梅絕句詩云風雨崖山事渺然故宮疏影自年年何人寄恨丹青裏畱伴冬青哭杜鵑

觀梅古社

觀梅古社舊在南關王部分司署側明南關署初建候潮門外嘉靖三十六年改是地市舶司爲之 國朝康熙五十五年停遣雍正四年又爲觀風整俗使

署八年又廢其地猶稱南關廟和靖先生爲土地焉今祠中栽牡丹頗茂盛冠於上城

宗陽宮上梁文

咸淳四年四月始築宗陽宮知仁和縣郭應酉撰上梁文云聖人繼天立極瑞已兆於初潛上帝儲祉垂恩事莫嚴于昭受若稽舊典爰作殊庭以緜億萬年之基以隆九五位之福載惟肇建之始則應天與聖首彰慶源粵從南渡以來則佑聖開元益昌景運茲祖宗之不則示帝王之正符恭維皇帝陛下保合太和緝熙純嘏皇極平康正直以爲天下之王諸侯朝

新門散記

三

觀謳歌咸曰吾君之子飛龍利見適駿有聲蒙潤澤者必邇其源受庇蔭者必推其本宣平坊內宅猶有於神光明遠樓前圃尙存於燕射此大明之所自照而眾陽之所共宗地接重華鍾有道曾孫之慶天生上智見佑我烈考之心是用申舊章以命有司建嘉名而昭不應移材靈囿斥費水衡作新宮于柱而人不知體元祐儉慈之意祚洪圖萬葉而功不朽法祥符嚴潔之誠赫穹昊之鑒臨儼羣仙之環拱真人在御仰太和天尊之居列緯來光俯紫微垣星之坐上永凝於眷命下丕答於輿瞻爰歷靈辰用興巍架伸

茲美頌相彼歡謠拋梁東海門天闕日曛曛萬齡耆壽朝慈殿百世仙源毓震宮拋梁西蜀道平夷太白低忠益潛藩多王氣元和聖德壽天齊拋梁南風宣九譯聖恩覃國陽自展郊壇敬始信離明一德參拋梁北歷歷眾星皆拱極萬里神州在望中車書混一千戈息拋梁上敬天一念臺新創流虹繞電答休符甘雨和風酬景貺拋梁下河清毓慶扶宗社九韶樂奏鳳來儀萬井年豐麟在野伏願上梁之後社稷尊安乾坤喜答右文母以介繁祉錫皇帝以登太平松喬游於斯庭長上漢宮之壽邾鄆卜過其麻益縣周鼎之年是文載咸淳臨安志府縣志縣令表列郭應酉在咸淳十年任按郭應酉社稷壇記則在四年時已任仁和縣更無疑矣附證之

新門散記

四

大通明殿記

宗陽宮有大通明殿于京兆爲之記結銜題正議大夫資治尹政應天府府尹前南京太僕寺少卿錢塘于冕撰京兆字景瞻自號蘭谷老人忠肅公子以蔭自府軍前衛千戶赦還改文資文曰宗陽宮在杭城中按郡志卽宋高宗之德壽宮也清熙中更名重華咸淳間賜今額有元革命眾度淪沒惟宗陽名不朽

洪武初都紀月庵邱公勅造大殿山門廊廡永樂丙申副都紀周公道淵建方丈宣德癸丑都紀清隱俞公偕羽士沈棲霞重構老君臺及得月樓以復舊規由是壯麗甲于郡國一時薦紳大夫及四方游覽之士未有不縱目于此者歷歲既久日就傾圮時宗陽耆舊養浩法師沈公復純先嘗主席本宮後以老辭然身雖退休心則未嘗不以興舉爲己任時御用太監林公槐奉飭提督海道駐節于此雅重師之爲人力爲傾助發私帑若干緡師亦罄己橐兼募眾緣聚材鳩工復建大通明殿飛甍峻宇上摩霄漢中奉昊

新門散記

五

天上帝土皇地祇及諸天聖像左建玉籟樓左建葉簡樓復建講堂曰福臨洞天退居曰石壇松舍與凡山門兩廡庖湑之所一椽一樞皆師經畫料理由是傾者起圯者整金碧交輝丹堊相映規模宏偉視昔有加始事于成化乙巳之秋訖工于宏治改元之冬請予爲記凡記者不過記其興廢始末耳若不推原其由則後人莫知今日修舉之難奚能永保于悠久耶夫自黃帝問道崆峒而道教之源始開尹喜受經函谷而其言始徧滿天下由漢抵今教益日甚事之者竭土木之費以爲瓊宮瑤臺雲樓星閣表山延理

駕空凌漢務極壯麗以崇奉之此何哉蓋爲民生所以衣之食之強弱眾寡之不至于相凌者惟吾君父之所以運乾綱妙化機者又賴天帝主宰無聲無臭之表也故敬道所以敬天敬天所以敬君父吾之所以尊禮而崇奉之者蓋不能不若此重焉非徒以教之清淨無爲而獨善其身也故大通明殿之建及凡百興廢正所以崇奉上帝而祝聖壽于億萬斯年冀乎生生化化之用極于無窮也雖然事之廢興皆理之常欲舉廢以致興非得其時有其人不可茲以中貴林公切敬天愛君之心輕財樂施無所靳吝而人

新門散記

六

樂從事莫有沮遏之者是有可乘之時也以法師造道惟深事神惟謹而又能知君父爲重者專致力於其閒事皆克濟始終無斁是有可任之人也得其時有其人宜乎前人之開創者今克繼承之前日之廢墜今復興廢之垂裕將來傳之永久上祝一人之遐壽下爲萬姓之福田當是時者其忠大矣其功茂哉是爲記

沈法師

于京兆又有宗陽宮沈法師壽藏記文曰贊教沈法師預爲壽藏之所于杭州西湖慶化山之原一夕過

余曰吾百年之後吾徒必請能者誌吾墓與其誌于吾。不見以示乎他人孰若與吾卽今誌之使我與人皆見之也師平昔交余厚義不得辭乃序大略以復之師諱琦字廷珍道名復純別號喬陽子杭之仁和平安里人其先多聞人元季兵燹譜牒莫之考曾祖諱道誠祖諱景恆父諱冕皆晦跡不仕家富于資母方氏一夕空室有異香逾時乃生師秀穎凝重資稟不凡少從鄉先生俞孟陽游諸書過目輒成誦不煩程督尤喜讀老子書志尙清虛不事華飾見黃冠警衣者切慕之正統壬戌師年十六時宗陽主席清

新門散記

七

隱先生悟緣俞公爲郡都紀有道之士也師決意事之父母不奪其志乃遣從清隱受靈寶大法師天分甚高學益日邃大爲清隱器重而同門亦推讓焉丙寅赴京得度牒進謁闡法通靈真人周公于大德觀周旋其閒延接緒論所得爲多真人之學本于宗陽耆舊月菴邱公益有源委也旣還清隱仙去法席久虛景泰丙子復至京上奏缺人主宮事議下禮部給劄命師領祝釐事迨回宮身領宮事興廢舉墜無所不用其力四方學道之士及杭之士庶咸雖重之先時宮有隙地當闔闔中構屋若干楹于其上鄉人賃

居得直爲香燈費後罹回祿豪猾者遂據爲己有師訴于官不能結乃之京具始末聞于上久之得移文當道事遂白舊址皆復四十六代嗣教大真人張公嘗授師以三五飛步之法爲人祛災患被其利濟者多富豪巨室有齋醮者必延師主行或監齋師設有故不與則齋主之心終不滿蓋師精誠足以上通神明下濟人鬼非尋常碌碌道流者比越廿載師年逾半百不任煩劇乃謝宮事付其徒雲祥輩嗣掌師得優游蔗境以遂高舉遠引之志成化乙巳四十七代嗣教大真人張公弭節錢塘師往覓之問一答十真

新門散記

八

人聆其議論知其爲有道之士初授師以知事之職歷事有年有持身端謹之譽按宗陽宮宋高宗邸改建距今三百餘年日就傾圮師不忍坐視乃罄已橐奮志修葺凡大通明殿昊天像及前後廊廡庖福皆鼎然一新觀者嘖嘖稱羨師在退居之餘尙能盡心所事後人當以師重開山代代祖之可也宏治壬子嗣教大真人復臨錢塘上遵敕諭事理加師沖真擬妙崇元宏道清慎養浩法師擢任贊教兼領宗陽宮事考劾諸山道教賜銀帶階五品光耀宗門千載一遇宗陽先後主席自月庵邱公以上未有如師之榮

且盛也是年夏病因自念日以負天地君親師成我之意又嘗奔走京師時接世故之不得已者亦良勤矣今吾病作向之繕治于慶化山者正將以為我身閉藏之所也諸弟子謹識其言余聞古之王公預為送終之器蓋有終必有始不以早為諱制事于未然君子之能成其終也師事師能盡其道學道能闡其口出家雖久歸而執親喪以禮事諸兄以敬他所為又多可稱至于壽域之作則平生之所當為者將無遺之而弗為者矣始終之道何加焉雖然師之成終不過用世法藏其所斃而已余知其尚有不斃者存

新門散記

九

他日與廣成子安期生遨遊十洲三島之上將後天而彫三光何終窮之有哉遂書為壽藏記按沈法師府縣志竝無傳

陳君從

陳廷言字君從寧海人舉鄉試授上蔡書院山長後舉進士除慶元路教授累官國子司業及提舉福建學校事預修三史除集賢侍講以疾還道錢塘時方谷珍據有三郡遂止寓宗陽宮號蓬屋道人著書自晦尋以漁陽營田復召入議因上書極論時政弊臺省奏其越職出知順昌謝病歸

王繹

王繹字思善自號癡絕生其先睦人居杭之新門篤志好學雅有才思至正乙酉間樵里葉居仲廣居寓思善之東里教授思善在諸生中年方十二三已能丹青亦解寫真繼得吳中顧周道達緒言開發益造精微陶南村九成與為忘年友嘗授以寫像祕訣并采繪法見輟耕錄

宋松

故宮宋梅人皆知之不知尚有宋松長白顛公圖字象原以御史巡鹽兩浙署中有小圃荒穢不治公一

新門散記

十

日偶步得斷碑洗而植之有宋代遺松四字繫以長歌作者姓名已漫漶不可辨詢之老吏云此地向有三友居不特古榦參天狀若虬龍而有梅有竹互相掩映今屋已廢而木亦槁有年矣公慨然興復築室三楹額仍舊名徵詩以落之見雲螭齋詩話故宮本有盤松高宗御製贊云天錫瑞木得自嶽岑枝幡數萬榦不倍尋怒騰雲勢靜奏琴音凌寒鬱茂當暑陰森封以腴壤邇以碧潯越千萬年以慰我心又嘗御製祭本宮土地文云維淳熙五年歲次戊戌十一月某日太上皇帝遣具階張宗尹特設牲牢旨酒珍果

香花致祭於本宮土地之神神有百職職各不同典司草木土亦是供我游湖園乃獲奇松植之禁苑萬態千容婆娑偃蓋天矯騰龍翠色凝露清音舞風醉吟閒適予情所鍾壅培封殖久焉力窮鳥鳥外擾蟻蠹內攻神其勦絕勿使能終精邪竊據盜斧適逢神其呵逐勿使遺蹤常令勁質坐閱隆冬堅逾五柞獨異雙桐歷千萬年鬱鬱蔥蔥牲牢旨酒嗣錄汝功尚饗是文益爲祈神保護盤松而作載周益公玉堂雜記汪季路所藏文稿真蹟及曾三異所藏盤松贊跋中西湖游覽志焉作或質作節西湖志作人力或窮

新門散記

十一

精邪作精奇竝誤浩然齋雅談雲勢作龍勢

信園

章豈績吉士藻功爲淇上先生士斐第三子事親孝

事兄恭與人誠師陸拒石尤工駢體所著思綺堂四六十卷自爲之注舊居士橋康熙癸未成進士年四十八矣入詞林僅五月卽引疾歸奉母不復出遂移居佑聖觀之南宅旁闢園名曰信園淇上先生舊居讀書處有花隱亭信園中仍以花隱顏其亭云

德壽宮提舉

宋史孝宗本紀淳熙十年二月提舉德壽宮陳源有

罪竄建寧府尋移郴州仍籍其家質進納德壽宮錢端禮傳除資政殿大學士提舉德壽宮兼侍讀改提舉洞霄宮則德壽宮亦置提舉官他書如新編武林紀事淳熙樂事條內駕詣德壽宮上壽大上遣本宮提舉官傳旨武林舊事亦有提舉官之稱按夢梁錄御前宮觀在城者六湖邊者三多是潛邸改建琳宮以奉元命或奉感生帝屬內侍提舉官事雖不兼德壽宮而言然思陵錄中載甘昇提舉德壽宮考甘昇陳源皆以內侍爲之周益公玉堂內藁有賜安慶軍承宣使提舉德壽宮張去爲辭免特轉一官聽回授

新門散記

三

不允詔張去爲亦內侍見玉堂雜記周益公行狀中載壽皇時錢端禮爲德壽宮使本紀乾道元年書以錢端禮兼德壽宮使隆興二年書兵部尚書錢端禮簽書樞密院事兼提領德壽宮言提領而不言提舉是大臣領使而內侍充提舉端禮傳稱提舉者誤也宋宰輔編年錄乾道元年以右通議大夫兼提舉德壽宮兼充德壽宮使竝書之亦誤又本紀載增置德壽宮提點幹辦等官德壽宮提點見思陵錄及南宋相眼德壽宮幹辦事務見興福禪院記

龍廣寒

山居新話龍廣寒江西人居錢唐挾預知之術游食於諸公之門一日居佑聖觀陳提點房陳叩以明日飲食之事答曰寫之不可看陳俟其出乃竊視之書云來日羊肉白麪老夫當與其列適有人送活鯽魚者陳屬僕明日以魚爲食諸物不用至五更鐘末住持吳月泉遣人招陳來房相陪高顯卿參政益高公避生日也陳爲吳言房中有活鯽魚取來下飯高曰我都準備了也諸物皆不用陳自念龍之語有驗因及龍廣寒者在房中住高曰我識之可請同坐是日羊肉白麪亦與其列皆應其說嘗自言我已一百八

新門散記

三

歲故貫酸齋贊其象云有客名廣寒自號一百歲更活二百年恰好三百歲以此戲之卒於延祐末年較耕錄龍廣寒江西人移居錢唐挾預知之術游湖海閒咸推爲異人或謂專持寂感報耳祕呪故爾寂感卽俗所謂萬回哥哥之師號也廣寒又行服氣導引之法常佩小龜十數于身至晚仍解飼之事母至孝六月一日母生辰方舉觴爲壽忽見北窗外梅花一枝盛開人皆以爲孝行所感士大夫遂稱之曰孝梅贈詩者甚多惟張菊存一篇最可膾炙曰南風吹南枝一點萬綠歲寒誰知心孟宗林下竹至治初閒

廣寒卒時年百有八歲猶童顏綠髮云明嘉興陳無功懋仁壽者傳龍廣寒贊云江右龍生天植仁孝白華滌暑英英光炤與善興感曷親天道綠髮童顏超彼耄耄其高參政事西湖志餘載之

蔣苑使花園

蔣苑使花園卽德壽宮址見錢唐遺事案武林舊事所稱蔣御藥家卽苑使也又載蔣苑使有小圃不滿二畝而花木匝而亭樹奇巧春時悉以所有書畫玩器冠花器弄之物羅列滿前戲效關撲有珠翠冠僅大如錢者鬧竿花闌之類悉皆鏤絲金玉爲之極其

新門散記

四

精妙且立標竿射垛及鞦韆梭門鬪雞蹴鞠諸戲事以娛游客衣冠士女至者招邀杯酒往往過禁煙乃已葢效禁苑具體而微者也夢梁錄元宵條內載新開門裏牛羊司前有內侍蔣苑使家雖曰小小宅院然裝點亭臺懸挂玉柵異巧華燈珠簾低下笙歌竝作游人玩賞不忍捨去又園囿條內載望仙橋下牛羊司側內侍蔣苑使住宅側築一園亭臺花木最爲富盛每歲春月放人游玩堂宇內頓放買賣關撲竝體內庭規式如龍船鬧竿花籃花工用七寶珠翠奇巧裝結花朵冠梳竝皆時樣官密梳篦列古玩具鋪

列堂右做如關撲歌叫之聲清婉可聽湯茶巧細車
兒排設進呈之器桃村杏館酒肆裝成鄉落之景數
畝之地觀者如市

傳法寺

佑聖觀東舊有傳法寺周益公嘗自德壽宮後垣趨
至傳法寺望見宮中之聚遠樓見菊坡叢話先是東
京太平興國寺有傳法院紹興初普照大師德明隨
駕南渡乞建院淳熙二年慧辯大師智覺奏請始賜
太平興國傳法寺額淳佑七年賜以御扁及飛天法
輪寶藏六字見咸淳臨安志寺中建靜業會每月十

新門散記

五

七日集善男信人十八日集善女信人入寺誦經設
齋聽法年終以所收貲金建藥師道場七晝夜以終
其會見夢梁錄光堯賓天宰執就傳法寺開啟道場
五日見思陵錄紹定四年九月火詔令三省樞密院
就都亭驛六部暫就傳法寺治事見宋鑑紹熙二年
淳熙二年四月屢燬於火延及民廬見文獻通考及
武林紀事臨安府胥時安禮性陰賊險猾因與傳法
寺僧有故怨安禮夜出察邏卒至寺旁僧方炊餅餌
爲斛供煙氣涌起遽突關入誣以遺火悉捕知事僧
寘獄將加重刑有大瑄鄰居按大瑄不知不平之宣

言欲入奏乃得釋然猶有被杖者僧不勝痛憤而死
未幾安禮在使廳指畫文書忽撲地殞七竅皆流血
見鬼董明正統三年遣御史巡視兩浙催督鹽課遂
改寺爲行臺見西湖游覽志及嘉靖浙江通志察院
初建尙在寺左嘉靖二十年監察御史唐臣燬寺拓
基見蘭谿唐尙書龍所爲記

草龍

崇禎末年有江右客寓珠寶巷攜一硃盒中藏碧草
一本上有生就小龍其大如指長踰三寸光似淡金
鱗角爪牙無一不備循枝盤繞氣色如新博物者不

新門散記

六

知其所從出時潞王播越在浙售其府中見湖壩雜
記

周浩

鬼董載秦燻之客洛人周浩卜居西湖鄰邸有白衣
少婦來寓豔冶而慧始見猶自匿稍久目成心通叩
諸鄰鄰曰汴人李氏夫死服將除方謀再行浩厚致
媒幣室之婦能先事中浩意相得甚歡歲餘觀濤於
江見雙鬢女美出妻右心慕之茶肆姥曰此女居六
和塔父母亡矣獨與姨處方願以樂藝自鬻浩捐金
數千方獲焉始至其家妻妾順比如篋頃後忽忿爭

浩論不可解至相毆擊兩怒方厲黑煙蓬勃出白吻
 蔽屋如墨奇響一聲煙銷室空二豔俱失遣人訪其
 姨蕩然砂磧也浩怪愕不敢居其居從傳法寺假僧
 房徙焉元日四鼓欲之秦氏賀甫出門陰氣晝然籠
 燭隨滅妻不知從何來怒罵曰無行棄我逃釋謂終
 不能近汝耶浩罔然不省其妖隨謝之婦曰我已徙
 居入城矣偕至小宅中歡飲共宿明日乃得之望仙
 橋下半臥水中喘息僅屬披歸療治數日乃愈浩益
 恐遷館于秦氏一日坐書室有穴窗者叱之隨聲自
 隙入妾也鉛丹不施雙鬟紛披而態度愈明豔倚浩

新門散記

七

嬌怨曰主母妬悍正藉君主張乃懦不能合使我至
 此且彼非人乃死老魅君何為惑之浩亦迷罔不省
 畱共寢妾挽出游偕飲中瓦酒家聞寺鐘而寤身乃
 在後圃池中污泥滿耳鼻秦氏呼一道士制之不驗
 乃使四卒更番守之浩雖不得出而二女閒夜至或
 憑浩言云云叫呼瘡厭之使他客送在建康道遇時
 中時中曰是水族之怪也鼈為白衣穴西湖獺為少
 女窟於江弗速拯將死於溺矣為檄江湖神俾繫二
 物曰法不許殺也初周浩在西京困不自聊有洛瀕
 一作老翁夜聞洛中溺鬼相謂翌日欲取白衣士自

代其衣下穿而姓周翁且而待口中而浩至姓狀衣
 袂如鬼語力挽駐之乃脫至此又復遇水魅云

南宋市物

新門左右有名食物之家如都城紀勝之望仙橋糕
 糜夢梁錄壽慈宮前熟肉獅子巷口徐家紙劄鋪凌
 家刷牙鋪觀後丹室薦橋新開巷元子鋪又夜市獅
 子巷口焙耍魚罐裏燒雞絲粉七寶科頭薦橋豐禾
 坊王家酒店武林舊事諸色酒名榮邸有眉壽堂萬
 象皆春要可與宋五嫂魚羹李七兒羊肉同布佳名
 也

新門散記

六

清容題贈

袁清容有送華道士住宗陽宮詩云黑髮祠官佩水
 蒼萬口深處對虛皇黃柑有法能為酒紫朮無飢可
 當糧招鶴舞虛山月冷檄龍吹雨海天涼瑤池欲問
 長生事汲澗研朱寫綠章又題王眉叟溪月圖云水
 清不受觸月高不受浴空景兩相忘松風進虛谷之
 人閱真靜引手還在目服之飛上天溪流淨如玉

潘慧道

潘慧道六歲而孤能樹立崇禎辛巳大饑里人陸春
 泉夫婦垂斃思鬻子以度慧道予金令持歸戒勿鬻

餓殍載道餽金爲樁掩骼者數百人永昌門火洪程
二姓爭地界慧道自割其地以解之後授鄉飲大賓
卒年九十有二

杜真人

趙文敏松雪齋集有隆道冲真崇正真人杜公碑文
曰昔軒轅問道於具茨漢文求師於河上蓋古之聖
帝明君咸貴德而尊士而有道之士亦皆應時而行
化傳記所載信不可誣若真人際遇世祖聖德神功
文武皇帝乘風雲之會依日月之光於以輔世興邦
立言設教知進退存亡而不失其正者其若人之儔

新門散記

九

與真人諱道堅字處逸杜姓當塗采石人自號南谷
子晉杜預之後曾祖秉哲祖竑父時敏竑晦迹邱園
傳芳清闕妣薛氏繼陳氏生二子長崇文次真人也
真人生而神異幼而超邁年十四得異書於異人決
意爲方外游乃辭母去俗著道士服師石山耿先生
繼人茅山披閱道藏依中峰巖木菴心居玉海蔣宗
師異之授以大洞經法迴風合景之道時丹陽謝真
士元風遠播法海傍霑真人曳杖元門問道靖室言
而無隱拂袖遠游乃捫蘿仙都迴鸞雲水納交名釋
載參辟歷之禪遐想慈航亟返白雲之舍常路知其

素履俾管教於鄉邦俄走義興隱居張洞三厯霜暑
一意泉石辟歷以道契相合招過鳳谿結知楊氏之
王孫託友鄧侯之內侍獲慶廟錫號輔教大師爰受
紫衣之榮造尋白石之隱於是楊氏以禮請住昇元
報德觀真人興元學建清規百廢具舉徒眾悅服屬
天兵南渡所在震動玉石慮毀於崐岡黎庶懼淪於
塗炭弓刀曷措莫拯鄉閭衣食無從思填溝壑真人
冒矢石叩軍門見太傅淮安忠武王於故都披膽陳
辭爲民請命王與語大悅恨見之晚軍麾爲之斂兵
民社因之安堵遂俾馳驛入覲帝聞輜重兼行混風

新門散記

辛

塵于卒伍樵蘇後爨忘朝昏之饘粥艱勤備至得抵
上都世祖皇帝方綱紀四方并包九有思修文而偃
武躬屈己以求賢聆師之來奏聞立召望雲就日喜
見堯天布武升階高談王道皇明嘉其古直屢賜恩
光真人感激聖知莫知云報尋有詔特委馳驛江南
搜訪遺逸真人退而上疏言求賢養賢用賢之道上
嘉納焉以茲銜命南鶩言歸舊廬慈母已亡空墮蓼
莪之淚先師如在徒瞻荆棘之墟冥鴻尚避於網羅
飛鳧亟還於京邑同高士以升公引鍊師而進見天
顏甚悅野服重歸欽奉璽書提點道教住持杭州宗

陽宮大德七年復被旨授杭州路道錄教門高士真人既主宗陽不忘舊館仍領昇元觀事先是宗陽燬於火真人買山種樹以三十年爲期至是命工師伐材木治荒蕪瓦礫凡正殿講堂壇靖廊廡真館丈室以次興舉桂棟竦其干霄梅梁杳其架霧丹楹刻栴不日而成金闕玉京自天而降造三清尊像及昊天聖容霞光照臨日精晬耀至於金鼎突兀以騰煙洪鐘高懸而吼夜彤庭赫其宏敞丹扉廓乎開闢不干眾力獨立大功真人往來昇元尋白石舊隱因計然之籌峰卽葛仙之丹井別立通元觀俾弟子薛志亨

新門散記

三

林德芳甲乙主之瓊山毓秀珠泉獻液真人於此枕流漱石游神雲外步虛禮斗馳思仙鄉自髣髴而清齋視紛華如敝屣香瓶巾拂不事珍奇木食草衣恆存慈儉蚊幃雖設取足於綌絺莞席自安弗求於錦綺又作攬古之樓於通元聚書數萬卷道德注疏何啻千家元聖淵源列圖十子著老子原旨及原旨發揮開戶闡元文子續義等書數十萬言皆理造幽微文含混厚讀之者知大道之要行之者得先聖之心可謂學業淹深文行俱備者矣真人於考妣不及於養卽通元之麓作天根道域奉衣冠焉至於爪髮之

微亦藏幽室終身之慕每見戚容孝事父母於斯見之初元教大宗師開府張公疏舉真人兼領四聖延祥觀真人勞心基構協力規圖輪奐既新耄荒求佚今上皇帝游心大道申念老臣皇慶改元宣授隆道沖真崇正真人依舊住持杭州宗陽宮兼湖州計籌山昇元報德觀白石通元觀真人居寵思退請老而傳尋奉璽書以弟子姚志恭爲昇元提點師孫孫拱眞爲提舉俾世世相傳元元不絕延祐五年歲在戊午真人在宗陽宮時年八十有二正月十一日微疾取平生所有物手自標題散之親舊既而出偈遺諸

新門散記

三

弟子十一日且頂中爆然有聲而逝弟子姚志恭孫拱眞等痛慕罔極竭力營護以三月十一日壬申遷神藏於天根道域慨旌陽之拔宅仰企無從思許掾之登晨眞文空在杭州達官士庶諸山淄褐哀號攀挽巷無居人舳舻蔽流縞素彌望又豈特送車千乘而已哉非夫道德感人仙風振遠疇能若是凡度弟子若干人其高第弟子姚志恭以銘請孟頫粵從髫歲夙慕高標先君將漕於金陵真人假館於書塾攜持保抱緣契相投雲將拜鴻濛爲師緬懷維舊太白爲紫陽銘墓援筆何辭銘曰至人應世啟贊清靈道

包元象德協文明青山孕質白石標英飛聲天陞高
步雲瀛氣藹蘭芳形逾松茂嘯月珠淵采薇瓊岫碧
落回軒聞風揮袖服食五牙棲遲三秀元經闡義原
旨立言皇天粹聖王化彌尊懸諸日月續於乾坤谷
神不死至道常存仙寓金輝真容玉暉桂闕霞氤芸
城雲斐碧瓦參差丹楹焜燁屢降鸞書時朝鳳展籌
峰宴景真館凝神從容觀化消搖上賓煙蘿泣月露
草淒塵仵雲關而悵望文翠琰於千春朱方白雲稿
有杜南谷真人傳文曰杜道堅字處逸自號南谷子
太平當塗人生而神異性穎敏年十四得異書于異

新門散記

三

人卽嗜老氏學十七寄跡郡之天慶觀師蒙庵葛師
中朱涪祐爲御前道士蒙庵師虛白陳元實是爲陸
靜修裔孫道堅繼入茅山關道藏宗師蔣玉海見而
器之授大洞經法侍郎趙與訾漕金陵延致賓館知
遇最厚復來錢塘楊和武恭王孫穎祖延主吳興計
籌山昇元報德觀興元學飭軌範舉廢墜觀之東北
山頂多白石越大夫計然子嘗隱其上漢葛洪丹井
在焉道堅剗葦葦修涂道建披雲庵將佚老焉至元
十三年元兵南渡所至震懾道堅慨然冒矢而出叩
軍門謁太傅淮安王巴延曰宋祚當終歷數有在王

誠不殺則民歸有賴王悅其言禁將士下未附者毋
劫掠江南旣王有詔命太傅選用人材明年太傅朝
上都偕道堅入覲道堅胥陳當世之務大要有三曰
求賢曰養賢曰用賢疏上帝嘉納之屢召對使殿敷
奏詳明議論宏達舉將相之才莫不稱旨後皆爲名
臣時帝欲委道堅以執政力辭不拜詔乘傳江南求
有道之士竣事還京奉璽書提點道教領宗陽宮仍
兼昇元觀大德七年授杭州道錄教門高士復有旨
改披雲庵爲通元觀聽其徒甲乙主之皇慶元年授
隆道沖真崇正真人其徒以次領昇元事上卿張昞

新門散記

三

孫疏請主四聖延祥觀所至創立制度修飭宮宇咸
爲改觀又卽昇元宗陽兩山築二真觀儲書數萬卷
歲時往來其閒晚著道德經原旨數萬言其書益原
老子之意諄諄以皇道帝德爲當世告者正以王霸
雜出功力相尙慮其所終民罔攸措故欲挽破碎于
混全回滄漓于溘樸縱不能使是民爲九皇之民獨
不得少窺唐虞雍熙之化乎故曰爲無爲又曰無爲
而無不爲誠以人君無爲于上人臣無爲于下君臣
有恆分則民有恆業太古天下一道軒黃四海一德
無爲之爲其大有爲于天下者乎尊聖人所以尊時

君世主壽斯道所以壽斯世也如曰抗而不屈動而愈出多言數窮不如守中其堯舜允執厥中之要也曰居善地心善淵與善仁言善信政善治事善能動善時夫惟不爭故無尤其大禹不矜不伐而天下莫能爭也又曰自勝者強知足者富強行者有志不失其守者久其文王之至德也後人不究其旨著述雖多各隨所向故言清虛無爲者有之言吐納導引者有之言性命禍福兵刑權術者有之紛紛多歧家自爲法曾不知道德本旨內聖外王之爲要蓋張良曹參開漢室隆平之治是善用老子之道者此原旨所

新門散記

五

由作也書成又以老子之旨不惟有極以來已然之世代可徵而無極以前未然之朕兆庸可推矣復推皇極經世歲年著原旨發揮一十二章以證之又以關令尹喜辛鈺文字所著述頗得師旨故復著關令闡元三卷文字續義十二卷朝廷嘗以其書頒行于世平生詩文若干卷藏于白石山中卒年八十二度弟子四十餘人姚志恭趙嗣祺袁德達皆有道行人且奉旨授真人主領敎事道堅器識宏達有道淑人且篤于孝友達官貴卿多執弟子禮趙孟頫有言曰真人際遇世皇乘風雲之會日月之光于以輔世興邦

之言設教知進退存亡而不失其正者其若人之儔歟張翥亦曰真人以邁古之才經世之略身雖游于方外其志之所存犖犖古之人安期生黃石公徐鴻客或見或隱高風遠志使人企仰于千載之下世以爲知言贊曰三代之下以功力相雄尙道德罕聞已老聃氏著書尊皇道帝德賤功利黜權力有旨哉漢文曹參蓋善用其道者後人特指兵刑謀術益遠矣若杜道堅原旨之作亦有志於斯世者歟又有尙德說文曰宗陽祝釐之宮杜氏之眞館在焉杜氏傳其子而及其孫曾有胡君常林者名其居曰尙德問說

新門散記

五

于予予曰嘻哉而惡乎尙力而爲暴者抑亦行古之道也昔者南宮敬叔舍權力而尙德孔子予之不容以復論也譬之薰猶焉不可以同器騶虞豺狼焉不可以同羣爾誠愛夫仁而不成其生義而不戾于眾清淨而不爭于天下與殘暴凌厲而尙力者奚其同故君子之于其身也道義則尊之孝弟則服之過之者抑而就之弗戾者不譏焉朝于斯夕于斯君子之尙德也庸有一日息于己乎吾聞諸子思子思聞諸夫子曰尊德性而道問學子思之不忘其庶幾乎知所以尙矣或曰今之人曷慕乎高勢近利也曰畏之

而弗親懷乎其敬也愛之而弗舍確乎其順也二者之間吾從其順者

王文節先生

王修玉字倩修號松壑仁和人祖貫餘姚遷居杭至先生方四世順治十八年辛丑四月自南良里徙宅百歲坊巷康熙五年丙午十二月大火先生家焚焉又移家北良里父名世明鄉貢士爲鄱陽令家居日以誣獄被逮吏卒環衛日夜不少寬先生往視鞭笞交下不爲動久之父得釋甫逾弱冠以第一餼於郡庠學使谷霖蒼先生集十庠士試詩古文擢第一題

新門散記

毛

爲越問射潮檄大閱應制宿韜光望海日先生卷兩浙人士一時傳徧巡鹽御史顧西璣先生合三學之士觀風兩擢第一每得先生詩文手札必命小使藏之暇則展而諷詠人以爲異十八年己未貢京兆徐浩軒太宰得先生卷曰此名儒宿學也故置前列得授博士嚴灝亭司農欲以鴻博薦辭不就家益貧日嘗一食暑月著故棉衣恬如也因自號恬翁少與毛稚黃吳志伊許彝千丁弋雲潘新彈宋禹域何翼子沈開先張效青步青虞景明關查度徐敬菴陸左城陳武威諸先生訂詩文交世稱鷺山十六子三十八

年己卯七月七日卒年七十有四葬黃鶴山下學者私謚曰文節先生

王眞士壽藏碑銘

徐大章一夔始豐稿有王眞士壽藏碑銘文曰杭佑聖觀之延眞館有眞士曰王君景舟旣豫營冢壙于西山蓮花峰之下凡衣衾棺槨以及銘旌之類亦皆備具而屬其友毛君起宗言于余曰死生者晝夜之道也惟不死不生乃無晝夜而一氣之所聚則不能獨免吾將以吾之有晝夜者爲之地焉願得徐君爲我誌之庶吾未瞑目時得一覩焉亦足快也余曰異

新門散記

毛

哉眞士之見也非一死生解外膠者其能然乎余乃不辭而敘其平生之槩爲王眞士壽藏碑云眞士世爲錢塘人名應璟景舟其字也父德原母沈氏兄弟四人而眞士行居四始生時其母夢紫氣滿室稍長氣韻凝重奉祠神明惟謹識者曰此道器也非人家兒年十八從鶴林宮沈曰瑞度爲道士佑聖觀者故宋孝宗之潛邸也地勢亢爽林木蔥蒨飛樓傑閣在煙霞之中城府之仙都也星冠霞佩之侶集焉眞士入處其觀之延眞館精究元業造詣出同輩上主領觀事者器之請知庫司事金穀之出納了無所濡升

充提舉觀事真士德譽日隆其後遂爲元門尊宿洪武三年四十二代天師昇號教門高士洞微真隱純一法師住持元妙觀同領本府諸宮觀事又三年嗣天師加授東華宏道純一法師教門真士貞白先生住持龍翔宮兼領本府諸宮觀事此真士之履歷也真士雖以無爲爲宗於道家法所以興雲致雨者尤盡心焉當世神師若王盤隱何東霞鄧子皋鄧仲修皆師事之咨決法要真士心志純一日游乎神明之庭杭地大物眾邦人或以旱乾告有人民社稷者走真士所陳款真士用其術發揚蹈厲鼓舞陰陽之橐

新門散記

壬

籥雷作雨至若呼而應前後二三十年之間以旱乾告者惟真士是賴此真士之道術也真士在龍翔時以興廢補弊爲事而佑聖觀乃其業成之地頽圯尤甚凡棟宇之撓屈者赤白之漫漶者皆撤而新之且性至孝善事父母父母歿購地五畝于南山之金沙塢葬其父母而爲祭享之所俾其從子奉祀所以厚其親者不以託迹元門而或後焉又雅好結交名勝如故楊提學廉夫張外史伯雨俞山人子中今記講經大樸仁講經一初或師或友情好甚篤其崇本始敦交好又如此初真士謝龍翔之席歸延真館疏種

藥畦作洗竹亭浚天一泉置吹笙石築取鶴臺而日逍遙其間曰吾聊以盡吾之有夜旦者爾他無所爲也余告之曰真士亦誠異于人哉且吾聞之古者王公貴人盛年而爲裨歲一漆之有事則載以從初不以蚤爲諱惟夫昧者不知制事于未然故有以爲諱者一旦倉卒墮于墨子之所謂薄不免爲君子所謂聞真士之風其亦少自廣乎乃爲之銘銘曰名山西來何秀特金精煥發光煜奕天日照耀菡萏下有陽岡氣攸積元門上土操卓識坐視夜旦如一息甲子未周卜窀穸辨方置泉龜乃食曰吾遺蛻此其宅

新門散記

辛

家人運鏹仞丈尺黃腸深錮陰縵塞厖洪久闕俄洞闢數實有待非偶適山靈藪怪紛衛翼孰敢躡之我其斥維此有道之兆域高風不磨過者式有弗式者視茲刻後千萬禩無終極

秦檜舊第

今布政使司署宋祕書省杭人傳爲秦檜舊第者非也檜舊第卽德壽宮先是望氣者言其地有鬱蔥之祥檜專國寶覬覦焉請以爲第其東偏卽檜家廟西則一德格天閣之故基檜死遷廟主於建康遂空其居高宗將倦勤卽檜舊第築新宮紹興三十二年六

月戊辰詔以德壽爲名丙子內禪禮畢遂退居之以朝禁爲南內以此宮爲北內亦稱北宮宋宰輔編年錄十五年六月賜檜甲第一區丁丑幸檜第咸淳臨安志紀事云檜以紹興十五年四月丙子朔賜第望仙橋丁丑賜銀絹萬匹兩錢千萬絲千縑有詔就第賜燕假以教坊優伶宰執咸與中席優長誦致語退有參軍者前褒檜功德一伶以荷葉交倚從之談語雜至賓歡既洽參軍方拱揖謝將就倚忽墜其幞頭乃總髮爲髻如行伍之中後有大巾環爲雙疊勝伶指而問曰此何環曰二勝環遽以撲擊其首曰爾但

新門散記

三

坐太師交倚請取銀絹例物此環掉腦後可也一坐失色檜怒明日下伶于獄有死者於是語禁始益繁芮煜令裕等吻禍蓋其末流焉又云初賜居第時兩浙轉運司置一局曰箔場官吏甚眾專應副賜第事自是訖其死十九年不罷所費不可勝計其孫女封崇國夫人者謂之童夫人蓋小名也愛一獅貓忽亡之立限令臨安府訪求及期貓不獲府爲捕繫鄰居民家且欲劾兵官兵官皇恐步行求貓凡獅貓悉捕致而皆非也及賂入宅老卒詢其狀圖百本於茶肆張之府尹因嬖人祈懇乃已

任松鄉

元任士林字叔實號松鄉奉化人杜道堅住宗陽時館之於宮教授弟子者有年故所作碑文最多大護持杭州路宗陽宮碑曰世祖聖德神功文武皇帝以神武不殺一天下故日月所照熙然邃古之世素樸之民以慈儉無爲理天下故天地所合藹然清淨之治寧一之風是以天保定爾之詩海隅不冒之臣所以朝夕必祝必嚴其地以歸之至元十三年太傅淮安王首舉杭之宗陽宮尊師杜道堅應聘入覲師恭持瓣香稽首上前爲江南民命昭謝聖德天顏穆然

新門散記

三

在廷皆稱萬歲由是時賜召見訪問治道尋被旨乘傳江南詢求賢哲有道士仍賜璽書護持又明年被璽書東還初宗陽之建也柝以故宮遺址凡土田之在華亭登瑞者以賜以資逮尊師之還也方墮劫灰之餘瓦礫未疏元全采集于是規舊址輪心識掄巨材盡堵制握毛樹林輦塊成阜業且營之人情厭事而師亦拂衣矣師乃退居吳興卽封禺之地時竹萬箇木萬章曰美可材吾志達矣越二十有一年是爲大德八年有旨賜璽書起杭州路道錄住持提點宮事師振衣出山疏去蠹蝕斧斤日聞有門有墉崇

之植之有殿有壇級之甃之有堂有廡修之邃之有
庖有廩潔之時之檜柏松杉日澆滋之地溝邱阜日
疏積之鐘鼓有節幢蓋有儀雉誦景止洞歌來思維
宮貳是縫是彌維教父是施是資於是考制定宜大
振初矣夫維老子之教立世之矯矯亢亢屣棄富貴
芥視事功往往託而逃之故呼吸煉養以構其元禱
祠祭祀以通其神然象帝先強道名意果是乎今夫
作者談皇道帝德之盛以揚至治揚性命禍福之蘊
以開羣蒙存君臣政禮之舊以飾人心力棟宇封樹
之勤以恢人事則無爲而無不爲老子之道始日著

新門散記

三

矣若夫罷軟而事佞而食矜厲終身自以爲不廢
綱常之植閭師之風獨無愧乎乃爲銘詩以昭大道
銘曰吳山之東峩峩其宮千楹雲翼萬瓦鱗從維久
乃隆惟抑乃崇維師之功有所有沖有馮有宗天子
萬年四海會同老子祠碑曰道有超世而極立言有
憂世而教行是皆負上聖之姿周流天下出入渾淪
德盛而時不來者之所爲也老子是已夫老子生殷
之時仕周之日所掌三皇五帝之書四方之志凡天
地之間消息盈虛治亂升降之故閱之熟矣是故心
超太極之先道出羲軒之上退而論著五千言無爲

之道忠告其上有爲之業善道其下所惡飾仁義之
名以禍生民其意深矣於是尹喜幸鉞列禦寇莊周
庚桑楚南榮越士成綺崔瞿柏矩尹文子之徒得其
言張良陳平曹參之倫得其道得其言者曼衍多方
恢範乘之得其道者建用一致清淨載之寢以成漢
文景刑措之治有以哉然而淮南神仙黃白之書出
武帝方士禱祠之事行而後老子之道始詘於是峩
其冠者爲老子之徒誦其書者爲老子之學求之老
子之道則芴然如也吾嘗致憾於此久矣大德十有
一年當塗杜君道堅築老子祠于杭州宗陽宮之右

新門散記

番

象設巍然凡書存而言立尹列而下班以十子各東
西坐衣冠古雅道德以尊旣成村君執簡曳佩執事
有恪籩豆有儀拜跪有容予以洗千古荒唐之愧可
謂知本者矣蓋杜君嘗注道德上下篇又著原旨發
揮盡闡皇道帝德之蘊且圖老子及十子像以翼其
學今爲是役也使襲明沖用之士且暮遇之瞻仰之
下其於宗教非小補也嗚呼羲軒遠矣世不幸而有
老子之學長往不返之徒取資山林猶幸有老子之
書道德功力之辨有證後世曹參之倫烏足伴哉遂
爲銘銘曰象帝先唯老子尊道德抑仁義以援淪匪

樹異遶豆陳祠容闕班十子東西置古衣冠人仰止
載清淨裨世治後有作敬勿墜宗陽宮三清殿上梁
文曰玉京三境之居威顏如在天子萬年之壽景福
有所睠惟宗陽之宮翼近省垣之地山川交慶棟宇
一新載惟杭州路道錄住持提點南谷真人遇聖
朝恩承先帝理身如理物日深抱一之功事君如事
天時謹祝釐之奉越自絳車之聘召游被璽書之護
持元都之樹森入垣墉滄海之波輦爲基築於是輪
奐極東南之美經營來山嶽之奇畫棟朝飛開金闕
寥陽之殿黍珠晝現儼瓊林羽蓋之尊增八荒壽域

新門散記

美

之基侈四海太平之觀以朝以夕以禱以祈自我聰
自我明擬形容是之謂象在其右在其左非壯麗無
以重威爰舉修梁載陳美頌拋梁東海月團團上碧
空若木風清黃道直太平風物萬方中拋梁西瑤臺
新月碧雲低閨闔春深王母宴九重孝友壽天齊拋
梁南殿閣薰風入陛簾星極老人游象闕遙呼萬壽
華封三拋梁北斗極天星星厯厯五雲深處紫微明
炳炳前星垂正色拋梁上萬國熙熙瞻治象風時雨
若泰階平鑿井耕田人擊壤拋梁下百穀芄芃秋滿
野人人鼓腹慶豐年草笠黃衣通八蜡伏願上梁之

後元風昭布道化流行皇矣上帝鑒觀四方行天下
歸仁之治錫厥庶民斂時五福致臣子報上之情宗
陽宮講堂上梁文曰青牛車之立教以道授以言傳
玉塵尾之談元其人存其政舉睠宗陽之主宰實教
門之棟梁昔畫宮於堵垂三十年今自堂徂基爲第
一義恭惟南谷真人言爲世則心與天通八彩重瞳
接清光於堯舜兩儀四象探元旨于義文發老子五
千言爲有用之書去堯夫二百載得不傳之學無爲
之爲蓋自有道可久則久夫亦何心邱壑胸中三年
種竹十年種木笑談物外左手爲矩右手爲規於是

新門散記

美

植幢葢于瓦鑠之場使城郭有山林之趣鼓於宮聲
於外來霞履于四方跂斯翼翬斯飛振宗風于千古
載陳善頌爰舉修梁拋梁東吳越平分一水通曉日
高懸黃道直蓬萊一葦起天風拋梁西空翠濛濛水
一堤鐘梵聲中祠太乙星階月地碧雲齊拋梁南碧
漢河西塔影參坐鎮飛濤跨胥種箭痕吹影老虬髯
拋梁北北闕巍巍開斗極虛危垣下繞龜蛇仙風珊
珊飛白石拋梁上萬歲千秋開治象祥風甘雨報豐
年四海熙熙民擊壤拋梁下薊雨燕雲擁宗社一堂
穆穆眾賢和藪鳳郊龍無遜野伏願上梁之後道均

布物講舌懸河垂黍珠于九天遠者來近者悅湧玉
局於大地統有宗會有元用開後覺之天欽祝聖人
之壽又有佑聖觀元武殿碑曰北方元武虛危之垣
聲光靈異倬有神化是故靜樂之流祥武當之著跡
昭昭乎不可掩已夫天生民有欲吉凶禍福動與知
防鬼神禮樂相爲昭布故禱祠之事出焉而劍履沈
沈元燾風靡高視下聽時游民間不回之福明畏之
威影響不測有相之道於是昭事孔虔自邦國達杭
有佑聖觀在城東隅昉自宋淳熙更慶元逮端平迄
清佑麓樹田租始具籍入庭壇殖殖丹碧斯皇所以

新門散記

三

寅奉上帝而元武得專祠焉仇君安一實經始更十
五傳陸君宗輔手陳畚揭且營復之當元貞之元王
君壽衍被璽書實來凡高居邃宇叢房聯序震赫沖
傲昔曠今完登校之章錫自尙方紀烈之文載在樂
石蔚爲盛矣大德六年十月元武殿災瓊芳不將几
帟如失民士慊之於是提點觀事吳君存眞掄材爲
倡畫堵以謀金錢之施踵門日來明年五月今住山
提點孫君益謙被璽書執簡曳佩退自珍庭顧瞻有
懷乃究乃理材惟堅良工惟精碩瓦必陶貞石必礪
密又明年三月殿成崇修而神靈集整沐而視聽尊

玉垣沈沈羽衛秩秩景福攸降嶽峙川行夫惟元武
稟剛正之姿負忠孝之烈有象在天有靈在人固不
待祠事而尊象貌而嚴然而人心掩著之故多矯舉
之辭侈神道設教容得弛乎夫然則登庭之事拱極
之民叩齒而神存觀容而心惕折回躬於未萌援正
直於弗植遷善遠罪民不逾德固非所以昭刑政之
助乎乃爲詩以永敬事銘曰紫微巍巍帝清穆若有
人兮樹元燾長劍陸離佩蒼玉手提天關履地軸纔
槍無光蚩尤伏下與濁世掃氛毒卻邪輔正清九牧
我民敬事勿敢瀆有赫其宇鎮南服瓊芳升堂車擊

新門散記

三

穀歲時昨之人穀穀蛟鱷遁兮虎豹逐風雨時兮年
穀熟於萬年兮荷天祿與之游兮世義譽又有佑聖
觀道士吳存眞募吳德潤金鑄牛鼎銘曰牛斯負鼎
斯薰祀元武祝聖人松鄉於大德中教諭上虞至大
元年以中書左丞郝天挺薦授湖州安定書院山長
二年七月卒於杭州客舍年五十有七趙松雪爲作
墓誌銘

潘孝子

潘隆居柴木巷有子曰婿年十五矣乾隆己亥臘月
之望隆出其家有養子夜醉失火瑄救母丁氏不獲

燼焉瑁姊珠姑適歸寧方火熾或拉之出姑曰母在何去爲且汝男子也胡拉我遂號泣抱柱死秀水金寅爲立潘孝子傳其姊亦烈女也里中黃相圃先生爲賦詩云火德尊兮直不親女丁太毒母丁身禁煙千古猶憐介合爲潘郎罷臘辰母在如何命可逃甘心焦土不膚撓摸碑定有中郎在一例名傳孝女曹

汪貞木

汪貞木杭諸生居芝松里夜嘗以青火出屋內疑有寶物聚昆弟家人啟之至丈餘無所見唯得一石長六尺餘青瑩光潔可作石案以水浴之一屍影橫于

新門散記

弄

上家有乩壇眾扣之乩以詩示曰此疾我能知二人心在茲亡魂唯小女相見是心期末復大書方孝孺三字乩遂寂然眾不悟詩意更召一仙符畢乩運曰吾位女侍香吏也既閱方詩乃大書大笑哈哈此正學先生譏女等耳語含癡念妄想四字也見景菊公山齋客譚菊公又言汪所居屬佑聖觀後隙地實宋內宮也疑有宮人得罪死或以石壓故有此影青火卽燐火味仙詩有亡魂唯小女雖含妄字蓋亦兼示此故耳

嚴少司農祖居

嚴少司農瀨亭先生所築皋園東城雜記詳載之其祖居在薦橋東里人稱爲嚴衙衙公每日所行事夜輒疏記之分年者爲籙知錄日錄者爲日記其記初生時曰余生薦橋祖居初不知身在何處若有二人掖之朦朧如月下行至一家屋角日光照其上如火遂如墜沸湯中不復記憶

學宮五色鳥

明成化庚子歲有異鳥翔于錢塘學宮其文五色諸生異而賦之見七修類藁獨李子陽少宰曼一詩爲人所傳詩云五色翩翩世所奇講堂飛止正相宜祇

新門散記

罕

應覽德來千仞不爲希恩借一枝羨爾能知鴻鵠志催人同上鳳凰池狀元魁選皆常事還向天邊作羽儀是秋舉鄉試第一甲辰遂大魁天下歷官至南京吏部侍郎

鄒之嶧

清波小志鄒之嶧字孟陽錢唐人住薦橋東山衙以財雄於里中有別業在河渚又雷峰之陽有書室名遯園亦名小築取杜詩畏人成小築意鼎革後已鞠爲茂草矣

陸氏菊逸

望仙橋下市廛閒汨汨紅塵沒馬鞍誰種禽花滿幽圃故收野色入晴闌籬根荷插培深雨鄰曲移盃對早寒玩此芳叢足怡老南山當戶不曾看又序云錢塘陸孔昭以菊逸名其齋居余嘗爲之賦詩孔昭謂未足以發其意又屬余序之昔周子謂晉陶淵明獨愛菊又曰菊花之隱逸者也淵明爲晉處士若是花之不與羣豔競吐而退然獨秀于風霜搖落之時則淵明可謂菊逸者矣孔昭名宗亮蓋慕淵明之爲人乎然吾聞淵明中歲更字元亮者慕諸葛孔明也孔明與淵明出處不同吾不知淵明所以慕孔明者何

新門散記

聖

故淵明與孔昭又不同吾不知孔昭所以慕淵明者何事吾以人求人猶不得其所同又烏知夫菊之有同于孔昭者乎蓋嘗思之士有曠百世而相感者不于其迹而于其心物非人而能與人同者不同乎人而同乎天惟其心之可以相感則淵明何必不爲菊惟其天者之可同則菊又何必不爲孔昭然則孔昭雖自命爲菊逸亦何不可之有哉雖然是亦強言之也真得菊逸之趣者又在于忘言乎孔昭恬靜而嗜學爲詩多秀句嘗從劉師魯先生游師魯隱君子孔昭又得其隱操云見陳眾仲安雅堂集

草元閣

妮古錄云楊廉夫自號鐵笛道人鐵笛在張仲仁處聞其色有羽絲損而多坎坎之不能成聲矣廉夫草元閣至今尙存望仙橋閣署付之祝融可惜董元宰容臺集草元閣讀書記云道廣星辰聚人豪湖海間余贈陳懿卜丈詩也懿卜爲吾師五雲先生之子世其家學賦詩擊劍以隱兼俠名聞湖海間程中丞開幕大梁聘之署中相得甚驩偶偕與觀射君不禁伎癢連發三矢皆應弦貫革中丞奇之曰吾何敢以阮瑀輩盡公乎具書薦之薊門雲中大中丞吳公吳故

新門散記

聖

與君交善及是君以戎服見驟若不能當而翹材之館待用者殊夥所與奉稍亦有甲乙君特在甲館諸將校目注君謂文武具宜莫敢以雁行進會大中丞避言歸君仍游長安時金沙周冢宰亦撫虔州延君經歲者君不復懷刺請謁惟與酒人劍客悲歌燕市雷火之變君幸竄身几下得全遂賦五噫返三徑居郡誌所謂草元閣者此元末楊鐵崖之所構也元社已屋且三百年而此閣巍然居者鮮稱君雖沈冥貧士顧以博雅風流讀書其中可無愧色矣敬爲之記

東圃

錢塘王君景周自幼卓絕偃蹇不屑于俗俯仰辭家於佑聖觀學道今以教主嗣天師之命提點元妙觀而仍居佑聖觀之西廡居之東有地二畝而羸君翦荒爲圃圃故多竹芟夷焉存者數百竿中虛可列坐風月之夕或觴或弈無適不宜曰洗竹亭亭之右其地隱然以高其植鬱然以茂則七葉木曰七葉坡出坡之西轉而入有屋兩楹靜然嚴謐不聞人聲中度裴几瓊函森列焚香端坐而閱之于以濯神扃于以契道機曰禮經筵筵之後有重屋朱甍碧瓦翔于物表平視西山下瞰江湖君一切賓之惟瞻前白雲思

新門散記

聖

親之不可見而泫然出涕曰夢雲樓樓之下簷之外深簷翬飛護以欄楯傍植葡萄蔓延其上綠葉沈沈彌布四阿清風自生日影不下曰清暑簷簷之前黃精蒼耳白朮紅藥椒蘭芑芷杞菊之屬雜然竝峙秩若布封曰種藥畦中畦築圓基而漫以甃一鶴棲息其上甚馴曰馭鶴臺臺側鉅石虎蹲可踞而吹笙曰吹笙石石側冬青十餘株離立若相峙而高皆數丈蒼翠布漢掩映天光下發小徑曰冬青徑徑南出直小園有井焉甘冽異常好事者得開元宮浴鷺池八稜石欄昇以遺君君置諸井上曰天一泉而總題之

曰東圃蓋俱囿于圃中而圃在居之東故云名人勝士日從君尚羊其閒釋然解聲利之縛脫然去嗜欲之牯倏然與造物者游飄飄然若從安期生羨門子歷瀛洲而登蓬壺不自知在都會之區闐闐之中也既屬工詩者各爲賦咏復求余爲之記余聞君能驅馳走霆與雲致雨而尤長執不祥劾鬼物豈非有道之士哉有道之士以白爲室以元爲宗以虛爲實以氣爲車下上星辰出入陰陽而謂樂于斯乎則君之治亭圃以事游觀也豈若流俗之士假標雅之所資遊息之物以養其視聽而邊其潔修夫亦寓意于物

新門散記

四

而與人謂徒云爾又豈余所得而記乎然其抗志于埃壘之外如此聞其風者亦可以興起矣乃爲書此記明蘇伯衡作按平仲集未錄此文特存之

錢塘學宮記

天下有得人而興者得宏識正體之人興之雖微亦重何況風化所自出先聖攸憑者乎吾杭鼎建三學二百餘禩聖澤沾洽人文恆甲于海內錢塘視二學地少東國初以來增修之著者凡五最後爲萬曆丁未迄今僅三十餘年而傾欹崩折不支風雨聽講雍容之地幾鞠爲茂草若是者何哉微芒不輯則至于

摧落當事者或有其意而無其暇暇矣力有不給故也會武昌鄔侯始至謁廟俎豆斯陳荒蕪滿目愾焉永歎不寧夙夜于是庀材鳩工首捐俸百金合當道暨紳士之助得金若干瓦甃棟椽必求精堅餼工備值如民間不以官事煩百姓適直指中州梁公巡鹺按郡聞斯舉欣然曰是誠不可緩檄百鏹佐其急而明倫堂先成梁公舉耐祝之冠蓋之倫耆舊之老以及諸縫掖皆動色感歎有肅雍興起之思越數日佑聖觀不戒於火將延齋署公先諸有司至向火虔拜風即返而燄熄其精城所格若此于是尊經閣啟聖

新門散記

巽

祠次第繕葺宮牆峩峩聖賢式臨如聞肝蠻焉太冲作而言曰三代之制其僅存而未泯者惟庠序一事而已本朝養士及選試之法視唐宋最爲純正嚴密以故士舍是別無仕進之階而國家舍是亦無以收真才之用今欲振士習莫如申明舊法使敦本就業實受約束磨礱之久將必有剛毅任事之輩出焉安見文士盡空疏蓄縮無當緩急乎規矩明則耳目清耳目清則心術正心術正則守之而成行之而勇不可感以非義誰謂今日表樹規矩之地爲可緩者故修尋丈之緒而闢天下之大立先聖之業而廢久痼

之憤諸君子用心抑何遠哉抑何急哉梁公名雲構河南蘭陽人戊辰進士鄔侯名順昌武昌人丁丑進士署學正王君名國儔順天人庚午舉人司訓方君何晉慈谿人唐君瀄長興人稽督則佐尹王君家植河南人皆歲貢士翰林院編修吳太冲記

宋豆元鐘

阮文達兩浙金石志有宋秦檜家廟銅豆文云惟紹興丙寅三月己丑帝命作豆賜師臣檜宗廟以薦菹鹽惟予永世用享器高三寸徑五寸九分深一寸七分旁有篆文銘二十九字得之武林攷檜子王熺好

新門散記

巽

古鐘鼎文善作繆篆時爲翰林學士兼侍讀此篆熺作無疑字體不合六書古人于君錫祭器必曰某拜稽首對揚天子丕顯休命某其子子孫孫永寶用享人臣體制宜然此乃不稱臣稱名而稱子可見其無復人臣之禮又有元宗陽宮銅鐘銘云維大元延祐乙卯五月戊申朔十九日丙寅隆道冲眞崇正眞人杭州路宗陽宮住持宮事臣杜道堅範銅千二百斤作商子癸鼎一壺二永鎮昊天寶殿爲國家祈天永命徵福生民篆書十四行行五字按萬曆杭州府志延祐間杜南谷眞人重建南谷卽道堅也又有宋賜

青銅古鐘已不存此道堅重建觀時所鑄不藉檀施用銅千餘斤可徵其道力矣

褒忠祠

錢塘學宮之東有褒忠祠改清軍公館爲之祀明革除死事諸臣翰林院修撰王叔英文學博士方孝孺江西副使程本立副都御史陳性善太常寺少卿盧原質左拾遺戴德彝都給事中龔泰戶部侍郎貞敬戶部侍郎盧迴谷府長史劉璟蕭縣知縣鄭恕東平州吏目鄭華監察御史鄭公智陝西僉事林嘉猷十四人萬曆三年巡按御史蕭廩奉詔請建武英殿大

新門散記

哭

學士餘姚呂本爲記祠正堂三間川堂後寢亦如之兩廡十二間繚以周垣阮文達撫浙時題請守土官歲時防護

安晚軒記碑

元統三年二月庚申文素仁德誠明真人孫公作軒四楹於佑聖觀之東北檐牖豁疏几席清晏列圖書玩好之物於左右將於是老焉三月丙午公生日時年七十諸孫薛義等繪公像爲壽而請名其軒曰安晚以公命來徵記其言曰公承累朝寵命主延祥佑聖兩觀兼領杭之道教幾四十年未嘗以爲榮煦養

徒眾惠和愛如一日未嘗以爲德及建延祥於變遷之餘而崇殿廣閣穹門邃廡與凡室屋園田水石華竹之屬無不善備未嘗以爲勞杭爲東南大都會官于茲者多貴人大官與天下之名士大夫則皆與公雅游情誼雖篤未嘗以豪髮事干焉佑聖祠元武神杭城有禱必應蓋亦由主祠者精誠所萃有以格元靈而導嘉貺也是軒之成故皆喜而言曰公雖有意知足知止之道亦庶幾安乎所居以遲高年於無窮平幸爲文記之夫人精神強則足以極思慮之微氣血盛則足以任勞勩之劇顛危困厄常相遭而無相

新門散記

哭

角也及夫齒髮既衰役其心則神察馳其形則力做視聽言動一或過于用焉則病矣故必有以寧其身而無擾其真焉譬元氣發宣于春夏而斂藏于歲莫也萬物于是乎處天地之房而蜡以息老所以服勞而順物性也孔子安老之義其有異于此乎雖然欲安者人之同情也而人則有不得然矣蓋天下未有不爲其事而能收其效者足以有爲之時而弛然無後日之虞窮力以行險而欲求安宅之歸若是者吾知其無所于休也然則其必有道之士而後能安于晚乎真人總道紀吳會累勤積慮亦既久矣而經營

彌縫於延祥佑聖者皆築安晚之基也況夫以約素自持而接物于泰和之圃酬酢一世而未嘗爽其初心則其所以爲安又豈晚而始然也登仕郎江浙等處儒學副提舉陳旅撰并書中書平章政事翰林學士承旨知制誥兼修國史奎章閣大學士銀青榮祿大夫涼國公趙世延篆額元統三年六月十日建金華陳瑞刻右碑在佑聖觀正書二十一行行三十五字篆額四字額左右刻麟鳳二像蓋仿漢山陽畫像也

瞿宗吉

新門散記

巽

瞿佑字宗吉號存齋舊居薦橋街年十四鄉人張彥復指雞爲題命賦之佑應聲成詩彥復大加稱賞手寫桂花一枝并題詩云瞿君有子早能詩風采英英蘭玉姿天上麒麟原有種定應高折廣寒枝以贈其父遂構傳桂堂見堯山堂外紀佑叔祖名士衡登至正十九年鄉榜嘗築一舍自署曰西泠草堂伯名元範楊仲宏其祖姑丈也楊廉夫過杭必訪士衡宴飲傳桂堂畱連累日洪熙乙巳赦還著歸田詩話子名達領河南鄉薦姪名德恭德宣德潤德恭之子名廷用中書舍人餘詳七修類稿

以齋

都邑浩穰承平日久上恬下熙勿慮勿圖一旦風塵倏起父子兄弟對面相失顧我心之天者獨在過墟故睹遺蹟感慕傷嗟有不能自己者焉若荆叔麟之復爲此齋是也叔麟之先父諱某自號以齋居杭新門裏朝市肩相摩不樂仕進自壯至老手不釋卷尤善書以齋其所書也八法咸備見者欣羨生乙亥終丙子年六十有二五子綸緯絃紳素綬節叔麟少年事遠游去杭且三十年歲乙巳來歸自宣問其兄弟鮮矣問其屋廬燬矣興言往事無與其語古有爲鶴

新門散記

辛

言者曰去家千年城郭如故而人民非而冢壘壘歲代遼邈理有必然無足怪者三十年者特千年之一瞬息爾叔麟之所以遭遽至於此可勝歎哉幸四世之祖墓在西湖之上守者無恙再獲瞻省有念以齋不可復見不覺感慕傷嗟非吾心之天哉其孰爲之要當以世變論叔麟卜居鄉閭復爲以齋子昂集賢趙侯爲大書而揭之越丙申夏因來寄聲求記其事予惟以齋以以名齋非徒自謂也蓋將遺其後之人不在叔麟乎夫生事之以禮死葬之以禮祭之以禮爲人之子終身行之猶恐弗盡況生事死葬祭之而

不得以其禮欲報之德昊天罔極此心當何如傳家
名齋曰以以之一字叔麟固宜敬恭朝夕奉以周旋
思其音容而屬其荒絕存其手澤而著其德善以齋
在是則我親在是吾親在是則吾心之天在是千載
一日而何三十年之有叔麟人今而貌古有學問有
踐履必能立身揚名以圖其孝之終以大其門以無
愧以齋之義矣見牟氏陵陽集

杭檢討遺事

杭檢討世駿錢唐人少舉於鄉乾隆元年以鴻博科
官翰林性伉爽能面責人過同官皆憚之朝廷思得

新門散記

至

直言先生應詔語過戇直末又言滿洲人官督撫者
過多觸

純廟怒抵其卷於地者再已復取視之尋放歸家故
不豐授徒自給主揚州定安書院者幾十年以實學
課士子暇即閉戶著書不預外事又不喜讀邸報同
歲生或積官至大學士總督先生不知也劉文定綸
服闋以協揆內召過揚州訪先生先生曰汝今何官
曰參預閣務者已數年先生譙之曰汝吳下少年耳
亦入閣辦事邪闔堂笑乃別先生歲必兩歸錢唐無
事或攜錢數百與里中少年博家近望仙橋下時吾

鄉錢文敏維城視學浙中詞館後進也一日盛暑張
蓋往訪先生頭踏過橋下文敏已從輿中望見先生
短葛衣持蕉扇與諸少年博正酣文敏即出輿揖曰
前輩在此時先生以扇自障業知不可掉即回面語
曰汝已見我邪文敏曰正詣宅謁前輩耳曰吾屋舍
甚隘不足容從者文敏固欲前先生固卻之始尋道
反文敏去諸博者始從橋下出驚問曰汝何人學使
見敬若此曰此我衙門中後輩耳遂不告姓名去此
洪更生太史所記遺事也至今望仙橋一二里老猶
能述當時豪態云

新門散記

至

泉州楊客

夷堅丁志泉州楊客爲海賈十餘年致貲二萬萬每
遭風濤之厄必叫呼神明指天曰立誓許以飾塔廟
設水陸爲謝然纔達岸則遺忘不省亦不復紀錄紹
興十年泊海洋夢諸神來責償楊曰今方往臨安俟
還家時當一一賽答不敢負神曰汝那得有此福皆
我力爾心願不必酬只以物見還楊甚恐以七月某
日至錢塘江下幸無事不勝喜悉輦物貨置抱劍街
主人唐翁家身居柴垛橋西客館唐開宴延仁楊自
述前夢且曰度今有四十萬緡姑以十之一酬神願

餘攜歸泉南置生業不復出矣舉所賫沈香龍腦珠
琲珍異納於土庫中他香布蘇木不減十餘萬緡皆
委之庫外是夕大醉次日聞外間火作驚起走登吳
山望火起處尚遠俄頃間已及唐翁屋楊願語其僕
不過燒得麤重亦無害良久見土庫黑煙直上屋內
摧塌烈燄亙天稍定還視皆爲煨燼矣遂自經于庫
牆上暴尸經夕僕告官驗實乃得藁葬

惠民藥局

吳農祥撰碑記曰浙閩總督劉公瑞圖蒞政之二年
我

新門散記

壘

國家底定已二十七年矣

皇上勵精求治物大而豐公與大中丞觀公范公提
攜而綏撫之俾無天札疵癘之傷民物欣育登三咸
五快睹其盛庚戌浙大水辛亥旱公與范公屢繕疏
上其事凡所建白停新征蠲舊賦民忘其苦公慮兩
浙爲東南劇都水旱亟見災疫將興乃卜地佑聖觀
設立藥局自八月十日至九月二十日徵里中名醫
爲單寒請命凡蠲俸一千三百有奇活民十萬八千
五百有幾分部授治而疫癘不爲災浙之士民不忘
公德思勒石以紀之而屬於余余曰是誠不可忘也

周禮以荒政十二聚萬民一曰散利二曰薄征三曰
緩刑四曰弛力五曰舍禁六曰去幾七曰眚禮八曰
殺哀九曰蕃樂十曰多昏十一曰索鬼神十二曰除
盜賊以保息六養萬民一曰慈幼二曰養老三曰振
窮四曰恤貧五曰寬疾六曰安富若是其周備也醫
師列於天官掌醫之政令疾醫治疾瘍醫治瘍文先
之食醫以保天和似不爲備荒設然吾聞荒政十二
始於阻饑播穀之命至成周益詳保息有六行於平
時防民之未然者無不盡焉而於貧窮老幼爲尤急
蓋上古風俗淳龐未罹寒暑疾病不生純樸未離不

新門散記

壘

須補救中古之世臨觀八極炎帝神農之主雷公桐
君之佐竭力救療而醫始興人生之難至煩君相之
補救蓋太和早散而藥石之救不可緩矣況四時皆
有厲疾之氣值飢饉而尤甚哉周禮救濟民生至深
至察遺人所掌則常時收委積待凶荒而施之也廩
人所掌則歲計豐凶爲嗣歲移就之地也恩已沃矣
而司救凡歲時有天患民病則以節巡國中及郊野
而以王命施惠李觀有言曰指疾疫也不然三代以
下時有令主鬻子命養老之詔以至崇慶創安濟瀆
祐立慈幼其救貧窮老幼者至矣而於醫缺焉豈深

知聖人救荒之意也哉未慶厯時河朔大水知青州富弼以救流民著績邱濬曰老幼強弱聚則蒸為疾疫富弼以一青州守而活河朔數萬民非徒活民兼且得兵以余論之富公京東之政出私粟給官廩擇公私廬舍散處其人此能濟人於可生者也公督浙以來民值水旱凶飢之災而有次第安居之樂逆知氣候之必至而保全之此能延人於必死者也行昔京東之政則民無不生行公今兩浙之政則民無必死吾知公活國之才當與

聖天子宵旰之心相為桴鼓而延醫以救民更足備

新門散記

姜

荒政之所不及豈徒浙之民德公活之恩且列國之防荒者暗符周禮司救之意永為良法可矣

方氏東園

余友方君以常之別業在吳興者有三余嘗為之□□一年□復買宅錢塘宗陽宮之後而徙家焉又明□□請得官地於宅之東以為東園數與余游其中且曰□之居子皆記之矣豈獨斯於斯園哉按臨安志載宗陽宮紹興初望氣者言其地有天子氣由是宗口之寧爭建第其上而孝宗潛邸實在焉是生先宗卒如相者口至咸淳中始詔以其地改築宮祠

老子宮後為御□□中有堂有亭有累土之峰激澗之地名花異草□□子常□原饗日臨幸其地其所載如此今宮即其址而□□實在宮之後荒堦斷礎隱然瓦礫中垣外土山高數十尺四旁多古木故余以為御圃基無疑惜乎歲月浸久欲問其遺事而故老無在者矣想其盛時禁籞之嚴池臺之茨堂堂翼翼雄桀瑰麗固帝王逸豫□□而為子孫億萬載之業者也然而百年之後腐壞零落化為邱墟蕩為禾黍狐狸穴之牛羊踐之而今方君得以為□有天

新門散記

姜

周覽遺迹慨昔人於既逝悟方來之無窮願瞻斯園如在傳舍不必視為己有也雖然家國之廢興□□數亦未始不由於人鄉使宋之後世善□□雖天□之大可長有也況斯園之寸地哉然則□□方君者世世得賢子孫亦可以長有斯園也故為之□□方氏之東園東西若干尺南北若干尺其土燥剛其植宜麻菽園中為亭其西為宅屋凡若干楹□於至正某年某月直若干園請於某年某月歲入租若干錢見張來儀文集

繡谷

吳焯字尺鳧錢塘人九歲能詩嘗與毛奇齡朱彝尊輩講學沈佳園奇齡詢格物同異時焯年最少居下座大言曰本末物也知本卽物格矣因舉黎氏管氏羅氏諸家指意竟相往復奇齡執手稱畏友康熙己酉

聖祖仁皇帝南巡召試賦詩稱旨丁酉
翠華再幸焯獻所著歲華紀麗續編十卷聖因寺志四卷海潮集說三卷皆宣付內閣焯家有古籐一本構亭曰繡谷自號繡谷老人花時置酒高會吟賞不

新門散記

至

倦喜聚書凡宋雕元槧與舊鈔善本數萬卷輯有繡谷薰習錄記所藏祕冊也與沈嘉轍陳芝光符曾厲鶚趙昱趙信七人各賦南宋雜事詩百首搜爬極富魏之琇詩云武林吳氏號詩藪亭子倚花名繡谷雅集當時多勝流豪吟邇日尚耆宿皆紀其實居在薦橋厲太鴻詩所云詩人家住薦橋街者是也子城字敦復號甌亭克承先業殫心羣籍勤加校勘數十年丹黃不去手乾隆間

詔徵天下遺書與振綺堂汪氏兩家皆進善本蒙賜內府書籍汪氏所居在管驛後衡宇相望鄉邦誇

爲盛事云

東軒

東軒者汪氏振綺堂左偏主賓燕游之室也主人滌原兼山秋巖天潛弟雅好客軒有池亭花木竹石之勝軒中樂事則投壺賦詩鳴琴作畫壺觴雅集無閒佳日胡君曉山仿伯時西園書法寫裙屐之盛圖中臨池憑几而操琴者馮芥舟也右側席聽者楊駕軒左拄頰深思者滌原拊倚立而注目者葉鼎占也秋巖樂靜坐遠乎琴實得琴理也投壺角勝負雖無耦亦好之坐石上觀小童拾矢者任廉夫也畫宜讀

新門散記

至

亦宜論展幅濡筆者曉山自貌旁坐語者江樂圃對坐語者汪若谷也雙松茂蔭襟花遶闌樂游之頃不忘執卷析疑者左爲趙恆齋右則兼山也前有拱揖相見者金西逾與主人詰嗣羣從七八舉一以該餘也循闌攜行而駐語者前則趙涪甫後爲關南河也萬綠濃陰竹光染人衣袂三人聯句分牋按膝而沈想者金桐巢倚闌坐待者天潛而余則凝神遐睎狀若已得句者然洞壑幽邃古柏參天童子執壺於旁杯光瀲灩開襟獨醉不聞爾許事者張贊元也會者凡十八人肖鬚眉體情性曉山妙筆傳神矣余館是

軒十有三年與羣公有新知舊雨之盛閒雲乍飛去
作金臺之客主人多情邀曉山爲圖以繼昔賢韻事
散者依然常聚其在斯乎松柏之交久而彌貞覽斯
圖也期勿諉焉朱文藻記乾隆丁酉之冬余自都門
歸過東軒與主賓話舊甚歡出觀雅集圖朗齋作記
俾余書幀首余與朗齋共晨夕者數年契闊四載今
甫歸而朗齋又匆匆言別南轅北轍蹤跡如雲友朋
聚首之樂仍於斯圖見之主人之用意良厚當不徒
賞其摹寫之工也嘉平望前二日尹亭湯憲并跋東
軒吟社圖道光甲申海昌吳子律衡照假館武林

新門散記

癸

驛汪氏之東軒東軒故汪氏先人雅集之地因與主
人小米遠孫續爲吟社月一會會不必東軒而東軒
爲多久之孫兩人同元之館永嘉梁久竹祖恩之官
始與子律之官金華子律久竹先後祖謝而吟社終
不廢今且歲陽周矣小米乃屬烏程費曉樓丹旭圖
之灌木依巖略徇橫水隨負花童子度而來者汪劍
秋弑也一童子掃花徑穿巖背出老樹下倚石闌執
葵扇者秀水莊芝塔仲方背侍女郎指池荷與語者
黃薌泉士珣池旁石壁插天曲闌盡處童子滌硯坐
石上填詞者項蓮生鴻祚水檻半露二人對坐其中

女郎執拂侍者爲餘杭嚴鷗盟杰及小米小米執卷
若問難狀小閣相連據案作吟社圖者曉樓自貌也
其倚案觀者高爽泉塏以手指圖若有所商榷者諸
秋士嘉樂閣前柳陰覆地置壺焉坐磐石上觀童子
拾矢者吳仲雲振械持扇聯坐者夏松如之盛童子
捧壺坐桐樹下浮大白者汪覺所阜據石几然吟髭
者胡書農敬其弟子鄒栗園志初執詩箋立于後展
箋雜誦者趙雪門鉞童子捧杖坐而聽者龔閻齋麗
正小童遞詩筒至二人對展詩卷者左爲陽湖趙季
由學轍右爲歸安張仲甫應昌古松蟠孳下蔭怪石

新門散記

辛

坐而琴者湯雨生貽汾並坐者陳扶雅善側聽者錢
蕙窗師曾倚松根撫膝而聽者汪又村适孫松旁有
石壁焉童子捧硯執筆就題者嘉興張叔未廷濟也
茂林修竹別成境界二人白水石間來持白團扇者
汪少洪邁孫奚童捧詩卷於旁者汪小逸秉健飛流
急湍石梁間之童子烹茶侍坐而執拂談經者南屏
釋松光了義旁坐則子律遺貌也夫人世之聚散何
常出處靡定重以死生之別此生若寄圖于何有然
當夫綺裳聯襪松竹有朋同岑之誼終不可誼則吟
社圖之作非他日東軒故事乎于是乎書甲午長至

後鄉泉黃士珣記爽泉高壇書

觀星臺

宗陽宮有觀星臺一土阜耳道流以爲宋之遺址按文獻通考孝宗淳熙十四年五月有星出濁際大與日等人時與日相摩蕩高宗在德壽宮登臺見之召能天文者修武郎王道問之道跪奏曰是謂蓬星見則有兵然分非中國夷狄應之耳出語所親曰非兵也喪爾某不敢言是冬高宗不豫遂上仙於是金人亦有大喪金亦應天道云道流之言亦有所本

張雯寓

新門散記

空

南宋古跡考云張雯寓在宗陽宮雯字子昭嗜書力學宋亡不求仕達隱跡宗陽宮時從故宮老校搜訪宋代遺事凡朝廷宗廟宮室輿服朝會宴享之事咸得其詳所著有雜潛錄德壽宮紀略見宗陽宮志

蛇異

紹興初行都柴梁橋旌忠廟有三蛇出沒庭廡大者盈尺方鱗金色首脊有金綫遇霽或變化數百於蕉卉間廟徙而蛇孽亦絕見文獻通考按旌忠廟俗曰三聖廟神一姓高名永能綏州人一姓景名思誼晉州人一姓程名博古河南府人元豐五年同爲統軍

力戰於銀川挺身抗虜以沒始廟食於鳳翔府和尚原宣和間方臘寇睦討捕者禱於神凱還奏聞始封侯中興初賜廟口旌忠加封六字王嘉泰初以早潮著靈加至八字一曰忠烈靈應孚澤昭祐一曰忠顯昭應孚濟廣祐一曰忠惠順應孚祐善利廟舊在清冷橋北見咸淳臨安志今三聖橋廟貌巋然即當日之舊基也

火災

武林紀事成化十年夏四月郡城望仙橋北河東蔣氏火延鎮海樓伍公廟海會寺東嶽行宮玉樞雷院

新門散記

空

下逮宗陽宮南至侍郎府北至鎮守府東至巡鹽察院西至布政司周環六七里居民三千餘家順治十三年七月火藥局災局設佑聖觀搗藥日中火燃諸礮盡發轟雷震地毒燄激射燎斃數十人皮膚焦爛者無算學署方聞聲忽黑骸自墻而墜聖宮遂燔按魏志順治十五年提學副使谷應泰重建先師廟新兩廡先賢先儒廟

新門散記終

新門散記跋

嗟乎先生之歿距今二十二霜矣半生著作淪於劫
灰錦不敏未能抱遺訂墜以存十之一二憾事也猶
幸吉光片羽時露人間歲乙丑從譚仲脩明府所得
先生吉祥室詩草一冊蓋十卷之五皆少作仲脩得
自王紉香員外紉香得自四明書肆卒歸諸錦而藏
之先生故交聞之咸索觀吳仲筠尙書刪存十之六
七許出貲授梓旋歸道山未果惟張仲甫中翰采入
詩鐸丁松生明府采入杭郡詩三輯而已松生亦注
於書者劫後東南遺文往往爲所購得其得自四明

新門散記跋

者居多而先生所著書數種在焉今年春松生猶子
修甫孝廉於叢殘手彙中錄出新門散記一冊將付
手民以錦嘗從先生游知先生生平屬詳述之錦聞
先生爲昭諫裔世家新城大父棠父景熹竝以新城
籍貢乾隆乙酉嘉慶辛酉拔萃科至先生始占籍錢
塘貢道光乙酉拔萃科一周甲而祖孫父子三貢拔
萃當日以爲嘉話時先生年甫冠以貢爲慈谿教諭
旋丁父憂去官中年試不得志於有司遂棄去不復
試一意於著作家故富於藏書盈數萬卷丹黃校勘
幾徧晚年尤好金石坐是所藏益富而家日貧矣先

生擁書自樂晏如也人有所不知叩諸先生輒源源
本本以告嘗自捫其腹曰此小小書肆耳諸老輩講
攷據者多推先生先生著作有經史質疑文廟從祀
賢儒表浙學宗傳敬哀錄趙清獻年譜金石所見錄
恬敦齋文集綜計百餘卷今所存者吉祥室詩草十
卷之五及此新門散記一卷新門者南宋所新設亦
名新開門元末改名永昌門今名望江門先生舊居
在宋德壽宮之左俗名吉祥巷故顏所居室曰吉祥
室地與新門近因攷其地之逸事以補志乘之闕乃
屬草未成者祇寥寥數十頁已足見先生之勤於攷

新門散記跋

據矣微丁氏并此寥寥數十頁亦無以存今出而刊
之所以謀傳先生者意良厚也雖未及十之一二可
不因先生而感丁氏歟光緒七年三月受業仁和胡
鳳錦謹跋

先賢集子嘉平

武林翁博學

許寶傳題

嘉惠堂藏版

序

吾老友丁松生先生世家於杭尤留意杭郡故事所刊武林掌故叢編余已為序而行之今先生既歸道山而其兄子修甫孝廉寄示武林雜事詩一卷則亦承先生遺意而為之者也詩凡百首皆樂府體題既新奇詩尤工妙讀之如讀岳陽風土記益都方物略矣昔左太沖譏上林甘泉之虛而無實其自為三都賦則謂山川城邑稽之地圖鳥獸草木驗之方志而宋張世南游宦紀聞云徧歷四路數十郡未見龍目有自南中攜來者蜀人皆以為奇果然則蜀都賦云

武林雜事詩序

龍目側生亦虛語耳若此百篇之作則真左太沖所謂美物者依其本讚事者本其實矣余非元晏何足為序因喜松生先生之遺意克成而此詩之足備武林掌故也故序而歸之先生所輯叢編第一集即有古杭雜紀詩集四卷不載作者姓名是書為四庫全書著錄然實凌雜無甚條理不及修甫此作異日國家重開四庫館吾知此編必蒙著錄無疑矣光緒庚子仲冬曲園俞樾

武林雜事詩

錢塘丁立誠

萬壽宮拜牌

黃牆碧瓦開丹墀元旦長至萬壽期前三後四穿蟒服不理刑事迓多福天威咫尺懷當陽將軍巡撫排班行三跪九叩有成例萬歲萬歲萬萬歲

明倫堂演樂

春秋上丁先三日諸生執事來演習學師臨視明倫堂舞六佾兮歌六章趨踰拜獻儀不忒金聲玉振大成集長官不來視具文何獨專責抱器奔

武林雜事詩

太平門打春

迎春東郊可以觀鞭罷土牛鞭春官今年芒神箱了角拔得牛毛五穀熟太平門外登春臺一打春從天上來掉換元寶上山快杭府上香兩縣拜

秋濤宮迎潮

潮來一綫海門白萬船尾對潮頭泊弄潮小兒手旗紅至今猶說錢王功迎潮來更送潮去回潮猛打西興渡八月十八官出城秋濤宮裏致祭誠

貢院看進簾

監臨監試與提調主試正副皆顯轎肅靜迴避關防

巖萬人道旁看進簾廉明望爾五公座須爲國家得人賀登瀛橋接青雲街野牛恃力休狂換

科場分善書

科場果報傳異聞人來善書場外分一見遷善改舊惡也好臨場抱佛腳孳孳爲善雞初鳴陰功積德榜上名切莫空談視一紙善念之充有如此

羅木營祭旗

霜降特祭元戎燾金盛鐵甲耀人目綠營兵下羅木營軍聲礮聲江湖聲秋主肅殺令如此欣欣見羽毛之美旌旗蔽日孔武揚如何戰功讓楚湘

武林雜事詩

二

將軍山演礮

巖巖山形惡如盜八旗營兵擊以礮霜秋試演壓勝之語雖不經古有辭農隙講武士用命雷聲隆隆將軍令六盜何必操戈矛軍糧扣積成山邱

七星缸驗水

玉皇山尖主火德上有鐵缸貯水七道士習懶擔水勞月月派官查一遭循例行止無不可杯水豈救輿薪火論功坎卦石亦同其力均難壓祝融

伍公山望火

杭城參差十萬廛竹籬板屋火易然火然某地不能

省伍公山頭望來準書望黑煙夜赤燦老兵獨誇眼力高官衙火速報司院更及七十二重半

蕭王廟排衙

紅袍監斬人無譁蕭王廟裏歸排衙惟神律令佐炎漢殺人者死罪難追若云呼喝除不祥有冤未白空解讓律例益繁心益小黃紬被底放衙好

海會寺設壇

歲旱禱雨雨禱晴天竺大士請進城海會寺中設壇禱長官徹蓋步行到例禁屠宰人素餐天心感應良不難偏災未可 聖世瀆入告時和歲大熟

武林雜事詩

三

一綫天見佛

飛來峰底一綫天沙門持竿來化錢仰首見佛俯首拜一綫光中一世界可知佛在方寸心只在此山何處尋靈鷲不飛石佛見不看僧面看佛面

神運井看木

淨寺一井海眼通濟顛運木神鬼工萬木聯貫一木斷陰沈萬古永不爛梅梁化龍天上飛爾何蠖屈忘是非可憐材大所見小醉漢作事真不了

照膽臺請印

關聖玉印如芥闌妖魔見之心膽寒奉香歸去印兩

面鎮宅如有帝君見銅者鐵者皆凡材 御題特重
照瞻臺縣官用印索有費知否尊親徧血氣

旌德觀跨爐

元帥廟中爐火燒一腳踏過兔枉消語雖不經牢不
破赤口白舌訴神座天門直入奏對清從此一跳出
火阮是猶執熱不以濯無情火定無形獄

助聖廟借花

里下娠婦十月候助聖夫人默相佑借得一花頭上
參先生如達還宜男神教民織食其藝民祀神如軒
轅帝還花攜子後殿楹願花長好人長生

武林雜事詩

四

岳王墳豎草

棲霞來拜岳少保墳前豎滿寸餘草從此健步如騰
雲能追岳家背嵬軍靈風一捲露碣石後來又拾草
重立莫嫌小草無力柔千里道路開驂騑

普門乞香灰

白衣大士坐高堂爐中香灰成仙方救苦救難妙靈
感一撮之多快吞噉温涼攻補諸性兼病者占得上
上籤死灰復然金鼎積香火錢又添幾陌

西泠借元寶

和靖居士一世貧忽然鄰買金帝神神也多寶利其

利借既不難還亦易世人何多高築臺故願爲奴死
守財悟得空來復空往神所憑兮信不爽

子公祠祈夢

人生在世如一夢誰報先機示愚眾八蟠嶺上子公
祠人來祈夢眠丹墀當年立君志嶽嶽也先如夢驚
而覺隨人窮達見南柯可惜營營著夢魔

雲棲寺避債

頂關塞壩大除夜舊欠未償新難借五雲山高如上
天雲棲寺中來過年蓮臺高與債臺比七筆句消而
已矣蓮池莫因歲考慌故願避債頭上光

武林雜事詩

五

太歲殿紀年

太歲上山人進香六十大歲坐兩旁甲子默數則誰
敬拜禱所專惟本命花甲重周更起頭與人相值不
相謀星君切莫越其次世人原多自願自

上清宮借壽

急病垂危命考終聯名借壽上清宮東方主生東嶽
帝神鑒眾誠乃有濟有借無償未了因世上原無百
歲人由來延壽命難算植壁秉圭周公旦

羅漢堂數像

靈隱羅漢五百尊遊人登堂先入門舉足左右默相

記年復一年數一位喜者自喜愁者愁人自取耳象
何尤一百以外羅漢笑問有何人數得到

法華山投文

冤旒金闕開神辰六房如水人如鬼法華山作小泰
山排衙胥吏列大班越人尙鬼眞兒戲事死如生不
知異投文名預在官身生前死後兩無因

靈隱寺轉輪

和尚嬾轉大法輪人甘推曳忘艱辛頭目清醒不眩
暈六氣調有神功運百千億佛坐輪中大聲如雷快
如風善哉善哉不可惰免爾後世罰驢磨

武林雜事詩

六

天官第搶駕

徐天官第何潭潭元帥過門宜朝參可知幽明無二
理事例一定不得已昭昭申節搶且行公然不可呵
殿聲天官子孫道旁拜扶鑿擦駕手腳快

定光佛摸腹

蟠腹大耳陳和尚留得金剛不壞相無稽饒舌老瞿
曇暗中摸索祝宜男可憐軀壳不知穢悔未火中化
三昧腹中何物如東坡定知不合時宜多

長舌妻捫乳

天目兩乳垂錢塘長城壞自長舌長棲霞賜葬奇冤

洗鑄鐵長跪赤其體人人手摸手幾污頑鐵豈如塞
上酥爾儻知羞捧心痛惟顙有泚乳有漣

黃妃塔拾磚

雷峯之塔磚八方白蛇可憐塔底藏造言取磚蠶花
熟剝盡黃皮割盡肉試問吳越未建前何物宜蠶五
德全晉文受塊五鹿拜一蛇終隱有何怪

楊髡象擊石

楊髡掘盡宋攢宮鑿石肖像飛來峰至今見者亂擲
石擊碎石頭露石骨不知明已戮其元冷眼見者洞
裏猿多寶天王冤莫訴石不能言但自悟

武林雜事詩

七

夢泉投銅錢

夢泉石龍大開口投錢入口好身手龍不吞錢錢不
浮但見龍口泉水流老僧泉上歌得寶普門香市今
年好飲此令人疾病蘇行可如之臭莫污

孤山放爆竹

聲聲爆竹鳴春雷早梅信報孤山開掩耳巢居高閣
上爆竹買把別人放同聲相應空山陽吹落梅花徧
地香鳴鶴在陰如子和春聲驚醒逋仙臥

落星石試力

落星山石一粒小眞箇萬人喫不了此推屹立彼動

搖隻手大力休自豪石在山巔非鑿空如何一綫下
通縫問名徒閱甘石經登峰造極來摘星

飛來峰吹聲

洞中有猿不再出千呼萬喚山成穴不識慧理如何
呼今但鼓氣聲嗚嗚此聲非螺亦非角洞口之石光
似玉有竅由來便可鳴不聞猿聲聞水聲

六和塔照幽

七層八面六和塔永鎮江潮用佛法千燈萬佛火放
光幽明照徹開道場江上望塔煙火放塔上望江金
龍狀燈前坐化有何人搬沙之鬼樂水濱

武林雜事詩

八

三義閣拜盟

聯盟異姓毋參商三義閣拜劉關張四海之內皆兄
弟縱犯王章行古禮但願人學桃園盟侍立不倦尊
卑明如何假義聚於社刺血同飲香一把

鳳林寺掛鐘

鳳林寺鐘利超拔產厄之婦來懸髮晝夜六時不住
聲錫杖卓破血湖城百八鐘聲九幽亮千鈞一髮佛
力仗目蓮尊者度幽冥敲鐘更誦血盆經

龍神廟開光

龍燈齊上龍神廟開光下山燈照耀蠹爾魚鼈幸乘

流依光附影逐隊遊一燈十戶中人賦鑼鼓春宵鬧
衙署人聚如雲雲從龍莫教破壁飛長虹

雙吊墳許願

雉經貧畢鴛鴦命夫崔婦陳草同勁人其傑兮地亦
靈梅花半朵餘芳馨求名求利求婚宦無病無災紛
禱願阿儂細語人不聞雙宿雙棲永不分

四方館索欠

牽猴曳犬如唱隨羣乞更假雌虎威垢藏污納四方
館代索貧逋不能緩任爾負者炊無煙窮奇養養惟
知錢負者亦成破落戶行將與爾以爲伍

武林雜事詩

九

哇哇宕長嘯

有元總管名哇哇來鑿寶石山成窪長嘯天驚石爲
破忽然此唱而彼和傳聲空谷最好聽探幽遠勝放
鶴亭蘇門鸞鳳聊養性未可三叫公孫聖

回回堂煎酥

以麪供天煎作酥天方之教與眾殊高堂西向同禮
拜死而薄葬遵其戒醜醜灌頂選佛場羅馬天主成
溢錫笑人入我門者寡餽飪餵餽釋爾雅

金華廟送蛙

是蛙非蛙神非神湧金池現曹將軍將軍遊戲著靈

蹟紅袍綠袍覓酒食降福降禍神所憑爲官爲私勸
與懲大禹見識子不語太常老道黃河主

百獅池飼龜

百獅池上投麻毬大龜負殼水面游龐然穴居有何
用管理銀庫職司重公私一例到口吞天光不見水
底渾水底防虞惟爾好庫門還藉狼常道

老東獄朝審

人鬼參半傳宣稟七月孤魂聚朝審金山銀山高崔
嵬直省文批領餉歸咸使聞知黃示出明陰洞陽大
手筆鄭家道士喜欲顛紙灰不飛堆白鉛

武林雜事詩

十

省城隍祀孤

清明中元十月朝省主城隍行出郊萬鬼噉噉盡乞
食爾安則矜崇則殛厲壇監視歲三巡回山上宴水
陸陳哀此惇獨王政始人世何以具文視

明遠樓拜魁

明遠樓踐三年約中有魁星跳獨腳黃槐時節舉子
忙願借神筆爲文章心胸定羅廿八宿文光亙天炳
如畫至公堂屏破腹開龍虎榜亭迎出來

有玉橋貼榜

脫稿恩恩投卷捷條例難寬藍榜貼有玉橋頭侵早

來幸無名姓榜上開問誰污墨誰曳白場中人爲門
外客有命依然漏貼多磨勘還防停一科

大方伯投舊

鱗次檐接蝸廬窄至今地稱大方伯破銅爛鐵買賣
場天章特賜翰苑杭羣偷所聚賊不起如入燕京
窮漢市有時泥土變黃金焦桐爨下誰賞音

救命王請方

救萬民命尊曰王奉香禱疾籤賜方惟神自昔傳掌
馬祈雨神感祀於社方藥有驗誠則靈不信但看額
滿楹一椽借得蕭侯節年年七夕祝神誕

武林雜事詩

十一

二聖廟齊行

錘錫換紙蠟箔郎二聖廟裏齊同行印兒錢大手摺
計除夕馱門有成例同業公議紅紙標酬神演劇人
如潮北門管鑰聚成市搖擺公然稱太子

三官宮擺供

三官小像聚成眾寸人豆馬設齋供宮前人來七月
秋恍入焦僥國裏遊神惟其小物惟備安敢玩具視
兒戲年來風景節物添何妨小言賦簷簷

淨慈寺齋僧

水陸道場千僧齋千僧中有一佛來煌煌榜示淨慈

寺我佛平等無兼味寸錢尺布更結緣乞食沿門到處禪可知雷峰似老衲不飲不食眞佛法

宗陽宮拜表

誠惶誠恐九頓首符神負表雲中走執主俯伏宗陽宮南天門開咫尺通神祇出巡先表奏帝曰俞哉民汝祐具此陰陽燮理才風憲無慚御史臺

馬騰廟化錠

馬騰廟祀無常鬼白衣高帽善居賄中元化錠進城來尊稱伯父四人擡化歸登册神會計散與游魂莫爲厲幽明路異同官衙平餘火耗公然加

武林雜事詩

三

虎跑水試錢

虎跑泉勺一盞平投以百錢凸水晶絕無點點復滴滴在山泉清凝玉液骨重神寒清氣包不比虛浮幻影泡我知南嶽兩童子有錢無錢淡如此

十城門示眾

南門柴對北門米東門菜更西門水四圍卅里城十門耳目何止千萬人強徒問罪要人見項鎖足錄耳插箭韋之警眾徧游街鳴鑼試看高腳牌

三天竺施丐

前世不修今世苦排坐天竺清淨土一粒米救命一

絲善願隨給隨所施種種現出地獄相竹枝敲斷蓮花唱山深四月春香過移家又願而之他

北關門拔牙

滿口不安一齒痛拔盡牙跟不輕縱問誰秘製離骨丹武林越城來擺攤不惟能拔亦能補起滅自由文法舞願生兒齒顏如童不煩老婦捉牙蟲

亭子灣拭血

懊來橋上標斬條亭子灣前操劊刀點頭侏筆官下擲饅頭急濡刎頸血血巾血布同化灰殺人生人醫理推吮癰蝕痔何足怪斲棺更竊天靈蓋

武林雜事詩

三

表忠觀打碑

表忠觀報錢王澤趙公奏可蘇公筆氈椎聲聲沒了期錢氏子孫供食衣翻刻者全眞者缺王祀常新碑不滅紙山墨海揚萬回有運不愁薦福雷

養濟院唱書

養濟院中瞽者多調弦拍板來唱歌皇糧未足供一飽舞態郎當境潦倒自食其力來娛人怡勝籠袖稱驕民力戒淫盜勸忠孝瞽矇原以聲音教

天竺山行燭

煌煌大燭然高臺眾手不藉金剛擡魚磬簫鼓歌佛

曲九里松門到天竺同伴赤膊肉身鑿幽明照徹佛
力憑豈是漢宮傳蠟燭春城寒食垂楊綠

元帥廟拜香

三步一拜香如雲蒙頭黑巾白練裙披枷帶鎖非其
罪生前先受死免悔盤旋回首齊鞠躬莫是罰作叩
頭蟲元帥不管夏畦病爾但拜跪以爲敬

撒沙廟搥背

倪家女兒撒沙手成神廟食皋亭阜蠶化管理禱吳
儂心腸本軟苦耳聾吳儂願奢太瑣碎耳不敢提撫
其背輕搥重拍舒勞筋年年養蠶十二分

武林雜事詩

西

拱宸橋噤口

北新關外五里遙三十六丈拱宸橋來檣去檣橋下
走長年搖手客閉口默爾相對意云何江湖走老禁
忌多不問出門與歸里但願人人學桃李

喜神殿寄生

走無常鬼號喜神螟蛉多子無一孫姓符行寶不知
幾豈獨嚇人更嚇鬼若因所親免來句閻王之職如
贅疣生子不如養子好李郎十三稱太保

時遷樓偷祭

卅六人中誰善偷時遷廟食城東樓後世偷者奉爲

祖月黑深宵具酒脯但願人家不閉門黃金取盡青
瓊存歲歲報祭官不提天上追蹤東方朔

三潭燈代月

三潭塔分一月印一波影中一圓暈下弦無月悵夜
遊塔裏明燈火四流依然幻作三潭月波綠燈紅鬪
顏色湖平風靜波不興繁星更放荷花燈

齋船帆趁風

六字真言書布帆滿船念佛聲喃喃乞食城中薄暮
返壓擔纍纍飯盈盞願借湖中來往風常住供養香
積充喫飯無忘忍辛苦卽渡迷津見佛祖

武林雜事詩

五

瑪瑙寺請經

求經何必行長途不去西域來西湖瑪瑙坡前瑪瑙
寺門不二還價不二寶閣供養檀匣薰排次函列千
字文龍藏 聖恩賜珍重未必禪門日日誦

琵琶街看燈

正月十三燈市開看燈人上琵琶街今年常州工匠
好銀花火樹開到曉錢王遺愛買兩朝春燈簫鼓鬧
元宵五光十色街頭舞武者蟠龍文射虎

斷河打老菱

賣菱小船來窰頭不論勛兩論槳篙斷河頭行招牌

老定價公平生意好買賣稱打名最奇從裏觸出交
相欺老菱風起天氣燥斷河乾斷成泥濘

義倉討陳穀

九年耕有三年食陳穀盈倉紅朽色有人病後乞一
鍾調養胃氣和緩功積穀備荒救饑死救饑救疾無
二理推陳出新古有章典守休諉鼠雀傷

清漣寺齋魚

玉泉之水清且漣大魚游泳水底天老僧勸人具齋
供不獨齋魚齋僧眾魚有五色藍者珍魚壽無量長
如人波中小塔鎮水府何日成龍作霖雨

武林雜事詩

六

蓮池院放生

或為鱗介或羽毛苦在人間受一刀蓮池特設放生
所免爾屠戮終囹圄哀哉眾生頑不知張口求食望
布施飲之食之無用物懶惰貪癡想成佛

丁仙閣採藥

紫陽真人隱高閣小草離離號仙鶴採食能止嘔血
人五月五日午時辰道旁上蔭成道樹露甲煙苗起
沈痼野鶴飛來不避矰綠陰滿地丁公藤

城隍山說餅

吳山樓頭江湖景品茶更食酥油餅酥油轉音為蕘

衣如人雅號紛品題公羊家言左穀異且自咀嚙江
湖味考證江湖古所通可知名士畫餅充

五柳居醋魚

西湖陶家五柳居雋味下酒醋溜魚手段傳自宋五
嫂魚我所欲風味好無人對酒彈鋏歌盍喫三斗不
厭多舉網得魚有酒醋試問先生家何許

大東門豬肉

大東門口傳蔡家市脯獨以蒸豚誇三日三夜無絕
火爛煮剛鬣頭顆顆腦滿現出壽字文瑩然紅玉羅
羶葷日過屠門養口腹良山更買蕭羊肉

武林雜事詩

七

芳風館檢扇

綠陰門戶遮梧桐王家老店尋芳風聚頭細骨烏油
扇杭州土宜名久擅芳嵐芳鳳孰勘訛真者不敵膺
者多世人耳食無真賞風來未必異涼爽

大井巷購翦

快翦何必遠求并大井對門尤馳名吳山泉深清見
底處鐵鍛鍊復磨洗象形飛燕尾涎涎認識招牌張
小全疾比春風淨秋水不數菜市王麻子

藕香居試茶

蓮花花中之君子水閣招涼歌樂只從來佳茗似佳

人色香味兼尤可親藕香居幸兩美合難得消閒逃
暑法至今船泊紅藕花玻璃瓊試加非茶

滿覺隴擔桂

桂花蒸過花信動桂花開遍滿覺隴賣花人試賣花
聲一路桂花香進城城中莫悵花較晚山人富有千
金產桂花栗子正嘗新南山當戶可結鄰

斗姥閣過關

拜表天門九日禱不興和尚興老道寶劍手斫關門
開隨行兒女齊消災玉音風旛降斗姥清淨皇壇戒
葷酒關煞開通無滯行孟嘗食客雞一鳴

武林雜事詩

九

梅青院罰戲

駐防營裏梅青院酬神演劇關聖殿伶倫怕上失魂
臺五聲六律時不諧由來戰士善饒吹必使反之嫚
相戲笙歌袍笏重登場終亂以武旌旆揚

王飯店午膳

王家飯店雅俗宜快喫不怕大肚皮健兒白片花豬
肉果然一飽萬事足人生惟有喫飯難友朋相聚勸
加餐千金之報焉用彼大嚼願甘肉食鄙

浙一處小飲

高粱酒蒸百花露買醉人來浙一處對飲三杯萬事

和無雙之譽譽者多酒保高聲喚不斷一託連排三
十盃鹽豆餈粟下酒來夕陽西去影徘徊

昭慶請木魚

木魚聲敲亮且清昭慶寺店老有名佛憫塵世夢不
醒魚目不瞑僧入定金鯉爲珮賜唐宮石鯨池上動
秋風莊嚴試問傳燈佛誰是張華稱博物

半山買泥貓

儂家貓兒不辟鼠故買山中一團土願神默佑此狸
斑鼠不出穴蠶上山不走人家不偷窺屋漏深防匱
中毀迎來一例八蜡通豈與黃胖春遊同

武林雜事詩

九

紫陽山放鷄

今年放鷄半天高紫陽山頂奪錦標歸來喜得年餘
喫莫教綫斷逢三月晦氣放去運氣來飲茶更上大
觀臺扶搖志在青雲上手裏牽絲牢不放

永興橋拾螺

濟顛游戲永興橋剪尾螺螭隨手拋至今纍纍水中
活我佛頭上禿髮髻一卷佛說螺螭經有頭無尾誦
不清呼吸儻逢廣長舌來度尾生抱柱石

松木場趕趁

小本經紀松木場秋香不趕趕春香胸懸黃袋駐木

拐土宜般般愛卽買一年生意在三春利市利市問
水濱東蕩西蕩年年好不比三年一大考

菜花街冶游

桃花落盡菜花開翩翩雌蝶雄蜂來妝抹花容消菜
色春風一刻千金值金樽檀板樂不聞錦衾羅帳空
氤氳菜子打油油炒菜野田草露風流在

鬧市口宰牛

私宰耕牛例有禁鬧市口屋一椽賃入旗子弟氣食
牛可惜惟知口腹謀公然營裏私相買屠牛一顧迎
刃解由來依勢犯王章酒醋賣依行在旁

武林雜事詩

牛

禮拜寺呪羊

其耳溼溼三百羣老師父來誦呪文羣羊到死不怨
命豬肉卹有羊肉淨自誇手段屠狗流爛頭來世應
封侯一氣七徧往生呪我愛其羊罪寬宥

狗兒山鬪鳥

手籠畫眉清曉曉狗兒山上來會齊先期標紅試一
鬪奪得彩花籠被繡金眸玉爪羣稱神不比藐爾鬪
鶴鶉游民無業號土霸須防捉上鸚哥架

錢塘江投蟹

蟹蟲擾睡癢處搔捉得背人以紙包拋落錢塘江裏

去看潮看潮語如絮遺臭萬年萬里流非關痛癢不
汝尤投之清流誰作俑追蹤前胥與後種

武林雜事詩終

武林雜事詩

圭

香 志 卷

花 十

村 二



貴池縣志人物志文苑本傳

郎遂字趙容號杏村由諸生入太學以詩文名於時手輯池陽韻紀一書韻幽表微搜括殆盡所居杏花村山川明秀徜徉其間吟詠自得年逾八十弗衰人稱耄而好學府志

傳縣志文苑

卷五

貴池先哲遺書第二十五

郎遂傳

欽定四庫全書總目卷六 杏村村志十二卷浙江巡撫採進本

史部三十三 地理類存

國朝郎遂撰遂字趙容號西樵子池州人按杜牧之為池陽守清明日出遊詩有借問酒家何處有牧童遙指杏花村句蓋從言風景之詞猶之楊柳蘆荻洲耳必指一村以實之則活句反為滯相矣然流俗相沿多喜附會古蹟以夸飾土風故遂居是村即以古今名勝建置及人物藝文集為是編蓋亦志乘之結習也至於併郎氏族系亦附錄其中則併非志乘體矣

杏花村志提要

提要

杏花村志序

周官外史掌四方之志小史掌邦國之志古志以史領之故志與史一也今天下郡縣皆有志而名勝之地專有者十不得二三焉是亦一缺也池陽自杜牧之為守春日出遊題詠於杏花村清明一絕至今膾炙人口余友郎子趙客自始祖以來家於此村乃輯有關涉於村事者臚為十卷有二目之中又有目焉余過池陽因出以相眎使余敘之余惟龍門史記擅千古之長其次為班固西漢又次為范曄後漢陳壽三國自晉以後紛紜雜糅愈趨愈下矣究厥由來出一人之手者用志不分出眾人之為者意見參互此在今日則具體而微或難創始或難繼述皆以不專之故趙客苦心搜輯不遺餘力凡夫搢紳韋布無不咨詢巷議街談無不茹納朝夕思以成此志可謂良工苦心其美當如是矣蒙莊有言去國

杏花村志卷一

一

數日見其所知而喜去國旬日見所嘗見於國中者而喜期年見似人而喜舊國舊都山川草木望之暢然況乎累世所居之地能無繫戀之情哉趙客不忘先世之澤志成將傳之後獲遺之子孫萬億年其無窮焉魏文帝身為帝王尚羨文章為不朽之盛事誠可以顯親之美名成己之大業趙客令祖仲久隱君在布衣之位立談於左寧南百萬軍中以救垂亡之城其功甚偉其德甚大然非聞孫如趙客恐亦湮沒而不彰矣因敘其志而深有勸於為人之子孫者華亭彭師援嗣淵氏撰於蓉城署齋

杏花村曷為有志也聞之名區勝概慮其久而湮沒於是志以傳之若杏花村自唐刺史杜牧之留題而後雖三尺童穉孰有不知者曷為而須乎志也雖然古今無不敝之蹟而有不敝之名至於蹟既泯而徒名之曰杏花村也無以傳也此

杏花村志序

郎子趙客杏花村志之所為作也趙客為池陽舊族居是村者累葉矣博學能文克紹先人遺緒而復慮其所居之村久而其識所傳也爰即村之前後左右以及其中之勝情異蹟為之志其景志其人志其事業文章往昔廢興出處變異之事舉凡村中景物無不假史公之筆寫道子之生積腋有年而志以成於時乙丑秋仲請政於余余見其好古深思闡發前人能以千秋勝事曠然置諸耳目之前與九子齊山諸記載蓋相揖讓焉今而後知杏花村得牧之而始著牧之賴趙客而益傳矣康熙歲次乙丑季秋月西湖周疆競菴氏題於秋浦公署

杏花村志卷一

二

吾邑董子小白予老友也足跡徧海內所與遊皆當世名人碩彥予承乏江左董子亦有滇南之遊契闊者久之未嘗不神與俱焉邇聞下榻秋浦吳明府署中乃貽書於予曰池陽有知名士郎子趙客少負異才不樂仕進浸淫古學著術充棟而殫精研思尤在杏花村志一編頌其道誼溢於毫端屬余為文以序之愧余簿書鞅掌六載於茲然思是村之名由家樊川刺史行春而始著其敢以不文辭沉重以余老友之請也嘗觀宇宙閒名山勝地往往因人以傳王右軍之於蘭亭也陶靖節之於桃源也蘇長公之於赤壁也李青蓮之於采石也歐陽六一之於平山堂也夫獨非地以人重乎哉使杏花村而不遇家樊川則亦與荒郊雜落汨沒於寒烟野蔓中而已烏能使千百年後過牧童遙指之墟而低回不置邪然後知村之名至今膾炙人口者由清明問酒之一詩也若其詩之所不及傳者有湖山林麓之幽奇有亭臺寺院之美觀有酒家花墅騷人墨客之遺蹤藉非立言之士為之旁搜博采細大不捐後之人雖欲聞其詳其孰從而求之且聞是

杏花村志序

村郎氏自宋季郡司馬文韶公卜居於此有木本水源之關
鍵此杏花村之所以不可無志也趙客之為是志也編摩經
歲移日分夜秩秩乎其有條也炳炳乎其有章也夫而後知
有杏花村即知有郎氏姓矣顯宗族之命名啟螽斯之大業
孰逾於是豈徒與蘭亭赤壁諸勝爭垂不朽已邪抑余更有
說焉志也者史之體也歷代之史凡天文律曆河渠食貨諸
大政靡不於是乎備之趙客從茲上下數千百年網羅無遺
將見蘭臺石室之藏且虛左以待筆削矣斯志其先聲乎哉
不揣疏庸漫綴數言以謝董子之請且於郎君有厚望云金
菴杜時禧德園撰於宛陵公署

到池浹月郎子趙客出杏花村志屬序於余余讀之卒業乃
掩卷歎曰此一志而三善備焉矣凡名勝之區多有所紀如
吳興掌故洛陽風土記要皆史氏之流以文傳事而行遠昭

杏花村志卷首序

三

信則視乎作者之學焉今志於見聞有據則載之其失實者
弗錄也一事而一書再書又再書恐前人之蹟湮沒於混淆
而力不克以遽正特寓意於此微而彰之體也且此村
為郎之聚族以居屢世矣志與氏族又史之必記然歐陽氏
蘇氏云譜散則宗法亡勢將一本之親流為塗人而莫識余
獨慨近世之稱宗者大約塗人而一本者也其於木本水源
之思又何謂與識者於此一倣李獻吉蔡用卿之例紀之庶
有當乎趙客自其身追而上之以至於小宗絕不有附會
得兩家之慎而旁采人物藝文以錯綜其閒則書較博焉若
史稱杜牧之上書陳事慷慨有為終以疏直罔合於時齋志
而歿距此村千百餘年孰有知者僅留一詩垂後郎子鋪揚
張大之所謂以人傳人則傳無窮郎子有焉夫屬詞比事史
遺直也敘世次不忘本也誦法名賢敦緇衣也余故曰一志

杏村志序

而三善備也至若酒家若牧童亦詩人託興則然今之人必
取而實之與泥而求之是可以不必矣廣陵宗觀雀問墓
趙客杏花村誌成問序於余余曰誌者志也志之所至事必
至焉者也趙客其誠有志乎哉且誌者史也上之禮樂宮闕
職官之屬下之郡邑山川村里之屬而皆關乎朝廷通乎古
今盛衰所自端從此見有心者固未嘗忽焉然多感慨系之
矣杏花村之於池州亦相為盛衰者也有池州斯有此村有
此村斯以杏花名或曰村以杜詩傳耳余固謂杜守之以村
傳其詩也不然杜佳詩甚多非不傳而獨此則無人不識即
兒童亦皆誦之矣非以此村乎當此村之零落於荒烟野草
望杏花而指為村村之居者自立池州來亦不知幾消沒於
烽燹幾移徙於兵戰見杏花而村著不見杏花而村名猶空
著有杜詩而村著使無杜詩而村名仍空著杜亦幸而詩於

杏花村志卷首序

四

前耳故後者讓之然後者又何必其讓之也或曰居於村者
詎惟郎氏族趙客之志得無專以據乎余固謂非專據也余
所聞者明初革除之後張氏居焉金公焦之裔也他若董氏
皆居之他居者又詎惟張董由此推之郎氏之聚族以村名
豈私有此村哉公之耳公以成其為趙客之誌耳譬之黃澥
匡廬歛之傍而居者稱黃澥也宣之傍而居者又未嘗不稱
黃澥也九江之傍而居者稱匡廬也南康之傍而居者又未
嘗不稱匡廬也黃澥匡廬之大可舉以見村之小也顧村之
小亦即可以見大池有地曰秋浦曰荊江曰樓山曰梅根曰
師山曰誰岸曰碧岩曰桃波曰江祖名不一而名之寄之者
要未嘗不言池矣則生於池者出於池而不能忘於池與居
於村者離乎村而不能忘乎村猶然矣趙客亦豈有私之者
哉或曰誌於詩文求為可傳不當擇而取之乎余固謂無所

杏村志序

庸擇也譬之於大地為園焉地之大其何所不有以為園名
卉佳木列而潔治之然亦不無蕪蔓蓋不如是不成其為園
不成其為大地也是趙客村誌之志也即小將以見大也趙
客其誠有志乎哉勉之矣古牛耕者吳非書於半堂之審安
小窗

杏花村志卷首 序

四

五

貴池先哲遺書第二十五

杏花村志題辭

杏花村三金陵有二焉一在鳳凰臺枕江夾石紛覆千家一
在城西南芙蓉山畔碧草芊緜搖紅十里爭為名勝與池陽
杏花村為三牧之詩所云借問遙指處也已未秋仲一至其
地杏不花花不村也明年春正月再至杏亦未花花亦不村
也顧平湖列岫古臨長林雲月一車烟霜一棹焉往不花村
者余意笑不廣矣郎子趙客訪余於郡之蓮池書屋謂余志
杏花村又將以廣余之不廣也趙客家杏花東里主賓無閒風
流貽宕文章妙天下發為詩歌高懷遠韻有遙集古人之氣
宇曰杏花村堂曰還樸集諸同人讀書飲酒其中作杏花村志志
杏花村也志以詩以文以詞賦傳記志其山水志其人文行業
經術及古名賢鉅公幽貞節烈之奇冰雪風霆漂搖變幻之
跡無不志也趙客曰亦猶之志杏花村焉爾也春壑秋溪花晨
月夕一嘯一吟一笠一屐從趙客遊者惟所偕偕之所遇遇
之所獲獲之志焉爾而尤樂與之為樸也曷樸爾豔思綺語
義隱於榮華於志不深讀元亮田疇飲酒之言韋右丞不能
和之於唐蘇端明不能和之於宋何也文采恣肆而樸心不
足以達於詠也趙客之為樸則所謂高懷遠韻遙集古人與
為翱翔踞其清勝者也志云乎哉余未能樸學以求至其樸
而詩之而序記之其於趙客竟何如也烟外一枝曉風吹破
當有嫣然獨笑招余遊而為三者遙指酒家近在何處秦淮
鄭濂蓮水氏撰於陵陽署齋

杏花村志卷首 題辭

五

六

貴池先哲遺書第二十五

杏花村志凡例

齊山當池城之南四五里許杏花村則在城之西郭外齊山以巖石勝杏花村以平原勝皆有江與湖為之助齊山舊有志而杏花村志闕焉遂村人也乃紀所聞以志之

村名自杜刺史著始此乎前此矣前此故杜以入詩村不杜名也非猶夫長林之杜村以荀鶴名也杜鵬則相傳以杜刺史遊歷著或曰刺史遺腹子荀鶴別業也

凡村內景物之可名者無論題詠所及與所未及皆特書列之

凡古蹟之廢已久者雖遺址必特書不敢沒也

金陵皖水諸地皆有杏花村然非古也閒有題詠悉攷證不

錄

凡詩文之有涉於村作者不盡皆身歷也特采其言以備稽

杏花村志卷之九

七

攷

詩關於村境內名勝故實而無名題者一仍原題以存其詩如牧之清明彥之溪岸秋思是也

凡古今詩文取其可分注者即附載二三卷以便覽觀其餘仍收入藝文以待采風

凡郡邑人物志各從其科今村志中統名人物似為包舉凡生於斯宦於斯以及遊於斯者只論人有足傳各立小傳生平出處約略可知惟近代詞人僅於題詠姓氏下略著爵里味其詩想見其人一吟一詠庶幾且暮遇之

詩體首五言古訖七言絕句志詩自唐杜刺史始為七言絕句故首七絕從所始也他如例

郡邑皆有志事之大者書之如災祥氣候之類是也村志從其略遇有軼事隨聞即錄不以時代為次統曰雜記

杏花村志首

詩題中姓字繁已往者開一注明俾後之人攷焉

志中凡達官碩彥直書姓名臨文不諱例也閒於題跋中則別之遇遠家諱為友人王子紹李蘇子克岐悉填焉

詩文所采於郡乘碑刻及歷代名人遺集為多餘則或撿取所徵致也懷餅以詢故老余時有之

康熙甲寅春月起稿距今乙丑仲夏授梓成書

杏花村志卷之九

八

八

貴池先哲遺書第二十五

杏花村志首

徵杏花村詩文啟

吾池杏花村自昔開荒於唐始著推村名之所由立想樹實之甫以繁影爭茂於靈山陽春流麗英比隆於魏郡物產多珍無須擅美含章遂爾盛稱原野讀書可坐招儒者乘興開即是仙人賢刺史好遊特長吟歌雨中所見以紀事有行人取道看遙指向村裏求酷於懸帘因杜老之詩名以成古蹟入牧童於風韻亦至今傳時屬偶然動稱佳話思追寒食節屆清明矧四時之烟光幻飄湖上即三台之山頂俯眺江干行春乎行秋乎賞心結伴望南耶望北耶極目何思若以境內之景幽艱文選樓址遺梁昭明故棲神於西廟乃其空中之施結構冶金像軀在宋紹興傳鐵佛於高岡瞻玩人談徘徊自得問黃公於前古尚尋酒味於井壚慨願守於近今久圯亭臺於瓦礫杏當更種六出為名彩待成林三玄為號雖

杏花村志卷首 徵啟 原刊

九

曰有興有廢而廢以重興每於為往為還而還仍復往遊觀未厭觸感而歌為風人之致辭廣其繡句斯勝地之不朽藉此片言集以全編鏤應備誌西樵子郎遂謹啟

貴池先哲遺書第二十五

考據書目

- | | |
|---------------------------------------|----------------------------|
| 唐書 | 南唐書 |
| 宋史 | 元史 |
| 綱目 | 通鑑 |
| 一統志 | 名勝志 |
| 廣輿記 | 輿鏡 |
| 文獻通攷 | 地理纂要 |
| 池州府舊志 <small>正德戊寅嘉靖乙巳萬曆壬子纂修諸種</small> | 貴池縣舊志 <small>正德庚辰</small> |
| 池州府新志 <small>康熙丁酉</small> | 貴池縣新志 <small>丁酉</small> |
| 貴池縣新志 <small>丁酉</small> | 貴池掌故 |
| 饒州府志 | 徽州府志 |
| 揚州府志 | 安慶府志 |
| 齊雲志 | 九華志 |
| 齊山志 | 九華雜錄 |
| 廬山志 | 廬江志 |
| 唐詩紀事 | 癸辛雜識 |
| 李杜池州詩注 | 樊川集 |
| 唐風集 | 杜翰林詩集 <small>姚子莊刻本</small> |
| 萬姓統譜 | 翰墨大成 |
| 重刻昭明文選 <small>元本</small> | 龍文鞭影 |
| 陸放翁入蜀記 | 墨莊漫錄 |
| 朱文公集 | 洛水集 |
| 宛陵集 | 雲巢集 |
| 陶安文集 | 從亡列傳 |
| 西館劉氏族譜 | 趙村張氏族譜 |
| 秀蓉袁氏族譜 | 丁氏家乘 |

杏花村志卷首 書目

十

海陽遺稿

秋浦集 楚人李學沆著

明文百家萃

人子須知

丁太史文遠集

瞻竹堂集

萼綠齋集

李行季遺詩

樓山堂集

嶧桐集

率瀕社錄

浮齋百韻

翠微集 余翹著

碧生山房集 王良相著

懷謝軒詩

時鶴齋集 周體觀著

姚簡齋文字禪

杜鵑集

何堪集

音云集

鶯鳴集

梅根集

問霞軒集

補石倉詩選 顧咸泰著

紀楚行

秋水集 陳天策著

杏花村卷首 書目

十一

秋浦吟 明李盤著

眠雲集

嘯園遺稿

虎子我詩

且園草

砌玉軒集

古雪堂詩

慎墨堂稿

會山樓集

鶴樵詩刻

濟園集

五燈會元

建初諸子詩選

讀書種子錄

龍眠風雅

清風閣集

還樸堂撰著書目 附

池州歷朝文選

池州詩史

廿一史目例異同

齊華拾遺

碧溪詩話

清風詩話

谷潭漁人筆

中山掌記

煥園詩略

過庭續鈔

雪浪餘聞

薤露集

杏花村卷首 書目

十二

貴池先哲遺書第二十五

參訂姓氏

許承欽	漢陽	尤侗	長洲	張芳	句容	鍾允	子夔	鄧劭	榮	若雍	賀鼎	弼	相玉
倪燦	錢唐	黃虞稷	溫陵	陸德元	長洲	林長發	武進	黃猷	植	宣江	陳泉	石	丹
鄧漢儀	孝威	吳綺	江都	李念慈	西陵	陳陞	允吉	孫印	月	章	習	步	如
宗觀	廣陵	彭師援	華亭	戴本孝	和州	方侯	安旌	釋定	嵩	開	李元音	一	諧
錢宗聖	吳門	王朱玉	崑山	陳希昌	秉文	王爾綱	紹德	釋悟	一	雪	郎應徵	子	四
蔣生芝	懷遠	陳元鍾	連江	張愬	江寧	蘇應稔	石埭	釋祖	燦	武	郎	垣	峻
王毅	維揚	胡其毅	金陵	汪敷敏	宛平	吳孟堅	貴池	釋興	斧	吉	郎大紹	而	念
龔賢	野山	湯燕生	太平	周南	龍眠	劉漢系	王孫	釋智	焯	舒	郎士昌	元	巨
華黃	無錫	鄧紹煥	虹橋	王楫	影汾	桂翔	天際	釋超	榕	再	郎士著	允	若
杜凱	黃岡	錢錦城	常熟	蔣瑤芝	懷寧	宛遠	黃梅	釋法	遷	掌			
包斌	京山	章峻	江門	楊弘器	平陽								
汪穎	漢陽	秦汝泌	無錫										
錢塈	吳門	邵冕	嘉興	汪斯謀	宛平								
沈宜銓	西門	楊森	嘉興	李必先	漢陽								
周蓼	江蘇	王槩	安節	陳啟孟	皖江								
章世德	貴池	葛寬中	栗夫	侯翰	三受								
周蔚	桐城	吳鎡	周音	范俊	克章								
柯仲實	琴川	陳正偲	連江	管茹芝	安慶								
江一經	蘭水	吳非	高田	郎毓生	晉元								
金王佐	吳門	甯士珩	青陽	胡受祉	西陵								
宗元豫	揚州	王著	安水	施劭生	葵源								
陳錦	豐泉	范叔	西漢	陳開宗	青陽								
柯玉章	象山	蘇應秋	望江	黃甲先	東流								
錢又選	墨山	馮鼎廷	聖陽	任奕登	懷仁								
胡光朝	翼公	章永祚	貴池	畢維惠	銅陵								

杏花村志首

鍾允	子夔	鄧劭	榮	若雍	賀鼎	弼	相玉
林長發	武進	黃猷	植	宣江	陳泉	石	丹
陳陞	允吉	孫印	月	章	習	步	如
方侯	安旌	釋定	嵩	開	李元音	一	諧
王爾綱	紹德	釋悟	一	雪	郎應徵	子	四
蘇應稔	石埭	釋祖	燦	武	郎	垣	峻
吳孟堅	貴池	釋興	斧	吉	郎大紹	而	念
劉漢系	王孫	釋智	焯	舒	郎士昌	元	巨
桂翔	天際	釋超	榕	再	郎士著	允	若
宛遠	黃梅	釋法	遷	掌			

貴池先哲遺書第二十五

杏花村志首 姓氏

西

杏花村志首

杏花村志卷之首終

杏花村志目錄

卷首

序文

題辭

凡例

徵啟

書目

姓氏

卷之一

小像

總圖

分圖

圖序

像詩

圖詩

卷之二

村中

村南

村北

卷之三

村東

村西

卷之四

人物

閨淑

杏花村景圖
杜牧行春圖

平天春漲
三台夕照
昭明書院
桑柘丹楓

白浦荷風
柳雲松月
杜鵑漁歌
梅洲曉雪

杏花村志
唐石
源本

西相烟雨
黃公酒壚
茶田麥浪
鐵佛禪林

曰名勝曰建置曰古蹟
曰邱墓俱采者各卷

杏花村志目

仙釋

卷之五

題詠 七言絕句詩

卷之六

題詠 五言古詩
七言古詩

卷之七

題詠 五言律詩
七言律詩

卷之八

題詠 五言排律詩
五言絕句詩
七言排律詩

卷之九

宸翰 制 敕

文章 碑記 記

卷之十

文章 序引 碑 散 箋 疏 讀 教
上 梁文 墓志 銘 祭文 書事

卷之十一

戶牒

族系 附錄詩文

傳奇

卷之十二

雜記

卷末

書後

後序

跋

從純原名

杏花村志 目

二

杏花村志目

從繩

增李元音正字子封從原名錄稿較梓

從繡

從編

杏花村志 目



三

貴池先哲遺書第二十五

杏邨先生四十小像 劉之泗謹畫




杏花村志卷一 小像 劉之泗

杏花村圖




杏花村志圖




杏花村志卷一 地圖

小杜行春圖




杏花村志圖

平天春漲



杏村志卷一分圖

三




西湘烟雨



杏村志卷一分圖

四

白浦荷風



茶田麥浪



杏花村志卷一分圖

五

三台夕照



栖雲松月



杏花村志卷一分圖

六

黃公酒壚



昭明書院



鐵佛禪林




杏花村志卷一分圖

桑柘丹楓



杜鵑漁歌



杏花村志卷一分圖

梅洲晚雪



江甯傅春細樵原圖於楚園

杏花村志卷一分圖

九

僕業儒未就專工一藝頗以鐵筆見知名流乙丑春仲客秋浦趙客先生出杏花村志見委集中書畫皆當時名家余小子從事茲役庶幾藉末技以垂不朽云白門劉文煥謹識

按劉文煥係江甯梓人昔胡果泉中丞刻文選為劉文奎皆一時能手今余刻此書者黃岡陶子麟也可與文煥文奎並傳矣文煥題識行書附刻於卷一末葉另一小方題下有坎村白文章美朱文兩方印圖首葉口下有宛陵劉光信刊款當為文煥族人圖後畫有石鏡香奩尊勝幢晉錢三台石鐘青琅玕貝葉玉壺欠竹冊桐圭漢螭首瓶周雷柄鐸各種以其近俗皆未撫入舊圖題康熙乙丑年仲夏畫於蝶遊軒墨巢錢又選下鈐又選白文幼青朱文小方印二今屬內子淑僊重撫原圖命兒子之泗撫像並為附記楚園漫識

杏花村志卷之一

村人郎 遂編輯

杏花村圖序

池州杏花村在郡治之西立名不知昉於何代自唐刺史杜牧行春後名始著清明一絕凡樵夫牧豎無不取而歌詠之或曰村以杜牧之詩傳實杜牧之詩以村傳也相傳盛時老杏萬餘株連村十里炫爛迷觀誠勝景也至今鞏井大塘諸地皆以杏花名村其村境不只在今之一區一隅也粵唐迄明興廢不一嘉靖閒一興於郡丞蒲州張公邦教天崇閒再興於郡守歸安顧公元鏡若建亭鑄石為杜老標靈有邑宰江陵李公一鳳成郡張公燦垣咸文采風流頡頏樊川者嗣後杏花零落酒社烟荒蘭亭金谷同一蒼涼矣至我本朝三韓錙公光美鳴琴之暇留意山水奉郡伯金州喻公

杏花村志卷一圖序

十

檄捐俸種杏爰擬重開亭榭修復舊觀尋以行取入都竟成缺典猶憶從來蒞茲土者多當代名賢鉅公儻杜牧重逢山川景物當後先輝耀余因新立村志以俟來者會雲閒錢子墨巢結廬秋浦以繪事妙天下最愛杏花村川原幽異於是細加品題廣裒繪素列於簡端令世之靈運少文輩各手一編以志快舉云爾

貴池先哲遺書第二十五

杏村先生小像題句

尤侗 倚卷 吳門人

名花之下經營慘澹筆精墨良以石為案合奇欲吐天真爛
熳拂紙揮毫杏烟未散

周邦光 侶樵 蒲田人

驚傳姓字號才人泉石如何容此身寄語交遊詞賦輩留題
莫誤作遺民

曹曰瑛 渭符 寄自燕臺

杏村深處臥烟雲把酒含毫興佚羣萬樹年年打碎錦一天
春色入奇文

曹文慧 智珠 同里白苕

倚石高人折角巾含毫握卷自傳神花村種得花千本爛漫
開筆筆底春

著出名書村愈名依稀小杜是前生斯人寧止一邱壑還情
如椽紀太平

自題

飄然巾服任天真不羨功名不隱淪把卷獨吟聊遣興一村
花鳥伴閒身

貴池先哲遺書第二十五

題圖詩

杏花村

顧元鏡 廣安

牧童遙指處杜老舊題詩紅杏添新色黃墟憶舊時遠山眉
作畫好鳥解吹簫偷得餘閒在官錢換酒卮

杏花村十二景

虞邦瓊 通江

平天春漲

綠漲平湖兩霽時新蘆細草影迷離也知寒食天涯近樹裏
村帘待牧之

白浦荷風

漠漠澄波白鷺飛夕陽倒影入林扉不知何處香風起六月
涼生暑不威

西湘烟雨

一路寒花鎖綠擘空濛樹色過橋幽秋來門巷瀟湘雨引得
詩人上酒樓

茶田麥浪

晴翠翠浪野雲邊日午風微嫩綠田疑是清明時節事一村
烟雨杏花天

三台夕照

奇峰秀景四時誇樹頂嵐光散晚霞天外歸雲催暮色江邊
返照漾晴沙

栖雲松月

荒苔明月幾徘徊飄渺烟蘿鶴去來清磬一聲天籟遠超然
塵世接天台

黃公酒壚

頻來花墅問黃公香井遺蹤夕照中牛背數聲吹遠去遊人
猶自醉春風

鐵佛禪林

祇林寂寞耐孤遊佛面山光到寺幽尚有老僧勤掃葉空階
明月許淹留

昭明書院

石磴豐碑接野坳晴郊林木帶春星六朝遺得風流在門外
寒鴉散遠汀

杜鵑漁歌

井中集
山客遺徽今尚存水雲深處似桃源長空不復聞清嘯猶有
歌聲出晚村

桑柘丹楓

碧水丹霞半映門疏林秋色畫圖存風高日暮吹鴻斷帶得
邊聲落小園

梅洲曉雪

香林村志卷一 題圖詩
遙空玉蕊點烟巒面面瑤光趁曉寒驢背不愁詩思冷雪花
都作杏花看

杏花村十二景和丁文濤原韻

盧光祖 其武 東陽

平江春漲

樹隱晴川雨過時桃花瓣落影離離風浮相蕩隨波去莫遣
韶光虛擲之

白浦荷風

迎波錦鯉躍如飛陣陣香風拂野扉盡卷湘簾對冰嶽碧筒
勸進卻炎威

西湘烟雨

烟籠野樹綠鋪晴雨灑風篁景自幽一片迷離疑駁隸不嫌
避溼到西樓

茶田麥浪

愛采茶如顧渚邊又欣麥浪綠連田兩岐曾見年稱瑞柳眼
何如望遠天

三台夕照

松清秀出景堪誇萬縷金輝映彩霞安得倒戈迴馭轡龍文
曠影照香沙

栖雲松月

瑤臺明月坐徘徊似聽閭宮奏樂來轟轟此松拂雲表鱗鱗
光映近三台

黃公酒壚

我從何處弔黃公月遠香泉在井中村樹時明忽時滅長歌
一闋醉東風

鐵佛禪林

僕僕風塵悵遠遊坐來更覺此中幽維摩共語消愁積稽首
慈雲去復留

昭明書院

出郭停車坐野坳遙瞻碧漢起三星神遊廟食池魚味選體
遺聲散遠汀

杜鵑漁歌

杜子經過跡尚存山崖彷彿似桃源汀洲隱隱漁交和翠竹
黃蘆烟外村

桑柘丹楓

烟巒墨墨對柴門坐展雲林妙墨存楓落如霞點碣石喜成
新釀到桑園

梅洲曉雪

琪樹含光映碧巒客情不耐體生寒愛披鶴氅全離俗雪覆
梅空一色看

杏花村十二景用原韻

沈思倫 契掌 石棟

平天春漲

漫湖芳草綠平時新湧波添岸遠離偶憶前賢吟早著至今
太白已何之

白浦荷風

香自何來陣陣飛幾家愛傍水邊扉為裳如集夫容片莫待
霜寒且作威

西湘烟雨

小水橋通砌近疇高高下下谷稱幽道經細雨烟交霧茅屋
時如蜃起樓

茶田麥浪

青青滿眼草無邊嘉穀周來瑞在田壘湧綠波風未盡誰知
種降得於天

杏花村志卷一 題圖詩

五

三台夕照

濤聲高卷為松誇更羨晴暉落晚霞繚繚遊人歸未遽恆河
鐘遠散平沙

栖雲松月

梵聲招客寄徘徊竹上題名幾去來十八公高節影影遍開
明照到三台

黃公酒壚

名字何無姓是公壚頭猶指井泉中汲通如飲遊人醉不用
懸帘早颺風

鐵佛禪林

不將赤腳起行遊片片金衣座自幽三世一身如可悟為來
為去去何留

昭明書院

荒址蕭蕭對野坳識思草屋應天星熟精書讀傳文選深入
人如浸水汀

杜鵑漁歌

結茅傍水杜名存鱸口隨灣溯浦源齊唱數聲欸乃曲得魚
沽酒樂依村

桑柘丹楓

秋深搖落覆蓬門豔勝春花野色存高手殷將閒點綴圖成
一幅是名園

梅洲曉雪

瀾漫影隱遠林巒殘荻搖風伏甚寒啟戶忽驚一片玉為誰
白占地平看

杏花村志卷一 題圖詩

六

貴池先哲遺書第二十五

杏花村志卷之一終

學蓋有自也姪孫題元臣叔祖懷軒用擬購別業原
韻詩曰杏林空有樹花豔惟君世守舊茅廬尚存詩畫留
餘筆頌向不須避世求深谷即此幽居亦自如
漲好觀魚不須避世求深谷即此幽居亦自如
煥園在杏花亭左奉議大夫郎文部入元隱居於此
承先志預以詩公裔也煥園遺址大半荒蕪數首以傳
承先志預以詩公裔也煥園遺址大半荒蕪數首以傳
待我呼將杏補角同先人遺得舊村墟三徑依黃塘酒
隨時白浦魚食日選勝荒林此志無田負郭也何如
陳元鍾次韻詩曰選勝荒林此志無田負郭也何如
未肯潭龍三開徑為愛藤蘿一倚山抱膝長吟且自
施開地隨堪築南畝荒烟尚下共賦柘柳陰如不
郊謂食無魚他時招我衡門下共賦柘柳陰如不
宗觀次韻詩曰小園復築帶平墟梧竹濃陰如不
定知供辦難避人還復理耕鋤山花傍暖飛黃鵲
開到次韻詩曰小園復築帶平墟梧竹濃陰如不
好種吟風竹傍醉臥黃鸝待月酒名刺啄無驚不放
事但觀魚尋常醉臥黃鸝待月酒名刺啄無驚不放
佐次韻詩曰小園復築帶平墟梧竹濃陰如不
詠遊吹蓬田父紛紜尚興把酒微吟中幾度驚衡廬
生次韻詩曰小園復築帶平墟梧竹濃陰如不

古村遺杏井井叩荒月荷鋤刺史行春何處酒高人食客
有詩韻詩曰荒烟零落古村墟招隱吟何人復舊廬園
因疏雨蕪田禾可傍惠風古村墟招隱吟何人復舊廬園
最愛魚堂構不村何必賦賦詩言志竟何如尋酒此
雲大韻詩曰村何必賦賦詩言志竟何如尋酒此
占輝魚乘平湖遠對押春不酒頹北海投車舊書滿西
老龜魚況是情深千尺水不因零落棄相如舊書滿西
流遺世澤幾番興廢古村墟招隱吟何人復舊廬園
大韻詩曰村何必賦賦詩言志竟何如尋酒此
春多韻詩曰村何必賦賦詩言志竟何如尋酒此
引三徑念村荒宋今猶在敢效香散長林深理舊何如
詩曰偶念村荒宋今猶在敢效香散長林深理舊何如
御憐杜老題新我荒宋今猶在敢效香散長林深理舊何
世守衡門原宋詩人來花從今誰復結高葑江黃甲色
詩曰此處爭傳宋詩人來花從今誰復結高葑江黃甲色
君家出處應遺尚自如卜築幽園三徑草開尊風雨一
日荒廢何年舊草廬重開將復理筆結感時風雨一
閱世升沈一卷書躡履看山誰復理筆結感時風雨一
村領略能為一卷書躡履看山誰復理筆結感時風雨一
高築湖天贏得名在應秋水荒川酒鐘聲落暮烟好待
選六朝篇郊原月色盈秋水荒川酒鐘聲落暮烟好待

杏花村志卷二

五

杏村志二
選六朝篇郊原月色盈秋水荒川酒鐘聲落暮烟好待
高築湖天贏得名在應秋水荒川酒鐘聲落暮烟好待
村領略能為一卷書躡履看山誰復理筆結感時風雨一
日荒廢何年舊草廬重開將復理筆結感時風雨一
君家出處應遺尚自如卜築幽園三徑草開尊風雨一
詩曰此處爭傳宋詩人來花從今誰復結高葑江黃甲色
世守衡門原宋詩人來花從今誰復結高葑江黃甲色
御憐杜老題新我荒宋今猶在敢效香散長林深理舊何
引三徑念村荒宋今猶在敢效香散長林深理舊何
詩曰偶念村荒宋今猶在敢效香散長林深理舊何
大韻詩曰村何必賦賦詩言志竟何如尋酒此
春多韻詩曰村何必賦賦詩言志竟何如尋酒此
引三徑念村荒宋今猶在敢效香散長林深理舊何
詩曰偶念村荒宋今猶在敢效香散長林深理舊何
御憐杜老題新我荒宋今猶在敢效香散長林深理舊何
世守衡門原宋詩人來花從今誰復結高葑江黃甲色
詩曰此處爭傳宋詩人來花從今誰復結高葑江黃甲色
君家出處應遺尚自如卜築幽園三徑草開尊風雨一
日荒廢何年舊草廬重開將復理筆結感時風雨一
閱世升沈一卷書躡履看山誰復理筆結感時風雨一
村領略能為一卷書躡履看山誰復理筆結感時風雨一
高築湖天贏得名在應秋水荒川酒鐘聲落暮烟好待
選六朝篇郊原月色盈秋水荒川酒鐘聲落暮烟好待

還補杏杖藜常此醉花前豐泉陳之蔭步韻詩曰城外
層樓望遠天雲山環抱水川何人作賦工梁苑有客題
詩續處閉聽漁歌夕照前宛陵邵岑中訪煥園詩曰
載馳驅到杏村詩賦爭傳千古事址墟猶見斷碑留
歌驚數喚日暮街山烟霧昏石城金緒過煥園詩曰
日環城何處不堪居欲修荒石城金緒過煥園詩曰
青州誰復憶相如依稀雲樹愁無限寂寞園林憾有
問懷郎仲久微君那詩曰開閣擁奇書亦邱墟秋風
盧許友不忘吳季劍揮金堪並管寧柳花風釀時招
蓮社輕燒獨釣魚昔立談郭外村莊解紛聊西花開
石埭蘇酒帶依舊當爐掛日郭外村莊解紛聊西花開
齊近雨巾錦帶通荒荒村猶說杏花林深藏梵宇烟
徑隔城斜臺已理荒荒村猶說杏花林深藏梵宇烟
人家感此懷趙客詩曰來往城西路逢人問講堂平
眼放遠岫入雲麓相傳舊在小路口之南後移建今
信有即花餘山麓相傳舊在小路口之南後移建今
演武場在鎮頂山麓相傳舊在小路口之南後移建今
坊中萬教機開兵備副使馮叔吉建府前之南後移
楊勝捐俸重修今廢蓉城江表杏花村同友人較射詩

杏花村志卷三

六

杏村志三
星流百尺欲批風人家多在春林外客與偏餘晚照中且
日向鵬曾得幾人同愛把鹿膠燕角弓臂影一彎爭畫月
花還憶舊時紅杏
帝廟在鎮頂山麓相傳舊在小路口之南後移建今
家言至三十六欲去學武從溪山中投宿杏花村
帝廟在鎮頂山麓相傳舊在小路口之南後移建今
於夢不爽或曰儀鳳少讀書僧舍每嫌經聲聒耳屢止
不可因戲題一詞有鳳少讀書僧舍每嫌經聲聒耳屢止
也一因戲題一詞有鳳少讀書僧舍每嫌經聲聒耳屢止
舉殿試第一艾徒業之曰子當大魁天下今以此語損
乾明寺在鎮頂山麓相傳舊在小路口之南後移建今
芳欲徒於湖心廢後又興有羅漢堂明紹興五年重建
也宋亦稱於湖心廢後又興有羅漢堂明紹興五年重建
詳明相國丁紹孝寺今額乾明寺一曰鐵佛院其廢始
堂接衆邑人即大徵倡首募建前殿以祀關壯繆里人
正清相繼募建白漢靜室庚戌開殿以祀關壯繆里人
棟見羅浮姚子晉墓建山門引宋楊振有乾明寺果見
仲夏過同尋勝蹟興築松栢飛翠題壁詩曰雨色空濛
在鐵佛於今體未磨清桐城周南乾明寺訪白汗鄉師

片石數行惟記咸清開修梵舍事耳今不知寺名光孝屬
 何時仍乾明亦稱鐵佛池縣舊志且併遺此寺不載矣
 蓋寺之興廢與世之變革者屢焉而鐵佛則自高宗辛未
 迄於今甲午凡五百又四年余來茲之日麻適與鐵佛同
 吳非謂鐵佛詩曰空偏多色相冶鐵範猶堅佛說吾何
 有僧知誰與傳紀年身可鑲近事眼常懸外招如我牛
 鳴亦無然武陵給事胡永順題鐵佛詩曰我聞佛法只
 虛無範鐵形非相則思一切已云皆夢幻半毫何處可儀
 大堅稱射利終非相悟到真空乃是吾試向如來參遠引
 地忌僧鐵六身難動開闢若施年鑄佛寺詩曰檀萎遠此
 之謂鐵體度成金論佛原無骨諸僧各問心禪堂高自
 閉印客莫相尋容城江表詩曰是即人問佛飯依何必
 言範全多寶色冷鐵世尊痕梵韻林梢月鐘聲花路村此
 中僧入定客亦不敲門江漢同陳昌箕遊鐵佛寺次韻
 詩曰徑轉乾明面綠蘋遠公遙候叩禪賓談經戒觸當時
 事執塵宜塵入世塵色相幾曾空法像江山自是奇開身
 勝遊已足追千古
 何必龍山笑脫巾
 秋浦亭今清涼境是其遺址以路通秋浦故名宋狀元陳舜
 民修葺高率汪義

李花卷二 村南村北

九

聖母橋 在西湖按聖母係明太祖封鎮泗州水道之神橋
 寅年司李秦懋義命西祠神首新之詳見碑記橋上有鱷
 魚石藏荆棘中橋下有遺愛祠祀田明郡守何紹正置祀
 孝肅包公後郡人即以何公並祀祠在毓秀門內處士
 吳非西湘橋詩曰小水源如此橫梁渡若何元時碑已舊
 池乘志移多况接西郊境曾懷樂
 土歌春陰晴復穩來往幾婆娑
聖母橋元碑 在西湖亭內按是碑篆額者稱通議大夫池州
 吉祥書丹者稱從事郎池州路總管府內勸農事知渠堰事
 稱提調官徵仕郎池州路總管府內勸農事知渠堰事知
 渠堰事刺馬丹曰勸農曰渠堰則
 皆民事事矣新安戴無碑記見藝文

邱墓

唐觀察使張悅愚墓 在鉢頂山蓮塘張
 御史廷瑞祖塋也

評事劉仲昭繼妻杜氏墓 在杏花村今失其處杜氏為
 杜荀鶴曾孫女見西館家乘

宋奉議大夫郎文韶墓 在杏花村
 見族譜

明御史劉永墓 在乾明寺前按永製錦里人洪武
 三十年歲薦由沅州郡丞升授

監察御史許潛墓 在湖山下南陵右坊表今廢按潛在城
 人由天順壬午舉人登成化戊戌進士

贈承德郎郎銓墓贈迪功郎郎鈞墓 俱在演武場
 左虎山之麓
律師翠崖墓 在大鑄堂後
別駕房宿墓 在杏花村坊西南今
明茂才郎汝文墓 在演武場左田隴開汝文名子述在平少
 十三食廩於庠十六赴王樓時人惜之業師丁旦為理學
 名儒親表其墓弔之者有曰傳經原父訓表墓勒師名又
 有曰文章推父子道義重
孝友郎國賓墓 在虎山之陽國賓字光宇有才子名少與同里
 以科第相期許惜齋志以歿萬曆壬子太守李思恭嘉其
 文舉孝友為之立傳登府志傳略曰國賓貴池人補邑學
 弟子員小試名藉甚為青陽令丁公懋建所賞識迎之邑
 署毫無關說事繼母孝待兩繼弟友所得廉饋絕不入私
 性耿介人有過輒以終父題其墓
 為折服惜無嗣以終父題其墓
清四明山人梁魯菴墓 在清涼境魯菴名旬餘姚人早棄諸
 高栖雲菴以終方外友存真卜
 壤瘞之涼與三捷撰志銘
村南 於後故建設等項無多非略之也

名勝

一

白浦圩 村前湖名廣植蘆葦每當夏秋水漲可駕輕舟垂釣
 白浦望望花詩曰平湖紅十里繁縷一花叢歷歷村外
 淒清望望中夜搖沙浦月曉帶柳隄風一眺遙無際輕帆
 漾碧

平天湖 在白浦圩外唐李白秋浦歌曰水如環四練此地
 尊素平天湖望望花詩曰平天湖望望花詩曰平天湖望望
 坐來豔奪紅榴應見妬秋浦還知秋得早烟波容與雁孤江
 宿忽與啼鵲苑隈秋浦還知秋得早烟波容與雁孤江
 秋色滿平湖爛醉正泛平天湖追憶廣虞小阮詩曰年年
 錦纜徐牽繞岸行一盞兩盞月湖上詩曰沙棠蘭漿遠水
 邊塔影和烟立渡口鐘聲隔樹鳴涼露溼衣渾不覺夜深
 始悟荷香生雲間錢又選湖上酒社詩曰布帛一幅故
 飄飄引得遊人入醉鄉臨水風牽青荷帶捕魚鳥歌綠
 房山雲片秋能巧茅屋層層坐最涼忽得醒來向西望
 小橋楊柳掛斜陽連江樓閣復英堪對酒詩曰平天湖上
 開顏即愛平天湖出酒飲惟醉
 水遙放舟輕似葉枯腸為理舊風騷
 眼望迷新黛色枯腸為理舊風騷

禪師丹霞墓 在華嚴菴山門前有塑像祀菴內

杏花村志卷二

寺廟

墓

三

貴池先哲遺書第二十五

杏花村志卷之二終

杏花村志二

154337-78 版

200

杏花村志卷之三

村東村之東雉堞參差高宜登眺村之西湖光

名勝

芙蓉塘在弔橋下每當夏秋水漲荷香偏楚嘗有采菱舟

建置

秋浦樓舊在治東按曹學佺名勝志曰李白詩秋浦長似秋

岸花繡錯山樹陰森菽蔟蒼蒼青荷翠葉綠
影映碧而雲深炫錦馳之希鳥潛沈香之珍騎其為秋也

隋治縣而更名何氣移於冬夏風似秋而迄今乃情繫於
太白歌聖而修傳既如之數謂復長沙以稱連指清

池陽起水國有水成宜秋天洗一益月夜沈雙玉鈿雁輝
吹波起水國有水成宜秋天洗一益月夜沈雙玉鈿雁輝

永懷堂 祭期春秋美復新其門垣

令劉公光美復新其門垣... 祭期春秋美復新其門垣... 祭期春秋美復新其門垣...

杏林志卷三

宇宙未決底止又安得而不... 宇宙未決底止又安得而不... 宇宙未決底止又安得而不...

述行世寄川於先生乃母氏所自出... 述行世寄川於先生乃母氏所自出... 述行世寄川於先生乃母氏所自出...

杏林志卷三

憐風雨接城頭佳時若為宜人... 憐風雨接城頭佳時若為宜人... 憐風雨接城頭佳時若為宜人...

名勝

耀龍山在杜鵑亦名杜鵑山夕陽明處景偏嘉翎光刷雪投... 杜鵑山在杜鵑亦名杜鵑山夕陽明處景偏嘉翎光刷雪投...

武陵桃雲開鏡又選杜鵑詩曰散步郊原早尋僧漫曳... 武陵桃雲開鏡又選杜鵑詩曰散步郊原早尋僧漫曳...

月穿松牖和風送客舟遙知當日裏賴有杜公遊自注... 月穿松牖和風送客舟遙知當日裏賴有杜公遊自注...

梁昭明廟在村西三里即郡治西也土人亦稱西廟唐永泰... 梁昭明廟在村西三里即郡治西也土人亦稱西廟唐永泰...

宋賜額曰文孝累封英濟忠顯靈佑王明仍稱昭明有坊
 闕自元迄明歷修周氏亦附居其側世廟所蓋貴池里社像入
 偏五為僧居昭明祝辰先期十八日送還廟所蓋貴池里社像入
 祝聖寺明必禱靈神或朱飛棟或數隱宋翰良龍片石築
 不祀早極黃庭堅俱有詩元鍾世美有碑記詳見藝文志
 嶺海侯緘重修昭明廟元鍾世美有碑記詳見藝文志
 廟奉部院案稱仰承聖天子德諭凡境內祠廟在祀典
 始知兩祠在祀典也庫吏許動支官錢度祠事則重
 月不雨過半於城隍父老請故未克相度祠事則重
 宇傾頽下儲君而廟宇不蔽風雨如後之弗繼且念神
 在梁為天耶乃默禱於神日甘雨果沛苗稼回綠父老
 我池民也耶乃默禱於神日甘雨果沛苗稼回綠父老
 亦歸德於神宇以安神而神日甘雨果沛苗稼回綠父老
 與遂捐德於神宇以安神而神日甘雨果沛苗稼回綠父老
 助錢不梁武工集材易舊士民歡傳咸樂趨事或捨木石
 毀三開梁武工集材易舊士民歡傳咸樂趨事或捨木石
 室罔知報一新丹青碧照樓二牌樓而廟宇落成凡為
 耶德父老報一新丹青碧照樓二牌樓而廟宇落成凡為
 耶德父老報一新丹青碧照樓二牌樓而廟宇落成凡為

日我聖天子御極圖維祀典神宇者祈福之選也牧我民
 推西郊餘意崇新祠以祀神遊之所者祈福之選也牧我民
 此民膏脂意崇新祠以祀神遊之所者祈福之選也牧我民
 承復百餘年明命下實順百姓歡心不支官庫一錢舉也
 光復百餘年明命下實順百姓歡心不支官庫一錢舉也
 子行世所愛歲四境昭靈動息三農藉庇兩陽時功崇報
 亭由沈遠歲四境昭靈動息三農藉庇兩陽時功崇報
 詩心沈遠歲四境昭靈動息三農藉庇兩陽時功崇報
 羽蹟從今括出萬牛毛南旗祝期武三農藉庇兩陽時功崇報
 明蹟從今括出萬牛毛南旗祝期武三農藉庇兩陽時功崇報
 中廟詩曰風物依然春古斯人未遠亡觀德王命筆題價昭
 伏臘費池微上劉幽城昭明廟發異香因今觀德王命筆題價昭
 七代書心所矜幽城昭明廟發異香因今觀德王命筆題價昭
 無明憐憫日供養高天此未道清魚朱豐園敗垣高相齋猶自
 昭明憐憫日供養高天此未道清魚朱豐園敗垣高相齋猶自
 民明憐憫日供養高天此未道清魚朱豐園敗垣高相齋猶自
 流塞滿錫山華池才高天此未道清魚朱豐園敗垣高相齋猶自
 蒲塞滿錫山華池才高天此未道清魚朱豐園敗垣高相齋猶自
 南樓高星漢獨留亭風朱景舊河山石城林護年車碧洗盡
 南樓高星漢獨留亭風朱景舊河山石城林護年車碧洗盡
 嶺朝金粉班開新亭風朱景舊河山石城林護年車碧洗盡
 嶺朝金粉班開新亭風朱景舊河山石城林護年車碧洗盡

空和川戴本孝昭明廟詩曰秀山門五里梁殿奇千秋
 殘僧自傳碑記客遊銅陵余心傳詩曰統系尚相屬千
 秋位現身曾夢瓜髮可安全勝傳問父老更非詩曰到選體
 徑異王孫生天定重知愛溪山勝傳問父老更非詩曰到選體
 肖像王孫生天定重知愛溪山勝傳問父老更非詩曰到選體
 興後在西廟右為郡守祠司員建今廢明弘治中學博
 寓思亭在西廟右為郡守祠司員建今廢明弘治中學博
 泰公祠在西廟右為郡守祠司員建今廢明弘治中學博
 西微聖母橋池人因祀之今城南
 翠微聖母橋池人因祀之今城南
 翰林祠建未果杜鵬迴瀾菴僧通祭請建唐翰林杜荀
 駕停旌湖上訪杜翰林別業遺蹟一址仰祈農倉皇失對僧
 適行旌湖上訪杜翰林別業遺蹟一址仰祈農倉皇失對僧
 碑名勝錄傳聞多或近方字號今第嘗讀唐風集有曰
 地種疏掘得傳聞多或近方字號今第嘗讀唐風集有曰
 認正為咸通二字咸通唐宗年及第嘗讀唐風集有曰
 鶴門茅屋帶村居又曰宗年及第嘗讀唐風集有曰
 竹杜門何疑且此地臨水背山疏花笠生涯則別業故址其
 草連阡或平湖噴浪或秋潦而雁宿沙汀或春至而漁爭

古渡或山峰晴日微來飄渺雙城或梅里和風點入湖天
 一色地留高士遺蹤景屬九子之祠青蓮為
 釋為儒千秋掩映荀鶴之靈爽實也相國丁紹軾修家
 烏莊乘警於岸作傳曰守鶴之靈爽實也相國丁紹軾修家
 親承其警於岸作傳曰守鶴之靈爽實也相國丁紹軾修家
 氣岸稜嶺不受人羈縻小試別駕青儒業即晚暢業而
 武科屏麓公中隆慶甲子丁卯兩解元甲戌會武未年捷取
 狀元第三後大試拔公卷第一極其讚賞別病劇云公
 抵汝寧考武生故事太不歡與文官為政公以嫺文藝出題
 無遜意遂失太守局不歡與文官為政公以嫺文藝出題
 武歸何得有敗局不歡與文官為政公以嫺文藝出題
 罷歸何得有敗局不歡與文官為政公以嫺文藝出題
 黃石禮蓋公去汝寧先君贈之六字謙人咸曰此語也
 生其取魚公不能也歸而閱三寸餘年無所業家用
 饒給有諷之起官於漁者不應人持盤爛醉或譚棋長或
 黃老道家人之言與三外人持盤爛醉或譚棋長或
 公驅頌然其長貌魁梧五共其盤爛醉或譚棋長或
 叱咤風雲片言而奪之氣而後子牙把釣在末竟以漁終
 悲哉陶朱六畜在既遇之氣而後子牙把釣在末竟以漁終
 而公之論竟老於漁恐非公志也往賦每侍坐輒虛先公得
 聆公之論竟老於漁恐非公志也往賦每侍坐輒虛先公得

獨柱坊 在文孝廟前 按壁間石刻謂唐永泰三年仙人

父老相傳為公輸班化身來建近牌樓已圯惟兩石

柱及橫木尚存 藤蘿旋繞雲開聽秋子取而圖畫之

雙眼井 在文孝廟前 左偏相傳初建廟時湧

宋封康盧二將軍敕碑 在文孝廟左偏 藏荆棘中文剝蝕難

大字楷書中開大書尚書省省下一字莫辨為行草書下

文孝廟供奉神像法合當從建炎三年併治熙十四年云云

太尉今擬靈濟將軍為小楷左方又大書奉敕賜靈翊軍盧

紫石碑 在文孝廟前 右偏碑勒昭明庶庇池事甚悉日久殿

廟流鐫石人多詠之 明貴池布衣陳常題紫石碑詩曰西

兩頻摧折愈有函關紫氣翔 郡文學郎光禪過西廟覽

紫石碑詩曰紫霞一片色蒼蒼 齋曰裁成繭絹黃風雨漸

且說涼涼遂按石樓遺稿此詩未載 張昇摹本刻於西廟清熙

宋崇寧封敕 宣和二年建德尉張昇摹本刻於西廟清熙

吳師道隱 山寺碑記 李村志卷三 附東村

邱墓 孫為吾族祖贈參軍銓公之快婿也 歷官主政

明中憲大夫陳鈇墓 在上杜鵑龍山有坊表今廢按鈇字

至袁州郡守以養親歸里邑志有傳列之賢哲

周金和尚墓 再登九錫杖打翻龍虎雙履 倒燒巖這箇潑

壁卻來九子看山錫杖打翻龍虎雙履 倒燒巖這箇潑

皮和尚如何留在世間呵會得時與你一棒會不得時

且放在黑漆桶裏偷開嘉靖戊子金自九華還羅漢寺一

日告衆僧曰千聖本不差彌陀是釋迦問我還鄉路日午

坐牛車語畢 脚跌而逝

桐城汪守川夫婦合墓 在鮑兒嶺子孫家於江北而墓在

清詩人孫嘯嘯墓 在鮑兒嶺子孫家於江北而墓在

沈德泰題孫嘯嘯墓詩曰高士荒塗傍水濱 草堂廢後問

漁人月明不復聞 清嘯詩曰輕舟過隱隱 沈自檀後問

把釣人幾卷遺書 投野衲雲遊外又沈淪 沈自檀後問

攜其杜鵑集近書堂 白石題文慧題孫昌基詩曰杜鵑山

水爾幽栖墓近書堂 白石題文慧題孫昌基詩曰杜鵑山

杏村西 石埭舒慈弔孫昌詩曰花鳴烟村小 杜家幽人

酒隱傍湖 涯新題墓石書堂址偶過招魂望月斜 蒲田

周邦光不知當日書堂址 好在茅檐第幾家 又日為尋高士

問荒烟 一派漁歌繞墓前 應是詩魂無復嘯 月明空自聽

寒泉 西溪明化鵬詩曰荀鶴湖邊春復嘯 詩人荒冢傍

山頭只今一望梅花白 不聽漁歌放釣舟 竹谿王純仁

詩曰當年此地有高人 把釣吟詩自耐貧 今竹谿王純仁

酒到湖濱 色不堪醉

杏花村志卷三 附東村 刊行

貴池先哲遺書第二十五

杏花村志卷之三終

杏花村志卷之四

人物

村人郎 遂編輯

唐

杜牧字牧之，佐之孫也。第進士，復舉賢良方正沈傳師表為江西團練府巡官，又為牛僧孺淮南節度府掌書記。擢監察御史，移疾分司東都，以弟顓病棄官。復為宣州團練判官，拜殿中侍御史，內供奉。是時劉從諫守澤潞，何進滔據魏博，頗驕蹇，不循法度。牧追咎長慶以來朝廷措置亡術，復失山東，鉅封劇鎮，所以繫天下輕重，不得承襲，輕授皆國家大事，嫌不當位，而言實有罪，故作罪言，又傷府兵廢壞，作原十六衛論，累遷左補闕，史館修撰，改膳部員外郎。宰相李德裕素奇其才，會昌中，點憂斯破，回鶻回鶻種落

潰入漠南，牧說德裕不如遂取之。德裕善之，會劉稹拒命，詔諸鎮兵討之。牧復移書於德裕，若以忠武靈兩軍益青州，精甲五千，宣潤弩手二千，道絳而入，不數月必覆賊巢。俄而澤潞平，略如牧策。歷黃池睦三州刺史，入為司勳員外郎，常兼史職。改吏部，復乞為湖州刺史。踰年以考功郎中知制誥遷中書舍人。牧剛直有奇節，不為齷齪小謹，敢論列大事，指陳利病，尤切。至少與李甘、李中敏、宋祁、善其通古今善處成敗，甘等不及也。牧亦以疏直時無右援者，從兄悰更歷將相而牧困躓，不自振，頗快不平。卒年五十，牧於詩情致豪邁，人號為小杜，以別杜甫云。

按牧本傳不詳刺池事而樊川集中池州詩最多當其刺池時喜登眺齊山清溪諸勝又嘗游歷金碧洞李花村皆見諸題詠明九華吳光錫刻杜樊川池州詩集行世蓋池州山水實以牧重也唐詩紀事曰杜牧之守秋浦與處士張祐遊醉吟其宮詞亦知樂天有非之之論乃為詩曰睫在眼前人不見道超身

外更何求誰人得似張公子千首詩輕萬戶侯按杜產池之青陽家南陽鄉性喜林石清幽之致且與牧之唱酬豈有不廣詩於杏花村杜鵑聞乎今遺篇莫考是知風雅之缺失多矣

杜荀鶴字彥之，杜牧遺腹子也。性豪放，志經史，嘗築別業於杜鵑與同里，顧雲殷文圭康駢輩為好友。登昭宗大順元年榜及第，第一人授翰林學士主客員外郎，知制誥。詩律自成一家，稱晚唐格。所著有唐風集。郡人劉廷鑾池上詩人集為人十有九，荀鶴其一也。羅浮姚子莊重刻杜翰林詩集行世，板藏池州石埭。

李昭象字化文，父方玄，嘗刺池州，裁減蠹民者，餘事又樹九華樓，築翠微隄，鑿齊山北面得巖洞，怪石不可名狀。後遷去老，釋攀轅，留家池州。懿宗末年，昭象以文謁相國路巖，問其年曰：「十有七矣。」巖年尚少，尤器重之，薦於朝。將召試，會巖貶，遂還秋浦。與張喬許棠輩為友，龍紀中楊行密

貴宣州，以書招之，不就。按集中有喜杜荀鶴及第詩曰：「深巖貧復病，榜到見君名。貧病渾如失，山川頓覺清。一春新酒興，四海舊詩聲。日使能吟者，西來步步輕。」荀鶴築別業於杜鵑，昭象當有題詠，今逸不傳。

羅隱字昭諫，號江東生，餘姚人。乾符開父羅則為鹽鐵小吏，遷秋浦尉。值黃巢亂，遂同隱虬鄴三子隱於梅根浦。郡守竇滂作別墅居之，遂籍本州。有文選閣，文孝廟諸詩，隱以錢鏐辟為從事，節度判官副使。所著有三羅詩三卷，江東集十卷，甲乙集十卷，吳越掌記十卷，皆自為序。又有讒書湘南集淮南寓言等書。

伍喬貴池人，貧約自甘，訪道廬山，國學方夜誦，窗外忽一巨掌入中書，讀易二字，喬遂取易治之，探索精微，深契其旨。有僧夢一大星墜，人曰：「伍喬星也。」及訪得因資俸之南唐

保大十三年春試畫八卦賦舉進士第一為歙州通判尋召為考功郎詔令刊八卦賦於國學門以式四方國除取仕易姓遂歸隱有遊西禪院詩即今乾明寺也

南唐書曰伍喬廬江人也性嗜學以准人無出己右者遂渡江入廬山國學苦節自勵一夕見人掌自牖隙入中有讀易二字條爾而歸喬默審其祥取易讀之探索精微迨數年山下有僧夜夢人指大星曰此伍喬星也僧與喬初不相知迨旦入國學訪問得喬喜其勉之進取喬以置告僧輒驚索子之喬出與郡計明年春試畫八卦賦寤夜望鍾山詩是歲同試數百人初中有司之選者必延之升堂而加恩欽焉先是宋貞觀登坐張洎繼至主司覽程文遂折其觀南坐而引洎西首酒數行喬始上卷主司讀之驚歎乃以貞觀處席北首洎居南登喬為首覆考榜出喬果第一洎第二貞觀第三時稱主司精於衡鑒元宗命勃喬程文於石以爲永式署宣州幕府考滿遷考功郎卒於官按喬本秋浦人而學於廬山者其先或系廬江耳馬令南唐書列在儒者傳內而謂之廬江猶之乎謂湯悅爲陳州人也大明一統志廬江池州人物並載伍喬則亦未之深考也或曰伍喬產于秋浦葬於廬江其墓隴在馬廐內居民耕出碑驗

劉仲名字仁鑒原籍河南洛陽人與兄孟昭並著才名孟昭

杏林志卷四 人物 劉仲名

三

以討黃巢功授山東節度副使轉判池州卒於官仲昭登唐乾寧進士授大理寺評事補貴池令長子文昂蒼杏花村陳潤女遂家焉後由杏花村遷大嶺其支系分籍於青陽明泰昌開光祿丞劉光復其裔也

潘閔自號逍遙子為詩有唐人風其苦吟詩云髮任莖莖白詩須字字工因坐虛多遜黨得罪避舒州潛山寺為行者石埭志列李白賈島李商隱寇豹潘朗魏楚稱長林寓賢疑朗即閔也有杏花村西禪院詩

喻良能字叔奇義烏人累官至太常寺丞官進忠義傳三十卷孝宗深歎賞即命頒行以開縣男致仕所著有諸經講義香山集瀉熙中過池州有拜昭明廟詩二首

沈遼字敬達錢塘人與曾鞏蘇軾黃庭堅以詩相倡和築室

秋浦名雲巢所著有雲巢集作西峰銘石刻在光孝寺久不存郡志流寓有傳

梅堯臣字聖俞宣城人歷官員外郎家貧好飲與歐陽修為友其序宛陵集曰世謂詩少達而多窮蓋非詩能窮人始窮者而後工也嘗有人得西南夷布其織文乃堯臣詩慶厯中令建德有詠西禪院竹詩

陳舜俞字令舉嘉興人嘗寓居湖州博學強記慶厯中舉進士又舉制科第一僉書壽州判官熙寧初以屯田員外郎知山陰縣青苗法行舜俞不奉令上疏爭之謫監南康酒稅舜俞池州題詠有數章不僅村西秋浦亭也

黃庭堅字魯直號山谷分寧人以紹聖元年九月辛丑過池陽與兄黃士臨弟叔獻叔達率子孫題名蕉筆巖併有昭明廟紀事詩

杏林志卷四 人物 昭明廟紀事詩

四

曾極字景建臨川人志氣豪放聲名四起朱晦菴得其書及詩大異之嘗以詩語涉謗訕得罪謫道州卒於其所後有言曾極久斥可念孝宗曰非為江湖集耶因奉旨歸葬所著有春陵小雅金陵百詠有文孝廟詩

朱熹字元晦婺源人父松究心河洛宗旨成大儒為尤溪尉卒熹年十四奉遺命依劉子羽寓居崇安晚徙建陽集諸儒之大成發宣聖之祕要諡曰文封徽國公曾遊池州有九日登湖山和杜韻詩

李廌字方叔華州人幼孤能奮立常以文謁蘇軾於黃州軾謂其筆墨瀾翻有飛沙走石之勢嘗閱其所著曰張耒秦觀之流也鄉舉試禮部軾典貢失之賦詩以自責按廌文選閣詩頗得晉魏之遺

趙葵字南仲衡州人徽猷閣學士趙方之子也寶慶間與兄

范齊名嘗入對帝廷帝稱其父子兄弟殫力王家蔡頓首謝曰臣世受國恩當捐軀以報陛下帝為動容後拜右丞相有秋浦樓詩

周必大字子充一字洪道廬陵人嘉泰元年御史施康劾必大首唱偽徒與趙汝愚留正皆為罪首四年薨年七十

有九贈文忠宣宗題篆其墓碑曰忠文耆德之碑自號平園老叟著書八十一種有平園集二百卷

按周益公泛舟山浙一錄所至必遊所遊必核嘗兩過池州有天遣江山助牧之句

程瑛字懷古休寧籍先世洛州人與楊誠齋真西山同時以理學自任歷官端明殿學士初以建康教授於嘉泰甲子

校士於池州湖山貢院詳見洛水集

陸游字務觀號放翁會稽人年十二能詩蔭補登仕郎鎖廳薦選第一秦檜孫埴適居其次檜怒至罪主司明年試禮

杏花村卷四人物門取錄

五

部主事復置游前列檜顯黜之由是為所嫉檜死始赴福州寧德簿嘉泰二年修孝宗光宗實錄成升寶章閣待制

致仕游才氣超逸尤長於詩卒年八十五按放翁游池州時乾明寺尚名光孝也詳見鐵佛記

張邦基淮海人所著墨莊漫錄有昭明廟祝周氏雜記汪遠猷有謁昭明廟詩楊振有乾明寺古松詩俱宋人

元

貢奎字仲章號雲林宣城人甫十歲輒能屬文既壯通經史以文學發身大德五年授池州路齊山書院長有遊鐵佛

寺詩凡秋浦古蹟名勝皆有題詠官至檢討諡文靖當代鉅儒王文獻吳草廬書其事甚備

按文靖之子名帥泰歷官國子司業父子俱擅詞藻

從遊秋浦當亦歌詠杏花村今詩佚不傳徒令人追慕於下矣

張正卿至大閒任池州同知嘗捐五十金刻文選於池州臚板昭明廟

余璉以大德九祀官池州累官肅政廉訪使後於至大閒即池故地歸老撰重刻文選序

張奉政泰定閒同知州事鼎建文孝祠見鍾世美所撰碑記按世美亦官於池者郡志官師失載

戴蘇新安人管雲甫池之西廂人方懋卿未詳里居其姓氏皆見於元至正閒重修西湘橋碑記中或撰文或捐金或

勸緣咸有功斯橋者因歷年既遠特書列之郎貴和貴懋生元至正閒兄弟同居稱義門今室廬邱隴俱在杏花村

明

陶安字主敬當塗人銳志濂溪關閩之學元至正閒授明道書院長洪武初以迎車駕授左司員外郎升翰林學士賜

杏花村卷四人物門取錄

六

對曰國朝謀略無雙翰苑文章第一池州境內題詠最多西郊有詩

董希仲洪武己卯科舉人親老不忍宦遊栖隱林石供菽水以終今西郊有所居遺址

金焦貴池人建文元年為御史燕兵起尹昌隆上疏請讓位焦劾昌隆無人臣禮尋升刑部右侍郎又論李景隆懷貳

不可任壬午六月之變焦亦與聞出亡甲申重九同諸亡臣會建文君於天台戊子冬視君於雲南白龍山茅舍明

春從君於蜀因留蜀後與王資往河南死於祥符見表忠傳列

傳列

方謨字昌言歸安人正統舉孝廉官貴池教諭陳恭愍提學按吾池城南十里黎家店有金公井即金焦故里也靖難時族人易姓為張居湖山之麓

南畿舉以自代升翰林院檢討所撰昭明廟紫石碑文為蘭水柯薰書丹柯鵬鐫石至今人爭捐之

張邦教蒲州人由進士官池郡丞威明交著每遇賢士虛心延訪以咨所宜行官至陝西按察使治郡時留意山水嘗表杜樊川遺跡因自號曰惜花人

沈昌號楚航鸞鄉人弘治閒以歲薦廷試第一不樂仕進歸隱梅山下其自題詩曰我是梅山舊主人寒香惟我得平分年年分得知多少欲獻君王羞自云所著有池陽懷古詩合前後兩集共二百首杏花村名勝俱有題詠長林楊暹得之村塾余錄而傳之

侯緘號台楚臨海人知池州愛民真切禁奸除蠹士庶俱無

閒言後升副使池人請祀名宦有重修昭明廟碑記

郎子機號懷山銘之孫銘由歲薦任永寧主簿不屈於太守

杏花村志卷四 人物 閩郡仙釋

七

遂棄官歸隱杏花村機嫺武略所造火攻器具破敵百不失一選為池陽管材官萬麻閒會勦英霍二山賊時機家敬祀關壯繆忽見夢云汝父子當同陣戰必勝機以神言父子逐隊行臨陣惟見諸赤面者勢莫敵即機父子也擒諸賊獻俘兵備道馮叔吉敘功題授守備固辭終老杏花村子十二人皆能武名字各以次序配山川號故有大池雙溪五湖九華巫峰諸稱顧太守建杏花村亭址即機宅邊園圃地也

張振字智明號養晦先世居杏花村明初遷青陽趙村振與弟昶力學躬耕以孝友傳家及分爨振以產讓弟卜居於錦村去趙村一里許晨夕往還無閒不失古義門風晚以行誼自高舉為鄉祭酒子三景春景初景項惟景春之裔多聞人隆萬閒有名碑者幼篤至性母死廬墓於魁山之

陽哀毀骨立三年如一日時稱純孝生有令子十歲能文為名諸生諱有守字約吾一字兆中數奇不第決意著述纂訂四子書名曰輯要族之賢子弟咸誦習之年六十卒子三長元政仲亨政季貞政皆能成立不墜家聲而貞政之子名文鼎早補邑學弟子員有過杏花村故里詩

顏素字質卿號與樸懷寧人生平精於易學著有易研一書行世嘗與袁伯修焦漪園周海門潘雪松相切劘其書法魯公時人得其片紙者奉為拱壁萬麻甲辰春遊讌於杏花村撰永懷堂記墨蹟猶藏里中

阮自華字堅之桐城人早擢魏科博極羣書主盟騷壇東海屠隆負人倫鑑作四君詩馮夢禎朱長春虞溥熙其一則

自華也尤善草書人皆藏弄為寶有題昭明廟詩

方元美字旋吉居涪溪山中與同郡王良相陳士祥吳光裕

杏花村志卷四 人物 閩郡仙釋

八

輩相倡和所著有尊綠齋詩及種琴園雅似齋諸集太守顧元鏡嘗讀其詩輒讚賞不置因按生平著述付劖剗適以遷秩去弗果今後人猶珍藏於家特采村境內諸詩錄之以傳

余翹字聿雲銅陵人吏部驗封司敬中子生四歲穎異絕倫稍長讀書日數行下善屬文萬麻辛卯中應天鄉試屢上春官不第歸治一畫舫曰浮齋往來湖上杏花村名勝多有題詠

董模字子修七松里人少時購書屋於湖山下惟攻苦年三十即應選貢司訓歙邑升縣竹令歷官象州武宣獲寇有功卒於粵今杏花村有園林廢址

方時來字南極貴池人萬麻閒與兄時鳴以積學著交丁相國紹軾曾預修郡志時鳴僅以明經終時來應應天鄉試

溺於江上生平著述皆散佚杏花村讀書園亭頗稱佳麗
今易姓矣

胡永順號天岳楚人由進士司李太平數過池州有謁鐵佛
昭明詩歷官兵科給事以攻擊魏璫發遣忠直著聞

黃尊素字真長餘姚人萬曆丙辰進士官至御史以直節死
於魏璫之難絕命詩有錢塘有浪胥門淚惟取忠魂泣屬

鏤之句司李寧國時有西郊諸詩崇禎開子宗義遊秋浦
輯黃氏續鈔所著有懷謝軒詩虞山宗伯錢謙益志墓

顧元鏡字韻菽歸安人天啟末守池州文采風流以杜牧歐
陽修自比登山臨水有康樂風建杏花亭於村中建園亭

於齊山湖同僚屬飲酒賦詩時江南熙皞政事畫一略無
更張吏民便之崇禎末復為池太道聲譽悉如治郡時又
十餘歲留仕粵西以終

李學沈字靖孩生瀟湘雲夢開少負才節汪洋浩瀚萬曆時
侍父一鳳來令貴池日與池縉紳文學登眺檀婆大樓萬

羅諸名勝把酒問天以寄其蕭疏曠遠之致天啟末復貳
政茲邑才人不得展其抱牢騷憤激之感時時發之歌詠

所著秋浦集中有杏花村諸詩

程梧字來鳳號蒲溪別號六六山人休寧人家於秋浦督耕
完賦而外與族屬昆弟輩遊歷山水閒皆見諸倡和所刻

率瀕社錄有湖山諸什

潘之恆字景升歙縣人性豪邁為太學生自髫齡輒以古文
詞受知於汪道昆王世貞年四十不得志溯江而上歷潯

陽陟匡廬登玄嶽經武昌齊安鄂中諸名勝徘徊想望意
趣灑然已復放舟東下從青陽躋九華蓋興盡而返之時
也自題其遊草曰涉江集所撰有湖山窺園記

王命策字簡子葛源人少補博士弟子員同時應制者白首
矻矻以詩為畏途策以餘力工詩賦古文詞自成一家乡

先達閣學孔貞運家宰鄭三俊皆敬禮之生平著述不自
珍惜多為人攘去今族裔王爾綱按輯遺編得鴻濛外紀

集中有昭明廟詩

李明睿字太虛南昌人官至中允辛未分闈吳偉業出其門
及歸林講學四方從遊者甚眾嘗作短垣淺榭引水為池

與交遊操畫艇盤旋其中行吟自如甲申起禮部侍郎時
服式未定持議留衣冠回籍所著有園苑山人四部稿行

世過池上有懷昭明文選詩

耶國本小字大池機長子也家杏花村崇禎末從史閣部可
法死於國事祀安慶府陣亡祠祠今廢

林古度字卞子一字茂之晚號乳山福清人數齡即能詩登
臨嘯詠至老不倦嘗于役過杏花村見諸題詠

六合袁漢推懷林徵君詩曰竟陵推重久名曰與年高
步羨遠行健心憐汲引勞娛生書未賣憤世首頻搔頭
果今搖落乳山空自半瓿兩峰謂此詩是茂之行狀彼
長篇累牘贊歎不盡者反覺多事信然又黃俞邵徵君
有次茂之八十自紀詩曰八十才名編九州七朝遺老
至今留聽談舊事開元載蛋識先人萬曆秋蔡杖尋詩
荒徑外松風坐客小樓頭乳山咫尺能招隱我
欲從公一瀾遊斯篇亦為卞子寫照因併存之

張燦垣字紫城成都人天崇開官邑令嘗捐俸建亭杏花村
題曰陸舫每當杏開湖漲時集文士騷人賦詩飲酒其中

其於吏治游刃有餘尋升司馬郎未竟用而歸歸數年益
肆力於詩有卷園集蜀人以詩名者有張肖甫肖甫生李

王時多為所引重今論詩者稱獨有二張云

吳穉字象香徽州人生而長齋茹素不葷不娶與其弟典共
被也以文章孝友著卜築雞籠山凡登涉名勝捫蘿距石

搦銘碣賦詠自適晚應鄱陵鄭二陽聘入皖幕以致身事

主相勛鄭後解官為言者所中赴京師對簿辭匄往艱
難共之遂卒於京邸崇禎庚辰渡江來池試門問蕭樓商
當世務有西湘蹋青詩

鮑仲熊字虎子廬江人或釋衲飄飄或儒冠笑傲或爛醉敲
句或長嘯投林其髮或束或斷其飲或辛或豆或生前自
祭或舉杯祭人真具有異才異骨嘗寓桐城方宮詹坦菴
姚樞部戊生極賞識之所著有未可語詩行世故禎開來
池州久居湖山瓢菴詠吟甚富惜杏花村諸詩不傳或曰
虎子死遺命火其屍

方叔邵字虎玉號雪山桐城人豪放不羈詩酒自適書法嫺
美草聖識者寶之今乾明寺壁閒題詠乃叔邵真跡也崇
禎壬午夏忽病齒遂自整衣冠凭棺賦永訣詩而逝

吳光裕字寬生九華人善詩賦精六書工大篆小楷八分文

李長村志卷四 人物 吳光裕

十一

翰並妍不以才名自矜異晚應崇禎貢年已六十有一或
稱破萬齋主人或稱天谷先生所著有離騷副墨申椒園
集飲和杜草諸書其歿也施徵君達作傳劉徵君城志基
所題杏花村窺園詩卷墨蹟猶藏董氏後人

吳光錫字少友早嗜學為諸生與兄光裕齊名頗能飲酒
自號釀王最工篆刻遊羅浮遊蒼霄以藻采聞於時晚年
又號花舫先生有杏花村湖山諸題詠

胡虞支字嗣玄歙縣人崇禎中秉鐸秋浦真率示人便便經
筭每當炎夏納涼虎山僧舍手題淨林二字墨蹟尚存後
升令長卒郊城任當虞支之與諸生過從也不導不與只
一僕張蓋耳至諸生家杯酒論文或果餌卯與蔬侑之足
矣往復來來復往則猶有古師弟之樂也哉

附劉城喜胡廣文有秋浦諸詞賦見貽因贈以詩曰
微澆手十過晚銘鏗愚溪未足過耶墜置身情性共文

章持世調規多湖州安定原風雅南渡康侯
斤講和我欲青鞋相傍去獨攜詩卷入烟蘿
任之燦字強伯懷寧人嘗攜諸子就試池陽默禱於昭明廟
以祈貴顯後長子竣次子壑皆聯翩成進士登仕籍若壘
若垣若堡俱相繼入饗官神若預告之且默相之竣每渡
江謁昭明倡首輸金重新廟貌見所撰募引

譚巖字維石青陽人遭亂棄諸生隱居納竹莊時與田父楚
老酣飲貴人招之不至性耽山水好詩歌每遊杏花村輒
有題詠

附譚巖王揖懷譚恩士詩曰名山大隱自稱名三載曾
親泉石盟深竹籬雲開小徑清溪疏雨掩雙荆常從東
郭看磨鏡共約西郊待聽鶯今向江涯尋舊好夢魂應
不長層城桐城周蔚統譚隱士詩曰黃炎天監舊遺
民高士名留傳寫真甲子紀年纔閱筆拜鵬啼血便抽
身畫生蘭氣憑新冢哭奇松枝別故人好友未亡梅可
託借他魂照墓門春接維石甲吳
空之詩有梅花堪作未亡人之句

郎大徵字仲久秋浦人生平慷慨多奇雄豪自喜當崇禎癸

李長村志卷四 俞國政

十一

未春寧南侯左良玉假勤王名拔營東下水陸行駐池州
凡敗兵叛將俱附左營攻剽南都大震池郡以彈丸之區
勢危累卵時觀察臺使程世昌幣聘大徵詣左營行說大
徵遂單騎毅然往立談於百萬軍中旁若無人卒折寧南
銳氣以保垂亡之城使萬姓免於荼戮其功偉矣及左師
擬還營以暫次東流為辭因諷之曰大將軍一生事業豈
可付之東流譚笑片語遂以圍解明日即長發還武昌世
昌尋升開府題敘大徵遊戎亡何甲申變作遂同遊跡高
清石白湖與劉徵君城戴司李重為逃世友久之各別去
世昌還光山大徵歸杏花村誓隱不出其卒也江上名人
輒之有蒞露集江南通志池州府志別有傳華亭外史
附吳非與纂修明史倪開公陳其年兩翰檢書略曰明
靖難之際貴池三忠一黃公觀一陳公敬宗一金公焦
黃已久著且以易名大典論之文貞而陳金或隱而不
彰特鈔其傳略合成一冊樓山兄死事關繫一代想當

著杏花村志書成把閱每稱快四方名人酬贈詩文最富
名曰愛日編歲乙丑年六十有六衣冠端坐而逝里人私
諡為仁孝先生會稽范

錢又選字幼青青浦人性潔好奇工畫山水人物禽鳥花卉
諸種畫成多自題跋生平有花癖或浮居或旅舍到處必
購小軒遲留久之種花為娛遇佳山水輒登臨嘯詠而不
忍去雖生於吳而秦晉楚蜀燕齊豫越之區足跡殆徧康
熙閒僑寓秋浦郡守喻公成龍延為上客與里人郎遂交
最善常同遊湖山杜鵑之閒為作杏花村名勝諸圖繡之
梓所著有遊子吟雲閒彭師援龍眠李雅序之行世

劉廷鑿字叔皮徵君城廡出子也生九歲長兄繇試以烟草
論援筆立就又作自悼賦敘幼孤狀人咸異其才及長家
日貧嘗授徒杏花村與二三同志結友善會於湖山年三

杏花村志卷四 人物閩海籍

五

十有二見知督學解公補弟子員未幾以病歿無嗣遺稿
有西郊諸詩

江士銓青陽人少多技能工畫山水最愛杏花村景嘗形之
詩歌圖畫年甫弱冠以嘔血卒余有詩輓之曰廿年交好
共嚴君愛爾才思已絕羣頓水方將新賦頌玉樓偏又促
修文少發抱烈幾瀕死遺草誰傳盡欲焚惟寫杏村圖半
幅置余花下醉烟雲按士銓畫即絕筆於此

閩淑

唐

劉文昂妻陳氏杏花村陳潤女也生唐僖宗中和二年配昂
生二子昂早卒矢節三十餘年有司請坊表旌其閭歿葬
於羊城里見西餘劉氏家乘

明

陶治妻郎氏杏花村郎清長女治為諸生有聲甫二十餘卒
郎勉撫幼孤闔戶深藏履穿衣結一日病篤子延醫藥郎
曰我未亡人待死分也豈能復見異姓男子以求生乎不
藥而卒紳衿合薦當道督學耿公定向馳扁以旌其閭
詳見萬厯壬子丁文恪所修郡志今郡邑志皆略

貢士孫池龍女杏花村郎大受妻也幼聰慧明大義甫于歸
三日即割股肉和藥以進舅氏疾遂瘳時人以孝婦稱之
後孫氏有女適同里趙標標卒苦節終身蓋亦有得於母
教與

房氏杏花村董俊妻也俊赤貧氏職女工佐夫朝夕俾得攻
苦為舉子業氏事繼姑最孝侍湯藥無倦心姑死助夫喪
事如禮竟以勞瘁卒

仙

杏花村志卷四 人物閩海籍

六

尹從龍華陰人一手一杖披羽衣鶴髮人以蓬頭稱之囊有宋
理宗度牒明弘治正德閒嘗數千里分身赴齋一日來乾
明寺郡御史張廷瑞延而居之偶因拂意而去至金陵舉
動多怪異應天府尹懼其惑眾押令歸華州鐵鶴觀騎鐵
鶴飛昇

按吾池郡邑志作尹蓬頭傳皆云不如何許人亦未考其本傳也

釋

唐

智堅禪師馬祖法嗣也普願住南泉時堅亦挂錫杉山擇巖
次願拈起一莖曰這箇大好供養堅曰非但這箇百味珍
饈他亦不顧願曰雖然如是箇箇須是嘗過始得僧問如
何是本來堅曰舉世無相似

故智堅禪師即所謂西峰聖者是也常居末吳武王楊行密時嘗寓杏花村乾明寺逮去留鐵笛付住僧簡色似鐵而非今不存

明

真圓號照虛本山東大賈初不識文字棄妻子出家至京師聽楞嚴講義萬麻末來栖乾明寺遊補陀復還秋浦天啟中因其弟子如真止齊山如真貴池賤役備給乾明圓餘論若有解悟者即薙髮愿諸招提至齊山如願修寺奉圓居龕西圓年八十二持誦不少輟一日化去時崇禎丙子迄戊寅如真亦棄人閒年七十五又四年徒眾敬二師塔皆兀坐如生

無我西蜀高僧也崇禎丁丑來池州卓錫杏花村蘭水孔閣學貞運題西來真印四字贈之皖江劉狀元若宰贈詩曰定匪蒲團上行忘烟雨中覺機開杜宇門祖鬚叢清削

杏花村志卷四 人物 僧 山 釋

三

蜀山兀深潑巴曲通劈空一棒喝力勝五丁雄後無我擬歸蜀未果居村中數載即棄世

定宇號函融宣州人崇禎閒來池州學博曾世良建石林靜室於齊山迎師居之未幾以兵毀乃入峽川三十六山越七八年池紳士復迎之居湖山西隱菴後棄世徒眾塔之齊山之陽

國朝

悟明號白汗順治閒來居乾明寺禪定之餘兼事詩文所著有大鑄堂語錄乾明寺十景詩康熙丁巳示寂弟子清言塔之本寺前

正儼字无思佳建德廣陽山好學工詩同邑胡魚山孔茶臨鄭甲先每造訪山中更唱疊和嘗遊九華冒雨過杏花村訪杜刺史遺蹟詩曰別路九華遠長春風雨繁訪遊秋浦

勝因過秀山門竹葉人閒酒杏花郭外村古來賢刺史佳話至今論所著有博學草王紹李評曰從來了大事者未有不具勝精神仙無不識字佛祖何嘗廢書无公寄情山水流覽古今如往如復如繚如曲此為真勝情也靈一齊已宗風於今未墜

自彥字容朗梅山詩僧也梅山在建德西南十里許為志南禪師卓錫地容朗時與賢士大夫遊揆尋古跡輯梅山志會西樵子纂杏花村志成容朗賦詩見貽葛源王氏選入詩永士林矜誦之

杏花村志卷四 人物 僧 山 釋

木

貴池先哲遺書第二十五

杏花村志卷之四終

杏花村志卷之五

村人郎 遂編輯

題詠

絕句 七言

杜牧 牧之萬年人會昌末池州刺史有傳

清明

清明時節雨紛紛路上行人欲斷魂借問酒家何處有牧童

遙指杏花村

杏園

夜來微雨洗芳塵公子驂騮步步勻莫怪杏園憔悴去滿城

多少插花人

按九華吳光錫所輯杜樊川池州詩注以此詩采入故因之

杜荀鶴 彥之石埭人翰林學士有傳

杏花村志卷之五 題詠

溪岸秋思

桑柘窮頭三四家挂罾垂釣是生涯秋風忽起溪頭白零落

岸邊蘆荻花

按郡西唐立土城門名桑柘詩曰桑柘窮頭即杜鵑地也且挂罾垂釣至今如故是其別業景物矣

周必大

過池陽賦詩

千古風流杜牧之詩材猶及杜筠兒向來稍喜唐風集今悟

樊川是父師

此詩載癸辛雜識而詩專及杜牧故采之按杜筠兒即指杜荀鶴也牧之自齊安移守秋浦妻程氏有娠見妬於嫡出嫁長林鄉正杜筠牧之示何宣詩曰一子歟歟誇相門宜乎須記若而人長林管領開風月

曾荀鶴所著詩也景福元年顧雲序之行世

曾極

文孝廟

德隱前星民已和山隈水曲廟何多皇孫不得承天統猶使而翁恨蠟鵝

皇孫不得承天統亦第就梁武當日致慨耳武帝身後孫譽為昭明太子子何嘗不承統追尊父為皇帝此吳牛罔先生所以有三梁系譜之作也

貢奎 奎仲章宣城人元大德間授池州路書院長有傳

鐵佛寺

鐵佛鑄成因人計崖碑讀盡一空名茫茫大夢誰先覺跌坐

無言聽竹聲

陶安 主敬當塗人明初學士有傳

秋浦西郊

天風招我遊池陽飛步郭西十仞岡笑把九華顏色好怪來

衣似綠荷香

沈昌 望航貴池人弘治中貢元

杏花村

杏花村志卷之五 題詠

杏花村

杏花枝上著春風十里烟村一色紅欲問當年沽酒處竹籬

西去小橋東

鐵佛寺

堂堂天竺古金仙兀坐山頭了舊禪入定不知忘出定任教

寒暑自年年

郎漢 天章家杏花村官江西都司經歷封承德郎

歸田口占題村舍

浪跡多年悔總非攤書仍下昔時幃倦來高枕羲皇夢竹裏

終朝靜掩扉

先參軍少負才名為丁無尚先生塔門高弟以明經發跡歷任有能聲所著有西昌逸韻今皆散失偶從遺帙中得此作亟錄傳之並有喜李古源

林古度

茂之福清人與曹廷尉學佳友善所著有乳山藏雲館諸集

杏花村

郡樓高出秀山門古跡今時不可論杜牧當年有名句獨留城外杏花村

李盤

小有異化人句容籍出微辟官懷集令

尋杏花村

花村舊圃隔殘霞攜取青蚨問酒家豈有香泉能醉客空餘落日照蒹葭

方元美

族吉活溪人與弟仲臨併著才名

湖山望九華寄吳寬生

光裕

春山歷落百花然絕勝城南湖上船九九芙蓉非遠道何如若箇共安禪

吳應箕

次居貴池人私諱文烈先生石仄冲殉義時有半世文章百世人之句所著有兩朝剝復錄

與李原常孝廉小飲杏花村

遂注孝廉名意色人崇慎簡撰天故事實一書

杏花村志卷五

昔年杜牧為州日遙指村名是杏花湖畔偶然尋酒處布帛

高挂兩三家

許承欽

欽哉漢陽人崇禎丁丑進士歷官主政

杏花村

輕烟淡日養花天村裏瓊枝盡欲然寶馬香車凝望處垂楊影內出鞦韆

川原忽放海東霞重看當年上苑花金谷謾誇蜀錦障石家

那得似郎家

李明睿

太虛新建人官至中允有傳

過池州憶梁太子舊跡

昭明文選古今奇魚美何緣羨貴池才子風流多逸事帝王儲副讀書時

劉始菖

昌石柘縣人崇禎甲戌狀元劉理順之孫

杏花村志五

杏花村懷杜牧之

阿房賦就已爭奇猶憶武陵指笏時省得青樓薄幸意傷心豈但杏花枝

昭明廟

廢興轉眼歎蕭梁賸有遺蹤江水傍文選樓空孤子淚捨身何事出君王

阮大鍼

集之號圓海安慶人乙酉起兵部尚書

西蜀無我禪師來池杏花村將還成都賦此贈別

劍南飄下一曇雲淡點飛披杏雨芬條爾浮杯穿峽去茶鐺

松韻與誰聞

江杏

三玄建德人微辟不出乙酉以後隱居天山洞

宿杏花村隱者家

自注時余應巡撫程公世昌聘寓此留題

古鴨經過晚渡津前村小杜舊行春款留雞黍亭上荷蓀

家風似丈人

陳寶鑰

綠厓晉江人貴州觀察

杏花村次杜韻五首

凍壓烟迷雪正紛漁家渴酒欲消魂覓眠不穩提壺去行遇牧童錯認村

朱散寒烟柳色紛杏花伴汝結春魂黃梅釀熟家家酒遑問杏花村共柳村

有花無酒意徒紛有酒無花也斷魂寒食若無花與酒空留牧豎怎成村

杏花易老落紛紛收拾殘花慰古魂但得清明長日在不愁無酒與無村

我泊池頭畏雪紛杏花未孕半藏魂錯疑童子不知酒剛自提壺過別村

時有同鄉官池若不相爭者故云

杏花村志五

釋祖燦 四照郭 詩僧所著有拖泥草

杏花村

驛路蕭蕭草水平酒罇空負杏花名當年車馬猶虛跡惟有清風牧笛聲

尤 侗 展成號梅菴長洲人翰林院檢討

題杏花村志

小杜尋春載酒時清明細雨杏花枝揚州夢覺人何處祇聽斜陽牧笛吹

舊日湖山春幾迴荒村不見一花開東君有意裁紅錦為待河陽潘岳來

從來未有花村志好事今推郎士元我欲移家武陵住也編仙史紀桃源

太史初由鄉貢選永平司理後緣事去官世祖章皇帝覽其所著西堂雜組稱為才子游飲大用會

杏花村志卷五 題詠

五

以升遐不果天下惜之至康熙己未保舉博學宏詞科選翰林檢討纂修明史院今告假南還於乙丑冬過秋浦山川名勝細加品題有杏花村紀事詩文另梓別集茲錄三章蓋全鼎一鑿也

賦得牧童遙指杏花村

郡丞周公試士題偶憶先姑丈樓山先生與先幸廉小飲杏花村詩因次其韻

五馬芳郊樂事餘前詩首無韻編攜春色醉名花黃公鑪上留題字猶見當年舊酒家

村原此日散晴霞處處香醪樹樹花策杖不須頻借問平天湖畔醉為家

鄧漢儀 孝威秦州籍吳縣人由博學宏詞科授中翰

春遊杏花村

兩晴正值看花時村裏曾無花一枝日暮秀山門外望牧童猶唱杜家詩

村志五

石徑清泉自曉鑪當年佳釀客爭沽而今芳草斜陽裏不見黃公舊酒罇

老樹雙鳩絕可聽菜花遮斷杏花亭難堪細雨荒山路一箇殘僧誦梵經

小杜詩名播酒家至今寒食鬪繁華武昌百萬旌旗下誰向東風護杏花自注杏花為左師艾刈

吳 非 大非號山寶隱居古牛岡

題杏花村郎鑑所貽鈔紙

舊傳猶自篆分明洪武通將寶鈔行郎鑑留遺珍故紙當年百歲尚聞名

此余先人於故村所遺也亦可備村中故實鑑公號鳳山首年一百有三弟蔚臺公首年一百有五

舟夜抵杜鵑

小谿淺港聚漁管欵乃聲聲入水應雁叫寒湖荒草夜幾家

杏花村志卷五 題詠

六

傍岸出殘燈

周 疆 號菴仁和人池陽郡丞升皖江太守名勝古蹟留題最多池人士擬請於上與杜樊川並祀云

杜刺史問酒處向有杏花有亭鞠為茂草余今種杏築亭併修顧元鏡舊坊詩以志之

寂靜公庭無事時秀山門外好風吹停驂一望多荒草問酒空留小杜詩

杏樹栽來繞徑斜人著意護新花春風昨夜村中過一片平原盡彩霞

荒亭遺址杳難尋淡日疏烟榆樹林小築花開堪促坐玉壺春釀好頻斟

綽楔曾題名刺史赤文落盡碧苔餘新來曉日迎丹堊從此行人識故村

尤梅菴太史題杏花村紀事詩曰杏花村本杜牧清明詩明太守顧元鏡建坊表之後有改為牧童遙指

杏村志五

處者里人請遷舊名而未復也今郡司馬饒菴周公
重加修飾題曰杏花村而徐按杏花村金陵有二一
在鳳凰臺一在芙蓉山而徐州亦有朱陳村杏花一
百二十里東坡詩所謂我見朱陳舊使君物農皆入
杏花村是也以前考之則池陽為最古然古來名山
大川高臺曲池風塵須洞漣沒而不傳者多矣此村
幸藉小杜一詩以傳而村之有坊額公創之於前周
公修之於後皆賢使君可傳者村雖小君子大之大
復古也余過池陽同諸子賦詩以志云云自尤太
史首倡二什為周公紀事一時作者霞蒸雲起別集
成編用傳

陳肇曾江州所著有濯纓堂詩以弱冠登科僅官外翰終老

秋浦雜紀之二

城西同出秀山門極浦遙看水抱村昔日題詩人已遠卻教
不見典型存自注九日登湖山

高樓百尺想崔嵬雨後無端步紫苔京口長江衣帶水鶴林

曾上讀書臺自注文選樓去杏花村二里許

田雯在西湖未至為張雨雪阻之霞濟南人江南學使

杏花村卷五 題詠

七

題杜牧尋春圖為吳興太守

春花零落古村邊說到尋春癡可憐太守風流今老矣不堪

重畫杜樊川

蘇汝霖鶴洲石埭人粵西學使卒於王事奉 旨優卹祀

杏花村

乘閒出郭問花村酒肆青帘依舊存遙指牧童今不見寒烟

兀自暗黃昏

沈瑄格菴餘姚人家西湖

夜入杏花村

籃輿夜入杏花村細柳含烟映郭門不識酒家何處是獨留

明月冷黃昏

碧水蒼山春復秋池陽驛路落花浮松林策蹇題詩過不見

當年人倚樓

宗 觀鶴問江都人司訓貴池自號杏花村客所著有秋

杏花村酒家

錦駝鳥隔小橋鳴橋上青驄傍水行遙認杏花村外路夕陽

霞襯不分明李白秋浦歌曰秋浦錦駝鳥人開

紅兩輕陰澱客衣黃公壚畔是耶非江村蛟蜺如相識蕩漾

青帘竹上飛

不見題詩杜牧之春風來去幾多時杖頭錢盡應賒酒莫待

花飛聽子規

杏熟梢頭風雨頻年光虛度可憐春笛聲吹醒青山夢落拓

江南有幾人

題杏花村圖贈郎趙客

可是君家半日村唐入郎君曾有杏花深處掩柴門茶香墨

靜題詩坐壓倒當時郎士元

文章雞肋笑何如世路羊腸未易居自是君家好眉宇小園

避俗讀奇書

王朱玉元式崑山人由教授升國子監博士

杏花村

遊人偏問杏花村冷竈寒烟欲斷魂我去恰逢芳草歇來春

留與覓王孫

孔尚大五若建德人所著有道之園集

杏花村

杜老行春問酒家顧公緣舊更栽花風流不最官評重也有

聲名向後賒

汪元綬雲裏宛平人由內閣中書出為郡司馬祀名宦

步月有懷杜樊川

江城中鎮屬池州杜牧曾因山水留為憶杏花村夜月南湖

可是昔風流

張芳 蕭人句容人壬辰進士官常監令

寄題杏花村為郎趙客

風光觸處似飄萍占斷山川是性靈為憶詩人千載上杏花村裏酒甯青

今古錢郎又杜郎他年文藻合騰驤玉山亦自傳名跡自注江右

玉山亦傳遙指處過雁寒塘一唳長

牛岡今有老詩家問字何當酒滿車若使他年傳馬鄭層城遙望是丹霞

曹有為 亦若石埠人

讀張鹿牀明府杏花村三截句次韻寄之

莫道花飛逐泛萍遙從江上見山靈阿誰管領諸名勝惹得詩人眼倍青

杏花村志卷五 題錄

九

村前明月酌桑郎不見高人馬首驤記得樊川賢太守玉山

何處欲爭長

鱸指黃公賣酒家漫勞平子賦騰車詩成不問花開否錦字

香生一片霞

宗元豫 子發廣陵人家京口

過杏花村看紅葉

聞說前村有酒家紫薇遺跡漫相誇春葩伐盡名空在聊借丹楓代杏花

楊之柱 玉擊常州人

栖雲菴

境接清涼別有天老僧無事伴雲眠名心頓與寒林澹觀我須參一字禪

張德 僧持江甯人所著有南村自訂詩

杏花村弔郎仲久隱君

杏花村裏有村人百萬軍中解戰塵不藉郎家先輩在花開何處問遺民

過杏花村因讀郎趙客村志得四絕併以寄之

清明憶昔杏花村杜牧當年跡尚存怪我經過當歲暮祇憑尊酒弔花魂

曉踏霜郊破凍痕坊名驚署杏花村若非刺史留題處蔓草

荒烟誰復論

曠野晴光冬不雨赤城霞起將天補金陵亦有杏花村恨少詩傳似秋浦

一編詩話溯淵源往事風流賴爾存上苑鶯啼千萬樹誰能及此杏花村

戴本孝 務崩號鷹阿子和州人與弟解峯子移孝並著才名

杏花村志卷五 題錄

十

送張南村之秋浦兼懷郎子趙客聞其輯杏花村志

先生詩賦動江關池上烟光老客顏覓徧新題蒼玉峽驚殘

舊夢紫金山

杜樊川蹟賴誰存說有風流郎士元霜樹柴門遲客棹江東

詩派老南村

郎應徵 子四號且園郡人封宣武將軍以歸田十韻著名

登鉢頂山遠眺

鉢頂峰高望眼寬樵歌牧唱足人歡行春曾有樊川輩為問唐時舊井闌

川南寄姪孫趙客

年來空憶故鄉鱸萬里籌邊未遂初聞爾開山成別業焚香盡讀選樓書

陳啟孟 孔皆懷甯人

贈杏花村主人

杏盡泉枯易代村惟君世守舊衙門前岡有客扶筇至沽酒
連吟坐樹根

戴旦漫華和州人

題杏花村別業

從來空谷有奇人卻笑漁郎認不真聞道杏花村裏事一聲
雞犬是先秦

王爾綱紹李建德人評選海內名詩日時賢詩永投梓間

杏花村

名株曾此結芳根為問郊原幾樹存留得使君佳句在至今
猶說杏花村

杜鵑弔孫黃裔有序

黃裔名昌家杜鵑世為漁人即黃裔常身之矣安記
敏妙下筆千言立就郡人士皆樂與之交詩以杜鵑

杏花村志卷五 題詠

十一

名集余嘗索其稿錄五十餘首多有唐人風味負性
疏放酒酣高唱旁若無人病中尚長吟不輟好死以
遺稿付詩僧亦管友人即越客為茂陵之求不得也
而余當日所錄猶為存其百一亦奇矣哉黃裔屢應
小試不售易名登孫守備嗚呼然卒
鬱鬱以死是可悲也詩以弔之

寄跡漁舟一葉輕揆奇懷古氣縱橫至今杜鵑湖邊浪猶帶

蘇門長嘯聲

為文曾博士林譽病裏狂吟尚自如誰識琴隨人響絕當年

偶集是遺書

湯肇文補弄金壇人

冬日題杏花村

高齋惜別懷春景惆悵尋梅江上冷纔逢空憶昔年村何日
相隨同訪杏
春來隔鵑映紅霞茅屋林邊隱幾家日暖芳郊爭載酒可能
還見舊時花

杏花村志五

鮮妍數里是平原遙憶溪灣小竹門為問牧之何處是但聽
短笛覓前村

杏花村志卷五 題詠

刊行

十一

貴池先哲遺書第二十五

杏花村志卷之五終

杏花村志五

杏花村志卷之六

村人郎 遂編輯

題詠

古詩五言

梅堯臣 聖俞宣城人景佑開知建德縣

西禪院竹 即今乾明寺

古寺帶修岡青葱萬竿玉春梢長舊林夏雨濕新綠幽禽嘯
呼雜晚照陰晴續解帶欲忘歸壺觴歡自足

李 鷹 方叔華州人有傳

文選閣

申轅應楚聘鄒枚適梁苑藩侯嘉賓客賢賢易鷹犬黃綺遊
漢廷羽翼繒繳遠秦府十八公攀附名益顯昭明衆才子文
圃俾蒐選高齋切浮雲雉堞俯晴嶽尚應愧雨間

典

黃庭堅 魯直分寧人紹聖元年過池陽

貴池 自注池人祀昭明為郭西九郎
時新覆大舟人以爲神之威也

橫雲初林漆爛熳南紀黑不見九華峰如與親友隔憶當秋
景明九老對几席何曾閉蓬窗臥聽寒雨滴不食貴池魚喜
尋昭明宅筆硯鼠行塵芝茵生銅甬思成佳句夢遺我錦數
尺屬者浪吞舟風電更附益老翁哭婦兒相將難再得存亡
如日月薄蝕行道失流俗暗本原謂神吐其食神理尚私
其禱久矣默

李得春

按詩及詩題自注以遊昭
明廟作而紀事也故錄之
首川貴池人祀鄉賢 以後俱明人

劉觀明前輩招飲杏花村
居平無玩好而素樂山溪為赴師門約追隨郭以西氣候正

明澈和風飄我桂非如前日雨率足戒塗泥步趨依杖履旋
折任天倪大要年耄後開緩以相攜亭廠開村曲紅樹傍檐
檣林坐曠人意湖平草色齊顧瞻存靜理豈復遠攀躋傳觴
無吳教微言古與稽小杜風流在神情想未睽

劉 城 伯宗貴池人崇禎乙亥保舉授知州未仕歸隱峽
川蒲田余懷有私誣文節議祀鄉賢

寒食出西郊取徑昭明廟歷乾明寺歸

今年春色早信步得芳菲尋幽意所便時與侶伴違青蒼在
山曲鐘磬相因依螭碑跌燕麥蚪篆蝕苔衣當時選文者臺
空人未歸懷古意不盡逐景暝光微返叩法王像豁我塵情
非

周 蔚 雪顛皖江人賦詩千首藏於家並有自壽自祭文
此山林達士也

杏花村懷顧韻殺使君

古人不可見我來長歎嗟文采與風流春風吹落 山去

不留黃墟委泥沙只有遠山畫相看未有涯

方 文 龔山桐城人壬子生以與靖節少陵香山同好事
者作四壬子圖畫按何堪集有靖節生年辨

西廟留題

昭明梁太子嗜學稱文人如何千載後赫赫為神明相傳至
秋浦食魚美而珍遂以貴名池惠愛及斯民斯民感其義立
廟湖之濱廟貌甚弘敞四山多松筠水旱必祈禱其餘亦咨
詢里社號土主祭祀水不涸我夙慕遐軌今始出城闈取道
乾明寺曲淵通江津所愧羈旅中蘊藻難具陳仰首若舊識
臭味遙相親當年注文選佐治有六臣胡不列其旁配享垂
千春

甯 尚 山同臨城人乙酉以後不復備冠自裂阜布為帽
尚死東汝楊森作布帽山人傳

杏花村訪友留宿得瓜字

少時同老友到此看春花埜店沽清酒弔古論無涯祇今三

十載重遊不勝嗟教場餘戰壘坡上無人家隔林有仲蔚幽
栖蔽蓬麻扣戶一相訪風物絕紛譁弟兄稱孝友意氣殊豪
華把臂解冠佩留連坐啜茶談劇迴忘返驚願日將斜慙歎
具菜飯新酒薦秋瓜

陳元鍾孝受福建連江人生鄭所南之鄉高尚著書猶有遺風

九日杏花村吟

獨坐不得意出門隨所遇言至杏花村不見杏花樹千年事
已非風日愜幽趣川原曠烟水草木秋山暮忽憶淵明詩兼
諷牧之句杏花與菊花寂豔豈同路陶杜不可作感時因並
慕

田庶叔般止直大興人官池別駕器識人才為多及歸休合郡立去思碑於東門外

郎子趙客家杏花村博雅有逸興因樊川詩輯杏花村志蓋猶愈於古之志伽藍者賦此以正

至止西郊畔茂林松柏多云是杏花村春色盈烟莎卉木植則發所虞在芥柯悠悠杜子詠行人猶載過瞻言春登臺飲
酌當嘯歌苞萼苑長條惠風如之何

九日集西郊拜石堂

今節喜晴明寒山展遊眺遂造幽人廬清言雜吟嘯繡繆不
能忘林端來反照

胡其毅致果一名漢字靜夫江寧人中翰日從先生子

題杏花村寄郎趙客

昔聞楚漁父權入桃花源靈境不再邁大地歸鶯喧孰知秋
浦側留此古杏村樊川偶遺詠春雨還郊原草色作寒食林
光搖旅魂牧兒自三五蓑笠牛背蹲酒家隔前隴掩映青帘
翻至今號樂國淳朴風猶存中有高士宅絃歌風所敦太守

繼攬勝朱轡曾到門不羨曲江宴惟設老瓦盆何時巖舟過
問道傾芳尊

吳非

步出城西門

步出城西門胡為逃宴會禮法如受拘我豈欲自外醉飽取
醅肥古歌別有味任情四山閒遠嵐枯亦翠幾家居就荒牆
壁蘆補敗墻墮垣丹門綽楔新塗字粉飾規前人遺風復何
在空有杏花村遙指酒焉黃苔薛堊殿班額尚乾明寺不知
光孝名何年遂失記鐵佛像巍然高約二丈計范合如衲衣
水田片相砌幹綠從紹興訖功以辛未要其施財人姓氏兼
外內或稱武翼郎都統亦官制或稱淮陽軍寧武亦地誌仿
佛猶可稽饒餽莫辨識當時檉柳頽咸涓更修備相傳火烈
焚金身獨不壞歷年四百餘萬麻鑄全配我感此像存古礎

杏村志卷六 題詠

餘一二笛可役蛟龍徒思絕響吹西峰聖者留銘詞誰手製
至今皆無遺事遠惟歎喟僧頑雖拒人靈與求所自

王著苕草浙江繡水人

題杏花村

金陵杏花村居人亦不知遊客問遺蹟老樹無子遺池陽有
古村春花無繁枝地以村為名風景堪追思詩傳唐刺史曰
誰杜牧之今有賢主人風雅相總持撫遺編村志選勝徵新
詩引人入深致如見花開時

錢之選文青九華人

遊杏花村兼呈友人

走傍石城西經過石橋路楊柳隔溪垂人家連屋住半里入
花村寒烟羃荒圃緬想全盛時夾道栽杏樹酒旗插當墟騷
客頻來顧不見杜使君時節驚風雨弔古倍生情遨遊得真

趣只今花枝殘好景不多過畫角起譙聲平湖飛白鷺遺跡未全荒谿山自環互幽人擬結廬良辰思快聚尋花載酒來得意狂題句

周 杲 東溪桐城人家鶴石

過杏花村懷即亮菴處士

秋浦富山水夙稱風物清獨於杏村中往往產異人前有忠義士後有仁孝身弱齡甫懷橘氣節即嶙峋太翁往說師奮志欲從親已值滄桑變新亭灑淚頻冒刃扶祖櫬兵阻感孝純高堂繼委疾問藥徧城闔三載寢苦塊萬古仰彝倫遺僕歸宗系德亦播寰塵咄嗟遘陽九大義終沈淪何如從高舉泉石樂情真人人知君實相對如飲醕開尊擬北海坐上無雜賓陶潛栖三徑時澆頭上巾張華富五車汗牛家不貧偉節自終始青松與竹筠秉道更疾邪育鳳而產麟玉樹聲已

杏花村志卷六 題詠

五

徐秉義 果亭崑山人翰林院編修

讀杏花村志寄金賓王 時賓王司鐸秋浦

赫芳蘭名亦振翩翩凌霄漢矯矯摩蒼身東牀屬高士文章為世珍花村同偃仰梅渚共逡巡或垂白浦釣或掉清溪墮人情任反覆幽懷與日臻願言追芳躅常就杏花春

余有成 玉生更名思復將樂人高士

留別陳會山兼懷杏花村

昔聞秋浦佳茫昧不識路今作秋浦遊知音忽相遇若翁古遺直恬淡心迹素蒿目對蒼生豈論逢時具行邁觸霜風高嚴見清暑多君能古處尊酒歡相聚李白千古人詩篇寫真趣風流各一時今古逸欣慕惆悵杏花村沈吟烟柳樹佳會

杏村志六

自有期無為歎遲暮

宗揆藻 林宗揚州人

杏花村同包一水諸子小集

飲中有真樂但問何所宜胸懷遇曠達天地自清思風聲寒廢葉日色冷空枝蕭蕭古寺影相對遠山持登高始縱目心領神已移況得一村外江光千里奇樊川舊遊處還堪沽酒危烹魚謀田舍攜尊多素知傳觴失行次不勸亦不辭一飲無不醉誰知歸已遲更愛平橋上新月如蛾眉

吳 襄 七雲九華人

湖山

兀坐湖山巔醉向湖山語當年沽酒人杯杓今何所芳草城一彎落花鐘數杵山水悄無言日盪江中興

范 鑄 歐冶號鑄會稽人州丞所著有燭谿賦言吳門尤個鐘山紀映鐘序之行世

杏花村志卷六 題詠

六

秋日過杏花村

夙昔嗜邱壑取為都市遊風塵淄鷓冠面目懷驛羞秋浦秋色佳客輟為句留出郭過杏村風景何悠悠酒帘搖故墟錦樹疊丹邱湖光雙匹練山色四遭周只此名勝地無花亦解憂疏楓絳霜葉疑與杏相伴行行欲問酒沈醉凌滄洲逝將棄秀濁上與古人謀杜牧偶經過風流傳不休人物重山川勝情自可求千古賁茲村地境還清幽

錢 塈 介臣長洲人學博

杏花村

朝出秀山門晴雲映深隴橋下水潺湲菜花香滿路不見杏過牆空吟牧之句石徑接荒原酒家在何處廢井轆轤閒半畝濃陰聚傳是黃公壚多恐遊人誤山空少牧童殘僧聊共語昔有武昌師旌旗蔽楚住芟刈盡園林花枝何足數寒食

杏村志六

與東風春愁亦誰護村中好事稀鳥聲自朝暮客聞起太息
彈指古今度時清郊甸寧事與賞心遇此為傷歎鄉高賢曾
屢過況是士元家風流鏡餘趣何當二月時徧種千枝樹

秋日集杏花村登益頂山以僧舍題額清涼別境四字分

韻限五言古 益音錄

吳非 得清字

重九維三日佳氣風以清吾宗招出郭登高同勝情江流遙
界白湖草將通黃九華插天外六峰浮嵐光談言欣侑酒斟
酌醉何狂如忘歸路徑夕陽催欲暝

吳德奎 得涼字

西郊爽氣涼排空雁陣長千林欲改色豔擬杏花芳隨意尋
幽徑攜尊過寒塘懷古多憑弔披襟興激昂高譚驚四座雅
韻雜松篁躊躇行且止微風送殘陽

杏花村志卷六 題末

七

吳德照 得別字

性癖愛尋山況值秋光潔獨步亦成歡何幸同賢哲共躋盍
頂山螺染千峰列地盡長江環樹高橫雲截風景當不殊阮
嵇情自別何以舒曠懷杯中餘麴蘖

郎遂 得境字

秋浦長似秋此語意以永湖光況秋清四山開幽境好友欣
相從挈榼步移影指顧為扶筇躋攀登絕頂遊情載詠歌楓
林紅似杏

古詩 七言

楊振 宋人

乾明寺前古松
北山斷處唐朝寺路隨山轉江城裏獨有門前偃蓋松百尺
陰森倚天翠傍無凡木可等齊曉色浮空照關市烟雲會合

疑有靈勢若蟠龍欲飛起十月大埜百物彫霜外精神何最
晶冰風拂拂入高枝壯比秋濤動天地夜無神鬼溪月明寒
影扶疏過鄰里蕭灑不稱兒女情爛漫春光醉桃李行人弗
顧顏孤高月月栽培應有意造化能生歲寒姿寂寞豈同花
草死固知人物各有施未必無時皆棄置大厦如求棟梁材
願作明堂報天子

趙葵 南仲衡州人贊慶開拜相

秋浦樓 按樓原在城東宋紹定戊子郡守趙范移建城
西以路通秋浦也端平王伯大易名秀山

麗譙岩巖壯城闕萬里關河歸目睫雨餘漁釣玉簌開烟外
芙蓉翠屏列吳頭楚尾二十秋滿耳絃歌聲未絕不才濫綴
駕鸞行夜夢時還許歸謁蕭晨振策來翠微母憐吾兒倍怡
悅昔偕汝父君是邦舊事辛苦為兒說星星鶴髮簪霞冠笑
看朱衣擁金節一門和氣皆君恩恩與天同酬未得生平區

杏花村志卷六 題末

八

區忠孝心歲晚願為松與柏可堪清賞屬登臨風景不殊人
事別徘徊徒倚十二關角聲吹上梅梢月

吳光裕 寬生青陽人明貢士有傳

窺園行贈董無為 同方旋吉作

石城西偏湖山南何人結園飛翠嵐棟宇盤雲挹城郭野花
雜樹爭氾氾園中主人無為氏日日窺園臥花底笑殺當年
不下帷腐儒局促蠹蟬似君今作達駕前脩讀書種竹隨所
謀胸吞秋浦千年澤筆掃清溪萬峽流抱膝高歌閱今古匡
時豈必廢尋梭精靈磅礴意態遠時時招客譚瀛洲杏花村
近酒香撲我來每飲自擊筑門靜寒飈山脚雲簾開晴浴湖
頭鷺手把長鏡斫月根天外飛鴻送遐目目中景色誰最強
風雲勢擁氣高張董生乘之劃雄劍罔兩走匿天低昂叢桂
青青玉芝紫窺園真勝趨道傍

丁紹軾 默存貴池人相嘉宗論文格

永懷 歌有引

李古源先生倡明理學扶盲起懦士習翕然先別駕淵源率由此厥肩玉臺宛肖古源因以永懷表先志罔敢隕墜今其孫邑博士諸賢羹牆雲樹兢兢家學之繩為顏質卿紀述無溢詞矣然到岸得地見月知天伏而追先別駕曷禁拊膺其交相勸勉宜何如也

三復說詞爰歌弔古

堂開西郭曙瓏瓏十洲眼底合鴻濛晨岫襟湖湛碧空詰人永懷卜築崇厥考一代號儒宗評隲古今廢羣蒙吾家先子侍文翁江有岷陽嶽有嵩末世刺啄爭異同詩禮庭中匪素風元宗接武玉臺公宦業文情匹孔融鑄就龍孫自磨礱騰英藝苑貫長虹蔚起箕裘紹治弓拳賜夜白產青驄在昔三

杏花村志卷六 題款

九

槐手植工今見仙李盤根隆何須金穴山為銅挹秀喬門妬桂叢

劉城

杏花村

小杜刺州後風流不再來清淺平湖三尺水橫側冒衣十丈萊黃公酒壚不可識稍添紅樹傍亭臺人說杏花村裏去演武場門相對開

邵冕

李夫宦國人尊甫鎮之孝廉由崇禎丙子麟經通籍連徵不起年登臺耄孝事泉石以終

杏花村歌呈武兵先生

桃葉渡左武庫遊閒終古無朝暮此日風虧十二門簫鼓連天紛狐兔梅根渚稱孤嶼賈舶漁舟下上語蘆中人斷日蕭蕭蘆花吹折傷心處不如行吟杏花村憶昔從君秀山門帶雨穿雲香細縵路比麴車有餘吞更有黃公酒上壚頽斜似

杏村志六

半醉泥塗雙雙飛出青林鳥口中猶唱十千沽十千沽胡為乎嵇阮云亡河山邈世閒誰識有故吾

吳彥

味長高田人所著有竹莊詩溫陵黃虞稷選入建初集中

杏花村有感

池州城西玉臺起玉臺山畔平湖水四望烟波天欲低參差茅屋杏花裏杏花名村傳至今鴈詠騷稱杜刺史刺史千秋去不還山川未改將何俟雲樹依稀遊者悲況復征馬嘶不已風雨四時亦蕭蕭文選閣空曾無有以茲慘淡幾行吟徒憶當年舊酒市酒香花放杜可來杜即復來何如矣振興大雅君其始

吳綺

蘭次江都人 世祖章皇帝詔諸楊椒山填詞晉兵部郎出守湖州所著有粵遊鴻雪集

題杏花村圖贈郎趙客

小杜曾經刺此州佳名應自為賢侯但今芳樹知多少尚使

杏花村志卷六 題款

十

行人欲往遊君家本向花閒住年少才高能作賦欲將勝事繼樊川直須更種花千樹種就繁花樹樹春此村還合號郎村我來只就君家飲莫問當年牧豎存

沈賦

相如錢塘人所著有湖上草易實時付之燕臺侯

杏花村懷古 有序

郎子趙客秋浦才人也余神交者數載於茲矣去年夏胡子美廂為郎仲久隱君乞言于余已屬管城紀其略以報趙客秋九月胡子復手趙客徵詩啟索余繼響於是復搦管今年春偶過池陽欲訪酒壚舊蹟桑柘遺蹤且得與趙客傾倒以愜素心奈鞍馬控總不獲如願僅一望杏花村路惟有長隄烟草短徑荆扉而已槍然往昔感生於懷遂成小賦就正良朋並藉此以代謀面爰託胡子付之郵筒時乙卯天中節後二日

神遊幾度杏花村今日看山到華門陌上盈盈芳草色春風過處馬蹏輕遙憶當年村外路續紛紅雨應無數只今空對夕陽留烟光漠漠知何處太守流風繼者誰牧童猶是杏花

杏村志六

西才名徒結千年想我來未敢再題詩秋浦樓前信宿返斜陽道上春風晚今之視昔已如斯後之視今當更遠

宗元豫子發興化人

讀杏花村志有題

少誦紫薇句遙愛花村名老作秋浦客頻來花村行花村風景已非昔千樹名葩不存一轉眼繁華變劫灰迷陽滿路賈行蹤郎子奕世家村中當年猶見千林紅按輯詩文徧今古牛腰大卷壓奚僮我謂詩文徒空名何如種杏復成村老夫乘興如相訪與君花下聽啼鶯

沈瑄格菴浙江餘杭人

杏花村懷古

昔聞杜太守沽酒杏花村今過池陽道西郊名尚存空山舞燕巢高柳玉堂人去春來久蘭亭紫澤成邱墟誰向前村沽

杏花村志卷六 題詩

十一

美酒持酒尋花憶落紅昔年此地宴羣公于今草色斜陽上春鳥啼殘舊苑中

鄭濂蓮水上元人石埭司訓

杏花村懷古

杏花月小天猶霜枝頭綴露垂珠光硯玉生波曉簾畔寫券買花春字香刺史行春敞幽步城西雨濕行人路細水遙通遠浦烟青帘低繞前村渡醉裏看花氣概還寶刀映面黃金鏤相思偶憶相逢處繫馬高樓楊柳邊君不見鐵笛吹寒江上潮芙蓉紅淺冷山樵新歌舊管聲嘈嘈又不見蘚碣空林古道傍銀鏡蘆葉響漁梁鶯鶯燕燕何其忙交湖千頃明如滌老樹長峰矗霄立為怪風流不解愁天涯芳草連根碧

王著安草繡水人與兄鑿以詩畫名於時

題畫杏花村圖呈還樸隱君

韓康高隱真仙境端不種桃專種杏逃名早避市人知花掩柴門守幽靜天台武陵焉足誇引人多事笑桃花安得烏衣如燕子春風歲歲到君家

陳元鍾孝受連江人

郎魯亭從其尊甫遊西郊見佳松欲移種家園余聞作

歌貽之時魯亭方十歲

莫種松莫種松松枝松幹待至老纔能偃蹇作虬龍不如種梅為得手開花占在百花首他時肯折花下枝猶可天涯寄良友主人聞言殊否否為愛柯葉青共守世間萬木俱蕭森此公獨有歲寒心漢武柏梁室足道周宣桂殿徒為矜公輔唐堯成至治松階松牖冠古今天上擎雲等閒事凌霜傲雪直千尋夜半波濤來枕畔推窗月皎松閒看斯時天地寂無聲松影花陰兩堪玩靜極生悟古至言萬頃文章煥河漢領

杏花村志卷六 題詩

三

君佳論自爽然歸去栽松書館前閒時箕踞長松下為君詮

釋天人篇

錢又選墨巢雲間人

遊杏花村長歌

春曉出江城城西轉山麓隔林春鳥鳴花外多山竹三月杏村花盡開竹籬茅屋起山臺山臺幾處面湖水時見遊人花下來乘興徘徊日漸長春風猶帶杏花香西家買酒東家醉花下春風拂鬢涼歎我半生短鬢白故鄉卻是無家客花應笑我白頭翁我只對花常痛惜花謝花開憶昔時昔時名勝復何知憐花只欲當花哭惆悵風流杜牧之牧之臺榭變荒邱惟有春渠堊水流堊水生時見春草使人憔悴不勝愁我今故來訪主人主人郎子交情真兩人復入杏花裏相對論心如飲醕說我十年客秋浦羞添貧病成老腐可憐潦倒不

堪言大拙只今無巧補今日對花結好友錢郎二子共詩酒
何時重過杏花村平天湖上盟村叟我欲置林泉試問君可
杏指我卜居人君當笑攜手天下士應如此花飛猶自怨青
春回首斜陽情不已君不見九十春光欲盡時春光一去疾
如天我輩意氣深一醉眠花底還訂年年約莫教春恨矣

楊之柱 玉學武進人

書杏花村別業圖後 有序

余客貴池學博署中未及一旬即逢重九因與諸文
學繼步三臺山開俯仰風土以廣足跡之所未經約
行半里許第見山原清曠石徑逶迤同人告余曰此
即古詩所謂杏花村也相傳唐刺史杜牧之行春問
酒舊處歷千百年來滄桑代變景物雖移惟香泉井
尚在耳余既回不忍去者久之歸而捉筆志感有欲
尋刺史留題處憫愴西風落照邊之句居無幾得交
郎子趙客相見恨晚道及前此勝遊知杏花村即祖
居故里自宋司馬文龍公至今所從來遠矣因出手
持扇頭墨畫示余余初不解最後閱其題白乃樽子
為趙客所寫杏花村別業圖余又不覺啞然失笑輾思
曩時遊覽風景宛然在目而淡林疏樹之間有室焉

杏花村志卷六 題後

此中異人可想而知也披覽之餘聊賦短歌以識於後

寒風落日賓鴻飛我飄零書劍將奚為十年奔走驚塵裏
旅寄池陽得幾時歧途暫假甚寥寂忽逢郎子鬚眉錫傾蓋
相知如故交酒後酣歌唾壺擊此中投契欲何如明月松雲
把卷餘可歎人生多不遇我倦遊兮君幽居羨君才俊
少文章標格特高妙杏花村舊宅比輞川卜築於斯供覽眺何
處尋來顧虎頭獨開生面為君留胸中別自有邱壑醉墨淋
漓寫照幽君乎君乎栖別業令余可望不可即西蜀南陽是
也非其閒有箇真人杰山之曲水之隈任憑吟嘯驚風雷我
欲攜茲尺幅畫福質諸石城秋浦之高才

蔣瑤芝 素書懷遠人所著有夜光集

趙客集同人小飲杏花村

君家世居杏村裏三十年來存舊址尋幽結伴出西門緬想

風流古刺史寥落猶存杏幾株欲問青帘何處是乾明冷寺
佛莊嚴古鐵丈六生神理栖雲萬竹流鶯聲消遣天風來客
子齊山新翠浮石色映帶百尺浮圖起爐頭小飲發嘯歌西
郊快遊從此始高談往事忽悲壯將軍遊俠兼名士談之盛南東下
趙客令祖仲久隱君以數語退師及南渡時老蒼白髮古牛翁筆底澄徹無
纖滓讀書種子斯人存嶧桐樓山已往矣遙指杜鵑古清溪
重來一棹待秋水酒酣拂袖倚樓邊斜陽萬疊暮山紫

吳非

杏花村小集和蔣犀影韻

近歲未頻過村裏偶往偶來觸廢址為歎從前盛與衰載事
闕然失古史唐詩名有郎士元遙傳風遺趙客是作志紀村
村自來探求分映粗就理招客攜錢拄杖頭由北而南推蔣
子相從四望步逶迤山影江干斷以起檀婆太婆時東西片

杏花村志卷六 題後

西

石齊山誰索始當時楚友號南公謂杜執卷遊談天下士焉
得我輩之文章如此湖光無塵滓無塵滓為三字評蔣子賞
心何如矣狂言交借酒杯銷遣興驚濤風湧水已忘日暮射
城圍行行把手霞映紫

以杏花村圖香筒貽趙客詩為之勝

有友蜀人漢室後貽我香筒佩已久攻竹之工失姓名雕鏤
精巧推高手周迴一幅杏村圖曲沒重疊曲以迂楊柳依依
垂雨際牧童牛背指誰酤分明所取杜詩意畫題併見刀筆
製刻畫玲瓏氣中通氤氳交密烟雲醉爾是村中人村今以
爾名譬諸草木吾臭味一薰十年有餘芬願因割愛遙爾贈
聊作短歌以為勝

蘇應遜 眉麓石埭人文名與凡應秋時為學憲鶴洲先生

杏花村

池陽二月春氣深清江水溢春波新波影搖紅上春樹枝頭
春色開遙岑遙岑曲曲青帘下湘簾半卷花低亞寶馬嘶回
錦犢車千金不換春風價誰家鐵笛暗飛聲芳草天涯無限
情古鳴藤垂鶯語路明湖翠冷遠山亭醉來欲傍黃公住不
記當年放歌處笑指高樓楊柳邊又向前村踏花去

金夢先

肯公皖滿人貢士所著有中庸統說

杏花村歌

皖口亦有杏花村池口亦有杏花村兩村衣帶一江面花時
爛若朱霞屯何以杏村之名讓池口池口有詩皖未有皖有
杏村豈無詩詩無詩人杜牧之乃知名士之詩權若此牧之
之後有郎子皖口花神愁絕池口喜喜君一卷冰雪清無滓
寄語古牛岡上臥雲翁謂趙客令師吳山賓隱君但道花時苦相憶寄我
杏花一枝應不惜

徐乾學

健菴崑山人內閣學士

金賓王佐以郎子趙客所輯杏花村志見貽歌以寄之
我聞池陽郭外有齊山奇石突兀最幽閒又聞齊山並峙惟
九子秀削芙蓉翦秋水當年易子名華始青蓮亦如齊姓名
山因刺史名山悉本名人題杏花村著杜公詩杜公詩郎子
志皆為山水傳佳致一圖一畫總堪尋一句一字思所寄君
貽我書足怡情我為君歌道其意君與郎子互討論且向杏
花謀一醉憶君皋座舊談經村尚韻餘聞鼓吹

朱國柱

立山襄平人廣德州守吏治風雅並著江東

題杏花村志寄沈麟若外翰郎趙客文學

齊山突屹轟秋浦翠微倒影霧吞吐疊岫遙逼九子峰瑰奧
疑經巨靈斧林麓蔽蒼走郊原一覽平沃羨臙臙中有芳村
爭午橋裴晉公午橋莊有文杏達萊萬株作仙隄春風搖蕩

霞錦堆輕土白沙豔雪舞酒甯飄處題黃公竹杖行吟見小
杜地以人著蹟未湮相得益彰遂千古只今文杏空聞歎息
聲開元中杏花數輩并澄泓猶足數芊芊細草薰夕陽泉香
沁鼻醉脾肺選樓荒涼近若何高齋學士埋塵土芸夫牧豎
或謳思釣臺自向鏡潭俯桑柘門前老樹斜郎士元家隱芝
圃主人好事耽奇書旁控遠紹踵遐武十稔鍵扉不賦都窮
力但討城西譜廣文官冷愛博徵貽我短竿乞樂府我腕有
鬼慵應酬展卷讀之掌忽撫臥遊名勝心目怡似入桃源泛
柔櫓愧非朱陳舊使君未曾騎馬勸農問環堵東坡詩云我
君勸農曾入杏花村長企花村風物榮披圖已識良工苦會當躡屩下
齊山踏徧王孫問閭伍

朱公書略曰丁卯春承示杏花村志紫牘之餘一為
總覽如身履樊川宦遊地積背笛聲恍在紙上為神
往者久之池固多才郎子其翹楚耶漫購長句
以據我欲言若云贊入諸名家後誠不足當也

杏花村志卷六

五

六

貴池先哲遺書第二十五

杏花村志卷之六終

杏花村志卷之七

村人郎 遂編輯

題詠

律詩 五言

陳舜俞 令舉嘉興人慶曆中舉制科第一按景蕭樓詩序有同官持杯落成之似嘗官於池者

秋浦亭 即今清涼境址

牢落真秋浦江山滯客舟身同雁南去心似水東流鷗鳥荒

烟裏漁人古渡頭只因山色好來上九華樓

潘 閔 道遠子宋人

夏日宿西禪院 即今乾明寺址

此地絕炎蒸深疑到不能夜涼如有雨院靜若無僧枕潤連

雲石窗明照佛燈浮生多賤骨時日恐難勝

喻良能 叔奇義烏人淳熙中過池州

展敬文孝廟 二首存一

才昔高南國名今播八紘英姿留此地餘澤及編氓仙去江

山在恩來日月明經從千載後款謁薦微誠

沈 通 德亨貴池人景泰三年歲薦官榮陽令邑志列之賢哲

題友人西郊書屋

卜築城闈外居臨杏陽西桑麻深繞屋桃李鬧成蹊種竹開

新徑移花帶舊泥小園閒坐處幽鳥一聲啼

徐 紳 五臺建德人嘉靖辛丑進士官至都御史

謁昭明祠

郡城西郭外蕭帝有遺蹤圖史分東觀應劉儼侍從維城連

楚越作鎮控誰戎尚想崇文日兼收七代雄

張思曾 對華青陽人登嘉靖己酉賢書官魯山令

罷官歸里經杏花村故居

鱸肥方返棹悵望此村幽故里翻成客名園作廢邸難逢小
杜輩喜共老僧遊紅杏曾餘幾重來問酒樓

宗 翹 隸雲銅陵人孝廉

夜過杜鵑 自注秋浦有石中鵑形甚薄而味甚美土人呼為鵑魚

盡日帆穿樹連宵月在船犬聲寒吠棹漁火遠燒天甘汲雲

崖溜鮮烹石穴鱸此中美風物鼓柁督長年

劉光謨 觀明邑人廣西養利州刺史

乾明寺僧房次余燕南孝廉韻

乾明池上寺乘暇特來攀石古蒼痕滿亭虛翠蔭環泉聲清

梵譯雲氣淨禪關七碗風生腋遐心寄海山

為愛林閒寺尋幽儘日攀磬鐘喧亦寂香靄斷仍環白社忻

相過紅塵澹不關話深歸去晚新月遠銜山

孫象壯 子輿青陽人崇禎乙卯貢舉郡志文苑有傳

秋浦亭

卜築城西敞停驂廣見聞醉吟秋浦月清嘯秀山雲雁字參

差亂漁歌唱和羣隔江亭子上簪筆屬誰文

顧元鏡 韻發歸安人天啟末出守池州崇禎間復為觀察使文章政事至今猶傳頌之詳見傳

杏花村

牧童遙指處杜老舊題詩紅杏添新色黃壚憶昔時遠山層

作畫好鳥解吹篴偷得餘閒在官錢換酒卮

李學沆 靖孩湖廣江陵人少尹有傳

春日飲杏花村村在池州西郭外家君作令時始以一

碣為杜老標靈嗣太守顧韻發先生緣置亭榭迄今

遊觀不啻牧童遙指時也

流寓三年滯攜琴幾度來花經兩世豔酒則為杯不擅詞

垣賦翻因碎錦催窗虛得月早徙倚醉忘回

千載誰標杜行人復見村風流思守令芳草集王孫杏汁同
知味酒帘尚半屯我魂亦欲斷愁向此花言

周廷鑑 元立泉州人宮詹

鐵佛寺作示我如上人

鐵佛何年寺遙傳宋紹興神工勞大冶心印問南能巧鑄終
成錯耽空未了僧杏村無酒肆隨處見金繩

吳光錫 少友九華人

九日湖山登高因徧遊諸菴

樊川仍缺事問酒失湖山九日翠微上千秋憑弔閒何如西
一帶水樹盡縈環近頗遊人感予儕實始攀

步引樹蒼蒼西林徧佛場茶供秋露白籬想菊花黃落日孤
帆迴荒烟倦鳥翔匏尊應未倒歸盡紫萸觴

劉城

西郊四首

晴好出西門杏花空有村廢畦留菜甲古佛閱苔痕樹隱遠

山宅人傾近市尊不堪談昨歲戰馬度高原

覽時來物感妮古亦心還寺始梁天監碑存元魯花藥苗隨

意苗麥穗待風華俯仰多興慨西春日易斜

關心最幽勝古廟祀昭明帝子文章伯巫人耕牧生書成傳

選體魚美錫嘉名此地堪長憩林深著霧輕

紺園頽亦古豐碣蝕猶佳僧鉢遭兵燹神龕綴壁蝸分經小

果法賽社衆人俳宴坐驚幽響啼鳥過水涯

譚巖 維石青陽人隱士

杏花村訪友留題

遠樹荒村外清沽棧店中湖山曾有約懷抱頗能同畫水鳥
啼寂風乾雨勢空上方鐘磬起惜別意何窮

郎才文玉邑人所著有浙遊草載意家

過杏花村祖居廢址 見郡志

不似當年勝依稀風景餘青帘招酒客綠樹繞村居愛此成
幽境仍堪結草廬行行復止悵望欲何如

釋悟明 白汗乾明寺神

杏花村

為羨茶經品牽來入醉鄉洞仙丹裏意童子指頭管花沒春
長在泉枯井尚香誰從三斗後玄淡問羲黃

甯崗

上巳遊杏花村

快有尋芳侶花飛正暮春感時多古事偶客一閒身陌上采
蘭女林閒闌草人帘搖茅屋下沽酒共逡巡

陳其勳 公助鸞鄉人順治乙酉舉人官瀘溪令

杏花村 次友人詠池陽八景之一

郊外尋芳草坡前境轉通喬松浮水綠古杏映苔紅笑傲餘

閒裏乾坤一醉中興來談往事誰是牧牛童

徐哲 山甫興化人由學官升令長以文藻著

杏花村

小杜風流遠芳林勝事存春寒深二月凍蕊澹孤村想像枝
頭爛歌呼樹底尊待歸庭杏放一倍醉花魂

邵冕 秦夫宛陵人詩友有湯燕生江左齊名

寄杏花村主人

杏花啼鳥過花雨幾含情佳麗時猶醉升沈感亦生夕陽浮
月夜空翠看崢嶸莫待秋風至吁嗟憶鱸羹

鄧漢儀 孝威泰州籍吳縣人

乾明寺

尋花無意緒撥草有攀躋松栝穿雲立江山抱寺低佛纜支劫火僧久厭征聲鐵笛竟何在黃鸝春自啼

劉始葛 昌石河南杞縣人

登湖山思家

江城搖落早蕭索又涼天聚首知何日離家忽半年雁從雲外杳愁向夢中牽幾到湖山上吟成意悵然

方膏茂 敦四桐城人孝廉

鐵佛寺

老僧憐我寂邀展關禪開省煮花前水茶烹屋裏山語深兼世內心靜出人閒已識浮生誤聊偷半日閒

宗 觀鶴問廣陵人

壬戌春遊杏花村

步屨杏花村平田帶郭門晴嵐浮遠界深樹出朝暎春到蕭

杏花村志卷七 題詩

五

樓改 文選樓時移建秀山 山空杜鵑存江南真異候烟柳勢先暄

秋日遊杏花村

村小平林近幽尋不遠城無花嬌白髮細雨誤清明霜逼湖痕降蘆衝雁陣生酒帘應笑客搖蕩比心旌

劉廷鑾 興父號梅根 嶧桐徽君長公

西郊和韻四首

人來笑閉門步屨欲村村柳發今年浪楸移去歲痕雲橫長負石日薄始開尊古色雖相戀驚魂尚在原

古道沿坡上春江路不遙續依垣外草騎樓瀾邊花風土生民樸雲山為我華交歡遊子展取醉一行斜

廟榱頽瓦震寺碣剝苔明幾袖擔鋤老羣鳥近殿生祝傳周氏姓 西佛鑄宋人名寺 吾欲依棲久孤霞入暮輕

春暖僧寮故烹泉味故佳亭桓全宅鳥梵貝半巢鳩祀事悲

今儉祠官笑昔伴西湘流不斷過此問生涯

吳非

西郊和劉徵君韻四首

秋浦舊西門行觀隴上村壇墟存廢址堰塞漾新痕葦盃藤梢屋人希竹葉尊相看嗟去歲兵燹實燎原

閉戶心嘗靜看山意更遐烟迷昨夜柳雨發早春花下澤苗方透陽坡草亦華平沙入望遠飛鷺幾行斜

昔人傳鐵笛光孝即乾明澗淺穿沙去林叢雜木生秀山原僻隱貴口舊知名為探西祠勝乘風體亦輕

神道藏深草山門古意佳井華無舊耐楔墮有黏蝸荒殿僧今朴幽林鳥尚俳起看雲氣濕暝色半天涯

甯澳公招遊杏花村 澳公名洪斐今僑寓粵東

市中嘗閉戶期我出村行花憶當時勝人無此日情杜詩賢

杏花村志卷七 題詩

六

太守黃酒古先生步屨徐徐去追懷幾歎聲

金 聞之的潛山人所著有天杜山房稿蕭山來集之序

杏花村次顧太守韻二首

名勝久湮沒才人再賦詩風清桴息鼓湖碧野鳴篴樓築選文日花開細雨時醉翁山水意何必酒盈卮

不問清明節閒情詠杜詩亭臺開沼沚禽鳥奏壘篴盛事傳千載風流占一時樵漁爭載酒雜坐共傾卮

曹貞吉 實菴安邨人由中翰官徽州郡丞

謁梁昭明廟

昔讀昭明選今過文孝祠靈旗空想像玉佩尚葳蕤雞黍鄉人泪江山故國思釣魚臺畔水千古自淪湮

周 霽雨晴仁和人所著有稽古林集

杏花村和胡駿聲師韻

紅杏繁枝豔追隨村裏遊齊山縣樹杪浦水漲溪頭雨過花
香細風迴鳥語幽登臨興未盡月色已悠悠

方伸

佐平南陵人翰林歷官主政

過文選樓舊址 丁卯遊池州作

江上蕭梁蹟猶傳帝子遊村幽花種杏浦靜月澄秋古壁蟬
書飽殘碑螭繡留應須鏤銀版文采緬風流

何其偉

梧子連江人侍御所著有清園集續道民錄諸書

送陳孝受池陽省親因憶杏花村文選臺

出門望江樹馬首向吳春行作名山重詩非近代人舞衣萊
彩異村酒杏花醕臺有讀書處看君日幾巡

顧咸泰

思善蕪州人大名令

杜湖

秋浦似湘庭迢遙烟水青舒谿睇菊所華堪憶昭亭旌蘇搖

杏花村卷七 題詩

七

朝徑湖隄冷夜螢何時郊馬息攜酒向微窗

蘇汝霖

鶴洲石埭人粵西學使

郭昆治太守招飲鐵佛寺同宣允公郡丞姚六康明府

李宜楚孝廉

刺史風流甚招尋集眾賢為攜陶令酒一問遠公道黃菊侵
禪榻丹楓點客筵殷勤卜永夜傾倒佛燈前

裴國熙

靈野奉天海城人院江郡丞

杏花村 見製錦編

雲壓半峰低絲絲柳帶迷花飛移小徑燕掠送殘泥牧子猶
橫笛遊人只傍谿湖山非昔況常聽竹聲西

沈廷珞

元珮宛陵人耕巖磯君之孫

寄題杏花村郎氏別業

黃公墟外地新築興偏賒靜著名山業閒栽上苑花窗應通

湖壑徑想入烟霞此日遊人過何須問酒家

楊森

嘉樹江西東鄉人布衣

杏花村

千載詩人地無花亦此村茂林還酒店芳草自柴門飲有提
壺勸耕聞布穀喧亭臺如可復不異牧之存

陳肇復

問義福州人所著有剛訂宋史一書

過杏花村役指道旁井云古之香泉也試嘗之戲成此

詩 自注水自石罅中

清識襟中味誰言泉更香不堪滋口腹也可滌肝腸海到三
山澹河流九曲長回思舊隱處朝暮飲瓊漿

夜至鐵佛寺馬上口號 用正韻

覺有村烟近秋風漸不平深林聞犬吠古寺聽鐘鳴世路忙
為客吾心淡若僧誰知歸宿處猶隔一重城

杏花村卷七 題詩

八

按陳公之官池贊府也由宰蜀大昌守須所納不應
最不書因取池州經歷署齊清與子元鍾考論今
古名聞當世久之署蒙城蒙民乳金書姓名公製
衣一襲志不忘又署蒙城蒙民乳金書姓名公製
池士大夫賦詩祖錢如楊司業故事歸裝僅書盈篋
而已附即送別陳參軍致仕放閣詩曰乞得乘
秋放棹回拂衣長嘯好懷開風高插白眉山曲澤
流通浦水隈歸去千秋重訂史折來一柳進離杯
南有雁飛江左莫
各雲箋為我裁
乾符虹縣人靈河王後裔

鄧世捷

和趙客杏花村元韻肅此志別 時休致
莫漫歎邛墟花開好結廬君能橫槊賦我欲帶經鋤開卷曾
窺豹垂竿不羨魚卻憐歸路杳別思復何如

余思復

不遠將樂人黃冠道服遊歷三吳間

池上晚晴寄陳孕采兼訂遊杏花村

返照出重陰垂陽樹樹金錢紅明屋角嫩綠漲湖心坐見齊
山好遙憐秋浦深杏村春未老從爾更幽尋

林搏雲 異饒武進人 歷任貴池含山教諭

杏花村

尋春古杏里 出自秀山門 問酒猶餘井 無花幸有村 喧聲聞紫燕 緩步伴青猿 小杜風流在 還期整舊垣

葉爾亭

子謙江寧籍桐城人 宗伯葉燦之孫

過杏花村

古蹟西郊外 停車獨倚闌 苔深浸篆綠 楓老落花丹 酒市荒村少 霜天牧豎難 不知秋已去 猶作暮春看

自愛名村勝 非關憶昔賢 山閒雲亦秀 湖滿月尤娟 老樹參差出 時花次第妍 古原由我作 高詠已盈篇

吳

綺 蘭次一字聽翁江都人湖州太守

遊杏花村以雨不果 同趙客分韻 蓋村為其世居也

亦有樊川興 尋春老漸疏 偶同聽雨燭 竟阻看花輿 山水逢

杏村志卷二 題詠

九

佳士烟霞憶 舊廬莫吟魂 斷句霽色晚 來舒

錢

觀 目天浙江龍游人 鍾山趙庶先門人

前題

杏花村裏路 杜牧昔尋春 地勝人猶在 名高跡未陳 山川堪覓句 風雨竟迷津 客思無聊甚 何如一飲醇

吳壽潛

形本 聽翁仲于太學生

前題

欲訪樊川跡 泥塗躡屐難 天心如有待 風雨竟無端 小飲亦成趣 勝游仍未闌 新晴應更好 繁華入烟樹

郎

吳聽翁諸君遊杏花村以雨不果分韻得五微

小杜名村在 遊人阻雨歸 未尋紅霧醉 空望綠陰肥 嘯詠留

山水烹茶 鶻蕨 穢自經離亂 後蕭瑟冷荆扉

喜宗遺山先生秉鐸秋浦因號杏花村客賦此贈之

史隱先生志湖山 託興長登臺 懷趙宋 遺選弔蕭梁 池州有 敷賜牡丹臺 並梁詩酒才人 裔琴書處士 鄉之裔同里有王 昭明太子文選 閣 策夫李艾山陸 繁華何足羨 名世有文章

自吟山響集人 沐少文光才 並咸園子官 居博士堂 談經風 入坐落紙墨 生香別號花村客 重題碎錦坊

曹

晟 集孔邑人所著有碧閣詩次

西郊

村家離別少 世代錦雲中 芳草一湖綠 春郊十里紅 雨收烟 笛在郭 靜酒尊空 坐惜風人遠 閒吟懷杜公

吳

鏞 周音遠東人正紅旗

雲松署齋坐雪與友人訂遊杏花村

作客三年裏 諸峰靜曉 衙其於蓮嶂 雪因念杏村 花策馬風

杏村志卷七 題詠

十

將度看山日 欲斜有懷誰 會得君胃許 偏賒

孫之綽 梁樹青陽人

杏花村

正值花時節 尋花又到村 林開詩伴展 草掩酒家門 艇影春 潮亂鐘聲古 寺存主人能 著述風景記 桃源

律詩七言

杜荀鶴 彥之石埭人 築別業於杜鵑晚唐

閒居書事

竹門茅屋帶村居 數畝生涯自有餘 鬢白祇因秋練句 眼昏 多為夜鈔書 雁驚風浦漁 鐙動猿叫霜 林橡實 疏待得 功成 即西去 時清不問命 何如

按彥之閒居當即在杜鵑別業或疑 在九華香林閣與詩中情景不合

贈湖上漁家 湖上即 今杜湖

見君生計羨君閒求食求衣有底難養一箔蠶供釣綫種千
莖竹作漁竿胡盧杓注春醲酒舴艋舟流夜漲灘卻笑儂家
最辛苦聽蟬鞭馬入長安

按末句聽蟬鞭馬四字此時彥之必登第以後歸別業贈魚家也雖云得意不無辛苦之歎僕僕風塵何若悠悠泉石也

羅隱昭諫餘姚人流寓秋浦築別業於梅根有傳

文選閣

開生元子出蕭梁作選為書化萬邦三代已來成冠絕六朝
餘外更無雙今朝集是羣英仰昨日談非眾恥降輔國安民
新試問滕王空有閣臨江按梁字在唐為出韻然唐人多有之

伍喬費池人南唐保大十三年舉進士第一官考功郎

遊郭西西禪院

遠岫當軒列翠光高僧一衲萬緣忘碧松影裏地長潤白藕

杏花村志卷七 題詩

工

花中水亦香雲自雨前生淨石鶴於鐘後宿塵廊遊人戀此
吟終日盛暑樓臺早有涼

汪遠猷宋人

昭明廟

生為明哲沒為神一點英靈著處新秋浦溪山最留意法華
禪定是前身九州託庇陰功大六字加封寵渥頻更有使君
書事實幽沈從此愈昭伸

方元美見前 以後俱明人

雨中經杏花村問黃公故跡

酒泉太守醉鄉侯紅杏村前覓故邱實計青山留粉黛虛傳
黃鶴換春秋抱琴今古誰知己荷鍾西東笑浪遊天道清明
人事舊祇今風雨欲誰求

陳姓二生廣東人

遊古杏花村兼過鐵佛寺

石橋剛轉信幽奇滿徑寒雲兩袖披茅屋淡香薰酒氣蒸牆
紅影露花枝帘隨烟卷分村路鳥帶山飛入客危遙指松陰
藏古寺忙歸及雨未來時

丁紹軾文遠貴池人大學士

劉廷尉同齊山人過小園投詩賦答

園堂初敞傍城隈邂逅欣逢二妙來好隱直追陶令節依劉
又見仲宣才吟成白雪愁花鳥酬此青山只酒杯卻訝臨印
能致客五湖烟艇莫相催

李學沆靖江陵人施州衛籍

西廟家君今茲邑曾見唐宋來諸諸教今甲戌則火於守者矣

高齋何幸得躋攀意味千秋尚雅嫺楚色只堪雲去住空庭
時見月來還若延梁祚安存祀賴有僑居永護山唐宋寶符

杏花村志卷七 題詩

三

悲劫火登臨不禁淚潏潏

方拱乾坦菴桐城人宮詹所著有何陋居集

无我上人來自西川久栖杏花村將歸成都賦贈

大開關去小天涯池蜀迴旋路未賒和月和烟隨衲擔好山
好水盡僧家晤談不拾三乘唾投味只烹一鼎茶信步行來
循戒律何須板板著袈裟

方叔邵虎玉桐城人有傳

同汪孝廉遊西郊留題鐵佛寺

春王便覺杏宜寒出郭連躔雨未關北道清平從賊擾南天
戎狄向碑看身同佛子參頑鐵選速蕭儲儼帝冠石滑酒酣
頽踏去獨嘲鶉結走江干

戴易南枝山陰人

杏花村

何年令節記中和十里東風豔綺羅行盡小山春樹好歸遲
爽氣夕陽多杏花無夢鶯聲老茅屋多情燕子過忽憶舊遊
詩句在我來懷古正如何

何其偉 見前

弔杏花村即仲久隱君

少微星暗冷雲平鳥杖衣冠閉一壺義重揮金管處士功高
飛矢魯先生杏村雨暮殘紅泣秋浦天空咽水鳴無數白楊
扶墓表千秋獨有布衣名

吳自任 乃尹銅陵人貢士詠吟甚富晚年悉焚之

杏花村懷古

一帶烟村古路幽名山遺跡羨風流漫看柳浪迷漁艇猶愛
花開傍酒樓雨裏留吟唐刺史雪中高臥宋賢侯牧童不是
尋常指紅杏春深須醉遊

杏花村懷古 題詩

圭

宋實穎 既庭吳縣人登順治辛卯賢書海內推為文章師表所著有玉磬山房詩

寄題杏花村為即趙客

旗亭微暖杏花天蝶攘蜂喧欲禁烟落魄行人常問酒風流
太守漫題箋墟頭片石承紅雨山外孤村鎖碧蘚聞有郎生
尋舊蹟閒書名勝已成編

周體觀 伯衡遵化人由翰林院應官兵備道

杏花村

池州城外杏花村細路平林對郭門為許牆帶招杜守獨留
隴笛憶王孫江融彭蠡春帆影山疊清明夜雨痕累代蕭條
聊駐馬依然風物動高原

王穀 椒卸江都人陝西岐山令

杏花村集句

詩風又起浣花村排比花枝滿杏園幸有香茶留釋子不堪

芳草思王孫商山遺老猶存社魯國諸生半在門但約杏花
壇上去為君惆悵又黃昏

章孝標 趙長卿 李嘉祐 劉長卿

故國春風歸去盡今朝始見杏花春青莎滿地無三徑綠樹
重陰蓋四鄰詩酒尚堪驅使在風光一任物華新知君苦思

緣詩痠閒向江邊采白蘋

陳陶 張籍 李紳 王維 杜甫 胡曾 杜甫 于鵠

趙千里 昂若臨淮人明忠烈武略將軍九世孫菊江司訓

杏花村

杏花村裏羨幽栖憶自唐傳杜牧題花單酒旗春自馥村分
詩韻日堪攜須知勝地名常著言念風流徑未迷欲向此中
時著屐青編展處有青藜

甯尚

杏花村志卷七 題詩

酉

與家渙公攜魚重過杏花村訪友留宿得魚字

縈思勝友獨閒居雨霽重尋到草廬篋底感時多作賦林中
結伴靜攤書牧童村晚歸耕犢鐵佛聲寒送木魚為羨此閒
贏雅集秋宵詩酒樂何如

陳希昌 秉文祁門人明經癸亥聘修江南通志

題杏花村并寄即趙客

最愛池陽饒勝蹟城西爭羨杏花村黃公美酒罈安在杜守
高風詩尚存我昔停車一問俗君今愛客屢開尊勞人何日
重來此觴詠篇章次第論

沈宜銓 隨菴鐵嶺人中翰

寄懷杏花村友人

應是前身杜牧之聞聲曠地足相思豈知折柳時偏促欲共
評花事已遲廿一自宜增舊史十千無復貫新危他年嘉樹

還如錦可許鶴再寄枝

華 衮 維聯潛山人

過池陽杏花村有感

牧童指點古清明贏得於今村有名半樹已無難問酒孤墟
猶在尚含情漫言事往空懷舊好教詩成再寫生山水式靈
招客至裁成十里踏花行

吾鄉也有杏花村不是唐時賣酒罇樹近石塘春似錦名高
秋浦址空存芳菲已盡留丰韻綽約徒思寫墨痕董奉術高
堪紹學欲從此地鬪香魂

錢錦城 臨皋常熟人牧齋先生嗣孫所著有臥篁集

懷杏花村郎趙客

水抱山環結此村詩傳杜牧至今存絕無俗韻依秋浦別有
佳名號煥園人自誅茅常閉戶客來看杏便開尊緣余好友

頻相憶迢遞江雲繞夢魂

周 蔚 君豹號雪齋桐城人

寄懷杏花村友人

星聚三旬抵十年分方又賦隔江天眠雲我占青山色時余
築眼
望杏君遊紅霧邊有約共酣桑落酒無緣同上木
蘭船幽光肯發憐才甚慚愧支離費紙錢

乾明寺

郭外香臺舊種幽宗風吹散雨花稠已無顧凱滄洲興顧
發太

尚方有方干醉墨流吾鄉方雲山
有詩題寺壁松子落分簾外

靜未揚振有詠唐西峰聖者
詩中語笛聲寒挂鹿門秋唐西峰聖者
詩中語三生共話因

緣晚不上瞿塘烟權遊

方 邕 堯民涪溪人遺稿多散佚

同姜斐園陳秀巖小飲杏花村因懷離江卽南宮

踏青因雨數旬淹勝日同人問酒帘刺筍浮觴傾白墮飛花
點席亂紅鹽側身千古懷黃始轉眼三春付黑甜老筆應知
隨歲禿空輪年少鬪新尖

清明同柯子將諸友遊西郊時余有同修郡志之役

警校分明異索居郊西攬勝值公餘村逢花酒情無盡客有
那枚愧不如太子衣冠留堊寺前朝碑碣薄丹書歸來痛飲
成高會囊澀看錢那用醪

江一經式編建德人蒲圻令遷後德參軍屢建績廉雖所
著書有書種堂集

登湖山頂

郊西聯袂共尋秋綠橘丹楓倚杖收粟里人閒空選勝漢陰
機息已忘愁徑迷古道紆猶陟水落空江靜不流長嘯峰頭
雙眼潤作歌應與記來遊

若飲華嚴庵後經黃公井

良辰景物總堪圖此日欣無吏詔租茶椀留人參半偈風帆

入望下三吳湘潭放逐惟餐菊秋浦登臨好佩黃徒倚井關
帘影寂汲泉猶憶舊當壚

置酒鐵佛寺

激澗湖光漾綠蘋過從鹿苑接支寶尊尋淨土黃金菊塵屑
芳筵白玉塵元亮不嫌充遠社廣成端可問前身卽筒載得
烏程滿揀醉同敲錦里巾

晚歸自杏花村

茶泛花甕酒泛尊藏鈎射覆送黃昏交情古處歸前輩即事
新詩擬外孫鐵佛洪鑪誰補鑄石牛孤渡那追奔憑將空色
商儀狄一指天龍在杏村

陳錦仁 辰侯貴池人明經

前題次韻

環城山色爽高秋宿霧偏從杖底收適趣鳥如能解語無名
草亦足療愁蓮開九子浮晴默練靜千帆穩碧流回眺星辰
手可摘翺翔疑與謫仙遊

相攜三笑倩誰圖謂山僧興發從教吏索租村隴逢人還識

杜尊鱸對客漫思吳謂昌濤生楚籟連天竹香散空花而

地黃共飽伊蒲忘力倦釀泉何用舊時爐

霜老芙蓉映水蘋遙天慙慙雁來賓鐘疏古寺重聞梵葉落

寒山自遠塵探韻雅成詞客座談經驚見宰官身昌著僧

語相莫嫌白社頻呼酒元亮曾從鹿葛巾

天集良朋醉綠尊黃花采罷夕陽昏但令落帽人如孟不問

相嘲座有孫幾樹倦鴉乘暮噪半肩行腳望烟奔勝遊更覺

歸途好隱隱漁燈傍水村

張德僧持江箇人

杏花村志卷七 題詠

七

過杏花村寄懷王紹李

池上詞壇郎士元每稱摩詰為余言詩傳秋浦風騷見人在
輞川邛壑存問我曾經桃葉渡懷君常寄杏花村蘭溪訂訪
知何日無限相思難盡論

周南汝為桐城人順治辛丑以草莽臣伏闕上疏

晚遊杏花村

散步荒原踏晚霞烽烟靜處有人家小山歷落飄紅葉野水
澄明點白沙古寺尚能容鐵漢老僧何用付袈裟天高風急
飛塵土九月重來問杏花

過杏花村懷郎仲久隱居

杏花村畔老漁樵猶向行人說兩朝才子竟同荀令史將軍
不數霍嫖姚還山采藥徇丹竈出世逃禪度石橋三十餘年
追往蹟一時回首望雲杓

宣紹中允公息縣人長沙太守

展拜昭明太子廟

為愛溪山一問津選樓爭望後車塵生憎喪亂遊茲土沒定
精靈着我民乙夜雲旗來帝子千秋香火奉才人即今夜月
瑠璃碧裘帶分明得似真

汪穎純子漢陽人

杏花村

風流小杜擅詞場好句吟來字亦香映月籠烟開畫譜披雲
帶雨入詩囊高懷自是探花使楚興行看碎錦坊不是武陵
舊津渡恐尋春色誤漁郎

章世德楓菴貴池人壬戌進士

杏花村

風流太守舊題詩錦里春光想見之紅杏久彫前代樹黃墟

杏花村志卷七 題詠

六

空曠昔人碑牧童牛背吹殘笛漁子湖頭理釣絲有客閉門

耽著述謂郎子欲攜村酒一探奇

彭師援成吳梅村序之行世所著有省廬詩集司

遊杏花村有感呈喻武公郡伯

杏花村外滿雲烟有客相攜遊覽前演武樓臺橫白日依山
栝柏映諸天繁華半盡兵戈裏廬舍多消戰伐年回憶題詩
沽酒日風流端藉繼先賢

洪度汪二黃蘭水人少尹所著有訥菴詩

杏花村懷古

太守風流憶昔年兩行紅樹到雲邊牧牛童指黃墟酒把釣
翁迴杜鵑船古瓦千門鋪繡額斷碑數字篆苔錢還思種杏
人何處二月尊前獨惘然

吳非

杏花村懷古

刺史行春記古村誰開市復當門廬皆敗冷經牛父徑盡
傾肥讓竹孫風景移時山著色湖光變態水生痕牧童重理
頻年話亂後猶看鶻在原

吳綺見前

遊湖山飲淨林菴樹下同諸子分韻

主人愛客為抒愁挈榼聊為近郭遊亂蝶習香樵徑暖一雞
啼竹酒廬幽江光隱映山光見樹色參差月色浮歸向西窗
重贖醉滿檐涼影燭初收

宗巨源次清興化人

前題

平巖沙石夾城西山接湖隄水繞谿喜遇樵人尋舊徑偶隨
酒客過招提泉聲互聽鐘聲應松影交加竹影迷紅袖碧紗

杏花村志卷七 題詠

九

都不計暫將名對遠公題

耶遂

前題

風塵何處足留觀步屨城西上小巒幽鳥送聲藏隔嶺輕舟
垂釣下前灘尊開別院看蓮白客座疏林映日丹果許花村
仍策杖貧家葵菽也將歡

姜展

號石林農者居渚湖躬自耕種暇則放歌原野高
懷曠致有陳白雲之風惜少鍾林葦物色耳

擬遊杏花村

杏花村落郡城西曾挂青帘近小隄浦水遙連流鏡靜江烟
斜綴過帆迷芳名不逐時人換秀句還存杜老題與客何須
傷往事攜壺且醉夕陽低

馮鼎延 聖訓烏程人少尹

杏花村

杏花村志七

出郭閒尋古杏村漁舟春水到城根地經兵火花無跡碑護
烟雲字尚存堊寺但餘新草樹好山空憶舊王孫祇今莫問
前朝事月落平湖夜有痕

朱之梅 素公清溪人

杏花村

相傳杜牧刺池州村酒村花兩共幽人去卻能稱地主我來
休更問田疇村中余昔有荒烟近鎖孤城暗古樹遙涵堊寺
秋千載考蹤空記憶湖山遠眺大江流

王青選 清公葛源人州丞

杏花村懷古

勝地千年景物新酒帘搖曳四時春花开爛漫村為赤山列
參差畫未真細草尋幽堪醉臥澄湖遠眺可垂綸一從小杜
留題後代有風流作賦人

杏花村志卷七 題詠

十

黃威克 誦抑百江人

杏花村寄郎趙客

一村疏雨杏花時千載人傳刺史詩烟景總歸描畫墨芳蹤
每見踏春危魚翻細浪吹秋浦鶯作新聲入貴池心緒擬登
士元宅佳遊早與白雲期

王熹儒 歙州興化人與凡仲儒齊名所著有勿齋集

杏花村觀射

戊辰冬同黃惠
臣客秋浦作

此中曾到杜分司樹色山容凍亦宜踏雪偶觀楊葉技行春
想見杏花時探尋遺帙攤書好憑弔風光命酒遲計日江村
寒食近與君聯袂和君詩時與趙客相
訂來春過訪

蔣億 及移臨淮人

杏花村懷友

用溪西雜
齊啼韻

雨暗青郊綠漲溪停鞭問酒過城西橋邊吹斷烟蓑笛樹底

杏花村志

低傳茅屋雞十里馬號紅雪亂一枝牆角彩霞齊曲江才子
敲詩處滿鴨嚶嚶聽鳥啼

趙 行心遠東陽人癸丑進士貴池大尹

杏花村

花散江村不記年舊遊尚憶杜樊川可憐衰草搖殘照忽覩
繁枝拂曉烟春暖絳雲山色裏風迴紅雨酒尊前行人到處
休輕折記取棠陰自古傳

幾度繁華墮劫灰依然嘉樹繞村栽湖山雲外江千里牧笛
聲中酒一杯宿雨輕烟開畫幅茂林修竹聚詩才使君莫訝
花無語日望行春露冕來
風流小杜古來誇可道重來植杏花樹色乍移青草渡春光
旋卷赤城霞幾多兩屐尋詩客不盡風帘映酒家此日江村
仍勝事莫因陳迹漫興嗟

杏花村志卷七 題詠

三

聞說熊車出郭遊千年風物望中收玉潭雲起晴川曉鐵笛
霜高古寺秋杜子有詩傳好景黃公無酒浣新愁早知健筆
凌霄漢佳句還應貯選樓

張鳳翀 六翻延安人與兄鳳翹同登進士併同官蜀令

杏花村次韻

歲丁卯浪遊江上偶經小杜行春舊地因和趙
香少使君韻一首貽主人趙客續入村志以傳

花落花開已有年留題千載舊山川啼殘杜宇憐春色卷去
風帘曠暮烟遊屐徧尋紅雨際歸舟尚醉赤霞前賢侯樹德
重栽杏應與甘棠歲歲傳

楊李珏 石舟山西人虹縣令

簡耶趙客杏花村

聞說杏花村外路孤亭結構背山城尋春佳致班班侶歇雨
殘陽樹樹鶯詩律舊推唐史富仙槎宜續漢臣盟文章合是

吾儕事聽得鐘鐃入耳聲

黃甲先 履登菊江人明經授司訓

過杏花村有感

秀山門外古村連別苑春深花欲然碎錦晚籠千嶂月流霞
朝散一溪烟本源有家瞻松柏先身祖忠孝無家泣杜鵑先
中公悵望仲綬學易處趙客著書於何時聚首續韋編

郎遂

步杏花亭有懷皖江周郡伯亭為周

春山春雨繞雲屏點綴花村築小亭柳浪遠垂平埜綠湖波
遙接大江青種移棠葉翻秋浦心共琴書伴鶴汀此地年年
看爛漫依稀上映使君星
檀明庇子民東流人

杏花村

杏花村志卷七 題詠

三

刺史風流幸未遐名園春雨一停車枝頭香重頻欺酒座上
顏酡欲妬花一片湖光招醉月千重山色映明霞杖頭錢盡
貂還解莫管江城動晚笳

吳映黎 校文建德人

寄友人重開杏花村

見然青

曾知文杏映遙天續整風流作世傳十里香疑丹桂迴一村
紅是彩雲鮮湖光依舊連江闊帘影從新帶雨懸路上不勞
相借問酒家餘味勝當年

劉廷厥 借三試門人

清明遊杏花村兼訪友人舊宅

歲歲清明在客中今年重覽故鄉風紙標歷亂山頭白杯酒
歡呼人面紅廢圃幾時纔種杏晴江又見度歸鴻兒童浪信
春光好爭曳輕裾避柳叢

故人仲蔚住村西為叩幽居過楚畦門掩蓬蒿留犬吠籬編
楊柳待鶯啼可因佳節謀沽酒定愛春田學把犁且語小童
通姓字江天日落萬山低

杏花村志卷七 題咏



三五

貴池先哲遺書第二十五

杏花村志卷之七終

杏花村志七

杏花村志卷之八

村人郎 遂編輯

題詠

排律五言

黃尊素 真長徐姚人御史有傳

周玉汝年兄招遊西郊及梁昭明廟六韻

積雨纔生霽郊前士女稀相將斗酒去往看綠陰肥廟古猶
呈像僧閒自采薇冠纓且暫解棋酒動相依遠鳥啼春晚孤
枝映夕暉久滯人事裏那識歲華飛

方元美

過杏花村謁鐵佛聽諸比丘談經

在俗能無染空居傍郭門大千諸法界丈六一身尊東度惟
高足西來直割藩傳宗殊異寶盡性自同源空偈多唐譯胡

杏花村志卷之八 題詠 四

僧識漢言遺經懸半解落日平原返照疑心幻忘言怪舌
存逃禪能不醉路出杏花村

陳常 時夏貴池人布衣遺稿有鶯鳴集

杏花村傳於呂純陽及杜牧之清明詩至明蹂躪殆盡

名存而跡廢太守顧公元鏡重修植桃杏數百株臺

榭峻敞未幾而又廢矣因賦二十六韻志感

地靈生九子天曜應三台白浦漁舟小清涼古刹頽隄虹雙
挂綫松結壘層臺相幻佛可鐵丹還水不醅提戈過此日有
鳥不堪旣井砌蛙鳴水爐泥蛭伏苔二千石更俠三醉仙又
來酒擅黃公醞花因杜牧栽暖風春已仲爽氣日初暎桃浪
三千湧香花十里開馬蹏紅踐粉獸鼎赤燒煤一色霞天錦
雙紅女倩腮珊瑚鈿卸寶琥珀袂垂瑰紫駟翻如綵朱橋細
似緜遠山多列畫狂興越成恢帘布招遊客鶯雀碎哭孩顛

言南北隴盡醉疊觴醉世瑞人眠甕牛歸笛過隈簪花蓬髮
去無酒斷魂回嘔樹嫌頑靈紛枝喜亂蝶只須求自得何用
有詩才莫負明時節當酬雅意培燕南弔死友虎子賞新陪
斜跨王喬鶴餐傾李白杯世人張口笑老叟拭眸哀雲鬢曾
同挾霜毫急與催

陳寶鎰 絲崖晉江人康熙初官貴州觀察

西廟恭謁昭明太子遺像

衣冠儼然鬚眉猶昨種而謁而尚見當年容與之色
血食一方非偶然也秋八月誕期千騎成隊百戲咸
陳飾君子之車盡是層樓虹閣隨天人之駕不少玉
女金剛賽會之盛東南罕觀惜不躬逢其際望遺像
一振斗而已

驅馬西門出高山景所崇瀟容金在冶青骨玉堪磨恆說聖
賢貌貴於耳目聰聲聞三耳締字下十行空博記天聰遠洞
觀夙悟通俊民環座右古興披樓中鑄瓦于闐鐵開編南越

杏花村志卷之八 題詠 四

藜鱗角班為管螺漿醉欲形樓登萬卷履架貯五車胸既解
參商別復翻亥豕蒙片鱗堪成味全裘亦就縫掃開聖賢域
鑿入性情衷不步三班後獨收六代功潘顏無古軌陸謝不
同風口作雕龍假力為畫虎窮乾坤不可改江海已流東十
縣褒其美九章表厥隆因今而返古罪始亦功同校禊修春
盛鼓鐘報臘雍難從追踏後僅託傳聞中可見文章樂始知
道德洪持論無太刻恕古亦虛公庶以樞衣下而無笑我恫
吳非

西郊即事得梁字十韻

近郭山光媚單衣拂帶長坡平松篠翠地仄菜花黃獨犬穿
蘆壁流鶯嚙柳塘懸帘村可市閱武陣空場古佛金兼鐵新
尊飯共觴元時橋甚促蕭帝廟全荒文孝封沿宋昭明諡自
梁讀書遺爪髮傳史有文章在牒僧能說殘碑我欲裝幽思

消不盡鼓吹繞前岡

陳元鍾 見前

憶春日遊杏花村賦詩未就今讀趙客詩因補成之

官署多暇日登臨興欲詩偶然傳好句忽自憶當時杏補前朝錦香留刺史祠湖山樵雨暗杜鳴釣烟垂粉蝶新花戀嬌鶯暖樹遲采藍婦喚伴偷果鼠攜兒日落歸人急風高去雁悲恨無劉阮輩同引酒壚危

董三彝 商侯湖山窺園主人

杏花村即事次韻

錦里風烟舊才人愛賦詩幸生明盛代不諱詠歌時朝弄城頭水暮吟帝子祠滿村紅杏發徧徑綠楊垂湖逐風行縹山隨日影遲長松多傲意聚藻帶幽姿月下逢僧話花前對客嬉捫碑今古隔長嘯酒三危

吳參 魯也銅陵人

杏花村即事次韻

湖山烟雨後對景愛吟詩入寺僧歸晚登亭雲起時村傳自小杜石碣擬今祠依路藥堪采臨溪釣欲垂園荒花未放徑曲鳥飛遲鳴水疑琴韻深松養鶴姿煮茶期客至鬪草信童嬉鐵笛飄明月酒酣幾百危

章習 步如東流人家青湖

杏花村即事次韻

每飲花村酒高歌刺史詩古今傳勝事人物憶當時湖上杜公鳴林開蕭帝祠聞風神共往懷古淚潛垂乘興偏情劇尋幽覺步遲雲橫山有色烟挂柳生姿快論真堪駭敲吟恰似嬉杖頭須盡解滿坐酌盈卮

陳竑 宏立豐泉人

杏村志八

杏花村即事次韻

勝事重尋杏開遊更續詩村當花媚日春入豔深時幡影禪僧院鐘聲帝子祠碑殘疑辭蝕梅老任藤垂霧卷平湖綠雲歸遠岫遲漁竿牽翠帶堃并逞芳姿渺渺風鳶樂悠悠竹馬嬉小園如補茸好共酌村危 湖山南麓先邵武公有書屋今廢

郎遂

杏花村即事

西郊堪縱目招友共題詩古寺遺名蹟殘碑憶舊時補栽百株杏請立二賢祠 唐杜刺史明顧太守十里香風繞平湖翠柳垂曉境烟漠漠幽徑日遲遲柏下瞻高冢峰遙聳秀姿山僧留客話堃叟撫兒嬉坐對栖雲嶺黃壚酒一卮

排律七言

杜荀鶴 彥之石埭人晚唐

和友人見題山居水閣八韻

池閣初成眼豁開眼前景色屬微才試攀簷果猿先見纔把漁竿鶴即來修竹已多猶可種豔花雖少不勞栽南昌一榻延徐孺楚國千鍾逼老萊未稱執鞭奔紫陌惟宜拄杖步蒼苔籠禽豈是摩霄翼潤屋元非澗下材鑿己每將天作鏡陶情常以海為杯和君詩句吟聲大蟲豸聞之謂是雷

順治開杜鴻福地者嘗得古瓶上有唐朝年號此山居水閣即杜鴻福別業何疑按詩中第三四聯必是登之登第後事親家居適奉命赴京有故人過訪留宿有贈而和之也

吳自任 乃尹銅陵人明經

遊杏花村次韻寄友人

策杖城西曲徑斜風光為愛此村嘉聽來田水臨谿岸到處茅檐問酒家我欲放懷松亦韻君常把卷月流華鐘聲遙應前山寺烟色空含古杏花枯樹烏啼高士冢 漢逸民高敬公墓隔在城北

杏村志八

虎山荒林僧指掌郵衙牧童犢背猶橫笛戰馬郊屯吹暮笳
話舊不嫌分草榻賡酬可許入詩旌春明有約看隄柳一醉
高亭興更賒

釋興斧 山是吉州人住浮山為无可大師法嗣

郎居士重葺先人杏村別業次韻寄之

緋衣不受晚風斜別隱搜奇效永嘉收拾山川歸樂府磨礱
天地入詩家綠搖硯北排三島青擁城南列九華茅屋仍留
村補杏旗亭重喜筆生花鴉羣醉月爭栖樹蜂隊迎春漸放
衙鐵佛既能存鐵笛清泉莫漫奏清笳才高洛下應趨闕名
滿江東且泛艇繩武居然傳勝槩千秋吟賞興猶賒

董三彝

杏花村文韻

秀山西眺日初斜一帶林泉景物嘉點染漫誇新樣色風流

杏花村志卷八

題詞

五

還屬舊人家文章洵有江山助裁翦全憑日月華寶嶺共知
龍有種謫仙人羨筆生花峰高浪擁雲為牖湖湛霞明柳作
衙雀噪深檐疑喚友風號古木似吹笳春和古寺觀僧定夜
靜清鐘到客艇我欲扶筇乘興往三三兩兩酒堪賒
曹繼參 飾升石埭人清貢士

秋日杏花村十韻

熟識西門一徑通每從村裏歎秋風無多茅屋傍山麓小有
漁船住水中露草懷人偏白白霜楓隔寺亂紅紅菱荷殘向
深秋歿砧杵寒催返照空賸得詩篇傳杜老憐將花草泣吳
宮營屯細柳誰兒戲閣選長楊擬賦工帝子有碑墓紫石牧
童指酒憶黃公月明江近時聽鶴雲冷沙清晚落鴻池口直
經桑柘北湖山遙望女牆東那看回首當年事尚記繁華說
老翁

郎遂

杏花村懷古

水自滌河山自斜泉香杏放雨尤嘉摩碑橋畔存元跡入隴
林空憶杜家鐵笛昔曾吹古刹西峰聖者留鐵玉瓶今尚潤
生華瓶在文孝廟從亡侍御遺忠盾國時金焦後把釣將
軍是探花丁昂罷官桑柘直通樵子徑唐立土城門郵傳不問
驛官衙宋有秀三千志士抒良策嘉定開移建湖山之麓
十萬征人冷戍笳英王臨池初荒隴何年封馬鬣族宋元墓
平湖每夜集漁艇往來秋浦亭中客掃壁題詩旅興賒
絕句 五言

蕭 統德施梁武帝長子諡昭明

上林一首

千金腰裏騎萬斤流水車爭遊上林裏高蓋逗春華

杏村志卷八

題詞

六

按吳次尾先生輯秋浦雜詠書上林詩後曰梁太子
愛秋浦風土富遊最久與高齋十學士選文於此今
城西西廟其築臺故址也又嘗食魚而美故錫嘉名
日貴池今縣號仍此也太子堯附神於民曰吾久耽
此地上帝已賜我矣可祀我民因請廷請衣冠葬秀
山故今邑人祀昭明最盛其所著在秋浦者為多茲
錄一章以
備故實
羅 隱 昭諫餘姚人晚唐

文孝廟

秋浦昭明廟乾坤一白眉神通高學識天下鬼神師

失名

鐵佛寺 普題寺壁

慈雲披鐵佛慧日照乾明融融秋浦月千古見禪心

李 盤

平天湖

平湖供遠望練影欲浮天風日宜舟事清謳與翠連

吳應箕 風之一字大尾邑人

杜湖

客歸偏有興鼓楫獨扁舟遠浦空寥廓深江自此流

邵煥元

凌玉北直大名入湖廣學使

清溪阻雨憶杏花村

昨夜星垂屋今朝雨滿溪杏花村無處問隔在秀山西

章

天門江寧人出順治戊子孝廉官學博乙卯科應聘浙關所得皆知名士

遊杏花村喜晤郎趙客

夏木殷稠日村名古杏花詩人千載去遊子但咨嗟

湖山環夕照荷葉亦風流曲曲香波起三生可解愁

勝地原爭重池州屬杜公江山時變幻此景不西東

聞有名流在草堂自著書相逢同一笑還待杏花舒

劉廷鑾

杏花村志卷八 題詠類

曉謁昭明廟

蔓草積空階僧孤睡正熟山空樹不鳴安得絲與竹

吳映芝

六文建德人所著有漱石居集

杏花村晚步

徐步出城郭荒村晚欲妍露霞明入眼妝點杏花天

來少古行人歸多今牧豎暮烟柳外橫猶似清明雨

江

梁貢岸名士銓青陽人

秋日杏花村訪友人不遇

雙樹參天綠柴扉白晝關幽人不知處一犬吠林間

葉落霜林靜人來空徑幽欲歸頻悵望返照挂城頭

柯日乾

柯亭嶼川人

黃公酒壚

何處覓黃公青帘遠近同門前烏柏樹猶作杏花風

杏花村志八

杜鵑漁歌

斷岸倚長天漁燈來晚照長歌復短歌不似蘇門嘯甲孫黃裔

西相麥浪

偶過橋西路踏歌橋上頭禽聲初變夏麥氣漸成秋

昭明書院

迤邐古行宮不見讀書者古瓦鐫蕭梁斯文知未謝

徐之陵

見田蘭水人

煥園

可愛芳菲後借來君曹居一壺桑落酒嘗取貴池魚

張介

受茲壽州人潛山學博

杜鵑漁歌

楊柳青山畔搖船好唱歌魚蝦供白酒常樂此烟波

陳泉

孝淵陵陽人

杏花村

杏花村志卷八 題詠類

勝蹟千秋在桃源路欲迷酒旗招過客春色滿城西

不必清明節沾衣雨乍飛紅香遮眼福貪看竟忘歸

虞邦瓊

首林號適蘆浙江浦江人廣信永豐令

重九前三日同徐方虎太史遊杏花村并懷郎子趙客

攬勝西郊外杏花依舊村淒風催落葉細雨點秋痕

杜鵑雲生處湖山縱目收黃壚不可覓沽酒向誰求

雁字驚風幻天章挂薛蘿故人幽室裏著述近如何

墊霧迷山徑牛羊忽下來歸鞭追驥足中路幾徘徊

曹貞吉

升六號寶善安邱人

杏花村

江上逢寒食青帘一帶懸杏花微雨路招悵杜樊川

趙瑜

瑾叔錢塘人武康籍

何處覓黃公青帘遠近同門前烏柏樹猶作杏花風

杏花村志八

杏花村訪友

昔經韻士遊今有高人住雖是杏花村不減桃源渡

楊弘器 亦震山西蒲州人

杏花村

風霜來古道繫馬杏花村借問牧童子酒家可猶存

張 愨見前

題畫杏花村圖為喻武公太守

遙映齊山邊杏花村尚在風流杜牧之雅詠傳當代

吳非

五日甲孫漁人

孫登孫杜鵬之漁而詩者基已宿草矣乃復為甲之

到今重五日為一甲山人嘯法傳多失漁歌尚有因

王時舉 友奚貴池人

杏花村酒家 集唐

杏花村酒家 題詠

九

門掩杏花叢牧童望村去有酒復盈尊此境可常住

李 建 賀 王 戴 馬 戴

憑軒一留醉在城如在村村邊杏花白何必問桃源

陳子昂 曹 戴 叔 倫

張 紳

西郊小集

緩步即西郊林阿秋色好開尊臨晚涼日落深山早

詞

孔尚大 五若建德人

題杏花村 永遇樂

秋浦城西傳稱前代牧之題處湖繞山圍余猶及見顧守時
栽樹紅英紫萼參差掩映中有檐楹微露敞雕闌頻臨快飲
熙皞不改如故 兵戈一起人非物換空自淒涼來去三十

杏村志八

餘年暗中思索總是華胥寤仰看齊巖兩亭新創又逐烟荒
草仆更何期戰馬羣馳牧童難遇

宗 觀見前

春日遊杏花村 臨江仙

變柳薰梅酒市近韶光與客多情玉驄斜控杏花村雲粘芳
草碧帘挂小樓青 鳳管驚笙濃霧裏揚州一覺曾經湖山
天付與詞人插花尋杜牧和曲奏羅橫

吳壽潛 形本江都人

題趙客杏村獨吟小影 減字木蘭花

名高大厓此日清才慚共識屋繞烟霞留得樊川萬樹花
坊傳碎錦別墅春風堪大隱翰墨生香豔句還期寫曲江
錢 觀目天龍游人

前題

杏村志八 題詠

十

杏花開處一片朱霞籠絳樹當日樊川此日猶將勝事傳

留連詩酒我欲同君傾百斗句詠峰青還愧錢郎並得名厓

中錢起即上元齊名時稱錢郎

江 表 稱舞青陽人

湖山乘雲齋看繡毬 憶秦娥

花霏眉團團縷作同心結同心結水晶高挂素肌如雪 與
梅清韻真雙絕宜人最是珊珊節珊珊節玲瓏映月莫教風
折

或曰繡毬即聚八仙花也李東陽觀揚州察院八仙花詩即以繡毬當之見揚州物產志

賀天銓 御六丹陽人

杏花村 瀟湘逢故人慢

西郊香輦見杏展紅腮柳回青眼燕羽新裁翦看水繞村幽
山圍徑轉彷彿當年沽酒處黛濃霞淺記牧童遙指遺蹤花

杏村志八

外小帘遮掩 樹周遭波瀲灩 迴軫翼星分縹函 鄴簡更風
流思曼濯露月清輝彩毫瑤卷竟日尋芳好共聽黃鸝
携手地草色如烟天際修眉初染

賦

吳德照 惟鄰貴池籍徽州人

九日登湖山賦

伊白帝之司晨兮風急而蛩鳴維景物之蕭瑟兮氣肅而山
清爰挈伴以來遊兮尋秋色於西城於時黃菊而地白雁書
天節序至三秋而益澹風光因九日而增妍或攜尊於石壁
或策杖於山顛登戲馬之臺景無今昔落孟嘉之帽醉擬神
仙惟是地號湖山景稱名勝第見諸山帶環唯有清風掃徑
摩頂而萬象俱卑一嘯而諸空皆應不期送酒之人竊縱登
高之興爰是俯看山麓古杏名村樹外挂青帘唯見寒烟迷

杏花村志卷八 題詠詞賦

十一

埜店關前餘舊井徒留片石坐行人悵繁華之已杳喜風景
之猶存亭宿雲而山山欲雨霜染葉而樹樹生春山近三台
翠壁蒼崖送眼松鳴古寺鐘聲枕語同清第見大江在東長
流夾岸孤墩吐白應籠蘆荻之花雙塔穿雲儼樹河山之幹
望日下之片帆徐來驚天外之飛霞忽斷少焉北顧邈矣無
涯一區城郭萬戶樓臺視棟宇之交錯似鳥革之爭開形俾
三輔中有九街實襟帶乎吳越賴保障乎江淮憑高舒興山
面南湖濁浪排潮萬頃爭流千古恨寒濤飛雪千秋常挂水
雲圖羨平天之一帶與秋浦而無殊目滌杜鵑實在山西川
原繚繞烟霧迷離楚艇橫於遠渚漁網曝於高枝別業空傳
山水留杜公之韻釣臺何處風流屬帝子之遺縱觀諸勝逸
興爭飛 關光欲暮看翠鳥兮爭歸觀山雲兮亂吐聞清磬於
疏林聽漁歌於前渡乘興而往不慮窮途興盡而歸重尋舊

路念好會之無虛因抽毫而作賦亂曰脫葉兮秋山落英兮
可餐垂珮兮組彼秋蘭綠石兮棄彼雕鞍水之湄兮山之顛
誰將拒我之盤桓而今而後兮方知天地之寬

杏花村志卷八 題詠詞賦

十二

貴池先哲遺書第二十五

杏花村志卷之八終

杏花村志卷之九

村人郎 遂編輯

宸翰

宋孝宗封文孝廟制

朕惟至治之世愛民而致力於神有道之君豐祀而不求其福凡以羣生之請禱迺推厚禮以褒崇池州文孝廟英濟忠顯廣利王受命於天有功於國聰明正直而壹者惟德是依水旱風雨則禱之何求不應盛百年之嚴奉極一品之徽稱尚承寵休永綏廟食可特封英濟忠顯廣利靈佑王乾道九年正月初七日

宋寧宗追封文孝廟制

朕感雲漢之詩軫念禱祈為蘇焦煇思顯號已窮於王靈願

杏花村志卷之九 宸翰

追封靡狗於輿情姑還文孝之稱庸表幽潛之實無遠弗届

諒深鑒於余哀永孚于休尚弗忘於民聽可特封文孝英濟忠顯靈佑王嘉泰元年二月初七日

昭明梁太子諡也在若子登自立梁時追尊皇考昭明皇帝廟號高宗先是若孫棟為侯景所立曾追尊昭明太子為昭明皇帝吾意太子必有所不受名雖殊棟而實誠逆侯景矣皆未嘗改諡文孝陳士業序三梁系譜云求文孝之所由稱不可得按乾道九年制稱池州文孝廟英濟忠顯廣利王可特封英濟忠顯廣利靈佑王是夫文孝益靈佑也嘉泰元年制始還文孝之稱可特封文孝英濟忠顯靈佑王是復文孝而又去廣利也亦皆不昭明不太子不皇帝矣及開文獻通考哲宗元祐賜額文孝此乾道嘉泰間所以仍之也想像後世一如昭明之舊而益以文孝連稱皇帝耳夫奚疑

敕

明神宗敕河南汝寧府守備丁昂

敕署指揮僉事丁昂特命爾以都指揮體統行事守備汝寧信陽等處地方專在汝寧駐劄操練軍馬修理城池撫治流

民防禦賊寇護衛府第遇有賊寇就便量調官軍有司民快火夫設法撲捕毋令滋蔓仍聽巡撫等官節制其布按二司守巡官員照舊帶管巡視不許推託誤事如有合問人犯就便會問發落其所屬有司事務除捕盜之外不許干預爾受茲委任須持廉秉公盡心所事如或假公營私尅害軍民及縱容下人作弊因而貽害地方罪不輕貸爾其欽承之故敕萬曆二年閏十二月初八日

丁守備隆慶中武探花也丁文恪為公作傳以經猷未展大為惋惜然無庸惋惜也吾郡故多高士公以守備挂冠魚隱杜湖高蹈之風真不可及不然雖桓桓武臣與杜鵬何有哉今守備之裔僅一人披薙居杜鵬蘭若猶奉此綸翰為家珍余嘗謂其宜歸族承宗此種功德佛亦生歡喜心為識之

文章

鍾世美 宋人

杏花村志卷之九 宸翰 文章

郭西昭明廟記

延祐元年夏六月初吉貴池之人無貴賤少長相與謀曰方今國家承平仁聖在上惠澤四海天覆地載可謂仁矣而我幸生斯時目不識兵革之事耳不聞烽鼓之警以農桑漁樵自遂於田里其子弟之秀者又服習乎詩書之訓以為世用安閒佚樂不知老之至可謂泰矣一方之民壤接千里山無狼虎野無盜賊年穀屢登民無疫癘疾病痛呼祝白禱祠則不旋頃而應左江右淮波濤萬頃舟航上下回檣一矚則江流無虞此非特上治之仁郭西之神力居多也然則自昔至今此方之人與四方之行李適於此者依神之靈不為不久而廟貌不莊齋祠不修牛羊鳥鼠穿跡於庭除荆棘草莽穢穢不治無以報稱神靈之貺於是極力經營不日而合一潔新之尊其像貌正其冠裳居有前宮寢有後室門闕重無列

衛兩廊齋祠有庖謁款有房飛費雕楹丹堊朱漆輪奐之美絕於一時所以盡欽崇嚴奉之禮而極池人之志也經始於元年七月成於某年某月是時世美筦庫於此而邦人屬以記之因觀舊志以問諸水濱皆謂梁之昭明昔在秋浦食魚之美號其地曰貴池然愛秀山之勝屹然數峰矯於雲表清溪環合為一洞天土地饒沃人愿而質常徘徊久之異時昭明既殯梁亦旋亡其神附於秀山之民曰吾昔愛此今帝錫此於我矣爾民既祀我我其福之於是民相與築祠於秀山之阿秋冬享祀有事必禱有禱必應民翕慕之唐永泰元年置郡於大江之垠貴池之民又相與為祠於郡郭之西而祠徧於江東然以梁史攷之則昭明未嘗至池舊志與諸水濱之言如此豈非史之逸遺者與昭明武帝長子也世以九郎為稱蓋不知其何故而泰山神亦以紀之豈非功德及民登

杏花村志卷九 家範文章

三

侯於嶽則所謂九郎者其泰山以耶序諸神之號耶昭明諱統字德施母丁貴嬪也生而聰敏天姿仁孝寬博喜怒不形於色美姿容善舉止自為兒時已喜讀書數行並下過目悉記講解辨說該通大義敏於文辭遊宴詩賦落筆數十韻日與羣公學士講論商確著述以為樂成書至八十卷東宮聚書幾三萬卷文學之盛晉宋以來曾未有尤喜佛學博極羣經招延閣士於慧義殿中著三諦法義普通之元甘露降於庭然居東宮不忍違顏而忽忽不樂朝必留侍出必宴居坐必西向臥必面臺遇召危坐達旦常參則漏未五鼓待明於門其侍丁貴嬪疾衣不解帶貴嬪薨扶喪還宮至殯水漿不入於口每哭輒慟絕廢寢食數強飯之終喪日餉一溢不及菜果之味時風俗衰微日入於侈每示恭儉以率之衣以澣濯食不兼肉服御樸素無所繪麗惟嗜山水之勝穿築池亭

於園圃之中暇日與賓從遊燕番馬侯軌問曰可奏女樂昭明良久詠左思招隱云何必絲與竹山水有清音軌甚慚之他時赦賜大樂昭明雖拜賜而弗用出宮二十餘年無聲色之玩幼於內省嘗遇廷尉奏讞重獄因而書之易罪以杖帝聞之喜時有所赦必使之訊免自加元服即省萬幾文書奏報旁午於前或不以實必昭其姦然怒其咎而無一人之辜時兵興役繁日嘗愀然不安米價騰踊則必減食菲衣天寒久雨則訪貧窶之人道路之飢以賑給之死亡無以斂者為之棺槨以瘞之然皆密施時莫知之而天下率歸仁焉其治誣人諂口之獄駁之再三而不為之議停吳興丁役之請凜凜乎忠厚之文有足觀者因遊得疾比劇猶手勤答詔左右欲聞自傷貽帝之念噫嗚流涕堯三十一帝哭之錫以袞冕諡曰昭明建康之人奔走於宮號泣滿路四方遠近莫不痛

杏花村志卷九 家範文章

四

悼嗟乎以昭明之才德而不及績戎大業丕冒天下使元元蒙澤更生於兵戈喪亂之餘豈非天與其仁心仁聞有足以淪浹民心感格天地去之幾數百年而血食一方奄及江東明靈陰德及於庶民靡然猶當時之慕豈非造理特深體天地生物之機相為不息以推仁民愛物之意與是可頌也謹拜手以獻之辭曰泰初之一自天先兮彌滿太極炳眇縣兮誰其得之昭明賢兮不顯其靈莫測淵兮大江之東包山川兮秀峰環合綠水連兮我昔瞻此今宅焉兮天祚仁孝歲以千兮來相池民福祿延兮精義感格靡不旋兮雲行雨施職所專兮自江以東闡神通兮惟此池民祀之虔兮翼翼新廟輪奐闔兮重堂靚深藻繪爛兮袞衣龍章冕朱紱兮顯顯君王存儼然兮四時享祀靡有怠兮特牲尊爵肆前進兮祥風景颯來雲耕兮幸神嘉娛賜矜憐兮惟時醴澤雨公田兮珍

瀉驅疫室無愆兮降福穰穰各安寧兮上方懷仁格乾坤兮諸神受紀景賦填兮芝檢五書行昭宣兮進神顯嗣慰元元兮福被羣生弘無邊兮勒石頌功垂無窮兮

方 謨

昌言歸安人正統舉孝廉歷官翰林檢討

重建昭明太子殿碑記

池郡之西祠祀梁昭明太子之神神蕭姓諱統梁武帝長子也諡昭明至秋浦食魚美因名貴池後遂以名邑嘗愛秀山之勝既薨神附山之民曰吾昔愛此今帝錫我矣爾民能祀我我其福之遂建祠於山之阿具迎其衣冠葬焉唐永泰初復置池郡又自秀山迎祀於此故秀山則以祖殿稱此則曰郭西行祠是也民既恭祀於神神亦敷祐於民蓋民飲食必祭水旱疾疫必禱禱則招應如響紹興初米價騰踊時有商載米數千斛將越他境阻風江上神自稱蕭九郎家池之郭

李應祥卷九 宸翰 章

五

西語商曰若之池州非特獲善價當以便風相濟商謬諾之神遂揮所執扇須臾風便舟行若飛神忽不見商至米既鬻詣郭西徧訪不獲忽覩廟貌儼然江心所見者自是人益神之正統壬戌民方合謀欲新神廟忽巨筏順江而下乘夜入池口泝杜鵑河若有人牽挽之者蓋神有康廬二使素翊靈本廟茲豈二使之靈使然大抵神之昭應類此其神封號在宋初榜曰昭明從舊諡也後加文孝崇寧大觀中封顯靈侯加昭德公南渡後又封英濟王加忠顯加廣利又加靈祐諸敕猶存俱弗稱國朝洪武二年正天下祀典仍封梁昭明太子每歲八月望為神之誕有司具牲幣致祭蓋崇其正也若廟治興廢歷代雖未能悉考邑載有麗景樓文選閣廟之殿廡堂堂多至百餘間至今遺基泐礎隱然荆蔓中自昔香火亦彌盛矣元季悉燬於兵迨洪武己巳歲郡守高侯始命屬

吏王仕良廟祝周良誠募緣於舊香亭之址建前殿崇奉焉永樂戊子邑人重建三開正統開郡守葉恩以神所致木悉建府治慮無以答神意命知縣阮仕進及都綱僧法歸福琪募白金八十餘兩市良木千餘方卜日營建適侯以事去郡守盧耀來任遂令邑人耶勝許鐸董其事建正殿五開天順癸未郡守鄧義視前殿傾圮首捐白金五兩為倡命齋人孔佛名持疏告境內士庶各出貨財鳩工市木建前殿并中廊各八楹經始於是年十二月落成於明年十月高廣如制輪奐翼然是皆佛名勞心焦思克相其成又慮無以昭神之靈且恐方來莫知興造之由伏謁今郡守李侯請文書石而侯事神尤謹既整正殿之石飾神之容特寢殿未建合祀神位未正候豐年悉力成之故於佛名之請弗拒遂授余簡俾考述惟當謨因不敢以蕪陋辭謹按梁史及鍾世美所撰廟碑

李應祥卷九 宸翰 章

六

載聰明仁孝既詳無容置喙竊惟天生賢聖之才得乎清明純粹之氣弗為於前必彰於後猶日之日月之夜雖不免於晦蝕而光景常新韓子云勁氣沮金石歐陽子云不與草木同一漸盡信足徵已以神之聰明仁孝俾蚤居天位必能丕冒元元脫干戈而安衽席梁庶幾三代之治矣然神之不得位與年皆天也距神之薨梁普通乙巳至今大明成化庚寅歷五千六百七十六甲子通九百四十六年而池民賴於神者如一日雖曰盛德者必百歲祀此則清明純粹之氣與道者存與天者遊天地之道恆久不已神之敷錫於池亦恆久不已孰非天之所為哉天與神一氣流通神與人一誠交感是皆可書也遂拜手而書之凡其出財力者則列之碑陰并作薦饗送神之詩俾歌以祀神曰池陽山水秀且清九華東引江西橫中有窟宅同蓬瀛神昔愛此來雲翕食魚而美故

因名少陽之星流光晶鍾奇毓秀神挺生聰明仁孝信史稱
 啟誦逸駕堪爭衡欵忽騎箕遊帝廷梁民不敷哀憐憐本深
 寶大施未宏帝令來池福吾氓隋唐宋元世代興魏我廟貌
 皆赫靈封號一正萬古徵歲當中秋月正盈潔牲奠幣椒漿
 馨官民闔恭拜且迎過鐘考鼓轟雷霆翻翻鶴駕電為旌神
 風颯然儼來歆百福駢錫如同陵疵癘不作和氣蒸雨陽時
 若年穀登池民鼓腹歌太平新廟翼翼金碧呈露光景福同
 崢嶸後代儒臣弘頌聲勒之琬琰同堅貞神化直與元化并
 千秋萬載翊皇明

按昭明廟中諸神皆藏於祝周氏當方太史作記時
 猶存也迨其後周氏居不戒於火無有矣則記所云
 崇宣大觀中封顯靈侯加昭德公南渡後又封英濟
 王加忠顯加廣利又加靈祐詳哉其及之於文孝之
 稱亦第云宋加之而已不詳所始矣吳氏耳溼溼集
 所為據馬貴與文獻通考而書於宋封兩制後也郡
 守葉公願以神所致木自建府署而乃更募以事此
 者何哉記中諱勝者即余十世祖村齋公也公生平

查花村志卷九 宏給文序

七

急公好義郡邑每有興建輒舉公任之尤工文藻精
 楷書受知於民部周尚書尚書奉命監造冊紙於
 池州靈芝塔與公往還甚密後出征經池口維舟聘
 公同往公以養親固辭尚書益敬禮之及凱旋官軍
 假賞資有加獨帳公不與焉此明
 初事也偶讀方公記因表而識之

西湘聖母橋碑記

秋浦西湘澗流闊尋許際西祠而當驛道舊有橋曰聖母水
 流漂蕩甃甃頽缺歲久不治過者病之邑民管氏雲父思欲
 更新之歸而謀諸婦游氏捐己帑命州人揣高深計寬廣悉
 更以石橋未及成而游氏即世雲父不易初志期於竣事龜
 琢礪鑿攻巧備具越二年克成又思所以壽之於監邑
 德方公而樹之石上列泗州佛號傍識歲月者濟車途
 之往來壯遠邇之觀瞻亦用祈作往來者梁也以是告
 予予應之曰昔人濟蟻尚積陰功雲父其功積在人必

將厚其報也乃為之頌曰池之湘一杭管之志用濟以
 梁經營構度是尋是尺不厲不揭無數時至正十有一
 年歲在辛卯孟春上幹
 田有麟 虞 堇 貴 池 人 大 名 通 判

重修西湘聖母橋碑記

夫橋以聖母名者豈無見而然哉昔娘娘顯異是地以濟眾
 生揆厥所由始元至正十一年信士游氏者捐貲重造歷今
 三百餘載其為古蹟也明矣第世遠代久不無傾圮而往來
 行李實難利涉感我司李秦公喻菴重修西祠道經是橋見
 其崩敞而諭之曰有此古蹟爾等神首曷不修之亦以壯神
 靈亦以廣津梁乎儕等唯唯而聽於是各競捐貲更於樂助
 者募之共成此果斯則聖有感靈之感里無病涉之虞因其
 事關眾姓相與廓大其庭而勒石以垂久遠云明萬曆甲寅

查花村志卷九 宏給文序

八

仲冬月

袁孟堪 弘治中學博與李鼎並祀邑學名宦祠

寓思亭碑記

亭以寓思名志不忘也將惡乎不忘蓋必仰其德澤之丕
 業之炳燁觸物感懷若觀甘棠以思召伯惜別去以
 武見碑墮淚以思羊祜然者池郡祁侯諱司員字宗居
 浙之山陰登成化戊戌進士出宰唐山蔚有聲蹟廣西
 道監察御史雷動風行祗承簡命擢守於微而補於池一以
 愛民為本其御下也公以恕蒞政也慎以勤省刑薄斂旌善
 癉惡故訟日益理政日益成名日益底於治暇乃建郡邑學
 榭養濟院徙三壇遷二祠增豐濟倉構迎春亭築翠微隄甃
 濟川橋行臺府治書院郵驛巡司夫厥以至興賢育才狀元
 諸坊或取之贖辜助之已俸百廢畢舉一鼓就緒丹碧輝耀

光彩精麗財不知出役不告勞侯功蹟之顯著者類如是未幾殞於官池及鄰郡無問老穉聞善政則思其愛民遊學校則思其養賢過院則思其恤孤經壇祠則思其祀神觀倉廩步橋道則思其廣儲蓄便行旅於是爭出己貲謀諸義官某市材僦工建亭於文選閣之右請余郡丞中山張公錞別駕德興李公珊以名議而扁之曰寓思亭斬余為記余惟侯之豐功茂績赫赫照耀人耳目者不可縷數他日登斯亭者安知其不觀甘棠以頌德惜別去以致思望峴山碑以墮淚者乎夫後之視今亦猶今之視昔豈古今人不相及歟則侯之功績豈乎其足徵矣不識以余言為然乎否耶眾趨而謝之曰唯達於張公張公慨而歌曰侯之功如齊山之崇侯之績如秋浦之碧百廢具興駕凌青雲常觸目而興思撫光景之維新胡為乎使我邈然而不可親既而李公乃賡載

杏花村志卷九 定論文章

九

歌曰侯守大邦震盪八楨建功業之巍哉與太行而并峙劫此幽亭覆石於地歌勒驥尾引而勿替冀吾侯之功德將永垂於萬世石兮石兮庶幾無愧歌已遂併書於石以俟後之觀風者采歸之太史云一

周疆競菴仁和人由中翰佐池陽兼攝郡邑篆理之裕如纂仕學要津一書有功世教士夫爭購之

築杏花亭碑記

自有社牧之清明詩後村遂以杏花名且築亭於其中為遊人止息地明太守顧元鏡又建坊表之嗣是以來栽培無繼起者杏花易而為蔓草而亭且淪滅而坊且傾圮盛衰之理物固有然余自壬戌冬來佐池郡南北馳驅幾無暖席乙丑之秋稍稍暇乃建坊種樹築亭次第以復前日之規模風景當必有大不同於此者余憾不得見今余所修舉何敢云無忝於昔亦庶幾存其意俾不至截焉盡沒已耳夫樹木者不

十年而小者長不十年而長者枯矣亭與坊一往過焉新者舊矣再往過焉舊者朽矣毀矣數十年後未知何如是所望於後之君子雖然物有盛衰遞興遞廢因之互見獨是牧之一詩歷唐至今已及千載曾無顯晦之殊人之所重其亦可知矣夫

池陽郎子趙客世居郭之西郊按羅古蹟博覽羣書謂是古杏花村確不可易余因是築亭建坊種樹以補其志遂為記質之郎子第不識不至於災梨否鏡菴氏又跋

香泉碑記

杏花亭畔有井名曰香泉其來舊矣恐無以識古蹟也書此讀亭記遠望之若墨爾手摩之知如麻填也麻填自宋人始而此則精於麻填書法行草隸結構擬乎坐位使摹以入石應并傳并泉記為入分書入分自漢六朝唐宋元來筆法屢變此書仿元人法然以文體

杏花村志卷九 定論文章

言之亭記如豐樂如鐵爐步意多致較并泉記如萬安渡石橋言簡而該公之神化不測於二記見大端矣古牛吳非識

記

呂燮雅 樂師徽州人

湖山窺園記

表池陽之西戶則曰湖山其勝與齊山相伯仲齊山之勝在泉石亭臺遊蹤賞藻而湖山則湛然秋浦滄蕩霏微古有杏村修原蔚薄酒帘書閣掩映其間如繡錯二三里許皆未及遊遊齊以志遊湖以主人言之主人者何董子修先生也先生嘗卜園於茲為窺園仰看山俯酌湖傍晚竹樹雲石開砌結楹程蔬討果良朋之上下佳兒之左右高吟而深讀放輿而學嘯由是信履探幽踴目泉汲黃公寺遊鐵佛殿閱昭明清味取諸水悅性取諸山博洽取諸古之

聞士而猶振衣躡頂長江一碧千里。翔鷺征帆羣相點綴已而霞色在林烟光極浦漁歌牧笛乍杳乍親沽酒乎杏花之村買鮮於杜鵑之網即不必更誦昔人佳句而自喻適志亦足陶然徑醉矣。蓋山勝屬浦勝屬村村勝屬園是園也不窮奇葩豔卉故無廣城崇臺不貴珍禽文魚故無樊籠池沼不治歌舞不縱庖觴故無樓榭不畜異玩不攻博技故無複藏蕭然泊然隨時花木經世圖書茶竈香鑪筆牀琴石而已則雖日涉斯園也何窺之與有而後所以為先生者益可知也。先生且曰吾祖以仙姿植學為漢代儒宗然止江都傅耳則道德文章與名位何與焉。吾誠緣薄祿長一膠欲以所受授之於多士奚當名位無論得無負吾園乎。一行作吏便不由。竹籬木榻有付之佳山麗水中矣。蓋先生方歌首指蘭。齒尚壯矣。眸炯顏澤似三十中人則四方之足初

杏花村志卷九 吳翰文章

十一

吳非

西郊遊記

先是甯子與公期楊子嘉樹與為西郊遊未卜日也苦連雨阻不果已霽定期明日矣復雨阻楊子和詩於甯子曰何時郊晴霽踴到杏村回意未忘於此遊也杏花村在西郊已又新霽兩日定以明日遊是為己酉四月之十有七日甯子速余同楊子及江子雲上陸子小韓余生之延併僧兒隨同南門而西劉子左車歸為代速其兄叔皮自西門出及門與甯子諸人先行待於張子翰青舍余同楊子傍過自西草堂歷杏花村後至為歎夫名之存而實之亡也叔皮卒不果來左

杏花村志九

車已先余至翰青兄涵一同出迎客小坐西入乾明寺禮鐵佛鐵佛始宋紹興辛未寺亦稱光孝詳余甲午遊記寺東偏故有羅漢堂堂徙去久矣某方。址新築禪室寺復以興西至清涼境境有亭當路。秋浦傍栖雲菴聊以居佛已爾止而茶以楊子戒肉食不葷懸酒以待還飲西過聖母橋亦稱西湘西望牆垣。石柱屹立橫一木藤蘿蒙密於風雨中者梁昭明太子廟也舊椽題楔額傾頽盡而柱石卒不搖相傳為公輸班神助云西及廟廟所以祀昭明也昭明故太子諡亦諡文孝皇帝帝為其孫晉追尊文孝宋哲宗元祐開賜號。去已復還之叢樹茂密荒冷靜深若欲移人性情者於壁閒覽石刻近僧從土中得之記楊楷發砌殿階本末文不雅馴紹興癸亥則猶在鐵佛訖功前余鈔焉為池故實細碎如文選樓詳劉梅根記中秋迎神賽會詳余記

杏花村志卷九 吳翰文章

十二

還栖雲小飲登湖山僧兒甫十齡未見江指示之曰此即禹貢所謂江漢合流而發源於蟠冢岷山者南條水也下華嚴菴菴亦稱西隱與主僧懸鑑坐片刻數語而行轉西門翰青兄弟別歸甯子曰今日遊事頗樂是不可無詩因併屬余非為之記

池州迎昭明會記

遂法記於賽會迎神事甚詳而實始於西廟故入之今成廢舉矣

池故事以八月十五日為梁昭明千秋其朔遣耆老一人杖騎而告廟謂之列馬郡縣有司則以前三日躬迎神貌於郭西廟入郭內祝聖寺而禮之是日諸家扮會迎神者所扮為關壯繆為城隍為七聖二郎為玄壇其扮也則各騎乘奉面具或於東門之橋或於南門之獅子口盛妝飾儀從惟七聖則用機械引刀穿頸貫腹而各以旗旒鼓吹導之步梁昭明輦於西門外杏花村之馬站坡而騎乘以還遊於通市

杏花村志九

或及郡縣之公堂薄莫而畢脫面具以交於明年之扮者無扮者則歸之廟其妝飾儀從多自為新製儼而舊者偶一見之其未扮也以是月朔啟面具於家鼓吹喧日夕諸知交時過從為助喧至出會日而罷有至十八日之晡而罷者如兩不克會則待為改期而迎昭明期不改諸扮關壯繆者必長夫之屬扮城隍者必馬戶之屬扮七聖二郎玄壇者則郡縣胥役豪猾有力之徒不則亦市僧屠門也諸所扮之人有自四五歲以至四五十餘者諸所扮之神有複之至再至三者宋郭西有神曰九郎九郎即昭明見陸游入蜀記黃庭堅亦云池人祀昭明為郭西九郎或曰二郎七聖合之正為九或又曰七聖為兄弟而二郎以兩神收制之或直據西遊記為考皆不可據諸一人所扮之費有幾二百金者月少至二十餘金者要所從來相沿已久始在池口二郎廟前掘地得面

查花村志卷九 風俗 文章

三

具池口所扮以十二日集於郡以十五日遊於池口是日舉市欲狂余嘗寓於郡邸覽觀之其後當事裁夫馬而關壯繆城隍之會廢不興非有司稟禮奉法禁之也今年有友人來要余曰是不必覽觀亦不必不覽觀也乃記之戊戌八月十三日

曹有為

壬戌紀遊

池陽山之大且著名者莫九華若其次秀山梁昭明太子衣冠陵在焉秋浦繞其下隋縣以名今治濱大江西距秋浦秀山七十里即以秀山名西門示所重也猶之以九華名東門也西郊有杏花村又猶南郊之有齊山也山與村並有唐刺史杜牧詩而清明一絕則兒童販豎罔不知此村者第兵燹之餘村花寥落已久其酒墟遺蹟鉢頂層巒猶可指而遊焉

歲壬戌郡別駕田公牧園先生以治漕餘暇率諸令嗣暨有為鼓柷泛秋浦雨登秀山後一日為清明因預吟借問酒家之句越旬登齊山尋巖壑幽異夙駕之九華陟天台諸峰池陽眾山皆一望盡矣登眺閒有為友人即子趙客杏花村志公願得一覽全帙且期作遊之日即池俗造青精飯日也公曰古人學不廢遊不廢學諸子業制義嬾詠歌何可一日忘耶於是投簡設几席於演武場之護國禪菴文罷飲酒賦詩相顧樂甚令諸從善騎射者拓弓作霹靂聲登後山絕頂雖無齊山巖壑之勝然近挹三台斜依百雉遙望九子芙蓉青青可愛即昔者登眺處也湖指平天水幾漲矣人謂秋浦有瀟湘洞庭之勝此非即秋浦之勝乎西望琳宮檐牙獨遠者西廟也昭明靈爽實式憑之日前金銜巖畔文選樓頭衣帶烟雲坐臨風雨以視今日興致又覺

查花村志卷九 風俗 文章

西

不同薄莫言歸公命紀之紀杏村游且以紀九華秀山齊山諸游也是亦即子志村之志云

郎遂

西郊雅集記

歲庚申春余擬約諸同人為西郊遊嘗因雨阻或諸友各以事牽不暇合并也亡何春將度而夏已近矣決於四月朔之三曰壬戌了此夙懷先期致簡諸友是日余速許君石甫錢君墨巢過舜井道羅漢山出西門長兒封已先速楊子亦震出南門候於古黃公酒墟址余屬至楊子甫與許錢兩君面交通姓字小立余指演武場前廢跡曰此天崇閣顧太守建杏花亭處也瓦礫泥沈名幾湮沒為歎歎久之錢君曰余嘗請郡守俞公大書杏花村鐫之石碑以傳將來也語罷余三四人登鉢頂山謁關壯繆廟隨登山顛望平天湖湖波方漲

望白浦圩細草初肥與莖衲山樵話田閒作苦遙從釣橋來者金子朝翰方子廷御也二子出鍾英門過下湖駝止於教機亭同與會楊子前曰西湘從未經遊今日當勇往焉因取徑清涼境入栖雲菴主僧存真及法弟子從古出迎烹茶小坐余起導西湘路觀茶田麥浪步聖母橋讀元達魯花赤碑記而返復過栖雲菴便招從古同遊虎山余曰何必三笑何必虎谿即可作虎山笑圖也沿路看荳花辨鳥音墨巢曰此金纓也此蕨明也此山查也此佈穀也此子規也此黃鸝也徑過乾明寺故不入恐值俗客敗興耳余呼小童設酒於湖山絕頂上覆松蔭下藉草茵觥籌交錯坐中惟石甫亦震談秦晉中古跡不倦墨巢與余或論詩或論畫或論書及交遊朝翰廷御則以酒令相角勝而從古與余兒子指點遠山曰此九芙蓉峰也此檀婆山頂松也此齊山翠微亭也已而日

杏村志卷九 家翰文章

五

將夕矣從古辭歸諸友亦起下湖山西麓過自西草堂余曰旋興旋廢何速也欬歎慨歎如立杏花亭廢跡時復過釣橋亦震朝翰廷御由西而南入通遠門余攜兒子隨石甫墨巢仍由秀山門至東嶽巷而別別之時墨巢與余有泛舟遊秋浦江祖及浮山山之約是遊也先他往而未期者杭州莫子吉人連江陳子孝受也不期而預者從古上人也期而不至者福州孫子開震廣陵王子開先也期而至者西安許君石甫雲開錢君墨巢平陽楊子亦震吳門金子朝翰余姊丈杞林方子廷御也追隨杖履為東道主者余率長兒封也遊倦坐聽蕉居小合眼挑燈援筆為之記

明御史劉永墓記

池志明御史劉永墓在郡治西鐵佛寺前余輯杏花村志時嘗訪之而無片石表其墓因原舊載入不敢沒也越辛未寒

食日余族人有居烏落洲者偶見過曰劉御史永有裔孫名之仁當踵庭稱謝余深訝吾邑劉氏之族眾矣各有支派御史之後將何屬耶族人以所聞於之仁者詳述之明日之仁果至又謂余曰吾家中葉伶丁孤苦先人某之母適聶因冒聶姓已久遷居洲渚之上屢經兵燹先代譜牒散亡殆盡今幸存萬厯閒當事執照一紙耳有遠祖御史公墓在鐵佛寺前即今演武場前也余亟欲往跡之乃拄杖頭問酒黃公壘畔導余遊冢上從先賢方南極園林故址傍取徑田圃閒南行數百武即其墓隴逼近有朱氏墳幾侵御史冢之仁又追述侵冢之由明季已訟之官矣尚有讞語存據余按御史由洪武三十年歲薦授沅州同知歷官御史郡志既載墓而其事蹟缺然也即徒然一官耳儻人不足重則墓又何以書焉嗚呼御史卜葬於此歷三百年穴無尺土之高冢無喬木之

杏村志卷九 家翰文章

六

貴池先哲遺書第二十五

陰漠然遠望山高而水清也之仁因請余文志墓余悲其宦業無稽猶幸以墓傳之不朽故書其始末以告來者

杏花村志卷之九終

杏花村志卷之十

村人耶 遂編輯

文章

序

余 璋 元人

重刻文選序

梁昭明享池祀夫豈徒哉如有所為者知其有文選也必人永其傳則人壽其享矣惟大德九祀余以貳郡是承以隆典是詢父老具曰伯都司憲新文選之梓於燼告厥成因相與樂之越十有三載余時備遣皇華詔誅炎服還有以梓蹈災轍而告厥廢者乃相與歎之再明年即池故處吾歸老焉聿感速茲徒念罔濟吾既不果憲斯道又不復政斯郡末如之何矣幾將來者豈不有我心之同然者乎未幾同知府事張

杏村志卷之十 序

正卿來思惠而為政將桓復斯集俾邑學吳梓校補遺謬遂命金五十以自率屬靡不從化心之身之度之成之播之揚之歌之詠之四方則之多士德之伊誰為之何日忘之宜有以識之奉議大夫前海北海南道肅政廉訪使余璋序奉政大夫

同知池州路總管府事張伯顏助率重刻

丁紹賦

文遠號東鶴貴池人大學士

新建鐵佛寺後殿募序

先是萬曆丙午有者民好言民情者陳於巡按御史曰鐵佛寺嘗折為郡龍從西來嫌重壓也曰相公墩當興為水從東去宜關塞也郡公慨然信其言會祝聖寺僧某者與此寺僧構訟遂命拆去後殿亡何並欲移前殿前殿舊有大鐵佛長二丈餘難移則令碎三段移之余時上公車念二丈佛者來數千年今不碎不可動碎之三段如來何罪抑又何忍且碎

杏村志十

之而不可更完則佛廢矣苦求留之幸黃首肯而先所拆之後殿則余勸移之於相公墩曰除害於此興利於彼一舉兩得之術也郡公聞言大嘉賞余謬謂有善全之方爾時相公墩無寺而有寺大佛欲碎而不碎將遷而不遷實余之力云不意有修怨於寺鄰人者則倡言拆寺皆余為之而所以拆寺者皆寺鄰人某使之其訛言蜚語鼓譟一郡之孝廉文學茲不忍更述而今咸人人明之無庸喙矣雖然人但明拆寺者之非余非鄰而未嘗明此寺之當拆與不當拆也如曰重壓來龍龍懼壓乎此寺之後更有三台諸山皆來龍也如嫌其壓則必刻去此數山而後可乎或以過峽轉身處破之是或然矣而正殿既不廢後構者必不能與正殿爭高是或無妨礙乎而余又竊聞寺之鄰近有築墓者惡之故劫為有礙來龍之議嗟乎存一忤害之心則非拆寺而誣以拆

杏村志卷之十 序

二

寺主以各私其墳墓之念則不礙風水而謬云礙風水人情大抵然矣今僧人某者先索余疏裝大佛金身其徒某更欲復留後殿余樂從之且助之然不令其為殿姑令其為平屋一丈四尺高蓋風水之說或末可信而鄰家墳墓或有礙來龍余心所不安也即令曩被害鄰人典史張某及鄰典某者董之且令知今日興寺之人還為前日受謗之人而被害之鄰人今猶為督工之鄰人也孰謂世無神明無天道哉噫嘻使人知有神明有天道則十方善信聞風布施不俟多言矣

劉廷鑾

送湖山涵融大師序

自唐以來化人之鉗椎貴池開堂說偈者有南泉普願有魯祖寶雲有和龍守訥有景德懷義有甘贄行者而卓錫偶至

杏村志十

者不與焉神僧邀會者不與焉池之邀靈於古德者盛矣哉
嘗見宋已前諸家有郭西禪院詩所謂西禪者當在秋浦樓
以外杜鵑以內私意山川有幸天必惠賜化人鳴板於其地
今涵融大師果策杖至矣大師出世間世於宣州來池宣教
者十餘載泰和曾房仲先生設屠蘇齊山供之地曰石林未
幾以灰劫罷乃入三十六山之菴鵑植茗導泉為樂者六七
載絕口不道宗門語言文字矣池郡士大夫復迎之湖山跌
坐苔龕亦又數臘今諸公釀金卜壤別創精藍瞻事大師而
大師不之拒也我等凡夫可不各輸絲粟之助而慶瞻其誠
乎即以是為西禪嗣法可矣

引 柴 望 雲岩和私人由丁亥進士官池守歷升陝西按察
副使

重修西廟募引

杏林志卷十 文章

三

余治池池上有梁昭明文孝皇帝廟僻西郊隅樹木叢深徑
幽邃古礎藉荒草宋元明所立碑露風雨中苔錢辭班剝蝕
字欲滅崇禎末左兵之後惟寢殿僅存栖神而已明池守祁
司員所新兩廊鐘鼓樓烏有矣余自公之暇一稽舊藉貴池
以昭明食魚之美而立名是池州之名池因於魚美池之貴
因於昭明錫封也世所行昭明文選相傳此本選於池故寢
殿前舊有文選閣貼其板大德九年同知池州張伯顏重刊
此本以行有由也池志失載名閣亦久不存矣顧又聞梁大
同時昭明常降神於秀山之民故秀山始請立廟與冕服陵
近又嘗陰召米船救池饑一以刺客見夢於明四川巡撫孫
仁孫警備得免於患一以秀山陵地被侵三見夢於明孝廉
韓理韓白之貴池令史鳴皋斷還侵地孫池人韓池之銅陵
諭則昭明之神靈於池祀於池豈徒然哉池故事歲以八月

十五日為昭明誕辰十二日迎神既奉祀於祝聖寺知府事
者率僚屬躬請駕今余主其職行朝請禮禮畢一二生前揖
而陳曰累朝贈封絹敕珍藏幾五百年至崇禎末乃燬鬱攸
矣明沿累代每歲遣內臣不無擾於郡縣郡縣患之池縉紳
請罷內臣遣歲命府主祭謁如禮今池入大清版輿而故事
相仍是亦所以代朝廷也一二生因指寢殿之頽墜為余言
曰是治池者事矣是治池者事矣願與僚屬共襄之併以告
諸鄉先生洎文學父老焉

姚子莊 六康歸善人宰石埭十餘載江東人士爭附門牆
卒後鄰邑受業章此荃請水冠葬於木村山

池郡鐵佛寺者創自唐朝額名光孝乾禪師開山卓錫哦松
之翰墨如新奎儒士暇日來遊題壁之珠璣尚在宋紹興之
代鑄佛二丈餘尺發願於武人明嘉靖之年費鐵八千餘斤

杏林志卷十 文章

四

補銘於善士嗣後黃堂捐俸白屋施財象踞龍蹲莊嚴莫尚
琳宮寶殿漸次增華函香載塗鏗鐘徹旦誠羣生倚為福庇
一郡借以壯觀迄於明終聿當世變黃巾寇起緇室災延鐵
馬金戈聲振武安之瓦朱甍繡棟塵埋賢劫之灰菩薩故自
低眉金剛徒爾努目幸未盡成初地猶可再煥前猷皇清戊
戌有白漢和尚者戒珠素潔忍鎧堅維狗善信敦請之誠謀
恢復喬皇之計入寺而免焚燕麥徒管領乎春風登階而斷
礎殘垣空飄零於夜雨乃克勤募白僅略具規模奈禪堂法
侶寥寥幾箇經翻對月即香積烟沈寂寂誰言鳥下空庭詢
之形家駢惟山門之故咨之輿論僉曰改建攸宜但工藉布
金乃成力匪量沙可就綴裘集翠聚米為山若非廣告檀那
詎能遠崇締構或傾白銀或捐紅朽或出豫章之材或捨河
濱之器庶幾成之不日入門無復舊經營苟能捐助如雲廢

剝盡還新氣象嗚呼滄桑屢改嗟廣積以何為日月如流悲
浮生之若夢無虛善果早值良因將見寶額輝煌山門前重
題鐵佛之寺宏功彪炳他年後復呈金粟之身矣

啟

郎遂

請許漱雪農部遊杏花村啟

水漲湖平草映池中畫綠春回風暖花開村裏齊紅好景無
虛應宜策杖良辰堪紀所在留題恭惟某才高三楚澤沛八
閩出處眷戀南邦衣冠告辭北闕高山之仰原非一旦浦水
之遊期在今時典型願奉先生步趨愧稱小友茲屈文軒而
夙駕特開選閣以登臨牧唱前圖踐杜樊川之遺蹟笛吹古
寺和貢文靖之高吟登湖山而眺長江彷彿詞源倒峽攀鉢
頂以瞻齊巖依稀文陣奇峰雙溪魚躍鳶飛益增活潑之致

杏花村卷下 大章

五

九子嵐光翠色悉在指顧之閒弔古洲前每憶圓沙應識汲
泉墟畔空留易代興嗟郊原博一日之遊蹤村史傳千秋之
雅話願聆首倡用效齊廣非惟地主歡騰抑亦山靈幸甚

農部漢陽人幼讀書即成誦一日放書詩忽放異香
或紅光射粉壁種種瑞事崇禎庚午舉於鄉丁丑成
進士初宰溧陽會權貴以私憾交怨庚辰上計請晉
藩幕再遷國興化法曹壬午分闈文武解頭皆出其
門尋升戶部主事甲申御史薦舉大理評事不就遂
解組築園於海陵所撰文集為黃石齋陳臥子李
映碧曹秋岳許天玉諸君評閱行世今癸
亥來遊秋浦年登大耋與遂訂忘年交云

檄

劉光謨 觀明試門人州牧

續春遊檄 崇禎辛未撰

人世期歷年於百歲從來百歲希逢春宵酬一刻以千金過
後千金難買現今老成在望自昔曠達知名胡當逾稀逾耄
之暮齡頓乏樂水樂山之逸興道上尊壘絕跡若風雨助我

呻吟郊外車馬無聞令禽鳥笑人寂寞滔滔皆是鬱鬱謂何
豈修途未盡坦夷抑恆情自多拘繫力疲憊遠猶慳取笑坊
隅性懶厭煩且不隨人簡便歡娛每際違於此日牢落竟惆
悵以終身思前同社風流已成陳迹念茲下春日短更待何
時忙趁九十韶光力破萬千俗障志追淡泊習炫紛華會號
八仙月凡再舉六品戒殺兩席同餐飲處僅攜二榼相從倦
時另備一茶為餉迭為烟霞賓客不速自來互作風月主人
如期過往盤桓務盡一日之長游觀不越數里之外傍花隨
柳會心即便與偕選勝尋芳觀面莫容錯過東西南北任其
所之動植飛潛視皆吾侶且行且止聊與人同奚必方前人
之駕一觴一詠惟求自適何須擅作者之場行廚率意毋庸
費杖頭之十千揮塵清談但各罄胸中之一二酒酣罷去覺
宇宙之無窮興盡歸來識盈虛之有數履底可領略一方目

杏花村卷下 大章

六

前足馳驅千古會誠良矣樂莫大焉况屬舊交原非難事風
光過耳易度景色撲面堪憐願隨君漫爾徜徉勿謂我徒然
潦倒

按遊檄雖非專為杏花村作聞公解組歸其遊覽
不越湖山杜鵑之園故此檄亦當采入以志高風

箋

陳錦宸 秋潭豐泉人明經

約友人遊西郊小箋

時維季春景物暢茂經邱尋壑逸士之曠懷拾翠采芳雅人
之佳事畏歌良日敬返高軒齊山古洞恐蔓沒以難登西郭
晴郊頗曠遠而可樂杏花村裏刺史之遺蹟猶存文選樓頭
太子之芳型未遠草盈平坂映日鋪茵麥秀前晴迎風舞浪
莖花鬪豔交呈爛漫之輝好鳥爭鳴互奏笙簧之韻若乃湖
山縹緲俯雉堞而盼長江鐵佛莊嚴叩乾明而隆寶相三台

屹其鼎峙九子轟其插天窳堵望而竚立精藍結而珠聯則
尤吾郡之巨觀而遊覽之勝概也況有優伶彈絲雲鬢度曲
觥籌迭陳履舄交錯揚風扞雅雖難希乎曲水之遊作賦流
觴亦庶幾乎蘭亭之被

疏

劉光謨

西廟募華蓋疏

威靈顯應功德永垂池民共切瞻依西廟特嚴報祀每逢八
月初旬更迎神而賽會近賴十方衆姓均施力以壯觀乘輿
載飭儀駕聿新加以冠蓋之陸離益稱士民之仰望惟御蓋
尚缺供奉致人情猶抱躊躇緣議論之既同矢貲財之是助
惟祈出之慨然庶幾功成遠矣頌巍巍之聖德擬罄榆揚悃
惚惚之羣生尚彰覆庇

杏花村志卷十 文章

七

讚

吳非

杏村獨吟像讚

倚石爲几伸千百尺之紙吮毫而欲泚方將吐詞點墨而未
已杏村者其故居里也想拈題當有取諸此吾以觀之即子
考古今而志所終始頗勤勤其勿怠以

教

周疆見前

募杏花村種杏樹教

照得杏花村自杜公留句而後遂成千古名區聞其風者多
深臥遊之思官其地者恆切春行之想但歲年既遠翦伐時
侵世俗不文栽培絕少廉纖暮雨止潤桃花搖曳東風徒翻
柳葉寥寥村墅無枝留燕燕之飛寂寂江城何樹聽鶯鶯之

杏村志十

語竹籬幾處誰停黃犢之車茅屋數間空殿青帘之影茲者
時際雍熙人安康阜言瞻古陌綠徧桑麻一望新晴翠彌菽
麥擬初韻事點綴太平廣募士民董率種植或一戶而獨栽
數本或數人而共樹一株其有閭屬紳袍願襄斯舉者名園
購得尤稱天上瓊葩別業移來不數人閒朱草務期旬日之
閒齊列千章之盛庶幾長隄十里爛若紅霞平莖三春粉如
絳霧玉壺人醉都去吟詩金勒馬嘶爭來問酒

上梁文

姜可久 以久號斐園貴池人

擬重建文選閣上梁文

文心相參大放才人之手筆選體合一聽操觚者之丹黃事
初始於昭明蕭梁獨稱太子勞分裁於學士劉庾等有十人
寄遊蹟於貴池垂將八代藏著書於魏閣藉以千秋在唐制

杏花村志卷十 文章

八

盛行家誦五臣集注況元人傳本州來貳郡重鐫伯顏率屬
捐金余璋抽毫爲序既滄海桑田之屢改遂層樓貼板之無
存特購遺書復基故址爲命匠而鳩工規仍舊制雖竹頭與
木屑費勿煩民爰卜吉辰落成與頌

拋梁東 朝暉日起照玲瓏天運有時爲草昧遺編尚可啟

鴻濛

拋梁西 斜陽入草復朝陽莫道時光難再得老人秘閣杖

高藜

拋梁南 擁書萬卷性沈酣何假百城當一面眼通天地並

成三

拋梁北 得意忘言心已默文章大運不終窮自古迄今傳

筆墨

拋梁上 朱甍碧瓦矗千丈立身高際問青天搔首踟躕空

杏村志十

四向

拋梁下 樓前素練長江瀉抹將一筆畫成圖烟水光浮無
晝夜

伏願上梁之後羣賢畢集先哲重光觀人文以化成攸關治
術披典籍而稽索大益詞場棟宇歸然殊高士夫之聞望兩
風時暢共樂父老之登臨

順治間嘉善錢公謙由進士司李池郡以此題試邑
學諸生擬建文選關於西廟併重繕文選板行世因
海氣犯池未果然此題僅有
此文可備故實以故來者

墓志銘

成 梁 二鴻無錫人崇禎癸酉孝廉自開東林遺老司鐸

明郎隱君墓志銘

猗與先生孝友性植經濟學成其以隻身匹馬從容談笑退
十萬師而保孤城有豪傑士之才及塵跡一官卷懷明哲歷

杏林志卷上 文章

九

三十載而娛山水抗隱君子之節如先生其合魯仲連赤松
子而為一人者與秋浦之陽杏花之村地淑人靈子子孫孫
千年萬世寶此貞珉

隱君夫婦原葬西二保水冲徐太史
有墓表今杏花村復為衣冠冢云
南欄號損齋桐城人

何 采

明私諡德隱先生汪公墓志銘

汪公諱崇道字以明號守川私諡德隱始祖居池州之興孝
鄉後徙桐城之大宥鄉古角山遂家於斂口其先累世單傳
皆隱居不仕至公而子姓蕃衍享年七十餘於萬曆戊申年
卒崇禎己卯年令孫汪震飛吾桐有聲諸生也擇葬於秋浦
杏花村西耀龍山之陽公固始終為池之人也歲在庚寅余
讀書中祕震飛長子汪邵亦有聲諸生也以書來請為守川
公志墓云碑記為方宮詹坦菴先生所題守川公行事惟余

最悉茲特有請焉余讀之而有感矣憶汪公與先大父相國
文端公為莫逆交猶記為兒時嘗聞先大父之言曰吾鄉汪
公守川醇厚篤實君子也與余家為三世友始終為一雖古
之善交者不是過汪公生平大節克敦細行必檢人倫攸寄
物望所宗朋友稱為處士之量鄉黨重其先人之臘堂名醉
白時開北海之尊榻號迎徐嘗接南州之彥廩園成祭時散
蓬門狐腋為裘閒貽寒士舉生平之遺義應嗣續之克昌余
雖不能詳述而縷舉之然樂道夫鄉黨之善行以傳於不朽
蓋非獨汪公一人之善行為可銘其先世之三代與後世之
數代俱與吾祖若父暨余兄弟子姪通家世誼皆宜見之於
余文宜乎其不遠千里而來請也爰為之銘曰人之生也有
不依形而立人之死也有不隨魄而亡生而淑慎仁者自壽
死而不朽盛德必昌杜鵑之濱耀龍之岡世世於茲其歸其

杏林志卷上 文章

十一

咸次庚寅壯月通家子左春坊翰林院侍讀學士何采書於
長安官署

祭文

法若真 黃石山東膠州人五經中式江南方伯

西廟祭梁昭明太子文

康熙八載秋八月十二日余小子來自金陵至於池池人咸
社祀昭明太子謂十五其皇揆也因渡皖江不克潔羊豕乃
率爾為文以祭之文章同心千古為昭揚屬無思懼嘖神聽
嗚呼天地處升沈而或變文章歷治亂而莫易豈天地之道
不勝於文章豈文章之理足勝乎天地天地者氣為之也文
章者主乎氣而勝於氣者之所為也發天地而先見乎文章
故龜馬肩足蒙象於兩儀之始分天地而後有文章故六爻

八卦分錯而麗星辰華嶽之終伏養神農所不足者堯舜繼之堯舜所不足者禹湯文武周召繼之禹湯文武周召所不足者孔子孟軻繼之孔子孟軻所不足者一變於荀楊再變於韓歐諸儒其中晉魏梁宋之閒天地之道不可見而文章之理迄於終窮數百年剝復之幾天不得生太子以羽翼文章之道天又不得不窮太子以帝王之位而故處太子於文章之士以挽天地之終以開文章之始此前有荀楊後有韓歐諸家所賴於太子之發明以不墜一綫於茲者亦岌岌乎危之也嗟乎余少不喜晉魏之辭初學楊雄不能抉其幽而去之讀蘇子不能破其縱橫而去之讀司馬不能晰其條理而去之讀柳子不能破其堅僻而去之讀韓愈不能沁其神理而反覆於諸子百家上下於六經之典則而復惘然終無所益丙戌秋侍中祕乃讀太子文選樂其華矣亦疑其所

杏花村書卷 文章

上

發也遊其美矣亦恍乎其著也挹其洋洋矣亦容與乎其所以泛泛也而猶未有所從也徵之以先王之陳說與諸君子賢者之發蒙從容乎風雅之域而翱翔乎山川草木君臣父子兄弟正變之類出入乎詩書而潤澤乎春秋易象之繁以及變風小雅之哀樂而猶綴之升歌管象而播之金石使五倫不載胥於喪亂禮樂不盡壞於流亡余乃撫卷而歎曰太子之功其恢恢天地哉所可異者文章或見於一日而其人不可得於聖君賢相之遭逢其人不可見於一日而其文章又傳天下後世之聖君賢相而讀之而復思見其人即有其人矣而用違其才弗克行其所志以或逆乎川嶽降生之靈嗟乎此長沙之痛哭而離騷所以繼小雅之悲憤而作也向使太子承大統南面稱孤一時南北諸儒盡致高位執法術孰錢穀孰六卿孰外執事遠佛教之邪說遵文章之大經以

杏村志十

治天下亦未必無上理然太子雖有治世之才而諸儒不盡撥亂反正之士且一太子之賢而處家國難反之勢恐大之不能及兩漢之風小之拯南北之危疑歸之於綱紀太子亦必熟察之俯仰古今揣度國運內求之堯舜有為之姿與外觀之諸臣輔佐之所學而知梁家天下不過一片石頭僅告悔過於祖宗而故翻然與遊談著作采之春華秋露之文朝摘芙蓉暮抵白沙食池魚而歎美攀名山而徜徉使天下文章之道大集於文選一書亦使天下後世讀其書者思見堯舜禹湯文武孔孟之道庶幾其未墜也太子固於辭帝王之日而知天地之道可留於匹夫太子固於登樓著書之日而知文章之理不毀於俎豆嗟乎道勝於氣而氣盡於理天地之所以不窮文章之所以不大變也今日者小子承乏茲土以從事秋審之典過池水之陽邂逅太子之初度而登降乎俎豆之光大夫踰踰士女穰穰鐘鼓煌煌羽毛揚揚亦不知太子為誰家之君王而亦不知梁太子之文章其何以至今日而終未淪亡嗟乎文章其可忽乎哉

杏花村書卷 文章

上

書事

張邦基 宋人

書廟祝一則

東京城北有祆廟祆神本出西域蓋胡神也與大秦穆護同入中國俗以火神祠之京師人畏其威靈甚重之其廟祝姓史名世爽自云家世為祝累代矣藏先世補受之牒凡三有曰懷恩者其牒唐咸通三年宣武節度使令狐給令狐者丞相絢也有曰溫者周顯德三年端明殿學士權知開封府王所給王乃朴也有曰遺者其牒亦周顯德五年樞密使權知開封府王所給亦朴也自唐以來祆神已祀於汴矣而其祝

杏村志十

乃能世繼其職踰二百年斯亦異矣今池州郭西英濟王祠乃祀梁昭明太子也其祝周氏亦自唐開成年掌祠事至今其子孫分為八家悉為祝也噫世祿之家能箕裘其業奕世而相繼者蓋亦其鮮曾一祝之不若也

時藝

黃一鶴 山樵吳縣人

牧童遙指杏花村

村以杏著即遙指而心醉矣夫杏花之有村行人非不見也惟村有酒非牧童則不知也一為遙指醉鄉不在望乎且人當風雨瀟瀟之際徘徊道左荷蓑何往牧豎歸來酒債尋常青帘難見甚無聊矣一放口而或者示我周行心焉數之非即此小橋流水閒乎如行人之借問酒家斯固清明時節也香車寶馬並馳陌上之風光此獨何為適際一時之春雨即

杏花村志卷一 章

三

駕言出遊其不期然而然者有如斯矣抑有核尊疊各記芳時之勝事彼何不幸更逢曠楚之蕭條即于焉征邁其不期致而致者又有然矣爰有牧童若不忍其欲適之無從也為之指以明歧路之無妨抑甚憫其投足之無地也且為遙指猶幸前途之可即於是道中所遇事不盡傳從此同行景猶堪憶芳枝旖旎偷出牆東此杏花也非烟非霧掩映紅妝兩中之杏花也白雲茅舍牧兩兩以歸來犬吠柴荆客行行而且至即牧童遙指之地也夫楚外之村不一此何以杏獨傳儻所謂蘭陵美酒鬱金香者即此杏花村釀乎倚彼富墟欣然索醉且與花而酬酢焉縱楚藪山肴漁樵雜坐所不論矣且村中之酒家亦不一又何以杏共名儻所謂小槽滴酒珍珠紅者均此杏花村店乎取彼杖頭願言既旨且慰花之寂寞焉即狂歌屢舞杯盤狼籍所必至矣由是牧童復過而相

慰曰向者行道遲遲載渴載飢得無興致之稍減乎余為指焉猶慮道之云遠不意君子果至也杏花無語為之招矣可即以杯酒勞之由是村中之牧童羣過而相告曰日將夕矣牛羊下來或者歸途之尚遠乎從茲逝焉不妨故轍是尋竊恐君子之戀杯尊也杏花欲泣賦將別矣可即倩所遇之牧童謝之嗚呼且看欲盡花經眼莫厭傷多酒入屠牧童真解事矣花徑不曾錄客掃蓬門今始為君開杏村盞無主乎為之歌曰昔我來思花雨霏霏今我曰歸花香滿衣回首杏花亦不覺神情撩亂矣

杏花村志卷一 章


文章

四

西

貴池先哲遺書第二十五

杏花村志卷之十終



吾宗自貴和貴懋兩公而下支系蕃衍分籍於鄰邑
遷居於鄉村都市詳載家乘班班可考所有官業文
行孝友節烈之可記者別有傳誄志銘悉登中山掌
記一書即近今五松蜀山派諱應徵公以鷹揚高第
遠鎮西川勳猷丕著封宣武將軍爰有且園紀略用
傳不朽茲溯有明以來能守先廬於故村者略述世
次以志木本水源之思然自崇禎癸未左盜南屯營
而後又有乙酉之變廬舍盡成煨燼今惟遺址尚存
恢復故物是有望於後人也

吳非

戶牒歌

天下太平不出征當使百姓歸農耕大哉王言敕下
部司徒戶口欲分明家為給牒與收執貴池畿內遵

23978-48版

先行安字二百有二號半印全押篆文清填者誰姓
名杏村郎禮卿事產只基屋男婦六口兩成丁洪武
初來三百載其後謹藏傳至今我為覽訖三太息不
如一紙猶得垂雲仍嗚呼不如一紙猶得垂雲仍

陳元鍾

書杏村世系圖後

耶氏世多賢煥煥照千古或以耆耄傳微言箴臺府
或以勳略著荷戈稱禦侮尚有俠烈者單騎造猛虎
談笑退雄兵辭榮歸田圃今閱世系圖忽焉為起舞
譬在山陰行得與日月觀舉世盡斯人天不煉石補
甯士玠介夫青陽人與兄士瑜俱以積學者

過杏花村耶仲久隱君故里

秋浦粵舞似瀟湘杏花村裏處士莊水碧山丹鍾瓊
異中有壁人吟縹緗吟成錦機七裏織紫鳳翩翩舒
彩翮聲名藉藉江淮閒誰其知者由祖德惟君之祖
蘊至性難鳴望櫛勤温清浣滌裙媵老不懈孝謹還
過萬石慶質行雖非遊俠侶每逢緩急亦輕與邀遊
偶託鳩茲色流離曾拯難中女貧來不肯拾遺金惡
其棄地待其人待之不至不為己買絲繡佛且飯僧
無端左帥忽翻然百萬貔貅塞江邊劫略居民甚豺
虎城頭日夜愁鋒烟備兵程公行幕客何人能作魯
仲連惟公應募單騎去談笑一發迴戈船後來程公
等中丞燕關開府建節新念功題公不受賞拂衣長

23978-48版

嘯終隱淪嗚呼孰謂醴無源孰謂芝無根如公節行
宜昌後不在其子在其孫他年名成膺顯秩大書先
德光碑碣吾今雪夜發浩歌古道猶疑照顏色

江表

湖山歌弔耶仁孝先生諱必光號亮菴私諡仁孝先生

我登湖山山上頭極目但見江雲流江雲浩浩蕩胸
臆大地烟霞一望收中山先生曾居此背枕湖山面
湖水杏花村裏雜漁樵漁歌牧笛聲盈耳祇今遷徙
改風光花發猶聞村酒香何人肯向湖山過醉臥花
茵送夕陽仁孝先生愛花墅山莊別有梅之渚時時
載酒杏花前寄懷常憶漁樵侶信步還登湖上山觀
空塵世舒襟頗何當化鶴乘雲去不共湖山相往還
華黃中涓無錫人池州教授

杏村志卷十一

五

過杏花村懷耶亮菴處士

重過杏花村心傷舊郭門主人已長謝花事向誰論
烟月谿山老風霜竹木翻得借天下士令子暨文孫

傳奇

王爾綱見前

杏村醉雨

生扮杜牧之冠服帶二從人上每逢佳景便欣然詩酒相
酬興欲仙最喜政閒官舍靜齊山遊罷又湖天下官杜牧
表字牧之本貫萬年人也曾作阿房賦遂得解頭頗參澤
潞謀見知名相重舉賢良方正之科累遷史館修撰之職
目今出刺池州號為紫薇太守且喜政簡刑清自公之暇
得以留覽山水嘗攜茶遊金碧洞有袖拂霜林之句提壺
登齊山有江涵秋影之句此亦不過偶然乘興觸為此語

有何佳處聞四方傳誦大抵詩因名重耳笑介這也罷了
昨偶扁舟平天湖上風物絕佳又聞西郊最多古蹟欲往
一遊只是人知為太守亦落俗氣我如今不免換了巾服
仍同舟子前去大家散淡一回豈非生平快事左右可喚
舟子過來舟聞得招舟子忙來聽指揮舟子叩頭生我今
欲往西郊只你同去扮作尋常遊客路上只以相公稱我
便是舟曉得生換巾服云正是山水羞沾紗帽氣陶然一
醉有餘歡生舟上岸左右先下生你看條風布暖霏霧開
晴泥燕紛飛流鶯百轉又是一番景色也呵
新水令生東風靜細柳舒眉乍流鶯歌聲如吹纜離了湖水
地又早到畫橋西芳草迷離又恰正是清明天氣下
步步嬌丑扮牧童上終朝陌上閒遊戲短笛橫牛背自家牧
童是也不免帶了牛往西郊走一走來青鞋不惹泥踏破

杏村志卷十一

六

深紅穿殘綠翠乘興縱鞭馳何須寶馬拖金轡下

折桂令生同舟子上行樂處油壁輕肥慣遊的揆盒攜壺帶
葦張帷呀雨來也又只見鴉亂驚啼蝶愁倒墜燕阻斜飛不
免在小亭歇息片時行人走科你看行人路上好恹恹也
一陣陣帶雲來沾衣欲濕一點點借風至吹面難支此時須
得一酒家蒲飲方好欲暢我遊思須尋箇酒旗你與俺忙
問那舊日黃墟又何妨效古人便解金龜舟前面有一牧童
來也待我問一聲

江兒水丑上寒暖輕相遞陰晴變霎時等閒閒隱卻了春光

媚舟牧童丑甚麼牧童面上有牧童兩字麼舟你不是牧童
是誰丑如今的牧童大了本府太爺也叫做牧之舟就叫
你牧童哥借問一聲酒家卻在何處丑驚笑云原來是問
酒麼我只不說你若酒須邀我喫一杯方可教你舟待

我與相公說知向生說介生有何不可就叫他同去舟向
丑說介丑待我繫了牛來等閒閒復見了春光媚問旗亭
御藏在深林內到前村便買得青帘醉相公酒量好麼舟何
消說丑你是箇海量無疑舟你卻插不上丑也須要倩牧
童作對生就此同行一路古蹟你可曉得丑略知一二生細

細說來丑那是虎山

雁兒落帶得勝令生俺只見虎山峰聳秀姿丑這虎雲嶺生

俺只見栖雲嶺橫天際丑這是土城生俺是見土城邊桑柘

垂丑那是古陽生俺只見古陽中泉香沸丑這是文孝祠生

俺只見玉瓶兒現貼在文孝祠丑那是西禪寺生俺只見西

禪寺有鐵笛吹丑那是杏花村了生俺只見滿村坊霞成綺

俺只見出牆頭錦作圍似這等雨洗後臙脂膩更勝那日照

來文繡披堪題俺待要蘸霜毫詩言志休嗤拚一箇倒金尊

酒沁脾

杏花村志卷十一

七

僥僥令丑桃紅何足羨梨白未為希文杏千株誠堪異生是

何年種的丑也不記是何年種得的是何年種得的

收江南生呀早知道這般樣絕盛呵又何必上林枝近人傳

杏花村有二都在金陵一在鳳凰臺下一在芙蓉山畔未

有如此之盛者休誇那鳳凰臺下碧參差芙蓉山畔綠依

稀這花村最奇這花村最奇真不愧名流相賞共題詩丑來

此已是酒家相公請進酒保拿酒來保難道你也同喫酒

丑這位相公特選我來薦到你家爲何反輕薄我快拿酒

來

園林好丑正對著珊瑚滿枝須斟取真珠滿杯擺列鮮銷美

味任解下杖頭貲又保酒到生你兩人都坐下丑須行一令

纔好生甚麼令丑各人將本事吟詩一首生你就吟來丑

杏花村志十一

吟詩云草鋪橫壑六七里笛弄晚風三四聲歸來飽飯黃
昏後不脫蓑衣臥月明生這是古詩丑如今多少人鈔寫
舊詩豈但牧童生休得取笑丑相公請吟生我就將今日
即事誅一首吟詩云清明時節雨紛紛路上行人欲斷魂
借問酒家何處有牧童遙指杏花村丑妙之極矣舟你曉
得甚麼妙丑多少人看詩一味叫好又豈但牧童舟一發
胡談丑老兄請吟舟我不曉得做詩丑明日倩人補一首
來生休得取笑且自飲酒

沽美酒生論人生須及時恣樂情莫待遲離坐開懷一餉爲
晴和雨難預期漁與牧盡忘機看當前花開如織一霎時花
容盡濕趁今番花香共惜待來朝花梢淚滴因此上情狂興
怡怕零亂心慵意癡丑酒來保酒到生俺呵願朝朝典衣但
日日銜危呀這纔是小杜君勝遊情事天色已晚舟子將杖

頭錢解與他就此回舟去也保錢太多了生拿去保謝相

公丑承攜了我也收拾牛去生你不消等我我緩緩兒行

八

牧辭先下

清江引生風流太守無人識帶雨同花醉遊徧杏花村已盡

西郊致願留後來人還復爾並下

貴池先哲遺書第二十五

杏花村志卷之十一終

杏花村志十一

杏花村志卷之十二

村人耶 遂編輯

雜記

或疑杜牧所遊杏花村在金陵詩人張南村寓池因詢之張曰余金陵杏花村在江寧縣治西逼近城隅第好事者訪古種杏因以名之耳故張遊池州杏花村詩云金陵亦有杏花村恨少詩傳似秋浦

漳湖范又蠡龍山看杏花賦有云壓秋浦之名村蓋池州之杏花村盛於昔而皖江石塘村之杏盛於今也

張鹿洲明府云江右玉山縣亦傳遙指處余按廣輿記洎名勝諸書皆未載吾郡實以牧之刺池得名故他處不得爭耳

按廣輿記載池州古蹟曰杏花村在府城秀山門外杜牧詩

杏花村志卷之十二 雜記

遙指杏花村即此曰文選樓在府城西昭明太子建

按鹿田主人所輯輿鏡載貴池古蹟列虎林城秋浦樓文選

樓杏花村昭明釣臺

按大明一統志載聖母橋在城西四里文選閣在城西五里

昭明祠在焉俱以古蹟故不遺也

三台之中台名虎山見舊鐘磬鑄字俗人指為吳虎林城地

似誤按虎林城當在今李陽河不必附會於此

湖山之麓村農掘地嘗拾古硯相傳為宋貢院試士所遺者

湖山或曰當作胡山昔有胡將軍屯兵於此故名

龍眠楊臣諍所刊龍文鞭影有渡傳桃葉村名杏花之句自

注略云唐杜牧鎮秋浦清明日遊杏花村地在池郡秀山

門外併載明太守顧元鏡五言律詩一首

按秀蓉袁氏家乘載袁雲鳳由唐武德進士歷仕池陽遂家

杏村志十二

焉郡北舜井街是其故址雲鳳卒卜葬杏花村其後遷華西之陽明溪萬麻甲午袁德顯登賢書

池諺傳杏花村有井泉可作酒沽自呂純陽投飲村店中索酒不至因題井水當酒賣之句自是泉無酒味按徽州府亦傳此跡

先郡丞文韶公仕宋季入元築煥園隱居杏村里人汪民祇嘗謂遂曰昔見村童拾古圖章上鑄煥園二字村人張翰青又謂遂曰昔村農耘田得鐵器形似雲版上鑄有宋年號及郎字餘莫辨

青陽趙村張氏稱望族洪武初遷自杏花村有祖墓在貴池城內關壯繆廟傍見族譜後人張思曾由孝廉官魯山大尹致仕歸里有過先世故宅詩

杏花村志卷之十二 雜記

二

友人來自營平搨泰陵公署碑記見貽其序事略曰余家世居杏花村嘗欲僦樊川杜公經遊處築環堵室誅茅蒔蔬琴書自娛矣不意於冷宦時能作如是觀也云云此亦吾鄉宦蹟故存其略以備考

杏花村陳潤唐時人與杜荀鶴為姻姪今閱揚州府志有陳

潤登栖靈塔詩曰塔廟出招提登臨碧海西不知人意遠

漸覺鳥飛低稍與雲霞近如將日月齊遷喬未得意徒欲

躡雲梯惜未詳里居錄之存疑

桐城周曰赤帛黃侍中詩結句曰谿畔祠堂何處是翠微峰

外杏花村今文貞公特祠在東門外距清溪五里杏花村

在郡治之西余擬請建遜國三忠祠於湖山之麓祀侍中

黃公觀給諫陳公敬宗侍郎金公焦以三公未嘗合祀亦

闕典也

明陳中翰士祥工書法嘗自署杏花社陳某見諸詩幅題楹

杏村志十二

閒士祥貴池人所著有成仁錄燕遊草八甄軒詩稿

顧太守飲杏花亭乘醉獨步清涼境偶遇女子因問何故書
行女誦豈不夙夜畏行多露之句答之顧公因戲題浥露
亭於壁閒

青陽扇海內爭寶之嘗乳金畫池陽諸景圖而杏花村酒圖
居其一鷹阿載本孝有青陽扇詩九華漢製古難求此日
青陽隔歲收濃染楮皮山柿液縷分竹肋水葱頭映將殘
照顏如醉惜與芳蘭氣未投更有方圓還五色一般金碧
細來句

余笥中藏有香筒周圍雕杏花村圖鏤刻精妙誠為高手惜
不得姓名以傳吳翌齋先生有詠杏花村圖香筒詩見藝
文

劉坦心慕樓居無力購之文徵明寫層樓見貽嘗懸置壁閒

杏花村志卷三 雜記

三

名曰神樓楊慎賦有神樓曲今此畫人爭以十萬錢購之
是真樓勿若矣廣陵孫鼎擬構一園不就仿徵明神樓圖
作想園圖沒後子繼登追慕先志更命為想想園祭酒吳
偉業觀察宋琬並為文記之余喜村居江上名人嘗作杏
村別業圖置余讀書其中古今事亦略同也

蕉窗詩話曰以賢刺史如杜牧之攜茶遊洞問酒花村自是
千秋佳話但清明一絕第三句借問酒家蓋從路上行人
言也四句一氣如李白詩橫江館前津吏迎向余東指海
雲生郎今欲渡緣何事如此風波不可行皆一氣轉執此
以謂刺史自問則泥矣

李侍御題史巖詩曰重來遊宦地歡舞動成羣鳥避新驄馬
花迎舊使君翠微晴帶雨蒼玉暖生雲猶記東風夜尋詩
過杏花村味詩意侍御曾遊杏花村賦詩而後登齊山也惜

其名與杏花村詩俱不傳或疑侍御為李雲貴溪人弘治
閒由進士司李池郡擢監察御史重過舊地賦此詩也

唐一沂曰萬曆時池州有謝灘子賢常就地以手襯足而行
人恆憐而與之食丙寅冬偶拾遺金二十兩越宿見有一
倉皇呼籲而至者問曰君為遺金人乎固存無患耳客不
勝欣慰忙作揖申謝灘子竟忘己之癢疾起而答禮追揖
起而其下體忽伸自移足試之竟能闊步矣嗣是以風鑑
擅名言人休咎悉驗人疑為神授云或曰謝為杏花村人
錄之存疑

杜荀鶴舍前椿樹生芝草明年及第以彩飾之貯於盤中列
於几上號曰科名草杜嘗築別業於杜鵑此其逸事故錄
之

唐人謂杜荀鶴詩三百首妙在風暖鳥聲碎日高花影重一

杏花村志卷三 雜記

四

聯近有人作杏花村詩全鈔一聯余不敢采入
按典籍志載宋胡北撰秋浦志八卷宋王伯大載秋浦新志
十六卷其記村中故實必詳惜其本不傳

宋尤袤藏書有池陽集秋浦紀曹緯又著有秋浦集今只存
其名吾池文獻多不可考亦不僅村中事也

半禪道人題鐵佛寺聯云有人相說是鐵有我相說是佛無
人我二相即佛是鐵即鐵是佛執慧空見是佛執塵空見
是鐵渾慧塵一空何鐵非佛何佛非鐵又題山居聯云睡
到三光天不管丟開八字鬼難尋所著有我詩行世集中
警句有曰歸猿攀碎林閒月去鳥飛開石上雲人盛傳之
桐城潘江輯龍眠風雅為作寓公傳

宣城湯霍林太史晚年林居嘗遊池陽寓丁文恪西郊園林
有題鐵佛寺聯云佛自西城來大冶洪鑪是鐵皆堪鑄僧

從十方至孤雲整鶴何天不可飛

宜興陳銘以振鐸貴池佳山水無不留詠如題文孝祠聯云
成性時自然仁敬孝慈聖賢中一太子結胎裏純是文章
禮樂帝王家真大儒乾明寺聯云偶從空色留金相羣在
慈悲見鐵心虎山淨林聯云靜鎖山門雙寶塔遙開佛供
九蓮華此吉光片羽俱屬可傳因備錄之

湖山窺園圖畫卷林陵王彬真蹟筆法似五峰任氏父子今
藏於七松里董商侯家有九華吳光裕浯溪方元美諸人
題跋

窺園中象石為山具有邱壑之勝癸亥夏廢之移置邑署
按輿地名勝志謂秋浦樓即宋秋浦亭似誤秋浦亭在今清
涼境秋浦樓即今秀山門城樓不可以不辨

文選閣遺址原在西廟後庚申歲秀山僧請於郡守移建昭
明冕服陵側梁時故址無有過而問者

問蕭樓在宋試門以池州之有文選閣因以名之今廢按詩
顛寄吳筏絕句曰經年遠出是孱翁那得宵分共酒筒聞
說問蕭樓作市紗帷何處督諸童即指此

景蕭樓宋狀元陳舜俞建於池州久廢明李春達築環碧園
掘得景蕭樓斷碑按景蕭亦志慕昭明也

按昭明廟記謂神元首為江西巨商竊去今考饒州府志載
嘉靖閒有商於池者請神元首歸祀之因建祠於東門外
名郭西猶不忘其所自也

西廟神道坊兩石柱相傳從水中浮來
貴池四境分保三十有六有數保遇歲旱相率來西廟井中
取水僮水者各持柳枝衛之以防他保阻奪至則登壇祈
禱時雨立降咸拜昭明之賜若郡城取水必至杉山山絕

頂有深潭謂有龍潛其閒旱極率以鱉籠之屬投之亦輒
應

杜鵑詩集兩種一為貢士錙鐵樓著今藏於家一為湖上孫
黃裔著今散失不傳其遺稿數十首藏潛修替僧亦霞處
余與王紹李擬釀金梓之

孫侍郎仁有請罷杜湖漁戶進沈香鮑疏今逸
吳園次太守金陵蕭瑟詞有杏花村一調初疑杜牧問酒處
在白下及癸亥遊池州考據郡乘訪尋舊跡因賦詩正之
有曰小杜曾經刺此州佳名應自為賢侯

鄧舍人贈池陽太守詩有閣臥九華雲氣入行春五馬杏花
多之句可稱雅當

左兵臨池近村居者皆遠遁有留題酒家壁云不問主人沽
一醉無錢挂杖且相賒

楚人何朝宗天崇開官池郡丞與太守顧元鏡登眺閣亭及
湖山唱酬每至達旦朝宗有詩曰遊到夜分身帶露卻疑
山翠濕行衣蓋實錄也惜杏花村題詠佚不傳

崇禎十一年戊寅春杜鵑山掘白土如麪居民以之充食俗
呼觀音粉

崇禎己卯春學臺使檄臨池試期迫時王公家杜兼貴池青
陽兩縣篆即合兩縣儒童試於演武場草壇人張蓋於几
貴池吳蒼竹以作兩縣題文共四藝取首

史閣部可法崇禎中以兵備道駐池州時當流寇日熾公朝
夕訓練士卒於西郊演武場池人士多所拔識後移鎮維
揚殉乙酉之難

崇禎末有老僧居三台菴自稱四明人號青蓮能通慧一日
見小兒啼剃髮老僧曰數年後白頭翁皆如是也初不解

其故及鼎革信如其言其將圓寂也入城徧辭諸檀信而別後即塔之瓢菴廢址側

順治二年夏五月 本朝英王駕駐池州新製一坐椅及班師齋至西廟今存梁太子龕內

順治間杜鵑梅雨忽漲有蛟隨水去湖干居屋崩陷

順治間池太道吳公允謙奉命受浮梁陳九思降於池郭西

演武場開宴禮待吳問陳曰公十數年來常在何方陳答

曰天地之大無所不可

康熙間乾明寺延高僧數十眾長期三載頂禮千佛懺願稱

法會之盛

康熙十三年甲寅楚豫告警池州有滿洲蒙古防守營中有

拖沙喇哈番品級章京漢衛稱步西郊題詩縷畫於栖雲菴竹林中頗有騷人墨士之意

康熙十八年己未正月二十三日午時虎伏虎山三台菴數

七

人搏之先數日有虎至弔橋陳氏屋內

沈敦仲為施下之門人來自九華池人欲築室於杏花村講

學未果有題淨林聯云村酒指牛童壇花愛昔曾名杏天

經敲魚子厓竹瞻今卻是蓮所著有朝聞論行世

無錫華中湄師以名進士司教池郡嘗有名流過訪一日因

惠泉酒缺輒以村釀代之同人分韻賦詩鄧孝威有便是

杏花村酒足故鄉泉釀阻風波之句

周觀察體觀初以詞林轉諫垣由諫垣轉池太道赴任出京

時辭甯相國完我相國曰聞池州有元版昭明文選可訪

求一部見貽觀察以此詢之劉文學繡劉曰某友人吳彥

藏有元余璋序刻原本當以書易之上呈也觀察曰是可

以復相國矣事在順治丙申年

池陽李氏子前生河南人曾借同里某銀十兩未償而死今

生於李氏家年二十當康熙辛亥杏花村乾明寺修建中

元會普濟四大部洲幽魂李氏子債主亦至偶遇於途及

歸語父母曰今日遇前生債主責我夙逋未償因告於東

嶽殿陰法莫違父母驚異亟取冥資焚之又云足償子母

錢足矣不必多與債主既去李氏子父母塑觀音大士像

於淨林菴以申酬謝見墨巢偶錄

无思上人過杏花村詩有客途漫說留心淺乘興酣如解杖

頭之句或疑解杖頭非僧家語不知乘興之酣如解杖頭

此詩之有深味也

余族祖且園公應徵由遊戎解組耽吟樂志學士大夫咸敬

禮之李郡伯侯侯啟有杏花村花發依稀細柳之營杜鵑漁

歌彷彿凱旋之奏云云

杏花村志卷三

雜記

八

貴池先哲遺書第二十五

杏花村卷之十二終

杏花村志卷末

書後

池陽杏花村在郡治西久經兵燹多殘相傳唐刺史杜牧之詩所云牧童遙指者是也已未夏先大夫來佐斯郡自喜官閒署靜且山川秀美思得二三知己相與問酒尋魚訪梁唐之故蹟一詠一歌差可云快於分內職掌不相妨也乃竟以他事疲於奔走席常不暖雖池陽諸名勝苟非因公務不獲一至其處而坐嘯題詠於其閒惟杏花村去城里許道每經由想慕其風流遙憶其遺蹟行爲歌什若其他多無暇及矣辛酉春鄉先達郎君子四晤先大夫語及池陽古蹟近則西郊爲最幽曰余家世居杏花村歷有年所姪孫趙客氏讀書好古著有杏花村志敢求弁首以傳且爲遺蹟增重焉先大夫曰趙客之人品之文章余知之久但未見其所爲志也

杏花村志卷末 書後序跋 附石 稿本

九

其志若何先生曰志凡十有二卷於古來景物名賢藝文無不備載稽考頗詳密無遺先大夫聞之歎曰趙客年甚富而能閉戶著書如此使異日出而膺民社必能以其風流文采照耀江左也內而司史局必能以蘭臺之筆擅無雙者也其傳有自來學有所本洵不虛矣序何辭旋以 王事勤勞不果筆今壬戌秋趙客顧我於千柳隄畔問先大夫清風閣遺稿有西郊題詠否將采以入集也坐少閒徐言曰先師曾許爲序杏花村志至今思之言猶在耳不可得其筆矣則更請序之以繼先志余泣而對曰嗟乎余不幸於去夏遭先大夫之變今一年來又有先兄之慟驚魂未定形神俱憊生且不能有尚何言文願以余獲叨世好文字往來歷且有年或志登剗劇惠我全帙使余得上下古今留連往蹟博覽其文章遙接其人物如太史公之歷遊名山大川而文有奇氣者亦將

杏花村志末

於此志得之序志則願以異日乃趙客復寓書余曰文與可輯龍山志以不得孟嘉孫盛兩文而止今某必不使此志有遺憾也余不得已不敢以先大夫諾責而追書其語次以應之宛平汪敷敏捷宜氏拜撰于文貞祠

後序

歲戊寅余校士新安畢由宛陵歷磬城至池陽道上望九華諸峰秀插天空歎爲奇絕欲一登眺而未遑也抵池署之明日披閱池郡邑志別有所謂杏花村者爲唐刺史杜牧之行春地而志獨著夫牧之第進士復舉賢良方正累遷史館修撰其刺池郡也號紫薇太守吏治宜無不可法可傳於清明杏花村吟絕句文采風流不即此以見一斑乎然其吟及於池者不止此由歌詠以徵吏治正未始不昭昭於閒靜安恬也士君子服古入官苟於農桑禮樂諸大政不煩咄嗟而辨

杏花村志卷末 書後序跋 附石 稿本

一

可以上報天子固得從容於政餘以遊覽山川而寄情觴詠斯豈俗吏所能爲以是知杏花村因牧之以傳在牧之不必以杏花村傳也而村且以傳牧之世居此村者有郎氏族及趙客乃始著村志余既於志卒業以校武且目遊其勝益慨想牧之之遺風餘韻千載後猶宛然可接則固歌始者之偶有觸於此村而亦特志者之不令此村湮沒也九華可望云乎哉江南督學使者中州張榕端樸園題

跋

歲壬子

天子詔京省督撫大臣檄州郡編次志乘以備修昭代一統志甚盛典也時余池州郡牧朴公孟珍遵奉憲檄乃謀之邑宰張公紫巖公素聞吾師吳涇齋先生高隱著書留心掌故致聘牛岡凡數請而後赴郭吾師不肯獨任更舉二三子分

杏花村志末

理之時余方弱冠亦襄事筆墨後以姓名列之校讐請削除之為嫌也時羅齋先生賦長歌紀事有曰三十年來讀過書於池故實拾遺餘用備郡乘補缺略犯人之忌何如無如其無備徒仍襲胡容我輩事此乎讀此數語可以知當日情景矣全篇載余同聲集中越乙卯余攜兒輩讀書杏花村舍先人之室廬邱隴在焉前賢之遺蹤勝蹟存焉客有過余者問酒黃墟垂竿白浦致足樂也閒則稽往帙摩殘碑剪荆棘棘按泉石之趣爰擬初立村志凡名勝建置以及人物藝文一有所得即散錄注一篋越數載不下千百紙始貽書牛岡深處商確定例而後起稿稿凡數易而後成書以前人之曠舉至今日譚劣如余方補此缺未敢期速成也竊憶蛟門汪舍人嘗曰往古忠孝節烈名宦賢隱淪才藝之士閉世而出而今家龍比而戶曾閔老而寡者以節書貴而不必德者以

杏花村志卷末

書後後序跋

附錄

二

賢祀鄙詞惡札繁縟連篇文字至今何獨盛也當其執筆者不過取舊集而繕錄之妄有所增益數月而集成者其端曰某年某官鑒定要名焉已耳以是為志何以昭信而垂後耶凡此載筆之難以分理之較甚於獨任也余輯村志人不余爭去取惟嚴可以略抒己意至若名勝詩篇騷人韻士不過為山川點綴又不必別作者之有貞邪也論定人品自有國史在或曰子於杏花村志一編筆則筆削則削則吾豈敢西樵子即遂題於芝草堂之東軒

貴池先哲遺書第二十五

杏花村志卷之末終

杏花村志末

吾縣名勝之區曰齊山曰秀山曰杏花邨齊山以巖洞勝青陽陳蔚志之秀山以昭明遺跡在縣人陳斌志之余皆刻入貴池先哲遺書此杏花邨志即趙客先生所搜輯者為卷十二分邨中邨南邨北邨東邨西人物閨淑仙釋題詠詞賦宸翰文章戶牖族系傳奇雜記共為子目十有六可謂富矣提要謂為滯相亦一偏之見後載郎氏族系即古人敘錄之意不必譏其為龐雜也邨在城西郭去秀山門五里有杏花邨坊有杏花陽有黃公酒墟皆以古跡稱於鄉邨名之著始於杜牧之春日出遊一詩今邨又因趙客而成書亦因趙客而傳名郎氏子姓並聚族而居焉當牧之之守池也齊山九頂洞有詩即江涵秋影雁初飛是也於九峰樓有詩於弄水亭有詩於貴池亭有詩於金碧洞有詩於木瓜山有文告杜陽者則以刺史遊歷著或曰刺史遺體荀鶴別業所在其長

杏花村志跋

三

林之杏邨亦以荀鶴得名二公魂魄有知應長戀於此鄉矣他日謁昭明之廟登三台之閣重款杏陽並訪酒壚富池之魚聽風浦之雁趙客後人其有扶杖擁履相迓者乎然而故鄉風景自庚寅十月考入縣學回歸江甯以後從官京外已三十年未返里門詎意世變至此舉目山河撫今追昔讀斯志也有不令人黯然魂斷者哉宣統己未二月十有五日縣後生劉世珩謹跋

杏花村志末

山
陵
鼎
德
置
沿
革
委

光緒壬辰閏月江標署

積學齋集

地理一志始於班史厥後作此代有專家惟是由今溯古分合改變加以僑置南北易消此丹陽謂楚都昔賢已誤當塗謂姑孰通人每譌可知括地之學實匪易易近日吾友徐君積餘以鴻懿之胄值華綺之歲貴不夸世安雅以見情才不隄學研密以究理前贈積學齋叢書一帙觀其所刻率皆碩學安石碎金於茲悉聚荆山遺璞藉發幽光可謂寄襄皇古覃精竹素較之當世支公愛馬和嶠嗜錢一斗一石放浪比於臣髡爲雲爲雨幻想通於巫峽揆厥所向雅俗實異茲復出以大著南陵縣建置沿革表見示並索敘於不才南陵爲君生長地詩云桑梓不忘靡瞻靡依韓云釣游用記某邛某水

南陵縣建置沿革表序

一

其爲表者吾揚張君登封秉鐸天長會考及天長一縣沿革創立爲表又劉君楚楨寶應圖經亦立爲表此表可謂後先繼美同調不孤至於考核精確不同鑿空徵引富有並異孤證雖僅及鄉邑未罄厥學然韓陵片石已足見珍歸昌一毛略露神采此其嚆矢信具大概不才如僕以近年來匪云著書敢追方朔祇以窮困適類虞卿擬有邊置沿革總考上下二卷當其操簡從事繪圖誌向幾以榆關扼其東慈嶺極其西玉門一出憐無故人黃河九曲難濟舟楫不啻身赴沙漠渺然欲飛目極窮陰爛甚如燭及事畢思之果無差以毫釐失之千里哉况乎漢代綿邈烏孫卽明瓦刺唐時睽隔勃海乃

金上京語雖有稽跡非親履敢云縱譚竟日如十指螺紋繙閱有年遍千秋鴻寶今君志在方輿識超元妙其輔之翼之尙望作周行之示可也

光緒十八年壬辰六月甘泉陳大鏞叙於小十間樓

南陵縣建置沿革表序

二

南陵縣建置沿革表

縣人徐乃昌撰

南陵漢春穀地也東晉曰陽穀後并入于湖又屬繁昌
宋齊未立縣梁立郡曰南陵遂以南陵名其縣其沿革
具詳表中縣志修於嘉慶間其於歷代沿革頗有乖悞
之處如謂秦時南陵地屬鄣郡時秦分天下為三十六
郡文獻通考稱四十郡與史記異按方輿紀要秦罷侯
置守分天下為三十六郡又平百越置四郡凡四十郡
輿地廣記引同則四十郡不為無據又考宋書符瑞志
晉成帝咸康八年廬江春穀縣得玉鼎又永和元年廬
江太守路永上言于春穀城北得金狀如印則晉時春

南陵縣建置沿革表

穀會屬廬江洪氏東晉置城志據符瑞志咸和元年春
穀尚屬宣城其屬廬江者蓋因蘇峻之亂淮南民流入
江左或于春穀縣僑立廬江郡也據此則舊志不言南
陵僑立廬江郡蓋失考矣又考隋書地理志云南陵縣
梁置並置南陵郡陳置北江州按此北江州係陳析南
陵縣地所置與南陵縣並屬南豫州南陵郡不得屬北
江州也舊志則云陳屬北江州南陵郡舛誤已甚省志
以北江州係甯國府南陵縣當矣凡此謬誤皆應釐正
舊志歷八十餘年未經續纂兵燹後舊志印本流傳亦
少前張汝南大令源溱來宰吾邑相約重修邑志並屬
乃昌別輯圖經一書相輔而行嗣大令調補渦陽未及

任遠歸道山莫有繼其志者乃昌亦以奔走頻年未遑
卒業因先通考歷代建置沿革為表一卷以成大令之
志並以俟續纂志乘者有所採擇焉

秦	戰國	春秋	周	商	唐虞夏	表
	楚 周顯王三十五年 楚滅越地屬	諸侯 昭五年楚以諸 侯伐吳吳人敗 諸鵠岸按通典				縣
	魯哀公二十二年 越國 魯哀公二十二年 越國	吳國				郡國州府軍
	鄣郡 舊志云秦 三十六郡文獻 通考稱四十郡 與史記異按與 地廣記秦始皇 十七年滅趙二十 九年滅魏二十 四年滅楚二十		揚州 揚州周禮職方 揚州氏東南日 揚州	揚州 揚州爾雅揚州 揚州海惟揚州		州省

明	元	宋
南陵縣	南陵縣	南陵縣
<p>甯國府 明史志 甯國府 直隸南京省</p>	<p>甯國路總管府 江浙行中書省</p> <p>舊志云萬曆府 江東建康道肅 志世祖至元十 政廉訪司 方與 二年即宋德祐 紀要 元年改甯國府 紀要 為甯國路置總 至大二年行中 管隸江東建康 書省俱改日行 道肅政廉訪司 尚書省四 按元史地理志 年復故</p> <p>至元十四年南 陵縣升甯國路 總管府舊志云 至元十二年誤</p>	<p>廣記吳升為甯 國軍節度五代 會要唐景福元 年升為宣城郡 為甯國軍節度 天復三年罷楊 吳復為甯國軍 甯國軍</p> <p>宣州宣城郡甯 初為江南路天 國軍乾道二年 聖八年分東西 升為甯國府 宋 兩路改屬江南 初日宣州宣城 東路 郡甯國軍節度 乾道初升府與 地紀勝開寶八 年平江南地仍 為甯國軍節度 隸江南東路乾 道二年以孝宗</p>

南陵縣建置沿革表

七

	國朝
	南陵縣
<p>改左右布政使 司為江蘇江甯 布政使司不相 統屬江甯布政 使司統安慶等 府州乾隆二十 六年割江蘇之 江甯淮安等六 府州隸江甯布 政使司以安慶 等十三府州置</p>	<p>甯國府</p> <p>路太祖丁酉年 日甯國府辛丑 年日宣城府丙 午年日宣州府 吳元年仍 日甯國府</p> <p>順治二年改隸 江南省置江南 承宣布政使司 順治十八年並 置江南左右布 政使安慶等府 州縣屬左布政 使司康熙六年</p>

南陵縣建置沿革表

八

南陵縣建置沿革表終

南陵縣建置沿革表

九

安徽布政使司
江甯布政使仍
駐江甯省安徽
布政使駐安慶
府

揚州穆玉泉寫
趙連山刊

酒陽州志



沔陽盧氏慎始基齋
據舊鈔本校于都門

志目

沔陽童承敘

紀

郡紀第一

表

郡縣表第一

封爵表第二

秩官表第三

人物表第四

志

提封上第一

沔陽州志目

提封下第二

創設第三

河防第四

食貨第五

秩祀第六

儒學第七

兵戎第八

傳

秩官列傳第一

人物列傳上第二

人物列傳下第三

良牧傳第四

名將傳第五

死事傳第六

名賢傳第七

逸士傳第八

僑寓傳第九

孝義傳第十

外傳第十一


序志

余為志據諸史傳及故志所載冗者裁焉鄙者黜焉略者覈焉訛者正焉疑者傳焉其功賴諸子搜校為多

沔陽州志目

二

特類萃耳紀一表四志八傳十有一統十有八卷郡之大事鑿戒存焉作郡紀封爵秩官人物皆為郡邑重作四表凡志郡邑者民所止也故首提封位署建而制度彰矣故次創設役莫大於隄障民食仰焉故次河防河防固而財用阜矣故次食貨富必有教故次秩祀學校者禮所從出故次儒學有文必有武故次兵戎凡傳秩官人物敘事也良牧惠也名將錄功也死事忠也名賢尊德也逸士尚志也僑寓思也孝義崇節也外傳備遺也童承敘識



郡紀

唐堯之與因額帝所建為九州其南為荆爾雅注漢南曰荆河荆州

也城

虞舜肇十有二州其一荆州

夏禹平水土還為九州荆及衡陽惟荆州嶓冢導漢過

三澗至于大別岷山導江過九江庭至于東陵巴江漢

朝宗于海沱潛既道雲土夢作父

商場奄有九有制如夏

周文王之化自北而南江漢之域先被其澤謂之周南

沔陽州志卷一

於是作漢廣之詩

武王受命亦為九州正南曰荆州川曰江漢藪曰雲夢

成王封鬻熊曾孫熊繹於楚居丹陽州沔為楚地景陵

為郎地漢志景陵有郎鄉水經注中

昭王五十一年王巡狩返濟漢舟解王與祭公俱溺焉

胡三省注左桑引水經注左桑在雲杜昭王溺處言百姓佐王喪也雲杜又有橫桑言得昭王喪處晉於竟陵

置橫

夷王時楚子熊渠甚得江漢民和至文王熊賁益疆陵

江漢間小國

定王三年楚莊王侶總帥諸侯觀兵周郊并吞江漢之

間

景王十六年魯昭公楚公子比為王公子黑肱為令尹

次于魚陵杜預注竟陵縣北有甘魚陵楚守甘魚之口亦此地

敬王十四年定公楚滅鄢封鬬辛為鄢公是歲吳入郢

昭王出奔入雲中盜攻之王走鄢鄢公辛與王出奔隨

涉於成日杜預注竟陵縣西有白水

赧王三十七年秦白起攻楚拔郢遂東至竟陵

秦始皇郡縣天下置南郡沔為南郡地

漢興高祖更置江夏郡竟陵為縣西北為雲杜縣故志

城在景陵西北梁於此置沔陽郡胡三省通鑑辨誤梁置沔陽郡於景陵縣地李賢漢書注雲杜在沔陽縣西

沔為雲杜地故王莽改竟陵曰守平

沔陽州志卷一

莽地皇元年竟陵三老漢鄉官名起兵於郡界新市

人王匡王鳳與馬武王常共起雲杜綠林中二年荆

州牧發兵攻之匡等迎擊於雲杜大破牧軍遂攻拔

竟陵

東漢竟陵雲杜制如漢

桓帝延熹七年正月戊辰桓帝幸竟陵過雲夢臨沔水

獻帝建安三年九月蜀先主敗於長坂斜趨漢津與關

羽船會得濟沔景陵今有留駕河先主廟

十月吳周瑜破曹操於烏林按史操引次江北被燒走

赤壁對故關羽亦日烏林之役

三國竟陵雲杜吳地

晉初竟陵雲杜制如漢

武帝太康元年杜預鎮襄陽開揚口通零桂之漕預傳

起夏水達巴陵水經注揚水北逕竟陵縣北注于河謂之揚口通典復州河陽有夏水

惠帝元康九年分江夏西部都尉置竟陵郡治石城領

縣六長壽竟陵新市香城新陽雲杜

太安二年正月義陽蠻張昌聚黨為亂江河間起兵應之

七月荊州刺史劉弘以南蠻長史陶侃為大都護遣攻

昌於竟陵大破之

懷帝永嘉六年正月胡亢聚眾於竟陵自號楚公以杜曾為竟陵太守

沔陽州志卷一

三

十二月杜弼別將王真襲沔陽按晉志南郡江夏郡並無沔陽胡三省注當屬

竟陵郡界宋白日復州沔陽縣漢縣也郡國志沔陽縣即楚王城

成帝咸康五年九月石虎將夔安李農陷沔南進圍石

城竟陵太守李陽拒戰破之

穆帝永和四年十月石虎使其將苻健寇竟陵

帝奕太和三年四月慕容暉將慕容塵寇竟陵太守羅

崇擊破之

孝武帝太元六年十二月苻堅荊州刺史都貴遣其司

馬閭振寇竟陵桓冲遣冠軍將軍桓石虔與其弟石民

破之擒振按晉志都貴作梁成

南宋初竟陵郡屬荊州孝建元年屬郢州領縣竟陵木

產連理其上有光

齊和帝中興元年蕭衍至竟陵命王茂曹景宗為前軍

進逼郢以中兵參軍張法安守竟陵城

梁武帝分竟陵郡置沔陽郡隋志梁置沔陽郡胡三省釋文辨誤梁置沔陽郡於

漢竟陵縣地故志雲杜城注梁於此置沔陽郡

大通五年十二月魏荊州刺史賀拔勝遣軍攻沔陽拔

之史昭通鑑釋文沔陽漢中邑胡三省釋文辨誤漢中沔陽屬梁州時梁州已為魏有史昭釋非

大清三年司州刺史柳仲禮赴臺城竟陵郡守孫暲以

郡叛入于魏宇文泰使大都督符貴鎮之

簡文帝大寶元年正月仲禮還暲仍以郡歸泰將開府

楊忠擒仲禮于滌頭別將王叔孫以竟陵降于忠

沔陽州志卷一

四

史敘曰晉置竟陵郡治石城今安陸州書其事何竟陵我郡

也其治石城何石城竟陵地也竟陵既自為郡凡大事

必書書必繫於竟陵明我郡事也書我郡事故不嫌於

石城也梁置沔陽郡竟陵為異郡矣復書其事何存故

也春秋書陳災詩列邶鄘之風陳楚并之也邶鄘衛并

之也何為復繫之存之也

西魏省州陵惠懷二縣置縣曰建興見隋志即今治所

郡惠懷屬江夏政竟陵曰霄城晉有霄城魏或後周置復州取

池湖為名治建興又省營陽州城二郡入建興見隋志營陽州城志闕

復以霄城為竟陵

隋文帝開皇間徙復州治竟陵

仁壽三年州治復徙建興

煬帝大業初改沔州又改建興日沔陽尋復沔陽郡統

縣五沔陽監利竟陵漢陽

大業十一年十一月城父朱粲聚眾轉掠荆沔所過無

唯類

恭帝義寧元年十月沔陽人張繡謀據郡叛隋推蕭詵

為主

唐高祖武德四年五月隋真定令周法明遣于紹德攻

沔陽拔之因以城降于唐

武德五年改復州屬山南道領縣三沔陽竟陵監利是年徙復

州治竟陵

沔陽州志卷一

五

太宗貞觀七年仍徙治沔陽

玄宗天寶元年改竟陵郡

肅宗乾元元年改復州

寶應二年徙治竟陵

穆宗長慶四年夏復州漢水溢決

僖宗乾符三年十一月濮州賊王仙芝黃巢攻陷復州

光啟元年春正月淮南叛將張瓌韓師德陷復州據之

昭宗天祐二年八月朱全忠遣楊師厚陷復州

五代梁復州日武威歐陽修五代史職方考以監利入江陵府

太祖開平四年分漢江南為白沙徵科院屬江陵玉沙

均王貞明五年五月吳武昌節度使季簡帥水軍攻復

州執知州鮑唐

晉高祖天福元年改復州日景陵郡竟陵日景陵縣

周改沔州

宋太祖建隆三年改復州景陵郡領縣二景陵沔陽

乾德三年以白沙院為玉沙縣屬江陵

太宗太平興國五年七月復州江漲民舍堤塘皆壞

淳化二年七月復州蜀漢二江水漲壞民田廬

至道三年以江陵府玉沙縣來屬至是領縣三

仁宗寶元二年廢沔陽為鎮併其地入玉沙

神宗熙寧六年州廢以景陵隸安州玉沙亦廢為鎮屬監利

沔陽州志卷一

六

哲宗元祐元年復置復州及玉沙縣仍屬復州

欽宗靖康二年金人入寇殺鎮海軍節度使劉延慶其

徒祝進王在去為盜犯復州攝德安守劉規連戰破之

高宗建炎元年九月都統制范瑗捕斬李孝忠於復州

紹興三年五月復州水

孝宗淳熙三年夏復州旱冬大饑

八年七月復州不雨至於十一月明年五月不雨至於

七月十五年五月荆江溢復州水

寧宗開禧二年金人圍襄陽德安游騎迫景陵京湖宣

撫使吳玠遣張榮將兵援之金人再犯景陵張榮死之

玠募死士入景陵命其將王宗廉死守調大軍分道夾

擊金人遂去時郡學諭陳嘉言亦死之嘉言之死故志云開禧間據史當在是年也

理宗端平三年蒙古忒木解攻襄陽江陵知復州施于

仁死之是年復州景陵併徙治沔陽鎮以玉沙為附郭

淳祐十二年二月蒙古寇復州

度宗咸淳八年九月復州副將程國榮遇元兵戰爛泥湖死之

十年元將伯顏及宋兵戰於風波湖

十一年伯顏兵次復州安撫使程貴迎降伯顏諭諸將不得入城

恭帝德祐元年四月元將阿里海牙寇江陵宣撫朱禕

沔陽州志卷一

七

孫制置高達降禕孫移檄所部歸附程貴以城降

元初還縣治于景陵

世祖至元十二年改復州路

十六年陞沔陽府隸河南省領縣二玉沙景陵

成宗元貞二年十二月玉沙水

大德九年五月至七月玉沙江溢

仁宗延祐元年六月沔陽饑

順帝至正九年四月沔陽大水

十二年春正月辛未徐壽輝陷沔陽推官余述祖達魯

花赤咬住死之元史是年荅失入都魯引兵敗賊

十五年春正月丁丑徐壽輝遣其將倪文俊復陷沔陽

陳友諒亦起於黃蓬

六月命章佩監丞普顏帖木兒翰林修撰烈瞻招諭沔陽

七月命參知政事哈林禿及王塔失帖木爾守禦沔陽如賊不降即進兵討之

十一月以太不花為湖廣行省左丞相總兵招撫沔陽吳元年沔陽學產瑞蓮

明興初為沔陽府隸湖廣行省

高皇帝洪武九年改沔陽州省玉沙入焉直隸湖廣布政司編戶四十里領縣一景陵

景陵編戶二十六里

沔陽州志卷一

八

純皇帝成化十年夏大水城內乘舟

敬皇帝弘治六年冬大雪恆寒

十三年大水

毅皇帝正德四年賊丘仁楊清聚眾於麻洋布政使陳鏞副使蔣昇率兵擒之

八年夏六月沔陽學復產瑞蓮

十一年大水明年水大饑民物多耗

十三年都御史陳金奏改沔陽隸漢陽府民言不便者以千數知州李濂奏罷之

肅皇帝嘉靖三年十二月晦地震

六年六月大水民田廬皆壞戊辰迅風大雨雹是夜人畜多溺

死

七年夏旱河竭

八年沔陽疫秋七月漢溢

九年秋大水八月丁丑有星如月自東南流於西北俄有聲如雷

史敘曰夫祥異者天乎順逆者人乎隆污者時乎天兆於上人變於下而時運乎其中矣相與之際何較然弗爽也是故郡之事孰大焉余因稍論次紀之夫沔之事載諸前聞大者如是而已休也咎也臧也否也興也廢也豈非後世之恆鑒哉

贊曰南紀建邦實維雄鎮兆分祥沔蹟殊休吝建革隨

沔陽州志卷一

九

遷興替迭運時易事更交徵互應粵稽往牒式昭恆鏡

沔陽州志卷一

盧靖
弼校刊

	沔陽鎮 玉沙縣 玉沙鎮	復州 復州廢 景陵 <small>隸安州</small>
元 復州 景陵縣徙	玉沙縣 復州 復州 景陵	復州 復州 復州 景陵
皇明 沔陽府 玉沙縣 沔陽州	沔陽州志卷二 玉沙縣 沔陽府 玉沙縣	景陵 景陵

史敘曰夫州堃之畫存乎制沿革之變因乎時竟陵沔陽漢晉而下並為名都重鎮雲杜霄城建興又為公侯爵邑其所由來遠矣至其封郭徙置不能不隨代而殊余故列之於篇備觀省焉

贊曰雲夢蓋楚江漢導流剖郡置守開國建侯晉隋重鎮漢唐名陬遷徙殊代封割異謀

沔陽州志卷二
 盧靖校刊

沔陽童承敘

封爵表

王

公

侯

男

東漢

晉

竟陵王楨

義陽王子懷帝封

竟陵縣男桓

宣銓人孝武封

沔陽州志卷三

一

南宋

竟陵王劉竟陵縣公霄城侯趙

義宣武帝劉道麟高祖倫之下人武

邑五子食中弟食帝封

千戶竟陵王劉竟陵郡公霄城侯蕭

誕文帝第蕭道成順帝斌竟陵縣

封後為齊高帝侯吳喜安臨

人明帝封

食邑千戶

竟陵侯薛

深汾陰人

封元徽末

雲杜侯段

南齊

竟陵王蕭

子良武帝

子昭

竟陵公國

太夫人陳

氏東陽人

昇明三年

追贈

封佛榮京兆人追

霄城侯蕭

寶宏安陸

子昭王

梁

竟陵王蕭

竟陵縣侯

沔陽州志卷三

二

圓滿王紀

第三子太

清中僭封

竟陵王蕭

賁侯景矯

封

雲杜縣開

國侯柳慶

遠解人天

封子

津嗣

霄城縣侯

范雲無陰

封

周

隋國公楊

忠弘農人

一食竟陵

其千戶收

堅賦子

南朝宋		太守	內史	郡丞	郡相
武帝	劉粹	檀祗 <small>金鄉人</small>			
	帝除不拜	趙伯符			
文帝	申謨	殷道鸞			
	孟宗嗣	劉道濟			
	宗珍之				
	劉德願	臧質			
孝武		薛安都			
明帝				陳懷真	
齊		太守			
東昏侯 <small>元永</small>	劉懷珍				
	曹景宗				
	房僧寄				
	縣令				
	夏侯恭叔				
梁	太守				
	張惠紹				
	康綸				
武帝 <small>天監</small>	韋放				

西陽州志卷三

五

黃僧念

隋		刺史	裴果	裴寬	裴邃	王僧辨	孫高 <small>二年</small>
文帝 <small>開皇</small>	李信則						郡叛入於魏尋又以歸郡
周	太守						
唐	縣令	王懷珍 <small>琅琊人</small>					
	刺史	臨沂人					
	刺史	泗陽令					
中宗	狄仁傑						
玄宗	李齊物						
	李復						
憲宗	盧虔						
宣宗 <small>大中</small>	崔訐						
	于延陵						
	司馬						
	長史						
	軍司戶參						

西陽州志卷三

六

孝宗 道乾	寧宗 元慶	理宗 平端	度宗 淳成	恭帝 祐德	景陵
高文虎 州貴	施子仁	王知新	呂文福 年五	雷州安 置使	團練副使
陳自強 州貴	濠州知 州	六月以 文	至貴元 兵	翟貴元 兵	翟黃
楊文仲	聖與上 調	施師懸	楊文仲	田謹賢	楊邦憲 年元
任饒人 調	聖與上 調	施師懸	楊文仲	加知思 州	加知思 州
任饒人 調	聖與上 調	施師懸	楊文仲	謹賢知 播州	謹賢知 播州
任饒人 調	聖與上 調	施師懸	楊文仲	復州憲 並	復州憲 並
任饒人 調	聖與上 調	施師懸	楊文仲	使趣兵 練	使趣兵 練
任饒人 調	聖與上 調	施師懸	楊文仲	入衛	入衛
任饒人 調	聖與上 調	施師懸	楊文仲	主簿	主簿
任饒人 調	聖與上 調	施師懸	楊文仲	學諭	學諭

河陽州志卷三十一

哲宗 元祐	寧宗 開禧	元世祖 元至	順帝 正至	世祖 元至	英宗 治至	順帝 元至	皇明 洪武	高皇帝 武馬魯
謝琮	推官	同知	張寬	白景亮	安伯寧	張寬	張寬	張寬
陳嘉言	謝琮	推官	張寬	白景亮	安伯寧	張寬	張寬	張寬
陳嘉言	謝琮	推官	張寬	白景亮	安伯寧	張寬	張寬	張寬
陳嘉言	謝琮	推官	張寬	白景亮	安伯寧	張寬	張寬	張寬
陳嘉言	謝琮	推官	張寬	白景亮	安伯寧	張寬	張寬	張寬
陳嘉言	謝琮	推官	張寬	白景亮	安伯寧	張寬	張寬	張寬
陳嘉言	謝琮	推官	張寬	白景亮	安伯寧	張寬	張寬	張寬
陳嘉言	謝琮	推官	張寬	白景亮	安伯寧	張寬	張寬	張寬
陳嘉言	謝琮	推官	張寬	白景亮	安伯寧	張寬	張寬	張寬

河陽州志卷三十一

沔陽州志卷三

二十七

嚴貞 宋廷鳳	朱席州通	任英翔鳳	方景州和	德官 楊季安	正統 顧行	吳傑符祥	梅魁應	臨清人	於生	張敬恭
安福人	經明人	修遷監	利知縣	姚壽遠	人監	宋文盛	孔章文	人	人	唐魁元士
張善	盧鑑	朱本立	上官尹黃希度	閻潔	人	顧定舉	陳顯山	人	人	
泰和人	貢士	熊子維	南城人	張鑑	人	陶濱	時中	人	人	
		鞠恭敬	湖廣副使	翁善	人	余季樞	蕭洪	人	人	
			御史轉	邱希正	人		蕭洪	人	人	

沔陽州志卷三

六

景泰 魏庸	鳳陽人	陳預之	吳縣人	順天 嚴奎	天 嚴奎	張繼宗	永承人	化生	田俊	吳縣人
監生	監生	黃陳文	人	魏欽	人	楊芳	人	生	人	監生
成都人	吳橋	張欽	張欽	郭忠	人	萬濟	人	生	人	監生
	朱瓚	曹珍	曹珍	胡厚	人	靳富	人	生	人	監生
	當塗人	馬達	馬達	姚綿	人	劉濬	人	生	人	監生
	貢士	山陰人	山陰人	侯宥	人	譚旻	人	生	人	監生

李東	來亨	陳良玉	三年任	徐環	江望	德正	左輔	周端	監生	經邦	生人	湯貴	弘治
曹澤	艾琳	曹瓚	員吏	嚴輔	生人	杜倫	伏	曹恕	野	謝玠	生人	耿資	豐
周茂	生人	生人	生人	胡洪	員吏	李實	安	李暎	融	黃璇	生人	何爽	廣安
水吉	生人	生人	生人	孫傑	壽仁	孫炫	餘	張昱	時	陳華甫	吏員	孫昌	慶
在六年	清江	曾學	師	李朝	二年任	周講	常	閻縣	人	涂坦	眉	彭桓	信
在二年	監生	常吉	惠	梁倫	浦	劉翹		高震	穎	胡誠	中	彭桓	豐

河陽州志卷三

十九

江宇	南	周中	嘉	朱相	汝	周中	嘉	張珩	珩	周詒	天	羅藍	茂	張儒	大	楊從政	羅時裕	劉鵬	
十年任	監生	任年	貢士	任年	貢士	任年	貢士	任年	貢士	任年	貢士	任年	貢士	任年	貢士	任年	貢士	任年	貢士
林茂春																			

河陽州志卷三

二十

史敘曰敘聞之守令者非以役民也將以為民役也是故不惟其官惟其賢不惟其事惟其能而已夫人之官於河多矣其可考見者於是表著之或賢焉或能焉或否焉民指而議之雖千載之下卒莫能爽其口也是又豈特為民役而已耶詩曰下民有嚴言可畏也故畏民者昌使民畏者亡

贊曰桓桓郡邑惟民攸止煌煌珪組惟民攸視役之則亂畏之則治崇卑殊秩牧愛同理

盧蔚校刊

人物表

泗陽童承敘

周春秋	定王魯宣	東漢	靈帝	南朝	宋明帝
鬪穀於菟	劉焉子璋	張興世子	張欣業欣	張欣泰弟	張欣泰弟

泗陽州志卷四

梁	宋	英宗	神宗	寧宗	理宗	元	仁宗
張齊	張齊	科第	黃回	張徹見傳	辟舉	陳嘉言	辟舉

泰定 丙寅

張淵道

陳伯淵

致和 己巳 陶鑄字希

皇明

甲科

鄉貢

歲薦

辟舉 年應 例年

洪武 子甲

萬質 監察御史

朱源 江浙

李義 刑部

胡汝楫

泗陽州志卷四

乙丑	寅丙						

知府有 學行

丑丁 子丙 戊甲 酉癸申壬

午庚 巳己 辰戊

河陽州志卷四

虞信 蕭韶 同聲 彭準 器刑 主事 戶部 中終 康知 府知 殷莊 敬刑 主事 胡志 充字 州府

事主 薛志道 漳浦 縣丞 王文 網錦 衛知 孫解 平誠 杭州 同知 知事 錢塘 神童 明經 終給 事申 任本 訓導 程鄉 諭教

三

酉乙 申甲

永樂 未癸 午壬 己辛 辰庚 寅戊

河陽州志卷四

李瑄 縣部知 夫字 中圭

天中 序班 浙察 使副 邵暹 黃金 州判 李敏 泗州 縣判 王恕 仁刑 員外 楊恪 府知 事

李瑄 劉琢 周敏 學字 應好

宋耿 嚴貢 李衡 胡諤 知同

張薦 傅灝 遠南 司馬 中城 兵

四

未乙	午甲	巳癸	辰壬卯辛	寅庚	丑巳	子戊	戌丙
王倬 字武伯 大	邵暹 見傳						
王倬 訓導 子	章賓 字廷 固	余中 字正 工					教諭
王倬 大字	楊豫 字	郭玟 字	楊秉 彝	蒲常 遠	陳讓 南	郭玟 子	楊秉 彝
王倬 大字	楊豫 字	郭玟 子	楊秉 彝	蒲常 遠	陳讓 南	郭玟 子	楊秉 彝

河陽州志卷四

五

洪熙 巳乙	辰甲	卯癸	寅壬	子庚	戌戊	酉丁	申丙
袁德 東	白仁 傑	張忠	袁本 初	李琮 字圭 瑞	徐璘 字大 玉	李琮 字圭 瑞	李禎 字仰
袁德 東	白仁 傑	張忠	袁本 初	李琮 字圭 瑞	徐璘 字大 玉	李琮 字圭 瑞	李禎 字仰

河陽州志卷四

六

宣德
午丙

子壬 戌庚 酉巳 申戊

正統
辰丙

午戊 巳丁 卯乙 寅甲 丑癸

河陽州志卷四

七

劉深
中順
式天

蕭禧
字弘
訓導
真定
教諭

何叔
字伯
賢無
訓導
張瑄
字潤
之弋
知縣
曾璉
字汝
器清
知縣
張適
字之
道康
訓導
王清
字本

知縣 方謨 湖馬
知府 同
管琮 州玉
知成 州
魯忠 岳安
知縣 張敏 好字
學難 州
判官 陳榮 子字
華富 民

景泰

申壬 未辛 午庚 巳己 辰戊 寅丙

丑乙 子甲 戌壬 酉辛 申庚 未巳

河陽州志卷四

八

劉深
傳見

平沂
字思
之子
津訓
導

薛潼川
判官 劉寬 文字
饒同 安
知縣 許英 世字
傑伊 府
典寶 朱臨 孟
馬縉 世字
顯寧 縣
知縣 楊達 善字
之程 善
府經 歷
胡清 源

澄荷 城 知縣
殷貢 時字
舉溫 縣
訓導 彭程 萬字
知里 桐鄉
李富 文字
善萬 載
知縣 王盛 世字
昌安 世字
知縣 張貴 崇字

丑乙	子甲	戌壬酉辛	申庚	未巳	午戊	巳丁	辰丙	寅甲																													
童旭 見傳					沔陽州志卷四																																
周貴	所害	叛賊	照磨	器思	胡璉	訓導	獻彭	李珊	王文昌	王青	仁州	鄒榮	仁希	湯成全	羅濟	魁秋	羅濟	羅字	羅汝	羅春	李銓	縣將	李樂	縣承	黃恕	州揚	訓導	緒宿	童錦	童文	童字	徐詔	章廷	堯宗	蔡允恭	縣丞	英賴
元字			為	恩	宗	字	縣	時	昌	州	州	希	字	全	字							樂	樂	承	州	揚	導	遷	文	字	廷	字					
三																																					

子丙	戌甲	酉癸	申壬	午庚	巳己	辰戊	正德	寅丙																											
沔陽州志卷四					正德																														
張瓚	訓導	湖州	鍾之	字時	劉景	奉祀	秀吉	李華	年華	萬	論	和	訓導	明靈	姚昱	訓導	譽整	子弼	王相	訓導	佩吳	蔡綬	訓導	徐英	袁英	袁世	磨	照	按察	輝廣	馬昂	州	任官	判官	爵崇
仲	府	府	府	晉	賜	府	府	字	字				縣	壁	克	江	江	文	長	字	橋	公	州	州	世	字		司	西	德	字		寧	補	慶
十四																																			
楊琇					蕭鸞				王銳				黃貞																						

巳辛	庚辰	卯己	寅戊	丑丁
童承敘 字士坊 兼左庶子 禮部侍郎				
劉海 字仲	王閻 字時	劉元慶 字善慶	張潤 字德	童承敘 魁詩
劉遷 字楚汝	王閻 字時	劉元慶 字善慶	張潤 字德	左賓 字汝
劉遷 字楚汝	王閻 字時	劉元慶 字善慶	張潤 字德	左賓 字汝

沔陽州志卷四

五

卯辛	寅庚	丑己	子戊	戌丙	嘉靖 壬午	酉乙	申甲
傅頤 字程師	陳柏	胡彥 字美樨	王會 字榮經	梅山 字少岳	歐陽倬	張鉞 字廷	陳紳 字廷
傅頤 字程師	陳柏	胡彥 字美樨	王會 字榮經	梅山 字少岳	歐陽倬	張鉞 字廷	陳紳 字廷
傅頤 字程師	陳柏	胡彥 字美樨	王會 字榮經	梅山 字少岳	歐陽倬	張鉞 字廷	陳紳 字廷
傅頤 字程師	陳柏	胡彥 字美樨	王會 字榮經	梅山 字少岳	歐陽倬	張鉞 字廷	陳紳 字廷

沔陽州志卷四

六

宣德					正統				
戊庚	酉己	甲戌	午丙	辰甲	寅壬	子庚	戌戊	酉丁	申丙
<p>李瑞正之 衛經歷遷 蒲州同知</p>					<p>何禮主 鄧以恭 徐顯明 道明敬</p>				
<p>王以義用 長樂教諭 遷南京國 教子助</p>					<p>危誠純子 井縣 邵善履 溫州 知事仲</p>				
<p>李慶見 縣丞 東安 焦裕厚子</p>					<p>向儒子 同知府</p>				
<p>李伯英 李允中 雙雷 主簿</p>					<p>李愷知 知仲</p>				
<p>王常倫正</p>					<p>徐州 訓導</p>				

河陽州志卷四
十九

景泰					正統							
酉癸	申壬	午庚	辰戌	寅丙	子甲	戌壬	申庚	午戊	辰丙	卯乙	寅甲	子壬
<p>廖訓見</p>					<p>江訓導遷合州 蔣珪延用</p>							
<p>蕭佐 鄧淵 使大場 龍江批 楊春茂 知縣 北流 張佐 陳哲 李巖 知縣 太和 雷震遠</p>					<p>程泰亨 志通長 安縣丞 魯俊一 雙流 知縣 李實美</p>							
<p>蕭佐 鄧淵 使大場 龍江批 楊春茂 知縣 北流 張佐 陳哲 李巖 知縣 太和 雷震遠</p>					<p>魏敦 和州衛 教授 胡本清 景廉西 充訓導</p>							

河陽州志卷四
二十

成化 辰壬寅庚 子戊 戌丙 申甲 午壬				天順 辰庚 寅戊 子丙 戌甲																											
鄧誠 實季	李或 盛又	教授 德又	彰德 本	羅恂 本	嘉興 忠懷	郭義 忠懷	訓導 江廣	臨濟 仁	汪事 廣	知事 仁	保寧 廣	向聰 廣	主簿 廣	南溪 通	楚遷 蘇	荆襄 蘇	同知 蘇	知縣 蘇	張鼎 蘇	黃恕 蘇	營州 蘇	市衛 蘇	歷涪 蘇	州判 蘇	何璨 蘇	恭寧 蘇	訓導 蘇	李斐 蘇	南康 蘇	照磨 蘇	蔣瑛 蘇

沔陽州志卷四

三

午丙				巳乙辰甲				寅壬				子庚戌戊 酉丁 申丙午甲														
曾賢 哲希	楊清 傳見	教授 府	王授 才	江俊 才	蕭璉 江合	丞縣 梁	延贊 銅	朱華 輝生	訓導 張	陶敬 德	萬縣 光	李瑛 王	邵遠 達九	歷經 昇	程倫 昇	譚澄 潔源	知縣 源	大足 源	王瑜 貴廷	慶元 貴廷	何圮 傳見	郭軒 傳見				

沔陽州志卷四

三

百癸 申壬 午庚辰戌 寅丙 子甲

戌壬申庚 未己

魯鐸
傳見

沔陽州志卷四

程官推徐
鴻鵬
漸子馬巨
湖卿

縣宜徐主富朱程劉訓彰蕭
承興爵簿順臣翔中導德璠
之時重文

張謝磨照聶李危涂魏照思向蔡河
琇禮磨照誠實啟平達庶明文照南
玉文和用州彭卿五坦用善兼奎應磨按

殷譚楊譚王歷陳
文大梅大容經詔
璧綬紳紳容遠慶

嘉靖

寅庚 子戊戌丙 申甲未癸午壬巳辛 辰庚

卯己 寅戌 子丙 戌甲

沔陽州志卷四

魯嘉亨
鐸子鄉

魯彭壽
鐸子鄉

張本潔
州知州

汪儼
子莊
但玉純
主簿始德
鄧弼佐良

孫子堯蕭蕭儀來汪延江黃訓榮何
儀之福瑜來廷欽山澄導陽錡
之象謙希用君鳳之寅高伯源德周宗

歷經尋瑜王
詢之化宣

熊惠 熊恩 郭時望 熊倫 殷文翼 張寶

卯辛

魯思睿惠

陶應奎

譚述汝賢

文

史敘曰余觀岷之江嶠之漢皆逶迤行數千里而會于
恹其休風顯氣之所翕必發之人也而鍾和儲秀自子
文而下代不乏賢然鴻名峻烈垂光發粹者武亦不多
接也抑尚有應是而生者乎夫靈稟存乎氣清修存乎
人故才以地產地以才勝君子之為鄉邑重固不係乎
其感也爾已

贊曰澤鍾陵竟風氣逶迤我我雋賢發粹舒奇清勛鴻
業鄉國流輝昭往啟來人文用熙

沂陽州志卷四

三

沂陽州志卷四

盧靖校刊

岡阜聯絡或多起伏沔惟瀕江數邱而已謂之亡山可也

沔南二百里曰黃蓬山其山墳起江湖開延綿環結而

秀其支曰香山形似香爐故名曰石靈曰松林磯曰烏林

林俗作陵與江南赤壁對即周瑜破曹操處圻曰斑竹統三百餘阜週二十

里前為江左為菖蒲澗右為蓬湖上有古城城外有臺

相傳魯肅嘗有靈福觀有崇鳴寺知縣深作靈福觀記

屯兵於此蓬湖春漲雙洲鷺鷥蓮院薰風北村煙樹南江橫練靈

福晨鍾崇鳴古柏知縣深各有詩

大隱林 小隱林 景陵東北七十里曰五華山其山週九百丈高十有五

丈其上有風城有伏羲廟其下曰臨津門有神農廟有

白龍寺有仙真觀

西六十里曰青山其山色多青上有普濟寺知縣結詩

青山過景物依然鳥自啼路入天門隔南北禾生水港

無東西已看刀劍賣為犢誰為絃歌笑割雞詢徧民風

歸馬晚好峰如畫白雲低

青山之左曰天門山舊曰火門唐陸羽傳負書火門山

北六十里曰龍穴山又曰龍尾其山狀若龍穴傍有龍

穴波

東北七十里曰巾皮山晉元熙中得古鍾七枚於此敘

西逕楊水謂之巾口今亦有巾港

市疑古或置皮若橫桑皮之類也

縣東南曰見龍山其山蜿蜒如龍環拱縣左知縣結記

而然甲辰春譙樓成梯而上之山形始見乃以縣西隙

地徙居於中時父老聞之亦相率來觀且請以見龍

名之見龍者非徒誇形勝美遊觀也

境會石故志在鼓角樓下碑云葛嶺在縣南二十里

處東岡在縣東七十里夾松石華嚴二湖之閒陸羽嘗

數椽主人於此祭酒錄世家馬鐔少詩古樹頭雲屋

百年七澤焉魚皆道理九州兄弟或鯁連西周老鳳將

珠相傳有販珠者覆舟於此頗著

靈異鄉人祀之坡樹一名覆船岡

左傳江漢漳沮楚之望也史記竟陵澤楚之材也相如

賦子虛稱楚有七澤雲夢其一則沔之陂澤聞古今久

矣其中湖河或匯為潏潏或析為潢潢支流餘派聯綿

灌注大者或兼數十謂之子湖名號瑣猥不可勝紀今

稍列其彰顯者著之於篇

沔南二百里曰大江其源出岷山地志在蜀郡瀘氏道

東別為沱又東至于澧澧水名今澧州江至此過九江

今洞庭凡受水九故至于東陵今巴逕白螺山南在監

又逕止烏林南即烏林東過茅埠口又東過竹林灣口

又東過新灘水洪二口又東北過沌口沌水入焉水經

水通沔陽之太白湖又東過漢口與漢水合知州漢水合

三湖東南通江日沌口不動月輪低水仙吸露蘋花畔上

尋珠竹自西其二刺史南巡茅埠頭黃鬚津吏下迎舟

沔陽州志卷之五

沔陽州志卷五

鳴金擗鼓綠何事如此荒村可耐愁其三江上逢秋秋
可憐西風暮起浪連天楓葉如吟采蓮曲荷花偏影捕
魚船其四白螺湖邊蘆葦秋黃蓬山下酒
如油若無月色終解酌為有秋光始縱遊

西北日襄河漢之潛也爾雅漢別漢水自安陸東播為
蘆泐河入于潛江東南至于上新口逕鮎魚套逕三儀

口達于三江口又至上新口播于下新口逕北口復自
柳口折于三江口合流趨于白湖又自柳口東播于蘆

蒿汀至直步夏水從西來注之逕螺子瀆逕渣潭東北
趨太陽入于襄河又自渣潭東南逕小陽逕張家池逕

壩港入陽名湖俱匯于白湖出沌口入江漢水又自蘆
泐播于排沙逕深江逕到河逕范谿關逕栗林逕麻港

逕南灣至黃荆口入下帳湖東匯于白湖又自范漑南
播于劉家渡入于三江口又自栗林口播于蔣家灣逕

蓮臺趨大湖口合黃荆口水漕河自柳口環城西北達
于三江口建武初所鑿自羅堰口出大清河由里社口

沌口沌水自通漢江張孝芳記端拱元年閻文逕奏
開東漕渠自師子口入于漢達于襄陽遂發丁夫治荆

南漕河至漢可勝二百石舟上遊之人利焉敘案故志
潛江有里社穴景陵有師子河俱通漢漕河之名當以

此也又晉武初杜預開楊口通零桂之漕
起夏水達巴陵則河之有漕河自預始也

南四十里日長夏河水江之沱也
利入東為太馬長川過沙口又東北過柴林河至直步

與漢水合水經夏水出江流于江陵東南又東過華容
傳夏水首出于江尾入于沔亦謂之沱通典復州沔陽

有夏水與地廣記夏水入沔謂之堵口冬竭夏流謂之
夏水漢志江夏郡注謂夏水過郡入江也即今漢口然

夏水至直步即合漢水不當逆流至漢口人江若云夏

河陽州志卷五 五

流則盛夏江漲亦可曼衍而上也堵口今亦失其處豈
漢濁易淤迷致連塞耶又案楚辭過夏首而西浮夏之
首也左傳吳伐楚至于夏洧沈尹射奔命于夏洧遠射
以蘇揚之師會夏洧夏之尾也漢以前多言夏言漢其
後多言沔漢沔夏一水異名
故漢口亦日夏口又日沔口

南百八十里日復車河亦沱也江自茅埠灌黃蓬湖東
為河逕牛埠逕三灣逕平放東出新灘口又自三灣逕

斗湖至陽名匯于白湖出沌口入江
東二百五十里日太白湖水經注沌口通沔陽之太白

名一日九真白湖一日土豬其湖潛自西北注之西湖
李老泗港沙湖諸水匯焉沱自南注之直步黃蓬陽名

諸水匯焉沱之巨壑也週二百餘里達于沌口入江故
沔今半屬漢陽知州濂詩楚辭青無盡南遊興不孤霧
寒七澤水天霽九真湖飛檠搖鼓竹停舟舞雁鳧自憐

簪絨絳花
浦羨漁夫

二百四十里日沙湖其湖連太白都御史廬陵王槩詩
斜風定雨初收白雲藏綠山間寺碧樹圍紅驛外樓日

影平鋪千里月光倒浸一天秋荆湖佳景良難得此
處經過是勝遊知州濂詩襟雲帶夢古沙湖海客紛紛

當年一區船裏錦鞵聯翡翠岸頭金鎖擊珊瑚其二漁豎
今為魚網池其沙湖問俗暫停槎只見平湖不見水

誰道湖村風俗好如花少女賣魚蝦其四湖上人家家風
色清蒲衣菱蓂可憐生采蓮慣識溪邊路曬網頻驚樹

百七十里日陽名湖其湖受復車河張家池逕崇陽潭
入蘆花瀆匯白湖

百六十里日短汀湖其湖受張家壩港接魯陽潭逕麻
汀入白湖

河陽州志卷五 六

百四十里日陽孟池有湖日郝盤泛日五老紹興池日
淡夜達于白湖

十有五里日白鷺湖二十里日鼉湖荆州記河陽有鼉湖

城東日蓮花池其池南北相麗中為橋為通衢多蓮開
之日香苾可玩亦郡之佳勝也都指揮王閔即北池之濱為兩松山閣故址尙存

南百八十里日黃蓬湖其湖納茅埠許家池連大舍

白螺上洪湖蓮子趨復車達新灘入江亦入白湖江

溢則湖洄入漢知州謙詩手植垂楊鎖釣磯湖分小港

衣朝川幽絕真難勝况復東潭白鰾肥

泗陽州志卷五

七

二百里日烏流日龍巢日雲泛三湖俱達于白湖

百四十里日張家池有湖日塘林深水潭日浮溝逕橫

汜古村壩溝俱入陽名

百五十里日西湖其湖受燕子河穿柳林合西洋湖入

洪湖逕大洪口走黃蓬西之傍日鄭道白涉壩潭三湖

俱達于洪

百三十里日司馬小陽湖其湖合牛頭湖烏林溝斗口

逕張家入陽名

七十里日直步湖其湖受柳口太馬河逕明魚螺子濱

逕渣潭李二河入陽名

東南二百八十里日下五湖九十有五里日西港鮫公

土橋潭沈棧湖諸湖俱入陽名

西十五里日百石湖其湖中為長隄知州順詩百石湖邊萬丈隄雙溝流

水出前溪嘉禾翠色連畦秀垂柳濃陰匝岸齊客路入

雲行處遠郵亭和雨望中迷勸農幾度春風裏滿地花

香襯馬蹄學正順詩驛道接長隄通古郡西嘉禾盈

綠野垂柳拂清溪使客乘驄過行人聽鳥啼春深初雨

拾香泥

十里日三陽湖方輿勝覽東日東陽西

西南五十里角兒湖其湖連柘柴湖逕荻根儲龍潭一段

下港達柳口

四十里日官港湖又五里日賽港湖

東北百三十里日馬骨泛有湖日李老南灣沙灣雞頭

圓昌三墩灣日楊林神臺茅臺清水口日黃荆北入漢

東入白湖

四十里日奠石湖其湖磬折

泗港有三十里日上二十里日中四十里日下皆湖也

俱入于河

西北日上下西湖其湖北受到河南出月湖口入于漢

北日復池湖復州名取此日白龜湖

百五十里日澄馬潭在縣南有陡湖荷湖雙湖石泉爛

泥三角龔家諸湖陳老濠柏家灣老鶴場其水皆達于

漢

百三十里日白雲三汶在縣東南有汶日百步日蘇家

湖日白河日拖鎗入于漢

百二十里日葫蘆三灣在縣西南有湖日白泛花臺羅

臺蒿臺堰日洪積淵日桐樹降日漁泛港日月入于漢

六十里日下帳湖在縣東其湖有范老反灣有長洲官

洲團洲受黃荆口破江蓮臺東合張池趨白湖

六十里日上帳湖在縣南其湖有紅花魚腦牛頭黃沙

楊庄自麻洋潭逕破江潭灣入下帳

百六十里日青山湖在縣西其湖近青山

百九十里日風波湖在縣東其湖有安定黃林納柳家

河達楊林入漢

百四十里日蒿臺湖在縣東其湖達回河口入漢

史敘日余觀河之湖大者數百里小者不啻數十里其

河陽州志卷五

九

諸洿潦不與焉長波巨浸渺渺相望何其夥也然其北

多在景陵李老為大其西多屬監利西湖為大其南黃

蓬為大其東太白為大諸湖皆逶迤入太白故河眾水

之匯也太白河水之匯也故河之水瀦于太白洩于沌

口地之勢然也不然河其魚乎

雲夢澤史記雲夢注裴駰云孫叔敖激沮水作此澤張

也張云在華容者特此也安陸又有雲夢澤其古皆遠

取此澤也唐安審暉敗唐兵於雲夢澤中史燭日雲夢

楚王以鄭伯田江南之夢杜預注雲夢在江南北漢志

雲夢澤在華容南祝穆日云夫人棄子於夢中言夢

而不言雲楚子避吳入雲中言雲而不言夢則知二澤

也漢陽志亦云雲在江北夢在江南此皆以二澤

為說也蓋古之雲夢澤甚廣後世悉為邑居聚落故地

之以此得名者非一處也敘案故志景陵亦有雲夢城

子文所棄與楚子所入

東五十里日滄浪水故志禹貢豫東流為漢又東為滄

山水記云在河日敘案水經注武當縣北四十里漢水

雖非其故處然亦滄浪之下流豈後人概稱之若漢水

似以下前名滄浪之水即吳王僚所開也作亭其上名之滄浪

詩遠放靈均何處尋斷岸早霜千樹錦孤村落月數家

誰采幽香慰苦吟

北二里日白沙水故志出京山白沙山下流經河玉沙

鄂州富水有白沙山自沙水所出而水經言江水東得

漢當共趨漢口入江不當截流經河五代梁分漢江入

為白沙微科院未陸為玉沙縣其地在河西南水經白

縣名亦非遠取京山之水名也

河陽州志卷五

十

七里河故志周地圓云夏水合諸水同入漢自漢入猪

江漢夏三水所匯之處是也或曰景

滌塵井在玄妙觀

湧玉泉在城北相傳古有泉流出漕河沙白如

鬩斗陂故志鬩字記滄浪之水其側有鬩斗陂敘案宋

以限戎馬則此

陂又在江陵也

沌水故志不載敘案玉海引范成大日自石首縣舟行

流如木之沖其港僅過運河兩岸皆蘆荻支港皆通小

湖魯家洑即今監利魯洑江也東流為太馬湖即長夏

水至河逕百步北接漢水東流至太陽入于漢東匯于

白湖又東流出口入江故沌口有古沌陽縣水經注

沌水上承河陽之太白湖東南流為沌水蓋沌之下流

也由是言之沌水正逕河地其日僅退運河又足為漕

河之一

河陽州志卷五

盧靖校刊

沔陽童承敘

提封下

景陵南五十里曰漢江一日大其源出嶧冢山地志在

氏道縣今漢中略陽縣也東流為漢水水經漢水至武都沮縣為漢

漢日沮口常璩曰漢水有兩源漢水出嶧冢東源也沔出

嶧冢會泉西源也逕葭萌入漢屬道元謂東西兩川俱

出嶧冢而西又東為滄浪之水屬道元云武當縣北四

浪洲水日滄浪水武當今均州也襄陽志漢水因地而

名曰漢日滄浪水武當今均州也襄陽志漢水因地而

耳漢水自安陸東逕漁泛澤逕葫蘆三灣東播為小河

牛蹄獅子三汊諸口漢水又東播為馬腸河漢水又東

播為清水汀河漢水又東得橫鱗口漢水又東播為陶

溪潭河漢水又東得便河口漢水又東播為新衝河漢

水又東逕乾鎮東流出漢口入江知州漢襄河程歌襄

青梢照客桂春風吹樂即休野豔令人忘卻家其二

百丈牽舟過淺灘鳴鑼齊力奮霜滿夜寒莫宿清港

月明直到范家灣其三宜城桑落碧醪香即過宜城莫

繫航最怕春風蕩心處當鎮調瑟楚名娼其四儂家阿

姊笑儂孤無奈耶船楚又吳安得化為郎後花隨郎南

北別愁無其五襄川斜繞石城流郭上磷砲白雪樓郎

船若過聊停棹為問當年盧莫愁其六竹板聯筱下三

巴郎到三巴早念家庭前桃樹郎親種郎去無心去看

花其七襄河七十二重灘淺洲高欲上難昨夜雨霖

三尺水順風吹刺下江干其八名灘兩岸古襄河郎在

沔陽州志卷六

一

破江逕潭灣接張池口合下帳湖東南注于白湖陶溪

潭河其河北出盧家埠東出羊角河入漢新衝河其河

折旋十餘里復入于漢

漢北日牛蹄河其河逕三汊口出橫鱗口入于漢

城南河亦潛也其河西自南河口南自黑流渡入石家

河從北來注之東過縣逕楊林口又東逕便河口又東

逕板港又東趨風門入于漢又自楊林播為河逕風波

湖口又東逕元湖口至回河口阜角水從西北來注之

合流趨風門入漢

義河即城南河東距紅花港西距捷河口長五里世傳

祖微時嘗渡此遺舟人錢不受後特鑄魚課賜今名知

縣緒記義河如義田義庄之類其事或始于宋後漁人

託宋祖事以冀蠲課耳乃議復之又立石為之界使與

貧民共焉敘案縮意固善矣宋史王彥超傳太祖日卿

鄉在復州朕往依卿則宋祖固嘗涉

此也特辭錢蠲課之事無所考耳

南三十里曰便河縣去漢江遠元知府自景亮開此河

咸異焉

便河之右曰留駕河故志蜀先主嘗至此故名敘案三

關羽會得濟當

留駕于此也

西北三十里曰石家河

又西日馬溪河二河俱出京山

沔陽州志卷六

二

二河之南合流日巾港河其河南流于三汊口東流逕

縣至風門入于漢

東北四十里日柳家河其河北逕石堰口南入風波湖

七十里日回河一日會河其河自安陸直河東流逕阜
角市南會楊林板港水入于漢

五里日車湘港

東二十里日板港

北七十里日石堰渠唐咸通中刺史董元素開故志作石渠堰誤其流自五
華山西通巾水

城東日東湖湖廣袤三里中有洲上有東禪寺前為橋

日圓通覆以亭又前為隄造焉殿閣隱起水竹繁紆望
之最邑勝處也

西日西湖廣次東湖中有洲日覆釜即陸羽所居上有西禪
寺寺即廢其勝亦不下東湖也

南日南湖中界壇墳及民居雖析為二然均稱南湖焉

三澁水故志在縣南三十里敘案禹貢蔡傳澁水名今
復州景陵縣界又名澁水即三澁之一也長壽今安陸
州其水逕景陵者有石家馬溪巾港柳家阜角諸河俱
出風門入漢未孰為澁水京山志有澁水在縣西七
十里不言逕景陵今巾港河南流縣河者名三澁口
則石家當即澁水縣河當即澁水東流至風門入漢故
東有漢川廢縣澁水縣河當即澁水東流至風門入漢故
水入漢不言漢而澁水縣河當即澁水東流至風門入漢故
十里則故志與蔡傳所言江夏也況三澁口正在縣西南三
水口縣河自南河口入南自黑流渡入北自石家河

巾水楊水水經注龍陵水逕郢城東北流謂之楊水北
又巾水西逕竟陵縣北西逕楊水謂之巾水西有古
竟陵大城西通巾水今石堰口通石家則石家即巾水
然石堰渠西通巾水今石堰口通石家則石家即巾水
不待與馬溪合流之後方名巾港也且馬溪正在石家

泗陽州志卷六

三

之西當即楊水而合流之處當即所謂巾水者故今巾
港西有故城即故竟陵大城況故志巾港湯二市俱在
西與水經合而湯或揚字之誤也

白水山左傳楚子奔陸涉于成日杜預注在竟陵縣西京
西江水故志引陸羽六羨歌千羨萬羨西江水會向竟
羽在上饒聞所青僧卒賦此詳其詩意此水當不在竟
陵也作志者溺於羽詩求之不得其處乃謂為襄江之
一派失其實矣

文學泉在縣署西北一名陸子井陸羽得泉以試茶改
公住會經陸羽居草堂荒產蛤茶井冷生魚一汲清冷
飲高風味有餘宋王禹偁詩蠶石封苔百尺深食茶薇
味少知音得先生一片心

玉真泉在王真觀
萬人井在荆南門東二十步口徑七尺五寸可飲萬人

覆釜洲在西湖以形似名

甘魚陂左傳楚公子比次于魚陂水經注在竟陵城傍玉海日戰國
多以水攻故楚

守甘魚之口在縣東南

灌漑堰在縣東南

故蹟復州城故志在州北二里唐置宋端平初仍徙於
城國初循故址築仍餘東北之半今名七里城有門日
漢廣又西魏置建興縣后周於此置復州則城非特
唐置也唐錢起登復州南樓詩孤樹延春日他山卷曙
霞客心湖上鴈歸思日邊花行李迷方久歸期他山卷曙
故人雲路隔何處寄瑤華潘子安故城諸陰風生紙錢
空挂墳前路樹上荆榛穴狐兔燒場未冷煙未消棄骨
如銀滿行路燕入烏衣又落花神仙狡獪著長壽安期
華表空明月有可憐羸政訪蓬萊採藥未還聞
彭祖今何有試聽故城謠峻宇雕牆徒爾勞
鮑泉請君試聽故城謠峻宇雕牆徒爾勞

江北城在江北其城東西北尚存惟南瀕河獨無或水
嘯之也相傳為王沙縣治敘案宋太祖乾德三

泗陽州志卷六

四

年置王沙縣仁宗寶元二年始廢沔陽不應二縣並置
一處今監利東六十里有廢縣去沔道里亦稱是當為
宋王沙故治蓋王沙在沔陽監利之間故熙寧廢王沙
屬監利故志但云古縣亦未考也元改沔陽府以王沙
附郭蓋於是時
始徙治江北耳

脚月城故志在江口黃蓬有城相傳為脚月城敘案水經
也黃祖所守郡縣志脚月城在漢
陽縣北三里則此城不在沔矣

石樓城故志在舊州治西一十五里敘案三陽
湖側有故小城其道里頗同或即此也
魚腹城故志在州東十里二城俱無
廢沔陽縣故志引郡圖志楚王城元和志雲杜縣地也
沙敘案宋端平三年復州景陵並徙治沔陽鎮元興因
以爲府自至道至今沔陽縣廢五百餘年所謂廢縣即
今城故志據
圖經而言耳

風城在縣五華山故志古風氏之國相傳伏羲之後封
于此故有伏羲廟敘案左傳任宿須句顓臾風姓
也實司太皞與有濟之祀杜預注四國伏羲後故主其
祀封近於濟皆魯之附庸也則今風城非伏羲後矣故
此蓋亦疑之也

沔陽州志卷六

五

古竟陵城在巾港河西三里水經注巾水西古竟陵大
之其方隅道里皆與諸書合蓋古竟陵縣治其城自隋
已廢殆于餘年故多崩圮唐張祐夕次竟陵詩南風吹
五兩日暮竟陵城腸斷巴焦日夜彈何處聲又梅花今
正發失路復何如舊國雲山在新年風景餘春饒漢江
夢日奇武陵書可惜
明時老臨川莫羨魚

雲杜城即今縣治故城敘案漢晉皆有雲杜至隋獨無
蓋省入竟陵遂移治于此耳梁於此置沔陽郡
雲夢城故志在縣西即古雲夢澤敘案郭璞云安陸枝
笑城在縣東北六十里故志宋將軍再遇與金兵對壘
名敘案再遇惟繫羊擊鼓金兵竟欲追不及爲之大笑故
功皆在淮泗齊魯不在此事然再遇爲京東招討故其戰
呼霄城不應唐人能用宋事今邑人多

眞陽市城在縣東九十里相傳以爲縣舊城有
魯公城在城上白湖村本名臺名之
坊廂五東北隅坊東南隅坊二上廂下廂俱附

村三十有八漕河里北三板西五密頭東北石湖北四
雲潭北三里什樂東北五西范東北七到河北六深

江北九南池西北七鐵櫃北五下渣東一百瀘水北二
里泗江東一里荆江東五黃荆東八漢廣東五江北

東北三直步東南五滄浪東五接陽東六馬宗東十渣潭
十五里直步東南五仁和東南三長夏南四小林南八

里沙口南六上平放南四下平放南一黃蓬西南一百北正
後洛西南一里林灣西南一里茅埠西南一里北正

沔陽州志卷六

六

南一百潭潭東北九西湖西南一百新增北六
景陵坊廂二坊城內廂城外

村六里二十有三上白湖西北領里四馬溪下白湖南
領里四永和永雲潭東北領里四東林官城東領里五

豐泰寧安和雲潭東北領里四東林官城東領里五
三才白方樂南領里四永平南黃江南領里三進

關四荆江口東南襄江口東一里范漑北四侯埠東六
市十有九范漑北四沙湖東一里接陽東六黃蓬西里

五十南黃北九沙口南六採桑西三景陵阜角東北七
縣南記景陵市有五口乾灘石家柳家楊須惟阜角知

治西去四十里爲石家與京山東南接壤居民髮鬚乾
灘自石家東向而北柳家在其南東南接壤居民髮鬚乾
石家稍險柳家東向而北柳家在其南東南接壤居民髮鬚乾
家阜角則扼楊須柳家東向而北柳家在其南東南接壤居民髮鬚乾

河送遠送于大江通商賈舟南稍下東西北三面曠然
兩平南仰縣治北連應城東跨漢川西控京山如德安
孝感雲夢中不與河通者亦雲潭北三湯港西北三
肩載馬服管此以質遷有無
中港西里三馬溪西北三直陽東九柳家東北四楊須
北六乾灘東八石家西里三漁泛西里六小堤南二十
十里三沙鎮湖在沙茅鎮在茅景陵長汀東南六
渡二十有九三江口西三油榨澤東五江北一劉家
里南門北門漕河西北拖船西九上江里西三窰
頭澤五里北到河西北六南黃西里九景陵義河里一
板港東二官城東一古角西青山湖口黑流西九漿陂
南三車湘南二獅子南五十里堤南一芙蓉南入阜角
南八柳家北四石家西里三阜角市東北七縣北小即
十里

沔陽州志卷六 七

十八縣北大即大十漁泛西南五
塚墓八十塚乃古疑塚也金雞塚縣西十里高十餘
關其上黃巢欲發之蛇對虞布政信基在江歐陽郎中
蜂董羣起不可近遂止
謙墓蒿嶺邵郎中暹墓門外陳知府勛墓在江北劉
知府鉅墓在浮童知府旭墓在漢廣門李運使慶墓在
嶺諸葛魯祭酒鐸墓在縣止
風俗漢書楚有江漢川澤山林之饒江南地廣或火耕
水耨民食魚稻以漁獵山伐爲業果蔬羸蛤食物常足
故臨窳媮生而忘積聚飲食還給不憂凍餓亦亡千金
之家信巫鬼重淫祀
晉書荆強也亦日警也 隋書荊州風俗頗同揚州其

人率多勁悍決烈蓋亦天性然也南郡夷陵竟陵沔陽
襄陽安陸諸郡多蠻雜左其與夏人雜居者則與諸華
不別其僻處山谷者頗與巴渝同俗自晉氏南遷之後
南郡襄陽皆爲重鎮四方湊會故益多衣冠之緒稍尚
禮義經籍焉江夏竟陵安陸各置名州爲藩鎮重寄人
物乃與諸郡不同 圖經人性淳和 丁謂詩人淳訟
簡 名賢文集人自溫良化作蠶桑之俗 復州廳壁
記民足魚蜃之饒 圖冊務實樸厚 陸羽自傳風俗
之美無出吾國 故志以漁罟耕耨爲業而少積聚
又云耕尙鹵莽雖廣種而薄收婚略禮文每多贅而少
娶疾患則斂貲相卹死喪則歌鼓雜哀 景陵故志編

沔陽州志卷六 八

氓二十五里佃民強半流徒至相倍蓰聚而爲爭鬪爲
橫逆爲矯詐訟獄溷亂清濁良善寡弱受害無算
諸俗往籍備矣余所聞長老國初民踴躍奉法度其後
吏或逋蕩亡風軌江左右黠商賈往往朋呼黨聚雜編
毗與處而奪之業稍龐雜弗齊矣然民率椎質亡深文
或片辭至呵呼不能下詘則俯首服史稱荆勁也豈不
然哉地素曠多楛耕婦女雜作歲稍穰卽營營治產業
歉或妻子不相聊然捐淫末憚遠商寧餓死溝瀆不爲
盜歲隙則縱馬牛野中比服役始收之婚不論財士大
夫必親迎喪多用家禮士皆醇謹有文斯亦他郡之無
也景陵尤激昂負氣好稼穡務畜聚其士媮媮愛禮民

喜健訟率為侈靡相高大都沔陽簡景陵侈沔陽樸景
陵飾沔陽愿景陵亢歸於近厚爾孔子謂魯一變至於
道齊也魯而已有政教者慎道化之不難變也唐皮日休送從弟歸復州詩羨爾優游正少年竟陵煙月似吳天車螯近岸無妨取舴舨隨風不費牽處處路傍干頃稻家家與礪送安伯寧知沔陽詩水郭春為市沙村夜種田雞樓桑雨外魚網荻風前荆人璞江通郢客船使使當任過賓牽隔花傳知州濂紀俗詩蟹郭潛湘曲風流自昔稱家家住水閣日日下漁罾雲溼常垂雨湖寒未見冰風微鷗戲藻沙靜鷺銜菱翎羽充王貢魚蝦入歲徵唐兵豈到吳楚勢相乘地僻逢迎少江清歲宴仍羔羊懷漢詠琴瑟對漁燈放花初猶怯垂綸近亦能疏狂叨守牧高與益峻贈

五峰山色

沔陽州志卷六

九

三滢波光

滄浪漁唱

柳口樵歌

丙穴釣秋

荆樓玩月

東沼紅蓮

西城古柏

後又有八景名多不雅故不錄

景陵十景

道院迎仙唐皮日休詩百尺丹臺倚翠華洞門迢遞隔煙霞雨中白鹿眠芳草松下青牛卧落花函
谷月明浮紫氣瑤池水暖伏丹砂拋
書亦欲尋真去安得相從一飯麻

書堂出相日休詩棲遲泮水醉詩書自是明時未相儒杖雙蓬鬢明月清風一草廬他日得君行學志贊襄仁德媿唐虞

鳳竹晴煙日休詩半畝湘筠幾萬竿濃陰匝地畫生寒

龍池春漲日休詩龍池發綠浩無邊一氣渾融太極先

龍池春漲日休詩龍池發綠浩無邊一氣渾融太極先

龍池春漲日休詩龍池發綠浩無邊一氣渾融太極先

龍池春漲日休詩龍池發綠浩無邊一氣渾融太極先

龍池春漲日休詩龍池發綠浩無邊一氣渾融太極先

龍池春漲日休詩龍池發綠浩無邊一氣渾融太極先

龍池春漲日休詩龍池發綠浩無邊一氣渾融太極先

龍池春漲日休詩龍池發綠浩無邊一氣渾融太極先

龍池春漲日休詩龍池發綠浩無邊一氣渾融太極先

龍池春漲日休詩龍池發綠浩無邊一氣渾融太極先

龍池春漲日休詩龍池發綠浩無邊一氣渾融太極先

龍池春漲日休詩龍池發綠浩無邊一氣渾融太極先

龍池春漲日休詩龍池發綠浩無邊一氣渾融太極先

龍池春漲日休詩龍池發綠浩無邊一氣渾融太極先

龍池春漲日休詩龍池發綠浩無邊一氣渾融太極先

龍池春漲日休詩龍池發綠浩無邊一氣渾融太極先

龍池春漲日休詩龍池發綠浩無邊一氣渾融太極先

龍池春漲日休詩龍池發綠浩無邊一氣渾融太極先

龍池春漲日休詩龍池發綠浩無邊一氣渾融太極先

龍池春漲日休詩龍池發綠浩無邊一氣渾融太極先

龍池春漲日休詩龍池發綠浩無邊一氣渾融太極先

沔陽州志卷六

十

醉酌初潑膽切魚絲網乍收明月

五華樵唱日休詩一聲樵唱落雲間伐木丁丁響萬山下牛羊隊荷擔會經虎豹關欲把新書拋卻後五華仙境任躡攀

笑城暮雨日休詩草樹連雲雉堞平瀟瀟風雨暗荒城

史敘曰天下名郡縣必有迴峰複障爭奇角勝而沔獨

以湖澤聞川原聯絡不啻峰嶂之迴複也然土隙而

故民念地卑而潦故民瘠夫富者貧之誨也利者害之

賈也民頻歉則多思思則勤勤則儉儉則資治之道也

滴瀝傷心處俯仰空懷一笑名

人寧復夢書堂倦客若為情芭蕉

笑城暮雨日休詩草樹連雲雉堞平瀟瀟風雨暗荒城

史敘曰天下名郡縣必有迴峰複障爭奇角勝而沔獨

以湖澤聞川原聯絡不啻峰嶂之迴複也然土隙而

故民念地卑而潦故民瘠夫富者貧之誨也利者害之

賈也民頻歉則多思思則勤勤則儉儉則資治之道也

故與其怠也寧瘠

贊曰襟雲帶夢負漢抱江洪川沃野幅隕既長土曠潦
頻多歉少稷志思義以敦淳龐

沔陽州志卷六

盧靖校刊

沔陽州志卷六

十二

沔陽童承敘

創設

沔陽城國初乙巳指揮沈友仁循故址築正德戊寅知

州濂葺之周千一百有六丈厚丈二尺高倍之門五東

曰仁風舊曰南曰南紀舊曰西曰長夏舊曰北曰建興

舊曰楚望後鄭公汝舟余公一龍曹公子朝劉公不

大北曰楚望後鄭公汝舟余公一龍曹公子朝劉公不

修之盈成

城東倚蓮花二池西南北皆倚河朱昂曰環城皆水因

河為濠形若螃蟹是也按沔陽在漢晉並為雲杜縣地

志有廢沔陽縣當即今所也郡國志沔陽縣即楚王城今故

城或不在今所西魏置建興縣周復州治於此即今治

沔陽州志卷七

一

也則城亦當創於是時矣祭酒鐸記沔故有衛與州治

同城城不知起何時由今自河而觀實不可以一日無

為舟同濟之盛民猶舟焉舟任萬斛而繫及分寸則不

哉矧一猶殆不可無城之矣然則有城不繕治又向得

智者視猶殆不可無城之矣然則有城不繕治又向得

襄鄆為南鄆為巴蜀為長江漢以爲州江實受湘江湘

勝計也為南鄆為巴蜀為長江漢以爲州江實受湘江湘

故曰不可一日無城也相根莫則喉襟重輕實茲焉是

大助夫來守河未三城也屬江漢合張子祥符李川甫

月助夫來守河未三城也屬江漢合張子祥符李川甫

明未水復也城大至城壞四丈夫以守重民饑未治

賑如未也何則可出而謀之則民益病日財力在民

若民何謀之則可出而謀之則民益病日財力在民

自謀焉既而得之使日吾城者水也吾誰謀其夫入

請也乃移書諸當路日吾城者水也吾誰謀其夫入

一於便宜行荒之政至計得凡百入有奇故事城有役

沔陽州志卷七

二

景陵即漢雲杜縣隋唐宋皆為郡治其城最久故志國

初指揮琛知縣天麟築洪武己巳大水壞城成化乙未

知縣繼宗重築土城壬寅知縣縮弘治己未知縣端相

繼修久之圯正德甲戌知縣良玉築整高厚統二丈周

六百八十有五丈門四曰南薰舊曰東陽舊曰西

城舊曰北拱舊曰城四面皆湖因以為隍祭酒鐸記

衛蓋襄荆以東漢沔以西北隨郡以南此最廣行足牲

九州之梁雖平古不無藥芽其間者是故宜有城隍

調衛金州城雖平古不無藥芽其間者是故宜有城隍

壞雖第為周垣實無恙民所恃如故洪武乙巳水決隄

盜入劫縣庫弘治四年既劫庫復劫獄取劇盜去正德

庚午盜劫自獄出因嘯聚屠掠村鄉虜女婦劫劫壯為

書路盜呼官府示將直入狀以挾取所怨及庫實富民

所移徙三司長副集官民宣慰兵數閱月僅乃職之此

皆城壞以後事也陳侯以辛未名進士下車之明年適

河北大盜起詔有司不得無城侯慨然欲為永久計屬
父老語之召富民大賈曰城為汝蓋藏也財沒於盜孰與
出十一以助吾築召丁壯日城為汝蓋藏也財沒於盜孰與
孰與分力以助吾築召丁壯日城為汝蓋藏也財沒於盜孰與
丁壯以畚鍤至樵荻為薪烈石為灰者以舟車至侯悉
以籍登於縣令公實員役司之既乃關隄湖覆舊築為
城址密於縣周凡一百一十有二煙樓四合上糾為雲霧
者連數月輒成重每一百一十有二煙樓四合上糾為雲霧
人匠既集乃署為十有四工象以散聚之節負者蟻升
築者鱗積發焉衡從適均灌焉燥溼得所督作者心同
服役者力齊萬有餘無不盡力若父兄率子弟治其垣墉室
廬而意及其會雲也戒事於九年之七月以十年之八
月告成所積例為白金計之為兩者三千六百七十有
入民所起工積高者五尺周迴六百八十五丈四門高
丈有奇厚加於積高者五尺周迴六百八十五丈四門高
鐵衣之門尺其深幾倍之樓高不及城者二尺門扉皆以
地各丈許責所居得詞禁於三楹於傍以居門者闕城內外
伺不虞也復於南樓置鐘鼓以警昏曉城外襟湖帶河

沔陽州志卷七

三

若天設隄塹縣邑民大和會下復登諦觀焉富民曰今
而後賞誠吾有矣丁壯日今而後身誠吾有矣女婦曰
歎日向使保吾所家而定吾所歸矣其嘗罹盜者則泣且
子相慶矣夫天下之事備有防慮以衛民生者莫如為
城其勞實稱之民鮮弗病且怨者景陵城廢百三十年
來躬自失恃如向所云者知幾令矣侯至纔三載而百
年之大功成於人如是有是乎是年朝廷以臺員之缺召侯
非其賢遠於人如是有是乎是年朝廷以臺員之缺召侯
淵會明輩來求予記之嗚呼吾行天下見所謂賢守令
多矣求夫誠心為民如侯不多見也侯之為政廉明公
恕為吾人所思者豈勝紀述建城其遠且大者也姑書
而鑄之石用慰所思侯名良玉字德夫蜀之富順人與
侯協心者嚴君輔胡君洪孫君煜蔡君德器劉君翹
其一時僚佐師賓也凡預是役者悉於碑陰勒之
分司東門內曰按察中為堂後為軒為後堂前為東西
序為儀門為門分巡道僉憲駐劄學之前日布政制與
按察同而差小俱正德乙亥知州廉重建

景陵分司縣東曰按察景泰中知西南日布政成化弘
端修俱制如州而廣

州署近西門中為堂後為軒為後堂嘉靖辛卯知州儲
建左右為庫東為幕堂又東為知州解堂後前為判官
解舊為吏目解西為同知解前為吏目解幕堂後為添
註官解堂之前兩翼為六房中為戒石亭又前為儀門

門東為吏舍西為獄又前為門按洪武九年政府置州
肇建者志失其人宣德間知州鑄同知信判官顯修正
統癸亥又建志失其人天順間知州立同知達修弘治
間知州成濂修德設官知州一人同知一人判官一人
同知判官添吏目一人吏司八人典吏十六人

註無定員吏目一人吏司八人典吏十六人
州行署在縣前弘治學署見儒學

永豐倉舊在州東北廢為社園今在小北門內即設官
大使一人副使一人吏攢典一人

稅課局舊在十字街設官大使一人吏攢典一人
陰陽學在東設官典術一人醫學二學共一所正統設
官典科一人

僧正司在報恩寺設官僧正一人道正司在玄妙觀設官道正一
人

巡檢司二沙鎮在沙茅鎮在茅埠俱成化中都御史劉
設官巡檢各一人司吏各一人

驛四漢津州東北渡口正德侯埠州東六沙湖州東一
里到河州西北六十里初省正德中都御史秦設官丞

金秦復置省深江驛入焉俱知州廉建設官丞

金秦復置省深江驛入焉俱知州廉建設官丞

金秦復置省深江驛入焉俱知州廉建設官丞

各一人吏各一人

河泊所二十一 下五湖 東南一百里 陽名湖 東百七十里 司馬

小陽 東南九十里 沙湖 東百二里 上帳湖 西北百八十里 下帳湖 東百八

里 陽孟池 東百十里 中下襄河 東百六十里 馬骨泛 北八十里 渣馬

潭 西北百二十里 葫蘆三灣 西百三十里 白雲三汊 西北百二十里 風波蒿

臺湖 西北百二十里 到河新掘口 西北百二十里 段下小港 南五里 直步

湖 東南四里 西湖 東南九里 李二河 東南百二十里 張家池 東南百

白螺湖 南百二十里 許家池 南百二十里 設官所官各一人 吏攢典各

一人

國初河泊所有長下河官港湖螺子濱西港湖烏流湖 千金湖到口百石湖青山湖黃蓬湖賽港湖統三十有

河陽州志卷七

五

一 正統間長下省入段下小港官港螺子省入直步西

港省入西湖烏流省入張家千金省入白螺百石省入

到河青山省入風波正德間黃蓬省入許家賽港省入

直步

便民倉 在七里

預備倉 永豐倉南知州頤建舊四一在七里院 一在到河一在黃蓬一在演武場俱廢

惠民藥局 在十字街西景泰癸酉 六月災明年甲戌建

申明旌善亭 按察司前故志申明附城轄二西 轄一上轄一南轄四中轄六俱廢

養濟院 在楚望

縣署舊景陵衛洪武三年廢為縣中為堂後為堂日退 思知縣解其後縣丞解東主簿解西典史解東之南堂

兩翼曰庫東曰幕堂又東曰架閣庫堂之東西序曰六

房前曰儀門門東西曰吏廨又東曰儀丈庫前曰譙樓

景泰四年知縣唐修弘治己未知縣端重建如前按察

副使金陵沈鐘記邑令周侯自弘治戊午下車以來顧

慮事歲久老將就屢縱橫支柱日下漏風雨周旁積

餘事有成績且以豈弟父母乎民率信之侯視所積

公帑工髮不有餘羨始移請當路安以爲允爰發所積

庚申春二月望告成華樸中陋正本堂知縣縮記景陵縣

度因通而靡亦用不及而陋正本堂知縣縮記景陵縣

公廨而下一無一宇可蔽風雨爲退息所成化甲辰春始

以廳北之隙地爲堂垂成匠氏左抱丈尺右執繩墨始

環棟四顧棟正而後東西爲窗二南北爲門倍之義隨

方面廣狹以折中乎棟也堂之成有賴於棟者如此身

焉且正身不係於折中乎棟也堂之成有賴於棟者如此身

棟爲堂之本也邑治於令而堂以成也鳴乎堂成於棟

思所以正其本也邑治於令而堂以成也鳴乎堂成於棟

建非安逸謀也本乎然則是堂之仕學堂銘設官知縣一

河陽州志卷七

六

人縣丞一人主簿一人典史一人吏司八人典吏九人

乾鎮巡檢司 縣東八十里成化十三年 設官巡檢一人 吏

一人

乾灘驛 巡檢司東成化十六年 設官丞一人 吏一人

陰陽學 縣前設官訓術一人

醫學 縣前設官訓科一人

僧會司 在東 設官僧會一人

道會司 在丹 設官道會一人

倉三廣 儲縣西知縣預備 北門外嘉靖丁酉便乾灘驛

兌運者賦於民而兌於軍也景陵收於縣倉河隘且淺

軍船不能入則出其米於乾灘採蘆爲蓬而貯之軍以

米溼爲辭未免賂之歲科戶斂如常事焉癸卯秋縮乃

度地會木石委典史陳顯督之作倉日兩便或謂便於

民而不便於軍何以兩便為日賦入於倉而民不勞
焉兌出於倉而軍無辭焉謂之兩便不亦宜乎今廢
亭六申明縣旌善西鄰里申明兩便不亦宜乎今廢
故事緒來景陵乃以比屋五家為鄰比鄰五家為里使
家屬於鄰各事一業鄰聯於里共立一塾業以養之則
四民之志以定塾以教之則五品之倫以明問於官以
教無職事者鄰里之長會眾諭之不悛而後聞於官以
鄰里之志以定塾以教之則五品之倫以明問於官以
為懲惡也非塘堦旌善南籍記景陵古竟陵至此而
早瀨水則易澇而景陵早澇常相半故事救旱有塘防
者築之堦者整之昔無者為塘堦長統其里人因循歲久而日
而因以正經界勤耕稼時督而月視之歲終則論功以
加懲勤四五年農事修而衣食以足民乃漸歸於政教
之中然始勤終怠人情之常於是為亭於邑治西刻堦
堦丈尺與長人姓名於石使接目警心及時趨事不能
自巳而前日之成功可以久存而不敷政以揭榜有記
壞庶幾逸能思初而安能惟始也

河陽州志卷七

衡量大街東籍記度量衡法制所自始我太祖高皇帝
收於官民不常見刻承平日久安能保其無弊哉籍乃
立亭於市中合度量衡較以時制使法之不一者皆於
此取則焉庶乎市價可平也

- 鋪州二十有三 總 新興 裴家 濯纓 滄浪
- 白家橋 侯埠 余家 左沈 拖缸 橫隄 馬王
- 下查 俱東往 新開 採桑 朱家橋 鐵櫃 潘老
- 人堤 劉河 新淵 南黃 俱西北往 磚子 石牌 俱西
- 往濬 縣九 總 新開 趙家 晉洪 士漁 泛洪
- 緊水口 牛槽 桐柱 俱南往 河陽路
- 坊一百有八
- 州六十有四 朝東 同樂 仁和 在中 阜南 鎮南

報恩 景福 定遠 在中 衛南 安西 武德 在中 衛西 拱北
進賢 廣濟 平遠 在中 衛北 仙里 依蓮 在中 衛西 迎恩 在中 衛西
花澄清 在東 敷政 在東 承流 在東 宣化 在東 啟文 在東
賢 儲俊 俱在東 德甲 成知州 成改作學官 在中 衛北 正
咸 進士 四 俱在東 李瑄 一 為知州 成改作學官 在中 衛北 正
建 登雲 二 俱在東 劉琰 一 為知州 成改作學官 在中 衛北 正
劉 登雲 二 俱在東 劉琰 一 為知州 成改作學官 在中 衛北 正
登 登雲 二 俱在東 劉琰 一 為知州 成改作學官 在中 衛北 正
雲 在東 石湖 文會 為知州 成改作學官 在中 衛北 正
福 世美 在學前 為知州 成改作學官 在中 衛北 正
津 登雲 二 俱在東 劉琰 一 為知州 成改作學官 在中 衛北 正
為童旭

河陽州志卷七

易會文 亦在通遠 南 古隱 在縣 阜民 亦在拱辰 在縣
澄清 亦在通遠 南 古隱 在縣 阜民 亦在拱辰 在縣
俊 亦在通遠 南 古隱 在縣 阜民 亦在拱辰 在縣
胡 亦在通遠 南 古隱 在縣 阜民 亦在拱辰 在縣
俊 亦在通遠 南 古隱 在縣 阜民 亦在拱辰 在縣
徐 亦在通遠 南 古隱 在縣 阜民 亦在拱辰 在縣
為雷 亦在通遠 南 古隱 在縣 阜民 亦在拱辰 在縣
冠 亦在通遠 南 古隱 在縣 阜民 亦在拱辰 在縣
為蕭 亦在通遠 南 古隱 在縣 阜民 亦在拱辰 在縣
科 亦在通遠 南 古隱 在縣 阜民 亦在拱辰 在縣
鐸 亦在通遠 南 古隱 在縣 阜民 亦在拱辰 在縣
橋 亦在通遠 南 古隱 在縣 阜民 亦在拱辰 在縣

州十一江北 城西 北門 南門 東嶽廟 平政
西三里橋不常有春夏水泛則行劉家濂里一劉河北
舟正德成寅知州濂增修而新之
六十泗港里十侯埠東六孫江口東七
景陵六清河北半里舊有亭弘治癸浮南門外元知義
河南一鴈叫鴈叫門外湖堤上相傳觀音弘治戊午知
縣端柳家治北四里舊橋為渡弘
樓十有二閣四堂二軒一亭五臺八
樓州仰北泰中北廢景佛在報恩仁風在州子城舊
孰是今更東南紀門樓長夏門樓建興門樓大北楚望小
北門樓為此名五門香有樓漢津在驛前正德十二年知
無名敘因修志為更定焉漢州李濂建濂詩鴈過州
城天地秋溟溟波浪抱城流二毛蚤入潘安賦一葉能
添宋玉愁濼郡田蕪猶稱殊殊方日落更登樓歲時搖

沔陽州志卷七

九

落悲無盡興在 譙樓在衙前天順弘治間指 縣望仙在
清江雙白鷗 譙樓在衙前天順弘治間指 縣望仙在
城上宋晏殊類 煙雨在縣境宋郡守王知新有詩二樓
要刺史鄭肇建 煙雨在縣境宋郡守王知新有詩二樓
屬之縣也此當 鼓角建宋祥符中
閣州玉虛 在玄妙觀舊名 萬壽在報 縣寶香 在州境宋
為湖 雲章 在州學二閣俱無考故
山堂 雲章 在州學二閣俱無考故
堂縣宣化 在州學今無考 讀書 故志在州城北紫極觀唐皮
既見陸夫子驚心却伏廢 結彼世外交遇之於邂逅敘
案日休襄人龜蒙吳人相過於茗書間遂與友善非在
景陵也是詩乃龜蒙讀襄陽者舊作五百言貽日休在
休和答及此具在松陵集亦非景陵事也 不知故志何
然以云
軒縣鴻軒 在縣北古城內宋張耒謫時所構後起倅黃
嘆嗟又望復州云他年若問鴻軒人堂下蒿薇
應解語蓋嘗植此花於其處也黃州亦有鴻軒

亭州迎恩 在漢津驛東宣 縣延賓 在州 綠波 在縣城內
志屬州 夢野 在縣治東南隅臺上宋景祐中州守王琪
今正之 蘇紆石延年皆有詩張耒詩高覽巨桐歷城
宋祁吳育蘇紆石延年皆有詩張耒詩高覽巨桐歷城
聞平視如將七澤吞幾度春光招宋玉碧闌干外獨消
魂其臺尚存嘉靖甲申岸生 境會 在縣南宋祥符間因
魏襄兄弟復建亭讀書其中 境會 創鼓角樓掘得一石
乃唐寶使
君境會亭
臺州仙女 在州北四十里莫石湖側故志列女傳江妃
江漢之湄逢鄭交甫悅之不知其神遂與言日願請子
之佩二女解珠與交甫去數百步女忽不見佩亦失之
故名敘案襄陽志有解佩渚安陸志 五樂 在州古城東
有漢皋亭皆引交甫事未詳孰是 志 五樂 在州古城東
出獵望河 在西南清薰 在漢廣村舊名清軍 縣夢野見
之所望河 在西南清薰 在漢廣村舊名清軍 縣夢野見
撒花 在東南六里廣百餘 城隍 在乾鎮東 花臺 在北三
五丈高丈餘 不知何代築

沔陽州志卷七

十

史敘曰夫崇墉浚隍所以養安也高堂遠廉所以養尊
也故人安則本固而民和官尊則等威別而民敬是故
安而無以守之誨盜之塲也尊而無以臨之移氣之所
也
贊曰署維位表宅維章次言言者墉民斯攸暨創廢葺
頽用謹常制
沔陽州志卷七
盧靖校刊

沔陽童承敘

凡水在上流者江漢最大其流俱至雲夢而合地窪水
 瀦故為巨澤當堯之時洪水橫流禹治水荊州導漢過
 三澨至于大別導江過九江至于東陵沱潛既道然後
 雲土夢作又傳言水落而土見可耕治也周官職方氏
 荊州之藪曰雲夢漢司馬相如賦子虛稱楚有七澤雲
 夢其一澤方九百里此皆作又之餘至周迄漢猶為藪
 澤杜預曰雲夢跨江南北郭璞曰安陸枝江俱有雲夢
 城胡三省曰雲夢甚廣後世悉為邑居聚落則易數澤

沔陽州志卷八

為墳壤矣蓋漢最濁漢書云河水一石而六斗泥涇水
 一石其泥數斗漢水之泥亦不啻是每與江湖水合其
 滓必澄故常填淤而沮澤之區因成沃野南宋張興世
 居臨沔水門前忽生洲嶼大數十頃是一證也惟江清
 不易淤然荊州記江陵初有九十九洲後其洲滿百則
 江亦有時而淤蓋所謂土作又者其由來者久矣故沔
 居澤中土惟塗泥而竟陵雲杜頗多高昂之田民漸芟
 剔壑為阡陌然江溢則沒東南漢溢則沒西北江漢並
 溢則洞庭沔湖匯為巨壑雖堯橫流之時禹未導之日
 不是過也故民田必因地高下修隄防障之大者輪廣
 數十里小者十餘里謂之日院如是百餘區其不可隄

者悉棄為萊蕪萊蕪之地常多於院漢賈讓曰內黃界
 中有澤方數十里環之有隄民起廬舍其中東郡白馬
 黎陽故大隄皆數重民居其間其制頗與院同蓋自漢
 已然矣漢唐以來沔隄修廢無所於攷五代時高季興
 節度荆南築隄以障漢水自荆門綠麻山至潛江延互
 百三十里因名高氏隄而江隄亦自監利東接漢陽長
 百數十里不知何時所築名長官隄沔河皆賴焉宋乾道
 七年湖北漕臣李燾請修江陵潛江里社虎渡二堤詔
 明年修築紹興二十八年監察御史都民望言江陵東
 沿江北岸古隄名曰黃潭建炎開邑官開決引江水為
 險阻以禦盜既而夏潦漲溢荆南復州千餘里皆被其

沔陽州志卷八

害近因民訴始塞之乞令縣官隨方修補從之元季沔
 乘兵燹之後人物凋謝土地荒蕪明興江漢既平民稍
 墾田修隄是時法禁明白人力齊壹隄防堅厚湖河廣
 深又院少地曠水至即漫衍有所停洩賈讓所謂大川
 無防小水得入陂障卑下以為汗澤使秋水多得有所
 休息左右游波寬緩而不迫是也故自洪武迄成化初
 水患頗寧其後佃民估客日益萃聚開田隙上易於購
 致稍稍墾闢歲月寢久因攘為業又湖田未嘗稅畝或
 田連數十里而租不數斛客民利之多瀕河為隄以自
 固家富力強則又增修之民田稅多徭重丁口單寡其
 隄壞者多不能復修雖院必有長以統丁夫主修葺然

法久弊滋修或不以時故土未堅實丁夫或非其數故
工尙鹵莽夫院益多水益迫客隄益高主隄益卑放水
至不得寬緩湍怒迅激勢必衝嚙主隄先受其害由是
言之客不惟侵利且貽之害也然大水驟至汎濫洶湧
主客之院皆爲波濤雖日主害亦匪客便也故漢書曰
左隄強則右隄傷左右俱強則下方傷其謂此歟賈讓
曰隄防之作近起戰國雍防百川以自利齊與趙魏以
河爲境趙魏灑山齊地卑下作隄去河二十五里河水
東抵齊隄則西泛趙魏趙魏亦爲隄去河二十五里雖
非其正水尙有所游盪時至而去則填淤肥美民耕田
之或久無害稍築室宅遂成聚落時至漂沒則更起隄

河陽州志卷八

三

防以自救稍去其城郭排水澤而居湛溺自其宜也其
事頗類於河成化甲午弘治庚申水大漲正德丙子復
漲丁丑如之皆乘舟入城市隄防悉沈於淵民淺者爲
棧深者爲巢飄風劇雨長波巨濤煙火斷絕哀號相聞
湛溺死者動以千數不特漂沒田廬而已此則民救死
而不免也何有於隄防哉故河民之儆始於成化極於
正德瘡痍至今未之復也其後都御史秦金布政使周
季鳳以江水常決監利之車木隄漢水常決潛江之班
家隄俱修之其丈以千百計然未能高堅水至卽崩弛
嘉靖甲申知州儲洵以河之利害莫大於隄防博求遠
訪具知其要害迺上疏曰臣聞禦患不救其源則勞於

爲役而儆壞日甚計大事或惜其小則功未及成而併
棄其初未有慮之不深圖之不固而能興可大可久之
利者也臣待罪河陽伏見其地南臨大江北枕襄漢西
南二百里至監利西北二百里至潛江北二百里至景
陵東北二百里至漢川地勢卑窪湖泊相連正繫江漢
下流原無岡阜障蔽諸水奔赴若就大壑民田惟土築
圩院防衛耕種成化弘治開湖地深廣隄防堅固雖遇
江漢水發易於防洩爲害未深自正德十一年大水
泛溢南北江襄大隄衝崩湖河淤淺水道閉塞院堞倒
塌田地荒蕪卽今十數年來水患無歲無之上厯聖慮
曲荷拯援賑貸蠲租恩至渥矣臣惟重厚之澤豈宜履

河陽州志卷八

四

覬而思患預防尤貴及時且江漢之水每春夏之交鮮
不溢發使沿邊之地漫無防護徒於諸院小小補塞則
高水湍悍勢若土崩至則衝突何功之有臣聞南自監
利車木隄水口衝塌每遇川江水發不惟其縣受害而
河陽後渚茅埠凡一十六村熊家潭潭凡四十餘院稅
糧八千餘石高低淹沒尺土不堪耕種自潛江排沙頭
班家灣新開便河及河陽石牌鋪諸處水口衝塌每遇
襄漢水發則潛江景陵二縣河陽深江西范凡二十七
村蓮河柘樹凡七十餘院稅糧一萬五千餘石亦無尺
土耕種加以房屋漂流牲畜溺死巢居野處動經屢月
束手就斃言之痛心前隄雖屢經撫按遣官修築但地

方廣遠工力繁鉅增卑培薄易就傾瀉以臣觀之大患之後弊壞已極使非補天之功而欲禦建瓴之勢吾民不爲魚鼈鮮矣伏望聖慈軫念生民憂患勅下戶部查照蘇松修舉水利故事轉行湖廣撫按並提督水利諸臣酌量計議遣官隨地相度大江則自監利而下以及沔陽襄河則自安陸而下以至漢川大約俱不過三百里之地沿邊隄岸何處可以仍舊何處可以增修如車木隄排沙頭班家灣潛江新河諸處尤爲上流利害切要之地若舊堤不堪繕整客士卒難堅固則移入近裏或數百步或半里許度地形之高卑驗水勢之緩急創築新隄委曲延袤務使高厚堅完水堪障蔽雖遇水發

河陽州志卷八

五

不致衝漫如礙有糧田土勘實奏免非如虛當勞費所謂漢人治河之下策斯善矣然修築事宜工力頗繁卽今民窮財盡若復越外取給則患未及除而首先受弊益其狼狽耳臣愚伏請查撥均州香錢或支借司庫官銀或將沔陽監利潛江景陵起運稅糧每石連耗徵銀壹兩比照災傷之例免解本色每石準銀陸錢解京其餘扣留在官以備雇募工食之費仍候秋冬農隙每州縣起夫各數百名併力修築量支口糧卽充賑給庶公私兼舉力役易完從前沮洳盡成膏腴稅糧有資耕治不廢方千里之民受無窮之利轉災爲福端在于此矣臣又聞之宋臣張綸之爲發運也以通泰海州皆瀕海

潮水日至城下川土斥鹵不堪稼穡請築捍海隄於三州之境長數百里以衛民田朝議從之踰年堰成不惟當時民享其利至今通泰楚海迄無風濤之患其利溥矣况今所奏比之捍海之役其易十倍功力之費視一十不變法況法不必變而受利什百寧忍坐視患害而莫之救哉疏奏事下撫按舉行會洵遷官而都御史黃衷合藩臬諸臣議以工大費冗且時已迫猝難盡舉按察副使劉士元建議龍淵而下凡九區爲要衝宜先事其事洪復益以滄浪而下凡五區於是龍淵花墳牛埠

河陽州志卷八

六

竹林西流平放水洪茅埠玉沙瀕江者爲隄統萬有餘丈大小朱家滄浪南池瀕漢者爲隄統幾萬丈敘嘗爲在漢津之碑記於是洵之策雖未盡行而江漢頗有所捍明年丙戌夏四月江溢至于六月五月漢溢六月連溢加盈焉秋七月復溢如初沔賴以完而百穀用登斯亦洵策之效也未幾潛江河害城邑縣官奏開新河以殺之謂之恩江於是河益猛迅如建瓴然而班家諸隄直擣峻衝沔民憂惶請罷其役而潛人以縣治危迫必欲濬之潛沔交爭如訟後其河隨淤水爲不流嘉靖庚寅漢水決拖船埠西湖水溢沔之西北遂爲巨浸知州曾儲判官蔣賢因塞之洵之疏卒無施行者

長官隄在州百石院隄在州北總隄在江隄高隄

即復州故永豐隄在縣護城古隄在縣西南宣德中委

城今為隄弘治中知縣端俱復修周公隄在縣南自東尾至南黃

祭酒鐸家食時有詩記周公隄在縣南自東尾至南黃

弘治中知縣古隄在縣南自東尾至南黃

端築之因名古隄在縣南自東尾至南黃

班所築以防便隄在縣南自東尾至南黃

京山山水便隄在縣南自東尾至南黃

史敘曰昔者先王不防川不寶澤是故水土演而民用

足也班固謂經無隄防壅塞之文以為起於戰國然禹

陂障九澤而單襄公亦云陳之澤不陂障則其事又先

王之制矣夫疏河濬川所以豐物也湮庫塞沃所以防

盜也沔之水患無歲無之非有隄防不其魚乎洵之疏

賈讓之上策也其為沔慮詳矣舉而行之無難也郡之

利害余故備論之

河陽州志卷八

七

贊曰雲夢瀦澤江漢匯流溢決為沔隄防肇修捍彼洪
波壑茲良疇博哉洵疏惠我民休

沔陽州志卷八

盧靖校刊

沔陽童承敘

食貨

夏荊州厥土惟泥塗厥田惟下中

周荊州其民一男二女其畜宜鳥獸其穀宜稻

漢晉並

南宋景陵郡戶八千五百九十有一口萬四千三百七十有五

十有五

隋沔陽郡戶四萬千七百十有四

唐復州戶八千二百有十口四萬四千八百八十有五

宋史

沔陽州志卷九

元復州戶萬七千七百六十有六口三萬九百五十有五

五

明沔陽州

附景陵

高皇帝朝辛未

州戶七千五百七十有二軍五千九百二十有一民

十有口四萬七千四百有十男二萬三千一百有九

田地三千九百四十有一頃六畝二分官三十有六

二分民三千九百四頃有九十畝縣戶四千七百有二十軍四千三百

百八十四有二雜口二萬三千六百十有九男萬一千

女萬二千一田地三千八百九十有五頃五十有四

畝四分官三十有四頃七十有六畝三分

戶口田地之數前此可稽者如是而止後乎此則具在版策而登耗之數踰十年或不能齊故詳書之而其增其減咸以是歲為准云

文皇帝朝癸未

州戶減九十七軍五千八百有六十民九口減五百

三十有七男二萬三千有五百五十二女田地增三

百七十有五頃十有二畝五分官數如辛未民四千

分縣戶減千九十有一軍三千三百九十有三民口

減千五百有十男萬五百有一女田地增三十一頃

十有三畝九分官五十一頃六十四畝五分民三

壬辰州戶減二百十有七軍五千八百二十有三雜役六百

八口減二千二十有一男二萬二千四百九十有九田

地增三百七十有六頃六十有二畝五分官如前民

八十有一頃五分縣戶減七百六十軍三千七百二十

有十雜役百口減百八十有七男萬二千四百有六十田

地增百三十有八頃九十有九畝九分官五十四頃

七分民三千九百有八十頃二十畝六分

壬寅州戶減三百二十有四軍五千七百九十有七

六口減八千九十有五男二萬一千三百有十田地

增三百八十有七頃十有六畝五分官如前民四千

頃六畝縣戶減五百七十有六軍三千八百六十有

役百二口增九百三十有六男萬四千八百三十有九

田地增二十九頃四十有八畝九分官五十四頃三民三千八百七十頃六十有五畝四分
章皇帝朝壬辰

州戶減四百有七軍五千七百四十有三民七口減九千七百四十有二男二萬四千四百有六女田地增三百八十有七頃十有六畝五分官如前民四千頭六畝 縣戶減五百軍三千九百四十有二民百五分 增七百三十男萬三千六百有九 田地增百十有八頃九十有一畝六分官五十四頃七十有一畝九分九畝
五分
睿皇帝朝壬戌

河陽州志卷九

三

州戶減四百九十有六軍五千六百七十有八民二口減萬二千五百五十有四男二萬一千四百一十有五 田地增四百五十有一頃二十七畝六分官如前
三百五十有六頃 縣戶減千五百四十有三軍二千
十有七畝六分 縣戶減千五百四十有三軍二千
十有五民百 口減二千二百二十有四男萬一千七
二百有八 田地增三百五十有八頃十有七畝官五
十有一畝九分民四千九百九 十有八頃九十有九畝五分
景皇帝朝壬申

州戶減六百四十軍五千五百三十有九民七百
減萬二千六百八十有一男二萬三千六百六十有
地增四百七十有八頃九十有七畝九分官如前民

八十有三頃八縣戶減千五百四十有四軍二千七十

睿皇帝朝壬午

州戶減六百五十有一軍五千四百四十有五民八
三口減萬二千二百十有八男二萬二千七百八十
十有 田地增四百八十有九頃八十有二畝四分官
十七頃二十有四畝一分民四千 縣戶減千三百五
十有七軍二千九百五十有三民二百 口增二千八
百八十有一男萬四千三百七十 田地增三百三十

河陽州志卷九

四

有六頃六十有九畝二分官五十二頃七十有三畝
九頃五分
純皇帝朝壬辰

州戶減五百八十有七軍五千四百四十有五民九
三口減萬二千三百十有七男二萬二千七百三十
十有 田地增四百九十有七頃五十有四畝七分三
釐官民 縣戶減七百九十有一軍二千七百六十有三
雜役五百 口增七千二百九十有三男女 田地增百
一十有二頃九十有七畝五分七釐官五十一頃六
民三千九百五十有六頃八 十有七畝四分七釐五毫
壬寅

敬皇帝朝壬子

壬戌州戶減千三百八十有九軍民雜口減九千七

百六十有五男二萬四千五百有一女田地增五百

十頃二十有三畝三分七釐五毫官數如辛未民四

十有三畝三縣關

毅皇帝朝壬申

州戶減八百二十有九軍三千三百十有八民二千

九十有口減八千五百有三男二萬五千二百四十有

六田地增五百十有一頃十有八畝八分一釐五毫

官如前民四千四百十有縣戶減七百九十軍民雜

口數如田地數亦如

沔陽州志卷九

五

肅皇帝朝壬午

州戶減五百二十軍三千三百十有七民二千九百

口減八千九百九十有四男二萬五千三百四十有六

田地增五百十有一頃三十有二畝七分七釐五毫

官如前民四千四百十有六頃縣戶減四百九十有

六軍二千八百二十有八民八百五口增萬五千六十有

九男二萬三千八百有八田地增百三十二頃六十

八畝一分官五千一百一十八頃六十四畝五分民

賦

洪武州稅大麥折米五十有九石四斗八升三合小麥

一百石四斗九合米六百二十石三斗二升九合糧

米正耗一萬七千一百十有九石三斗八升七合黃

豆七百二十有九石九斗九升二合縣稅小麥六石

二升九合米四百一石四斗六升五合南絲一百七

斤一兩一錢八分農桑絲十有四斤一兩二錢米二

萬一千八百四十有四石三斗八升五合黃豆五十

有五石八斗七升六合芝蔴五石一斗六升一合

永樂元年州糧米增六石七斗九升縣稅米增四石八

斗南絲增一斤九兩一錢七分農桑絲增三兩三錢

二分糧米增四百七十石六斗二升二合

十年州糧米增七十四石二斗三升三合縣糧米增一

百二十石二斗五合黃豆增九斗一升

沔陽州志卷九

六

二十年縣稅小麥增三斗九合米增一石一斗四合農

桑絲增三兩七錢一分糧米增五十七石七斗一升

二合黃豆增三石一斗四升一合芝蔴增一石二升

三合

宣德州稅大麥折米減二斗八升九合糧米減一百四

十石六斗一升六合黃豆減二斗九合縣稅小麥減

一斗九合米減一石一斗四合南絲增一兩九分農

桑絲減二兩五錢二分糧米增四十四石二升三合

黃豆減一石一斗七升六合芝蔴減八升一合

正統州糧米增一百五十有三石七斗五升一合縣稅

小麥增一升九合米增七斗一升八合南絲增三兩

九錢七分農桑絲增四兩三分糧米增九百八十石
九斗二合黃豆減一斗三升二合芝蔴增二升六合
景泰州糧米增七十有六石三斗七升五合縣稅小麥
增一斗米增六石六斗八合南絲增六錢一分農桑
絲減三兩四錢五分糧米減九十有二石四斗八升
五合黃豆減四石九斗三升七合
天順州糧米增三十有六石五斗四升五合黃豆增二
斗九合縣稅小麥增六斗五升六合米增二斗七升
五合南絲增三兩三錢八分農桑絲增七兩三錢九
分糧米減二百十有七石一斗四升五合黃豆增五
石七斗八升二合芝蔴增四斗四合

河陽州志卷九

七

成化缺

弘治十五年州稅米六百七十有九石五斗二升四合
小麥一百石四斗九合農桑絲十五斤十五兩三錢
四分糧米一萬七千三百九十石六斗五升七合黃
豆七百二十九石九斗四升四合縣缺
正德七年州稅米增六斗七升四合糧米增一石六斗
五升二合縣稅米增六石四斗五升七合南絲增一
十一斤五錢五分二釐農桑絲增三兩四錢四分糧
米增四百九十七石四斗六升八合黃豆減一斗九
升三合

嘉靖元年州稅小麥增四斗三升二合縣糧米增四百

九十八石五斗一升

貢州天鷲六十有五雁三十有五鹿皮二百鹿皮二十
獐皮百有四十花貓皮十有五狗獾皮五十有五香
貓皮三十獾皮二十雁翎六千鴨翎萬有二千段匹
五十有二各弓百有二十絃六百箭三萬九千縣天
鷲四十有五雁三十有五鹿皮百鹿皮八獐皮百三
十有二花貓皮二十狗獾皮二十有六香貓皮二十
有二獾皮十有二雁翎一萬二千鴨翎一萬段疋二
十有三各弓五十有四絃二百六十有五箭萬七千
三百三十有三

河陽州志卷九

八

課州酒醋油榨房地賃鈔通二百二十有六貫歲椎商
鈔二萬二千三百六十有四貫八百三十文歲徵魚
課鈔舊額十有五萬七千九百五十有六貫八百五
十文永樂七年老軍額外開辦魚課鈔四萬四千一
百六十有三貫二百三十文蓮子課鈔九百二十有
四貫四百四十文菱角課鈔四十貫魚油二萬七百
五十斤八兩魚鱉二千三百六十有九斤十四兩黃
麻七萬五千四百十有七斤白麻二萬七千五百八
十有二斤鷲翎三十有五萬九千八十有二根鴈翎
十萬六千九百三十有五根鴨翎二十二萬一千二
百六十有五根縣酒油榨紙鈔二百七十貫四百文
房地賃鈔一百三十貫二百五十文歲徵商鈔七千

五百九十有三貫二百三十文

庸調州銀差歲千六百三兩六錢

京解富戶三人人銀二兩合六兩 濟邊弓兵十有六人人銀四兩合六十兩

四兩以上起運

顯陵祠祭署奉祀柴薪一人遇閏加編

鄂府奉祀副柴薪二人人銀十二兩合二兩 布政司京解

一人銀三兩 分巡道書吏廩給二人人銀四十三兩二錢

錢 皂隸十二人人銀七兩二錢合 門子二人人銀七兩

合十四錢 廚子二人人銀三兩合六兩 守備太監府

皂隸一人遇閏加編 本府柴薪七人人銀十二兩 知

事照磨馬夫各十人人銀四兩 推官門子一人人銀六兩

河陽州志卷九

九

閏加 府堂皂隸六人管糧廳一人理刑廳二人人銀

合五十兩 照磨檢校各二人人銀五兩合二十兩 預備倉

斗級半名銀十兩 刑儀庫子六人人銀十二兩 禁子五

人人銀十兩 儒學膳夫六人人銀十兩 歲貢銀每年

兩以上 鄧東驛支應庫子一人人銀三十二兩 館夫二人

俱本府 石城驛支應庫子三人共銀一百兩 本州

知州同知柴薪各四人判官吏日各二人人銀十二兩

十四兩遇 知州同知判官吏日馬夫各十人人銀四兩

閏加編 庫子二人人銀二十四兩 孤老五人人銀三錢

錢 儒學齋夫八人人銀十二兩合九兩 膳夫六人人銀

合六兩

先師廟祭共銀四兩 啟聖祠祭共銀八兩 鄉賢名宦二祠

各祭共銀七兩 山川壇祭共銀四兩 社稷壇祭共銀

十兩 郡屬壇祭共銀八兩 文廟明倫堂啟聖鄉賢名宦

祠門子一人人銀四兩 鄉飲共銀二兩 歲貢盤纏銀三

十兩四年三貢每年銀二十二兩 五錢以上存留

力差歲八百二十五兩六錢

本州知州門子二人同知判官吏目各一人人銀五兩

十五兩遇 知州皂隸十三人人銀六兩合 同知判官

各四人吏目二人人銀五兩合五兩 禁子六人人銀九兩

十四兩 預備倉斗級二人人銀四兩 永豐倉斗級三

人人銀十兩 儒學門子四人人銀五兩合二兩 祭器庫

河陽州志卷九

十

子一人人銀三兩 分司公館到河公館門子各一人人銀

四錢合四兩 州前等鋪司兵三十七人人銀五兩合 密

頭等鋪十二人人銀三兩合 裴家等鋪五人人銀二兩

兩 茅鎮巡司弓兵三十二人沙鎮二十四人分鹽巡

司十人人銀四兩合二百六 漢津浮橋夫四人人銀

合八兩 南黃渡夫一人人銀三兩 朱家池麻纒呂公三潭各

三人人銀一兩六錢 尖刀嘴南北二岸麻港西門子

橫溝子各一人人銀二兩 縣缺

河之徭徭往多繁重嘉靖乙酉都御史黃衷副使劉士

元稍增損行之州省銀二百六十有六兩縣省銀八

百九十有四兩其增者纔一二耳故余因備述之曰

減日增皆別夫舊也役民者守而勿失亦畫一之法
矣然州縣之徭歲役一甲里之甲十率十歲而一週
弘治間知州董傑病其重也迺令歲役二甲以分其
勞嗣是者不之察老吏黠胥因以爲奸兩甲之役無
復裁省故民未及紓而反加之頻往役者久亦因仍
爲常雖良守宰竟弗之變老弱轉徙邑里蕭條人皆
莫知其坐此也語曰法立久而弊生今豈待久哉然
傑之法意在安養使役民者盡傑也亦無弗可者顧
卒歸於弊豈傑之罪哉

物產五穀多稻多菽有黍有稷有麥有蕎有粟
菜多萹蒿多芹多苻多菱多芡多荻牙多蘆笋

河陽州志卷九

十二

藥有南星有半夏有香附多充蔚益母草多瓜萹有牽牛

有枸杞有桑白皮有草麻有艾有車前子

果多蓮的多藕多菱有苳蓀多葶薺

花多荷

木多楊多柳有竹

草多木棉有苧有蔴有蘋多藻有蘩多龍草多葦多芡

荻多蒲多青蒿多茅

鳥有鷺多鴈有鴛鴦多水鴨有天鷺有鶴有鶩多鸕鶿

多谷雞多鶻多鷓鴣有青鶴有靈雞有鶻有鶩有

鶻似鴨而小者有雉鳩有鶩多鳧多鷺有鶻

獸多獾多獐多兔多獾

鱗多鯉多鯽多鰱多鱖多鮪有鮠有鯨多鱣多鱉
多鱖有鮎有鯊有鮓有鱧多黃骨多鰻多鱒多鯪

介有龜多鼈有龜有鼈多螺多蚌多蝦

蟲有蠶有蜈蚣多蛙有蝸牛有蚱蜢多蜻蜓多螢有科

斗有蛇有沙雞有蛭多蚊

相如賦雲夢方九百里其南則平原廣澤登降陁靡

案衍壇曼緣以大江限以巫山其高燥則生箴蘄苞

荔薜莎青蘋其卑溼則生葳蕤蒹葭東薔雕胡蓮藕

菰蘆菴蘭軒芋其中則有神龜蛟鼉瑇瑁鼈龜自今

視之大抵同也然河水澤也故禽獸草木皆多水族

其餘率同他方不復備紀景陵多陸少水故其陸產

河陽州志卷九

十三

頗同於州而水族差少云

史敘曰河地窪澤鍾故歲恆凶頻歉少穰故民恆瘠然

湖多易淤土曠易墾食物旋給他方之民萃焉而江之

右爲甚疆者侵產弱者就食故客常浮於主然客無定

籍而湖田又不稅畝故有疆壯盈室而不入版圖阡陌

徧野而不出租糧者民丁口單寡田地汙萊則至於鬻

妻子死桎梏而不能免也傳曰不患寡而患不均此非

不均之甚乎夫天下無無籍之民亦無無稅之田也今

使客丁必登籍而復其常役則口增而民徭之偏重可

省也湖田必稅畝而修其常貢則賦增而民租之積逋

可殺也如是主不常貧而客亦可以久富民不寡而力

且均矣比者詔令均田河南北皆便之河之平行猶中
土也獨不可均歟至於民數則其多寡歲非不覈也而
聚落日蕃盡爲逋藪版圖日耗幾爲鬼錄可勝憾哉或
謂民無兩籍地無兩賦客之系非不曰某郡縣也湖之
租非不曰某河泊也不知旣已樹桑梓開畝畝矣尙可
泥於鄉土同於湖澤乎況彼籍易竄此籍易匿湖租常
少田租常多變易生死規避重輕其弊豈一日之積哉
夫無籍游民也無稅間日也二者惟河爲多而其增其
殺興利滯弊非良有司莫能調停矣

贊日水衍陸饒地廣物豐客浮主瘠潦頻歲凶生齒耗
數征權困窮均財齊力弊剗利鍾

沔陽童承敘

秩祀

先師廟見儒學

啟聖公祠見儒學

社稷壇在州北漕河地洿下迫民舍垣屋頽毀羊豕多

踐其中莫之與禁也敘嘗言之州

風雲雷雨山川壇在州南郭逾河垣屋亦毀所存惟樹

木而已

景陵社稷壇在縣西北

風雲雷雨山川壇在縣南皆成化間今並毀弗葺矣

沔陽州志卷十

城隍廟舊在州西南兵燬乃遷東北洪武庚戌再遷於

東有堂有東西序有重門天順辛巳知州立成化庚

景陵城隍廟在縣東南制如州而頗宏國初甲辰指揮

郡縣繼宗丙午縮弘治辛酉端募民倪俊次第修

郡厲壇在漕河北

景陵邑厲壇在北郭


里社鄉厲壇並廢

名宦祠

鄉賢祠並建儒學

馬侯廟在州西北五里祀漢伏波將軍新息侯援廟後

同知沈友儒建平政廳多所題詠今廢廟之建無考按



沔陽輒禱之洪武庚戌郡衛增修歲久頽正德間知州
蛟龍幻風雨祭罷鳥驚窺廟烟濤聲野色自今昔蠻
鼓夷歌還歲年椒房薏苡不獨苦落日含悲迴舸船
景陵諸葛廟在上白湖村十有五里祀漢忠武侯亮廟
已久正德間知州咸重建舉人鐸詩與復忠誠天未從
登祠千載思重重憑誰檢點先生後還有何人是卧龍
以上俱載祀典其諸祠宇建自往昔民祀已久者亦列
焉不經者置之

伏羲廟在縣五華山麓宋胡寅記古祭法之義有報而
德莫盛於五帝而范義為首蓋三千餘歲於茲矣景陵
廟祀未詳肇始考聖德之所建萬世依被而不能違則
有民者亦何可而不祀耶昔司馬遷作本紀列黃帝顓
辛堯舜五人焉其言曰孔子所告宰予儒者或不傳及
春秋國語發明五帝德繫姓章矣書欽有間乃時時見
於他說善乎宏人論曰判古者之昏當折衷於仲尼繫
易歷敘制器致用兼濟生民者獨稱羲農黃帝堯舜氏
蓋以為五帝也而額幸無闕焉太史公所載特形容之

沔陽州志卷十

二

虛語爾鳥得與羲農比哉豈遷自見於尚書之斷自唐
堯而無見於易之首稱庖羲歟故凡人論道義事一折
衷於仲尼則無失若置仲尼而取史籍所載及他說為
據未有能臻其當也然則今羲為帝首蓋祖諸仲尼耳
謹按庖羲風姓生於成紀日華胥推木德繼天而王
號曰太昊都於宛丘河中龍馬負圖帝乃則之畫八卦
分三才通神明之德類萬物之情以著開物成務之道
龜為卜著為筮時當洪荒人民雖野禽獸同居未知倫
理養生帝始推擇聖賢可共代天工者得金提鳥明視
默紀通眾陽侯以為輔佐始有書契代結繩之政建官
分職以龍紀昭布天下統民治事始教民稼穡用儷皮
為禮始教民作網罟佃漁養馬牛羊豕狗雞充庖廚薦
神祇在位百有十年羣生和洽各安其性民到于今蒙
賴日用之實非虛語也所謂盛德矣哉是宜載之祀典
昭其報于罔極矣嗚乎漢唐而後道荷不與明異端並
俚淫祠巫祝所託以竊衣食者則相與推尊祇奉徽冀
福利至於古先聖帝明王有功有德仁人義士扶世道
民不可忘也則或湮沒而莫之承或文具而莫知其享
郡邑長吏政教不美感傷和氣一有木旱蟲火之災願
汲汲然族籍族黃孽踞拜跪諸偶像適會災變自止
因即以為土木之賜讓禱之效日滋日述正理大壞復

州雋侯惟正秉心純樸民惠在郡三歲人相年豐會紹
興十二年合官教令詔長史修繕境內祠廟侯曰莫先
於庖義氏矣為工開矣肅給告成有享報之誠心無希
望之謂意庶幾於知古道闕俗失良二千石也乃推明
帝德之木列號之正經史之

神農廟在五華山臨津門按二廟不詳其始故志以縣

也故志景陵有古帝王之神二然則所從來久矣

令尹子文廟在縣官城村華池成化癸卯知縣縮重建

文廟在官城村之華池歲久垣屋頽圯饗祀遂廢縮來

知縣事乃復構堂而尊焉夫春秋仲運人物中衰較窮

通而分物我者滔滔皆是惟子文為楚令尹三仕三已

無喜愠色且必以舊政為新令尹告焉吾夫子所以許

其忠也嗚呼若子文者其類波中之砥柱乎使後世之

人聞其風而興起焉忠者不忠者怨是亦有功於名

教也廟祀可已乎哉乃敢以祀之日茲之流今百折而

東公之心兮百已而忠東公歸詩兮忠心起千載之風

白起廟在縣白雲三汊口按史記起為秦將昭王二十

九年起及楚拔郢燒夷陵遂

東至竟陵故立廟然起殺已降不武之甚況

秦為暴起實為之無功於竟陵不當祀也

劉先主廟在縣留駕河

關羽廟在州城隍廟東即廢行用庫郡人數葺焉香火

郡人以歲五月十三日為侯誕先期昇侯出周行坊市

或入官民家各以牲醴甚為侯慶也元大德十一年廟

災侯像獨存民嘆異時當

陽尹崔舉至河目睹其事

景陵關羽廟在縣南城上國初甲辰指揮琛創久而毀

廟並武侯廟未詳祠祀之故按三國志先主長坂之敗

斜趨漢津與羽船會得濟河復因有赤壁之捷故今有

留駕河況先主救荆川亮羽皆留守茲土河

鍾太守生祠在州滄浪為知州順

孫太守衍祠在上關大學士張治記

西廟在縣西五里故志洪武辛亥欽改景陵土地之神

其祀莫詳伊始欽改之說縣官循襲

每春秋必往成禮書之俟詳考也

老釋之宮非秩祀也然名鄉顯士篇什存焉況其名稱

亦有足為輿地之證者故附著之其廢不存者不暇書

也

寺州報恩在城東隅僧正道潤重修尙書傅頤記河陽

阜可以縱登陟而騁眺望獨報恩寺據州治東南臺突

然隆起與城雉廣二尋袤僅廣之半凡登其臺者北瞻

鄂襄則透迤京國之通衢也南矚荆岳則浩渺洞庭之

巨浸也東望九真則沱潛之眾流匯焉西連三峽則巴

蜀之重險峙焉臺上舊有寺元末兵毀我國朝武成

辰創建茲宇賜今名設僧正司置僧正一員以領司事

成化戊戌僧正行昕重建殿日大雄高七丈殿之前為

觀音閣閣起平地不及殿二丈臺左右為僧寮閣前纔

數武即為大門嘉靖癸卯僧道潤授僧正慨寺地之

淺隘與殿臺傾圮有開拓改作之志會荆西新設守巡

而青陽雙華柯公喬適奉敕以愈憲開府是郡道潤請

於公於寺址之前展地十有餘丈以舊門為天王殿殿

稍前分鑿兩池中贊砌為橋橋上建鑿心亭又前為山

門深邃幽奧望之若化城仙島焉道潤復捐貲於閣前

之右偏隙地建僧正司一所方丈皆南向禪室旅館苑

革鍾磬靡不畢具迨已未而工完殿閣廊廡煥然改觀

足稱叢林佛地乃兩狀京師乞余為紀其事余時貳刑

曹旁午無暇辛酉得請歸漢津道潤復申乞且懇余灌

園雖暇而習懶成性益慵於筆研兼生不喜作浮屠

文字去年閑又頹道潤重募材新之今夏苦熱余借表

兄陳憲副登閣避暑道潤復請以閣記屬表兄仍以

先記屬余乃呼其徒眾而告之日爾知聖朝所以建立

斯寺與檀越所以崇奉斯佛之意乎夫殿閣之費不下

數千金而環寺之內費亦稱是即使奉徵發督以官府

繩以鞭扑經時閱歲而不可就乃今一行者持疏振鐸

走市塵村落之間不數月而材木積山粟谷盈庾磚石

填壑工匠塞門婦人女子亦各出所有施舍恐後備人

無錐地石儲趨走供役不敢受直是何也蓋忱於輪迴

果報之說凡以求福田利益已耳聖祖知民意所嚮故

假以設教取東渡以來利根上至能持戒說法者視為

師祖隆其宇使望者作肅異其像使瞻者起敬禁殺戮

之所不能禁化刑罰之所不能化相勸以善緣同躋於

壽域百姓圍於其中亦油油然不自知其共歸慈孝以

成熙皞之治是聖祖亦凡以為民也爾眾不耕而食不

河陽州志卷十

四

織而衣不傲屋而安居不他營而有餘資試觀四民中
誰復有若爾眾者耶爾師本以慈悲方便濟人為務苟
有利於天下身且可捨今爾眾願不能濟人而獨先受
人之濟其何以報而無歉也哉無亦思爾師之教與爾
眾之所當事者乎夫見性成佛爾師之教也由漸入頓
爾師之所當事也夙夜惕勵深澤色身釋法寶之指
以希達摩之業俾人人自求多福則爾眾可以入七佛
而七六福人且將崇奉之固未淨徒日能禮誦焚修猶
奚以爲泰若五蘊未空六根未淨徒日能禮誦焚修猶
爲爾教之業障耳徒眾未空六根未淨徒日能禮誦焚修猶
付道觀之業障耳徒眾未空六根未淨徒日能禮誦焚修猶
塔影連雲穿樹杪鐘聲和雨出城頭借閑慣聽三軍說
耽靜頻乘五馬遊何用更尋天竺去人間此地欲清幽
學正順塔影城頭出江流越外分登臨高可近鍾磬
下方開塔影城頭出江流越外分登臨高可近鍾磬
斜曛雙塔影詩城東面漢江西大阜高臨雉堞齊齊
宇巍峩雙塔峻海城東面漢江西大阜高臨雉堞齊齊
曉鐘聲度竹溪公暇登臨雉堞齊齊
風塵荆州仍王粲留滯海尚又賈生遠浦漁歌催雙
空江木葉送潮聲逢迎幸不妨詩律潦倒那堪適宦情
九日寺閣二首可怪青蓮宇黃花出檻齊芳尊秋雨聯

河陽州志卷十

五

飛閣楚雲西池迥諸天合江寒一鴈低不知歸計晚乘
月漫留題又昔有龍山飲今稱鶯嶺遊菊依僧磬發杯
爲閣雲留霧雨江增色風塵客散愁悠然憶山簡醉擬
騎鶴雙來吟細雪鳴鐘無那送黃昏朔雲故故當窗白
南兵部員外前知州徐威祇將風景絕不知梅發漢江村
月尚餘寒荆南舊客驚重到河上新題喜乍看檀板清
尊清壘綠波芳草路漫漫逢人廣福在黃蓬山故志
浪說棠陰好漸愧當年亦漫官唐乾道元年馬
祖道一禪師創後永固沙口村歲晏過其地前有修
林云是永固寺不知何年建臺殿今類棄下馬覽荒跡
石碑震雷碎獨存宋遺鐘上鑄景定字塔院牛羊入朱
龕鶴雀戲諸天全碧色剝落三之二爨時祈福人歲饑
窳睡鉢塵恒苦飢徒抱西來意焚燹石蓮燈照我激清
喟航那可援瘴海德非崇異空門啟冥筌淨界參立譬
呼僧吹法螺一醒諸綠果圓海在沙湖
縣龍蓋在西湖中洲古名西塔後更廣教今名西乾明
禪有陸羽大井成化丙申知縣繼宗重建

在東湖中洲今名東廣福在西北故志泰符堅寇襄陽
禪甲辰指揮李琛立廣福朱序母張夫人躬率女丁築
城以捍陰祝日荷城不陌生靈獲全願捨景陵田白龍
園爲佛寺是夕水暴至秦兵奔潰因建此廟今廢
在五華山濼詩自龍寺倚五華山下長江抱楚關上
界藤蘿低日月暮天鐘磬送游溪石壇黯黯歸雲宿松
閣冥冥獨鶴還可訝老僧聖臺在縣南三十里有池產
無蛙鳴人以爲異舉人本潔詩自
蓮異實原無種青草同春不叫蛙
觀州玄妙在州東南宋時已爲大廟甲辰間指揮沈友
飛橋板已營寒冷落南陽昇泰主之念事願英詩霜
臨城上野湖寬木搖園野桃無種葉脫牆隈竹幾竿將
茗朝柳來道士顏公會過香霞丹知州成壇祀齊宿次
前韻柳眼東風釀小寒齋居夜坐怯衣單至誠有感神
應格公務都銷心自寬鏡裏流年雙老髮海東歸夢一
漁竿娟娟惟仙壇好樓居半地風花迥不如繞棟雲霞
皇閣詩神仙傳說好樓居半地風花迥不如繞棟雲霞
丹鼎氣滿龍龜好樓居半地風花迥不如繞棟雲霞
放鶴初黃石赤松逢未卜江天搔首對樵漁中秋翫月
晴麗中秋今古稀石壇月色迫光輝乍升丹閣浮烟細

河陽州志卷十

六

徐轉仙廊清瀟微狂客泛杯叢桂落道人吹笛紫陽在
自鸞飛霓裳坐聽雲中曲醉碧桃忘夜歸又有三色
北一名天慶故志有古鐘一口神龍問所鑄又有三色
檜宋徽宗嘗賜金字牌上刻國進神靈老柏張耒詩亭
亭古柏不知年天寶靈福在黃蓬村宋淳熙仙真在永
以前者舊傳今廢
元祐間道士張子巖建仙真與村
許元禮建
縣丹臺在縣仙真在五八卦在縣東三里石人故志
有飛昇臺煉丹井浴龜池鄉人昔日有靈必
將靈種於池中浴之其靈無不者今廢
史敘曰夫祀國之大事故恤民必先敬神然非秩而祀
者濞也祀而不致其敬者瀆也濞祀不經瀆神不享詩
曰神罔時怨神罔時憫言敬也故祭則受福
贊日明湮秩祀弗濞弗瀆俎豆笙鏞儀文徒縟享祀克
誠受茲遐福

河陽州志卷十

盧靖校刊

河陽州志卷十

七

儒學

河陽童承敘

舊河陽府學在城西南元季燬于兵遂遷東北元史至
 乙未倪文俊先後陷河陽丁酉陳友諒復起至甲辰始
 平中更兵燹凡十三年其燬與遷莫考其時郡幕戴用
 瑞蓮記易炳文家河陽孔廟後丁未瑞蓮開今蓮池在
 遷所又部使者吳彤跋洪武元年秋七月行部河陽謁
 孔子廟詣講席所坐堂茅茨
 三間則改元之前已遷矣
 國初洪武二年己酉詔建學
 五年壬子四月明年癸丑二月始相繼創廟學故志五年創
 戟門東西二齋六年創明倫九年丙辰定為州學明年丁
 堂射圃膳堂庫廚創者名缺
 知州金德復增飾之學正袁時習判官國序國初下詔
 培茅茨數楹備師生具文書而已公至使缺者完狹而
 卑者廣塔土者崇阜茅茨者瓦領壁樸者黝漆煩幕者

河陽州志卷十一

一

亢爽所至無不殫
 慮以濟其美也
 宣德正統景泰天順間知州李震鄒
 炬鍾順鄭立相繼修學正張順記自生民以來未有盛
 北洪武壬子夏四月改創大成殿及戟門廊廡祀禮
 遠廟將頹圯天順改元湖泉僉憲西蜀王宣胡灝案臨
 勸掌魚澤官出白金百餘兩命知州鍾順重起鍾去未
 落成順初來適同知潞州王達督工興作知州姚江鄭
 立繼來與達偕會完飾楹畫視堵門窗以禦風雨覆華
 蓋以障塵埃堅椽榑斗拱刻丹堊綉臺基廉級卑者崇
 十子皆木龕圓之兩廡戟門如其飾臺基廉級卑者崇
 之場者葺之至於堂齋號房庖福廚庫皆新之立與達
 知所本而重之知所本也勸焉成化九年癸巳知州呂文復
 石且為後之知所本也勸焉成化九年癸巳知州呂文復
 修禮部尚書華容黎淳記吾道在天下無古今之異惟
 之以復事既有人而遂廢得其人而復興故物不終割繼
 來學尤事之至大者乎誠得其人必至於復而加益矣
 此吾道所以有待於人也河陽建州在大江之北平西
 千里中行廣原環水作城外瀟巨浸舊學僻居州治西
 南國初洪武初徙至東北據其勝也然而地不踰四五
 畝屋不滿三十楹上漏旁穿黃流草長神罔降靈歷若

千年茲幸那家觀文成化比數年來知州延津呂侯文
 同知雷化孫侯景安州判餘姚邵侯性數君繼至成務
 與學協謀戮力乃開拓疆土加學舍掄選美材整葺殿
 堂櫺星閣門孔曼且碩副辜備器既完且堅泮水舊惟
 土塔今則琢石砌為高梁兩廡舊皆木主今皆搏土塑
 成體貌邵侯又以聖像暨四配十哲顏容剝落捐材選
 匠通繪金碧彰施五色各為木龕奉之吾道生輝益以
 亨通賢才得所遂皆盛顯真為復還而加益矣癸巳二
 月邵侯告于黎淳淳曰是常有記垂示後來淳聞古之生
 者兩膝著地因反其踵而坐于其上漢文翁興學蜀郡
 有石刻聖賢坐者皆伸兩足蓋後人為之也古之祀神
 祭五祀亦惟以人為尸耳今聖賢祀各有像設亦後
 人為之也雖然聖靈在上享于聖賢祭各有像設亦後
 敬人能以誠敬為務而躬行心學得焉則聖人如親見矣
 豈必專求諸形像哉斯舉也師得焉則聖人如親見矣
 又於諸君子有教條焉提督學校按察副使蒲田嚴公
 勸修德也諸君子有教條焉提督學校按察副使蒲田嚴公
 鄉閭壁奎天榜皆所必得進而立功名顯道德尚何難
 哉幸相其後知州孫衍彭萬里皆修至正德十年戊申知

河陽州志卷十一

二

州徐成以其敞隘迺撤而新之規模宏敞視昔倍矣
 魯鐸記惟正德甲戌河大夫徐子正大新河廟學越二
 年績用成三年學政與士人懋達取上第楚由是益名
 有材初大夫以壬申秋蒞河及期月政平民服乃遂銳
 意於教嘗臨學願瞻與嘆曰教人學孔子此其瞻依居
 養之地可令如是乎哉夫域中惟道為至大道傳於孔
 子古今惟孔子為至大是道也自天地至昆蟲草木所
 以各得自成一子為至大是道也自天地至昆蟲草木所
 與况純用之者乎斥之而禍敗叛之而死亡棄之而覆
 絕么麼不能離呼吸不得間者我國家舉帝王之政
 其修身與學士取人純用是道河為江漢間大州聖化所
 先而廟與學庫淺隘且日以敝其與夫道略不為稱如
 養士與道何既而謀之府庾無儲也或曰待諸大夫若
 事常廢於待即待之有潛為輸運者乎遂捐俸為金若
 干登役書曰我姑覆簣之效也四境感激遂生富民相
 與語於野大賈相與語於市曰吾屬小人各得其所大
 夫政理之由也大夫之政孔子之道也夫不為食吾屬
 皆有所居競相如秦越可令日飲江漢水以長我乎於
 化所居競相如秦越可令日飲江漢水以長我乎於
 儀以千數計凡木石墨丹髹髹備募皆取足焉舊貫不

仍新址崇作乃命工師傑圖式以示敦事者期極於宏壯工徒背勤效職事事故成不爽其素廟自大成殿以下為楹凡四十五尺堂高不及殿二丈而兩廡重門有一殿高七丈有五尺堂高不及殿二丈而兩廡重門也景賢祠齋宿所附於兩廡便從事也既乃據坊為三表著其東曰儲後西曰啟文又西近通衢者特曰學宮別里巷也是役也公不紀費民不知勞其材堅碩其治必精工蓋非為計於目前者費民不知勞其材堅碩其治外若仰山行其下若觀水師生交賀作氣增志駭駭而向道君子日居肆成事之喻夫豈誣哉故居是邦樂有賢大夫也大夫既既駕部學訓導徐璉從諸生王閻邵至蓋五六年前於茲矣而請益勤人之思大夫不能忘可知也予媿焉勉為記之時嘉靖及元壬午五月也大夫名咸海鹽人在正德辛未進士中其政一發實其所先謂為謀道其民亦知言矣哉十二年子知州李濂嘉靖五年戊戌按察副使劉士元十年辛卯知州曾儲俱修

河陽州志卷十一

三

文廟中為大成殿兩翼為東西廡判官樞曉各繕牆前為戟門門之前為泮池為橋開濬又前為靈星門嘉靖辛卯更日先師廟門日廟門迺易封號撤像而題以木主制也

神廚在東廡旁神庫宰牲房知州立建在東廡地今俱廢

敬聖公祠在敬一亭旁

敬一亭在明倫堂後中立御製敬一碑又東西二亭立御註五箴碑以上祠亭俱知州儲奉詔建

名宦祠鄉賢祠舊名景賢祠在兩廡下知州徐咸記以前誌籍無考自唐宋至我朝所宜奉祀者總未立祠誠一缺典也正德七年壬申咸承乏守河顧學官傾圮撤舊鼎新固已謹常祀矣因仰先哲諸公名不可泯遂於大成殿旁東廡之後禱祠三間以為崇本之所如狄公仁傑之惠愛以至王公珙之循良唐公介之善政公清如萬俟公混均役如白公景亮守城死節者施公

子仁俞公述祖也廉勤撫字者王公孟鍾公順也此則名宦之表表者又如陸公羽之清修高潔陳公嘉言之罵賊自殞虞公信之吏畏民懷此則鄉賢之表表者雖世代不同祿位不等出處不一而其賢名政蹟皆足以垂範將來夫有功德善行於茲土者當當食茲土之報此固祀典之不容已而亦有司之所當留意者也故特表而祀之祠以牲牢俾得享血食于永久庶後之作宦於本州職銜者取其一時仕于此也於鄉賢書士書他省職銜者以其生在於此也又各稱名不諱者欲人之易知也間猶有爵秩之進功業之隆不止在於河者昭布簡冊茲不復贅云嘉靖丙戌副使士元以其不當在庶從祀矣別構之可也後改設於明倫堂西分為二祠學署廟後為明倫堂堂東為興詩齋舊日西為立禮齋舊日為成樂齋舊日立教俱嘉靖堂後為茂林門舊日為成樂齋丙戌學正蓋改為齋宿所知州儲建東西尊經閣基成而遷任未果為齋宿所知州儲建東西下知州濂齋居詩絳紗圍燭夜堂深沖默端居露氣侵千古文章今夕重萬方血食後王心齋壇花發瑤琴畔

河陽州志卷十一

四

石鼓昔班班殿陰城闕漏殘西為學正宅舊在東知州星斗亂朱絃清廟聽遺音如也中有堂學堂之右為學正衙入門委巷及重門曠東為廚房西則因己卯之回祿尚缺嘉靖癸未冬予來此前守海陵儲公為予修之未幾予奉臺撤走岳之襄矣是冬十月予至自鄂適郡守天台陳公下車見之戚然命義官李相董工重修焉先是閩郡之水由衙後出淫雨則臺基沒而牆易壞茲乃疏溝于外退而築堤視地高二尺許上實土為牆延袤計四十餘丈歲盡而土功畢復於寢西建屋二間峙廚房為東西舍堂西建屋三間為讀書所前後凡十二楹丙戌春方將落之適有當道之命再為鄂渚之遊遂夏五歸因以碧芹香雨四大字扁於堂堂東半畝則綉竹為籬以種蔬就中鑿井及泉浴於名曰灌蔬泉西則新所建者時次宗少華公得古桐於鄰製六琴其一曰德音錫子載歸予嘗兀坐其中致琴膝上鼓之因以琴名亭亭之左藏書日書房右貯文卷日卷房書房之左有小門通後隙地歲久荒穢雜以瓦礫隱以蛇虺不可以處是日課小豎悉芟平之窪則洵而為池池中有臺環臺插以楊柳傍陰可風馮高可眺方石可奔臨水可釣送命之為四可臺東

西橫獨木為橋下平圓環百餘步雜蔣花木客至開門
延入長甯散步四時芬芳不絕乃題其額曰收春洞夫
一區之宅仗二公而後修經三載而後成殆非偶然者
近世士夫視公宇為傳舍去之日僅存四壁方諸魯叔
孫之館何如也因援筆預以自戒嗚呼子既知所訓導
戒後之人因子而增其不逮是又後人遺後人也訓導
宅三一在興詩齋後一在立禮齋後一在西廡後州

備東廡後為徑坊曰義路禮門學正登東為書

合十楹前為儀門又前為學門門外兩坊東曰儲俊西

日啟文俱西之南通衢中有坊曰學宮俱知州

饌堂在堂東廢倉成建在芹香亭知州衍建在

射圃射亭俱知州萬里建舊在

五清書屋在訓導宅胡廷高今未知豈是知州順詩柳

柳將雲氣沾琴几竹引煙光上畫屏日捲簾衣袂綠

河陽州志卷十一

五

六

芹泮槐陰誰種雙槐近講堂餘陰低覆讀書房綠雲遮
榻青瓊徑紅日當階翠蓋涼枝接柳營煙霧重根蟠芹
沼歲時長房中獨坐人如玉笑指花黃舉子忙湖波漾
碧花遠湖隄竹有源仙鶴聚來翔鳳沼神魚養就躍龍
門軒中獨坐人如玉擬沐洪波浩蕩恩庭草交翠芳草
春色來自佳捲簾青入讀書齋風前披拂臨池水雨後
葱蘢覆石階翠帶遙欄長綰結綠陰鋪地巧安排齊中
獨坐人如玉生竹屋在舊學正宅林士元扁今廢那人
意津津滿素懷如月光透戶白生室草色侵簾綠映書俗
中清景盡難此考亭一脈正開渠衰年向學君憐我願
眼幾何能識此考亭一脈正開渠衰年向學君憐我願
傍春風德音亭在學正宅王鑿扁嘉靖丙戌提琴鶴居
在訓導宅瑞蓮池在堂後即易炳文故居吳元年產瑞
德癸酉復產學正蓋學志吳元年瑞蓮乃
建學之兆至是再見非明年鼎建之祥乎
景陵學在城西南隅一統志宋建元至治三年亥縣尹
李修明年泰定改元甲子達魯花赤阿里名續修景

陵古復州也芹宮回闕之垣塘榭勤聖丹腹傲盡
殆盡至治三或令尹李侯主簿新將仕郎改絃易轍大
有經庭大聖殿儀仗從祀繪塑成一新工鳩秩序迨夫泰定
補先聖先哲與夫從祀繪塑成一新工鳩秩序迨夫泰定
改元達魯花赤阿里承事下車之始首以興學校為務
創建靈星列而為三左右宮牆百堵皆作又欲整泮池
復舊貫立加號碑創頌亭工起而未畢繼而令尹承
務即主簿將仕郎幸是邑協而成之是以為今之勝觀
也尹簿順帝至元四年寅河陽郡守安伯寧監縣忽都
名俱缺順帝至元四年寅河陽郡守安伯寧監縣忽都
不花教諭傳珪重建內編員數萬里荒陬僻壤無不建
學況景陵為內地其可使學宮墜荆門傳珪始至則惕然日有
居千廟學不治罰其可辭而歲稟單惡弗克究于時河
陽郡守汲郡安侯朝列行部勸課蒐剔隱伏得豪右規
占乾沒學田者八九人皆股栗喪魄被露首服視舊租
入增為石者一千四百有奇繼以監縣忽都一薪之有嚴
教諭傳珪則鳩工度材具夜晨力悉究百一新之有嚴
其門有覺其堂齋廡翼翼危廡殖殖學宮有次師生有
計筆工於至元三年十一月至元四年戊寅秋七月十

河陽州志卷十一

六

有九日壬元年兵燹洪武三年戊因故址建名正統十
子訖工元元年兵燹洪武三年戊因故址建名正統十
年寅知縣顧行教諭翁善復建景陵故有學元年燹于
兵燹聖朝更化首詔羣縣興學于時有司因其舊址創
為廟學之制而庫陋弗稱識者病焉歷數十年迄未自
能改作之者正統初知縣安福楊季安縣丞懷遠姚壽
主簿東昌喬著相與謀議各捐俸資為倡而欲輒新之
未幾季安以秩滿歸巡以致仕相繼去七年夏今知縣江
任而著復力贊其成行乃屬其邑之趨者老張從道李通
輩告以興廢舉墜之意莫不相勵而趨者老張從道李通
年秋至十年冬而後說工廟有大成殿東西兩廡學自
明倫堂時習日新兩齋咸倍于舊觀以至於大成靈星之
門神庫宰牲之所與夫會館庖廩之舍亦皆具完而規
模宏深觀與上足以安先師之神下足以居來學之士
考績于京師以成其功告而請記惟古帝王之治天
下必設庠序學校申以孝弟導而請記惟古帝王之治天
效大駭不可誣也國家自祖宗之世修明學校之政皇
帝登大寶以來學校益修幸大學以尊五帝教化之源

設憲臣以領郡邑學校之事增科額以廣求賢取士之方由是古先帝王聲教之所暨者皆建學立師幅員萬里贊舍相望何其盛也況景陵地近號為名邑而涵濡列聖之化之久者哉宜乎長邑者急所先務而察采耆老協心共成其美如此勤益加琢磨庶將見朝廷德意與邑大夫父老用心之勤益加琢磨庶將見朝廷德意出而風俗淳美實自茲始成化十六年庚子知縣姜緒撤矣可不勉哉姑記以俟

而新焉 在邑治西肇建於宋國朝洪武中始一修之百二且所當有容未備焉成化庚子陽羨侯來為是邑始至度謂先聖退即講堂聽諸生講畢聽侯來為是邑廢不以修制不以備於今皆莫能辨其始末矣

公私廩庾有餘積探時分有之力易為乃差穀詢謀鳩工慮費一撤其舊而維新之其施功則先講堂次齋館次門廡而師生次舍危燕息垣墉皆悉具獨大門前殿以工力每重殿後為其位置則殿中舊居後門前殿則二廡兩齋翼殿左右凡止基嚮皆仍舊而舊密堅牲幣之入必沿池左右乃通牲殺鑄條且無定所事神

泗陽州志卷十一

之道既缺親德之說益不聞繕於典禮有未合侯首命陶壁為橋以通繼以相度得戟門之左為神廚闢靈星迤南為射圃今廟學規制煥乎具瞻春秋俎豆夙成不遺月吉弓矢此於禮樂其闕有肇無成正罔缺如此侯誠知所先務而善為政者矣願教學條約仍就舊簡欲一置不問得乎於是復相與講求加以振作景陵之學制教令遂兩踰厥初蓋自經始至訖工為歲已三費才與力不知云幾而民無一告勞者以役使有待經畫有法而一不于厲于衰故也既而學之師生成樂其成特走書幣徵予為記惟夫王道不行于天下後世久矣所行使民復之見先王維持有志于道而無不意或議以持仆乃盡易絃誦之聲視世道之無不化而後若此吾不知其於先王所謂建國君民先國家稽古設學君子化民成俗之意果盡合否耶問有合而不一者皆未為有得於施設緩急事未集而怨謗隨之斯二者皆未為有得致歟不然學校作與不其何如也抑所謂其必由學乃能名縮字玉卿成化戊戌進士博洽多識廉正有為學道愛人具見為政若設義學復義河各有碑平市價便倉

庚皆方記又其優于仕所為者景陵茲誦弘治十二年之聲今方大振而侯之適可遠其在茲云弘治十二年己知縣周端增修之禮部左侍郎西時江張昇景陵故未我朝仍之歲久欲頌正統丙寅知縣顧行暨教諭翁善修之成化甲辰知縣姜緒又新之歲二紀有年棟宇又做瓦壁盡燬高郵周君端以鄉進士來領縣事撤舊而更治之大有八殿兩星門齋堂俱以次成諸生號地以廣之像設祭器飾造重薪僅養而有成成之歲弘治庚申正德十三年寅知縣李東修嘉靖改元壬復修七年子州判官任佃十年卯州同知歐賢署縣京山丞金文默俱修

文廟中為大成殿重建東西為廡前為戟門俱知縣前為泮池為橋又前為靈星門判官任嘉靖十年卯更定如制

泗陽州志卷十一

神廚 神庫 宰牲房 舊俱在戟門東今廢

啟聖公祠 在廟東

敬一亭 在明倫堂後同

名宦祠 在戟門東祀國朝楊季安張繼

鄉賢祠 在戟門西祀唐陸羽宋張迪張徽陳嘉言國朝魯鐸案二祠舊在縣東西知縣縮鄉賢記古之所謂鄉先生者以其可為法於鄉人鄉人法之既而猶祀之示不忘也景陵為南楚名邑代不乏人如張徽累割郡符公清運使清白至死無以治喪事是皆古人所謂鄉兩浙鹽運使清白至死無以治喪事是皆古人所謂鄉先生者鄉人乃不知祀之而使之治喪事是皆古人所謂鄉法之乎為鄉人之主而不知祀之而使之治喪事是皆古人所謂鄉車以來開闢縣志而不知祀之而使之治喪事是皆古人所謂鄉為祠而祀之庶幾諸先生千載如生繼自今鄉人拜瞻思而法之立亦未無藉于風教也

端宣德昇天順興成化斌正德涂興長江人福正統瑄
景泰鎮弘治昂正德高富壽春人晟成化鎮弘治王楨
洪武人瑛正統俊成化廣弘治朱觀廣濟人英正統晟
天順勇成化韓聰泰人景瑄弘治容弘治憲正德宗堯
嘉靖魏錦順人正福成化武弘治祿鎮撫鄧讓
武人誠承樂昂正統綱成化珊弘治百戶劉海虹人永
芳宣德鎮成化琳弘治遷嘉靖徐俊穎人永景正統鑑
成化瑛正德曹琳夏邑人楫宣德安景泰玉弘治鳳正
任瑞嘉靖趙顯肝胎人信宣德忠景泰志成化宣弘治
勇正德趙賢嘉靖王愷泗州人毛騰天長人
屯田九百四十八頃屯糧歲萬一千三百七十六石六

河陽州志卷十二 五

斗八升四合屯卒千九百有十人
歲運漕舟九十七艘官軍千五十人
戊清浪官軍二百七十有二人靈川百七十人靖州二
百五十人竹林茅埠東江腦三哨哨各五十人俱替而
代竹林茅埠皆河地成化開盜殺嘗中書撫按奏
代立東江腦漢陽地嘉靖初立棄我守彼非便也
民兵里十人凡里四十有三合四百有三十人茲以例
裁其半東江腦歲四十人
景陵百七十有五人
演武場衛一在東郭正德丁卯指州一在衛場之東嘉
甲申吏目羅廷瓚修縣一在北門外
巡檢司二茅鎮沙鎮景陵一乾鎮司置弓兵五十人舟

二器仗軍器局在州東南工七十有二人每五歲令指
揮一人掌之每季所造有函凡四有胄凡十有孤矢凡四
弦八十矢有兩凡四有銃鎗百餘四十有盾凡二畢則
貯之州以備州正德壬申新降式增減少異至嘉靖壬
午仍舊

史敘曰河地負襄郢抱荆鄂雖處僻野亦用武國也地
素庫每岷嶓水溢直接洞庭四通八達無復捍禦城瀕
河善圯巋然陂澤間初無險隘可守也范成大曰自石
首至魯洑自魯洑入沌其港僅過運河兩岸皆蘆荻支
港皆通小湖固為盜區客舟非結伴不可行由是言之
可虞者不必水溢也胡文定曰欲固上游必保漢河今

河陽州志卷十二 六

民兵脆弱又素無教養不識戰鬪所恃者衛耳然衛卒
舊四千人承平日久法禁疏闊竄易死亡已十七八今
所餘纔千人爾百戶一舊所部百人今多或三十人少
或二三人而已行伍耗斁莫此為甚而轉漕輸成歲幾
二千人官旗迫於督責則索餘丁補之家或數男子無
不服役於官至有闔門被甲胄在編伍者矣屯田雖設
率以付老弱妻孥既不能執耒秉鋤又不能具牛種則
佃之他人否則棄為汙萊故田日蕪廩日不足而士日
以敝城孤軍寡莫之與守識者憚焉敘往聞之湖南諸
衛初亦嘗漕京師後以限洞庭蠲之而併其數於湖北
是代之漕也至于戍則彼不一分焉何耶河界襄鄧風

氣近中州而靈川清浪靖州之戍遠在蠻徼中士冒霧
雨觸瘴癘多駢首死其所可虞非特鋒鏑也正德己卯
靈川師旋死者大半旅魂遙歸哭聲徧野敘所親見故
士憚遠役多道亡比至己十逸三四驅疑畏之眾犯閒
關之險帥單寡之卒備桀驁之虜彼不爲益此實爲損
殊未見其便也然戍之歸也踵未及息或轉而爲漕漕
之歸也舟未及艤或又更而爲戍故士或不識妻孥不
窺田廬倉庾空乏月支不繼師起眾動輒須稱貸少者
逾百多者逾千故河之卒盡歸於漕戍而漕戍之困今
若累癭積癰不可以一日支也湖南地接嶮峒風氣相
近且其人習虜情通鄉道是不便於漕實便於戍也夫

沔陽州志卷十一 七

漕有海運洞庭於海一杯孟爾舟檣之警非猛於蠻夷
波濤之激非毒於瘴癘彼且以險免況險於此者乎今
湖北之漕冒大江之險蹈千里之危其勢不啻洞庭也
是亦可以句免乎是故瀕山者可戍無漕瀕江者可漕
無戍各因其宜也頃者議欲分戍於湖南而併漕於湖
北如淮徐歸穎之例斯實通權達變補敝扶墜之策顧
言者未力聞者未覆卒未施行深慮長計者采用其說
匪直轉漕之便抑亦闔郡防禦之資上游保障之利也
贊曰茫茫澤國民稀土衍徒旅耗教城郭小徧漕戍既
無儲峙復鮮居安慮危處近籌遠補敝扶墜保此人險

沔陽童承敘

秩官列傳

晉李陽成帝時守竟陵成和三年從陶侃庾亮破蘇峻於石頭六年拔石虎將郭敬所陷新野及亮鎮武昌使毛寶樊峻成邠城虎惡之以夔安為大都督帥李農張貉等五萬人寇荆揚北鄙二萬騎攻邠城咸康五年九月貉陷邠城寶峻死之安進據胡亭寇江夏義陽將軍黃冲太守鄭進皆降於趙安進圍石城陽拒戰破之斬首五千餘級安乃退

鄧遐字應遠陳郡人平南將軍嶽之子也勇力絕人號

沔陽州志卷十三

為名將哀帝隆和元年守竟陵燕呂護攻洛陽桓温遣遐及北中郎將庾希帥舟師三千人守之後守襄陽沔水中有蛟常為人害遐拔劍入水蛟繞其足遐揮劍截蛟數段而出卒贈廬陵太守

羅崇海西公時守竟陵太和二年夏四月燕慕容塵寇竟陵崇擊破之又南陽督護趙弘趙億據宛城降燕崇與荆州刺史桓豁攻宛拔之留兵戍宛而還

桓石虔小字鎮惡譙國龍亢人征西大將軍開府豁之子也有才幹趨捷絕倫簡文帝時袁真以壽陽叛石虔以寧遠將軍南頓太守帥諸將攻之剋其南城又擊苻堅將王鑒於石橋獲馬五百匹除竟陵太守以父憂去

職尋而苻堅又寇淮南詔曰石虔文武器幹御戎有方古人絕哭金革弗避況在餘哀豈得辭事可投奮威將軍南平太守尋進冠軍將軍苻堅荆州刺史梁成襄陽太守闞震率眾入寇竟陵石虔與弟石民拒之賊阻激水屯管城石虔設計夜渡水既濟賊始覺力戰破之進剋管城擒震斬首七千級俘獲萬人馬數百匹牛羊千頭具裝鎧三百領成以單騎走保襄陽石虔復領河東太守進據樊城逐堅兖州刺史張崇納降二千家而還太元十三年卒追贈右將軍追論平闞震功進爵作塘侯

史敘曰石勒苻堅慕容暉并以黠胡雲擾中夏憑陵繹

沔陽州志卷十三

騷闕我疆土陽遐崇虔先後奮臂挺鋒挫敵拒制騎虜時荆襄俱沒而竟陵孤危卒免陸沈石城激水之捷尤烈烈在耳目豈非矯矯虎臣耶

桓石秀石虔弟也幼有令名風韻秀徹博涉羣書尤喜老莊常獨處一室簡於應接時人方之庾純甚為簡文帝所重豁為荆州請為鷹揚將軍竟陵太守非其好也孝武初代叔父冲為寧遠將軍江州刺史領鎮蠻護軍西陽太守鎮潯陽

趙統孝武時守竟陵太元九年四月桓冲遣統攻襄陽荆州刺史桓石民復遣兵助之秦荆州刺史都貴苻儁陽

朱伺字仲文安陸人陶侃鎮荊州伺從侃討陳敏杜預
陳聲悉平之累遷廣威將軍領竟陵內史時王敦欲用
從弟庾代侃為荊州侃故將鄭攀馬儁等乞侃於敦敦
不許攀等以侃始滅大賊人皆樂附又以庾忌戾難事
謀兵拒之遂屯結涇口遣使告伺伺外許之而稱疾不
赴攀等遂進拒庾既而士眾疑阻復散還橫桑口欲入
杜會時朱軌趙誘李桓率眾將擊之攀等懼誅以司馬
孫景造謀拒庾因斬之降軌等庾將西出遣長史劉浚
留鎮揚口壘時杜會請討第五猗於襄陽伺謂庾曰會
是猾賊外示西還以疑眾心欲誘引官軍使西然後兼
道襲揚口耳宜大部分未可便西庾性矜厲自用兼以

伺老怯難信遂西行會等果馳還庾乃遣伺歸裁至壘
即為會等所圍劉浚以壘北門危欲令伺守之或說浚
云伺與鄭攀同者乃轉守南門賊知之攻其北門時鄭
攀黨馬儁等亦來攻壘儁妻子先在壘內或請皮其面
以示之伺曰殺其妻子未能解圍但益其怒耳乃止伺
常所謂弩忽噤不發伺甚惡之及賊攻陷北門伺被傷
退及船初浚開諸船底以木掩之名為船械伺既入賊
舉鋌摘伺伺逆接得鋌反以摘賊賊走上船屋大喚云
賊帥在此伺從船底沈行五十步乃免遇醫療創小差
杜會遣說伺云馬儁等感卿恩妻子得活盡以卿家內
外百口付儁儁已盡心收視卿可來也伺答曰賊無白

首者今吾年六十餘不能復與卿作賊吾死當歸南妻
子付汝乃還甌山時王庾與李桓杜會相持累戰甌山
下軍士數驚喚云賊欲至伺驚創而卒因葬甌山

史敘曰王敦左轉陶侃使從弟庾代之忌之也攀儁謀
兵拒庾非惟不能留侃適以重敦之嫉而成侃之罪也
伺之不赴是矣揚口之敗智足以料之而卒損所愛以
死傳稱伺有勇而不學亦諒直之士哉

魯軌雍州刺史魯宗之之子也安帝義熙十一年守竟
陵初劉裕忌司馬休之起兵擊之休之勒兵拒焉宗之
自疑不為裕所容與軌起兵應休之軌數擊殺裕將裕
克江陵休之宗之俱北走軌留石城趙倫之沈子林復

破之軌與休之等犇秦秦滅降於魏

南宋劉粹字道冲沛郡蕭人累功封瀋陽縣男以憂去
職高祖討司馬休之起粹為寧朔將軍竟陵太守統水
軍入河後以佐命功改封建安縣侯卒贈安北將軍
劉道濟粹弟也初為車騎從事中郎元嘉三年討謝晦
遣道濟與龍驤將軍沈攸之就粹自陸道向江陵粹以
道濟行竟陵內史與攸之及南陽太守沈道興步騎至
沙橋為晦司馬周超所敗後終振武將軍益州刺史
殷道鸞元嘉二年除竟陵內史時下詔討謝晦謀舉
兵道鸞未之郡晦以為諮議參軍以弟遜為寇軍竟陵
內史

趙伯符字潤遠下邳僮人也少好弓馬武帝時父倫之
以安北將軍鎮襄陽伯符爲竟陵太守時竟陵蠻屢爲
寇伯符征討悉破之由是有將帥之稱仕終護軍將軍
丹陽尹卒諡曰肅

申謨魏郡魏人也世祖時與朱脩之守滑臺爲魏所沒
後還元嘉中爲竟陵太守

孟宗嗣平昌安丘人祖懷玉封陽豐縣男父慧熙嗣坐
奪爵宗嗣爲竟陵太守

劉德願元嘉二十七年大舉北征詔以江夏王義恭爲
眾軍節度寧遠將軍竟陵太守南城縣開國侯劉德願
籍荆雍之勁攬郡師之銳直由武關稜威震彖

河陽州志卷十三 五

薛安都河東汾陰人初以功封南鄉縣男孝建元年討
魯爽安都時爲左將軍遣守厯陽有功遷輔國將軍竟
陵內史世祖使沈慶之督統諸軍慶之使安都追之及
爽於小岷安都望見爽便躍馬大呼直往刺之應手而
倒左右范雙斬爽首爽累世梟猛生習戰陳咸云萬人
敵安都單騎直入斬之而反時人皆云關羽之斬顏良
不是過也進爵爲侯後謀逆死

陳懷真泰始二年爲竟陵郡丞時晉安王子勛僭位張
興世與劉胡戰於錢溪胡走入沔眾稍散比至石城裁
餘數騎懷真在竟陵聞胡往過率數十人斷道邀之胡
人馬既疲自度不免因隨懷真入城告渴與之酒胡飲

畢引佩刀自刺不死斬首送京邑張興世弟僧產追胡
未至石城數十里逢送胡首信將還竟陵殺懷真竊有
其功郢州行事張沈僞竟陵太守丘景先聞敗變形逃
走追擒伏誅

臧質字含文東莞莒人爲竟陵內史厯守三郡吏人便
之後從劉義宣亂誅

周裴寬河東聞喜人保定元年出爲汾州刺史天和二
年行復州事

齊劉懷珍字道玉平原人孝武中爲輔國將軍平胡中
郎將徐州刺史後授寧朔將軍竟陵太守

曹景宗字子震新野人以膽勇聞頗愛史書每讀穰苴

河陽州志卷十三 六

樂毅傳輒放卷歎息曰大丈夫當如是梁武爲雍州刺
史景宗深自納附數請帝臨其宅時天下方亂帝亦加
厚意焉表爲竟陵太守及帝起兵景宗聚眾并率五服
內子弟三百人從軍帝至竟陵以景宗爲右衛將軍梁
天監二年封竟陵縣侯卒贈開府儀同三司諡曰壯
史敘曰梁興景宗依日月末光賞茂通侯榮高列將配
迹方召勒勛鐘鼎亦風雲之盛會也然景宗爲郢州警
貨聚斂又躁動驕淫魏國司州竟不時救爲任昉所彈
豈純臣哉

房僧寄永元二年竟陵太守僧寄將還建康至郢梁武
勅僧寄留守魯山除驍騎將軍

梁康絢字長明藍田人天監元年竟陵太守魏國梁州刺史王珍國請教絢以郡兵赴之魏軍退

柳仲禮河東解人簡文帝時司州刺史湘東王繹與岳陽王詵為敵詵求援於魏繹使仲禮鎮竟陵以圖詵及南陽圍急杜岸請救仲禮帥眾於安陸竟陵郡守孫暲以郡降於魏仲禮乃使司馬康昭如竟陵討暲暲降仲禮命其將王叔孫為竟陵太守而以輕兵師於滌頭將侵襄陽詵告急於魏魏遣楊忠援之仲禮敗沒王叔孫因斬暲以竟陵降於魏

王僧辯字君才太原人太清中竟陵太守三年七月湘東王繹遣僧辯及信州刺史鮑泉擊湘州分給兵糧刻

沔陽州志卷十三

七

日就道僧辯以竟陵部下未盡至欲俟眾集然後行與眾入白繹求申期繹疑僧辯觀望按劍厲聲曰卿憚行拒命欲同賊今日惟有死耳因斫僧辯中其左髀悶絕久之方蘇即送獄泉震怖不敢言僧辯母徒行入謝自陳無訓繹意解賜以良藥故得不死尋出之因代鮑泉克湘州封長寧公卒平侯景之亂後陳霸先襲之被殺長子顓承聖初位侍中魏剋江陵隨王琳入齊為竟陵郡守齊遣王琳鎮壽春將圖江左及陳平淮南殺琳顓聞之出郡城南登高冢上號哭一慟而絕李延壽曰僧辯風格秀舉有文武奇才而逢茲酷濫幾致隕覆幸全首領卒樹奇功事人之道於斯為得

張惠紹字德繼義陽人也少有武幹齊明帝時為直閣出補竟陵橫桑戍主尋為竟陵太守

唐李齊物玄宗天寶五年為河南尹坐李林甫言朋黨貶竟陵太守見陸羽於伶人中異之授以詩後生子名復亦為是郡太守周愿詩八十年前棠樹陰竟陵太守公先人

陳璠復州長史初淮南將張瓌韓師德據復岳二州自署刺史時陳儒為荆南節度瓌引兵入殺儒據荆南瓌

滑州人勇暴而殘荆故將夷戮幾盡廣明三年宗權遣趙德諲連攻之城陷瓌死璠從瓌至江陵密斬其首置

囊中獻京師授安州刺史

盧虔復州刺史孟郊詩知音不韻俗獨立占古風忽挂爾那冠遠逐南飛鴻肅肅太守章明明

沔陽州志卷十三

八

華嚴射高山無平路楚水有驚濤

崔訐復州刺史韓愈有序詳文集

于延陵宣宗十二年授建州刺史以不職貶復州司馬董元素咸通中刺復州開五華山石堰渠

五代晉吳巒開運元年以復州防禦使權知貝州事漢王彥超臨清人初為復州防禦使時宋太祖往依之不納太祖登極建隆二年幸作坊宴射酒酣顧彥超曰

卿曩在復州朕往依卿何不納我彥超降階頓首謝曰臣當時一刺史耳勺水豈能容神龍耶使臣容陛下安

有今日上大笑而罷之

宋梁延嗣京兆長安人少事高季興頗見委任歷事四

帥人稱其忠蓋繼沖之納土也延嗣亦嘗勸之太祖嘉之開寶中授復州防禦使後因郊禮自復州入朝慰撫之日使高氏不失富貴爾之力也改濠州防禦使

何文度紹興丁丑知復州得蘭亭石刻於民間國子祭

胡儼記定武蘭亭石刻鑄損天流帶石四字然又有肥瘦二本而鑄損者乃為真定武後復州以此本重模亦鑄損四字其字極瘦王順伯尤延之爭辨如聚訟然瘦本風韻竟勝又云復州裂本首六行斜裂第一行關會字又永字與二行會字三行畢字四行脩字五行為流

二字六行弦字正當裂處十三行因字內改筆作小仲字十七行向之字差大二行視昔下二字作圍字

夫字上露初也字未行文字稍重乃景陵郡齋故物湮沒民間文度搜訪得之又云蘭亭諸本當以復州本為勝次豫章本次劉無言本次北京本其他皆不及

史敘曰吉水王佐云定武刻轉移至揚州而失宣德初

何運使士英偶得之載歸金華獨復州者失所在爾夫

泗陽州志卷十三 九

古人片藝之長莫不寶惜况右軍此帖號稱神助而定

武復州之本又為逼真文度搜得之遂至流播其賢於

士英遠矣後有復得者尚存之亦一方之嘉玩也

張垞元符中知復州張耒詩風流家世仁人後豈弟歌謠楚俗傳

李森宣和時御史丞時王黼秉政侍郎鄧之綱婢入黼

第不出鄧聞於朝送臺考訊森以實聞且劾其罪異日

黜知復州

焦惟正紹興中知復州胡寅伏義廟記惟正秉心純撫民惠在郡三歲人和年豐

張適道知復州呂本中詩聞道復州賢太守只如前在武陵時相逢未說為州樂所至先傳喜

謝崧字公定元祐中景陵主簿黃庭堅詩謝公文章如虎豹至今斑斑在兒孫

竟陵主簿極多間萬事不理專討論澗松無心古須鬢天球不琢中粹溫落筆塵沙百馬奔劇談風霆九河翻胸中恢疎無怨思當官持廉且不煩吏民欺公亦可忍慎勿驚魚使水潭漢濱者舊今誰在駟馬高蓋徒紛紛安知四海習鑿齒挂笏看度南山雲

元安伯寧至正間泗陽府尹傅與礪詩見提封下

皇明許弼字廷輔黃巖人貢士洪武初泗陽府通判宋史濂雲中辭序弼少以文名尤能挽強命中國初起應和關遂中第二通判泗陽府其事煩劇如庖丁解牛恢恢乎游刃而

史敘曰諸公之政僅見於名賢之所稱述其詳不可考有餘地矣

矣錄之者備遺也

郝崧絳人貢士正德初知泗陽九月致仕去抵家其兄

止崧於外取其牒視之知不以他歸始聽崧入其家規

泗陽州志卷十三 十

如此

張璉濟南人貢士弘治末泗陽判官狷介有守每出不

受民一飯即飯之必償其直而後食嘗行縣莫歸適城

閉從者呼之璉曰此禁門也去宿敘從父家從父為具

食璉覺遽起改宿於鄰比曉而入

李楫字濟之懷寧人進士正德十年以御史出判泗陽

尋遷太和知縣終貴州參議

任佃字象虞南充人進士嘉靖六年以御史出判泗陽

未幾遷江陵知縣

袁時習字本初洪武十一年泗陽學正優於詞翰有清

掬集百餘韻

辛榮酃陽人永樂初沔陽訓導遷國子助教以學行轉
提學僉事

徐曦字淑霽開化人弘熙時沔陽學正預修永樂大典
選給事中以疾轉楚府伴讀

彭質字尚彬南昌人儒士正統十年沔陽訓導善大字
林惟盛字培之新建人貢士景泰二年沔陽學正精地
理易數嘗上疏請遷學不報遷鹽山知縣

張順字弘裕錢塘人舉浙江第一天順元年沔陽學正
善詩文草書所著有井觀慈庵西湖醉樵諸集

胡經字循綸安福人貢士景泰元年沔陽訓導優於文
學善啟迪嘗修郡志三卷遷虹縣知縣

沔陽州志卷十三 十一

陳明字文顯懷安人貢士弘治初沔陽學正有學行屢
典文衡秩滿致仕歸所著有易安集

林允茂長樂人監生弘治中沔陽訓導甫至即奔喪時
遇節竟不少需而歸

喬著冠縣人正統初景陵主簿有修學功

李東字元震番禺人貢士正德中知景陵時澇後城隍
多圯東俱修之又修廟學遷興國知州

史敘日璉廉而無爲崧到官未久校官時習而下其文
足稱其教則余生也後莫之能詳矣

贊曰彬彬諸子弭節漢涯政教雖泯聲迹或遺爰摭散
逸用備詢咨 沔陽州志卷十三 盧靖校刊

沔陽童承敘

人物列傳上

春秋闕穀女曰於音菟漢書作字子文生於邲初若敖

娶於邲生鬬伯比若敖卒從其母畜於邲淫於邲子之

女生子文邲夫人使棄諸夢中虎乳之邲子田見之懼

而歸夫人以告遂收之楚人謂乳穀謂虎於菟故名之

而字子文為楚令尹自毀其家以紓楚國之難遂滅弦

復伐隨取成而還子玉伐陳子文以為功使為令尹叔

伯曰若國何曰吾以靖國也夫人有大功而無貴仕其

人能靖者與有幾楚子圍宋使子文治兵於睢終朝而

畢不戮一人子玉復治兵於蔿終日而畢鞭七人貫三

人耳國老皆賀為賈獨否曰子玉剛而無禮舉以敗國

又何賀焉後卒敗於晉而死初子良子文兄生越椒子文

曰必滅若敖氏矣殺之子良不可子文大感將死泣曰

若敖氏之鬼不其餒而臯澣之役竟以子越滅若敖氏

箴尹克黃子文孫使齊而還王日子文無後何以勸善使

復其所

史敘日子文毀家紓國委政讓功子張所謂無喜愠色

者也然明於越椒而闇於得臣故孔子許其忠而抑其

仁與

劉焉字君郎江夏竟陵人也漢魯恭王之後裔章帝元

和中徙封竟陵支庶家焉焉少仕州郡以宗室拜中郎

後以師祝公喪去官居陽城山積學教授舉賢良方正

辟司徒府歷雒陽令冀州刺史南陽太守宗正太常焉

親靈帝政治衰缺王室多故乃建議言刺史太守貨賂

為官割剝百姓以致離判可選清名重臣以為牧伯鎮

董扶私謂焉曰京師將亂益州分野有天子氣焉聞扶

言意更在益州會益州刺史卻儉賦斂煩擾謠言遠聞

而并州殺刺史張益梁州殺刺史耿鄙焉謀得施出為

監軍使者領益州牧封陽城侯當收儉治罪扶亦求為

蜀郡西部屬國都尉及太倉令會巴西趙韙棄官俱隨

焉是時涼州逆賊馬相趙祗等於綿竹縣自號黃巾合

聚疾疫之民一二日中得數千人先殺綿竹令李升吏

民翕習合萬餘人便前破雒縣攻益州殺儉又到蜀郡

犍為旬月之間破壞三郡相自稱天子眾以萬數州從

事賈龍素領兵數百人在犍為東界攝斂吏民得千餘

人攻相等數日破走州界清靜龍乃選吏卒迎焉焉徙

治綿竹撫納離叛務行寬惠陰圖異計張魯母始以鬼

道又有少容常時來焉家故焉遣魯為督義司馬住漢

中斷絕谷閣殺害漢使焉上書言米賊斷道不得復通

又託他州殺州中豪強王成李權等十餘人以立威刑

犍為太守任岐及賈龍由此反攻焉擊殺岐龍焉意漸

盛造作乘輿車具千餘乘荆州牧劉表表上焉有似子
夏在西河疑聖人之論時焉子範爲左中郎將誕治書
御史璋爲奉車都尉皆從獻帝在長安惟小子別駕司
馬瑁素隨焉獻帝使璋曉諭焉留璋不遣時征西將
軍馬騰屯郡而反焉及範與騰通謀引兵襲長安範謀
泄奔槐里騰敗退還涼州範應時見殺於是收誕行刑
議郎河南龐參與焉通家乃募將焉諸孫入蜀時焉被
天火燒城車具蕩盡延及民家焉徙治成都既痛其子
又感祲災興平元年癰疽發背而卒州大使趙韙貪璋
溫仁共上璋爲益州刺史詔書因以爲監軍使者領益
州牧以韙爲征東中郎將率眾擊劉表

沔陽州志卷十四

三

璋字季玉旣襲焉位而張魯稍驕恣不承順璋璋殺魯
母及弟遂爲讐敵璋屢遣龐參等攻魯所破魯部曲多
在巴西故以羲爲巴西太守領兵禦魯後羲與璋情好
攜隙趙韙稱兵內向眾散見殺皆由璋明斷少而外言
入故也璋聞曹公征荆州已定漢中遣河內陰溥致敬
於曹公加璋振威將軍兪平寇將軍瑁狂疾物故障
復遣別駕從事蜀郡張肅送叟兵三百人并雜御物於
曹公拜肅爲廣漢太守璋復遣別駕張松詣曹公曹公
時已定荆州走先主不復存錄松松以此怨會曹公軍
不利於赤壁兼以疫死松還疵毀曹公勸璋自絕因說
璋曰劉豫州使君之肺腑可與交通璋皆然之遣法正

連好先主尋又令正及孟達送兵數千助先主守禦正
遂還後松復說璋曰今州中諸將龐參李異等皆恃功
驕豪欲有外意不得豫州則敵攻其外民攻其內必敗
之道也璋又從之遣法正請先主璋主簿黃權陳利害
從事廣漢王累自倒懸於州門以諫璋一無所納勅在
所供奉先主先主入境如歸先主至江州北由墊江水
詣涪去成都三千六十里是歲建安十六年也璋率步
騎三萬餘人車乘帳幔精光曜日往就與會先主所將
將士更相之適歡飲百餘日璋資給先主使討張魯然
後分別明年先主至葭萌還兵南向所在皆克十九年
進圍成都數十日城中尙有精兵三萬人穀帛支二年

沔陽州志卷十四

四

吏民咸欲死戰璋言父子在州二十餘年無恩德以加
百姓攻戰三年肌膚草野者以璋故也何心能安遂開
城出降羣下莫不流涕先主遷璋於南郡公安盡歸其
財物故佩振威將軍印綬孫權殺關羽取荆州以璋爲
益州牧駐秭歸璋卒南中豪率雍闓據益郡反附於吳
權復以璋子闡爲益州刺史處交益界首丞相諸葛亮
平南土闡還吳爲御史中丞初璋長子循妻龐參女也
先主定蜀羲爲左將軍司馬璋時從羲啟留循先主以
爲奉車中郎將是以璋二子之後分在吳蜀晉陳壽曰
昔魏豹聞許負之言則納薄姬於室劉歆見圖讖之文
則名字改易終於不免其身而慶鍾二主此則神明不

可虛要天命不可妄冀必然之驗也而劉焉聞董扶之辭則心存益土聽相者之言則求婚吳氏遽造輿服圖竊神器其惑甚矣璋才非人雄而據土亂世負乘致寇自然之理其見奪取非不幸也

史敘曰焉求牧交本以避世也以聞董扶之言輒萌異圖何其戾哉扶素負重名稱爲儒宗至爲焉計但以望氣爲言其視隆中之說遠矣璋反復曹劉依違指使成都之圍兵強粟富而不能一戰史稱璋闇弱信哉

宋張興世字文德竟陵人也本單名世太祖益爲興世少時家貧南郡宗珍之爲竟陵郡興世依之爲客竟陵舊置軍府以補參軍督護不就白衣隨王玄暮伐蠻每

沔陽州志卷十四

五

戰輒有禽獲玄暮舊部曲諸將不及也甚奇之興世還白太祖稱其膽力後隨世祖鎮尋陽以補南中參軍督護入討元凶隸柳元景爲前鋒事定轉員外將軍領從隊南郡王義宣反又隨玄暮出梁山有戰功除建平王宏中軍行參軍領長刀又隸西平王子尙爲直衛坐從子尙入臺棄仗游走下獄免官復以白衣充直衛大明末除員外散騎侍郎仍除宣威將軍隨郡太守未行太宗卽位四方反叛進興世號龍驤將軍領水軍距南賊於赭圻築二城於湖口僞龍驤將軍陳慶領舸於前爲游軍興世率龍驤將軍俊長生董凱之攻克二城因擊慶慶戰大敗投水死者數千人時臺軍據赭圻南賊屯

雒尾相持久不決興世建議曰賊據上流兵疆地勝我今雖相持有餘而制敵不足今者以兵數千潛出其上因險自固隨宜斷截使其首尾周遑進退疑沮中流一梗糧運自艱制賊之奇莫過於此沈攸之吳喜並贊其計時豫州刺史殷琰之據壽陽同逆爲劉劭所攻南賊遣龐孟虬率軍助琰劉劭遣信求援甚急建安王休仁欲遣興世救之問沈攸之攸之曰孟虬蟻寇必無能爲遣別將馬步數千足以相制若有意外且以江西餌之上流若據不愛不殄興世之行是安危大機必不可輟乃遣段佛榮等援劭興世欲率所領直取大雷而軍旅未集不足分張會薛索兒平定太宗使張永以步騎五

沔陽州志卷十四

六

千留戍盱眙餘眾二萬人悉遣南討山陽又尋平徵阮佃夫所領諸軍悉還南伐眾軍大集乃分戰士七千配興世興世乃令輕舸沂流而上旋復回還一二日中輒復如此使賊不爲之備劉劭聞興世欲上笑之曰我尙不敢越彼下取揚州張興世何人物欲輕據我上興世謂攸之等曰上流惟有錢谿可據地旣險要江又甚狹去大眾不遠應赴無難江有洄洑船下必來泊岸有橫浦可以藏船舸二三爲宜乃夜渡湖口至散頭因復回下疑之其夜四更值風仍舉帆直前賊亦遣胡靈秀諸軍於東岸相翼而上世興夕住景江浦宿賊亦不進夜潛遣黃道標領七十舸徑據錢谿營立城砦明日興世

與軍齊集停一宿劉胡自領水部二十六軍平旦來攻將士欲迎擊之興世禁曰賊來尙遠而氣盛矢驟驟既力盡盛亦易衰此曹劇之所以破齊也令將士不得妄動治城如故俄而賊來轉近舫入洄洑興世乃命壽寂之任農夫率壯士數百擊之眾軍相繼進胡於是敗走斬級數百投水者甚眾胡收軍而下時興世城壘未固司徒建安王休仁慮賊并力更攻錢谿欲分其形勢命沈攸之吳喜佼長生劉靈遺等以皮艦二十攻賊濃湖苦戰連日斬獲千數是日劉胡果率眾軍欲更攻興世未至錢谿數十里袁顛以濃湖之兵急遽追之錢谿城砦由此得立賊連戰轉敗興世又遏其糧道尋陽遣運

河陽州志卷十四

七

至南陵不敢下賊眾漸饑劉胡乃遣顛安北府司馬偽右軍沈仲玉領千人步取南陵迎接糧運仲玉至南陵領米三十萬斛錢布數十舫豎榜爲城規欲突過行至貴口不敢進遣閒信報胡令遣重軍援接興世壽寂之任農夫李安民等三千人至貴口擊之與仲玉相值交戰盡日仲玉走還顛營悉虜其資實賊眾大敗震胡棄軍遁走顛仍亦奔散興世率軍追討與吳喜共平江陵遷左軍將軍尋爲督豫司二州南豫州六郡諸軍事封作唐縣侯食邑千戶徵爲游擊將軍海道北伐假輔國將軍加節置佐無功而還四年遷太子右衛率又以本官領驍騎將軍與左衛將軍沈攸之參員置五年轉左

衛將軍六年中領軍劉勔當鎮廣陵興世權兼領軍泰豫元年爲持節督雍梁南北秦郢州之竟陵隨二郡諸軍事冠軍將軍雍州刺史尋加寧蠻校尉桂陽王休範反興世遣軍赴朝廷未發而事平進號征虜將軍廢帝元徽三年徵爲通直散騎常侍左衛將軍五年以疾病徙光祿大夫常侍如故順帝昇明二年卒時年五十九追贈本官興世居臨泗水泗水自襄陽以下至於九江三千里中先無洲嶼興世初生當其門前水中一旦忽生洲年年漸大及至興世爲方伯而洲上遂十餘頃父仲子由興世致位給事興世欲將往襄陽愛戀鄉里不肯去嘗謂興世我雖田舍老公樂聞鼓角可送一郡行

河陽州志卷十四

八

田時吹之興世素恭謹畏法憲譬之曰此是太子鼓角非田舍老公所吹興世欲拜墓仲子謂曰汝衛從太多先人必當驚怖興世滅撤而後行興世子欣業當嗣封會齊受禪國除梁沈約曰兵固詭道勝在用奇當二帝爭雄天人之分未決南北連兵相阨而不得進者半歲矣蓋乃趙壁拔幟之機官渡潛師之日至於鵲浦投戈實興世用奇力也建旆垂組豈徒然哉史敘曰鵲頭之戰畫勝算摧疆鋒固作唐之奇功也然久秉軍旅之寄歷事猜昏之主能以功名自終且復慶施厥嗣洲嶼之生豈真有意哉黃回竟陵郡軍人也出身充郡府雜役稍至傳教臧質

為郡轉齋師及去職將回自隨質為雒州回復為齋師
質討元凶回隨從有功免軍戶質在江州擢領白直隊
主隨質於梁山敗走向豫章為臺軍主謝承祖所錄付
江州作部遇赦得原回因下都於宣陽門與人相打詐
稱江夏王義恭馬客鞭二百付右尚方會中書舍人戴
明寶被繫差回為戶伯性便辟勤謹奉事明寶竭盡心
力明寶尋得原赦委任如初啟免回以領隨身隊統知
宅及西江墅事性有巧藝觸類多能明寶甚寵任之回
奉捷果勁勇力兼人在江西與諸楚子相結屢為劫盜
會太宗初即位四方反叛明寶啟太宗使回募江西楚
人得快射手八百假回寧朔將軍軍主隸劉勔西討於

河陽州志卷十四

九

死虎破杜叔寶軍除山陽王休祐驃騎行參軍龍驤將
軍攻合肥破之累遷至將校以功封葛陽縣男食邑二
百戶後廢帝元徽初桂陽王休範為逆回以屯騎校尉
領軍隸蕭道成於新亭創詐降計事在休範傳回見休
範可乘謂張敬兒曰卿可取之我誓不殺諸王敬兒即
日斬休範事平轉回驍騎將加輔師將軍進爵為侯改
封開喜縣增邑千戶四年遷冠軍將軍南琅邪濟陽二
郡太守建平王景素據京口反遣回與李安民等討之
又命段佛榮為都統回先與景素通謀蕭道成知回有
異志故使安民佛榮偕行回私戒士卒逢京口兵勿得
戰然迫於佛榮且見京口軍弱遂不發及拔京口回軍

先入自謂誓不殺諸王又以景素讓張倪奴斬之事平
道成釋回不問增邑五百戶進號征虜將軍加散騎常
侍太守如故明年遷右衛將軍常侍如故沈攸之反以
回為使持節督郢州司州之義陽諸軍事平西將軍郢
州刺史給鼓吹一部率眾出新亭為前鋒未發而袁粲
據石頭謀誅道成回與新亭諸將帥任侯伯彭文之王
宜興孫曇瓘等謀應粲粲事發侯伯等並乘船赴石頭
惟曇瓘先至得人侯伯等至而粲已平回本期詰旦率
所領從御道直向臺門攻道成於朝堂事既不果道成
撫之如舊回與宜興素不協慮或反告因其不從處分
斬之回進軍未至郢州而沈攸之敗走回至鎮進號鎮

河陽州志卷十四

十

西將軍改督為都督回不樂停郢州固求南兗遂率部
曲輒還改封安陸郡公增邑二千戶並前三千七百戶
改都督南兗徐兗青冀五州諸軍事鎮北將軍南兗州
刺史加散騎常侍持節如故道成以回終為禍亂乃上
表曰黃回出自廝伍本無信行仰值泰始謬被馳驅階
藉風雲累叨顯仕及沈攸之作逆事切戎機臣聞於知
人冀其搏噬遣統前鋒竟不接刃軍至郢城乘威迫脅
陵掠所加必先尊貴武陵王馬器服咸被虜奪城內文
武剝剔靡遺及至還都縱恣彌甚先朝御服猶有二輿
弓劍遺思尚在軍府回遂啟求以擬私用僭侮無厭罔
顧天極又廣納逋亡多受劫盜親信此等並為爪牙觀

其凶狡憂在不測惡積臯著非可含忍應加勦除以明國憲尋其變狀寔宜極法但嘗經將帥微有塵露臯疑從輕事炳前策請在降滅特原餘嗣臣過荷隆寄言必罄誠謹陳管穴式遵弘典伏願聖明特垂允鑒臣思不出位誠味甄錄追言既往伏增慙慙詔曰黃回擢自凡豎夙負疵釁貫以憲網收其搏噬雖勤効累著而屠戮甚多新亭背叛投拜寇塲異規既扇廟律幾殆幸得張敬兒提戈直奮元惡受戮及景受結逆履霜歲久乃密通音譯潛送器仗氛沴克霽狡謀方顯每存容掩冀能峻革故翦茅升爵均榮勳寵凶設有本陰慝滋深搆誘敬兒志相攻陷悖圖未遂狼戾彌甚近軍次郢鎮劫逼

河陽州志卷十四

十一

府主兼挾私計多有微索主局咨疑便加筆楚專肆暴慢罔顧彝則磨牧西蕃徽賈惟厚曾不知感猶懷忿怨李安民述任河濟星管未周貪據袞要苦祈回奪黷謁弗已叨侈無度遂請求與服僭擬私飾又招萃賊黨初不啟聞傷風蠹化莫此之甚宜明繩裁肅正刑書便收付廷尉依法窮治回時有部曲數千人道成欲收回恐其為亂乃召回入東府至停外齋使桓康將數十人數其罪而殺之時年五十二子僧念尙書左民郎竟陵相未發從誅回既貴祇事戴明寶甚謹言必自名每至明寶所屏人獨語未嘗敢坐躬至帳下及入內料檢有無隨之供送以此為常

史敘曰回曳尾濶濁附翼風雲遂能握符建牙提師千里亦一時之遭也然性質凡鄙不學無術方在郢城固求南究覺迹既露帥眾輒還何異送死哉京口石城之舉回皆與謀願卒首鼠不發坐觀敗覆回雖趨捷豈非匹夫之勇耶使回挺身唱義勒師反戈事即不成不失與諸袁同遊也而乃俛首外齋父子駢戮悲夫

河陽州志卷十四

盧靖校刊

河陽州志卷十四

三

沔陽童承敘

人物列傳下

齊張欣泰字義亨竟陵人父興世宋左衛將軍欣泰少有志節不以武業自居好隸書讀子史年十餘詣吏部尙書褚淵淵問之曰張郎弓馬多少欣泰答曰性怯畏馬無力牽弓淵甚異之辟州主簿歷諸王府佐元徽中興世在家擁雍州還資見錢三千萬蒼梧王自領人劫之一夜垂盡興世憂懼感病卒欣泰兄欣華時任安成郡欣泰悉封餘財以待之建元初歷官寧朔將軍累除尙書都官郎世祖與欣泰早私款遇及卽位以爲直閣

沔陽州志卷十五

一

將軍領禁旅除豫章王太尉參軍出爲安遠護軍武陵內史還復爲直閣步兵校尉領羽林監欣泰通涉雅俗交結多是名素下直輒游園池著鹿皮冠衲衣錫杖挾素琴有以啟世祖者世祖曰將家兒何故作此舉止後從車駕出新林勅欣泰甲仗廉察欣泰停仗於松樹下飲酒賦詩制局監呂文復過見啟世祖世祖大怒遣出外數日意稍釋召還謂之曰卿不樂爲武職驅使當處卿以清貫除正員郎永明八年出爲鎮軍中兵參軍南平內史巴東王子響殺僚佐上遣中庶子胡諧之西討使欣泰爲副欣泰謂諧之曰今太歲在西南逆歲行軍兵家深忌不可見戰戰必見危今段此行勝旣無名負

誠可恥彼凶狡相聚所以爲其用者或利賞逼威無由自潰若且頓軍夏口宣示禍福可不戰而禽也諧之不從進屯江津尹略等見殺事平欣泰徒爲隨王子隆鎮西中兵改領河東內史子隆深相愛納數與談晏州府職局多使闕領意遇與謝朓相次典籤密以啟聞世祖悉召還都屏居家巷置宅南岡下面接松山欣泰負弩射雉恣情閑放眾伎雜藝頗多閑解明帝卽位爲領軍長史遷諮議參軍上書陳便宜二十條其一條言宜毀廢塔寺帝並優詔報答建武二年虜圍鍾離城欣泰爲軍主隨崔慧景救援欣泰移虜廣陵侯曰聞攻鍾離是子之深策可無謬哉兵法云城有所不攻地有所不取

沔陽州志卷十五

二

不聞之乎我國家舟舸百萬覆江橫海所以案甲于今不至欲以邊城疲魏士卒我且千里運糧行留俱弊一時霖雨川谷涌溢然後乘帆渡海百萬齊進子復奚以慰之乃令魏主以萬乘之重攻此小城是何謂歟攻而不拔誰之恥歟假令能拔子守之我將連舟千里艣艦相屬西過壽陽東接滄海仗不再請糧不更取士卒偃卧起而接戰乃魚鼈不通飛鳥斷絕偏師淮上其不能守皎可知矣如其不拔吾將假法於魏之有司以請子之過若挫兵夷眾攻不卒下驅土填隍拔而不能守則魏朝名士其當別有深致乎吾所未能量昔之大武佛狸傾一國之眾攻十雉之城死亡大半僅以身返旣智

屈於金墉亦雖拔而不守皆算失所爲至今爲笑前鑒未遠已忘之乎和門邑邑戲載往意虜旣爲徐州軍所挫更欲於邵陽州築城慧景慮爲大患欣泰曰虜所以築城者外示矜大實懼我躡其後耳今若說之以彼此各願罷兵則其患自息慧景從之遣欣泰至虜城下具述此意及虜引退而洲上餘兵萬人求輸五百匹馬假道慧景欲斷道攻之欣泰說慧景曰歸師勿遇古人畏之死地之兵不可輕也勝之旣不足爲武敗則徒喪前功不如許之慧景乃聽虜遣時領軍蕭坦之亦援鍾離還啟明帝曰邵陽州有死賊萬人慧景欣泰放而不取帝以此皆不加賞四年出爲永陽太守永元初還都崔

慧景圍城欣泰入城內領軍守備事寧除輔國將軍廬陵王安東司馬義師起以欣泰爲持節督雍梁南北秦四州郢州之竟陵司州之隨郡軍前雍州刺史將軍如故時少帝昏亂人情咸伺事隙欣泰與弟前始安內史欣時密謀結太子右率胡松前南譙太守王靈秀直閣將軍鴻選合德主帥苟勵直後劉靈運等十餘人並同契會帝遣中書舍人馮元嗣監軍救郗法珍梅蟲兒及太子右率李居士制局監楊明泰等十餘人相送中興堂欣泰等使人懷刀於座斫元嗣頭墜果梓中又斫明泰破其腹蟲兒傷刺數瘡手指皆墮居士踰牆得出郗法珍亦散走還臺靈秀仍往石頭迎建安王寶寅率

文武數百唱警蹕至杜姥宅欣泰初聞事發馳馬入宮冀法珍等在外城內處分必盡見委表裏相應因行廢立旣而法珍得反處分閉門上仗下配欣泰兵鴻選在殿內亦不敢發城外眾尋散少日事覺詔收欣泰胡松等皆伏誅欣泰少時有人相其當三公而年裁三十後屋瓦墮傷額又問相者云無復公相年數更增亦可得方伯耳死年四十六

張欣時欣泰弟也初爲諸暨令坐罪當死欣時父興世宋世討南譙王義宣吳郡張暢時爲彭城王長史官軍欲殺之興世以袍覆暢而坐得免興世卒暢子融著高履負土成墳至是融爲司徒竟陵王子良長史乞代欣

時死子良曰此是長史美事恐朝有常典不得如長史所懷

史敘曰欣泰本以武冒不樂藥韃方其挾琴遊園停仗賦詩雍雍乎亦足多也然旣乏匡濟之才又匪阿衡之任乃欲躬行伊霍志清象魏是以狸捕虎蚊負山也欲無敗得乎

梁張齊字子響馮翊郡人世居橫桑或云橫桑人也少有膽氣初事荆府司理垣厯生厯生醢酒遇下嚴酷不甚禮之厯生罷官歸吳郡張稷爲荆府司馬齊復從之稷甚相知重以爲心腹雖家居細事皆以任焉齊盡心事稷無所辭憚隨稷歸京師稷爲南兗州又擢爲府中

兵參軍始委以軍旅齊永元中義師起東昏徵稷歸都督宮城諸軍事居尙書省義兵至外圍漸急齊日造王珍國陰與定計計定夜引珍國就稷造膝齊自執燭以成謀明且與稷珍國即東昏於內殿齊手刃焉明年高祖受禪封齊安昌縣侯食邑五百戶仍爲寧朔將軍歷陽太守齊手不知書目不識字而在郡有清政吏事甚修天監二年還爲虎賁中郎將未拜遷天門太守寧朔將軍如故四年魏將王尼寇巴對高祖以齊爲輔國將軍救蜀未至足退走齊進戍南安七年復使齊置大劔寒塚二戍軍還益州其年遷武旅將軍巴西太守尋加征遠將軍十年郡人姚景和聚合蠻獍抄斷江路攻破

河陽州志卷十五

五

金井齊討景和於平昌破之初南鄭沒於魏乃於益州西置南梁州州鎮草創皆仰益州取足齊上夷獠義租得米二十萬斛又立臺傳興治鑄以應贍南梁十一年進假節督益州外水諸軍十二年魏將傅豎眼寇南安齊率眾拒之豎眼退走十四年遷信武將軍巴西梓潼二郡太守是歲葭萌人任令宗因眾之患魏也殺魏晉壽太守以城歸款益州刺史鄒陽王遣齊帥眾三萬督南梁州長史席宗範諸軍迎令宗十五年魏東益州刺史元法僧遣子景隆來拒齊師南安太守皇甫謐及宗範逆擊之大破魏軍於葭萌屠十餘城魏將邱突王穆等皆降而魏更增傅豎眼兵復來拒戰齊兵少不利軍

引還於是葭萌復沒於魏齊在益部累年討擊蠻獠身無寧歲其居軍中能身親勞辱與士卒同其勤苦自晝頓舍城壘皆委曲得其便調給衣糧資用人人無所困乏既爲物情所附蠻獠亦不敢犯是以威名行於庸蜀巴西郡居益州之半又當東道衝要刺史經過軍府遠涉多所窮匱齊緣路聚糧食種蔬菜行者皆取給焉其能濟辦多此類也十七年遷持節都督南梁州諸軍事智武將軍南梁州刺史普通四年遷信武將軍征西鄒陽王司馬新興永寧二郡太守未發而卒時年六十七追贈散騎常侍右衛將軍賻錢十萬布百匹謚曰壯史敘曰齊高祖之忠臣東昏之逆賊也至其爲政雖曰

河陽州志卷十五

六

不學亦有解劇之才矣

元張淵道景陵人丙寅進士授秘書監都事

張從道淵道弟同科進士授武昌路通城縣達魯花赤

兄弟俱優文學居古城舊有雙桂坊

皇明胡美初名廷瑞避御字改今名湖廣漢河人至正

間仕陳友諒爲江西行省丞相守南昌歲辛丑八月天

兵征友諒直擣九江僞都友諒走武昌時兵威震疊美

知天命有歸乃遣宣使鄭仁傑詣大江納款太祖賜書

慰諭壬寅春太祖至南昌美迎於新城門外太祖撫勞

之俾仍故官癸卯八月友諒戰死於彭蠡其子理奔武

昌復僭號九月太祖復率諸將及美征理於武昌甲辰

二月理出降武昌悉平美有功焉乙巳湖廣江西諸郡縣皆附乃規取淮東十月命美同相國徐達等率馬步舟師水陸並進是冬克海安泰州丙午二月克高郵四月五月淮泗壽穎俱下八月統兵從大將伐張士誠十一月下湖州進圍蘇州吳元年九月破其城執士誠遂拔無錫州以歸蘇州史稱圍平江又云別將取無錫降莫天佑與此不同未知孰是因附記之論功召見於戟門賜彩段表裏九疋加榮祿大夫降褒諭有今日之功無忝古之名將等語十月命為征南將軍率安吉寧國南昌袁顛滁和無為等衛軍由江西取福建太祖諭之日征伐所以奉天命平禍亂安民生故命將出師必在得人汝以陳氏丞相來歸事吾忠實

河陽州志卷十五

七

無過故命汝總兵取福建江西左丞何文輝為爾之副湖廣參政戴德隨征從汝調發二人皆吾親近之人勿以此故廢軍政凡號令征戰一以軍法從事聞汝往年嘗攻閩中必深知其地理險易今總大軍進征凡攻圍城邑必擇便利可否為之進退無失機宜克定之功全賴於汝十一月帥師度杉關略光澤縣下之十二月師至邵武元守將李宗茂以城降得將士五千四百餘人至建陽降其守將曹俊疇史作復疇命指揮沈友仁守之洪武元年正月帝卽帝位功臣進秩詔美以榮祿大夫中書平章兼同知詹事院事是月壬午率師至建寧元守將同僉達里麻參政陳子琦集僚佐謀日聞大明軍驍

勇自入杉關諸鎮兵皆望風瓦解其勢不可當今吾城中軍士亦不下萬餘儲蓄尚富可以拒守不可與戰彼攻吾城不克必將自退吾因而乘之或可以得志眾皆曰然由是備禦甚堅美等進兵數與挑戰達里麻等固守不出我師環其四門攻之壬辰克建寧時美督兵攻城益急達里麻不能支夜潛至文輝營納款詰旦總管翟也不花亦率眾請降美乃整軍入城申嚴號令秋毫無所犯執陳子琦送京師獲將士九千七百九十餘人馬二百七十三匹銀一萬六千三百兩糧九萬八千六百四十石命指揮費子賢領兵守之二月克興化遣建陽降將曹俊疇招諭汀州寧化連城等縣元汀州路守

河陽州志卷十五

八

將陳國珍納款泉州郡縣相繼降附時湯和等已取福州延平諸路福建悉平統兵守禦五月帝幸汴梁召還扈從凡行在機務悉預區處兵行無擾於民二年十二月大賞征南及守禦功賜白金二百五十兩文幣十七表裏三年七月往河南等處招集故元王保保所部七散士卒凡占籍在洪武元年者聽為民二年以後者收入兵伍十一月大封功臣授開國輔運推誠宣力武臣榮祿大夫柱國公封豫章侯食祿一千五百石令世襲賜誥命鐵券其文曰昔寶融以河西歸漢載於前史後世稱之朕以武定四方乃有識天運而建事功如昔人者助成帝業理當崇報咨爾胡美以漢河之英當朕經

略江右爾能識幾盡歸版圖以保全人民於是任以中書平章之職屢從大將征取江夏攻壽春平淮東克浙西遂取邵武建寧其功益著扈朕巡狩分省北京兵有紀律民得撫安況爲國之姻戚而著勲於當世今天下已定論功行賞朕無以報爾是用加爾爵祿使爾子孫世世承襲朕本疏愚皆遵前代哲王之典禮茲與爾誓若謀逆不宥其餘若犯死罪爾免二死子免一死以報爾功於戲慎守祿位以光勲業篤親而厚風俗更以忠貞訓及子孫傳於永世豈不偉歟仍賜文綺及帛四十疋十三年正月改封臨川侯誥券文與前同六月遣使齎勅至湖廣諭美曰昨者上天垂戒朕思治理恤民爲

河陽州志卷十五

九

先其王府一切役作宜皆停罷時美董建潭王府於長沙故以是諭之二十六年卒

李廷琛一名琛景陵人國初從取江南晉陵徽州婺源攻壽州援龍灣佐平饒州擣潯陽徇征斬黃下豫章鏖戰彭蠡甲辰定武昌江陵湖之南北乙巳從克襄陽安陸等處以屢功擢授景陵衛指揮副使鄧愈以湖廣行省平出鎮襄陽廷琛屬焉嚴號令練軍伍繕甲兵修屯田西禦王保保兵遇征討則備前驅洪武元年四月上勅諭愈曰卽日總兵官大將軍信國公徐達副將軍鄂國公常遇春統領大軍已於三月二十九日克復汴梁見行進取河南等處城池教御史大夫鄧愈統領襄陽

安陸景陵衛官軍前去征取迤北未附城池其景陵衛除存留官軍守城外其餘軍馬教指揮副使李廷琛統領參隨征進先是三月愈命廷琛同指揮王成等率師取唐州又取南陽至是奉旨卽命廷琛同指揮吳復等攻南陽各屬克之又平新寨麻張等叛賊克光石腦寨及降葉舞陽魯山等縣從拔徐州九月擊洪山老馬劉寨斬關而入擒殺甚眾是年冬從討蜀河奔張獲之於是金商均房諸州悉定三年西擊王保保營五年從討禮州等處溪洞蠻夷皆預有功

河陽州志卷十五

十

可謂不世之遭矣

贊曰令尹名卿二牧負乘作唐瑞符葛陽機債雍州厭武散騎善政豫章景陵乘時能奮

河陽州志卷十五

盧靖校刊

河陽州志卷十六

河陽童承敘

良牧傳

南朝夏侯恭叔為竟陵令惠化大行木連理上有光如燭成以為善政所致

梁裴遠字淵明河東聞喜人天監中竟陵太守開置屯田公私便之

韋放字元直京兆杜陵人天監中轉假節明威將軍竟陵太守在郡和理為吏民所稱

周裴果字戎昭河東聞喜人保定五年復州刺史性嚴猛能斷決每抑挫豪右申理屈滯歷牧數州號為稱職

河陽州志卷十六

史敘曰四公之政史略之也然即其所稱足為復之良牧矣

唐狄仁傑字懷英并州太原人中宗時豫州刺史初宰相張光輔討越王軍多暴索仁傑拒之光輔怒還奏傑

不遜左授復州刺史故志云有惠愛徙洛州司馬天授二年以地官侍郎同鳳閣鸞臺平章事武后謂曰卿在

汝南有善政然有諳卿者欲知之乎謝曰陛下以為過臣當改之以為無過臣之幸也諳者乃不願知后歎其

長者

史敘曰梁公在復治蹟失紀然武后所謂汝南蓋指復州所謂善政即志之惠愛也仁傑歷刺大州民輒勒碑

構祠安知復州無是事耶至其不問諳者蓋自信無愧於復矣

五代晉郭延魯沁州綿上人也父饒為沁州刺史有惠愛延魯以善槩為將遷復州刺史歎曰吾先君為沁州

者九年民到于今思之吾今幸得為刺史其敢忘先君之志由是益以廉平自勵民甚願之秩滿州人乞留不

許遮道禁號當時刺史皆以軍功拜言事者以民力困敝之時不宜以刺史任武夫恃功縱下為害不細而延

魯父子時以善政聞歐陽修曰嗚呼五代之時民何以堪之哉上輸兵賦之急下困剝斂之苛自莊宗以來方

鎮進獻之事稍作至於晉而不可勝紀矣其添都助國之物動以千數計至於來朝奉使買宴贖罪莫不出於

進獻而功臣大將不幸而死則子孫率以家貲求刺史其物多者得大州善地蓋自天子皆以賄賂為事矣於

此之時循廉之吏如延魯之徒者誠難得而可貴也哉宋朱昂字舉之潭州人端拱二年以轉運使直秘閣出

知復州表求謝事不許在州多紀述昂富於文學有清節後為工部侍郎與弟協皆致政歸特被恩禮時人以

比二疏

劉師道字損之一字宗聖開封東明人真宗時樞密直學士謫為忠武軍行軍司馬起為工部郎中知復州撫

秀潭二州師道敏於吏事所至有聲吏民畏愛

河陽州志卷十六

二

王琪字子玉成都華陰人後徙舒景祐中知復州治效顯著稱爲循吏民毆佃客死吏論加律琪疑之留未決已而新制下凡如是者聽減死郡人德焉嘗建夢野奇觀亭琪詩風迷楚客傷春野山晦荆王夢雨天唐介字子方荆南人舉進士仁宗朝爲諫官以言事屢貶改知復州召爲殿中侍御史遣使賜告趣詣闕下入對帝曰卿被謫以來未嘗以私書至京師可謂不易所守介頓首謝言事無避如前子淑問亦通判是州宋名臣言召充御史今從本傳

河陽州志卷十六

三

史敘曰數公皆宋名臣足以爲復重而昂湜之清節師道琪之治效介之直道又皆於復有遺愛焉詩云樂只君子民之攸暨其斯之謂夫

張耒字文潛楚州淮陰人弱冠第進士遷秘書正字著作郎史館檢討居三館八年顧義自守泊如也紹聖初知澗州坐黨籍謫監黃州酒稅徙復州作鴻軒以居植薔薇其側後起通判黃州爲詩別之後竟以謫卒耒偉儀觀有雄才時蘇黃旣沒耒獨存士人就學者眾楊文仲字時發眉州彭山人旣冠以春秋貢寶祐元年登進士調復州學教授文仲明伊洛之學轉運使印應飛辟入幕明接婦寃獄應飛悉從其議且薦之荆湖宣

撫使葵署文仲佐分司幕姚希德江萬里合薦文仲學爲有用後至國子祭酒

史敘曰耒之監稅文仲之教授職雖優閒然風聲教化之所被賢於政令遠矣

元白景亮字明甫南陽人明法律善書算至正間以南恩知州遷河陽府尹民徭多偏重景亮分其尸爲三等九甲由是遂均景陵至府河頗迂乃於縣南濬河徑達漢江民便之號曰便河時掘地得石刻曰白公溝民尤異焉又作浮橋以利涉民德之奏最於朝特授衢州路總管景亮性廉介勤苦自奉甚薄妻尤儉約惟以脫粟共飯而已事聞特詔褒美賜以宮錦

河陽州志卷十六

四

張寬至正間河陽府尹有廉能聲譽值歲澇民不聊生卽請於朝給粟賑恤一郡之民賴以生全

史敘曰景亮勝國之循吏載在元史以今視之無愧也寬振災恤患號稱廉能亦無愧景亮矣

皇明王孟福建福清人初任翰林五經博士永樂中遷河陽知州優於文學以廉自持且善撫字後卒於官民至今稱之

李震永平撫寧人宣德中知河陽剛介不阿勤於撫字嘗修飾學校後以老去民弗忍舍

鄒垣福建建寧人正統初以御史遷知河陽修築堤防存功於民

鍾順字必華廣東南海人貢士景泰中知沔陽能聲詩時江西周禮洪爲患荆沔順以計擒殺之監利民求立生祠於滄浪之上後終廣西太平知府

史敘曰長民之道在與利除害而已四公者其庶乎良吏也哉

孫衍松江華亭人進士成化中知沔陽操履勤慎法令嚴明郡事無不修舉而案牘常清吏民畏愛號大治累官延平知府

史敘曰余聞長老言沔守當以衍爲稱首先中憲亦云董傑字萬英寧國涇人進士弘治初知沔陽時大旱傑卽開廩賑之復蠲其租甫三月以事就逮去乃悉取賑

沔陽州志卷十六

五

籍焚焉民感其意泣送滿路累官都御史

張弘宜字時借松江華亭人南安守弼之子也以進士擢御史調蘄州判官弘治間遷知沔陽剛明有爲時水荒民饑調停賑恤全活甚眾境內淫祠毀之幾盡嘗過所知見小祠卽於飲中撤之尤務教士時至學堂課諸生加勞賚焉性坦夷與士大夫接破崖岸造飲必賦詩揮翰郡人懷之累官廣西副使

史敘曰傑才識雄偉弘宜器度高雅究所設施皆不規規簿書間矣

徐咸字子正浙江海鹽人進士正德初除知沔陽初廟學敝陋銳志鼎建卽首捐俸倡之民爭委輸比成規制

弘做公私無費又數行田勸農在州三年境內殷富累官襄陽知府

李濂字川父河南祥符人舉鄉貢第一登進士除知沔陽才器閎邁吏事精敏且以儒學飾之詩文古雅爲時稱尙政暇則引諸生開閣講論多所啟迪一時士習爲之丕振累官山西僉事

史敘曰余爲諸生嘗逮事二公親見其事皆大用才也及李公講藝余復卒業焉李公獨屬意余余賴造就爲多然余所自樹立汨汨無有也追念國士之期能亡忝乎詩曰有斐君子終不可諉此之謂也後李公竟以才致謗遂被廢此固古今才士之通憾也悲夫

沔陽州志卷十六

六

儲洵字平甫揚州泰州人進士嘉靖初以兵部郎中左遷知沔陽時郡數歉民力凋瘵洵下車拊循專務休息嘗賑饑慮道遠煩民乃移粟分給所在沾被征需不急者一切罷止以身任咎流亡盡復又講求禦滂之策地勢水道無不周知嘗上疏請修江漢堤防言甚剴切語在河防志仕終福建僉事

史敘曰洵爲沔時余方奉使過家目睹其政洵本名家才高事練遭時凶歉鎮靜簡文務爲安養遺愛所及視微名喜事者不侔矣隄防一疏萬世之利願未之行也何哉

鍾曉字景陽廣東順德人貢士嘉靖初以御史左遷沔

陽判官與洵同時曉質性純厚政尚平易自奉甚約遷知歸州洵送之謂曰君如是而來如是而去無愧於河矣累官思恩知府

胡譽字實孚江西新喻人進士以刑部主事左遷河陽同知法律明習禁令嚴肅吏不敢欺嘗僉民徭多所裁省卒於官

黃直字以方江西金谿人進士除漳州推官嘉靖初謫判河陽直有志節性尤簡易出入屏除前呵嘗督民賦不嚴而辦尋以憂去民爭送之或有所餽悉卻不受

史敘曰曉長者也譽之政事直之志節有足稱者矣陳璟福建莆田人貢士成化中河陽學正勤於教誨規

河陽州志卷十六

七

摹嚴整每中夜躬課諸生勤情必冠帶而後出如是七年不懈士有去思

梁幹字本之常州武進人貢士正德初河陽學正溫厚純篤生徒懷之典衡山東遷奉新知縣

徐璉字良器浙江開化人學正曦之曾孫也正德中河陽訓導德性純溫士類敬服遷綿州學正

張學正作徐先生小傳碑在學宮其文云先生故學正曦之孫秩秩官有傳正德間先生以鄉貢繼至抱遺經造士數教主白鹿洞規明孝弟力田之訓士所嚮往有貧不能葬者輒揮金助之風誼追軼古人而魁岸不羣約己介如也服登四可臺徘徊五清書屋與門人談述經藝多所成就其子儀制君以河生因而命名蓋先生亦不忘河云張天復日博士陶反吏非世欣壘所及乃徐先生傳經楚蜀靡然從之及且益堅愛慕反給達官貴人何哉語曰桃李不言下自成蹊信矣

王瑩字鼎文福建閩縣人貢士嘉靖初河陽學正性器深沈文學優贍生徒多所啟迪嘗修禮器纂學志時提學副使關中許宗魯雅重之遷壽州知州

史敘曰校官前此者莫悉其行事璟則郡人所誦說梁徐二先生余師瑩則余友也故知之頗詳云

楊季安字懷文江西安福人監生宣德中知景陵邑自承樂時大水城邑俱壞季安至乃大修護城隄防水患遂息士民至今德之

顧行字正道常州江陰人監生正統初知景陵修葺學校濬築隄塘上民懷之

史敘曰天麟草昧之初季安昏墊之際併能竭力捍禦

河陽州志卷十六

八

非保我子孫黎民者欺貞行承天麟季安之後要皆克繼其功矣按秩官表有張天麟一

姜縮字玉卿江西弋陽人進士成化庚子知景陵時制度簡陋蠹做荐深縮既爬剔復為規畫巨細畢舉興學墾田民懷吏畏尤以文章飾吏事有所創置輒為記述

六年之間文治蔚然擢南京監察御史累官河南按察使

應城華清去思碑文多不復載史敘曰余嘗過縣父老云縮之來也人多以少年易之

及見其為政始錯愕歎服也縮志大才雄事多援古其言雖不盡孳然豈簿書吏所能及哉

周端字德莊揚州高郵人貢士弘治戊午除知景陵為

人整飭賦性嚴介扶善黜惡遇事敢爲廢弛之餘政賴
修舉卒於官

左輔寧國涇縣人進士正德丙寅除知景陵政尙平恕
不事表暴盡心撫字民服其化有古循吏風

陳良玉字德夫四川富順人進士正德辛未除知景陵
識度深遠操履方潔事無易劇必審的而後發無弗奇

中賢不肖咸服其公明時單騎出行田間勸課農桑尤
注意學校暇則與諸生講論日晏不倦士亦鼓舞其教

一邑翕然稱治初邑城多圯至是大舉築登期年而畢
雉堞堅完民無勞費徵爲監察御史未幾卒邑人思之

來亨河南汲縣人貢士正德乙亥知景陵性剛直是非
無所回撓孜孜以裕民爲事上官遣人至縣門者但入

其牒需求一無所與里甲月費不過錢計然亦坐此不
便僅一年罷去

史敘曰知縣自縮以後端以果輔以恕亨以直皆能顯
名然惟玉爲最玉爲城時經營暇裕不擾而工速就其

才豈易及哉卽其所爲縮文而玉實矣

翁善字復初浙江烏程人貢士正統間景陵教諭時廟
學敝甚善與主簿喬著協力修葺捐俸倡先正德間士

人祠之李知州謙謙云官憲而
修學宇世遠而起士思

習善字德純江西新淦人貢士成化間景陵教諭正身
率物以教化爲己任一時士習爲丕變

河陽州志卷十六 九

李翹字一鳳廣東番禺人貢士正德辛未景陵教諭富
文學勤教授士躍然興起未幾以憂去至今稱善教者
必曰李先生云

蔡德器字世重浙江黃巖人貢士正德甲戌景陵教諭
純心篤行得之天性外和內剛貴義賤利士人無不嚮

服三年擢靜江尹諸生泣送出境

劉翹字伯舉江西安福人監生正德己巳景陵訓導學
有造詣爲文典則一時髦俊多受其益遷彭山教諭

虞載字汝厚揚州泰州人監生正德丙子景陵訓導溫
泰雅飭秩滿致仕去

劉鵬字子霄江西萬安人監生嘉靖甲申景陵訓導資
性明敏學有造詣文多雅贍士類推服遷盱眙教諭

史敘曰景陵之師前此可稱者翁習而已正德以還十
餘年間李蔡諸君子相繼至士彬彬日盛科目至今不

乏教化之於人也詎可誣哉

贊曰濟濟師牧光我漢漚敷政閭教民恬士熙惠化旣
裕實惟父師遺風懋烈永言勞思

名將傳

皇明吳復字伯起廬州合肥人生而沈鷺少言笑勇略
過人元季從高皇帝征戰有功甲辰二月從征陳理於
武昌下漢沔荊州諸郡授鎮武衛指揮同知守沔陽時
元同僉任亮擁兵安陸肆讎復將兵自沔倍道徑擣生

河陽州志卷十六 十一

縛亮以歸改鎮其地后封安陸侯給像功臣廟敘按汪已七月我太祖與元擴廓帖木兒書曰閣下昔與李羅構景雖雄未扶以知院郭雲同亮攻我景陵掠我河陽子思此城雖元故地久在他人之手予從他人得之非取於元也與復傳同

沈仁一名友仁濠州定遠人元季羣雄四起仁舉義於鄉後歸高皇帝從征有功乙巳授河陽衛指揮同知代吳復守禦修築城塹建置官署兵燹之餘民恃以安後累遷都督僉事

李廷琛一名琛景陵人從高皇帝平荆楚歲乙巳授景陵衛指揮副使時鄧愈以湖廣行省平章出鎮襄陽廷琛屬焉嚴號令繕甲兵築城壘修屯田西禦王保保兵遇征討則備前驅鄉邑之民賴以保障餘詳人物列傳

河陽州志卷十六 三

王閔字時正廬州潛山人河陽衛指揮僉事以薦起遷都指揮僉事掌湖廣都司事閔慷慨豁達遇事敢為成化中勦平江寇建議設戍至今賴焉柳桂師起以閔督兵檄至即束裝以行時方元日不少需也因擒渠魁以歸居家友愛而好尊禮士大夫縉紳亦愛重之嘗於東湖築兩松山閣招客賦詩翛然不知其武將也
牟斌韋璽俱錦衣衛指揮以遴選視事北司正德初逆瑾擅權時淮安知府劉祥忤中官瑾怒逮祥下獄使斌璽訊之兩人者明祥非罪瑾愈怒矯制誅斌璽河陽衛百戶而祥竟論戍邊兩人單騎就道比至當路甚禮重之徙其居省城嘉靖初詔復其官而斌已先卒璽得命

未幾亦卒兩人皆讀書能文斌純謹簡靜璽雅飭稍通融在旅邸中蕭然如儒生士論高之

史敘曰江漢初平郡邑安堵三將之功何可忘也閔才略恢豁斌璽抗節守義豈惟甲冑之英雖搢紳中亦已

贇矣
贊曰虎臣開國為郡保障矯矯三君厥惟名將德烈雄偉才節閎壯

死事傳

宋張榮京湖宣撫司吳獵將也開禧二年金人圍德安游騎迫景陵獵使榮將兵援之金人再犯景陵榮死之陳嘉言景陵人為郡學諭開禧二年金人犯景陵城陷

河陽州志卷十六 三

執嘉言眾脅使降嘉言厲聲罵賊自沈於水同室六人俱死

施子仁理宗時知復州端平三年元將蒙古忒木解攻襄陽江陵諸處時隨守張龜壽荆門守朱揚祖郢守喬士安皆委郡去惟子仁固守城陷死之

翟國榮咸淳八年九月為復州副將時元人寇復州國榮將兵戰於爛泥湖兵敗死之十月庚申贈復州團練使立廟復州官其二子

元咬住河陽府達魯花赤至正壬辰竹山賊寇襄陽咬住與同知三山引兵遇李羅帖木兒於監利進次潛江賊大至李羅死之咬住回會徐壽輝陷河陽咬住率妻

子過柴林河日水清得好俺一家就這裏死好呵俱自溺

俞述祖字紹芳慶元象山人以翰林書算調廣東元帥府都事入爲國史院編修官已而出爲河陽府推官至正十二年徐壽輝破武昌威順王及平章和尚並遁去賊又遣曾法興攻河陽述祖領民兵守綠水洪并力捍禦不能支城陷被執械至壽輝所誘之使降述祖罵不韜口壽輝怒支解之有子方五歲亦死事聞贈奉訓大夫禮部郎中象山縣男

史敘曰人臣有封疆之任統馭之責遭時搶攘或揮戈對壘或奮臂嬰城不幸破敗則委質而死固其分然非志節堅定忠義激發鮮不詘於威武矣若榮與國榮臨敵喪元子仁授命孤壘咬住陷節清流嘉言述祖抗聲怒罵慷慨就義至今言之猶凜凜也非天下烈丈夫詎至是耶

贊曰挺戈嬰鋒膏野塗地殉城執節蹈波赴義慷慨怒罵軀殞聲厲烈烈忠魂凜凜英氣

沔陽童承敘

名賢傳

宋張徹景陵人故志稱其七持使節入割郡符公清超
遺計口受俸其遺表云神雖去幹忠不忘君兄徽見逸
士傳

張迪景陵人元豐開舉進士累官諫議大夫有爭臣風
烈

陳嘉言景陵人為郡學論文行為鄉里所推卒死開禧
之難語在死事傳

祝松景陵人舉進士初調長水簿端平初以城誓死守

沔陽州志卷十七

古郢遺民立祠祀之

史敘曰四公皆沔之望也然莫能覈其詳矣文獻之亡
也嗟乎公清風烈伏節誓死如四公者風式郡邑多矣
何俟於詳

皇明歐陽謙字伯益沔陽人本文忠公後洪武中舉明
經授耀州學正擢監察御史永樂中谷庶人謀反謙受
密詔往伺之迺託言罷官挈家南歸雖妻孥莫之知也

還家賦詩皆作山林語半生琴劍歷天涯解組歸來髮
尚華臣職幾何能報國君恩萬
一賜還家滄州鷗鷺盟猶在綠野桑榆色正嘉堪恨故
交零落盡垂楊到處噪昏鴉又文章館閣青藜冷詩酒
江湖白髮新又風月設於會歲稔謙因野服具舟隨商
雙眼豁江湖不厭一漁多
賈糴米長沙時庶人謀益甚悉召諸巫禱祠謙復變形

為祝雜作府中具得其狀乃急拏舟行一日馳六傳比
覺追之已無及矣既報命因出師移之庶人赴火死改
編修轉考功郎中卒於官謙優於文學所著有滄浪集
正德中李知州濂始祠之鄉賢云

史敘曰謙長沙之行脫簪易服潛弭禍亂其幾密矣位
不究才賞不酬功君子惜之

虞信字尚沈沔陽人永樂中以歲貢拜監察御史立朝
有直聲擢四川按察副使先是蜀有悍民為鄉邑患當
道皆莫敢發信首除之人服其剛遷山東按察使九年
吏畏民懷終河南右布政使卒於家信性亢直人不敢
干以私在山東有屬吏犯法以金研遺其子信覺繫其

沔陽州志卷十七

子上之朝因付信自治信竟撲殺其子

史敘曰昔金日磾殺兒史稱其忠信非是之類也夫持
法者我也子奚與焉且受金罪不應死迺竟殺之與撓
法何異雖然可以厲貪污矣

劉琢字玉相沔陽人永樂癸未鄉貢授葉縣訓導遷陳
留教諭國子助教加翰林檢討仍領助教事後致仕琢
在陳留施教有方祀於名宦子深字資之正統己未進
士除知江西寧縣後改四川崇寧深剛勁少容在崇寧
有幕官忤深深手殺之坐累免官屏居山澤鄉閭敬憚
郡守數請始一至城府

吳璿字文璣沔陽人天順壬午鄉貢璿勵志好學時有

先登者有司表其坊璿三年不踐其地竟舉第一後除河南彰德府同知以足疾乞歸性簡靜杜門謝事鄉人稱之卒年七十餘

劉鈺字世美沔陽人父苴隸戎天津生鈺登成化丙戌進士改翰林庶吉士授戶部主事嘗督課九江防檢甚嚴羨餘悉貯府庫尋守常州廉能勤慎吏民敬憚豪右犯法至自經不敢見母喪幾無以爲殮服除改守處州未幾父卒鈺感疾亦卒鈺剛介自持所歷嚴肅歸自常民有追送者以二瓜爲餉剖之乃金百餘急還而遣之毘陵至今祠焉性孝每之官必奉親以行且挈雙棺自隨人稱之孝廉云卒葬沔陽

沔陽州志卷十七

三

邵福字錫之沔陽人景泰丙子鄉貢授濟南通判補任蘇州遷杭州府同知福富文翰善談論歷官俱以能稱吳惟學字子勤副使欽子也正德己卯鄉貢除郟縣教諭復除英山未幾卒惟學直諫端謹見推士類事母以孝聞提學副使張公邦奇舉楚士有學行者七人惟學與焉在英山勤於訓迪人士敬服既還葬會當道褒獎邑人歸其櫬於家

史敘曰琢璿出典政教亡忝師牧解組林居養恬守約可謂善士矣深太剛而折頗乖中道然挫衄之餘方嚴愈厲亦經德不同之士也鈺樞重賦典巨郡而不汙挈棺奉親而不以爲嫌謂之孝廉信哉惟學余之益友阨

於時命悲夫

黃鐘字景陽景陵人永樂辛卯鄉貢除知四川崇慶州改知山東武定時州方變故鐘面奉宣廟聖諭馳驛至州州賴安靖三年復命未幾卒於官

李慶字積善景陵人正統九年以歲薦除建昌府同知同官治財者慮愆期致罪追索甚急慶爲緩期民悅之卒輸納無敢後以父憂去民追送出境而返改南京戶部郎中調禮部儀制宿弊頓革遷浙江鹽運使司運使嚴部書絕請謁有持券請鹽者按歲月先後給之二年歲課三倍尋乞歸卒於舟慶廉介自守其爲運使布衣蔬食處之澹然歷官幾二十年所居茅屋數椽田園不

沔陽州志卷十七

四

增尺寸沒之日妻子無以爲葬邑人至今稱之

史敘曰余嘗讀何尚書喬新所爲銘謂慶之在浙或譏其處脂膏中不能自潤慶自若也信哉其廉士也夫廖訓字尙裕景陵人景泰庚午鄉貢除河南汝州訓導遷江西德化教諭改四川新寧又改河南鄆陵致仕家居鄉人重其方正高潔年九十三卒

何圮字光弼成化庚子鄉貢除四川合江教諭秩滿乞致仕時年四十五卒圮博學能文邑人稱爲東湖先生郭軒字文載成化庚子鄉貢除河南盧氏教諭以師道自任多所造就遷福建連江知縣與丞不合軒卒於官丞制之不得發縣諸生爲扶柩而出軒以剛正見重士

類諸生顯者過縣必往拜其墓

楊清字一廉景陵人弘治中以歲薦除知江西貴溪縣平生耿介邑人稱之

史叙曰景陵之賢自李運使而後無如數公皆邑人所誦說嚮慕者其後迺獨有魯文恪公

魯鐸字振之景陵人弱冠遊邑庠提學副使薛剛愛其文由是知名全楚弘治壬戌舉禮部第一擢進士高第

改翰林庶吉士少師李文正公東陽雅重之授編修預修孝宗實錄武宗卽祚詔諭安南鐸充正使賜一品服

以行比至宣布威德正其儀禮諸所隗遺悉却之交人稱歎遷國子司業進南京祭酒尋改北京鐸屢厯成均

河陽州志卷十七 五

其教主於理道不屑章句南北士多所造就持清操滿宿弊縉紳欽仰之屢謝病歸至是復得告迺闢園亭蒔

花木屏迹深居爲投老計嘉靖初刑部尙書林俊上疏謂經師易得人師難得鐸約質渾晦志尙清純道足以

鎮雅黜浮學足以訂頑立懦方今釐革庶弊正育賢成德振作士風之時况魯鐸與謝鐸人品爲類謝鐸以祭

酒養病孝宗用吏部薦進禮部侍郎掌祭酒事起之於家遣官以速其行重道尊師頌美有作陛下今日處魯

鐸如謝鐸則今日之頌美陛下將亦同孝宗矣一時巡撫諸臣暨兩都臺諫交疏論薦先後以十數皆謂鐸德

器溫粹問學淵源植德毅簡宅心廉直莊重渾厚之文

可以華王言淳懿端恪之行可以式鄉俗於是推鄉佐

者五皆莫之應年六十七卒撫巡諸臣以卹典請詔論祭一壇賜諡文恪仍令有司營葬鐸性恬退器量深閑

文章節概見推天下家居以身率物嘗作俗言以勸鄉人有巨盜起掠民馬牛或給爲鐸物必釋之其感化如

此所著有遺北使交東西廂已有圖諸藁若干卷藏於家

史叙曰鐸才本華國器重台輔東岡之詩何其壯也及官近從師成均道化弘流風節宣著而迺辭華耽寂養

素守恬明諷利之防嚴止足之戒謂之恪非歟叙嘗狀其行曰功不及康濟而休風令節激昂鄙位不及卿

河陽州志卷十七 六

相而榮名重望傾動朝野年不及期頤而清德粹言垂式後昆究其所被不在尺寸間矣

先中憲遺事 童之先隨人元季徙家於河一傳而有照磨公愈二傳而有承德公鈞訓導公錦四傳而有先中憲公旭五傳

而有叙承德公樂善喜施孝友純篤人無少長咸敬憚之卒年八十有三先中憲公字賓陽號東谷弘治王子

鄉貢登己未進士除知上高三月而芝生訓導黃雲有記被薦者三見家乘後列於名宦御史熊相有傳六年遷戶部主事員外

郎中領諸司章奏正德辛未兩河盜起朝廷出師討之奉勅督理河南江北直隸糧儲開封知府顧璘有序被薦者再郎

奉勅督理河南江北直隸糧儲開封知府顧璘有序被薦者再郎

楊潭黃珂俱有疏以功擢知兗州府加從三品俸仍賜寶銀

牌尚書王瓊祭酒魯鐸首建鄉賢名宦祠少師李東建

滋陽縣學尙書邵寶有記城闕里少師費分祿養親少師李東

序禱雨雪輒應信有記被薦者五見家四年以忤魯藩

被逮至京撫按力調桂林尙書劉又三年而歸未幾卒

年五十有八少師費宏有墓誌銘

史叙曰先君子歟歷二十有餘年自登第與謝政家居

不過十年其行事之實多見於名公卿大夫之撰述與

鄉長老之稱許叙不敢贅也附之名賢以俟君子采焉

贊曰英賢備德佩藻握芳道誼純潔功烈恢張典刑後

來俎豆江鄉景行思齊河漢流光

沔陽童承敘

逸士傳

東漢漢濱老父者不知何許人桓帝延熹中幸竟陵過雲夢臨沔水百姓莫不觀者有老父獨耕不輟尚書郎南陽張溫異之使問曰人皆來觀老父獨耕不輟何也老父笑而不對溫下道百步自與言老父曰我野人耳不達斯語請問天下亂而立天子耶理而立天子耶立天子以父天下耶役天下以奉天子耶昔聖王宰世茅茨木椽而萬人以寧今子之君勞人自縱逸遊無忌吾爲子羞之子何忍欲人觀之乎溫大慙問其姓名不告而去

沔陽州志卷十八

一

史敘曰昔接輿放歌目爲狂士今老父獨耕漢遼不觀乘輿其答溫言辭旨簡要推其道也雖堯舜何加焉狂也非其儔矣是時政移五倖刑濬三獄漢家之業索然愈哀尙志之士莫不卷迹山林甘心雲壑如老父者非其人耶使溫致敬如孔子之於漁父也其言必有進於此者溫徒能慙而不能問也使讜言不盡姓名俱逸惜哉

唐陸羽字鴻漸一名疾字季疵復州竟陵人不知所生或言有僧晨起聞湖傍羣雁喧集以翼覆一嬰兒遂收蓄之既長以易自筮得蹇之漸曰鴻漸于陸其羽可用

爲儀乃以陸爲氏名而字之幼時其師教以旁行書答曰終鮮兄弟而絕後嗣得爲孝乎師怒使執糞除圻填以苦之又使牧牛三十羽潛以竹畫牛背爲字得張衡南都賦不能讀危坐効羣兒囁嚅若成誦狀師拘之令雜草莽當其記文字惜惜若有遺過日不作主者鞭苦因歎曰歲月往矣奈何不知書嗚咽不自勝因亡去匿爲優人作談諧數千言天寶中州人酺吏署羽伶師太守李齊物見而異之授以書遂廬火門山貌悅陋口吃而辯聞人善若在己見有過者規切至忤人朋友燕處意有所忤輒去人疑其多嗔與人期雨雪虎狼不避也上元初更隱茗溪自稱桑苧翁又號竟陵子東園先生

沔陽州志卷十八

十一

東岡子闔門著書或獨行野中誦詩擊木裴回不得意或慟哭而歸故時謂今接輿也久之詔拜羽太子文學徙太常寺太祝不就職貞元末卒羽嗜茶著經三篇言茶之原之法之具尤備天下益知飲茶矣時鷲茶者至陶羽形置場突間祀爲茶神有常伯熊者因羽論復廣著茶之功御史大夫李季卿宣慰江南次臨淮知伯熊善煮茶召之伯熊執器前季卿爲再舉杯至江南又有薦羽者召之羽衣野服挈具而入季卿不爲禮羽愧之更著毀茶論其後尙茶成風時回紇入朝始驅馬市茶唐江州刺史張又新煎茶水記元和九年春予初成名與同年生期於薦福寺余與李德垂先至憩西廂玄鑿室會適有楚僧至置囊有數編書余偶抽一通覽焉文細密皆雜記卷末又一題云煮茶記云代宗朝李季卿

刺湖州至維揚陸處士鴻漸李素熟陸名有傾蓋之
權因之赴郡抵揚子驛將食李日陸君善於茶蓋天下
開名矣况揚子南零水又殊絕今日二妙千載一遇可
曠之乎命軍士謹信者挈瓶操舟深見者累百餘年
臨岸之俄水至陸以杓揚其水曰江則矣非南零者似
言既而傾諸盆至半陸遽止之某自南零齋之日自
半擢其使驟然大駭馳下日某自南零齋之日自
與賓數十人皆大駭馳下日某自南零齋之日自
水優劣精粗可判矣陸曰水且日此皆余嘗試之非
筆口授而次第之凡二十水且日此皆余嘗試之非
蓋水土之宜過此不之知也夫茶烹於所產處無不
李傳陸羽茶經其論水云山水上江水次井水下又
世疾乳泉石池漫流者上瀑湧湍瀨勿食久令人有
謂天江之水取去人遠者井取汲多者其說止此未
第種之宜茶者有七等又載羽為煎茶水始云劉伯
泉石池又上江水次而井水下伯芻以揚子江水為第

河陽州志卷十八

惠山石泉為第二虎邱石井為第三丹揚寺井為第四
楊州大明寺第五而松江第六淮水第七無錫惠山石泉
反羽所說二十水廬山康王谷水第一無錫惠山石泉
四虎邱寺石泉第五廬山康王谷水第一無錫惠山石泉
廬州龍池山頂水第七洪州西山瀑布第八桐源水第九
香溪水第十二漢江中觀音寺井第十三歸州玉虛洞
台千丈瀑布十四商州武關西洛水第十五松州九水
勿食而疑其不餘江水居布台嚴陵水十九雪水
與食相疑其不當二說以自異使說羽何足信也
得非又新妄附益之耶其述羽辨南零水特怪其妄
也山味有美惡而欲舉天下之水一而論之惡者
者而喜也故其為說前後不同如此然羽之論水惡者
浸而喜也故其為說前後不同如此然羽之論水惡者
次山水惟此說近物理云又浮槎山流然泉水雜聚故
愛山水惟此說近物理云又浮槎山流然泉水雜聚故
列水次善言此說近物理云又浮槎山流然泉水雜聚故
妄狂險諸士為得之於羽然以茶經考之皆不合又新
水然後益知羽為知水者浮槎與龍池山皆在廬州界

中較其味不及浮槎遠甚而又新所記以龍池為第十
浮槎之水棄而不錄以此知其多矣羽則不然其
論日山水上江次之井為下山水乳泉石池漫流者上
其言雖簡而於論水盡矣敘按歐陽公以新所記與
羽著茶經不合然所記羽事又與羽本傳不合也今
姑存之以俟考唐皇甫冉送羽赴越與羽本傳不合也今
重江遠迢遞風日問蒼茫洲渚晚皇甫會送羽採茶千
峰待通客香茗復叢生採摘知深處烟霞羨獨行幽期
寂燃燈夜相思一磬聲

史敘曰余嘗過竟陵憩羽故寺訪雁橋觀茶井慨然想
見其為人夫羽少厭髡緇縵篤嗜墳素本非忘世者卒迺
寄號桑苧近述茗雪嘯歌獨行繼以痛哭其意必有所
在時迺比之接與豈知羽者哉至其性甘茗苳味辨淄
澠清風雅趣膾炙今古張顛之於酒也昌黎以為有所
託而逃羽亦以是夫

河陽州志卷十八

宋張徽景陵人按故志以詩名世所著有滄浪集司馬
光范純仁皆與之友善
元徐勝祖郡人按元史居喪廬墓
皇朝鄧禴字一誠郡人永樂癸卯鄉貢故志稱其恬退
不仕
蔡輅郡人居鄉不苟訓迪生徒能吟咏鍾知州順林學
正惟盛嘗禮之數與倡和其子允恭孫綬皆應鄉薦
周台沙口人在鄉間以善稱未嘗輒至公府家居讀書
手不釋卷徐知州咸請與賓席李知州濂扁其名於旌
善亭
史敘曰微之行莫之詳然交稔於馬范賢可知矣勝祖

論皆因之史志不敢飾焉者懼誣也輅台余所親聞見頃王學正蓋始表之要皆鄉之善士故附著云

贊曰漢濱獨耕鑿與旋軫矯矯桑苧託迹萍茗微富篇韻鴻儒交稔澤遊巖棲鳳逝龍隱

僑寓傳

元趙吉甫其先居蜀徙居玉沙與魯齋許衡友善衡至武昌首問吉甫謂人曰吉甫天資高衡一著則其人可知矣自號拙存以文學名於世

皇朝易從虎字炳文其先隆中人徙家南漳父友旺終葬鳳凰山因廬於墓側里人異之多遺子弟從之遊呼曰易孝子後避兵寓沔陽家焉

敘按張稷從虎廬墓記其事在南漳鳳凰山故

沔陽州志卷十八 五

志皆云隨父至沔因謂廬墓於沔非也戴用瑞運記炳文家沔陽孔廟後結茅數椽扁曰孝子堂前有池半畝蓮一本二花人以爲純孝所感未復謂文運將與君子彙征之兆蓋不以爲易瑞也近王學正蓋學志亦云兆明年鼎建之祥蓋國初丁未學產瑞運明年戊申創學於南漳不宜致瑞於沔也敘故辨之非抑炳文懼失實耳

史敘曰夫炳文之孝常行也而夫人咸異之至指池蓮以爲瑞可以觀人心之同矣然炳文徙居而以孝于扁

堂又以廬墓形之上分司之詩將自以是爲非常事哉錢朝陽浙江人號老樵寓沔陽優於問學有詩集官至

饒州知府子瑋幼號神童仕終給事中潘子安和州人寓沔陽工詩詞有海天清嘯集行於世官至夔州府同知

吳欽仁和人隸籍京師舉進士歷刑部郎中訊獄詳慎多所滄雪弘治中有迎駕餽究者詞引千數輩欽鞠其不辜者悉縱之人以爲平又嘗奉勅賑饑慶陽全活甚眾在任五年增賦十萬尋以病解職貧不能歸因家於沔杜門謝事數年終

史敘曰君子之至于斯也邦人之觀望繫焉惜也沔無嘉山水無以枉致賢躅可紀者僅此爾

故志流寓又云張橫渠嘗過郢沔有僧捫其琴橫渠曰琴不祥矣遂棄之水敘按沔乃漢水通名且橫渠過郢未嘗至沔也故不敢書贊曰逶迤江鄉冠蓋罕集雍容數賢於焉棲迹景行方來作賓斯邑

孝義傳

沔陽州志卷十八 六

元徐勝祖沔陽人史稱其居喪廬墓

皇明呂中字子正景陵人以辟舉授四川布政司照磨性至孝父蚤喪奉母甚謹每夙興必正衣冠四拜母亡廬其墓側朝夕號哭三年乃歸

張世芳知州張柏子父病割股直指旌其門曰孝行劉繼榮沔陽衛人庠生母死廬墓以孝行旌表

高鵬字用素沔陽人父貴以應貢死洞庭求其屍不得招魂以葬日夕抱木主以哭目爲喪明里人咸稱高孝

子云

童守恆字邵德沔陽州人爲郡庠生生平修行事嫡母以孝聞弟守咸守孚並皆善士一門雍睦友愛篤至御

史徐旌其廬曰孝子之門

元翟氏景陵張楚材妻夫卒時年二十守節終身至正間旌其門

王氏景陵吳伯璋妻夫卒時年二十守節終身至正間旌其門

皇明熊氏沔陽袁子傑妻夫卒年僅二十有四守節終身有司以聞詔旌其門

王氏沔陽軍人馬把攬妻夫從軍亡時王年二十有五貧苦無依守節至死永樂間事聞詔旌其門

任氏吳副使欽母也少歸武林吳景景沒任年止二十有五姻黨憫其少欲奪其志輒號泣不食誓以死守躬

沔陽州志卷十八

二

自訓子十歲猶不令出戶姑患痿痺即與同寢處左右抱持夜每焚香籲天乞以身代姑復吐嘔每舉盃以俟或不及以手奉之姑沒竟蔬食不茹葷比葬得白兔二人以爲孝感所致弘治戊申有司以聞詔以節孝旌其門後以子貴封太安人年八十三終葬沔陽

費氏沔陽邱思賢妻思賢卒時年二十有五守節年八十有四終知州咸復其家

李氏邱容妻費之婦也容卒年十有九遺腹生子富終身誓死無他志姑婦並以清節相繼後先

朱氏沔陽左祥妻夫卒年十有九守節終身

石氏左祐妻祐祥弟也卒時石年十有八子宣生甫二

月守節至老持行端莊左氏二婦並以節聞四婦俱揭名旌善亭正德初部使采焉

王氏景陵蕭政妻年十九夫死無子守節獨與一老嫗朝夕紡績自給釜釜寥落處之裕如邑有巨姓而鰥聞其賢固請之屹不爲動自是人無敢復言壽七十八終弘治中知縣周端咨訪其節將聞之朝未果鄉人至今惜之

史敘曰夫孝丈夫之順德也能致其誠而已夫義女子之貞行也能致其潔而已故執一術而百善至百邪去者其惟孝義乎廬於墓非制也而勝祖中並以是稱非以其篤於天性發於純誠耶至於諸姬時遭艱阻志乖

沔陽州志卷十八

八

好合而乃執節死義卒與霜雪同皎松筠等操雖丈夫之烈何加焉於乎爲人子爲人婦者可以觀矣贊曰天經人紀維義與孝臨喪致戚處難申要結廬松楸截髮壺奧蓼莪同悲柏舟比操

外傳

陳友諒沔陽人本姓謝祖千一贅於陳遂從其姓父普才黃蓬漁子也友諒幼歧嶷比長膂力過人優於武藝嘗爲縣吏不樂會羅田徐壽輝與倪文俊兵起慨然往從之爲文俊簿書掾尋亦領兵爲元帥及文俊專恣心不能平元至正丁酉九月文俊謀殺壽輝不果奔黃州友諒因乘釁襲殺之遂並其軍自稱平章戊戌友諒攻

安慶守臣余闕固守倚小孤爲藩蔽命義兵元帥胡伯顏統水軍戍守友諒自上流直擣山下伯顏與戰四日夜不勝奔還友諒進薄城下闕遣兵扼之俄而饒兵攻西門友諒兵乘東門既登城闕簡死士奮擊敗之友諒恚甚乃並軍樹柵起飛樓來攻闕分兵捍敵晝夜不得息友諒兵四面蟻集城陷闕死之夏四月破龍興路復破瑞州五月友諒遣康泰趙琮鄧克明等攻邵武又遣別將攻吉安路進破撫州八月破建昌路九月破贛州十一月破汀州己亥三月遣兵略衢州復遣兵破襄陽路六月復遣其黨王奉國攻信州元江東廉訪使伯顏不花的斤自衢往援破走其兵後數日又攻之復大破

沔陽州志卷十八

九

之友諒弟友德植木柵攻城益急又遣使說降的斤數其罪而斬之王奉國遂穴地梯城晝夜攻之踰旬城陷的斤死之十二月陷杉關初徐壽輝聞友諒破龍興欲徙都之友諒忌其來不利己不從至是壽輝固引兵發漢陽南下江州友諒陽出迎而伏兵於城西壽輝既入門閉伏發盡殺其部屬惟存壽輝以江州爲都居之遂自稱漢王立王府置官屬事權一歸友諒壽輝擁虛位而已庚子四月友諒以壽輝自樅陽攻池州張德勝率我師往援至則守將趙忠被執城已陷矣乃設伏敗之斬首萬級生擒三千餘遂復池州五月漢王友諒以重兵犯太平城陷殺其守將花雲遂直犯龍江太祖大怒

命諸大將共謀擊之於石灰山殺傷相當馮勝率敢死士直衝其中堅大破之友諒僅以身免追至采石復與大戰友諒復敗而遁遂復太平初友諒犯太平挾壽輝以行及太平陷急謀僭竊乃於采石舟中伴使人詣壽輝前白事令壯士持鐵鎚自後擊之碎其首壽輝死友諒遂以采石五通廟爲行殿稱皇帝國號漢改元大義仍以鄒普勝爲太師張必先爲丞相羣下立江岸草次行禮值大雨至略無儀節既而復還江州遣人約張士誠侵建康太祖以康茂才與友諒舊召使畫策茂才曰吾家有老闔舊常事諒令齋書僞降約爲內應必信無疑友諒得書果大喜問曰康公安在曰見守江東橋又

沔陽州志卷十八

十

日橋何如曰木橋也乃遣使還謂曰歸語康公吾卽至至則呼老康爲號歸具以告乃命李善長易江東橋以鐵石通宵治之友諒至見非木橋乃驚疑連呼老康無應之者始知闔者謬己茂才乃合諸將奮擊大破之降其將張治雄梁鉉喻國興劉世衍等縛其士卒二萬友諒奔還尋遣其將張定邊陷安慶府太祖乃命諸將曰友諒賊殺其主僭稱大號侵我太平犯我建康今又以兵陷我安慶觀其所爲不滅不已爾等其厲士卒以從徐達進曰師直爲壯今我直而彼曲焉有不克獻計者或謀以城降或以鐘山有王氣欲奔據之或欲決死一戰而走未晚也劉基獨張目不言太祖乃召基入內基

曰先斬主降議及奔鐘山者乃可破賊耳太祖曰先生計將安出基曰如臣之計莫如傾府庫開至誠以固土心且天道後舉者勝宜伏兵伺隙擊之取威制敵以成王業在此時也太祖遂用基策督諸帥率舟師乘風颶流而上遂克安慶長驅向江州距其都五里許友諒始知之謂神兵自天而降大破之友諒挈妻子夜奔武昌我師遂入九江獲馬二千匹糧十餘萬石既而友諒相胡廷瑞見江州已破遣使詣軍中請降平章祝宗亦以南昌降壬寅春正月太祖命宗從徐達征武昌宗中道叛回據南昌四月始定其亂太祖曰得南昌是去陳氏一臂因命大都督朱文正統元帥趙德勝等往鎮其地

沔陽州志卷十八

十一

時友諒據湖廣張士誠據浙西皆未下眾以爲蘇湖地肥饒欲先取之基曰士誠自守虜耳友諒居上流且名號不正宜先伐之陳氏既滅取張氏如囊中物耳太祖曰友諒剽而輕其志驕士誠狡而懦其器小志驕則好生事器小則無遠圖若先攻士誠友諒必空國而來是我疲於應敵事有難爲先攻友諒士誠必不能踰姑蘇一步以爲之援朕所以取二寇者固自有先後也會友諒忿其疆場日蹙乃作大艦來攻洪都自爲必勝之計載其家屬百官空國而來以兵圍城其氣甚盛號六十七萬兵戴竹盾禦矢石用雲梯等攻具百道攻城文正城上發礮石檣木火箭無不破之敵晝夜環攻友諒親督

促之意必拔文正主畫軍中分布諸將隨方應敵翦獲甚眾友諒復以所獲吉安守將劉齊朱華臨江同知趙天祐狗城下文正略不爲動已而德勝中流矢死被圍日久音問不通文正遣千戶張子明告急於建康敵攻城益急文正遣捨命王詣友諒營詐約日出降友諒信之緩其攻及期城上旗幟一新至暮不出友諒乃縛捨命王於城下殺之文正堅守以待援至初子明取東湖小漁舟夜行晝止半月始達建康見太祖具言其故上問友諒兵勢何如子明對曰友諒兵雖盛戰鬥死者亦不少今江水日涸賊之巨艦將不利用又師久乏糧若援兵至必可破也太祖曰歸語文正但堅守一月吾當

沔陽州志卷十八

十二

自取之子明還至湖口爲友諒所執友諒使呼文正出降子明至城下呼曰大軍且至固守以待文正聞之守益堅敵莫能破七月丙戌太祖親帥諸將發舟師二十萬進次湖口自友諒圍洪都至是凡八十有五日常援兵至卽解圍東出鄱陽湖以逆我師丁亥遇於康郎山戊子我師分爲十二屯徐達常遇春諸將擊敗其前軍俞通海復乘風發火礮焚寇舟二十餘艘軍威大振友諒驍將張定邊奮前欲戰常遇春射卻之廖永忠卽以飛舸追定邊定邊走身被百餘矢士卒多死傷己丑諸軍接戰至哺東北風起復以七舟載葦荻置火藥其中乘風縱火焚其水寨舟數百艘火熾十里之間煙焰漲

天湖水盡赤友諒弟友仁友貴及平章陳普略等皆焚死溺萬餘人賊鋒盡挫庚寅永忠通海等以六舟深入鏖戰敵聯大艦擁蔽悉竭力以死拒我師望六舟無所見意已陷沒有頃六舟飄飄而出勢若游龍我師見之勇氣愈倍合戰益力呼聲動天地敵兵大敗友諒奪氣辛卯張定邊欲挾之退保鞋山爲我師所扼不得出斂舟自守不敢戰是夕我師渡淺泊於左蠡與友諒相持者三日八月八日我師入江駐南湖嘴水陸結營劉基期以金木相犯日決勝負敵舟不敢出糧且盡壬戌友諒計窮冒死突出欲由禁江口奔還武昌太祖麾諸將邀擊之舟聯比隨流而下自辰至酉力戰不已友諒是

沔陽州志卷十八

三

日中流矢貫睛及顛而死擒其太子善兒諒自稱帝至死僅四年年四十四其平章陳榮姚天祥已下悉以樓船軍馬五萬來降定邊乘夜以小舟載友諒屍及其子理徑趨武昌復立理爲帝改元德壽我師復圍之甲辰春正月太祖建國號吳二月以武昌圍久不下乃親往視師督諸將擊之擒其元帥張必先旣而遣羅復仁入城諭陳理使降遂率其太尉張定邊詣軍門降凡府庫悉令理自取城中民多饑困命給粟賑之於是湖廣江西諸郡相繼皆降乃封友諒父普才承恩侯理順德侯友諒兄友富歸仁伯友直懷恩伯弟友仁追封康山王命有司望像歲祀焉後普才徙滁理徙高麗

史敘曰胡元亂華天地晦塞譬諸禽獸人得而驅之也友諒奮臂黃蓬提戈荆楚遂能屢破堅城卒僭尊號可謂勇矣然旣戕主帥復弑天完凶戾罕儔殘虐無厭人謂項籍矯殺冠軍陰弑義帝大抵同矣及天命有歸真人首出諒不能委身江漢輸款闕廷而乃犯我龍江闕我洪都盛兵東下志意驕悍此何異榮陽之圍也卒之授首鄱陽鯨鯢盡殪何暇烏江之到乎驅爵於林驅魚於淵蓋聖王之鷙獺爾余因據國史書之又明玉珍或云沔人史云隨人故不書

沔陽州志卷十八

十四

贊曰嗟爾漁豎贖禍構亂雲擾荆楚鼎沸江漢師挫鄱湖自取糜爛作我驅除用基外傳

沔陽州志卷十八

盧靖校刊

重刊嘉靖沔陽州志跋

右沔陽州志十八卷明童承敘撰承敘字士疇一字漢臣別號內方沔陽人正德辛巳進士改庶吉士授編修歷官左春坊左庶子所著有內方集家兄木齋已刊行之矣先生所撰沔志當時與康海武功志王九思鄠縣志稱海內三名志李本寧言沔志有兩京程度胡可泉言童太史志沔陽猶存史體章實齋為近代方志專家少所與許亦極稱此志敘次篇目潔而不蕪要非恒流所擬惜吾邑地濱江漢水匯沱潛鄉邦典籍多付洪流道光中葉陸文節公刊先生集獨遺此志余生也晚搜尋益艱夢寐神往縣歷歲時輾轉覓求終不少輟聞同

沔陽州志跋

邑王君儀九家鳳纂輯沔志時曾獲陳文燭費尙伊二

公續修邑志二公為先生後進雅重先生文不省易一字依類續補瞭然可辨今刪去陳費二家所增童氏名志得復舊觀陸立夫王子壽兩先生所欲刊布而未能者吾輩後生乃得而傳播之其愉快為何如耶或謂志以州名何以有郡紀而又自署郡人原書開卷第二行郡人童承敘今僅署沔陽童承敘實齋當日僅見敘例與內方集殘帙未見原志故懷疑郡紀二字不知明因元制沔實為郡洪武九年改郡為州雖省玉沙仍領景陵實有今沔陽天門二縣地故志嘉靖以前事皆郡志也志郡事書郡人無足異也嘉靖十年沔陽改隸承天今安陸陸府興都大典聳動一時附鳳攀龍侈陳符籙而

先生獨謂此為國家中興之業非一方一時所藉以鋪揚盛美者見內方集卷八故撰志斷至嘉靖九年而止

此先生之微旨當時所未能顯言者然非有良史之特識不及此夫世宗當日以藩邸諸王入承大統非南陽之崛起異少康之中興議禮紛囂盈庭聚訟張桂諸人要媚新主殿閣詞臣珥筆獻頌先生以代來侍從閉門守玄無所阿附廿載宮寮不希進取氣節風骨炳耀千秋不僅以良史稱也此志名賢逸士二傳它志所無南宋詩人蕭千巖籍隸復州當時有尤蕭范陸之目有姜白石詩詞可證此可引為鄉里重者志中顧未之及或與張天麟嚴貞同為脫漏者乎未可知也良牧傳贊有

沔陽州志跋

傳王君喆嗣建屏以陳費二志暨刪鈔童志相昇雅意

可感舊本傳鈔殊多訛奪各檢引用原書勘正胡君經亭歐君季香先後參校謹識弗諉家兄木齋命付梓人俾耆先生文者無抱殘守闕之憾而有展卷陶然之樂也丙寅花朝日同里後學盧弼謹跋於都門寓廬